

Holy Bible

Aionian Edition®

भगवानेन छाचला बुल

Bhilali Bible

Holy Bible Aionian Edition ®

भगवानेन छाचला बुल
Bhilali Bible

Creative Commons Attribution ShareAlike 4.0 International, 2018-2025

Source text: eBible.org

Source version: 4/25/2025

Source copyright: Creative Commons Attribution ShareAlike 4.0
The Word for the World International, 2024

Formatted by Speedata Publisher 5.1.3 (Pro) on 5/4/2025

100% Free to Copy and Print

TOR Anonymously

AionianBible.org

Published by Nainoia Inc, <https://Nainoia-Inc.signedon.net>

All profits are given to <https://CoolCup.org>

We pray for a modern Creative Commons translation in every language
Translator resources at <https://AionianBible.org/Third-Party-Publisher-Resources>

Report content and format concerns to Nainoia Inc

Volunteer help is welcome and appreciated!

Celebrate Jesus Christ's victory of grace!

Preface

Bhilali at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Please understand these eleven words. The original translation is unaltered and a highlighted note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by/4.0, allowing 100% freedom to copy and print, if respecting source copyrights. Check the Reader's Guide and read at AionianBible.org, with Android, and with TOR network. Why purple? King Jesus' Word is royal and purple is the color of royalty! All profits are given to CoolCup.org.

History

Bhilali at AionianBible.org/History

- 06/21/75 - Two boys, P. and J., wonder if Jesus saves all and pray.
- 04/15/85 - Aionian Bible conceived as B. and J. pray.
- 12/18/13 - Aionian Bible announced as J. and J. pray.
- 06/21/15 - Aionian Bible birthed as G. and J. pray.
- 01/11/16 - AionianBible.org domain registered.
- 06/21/16 - 30 translations available in 12 languages.
- 12/07/16 - Nainoia Inc established as non-profit corporation.
- 01/01/17 - Creative Commons Attribution No Derivatives 4.0 license added.
- 01/16/17 - Aionian Bible Google Play Store App published.
- 07/01/17 - 'The Purple Bible' nickname begins.
- 07/30/17 - 42 translations now available in 22 languages.
- 02/01/18 - Holy Bible Aionian Edition® trademark registered.
- 03/06/18 - Aionian Bibles available in print at Amazon.com.
- 09/15/18 - Aionian Bible dedicated as J. and J. pray again.
- 10/20/18 - 70 translations now available in 33 languages.
- 11/17/18 - 104 translations now available in 57 languages.
- 03/24/19 - 135 translations now available in 67 languages.
- 10/28/19 - Aionian Bible nursed as another J. and J. pray.
- 10/31/19 - 174 translations now available in 74 languages.
- 02/22/20 - Aionian Bibles available in print at Lulu.com.
- 05/25/20 - Illustrations by Gustave Doré, La Grande Bible de Tours, Felix Just.
- 08/29/20 - Aionian Bibles now available in ePub format.
- 12/01/20 - Right to left and Hindic languages now available in PDF format.
- 03/31/21 - 214 translations now available in 99 languages.
- 11/17/21 - Aionian Bible Branded Leather Bible Covers now available.
- 12/20/21 - Social media presence on Facebook, Twitter, LinkedIn, YouTube, etc.
- 01/01/22 - 216 translations now available in 99 languages.
- 01/09/22 - StudyPack resources for Bible translation study.
- 01/23/22 - Volunteers celebrate with pie and prayer.
- 02/14/22 - Strong's Concordance from Open Scriptures and STEP Bible.
- 02/14/23 - Aionian Bible published on the TOR Network.
- 12/04/23 - Eleēsē added to the Aionian Glossary.
- 02/04/24 - 352 translations now available in 142 languages.
- 05/01/24 - 370 translations now available in 164 languages.
- 08/05/24 - 378 translations now available in 165 languages.
- 08/18/24 - Creative Commons Attribution 4.0 International, if source allows.
- 10/20/24 - Gospel Primer handout format.
- 11/24/24 - Progressive Web Application off-line format.
- 01/28/25 - All profits are given to CoolCup.org.
- 03/12/25 - 382 translations now available in 166 languages.
- 05/04/25 - 393 translations now available in 175 languages.

Table of Contents

NEW TESTAMENT

मत्ती	1
मरकुस	29
लुका	47
युहन्ना	80
नेवताळा	105
रोमी	137
1 कुरींथी	149
2 कुरींथी	160
गलाती	168
ईफीसी	173
फीलीपी	178
कुलुसी	182
1 थीसलुनीकी	186
2 थीसलुनीकी	189
1 तीमुथी	191
2 तीमुथी	195
तीतुस	199
फीलेमोन	201
ईब्रानी	202
याकुप	213
1 पतरस	217
2 पतरस	221
1 युहन्ना	223
2 युहन्ना	227
3 युहन्ना	228
यहुदा	229
उजेंता बुले	230

APPENDIX

Reader's Guide

Glossary

Maps

Destiny

Illustrations, Doré

NEW TESTAMENT



तत्पार ईसु बास भगवान सी लीलघायून कहयु, “ए बास ईनुक माफी आप दे! काहाकी जे नी जाणता, की जे काय कर र्या।”
ने अळतेन चे सीपायड़ा चिट्ठी नाखीन ईसुन पुथल्या वाट लेदा।

लुका 23:34

मत्ती

1 अब्राहमेन अवल्यात दावुदेन अवल्यात, ने ईसु मसीन खानदानी असी छे। 2 अब्राहम सी इसाक पयदा हयु, इसाक सी याकुप पयदा हयु, याकुप सी यहुदा ने तेरा भायस पयदा हया। 3 अळतेन यहुदा ने तामार सी फीरीस ने जेरह पयदा हया, फीरीस सी हेस्र्यान पयदा हयु, ने हेस्र्यान सी एराम, 4 अळतेन एराम सी अम्मीनादाब पयदा हयु, अम्मीनादाब सी नहसोन, ने नहसोन सी सलमन पयदा हयु। 5 सलमन ने राहाब सी बोआज पयदा हयु। बोआज ने रूत सी ओबेद पयदा हयु, ने ओबेद सी यीसे पयदा हयु। 6 ने यीसे सी दावुद राजु पयदा हयु। दावुद सी सुलेमान पयदा हयु जी पेहेल उरीय्याहन घरवाळी हतली। 7 सुलेमान सी रहबाम पयदा हयु, ने रहबाम सी अबीय्याह पयदा हयु ने अळतेन अबीय्याह सी आसा पयदा हयु। 8 आसा सी यहोसाफात पयदा हयु, यहोसाफात सी योराम पयदा हयु, ने योराम सी उज्जीयाह पयदा हयु। 9 उज्जीयाह सी योताम पयदा हयु, योताम सी आहाज पयदा हयु, आहाज सी हीजकीय्याह पयदा हयु। 10 हीजकीय्याह सी मनस्सीह पयदा हयु, मनस्सीह सी आमन पयदा हयु, ने आमन सी योसीय्याह पयदा हयु, 11 ने ईस्रायली जातीन माणसे काजे धरीन बेबीलोन ईलाका मां जाणेन टेमे, योसीय्याह सी यकुन्याह ने तेरु सगु भायस पयदा हया। 12 ने ईस्रायली जातीन माणसे काजे धरीन बेबीलोन जाणेन पछेन यकुन्याह सी सालतीयेल पयदा हयु, ने सालतीयेल सी जरुबाबील पयदा हयु, 13 जरुबाबील सी अबीहुद पयदा हयु, अबीहुद सी ईलयाकीम पयदा हयु, ने ईलयाकीम सी अजोर पयदा हयु, 14 अजोर सी सदोक पयदा हयु, सदोक सी अखीम पयदा हयु, ने अखीम सी ईलीहुद पयदा हयु, 15 ईलीहुद सी ईलीयाजर पयदा हयु, ईलीयाजर सी मतान पयदा हयु, ने मतान सी याकुप पयदा हयु, 16 याकुप सी युसुफ पयदा हयु, चु मरीयमेन अदमी हतलु, ने मरीयम सी ईसु पयदा हयु चु मसी कहवाये। 17 एरेन तसी अब्राहम सी दावुद लग चवदा पीड़ी हवी, ने दावुद सी बेबीलोन ईलाका मां धराय जाणेन टेमे लग चवदा पीड़ी हवी, ने बेबीलोन ईलाका मां धरायन ली जाती रया तत्तार तीनी टेम सी लीन मसी लग चोवदा पीड़ी हवी। 18 ईसु मसी असु पयदा हयु की तत्तार तेरी माय मरीयमेन मांगणी युसुफ साते हय गुयली, ने तींद्रे भेळा हवणेन सी पेहलुत चुखली-आत्मा सी भारीस हतली। 19 तत्तार तेरु अदमी युसुफ चु धरमी हतलु, ने तीनी काजे नाव-बददी करने नी चाहतेलु, तीनीक कळेत छुडनेन वीच्यार करने बाजी गुयलु। 20 जत्तार चु हीनी वातेन वीच्यार मां पड़ रवलु ती मालीक भगवानेन सरग वाळु काहवाळ्यु तीना काजे सपनाम देखायन कहवणे लाग्यु, “ए युसुफ! दावुदेन अवल्यात, तु बायर मरीयम काजे तारेन चां लावणे सी मां बीहे, काहाकी ज तेरा पेट मां छे, च चुखली-आत्मान भीणी सी छे।

21 तेरु एक पुर्यु हवसे ने तु हेरो नाव ईसु पाड़जी, काहाकी हयु आखा माणसेन तींदरा पाप सी छुटकार आपसे।” 22 ज आखो असो करीन हयो की ज बुल मालीक भगवानेन अधी सी आवणे वाळी वात देखान्यान साहरे कहलो, च पुरो हवे, 23 “देखु, एक कुवारली पुरे भारीस हवसे, ने तेरु एक पुर्यु पयदा हवसे, ने हेरो नाव ईममानुएल पाड़जी,” तेरो मतलब छे “भगवानुत हामरे पुठये छे।” 24 तत्तार युसुफ नीद मां सी जागीन मालीक सरग वाळा काहवाळ्यान हुकुम सामळीन तेरी बायर काजे ली आयु, 25 ने जत्तार लग पुर्यु पयदा नी हयु तत्तार लग युसुफ तेरे थड़े नी गुयु, ने चु तेरो नाव ईसु पाड़्यु।

2 जत्तार हेरोदेसेन राजान राज चाल रहलो, तीनुत दाहड़ा मां यहुदीया जीलान बेतलहम गांव मां ईसु पयदा हयु, ती उगेवणा सी तारा देखीन रासी देखण्या यरुसलेम सहर मां आया। 2 ने पुछ्या की, “यहुदी माणसेन पुर्यु राजु पयदा हयु, चु कां छे? काहाकी हामु उपर उगवणु सी तारु उंगलु देख्या तेरेमां हामु पुछ रया ने तीना काजे हामु पांये पड़ीन आंधणे आवला छे।” 3 जत्तार हेरोदेस राजु जी वात सामळीन घाबराय गुयु, ने तेरे पुठये यरुसलेम सहर मां रहणे वाळा बी आखा घाबराय गुया। 4 तेरेमां हेरोदेस राजु आखा मुख्या पुजारा ने यहुदी नीयम सीकाड़न्या मास्तर्त्याक भेळा करीन तीनुक पुछ्यु, “की मसी कां पयदा हवसे?” 5 चे कह्या की “यहुदीया जीलान बेतलहम सहर मां हवसे, काहाकी भगवानेन अधी सी आवणे वाळी वात बताड़न्या माणसेन साहरे असो लिखलो छे। 6 “ए बेतलहम सहर, तु यहुदीया देस वाळा, काहना बी मटला सहर नानु नी हय, काहाकी तारे सीत एक असलु राज करन्यु पयदा हवसे, चु मारा ईस्रायेली जातीन माणसेन गुवाळी करसे।” 7 तत्तार हेरोदेस राजु तारा देखीन रासी देखण्याक कळेन बुलायन तीनुक पुछ्यु की तारु तुहुंक काहनी टेमे देखाव पड़लु, 8 अळतेन चु असो कयन तीनुक बेतलहम सहर मां मकल्यु, “जावु, तीना पुर्यान बारामां पतु करु, ने जत्तार जड़ जाय तत्तार मेसे खबर करु काहाकी मे बी आवीन तेरा पाये पड़ीस।” 9 ने चे राजान वात काजे मानीन चाल पड़्या, ने तीना तारा काजे चे उंगतेलु देखला चु तारु बी तींद्रे अगळ-अगळ चाल पड़्यु, ने चां पुर्यु हतलु, तीनी जागा पर जायन चु तारु उबु रय गुयु। 10 ने तीना तारा काजे देखीन चे बेसका खुस हय गुया। 11 चे तीना घर मां जायन तीना पुर्या काजे हेरी माय मरीयम साते देख्या, ने उबडा पड़ीन पुर्या काजे आंध्या, ने आपणा-आपणा थयलाम सी तीना काजे सनो, लुभान, ने मंहगलो ईत्तर भेट चड़ाया। 12 बाकुन भगवान सी सपना मां असी खबर जड़ी की, हेरोदेस थड़े पछा घुण जावु, तत्तार चे दीसरे वाट्ये सी आपसान देस मां पछा जाती रया। 13 अळतेन चे तारा देखीन रासी देखण्या चां सी जाती रया ने पछेन मालीक भगवानेन सरग वाळु काहवाळ्यु सपना मां ईसुन बास युसुफ काजे देखायन कह्यु, “उठ, ईना पुर्या काजे ने हेरी माय काजे लीन मीसर देस मां जाती रव; ने

जत्त्यार लग मे तुसे नी कहं, तत्त्यार लग चांहान रवजी; काहाकी हेरोदेस ईना पुर्या काजे माराडने करीन हेरसे।” 14 तत्त्यार युसुफ उठीन पुर्याक मे हेरी माय काजे रातेत लीन मीसर देस मां जाणे करीन चाल पड्यु। 15 ने हेरोदेस मरने लग चांहान रयु। काहाकी ज बुल मालीक भगवानेन अघी सी आवणे वाळी वात बताडन्या माणसेन साहरे कहलो छे, चो पुरो हवे की, “मे मारा पुर्या काजे मीसर देस सी बाहर बुलायु।” 16 जत्त्यार हेरोदेस राजा काजे असु पतु चाल्यु की, तारा देखीन रासी देखण्या मारे सी थुकु कर्या, तत्त्यार चु रीस सी भराय गुयु, ने आपसा माणसे काजे मकल्यु जसा रासी देखाडन्या जी टेम देखाडला तीनी टेमेन अनसारे बेतलहम ने तेरे आडे-धडे वाळा आखा जे दुय सालेन ने तींद्रे सी नानला पुर्या हतला तीनु काजे माराड देदु। 17 तत्त्यार ज बुल मालीक भगवानेन अघी सी आवणे वाळी वात बताडन्या माणसेन थीरमयाहन साहरे कहलो हतलो, चो पुरो हय गुयो। 18 “रामा सहर मां सी एक दया आवे तसी अवाज सामळाय, ने रडनेन ने बेसका कलपणेन बी अवाज सामळाय; राहेल तेरा पुर्या वाटे रडतेली, ने हुगी राखे तेबी हुगी नी रवतेली, काहाकी तेरा आखा पुर्या मर गुयला।” 19 ने जत्त्यार हेरोदेस राजु मर गुयु, तत्त्यार मालीकेन सरग वाळु काहवाळ्यु मीसर देस मां युसुफ काजे सपना मां देखायन कह्यु, 20 “उठ, पुर्याक ने तेरी माय काजे लीन ईस्रायेल देस मां पछु जाती रव, काहाकी चे ईना पुर्या काजे मारने हींडी रवला, चे मर गुया।” 21 तत्त्यार युसुफ सुयन उठ्यु, ने पुर्याक ने तेरी माय काजे लीन ईस्रायेल देस मां पछु जाणे करीन चाल पड्यु। 22 बाकुन युसुफ असु सामळ्यु की अखीलु तेरा बास हेरोदेस राजान आवजी पर यहुदीया पर राज कर र्यु, तेरेमां चां जाणे सी बीही गुयु। ने तत्त्यारुत सपना मां भगवानेन हुकुम सामळीन गलील जीला मां जाती र्यु, 23 ने नासरत नावेन सहर मां जायन वसी ज्य, काहाकी च बुल पुरो हवे, ज भगवानेन बुल मालीक भगवानेन अघी सी आवणे वाळी वात बताडन्या माणसेन साहरे कहलो हतलो की: “ईसु नासरी कहवायसे।”

3 तीनु दाहडा मां युहन्ना बपतीस्मा आपणे वाळु आवीन यहुदीयान बयडा मां असु परचार करने बाजी गुयु, 2 “पाप भीणी सी मन फीरायन भगवान भीणी वळु, काहाकी सरगेन राज धडेत आय लागलो छे।” 3 जु युहनुन हयुत छे तेरे बारामां भगवानेन अघी सी आवणे वाळी वात बताडन्या माणुस यसायु माणुस कहलु की, “बयडा मां एक आयडने वाळान आवाज सामळाय रय, की मालीकेन वाट काजे तीयार करु, ने तेर वाटे सयडक काजे सुदी करु।” 4 चु युहनुन उटडान कान्यान पुथल्यो पेहरी रवलु, ने चामडान पट्टु कमर मां बांदी रवलु। तेरो खाणो टिड्डा ने बयडा मायन मुहाळ हतलो। 5 तत्त्यार यरुसलेम सहर वाळा ने आखा यहुदीया जीला, ने यरदन नदीन आडे-धडेन वाळा बेसका माणसे तेरे धडे आया। 6 चे आपणा-आपणा पाप काजे मानीन भगवान भीणी वळता जायन यरदन

नदी मां युहन्ना सी बपतीस्मा लेदा। 7 जत्त्यार युहन्ना बेसका फरीसी माणसे ने सदुकी माणसे काजे बपतीस्मा लेणे करीन तेरे धडे आवतेला देख्यु, ती तीनुक कह्यु, “ए घडसान पीला, तुहुंक कुण बताड देदो की आवणे वाळी रीस सी ढासु? 8 ने कदी तुहुं पाप भीणी सी मन फेरवु ती तसा वारु फळ बी लावसु, 9 ने आपणा-आपणा मन मां असा वीच्यार बी मां करु की हामु हामरा आडा-बुडान डाहलु बास अब्राहमेन अवल्यात छे; मे तुंद्रे सी कहं की, भगवान हीनु दगडा सी बी अब्राहम वाटे अवल्यात पयदा कराड सके। 10 ने झाडकान मुळ्या पर कुरहाड मेकली छे, काहाकी जो झाडको वारलु फळ नी लावे, तीना काजे काटीन आकठा मां नाख देसे। 11 मे ते पाणी सी तुहुं काजे मन फेरवणेन बपतीस्मा देदलु छे, बाकुन जु मारे पछळ आवणे वाळु छे, चु मारे सी बी मटु छे, मे तेरा खासडा हाकलने लायक बी नी हय, चु तुहुंक चुखली-आत्मा ने आकठा सी बपतीस्मा देसे। 12 तेरो सुपडो तेरा हात मां छे, ने ईसु तेरा खळा मायन कचराळा दाणा काजे वारु वाहळा मां उडाडीन चुखाळसे, ने तेरा गहुं काजे ते कणगी मां भेळु करसे, बाकुन चारा काजे जलम नी उलहाये तीना आकठा मां नाख देसे।” 13 तीनी टेमे ईसु गलील जीलाम सी चालीन यरदन नदी मां युहन्ना धडे बपतीस्मा लेणे आयु, 14 बाकुन युहनुन असु कयन ईसु काजे रुकणे बाजी गुयु, “मेसेक ते तारा हात सी बपतीस्मा लेणेन जरुवत छे, ने तु मारे धडे काहा आयु र्यु।” 15 बाकुन ईसु तीना काजे असु जपाप आप्यु, “हय ते असोत हवणी दे, काहाकी हामु ईनीत रीते आखा वारलु काम माणसे काजे पुरो करनु जी भगवानेन मरजी छे।” तत्त्यार चु तेरी वात काजे मान लेदु। 16 ने तत्त्यार ईसु बपतीस्मा ली लेदु, ने जसु पाणीम सी बाहर नीकळ्यु, तत्त्यार सरग खुल गुयो। ने हयु भगवानेन आत्मा काजे पेरवान तसु उतरतेलु ने तेरे उपर आवतेलु देख्यु। 17 ने तत्त्यारुत, उपर सरग सी असी अवाज आवी की, “जु मारु लाटेकलु पुर्यु छे। हेरेसी मे बेसकु खुस छे।”

4 तत्त्यार ईसु बपतीस्मा ली लेदु, ने अळतेन भगवानेन आत्मा ईसु काजे बयडा मां लीन गुय काहाकी भुतडा सी हेरी पारख हय सके। 2 ईसु चालीस दाहडा, ने चालीस रात, लग उपास र्यु, तत्त्यार तीना काजे भुक लागी। 3 तत्त्यार पारखणे वाळु भुतडु तेरे धडे आवीन तीना काजे असु कह्यु, “कदी तु भगवानेन पुर्यु हय, ती कय दे, की जे दगडा रुटा बण जाय।” 4 बाकुन ईसु भुतडाक जपाप आप्यु की, “खरला सासतुर मां लिखलो छे, माणुस नीस्तु रुटा खायन नी जीवे, बाकुन हेरेक तीना बुल सी जीवे जो भगवानेन मुंहडाम सी नीकळे।” 5 तत्त्यार भुतडु तीनाक यरुसलेम सहर मां लीन गुयु, चो सहर चुखलो कहवाये, ने चां मंदीरेन मुंडेरी पर उबु कर्यु, 6 ने भुतडु ईसु काजे असु कह्यु, कदी तु भगवानेन पुर्यु हय, ती हया सी नेचु कुद जां; काहाकी खरला सासतुर मां लिखलो छे की, भगवान मालीक आपसा सरग वाळा काहवाळ्या काजे हुकुम, आपसे ने

चे तुमेक उपरुत झेल लेसे, “काहाकी तारे पाये दगड़ान ठेसु लग नी लागणे देय।” 7 ईसु तीना काजे कह्यु, “सासतुर मां असो बी लिखलो छे की, ‘तु आपसा मालीक भगवान काजे घुण पारखे।” 8 पछेन भुतडु ईसु काजे एक मटला बयड़ा पर ली गुयु, ने तीनाक कळीन आखा राजे ने तेरो सींगार देखाड्यु। 9 ने ईसु काजे असु कह्यु, “कदी तु मेसेक पाये पड़ीन आंधसी, ती जो काय तु हय देख्यु चो आखो मे तुसेक आप दीस।” 10 तत्पार ईसु भुतडा काजे कह्यु, “ए भुतडा, छेते हय जां, काहाकी खरला सासतुर मां लिखलो छे, ‘तु आपसा मालीक भगवानेन पाये पड़ीन आंध्या कर, ने तेरीत सेवा चाकरी कर।” 11 अळतेन भुतडु ईसु काजे छुड़ीन जाती रयु, ने भगवानेन सरग वाळा काहवाळ्या आवीन तेरी सेवा चाकरी करता रया। 12 जत्पार ईसु ज सामळ्यु की युहन्ना काजे जेल मां कुंड देदा, ती चु गलील जीला मां जाती रयु। 13 ने चु नासरत सहर मां नी रयु, ने नासरत सहर छुड़ीन कफरनहुम सहर मां रहणे बाजी गुयु, जबुलुन ने नपूताली देस मां छे, चां जायून रहणे बाजी गुयु; 14 असो तरेमां हयो की भगवानेन अधी सी आवणे वाळी वात बताइन्या माणुस यसायान साहरे लिखलो हतलो, चो पुरो हयो। 15 “जबुलुन ने नपूतालीन देस दरीयान वाटे पर, ने यरदन नदीन बुडेवणा मां, ने नी-यहुदी माणसे गलील। 16 ने जे माणसे आंदारला मां जीवतेला, चे माणसे मटला वीजाळाक देख्या; ने जे मोतेन साहळान देस मां जीवतेला तींदरे पर बेसको मटो वीजाळो पड्यो।” 17 तीनी टेमे सी ईसु असु परचार करने बाजी गुयु की, “पाप भीणी सी मन फेरवु, काहाकी भगवानेन राज तुंदरे धडे आय लागलो छे।” 18 जत्पार ईसु गलील दरीया धडे मायन जाणे बाजी रव्लु, तत्पार ईसु तीनु दुय संगी भायस काजे देख्यु, सीमोन काजे चु पतरस बी कहवाये, ने अळी तेरु भायस अनदीरीयास काजे दरीया मां जाळ नाखतेला देख्यु; काहाकी चे काहर्या हतला। 19 ईसु तीनुक कह्यु, “मारा चेला बणीन मार पछळ आवु, ने जसा तुहुं माछा धरीन भेळा करु तसात तुहुंक मे माणसेक भेळा करने ने तीनुक मारा चेला बणावणे सीकाडीस।” 20 ने चे तत्पारुत जाळ काजे चांहान रहणीदीन ईसुन चेला बणीन ईसु पछळ चाल पड्या। 21 चां सी अगु जायून, ईसु अळी दीसरा दुय भायस काजे देख्यु, जबदीन पुर्यु याकुप काजे ने अळी याकुपेन संगी भायस युहन्ना काजे। चे तींद्रा बास जबदी पठ्ये ढंड्या मां जाळ काजे सुदारतेला। ईसु तीनुक बुलायु। 22 चे तत्पारुत ढंड्याक ने तेरा बास काजे चांहान रहणीदीन ईसुन चेला बणीन ईसु पछळ चाल पड्या। 23 ईसु आखा गलील जीला मां हींडतु-फीरतु यहुदी माणसेन भक्तीन घर-घरमां सीकाडतु रयु, ने अळी भगवानेन राजेन खुस-खबर परचार करतु रयु। ने माणसे काजे आखी भाती-भातीन मांदवाड़ ने लुलगाय सी वारु करतु रयु। 24 ने ईसुन आखा सीरीया देस मां खबर फेल गुय; तरेमां चे माणसे जी भाती-भातीन मांदवाड़ ने दुख मां पडला हतला, ने तीनु माणसे

मां भुतड़ान आत्मा लागली हतली, ने अळी फेफराळा ने लखवु लागला माणसे काजे ईसु धडे लावतेला ने ईसु तीनु काजे वारु कर्यु। 25 तरेमां गलील जीलाम सी, दस सहरन परदेस दीकापुलीस, यरुसलेम, आखा यहुदीया जीला सी ने यरदन नदीन पार वाळा बेसका माणसेन टुळा की टुळा ईसु पछळ-पछळ आवतेला।

5 ईसु बेसका माणसेन टुळा काजे आवतेला देखीन बयड़ा पर चहड़ी गुयु, ने जत्पार ईसु चां बठी गुयु ती तेरा चेला बी तेरे धडे आय गुया। 2 तत्पार ईसु तीनु माणसे काजे सीकाडतु जायून कह्यु। 3 “जे आपसा जीव-आत्मा मां गरीब छे चे बरकतवाळा छे।” काहाकी सरगेन राज तींदरोत छे! 4 “जे दुखी हयून कलपे, चे बरकतवाळा छे; काहाकी तीनुक सांती जइसे।” 5 “जे भुळा-भाळा छे; चे बरकतवाळा छे; काहाकी चे धरतीन हकदार बणसे।” 6 “वारला काम वाटे जे भुकला ने तीसला छे चे बरकतवाळा छे; काहाकी भगवान तीनुक खावड़ायून नीरसा कर देसे।” 7 “जे दयाळा छे, चे बरकतवाळा छे; काहाकी भगवान तींदरे पर दया करसे।” 8 “जे मन मां चुखला छे, चे बरकतवाळा छे; काहाकी चे भगवान काजे देखसे।” 9 “जे मेळ कराडने वाळा छे, चे बरकतवाळा छे! काहाकी चे भगवानेन पुरया-पारी कहवायसे।” 10 जे वारलु काम करने सी दुख झेले, चे बरकतवाळा छे; काहाकी चे सरग वाळा भगवान पुठ्ये राज करसे! 11 तुहुं बरकतवाळा छे, जत्पार माणसे मार पछळ चालने सी तुंदरी नाव-बद्दी करे, ने अळी एला पाडे ने लुचचाय मेली-मेलीन तुंदरा बारामां गलत वात करे। 12 तत्पार तुहुं खुस रवजु, काहाकी तुंदरे वाटे सरगे मां बेसको मटो ईनाम जइसे। जी वात तसीत छे जसी की तुंदरे सी पेहलेन भगवानेन अधली वात बताइन्या काजे बी चे माणसे लग एला पाडतेला। 13 तुहुं धरतीन माणसेन नण छे; बाकुन कदी नणुत मुळो हय जाय, ती पछेन तीनाक काय सी खारो करसु? ने चो काहना बी काम मां नी रहे, बाकुन तेरो अतरोत काम मां आवे की बाहर उराट देसे। ने माणसेन पाय तळे रंदळाये। 14 तुहुं कळीन माणसे वाटे वीजाळान तसा छे, ने चो साताय नी सके। जसों काहनोक सहर उचा बयड़ा पर वसलो रहे, तसात तुहुं बी रवजु। 15 माणसे दिवु धपाडीन चवकी तळे नी मेके, बाकुन दीवाळ्या पर मेके, चां सी चु दिवु, तीना आखा घरन्याक वीजाळो आपे। 16 तेरेन तसोत तुंदरो वीजाळो माणसे पर चमके, काहाकी चे तुंदरा वारलु कामेक देखे, ने जु तुंदरु भगवान बास सरगे मां छे, चे बी तीना बासेन बड़ाय करसे। 17 तुहुं असा मां समजु की, हयु ईसु भगवानेन नेम कायदाक ने भगवानेन अधली वात बताइन्यान किताप काजे रद करने आयु, मे रद करने नी आयु, बाकुन पुरो करने आवलु छे। 18 मे तुहुंक छाचलीन कहवो की सरग ने धरती टळी जासे, बाकुन मुसान लिखलु कायदान एक नानुस आकडु ने एकेक टीपको बी पुरो हवे पाखुर नी टळे। 19 तरेमां जे काय ईनी नानली सी नानली हुकुम मां सी कहली एक

काजे बी तुडसे, ने तसुत माणसे काजे बी सीकाडे, ने आखा सी नानलु कहवायसे; बाकुन जे काहनाक ईनी वातेक मानीन चालसे ने दीसराक बी तीनु वात पर चालने करीन सीकाडसे, ती हयु सरगेन राज मां मटलु कहवायसे। 20 मे तुंद्रे सी छाचलीन कहवो की कदी तुंद्रो वारलु काम यहुदी नीयम सीकाडन्या मासूतर्या ने फरीसी माणसेन धरमेन काम सी बडीन नी रवे, ती तुहुं सरगेन राज मां कदी नी भराय सकु। 21 तुहुं ते सामळी रया, की पेहला माणसे सी कहली वात हतली की, खुन घुण करु ने जु काहनुक खुन करसे चु जेल मां डंड भुकत्से। 22 बाकुन मे तुहुंक असु कहं की, जे काहनाक आपसा भायस पर रीस करसे, चे जेल मां डंड भुकत्से, ने जे काहनाक आपसा भायस काजे नाव-बद्दी करे, चु मटला पंचु अगळ डंड भुकत्से, ने जे काहनाक आपसा भायस काजे असा कहें की ए डेड-अकल्या ती चु नरकेन आकठा मां डंड भुकत्से। (Geenna g1067) 23 हेरेसी कदी तु वेदी पर आपसी बादा चडावणे लाय रयु हय, ने चां सी तुसेक जी हेर आवे, की, मारु भायस, मार पर नराज हय रयु, 24 ती तु आपसी बादा काजे वेदी अगळुत रहणीदीन, पेहेल तारा भायस सी मेळ कर ले, ने अळतेन आयन तारी बादा चडावजी। 25 तारु वेरी तुसे कुरुट-कचेवरी मां ली जाणे बाजी रवे, ने चु तत्वार वाटेत मां रवे, ती तु छाटुस जायन तेरे सी वात सार लेजी, नीते असो नी हय जाय की चु तुसे नीयाव करन्या सीपायडान हातेम सुप देय, ने सीपायडा तुसेक जेल मां कुंड देय। 26 मे तुसेक छाचलीन कहवो, की जत्वार लग एकेक टकु भरी नी देय, तत्वार लग तुसेक जेल मां सी नी नीकळाये। 27 “तुहुं ज बी सामळी रया, की छीनाळो घुण करु।” 28 बाकुन मे तुंद्रे सी असु कहं की, जु काहनुक काहनीक बायरी पर छीनाळो करनेन गलत नींगा नाखे, चु आपसा मन मां छीनाळो कर लेदुलु छे। 29 कदी तारु जेवड्यु डुळु उत्तर बणीन तुसेक पाप कराडे, ती तीनाक नीकाळीन नाखे दे; काहाकी तारे वाटे ज वारु छे की, तारा डील मां सी एक अंग नास हय जाय ने तारु आखु डील नरक आकठाम सी बचणु तार वाटे वारु छे। (Geenna g1067) 30 ने कदी तारु जेवड्यु हात तुसेक पाप कराडे, ती तीनाक काटीन उराट दे; काहाकी तारे वाटे जय वारु छे की तारा डील मां सी एक अंग नास हय जाय ने तारु आखु डील नरक आकठाम सी बचणु तार वाटे वारु छे। (Geenna g1067) 31 “असो बी कहलो हतलो, जु काहनुक आपसी लाडी काजे छुडने हींडे, ती तीनीक छुडनेन चिट्ठी लिखीन आप देणु चाहजे।” 32 बाकुन मे तुहुंक असु कहं की, जु काहनुक आपसी लाडीक छीनाळान वात छुडीन दीसरी वजे सी छुड देय, ती चु तीनीक छीनाळो कराडे ने जु कुय तीनी छांडायली बायर काजे बणावे, चु बी छीनाळो करे। 33 “अळी तुहुं पेहला माणसेक कहली वातेक सामेळला हतला, की झुटी सगुन घुण खाजु, बाकुन भगवान मालीक अगळ खादली सगुन काजे पुरी करजु।” 34 बाकुन मे तुहुंक कहवो की, तुहुं कदी सगुन खानु घुण; काहाकी

सरग, भगवानेन राजगादी छे; 35 ने नी धरतीन, काहाकी ची तेरा पायेन चवकी छे; नीते यरुसलेम, तीना भगवानेन सहर छे, चु राजान राजु छे। 36 ने आपणा मुणकान एक बी सगुन घुण खावु; काहाकी तु एक कान्याक बी नी धवळा ने नी काळुळा कर सके। 37 ने तुंद्री वात “हव” हय ती “हव” कवजु ने “नी” हय ती “नी” कवजु, काहाकी ज काय एरे सी अदुस कहें, चो कुहर्या भुतडाम सी उब्जे। 38 “तुहुं पेहला माणसेक कहली वातेक सामेळला हतला की, ‘डुळान बदले डुळ, ने दातेन बदले दात।’” 39 बाकुन मे तुहुंक असु कहं की कुहराय करन्या माणसे सी बदलु घुण लेवु; बाकुन जु काहनाक तारे जेवडे गाल पर थापड देय, तेरे भीणी दीसर गाल बी फेरवी देजु। 40 कदी काहनुक तारे पर कुरुट मां तारीक लडीन तारो कुरतो मांगणे हींडे, ती तीनाक तु चादरु बी आप देजी। 41 जु काहनाक तुसेक एक कुस असलुत चालाडीन ली जाय, ती तींद्रे साते दुय कुस चालीन जात रव। 42 जु काहनुक तुंद्रे धडे मांगे, ती तीनाक तुहुं आप देजु; ने जु काहनुक तार सी उधार मांगे, ती तीनाक नी आपतु करीन मां कहुं। 43 “तुहुं पेहला माणसेन कहली वातेक सामेळला हतला, की ‘आपणे धडे वाळा सी परम करजु, ने आपणा वेरी सी कुहराय राखजु।’” 44 बाकुन मे तुहुंक असु कहं की आपणा वेरी सी परम करु। ने जु काहनुक एला पाडे तींद्रे वाटे दुवा करु, 45 ती तुहुं सरग मां रहणे वाळा बासेन पुर्या-पारी बणसु, काहाकी चु कुहराय ने भलाय करन्या दुयु भातीन माणसे पर दाहडु उंगाडे, ने पापी ने धरमी दुयु भातीन माणसे पर पाणी पाडे। 46 कदी तुहुं आपणा परम राखणेवाळा सी परम करु, ती तुहुंक काय फळ नी जडे, काहाकी असा ते फाळु लेणे वाळा सरकारी आफसर बी करतेला। 47 “कदी तुहुं आपणा भायस काजे अतरात वारलु छे की करीन पुछ रया, ती तुहुं काहानो असो मटो काम कर रया? असा ते नी-यहुदी माणसे बी करे जे भगवान काजे नी माने।” 48 तेरेमां तुहुं पुरा-पुरा पाक्का बणु, जसु तुंदरु सरग वाळु भगवान बास पुर-पुरा पाक्कु छे।

6 “चेतीन रहु! तुहुं माणसे काजे देखाडने वाटे आपणा वारु काम मां करु, नी ते आपणा सरग वाळा बास सी काय बी फळ नी जडसे।” 2 तेरेमां जत्वार तु दान करे, ती आपणे अगळ फेप्यो मां वाजाडे, काहाकी भक्तीन घर मां ढंगडा असात करे, चे ते गळ्ये ने दीसरा माणसे सी बडाय चाहे। मे तुहुंक छाचलीन कहं, तीनुक हींद्री बडायन फळ पेहलुत जड गुयो। 3 बाकुन जत्वार तु दान करु, ती जु तारु जेवड्यु हात अगु करे, तीना काजे तारु डाखर्यु हात नी जाणनु चाहजे। 4 तुंद्रो धरम करलो काम सातायलो रवसे ती, तुंदरा सातायला धरमेन कामेक देखण्यु भगवान बास तुहुंक ईनाम आपसे। 5 जत्वार तु दुवा करे, ती ढंगडा करन्या माणसेन तसा घुण करु, काहाकी माणसे काजे देखाडने वाटे भक्तीन घर मां ने सयडकेन मुड मां उबा रयन दुवा करनु, तीनु काजे वारु लागे। मे तुंद्रे सी छाचलीन कहं की चे हींदरा कामेन फळ ली लेदा। 6 बाकुन

जतयार तुहुं दुवा करु, ती आपणा घरेन कपरा मां जायन; बारनो दीन आपणा भगवान बास सी दुवा करजु। ती सातायली वात देखणयु तुंदरु भगवान बास तुहुंक ईनाम आपसे। 7 दुवा करनी वेळाय नी-यहुदी माणसेन तसा बक-बक घुण करु, काहाकी चे समजे की हींदरे अदुस बुलने सी हींदरी सामळी लेसे। 8 तेरेमां तुहुं हींदरेन तसा मां बणु, काहाकी तुंदरु बास तुंदरे मांगणे सी पेहलुत जाणे की तुहुंक काहनी चीजेन जरुवत छे। 9 तेरेमां तुहुं असा दुवा कर्या करु की: ए हामरा सरग वाळा भगवान बास, तु जु सरगे मां छे: तारो नाव चुखलो मानायणु चाहजे; 10 तारो राज आवे तारी मरजी जसी सरग मां पुरी हवे, तसीत ईनी धरती पर बी पुरी हवे। 11 दाहडीन हामुक चाहजे ततरोत खाणो आप्या कर। 12 ने जसा हामु हामरा गुना वाळा काजे माफ कर्या, तसुत तु बी हामरा गुना काजे माफ कर। 13 ने हामुक पारख मां घुण पाडे, बाकुन कुहराय सी बचाड; काहाकी राज ने ताकत ने सेक-सींगार जलम तारीत छे। आमीन। 14 तेरेमां कदी तुहुं माणसेन गुना माफ करसु, ती तुंदरु सरग वाळु भगवान बास बी तुहुंक माफ करसे। 15 ने कदी तुहुं माणसेन गुना माफ नी करु, ती तुंदरु सरग वाळु बास बी तुहुंक माफ नी करे। 16 जतयार तुहुं उपास करु, ती ढंगडा करन्या माणसेन तसा तुंदरा मुंहडा पर नुरपाणी नी उतारुन चाहजे, ने चे हींदरा मुंहडा लागाड रवे, काहाकी माणसे तीनुक उपास छे करीन जाणे। मे तुहुंक छाचलीन कहां की चे हींदरो फळ ली लेदला छे। 17 बाकुन जतयार तुहुं उपास करु ती, आपणा मुणका पर तेल लागाडीन मुंहडो धुवजु, 18 असा उपास करु ती, माणसेक मालुम नी पडे, बाकुन भगवान बास काजे मालुम पडसे जी सातायली वात जाणे चु तुहुंक ईनाम आपसे। 19 आपणे वाटे धरती पर धन भेळो मां करु, जाहां वेधु खाय जाय ने कीटी लाग जाय, ने चां चुट्टा धाडु पाडीन ली जाती रवे। 20 बाकुन आपणे वाटे सरग मां धन भेळो करु, चां नीते वेधु खासे, ने नी कीटी लागे ने नी चुट्टा धाडु पाडीन चुरी करे। 21 काहाकी चां तुंदरो धन छे, चां तुंदरो मन बी रवसे। 22 डीलें दिवु डुळु छे। तेरेमां कदी तारु डुळु वारु छे, ती तारो आखो डील बी वीजाळा मां रवसे! 23 बाकुन कदी तारु डुळु भुंडु छे, ती तारो आखो डील बी आंदारला मां रवसे; तेरे वजे सी चो वीजाळो तारे मां छे, कदी आंदारलो छे, ती चो आंदारलो कतरो मटो हवसे। 24 कुय माणसे दुय मालीकेन चाकरी नी कराये, काहाकी चु एक मालीक सी कुहराय ने दीसरा सी परम सी रवे, नीते एक मालीक साते हेळी-मेळीन रवसे ने दीसरा मालीक काजे भुंडोत जाणसे। तुहुंक भगवानेन ने धन-दोवलतेन दुयुन चाकरी नी कराये। 25 तेरेमां मे तुंदरे सी कहां, की आपणा जीवेन वाटे फीकुर मां करु की हामु काय खासुन ने काय पीसुन; ने आपणा डीले पर काय पेहरसुन। ने काय जीव खाणा ने डील ने पुथल्या सी महंगो नी हय? 26 सरग वाळा चिरला काजे देखु। चे नीते वेरे, नीते काटे, ने नी खळा मां भेळो करे; तेबी तुंदरु सरगेन बास तीनुक खावाडे। काय तुहुं चिरला

सी बेसका महंगा नी हय? 27 तुंदरे मां असु कुण छे, चु फीकुर करीन आपणी उमर काजे बडाय सके? कुय नी। 28 ती हामरे थडे पुथल्या नी हय करीन फीकुर काहा कर रया? तुहुं खेतेन फुलेक देखीन वीच्यार ते करु, चे कसाक अदे! ने चे तींदरे वाटे मेहनत बी नी करे, ने तींदरे वाटे दुरा काटीन पुथल्या बी नी बणावे। 29 तेबी मे तुंदरे सी कहां की सुलेमान राजु बी, बेसकु ठट-बट मां रवतेलु, बाकुन तेबी तीना काजे तीनु फुले मायन एकान तसों बी पुथल्या पेहरीन वारु नी बणायो। 30 तेरेमां ततयार भगवानेन खळा मायन चारा काजे, चो आज छे ने वाहणे चुल्हा आकठा मां धपाडसे, असला पुथल्या पेहरावे, ती ए कम भुसु करन्या, तुहुं जाराक वीच्यार करु भगवान तुहुं नी पेहरावे काय। 31 तेरेमां तुहुं फीकुर करीन घुण कहुं की, हामु काय खासुन, ने काय पीसुन ने काय पेहरसुन। 32 काहाकी नी-यहुदी तीनी आखी चीज काजे हेरता रहे, बाकुन तुंदरु सरगेन बास जाणे की, तुहुंक तीनी आखी चीजेन जरुवत छे। 33 तेरेमां पेहल तुहुं भगवानेन राजेन ने तेरे धरमेन हेरेमां रहु, ती जी आखी चीज तुहुंक जड जासे। 34 अळतेन वाहणेन फीकुर मां करु, काहाकी वाहणेन दाहडु, आपणी फीकुर आपसो कर लेसे; आजुन वाटे आजुत दुख बेसको छे।

7 कुय पर बी असलात नीयाव मां करु, असलुत भगवान बी तुंदरु नीयाव नी करसे। 2 काहाकी जसा तुहुं असलात गुनु लागाडु, तसात तुंदरे पर बी असलात गुनु लागाडसे; ने तीना नाप सी तुहुं नापसु, तीनात नाप सी तुंदरे वाटे बी नापायसे। 3 तु काहा आपणा भायसेन डुळा मां कचरा काजे देखे, तारा डुळा मां भरायलु कचरु काहा नी देख रया? 4 जतयार तारात डुळा मां डेंगु छे, ती तु आपणा भायस सी कसु कय सकतेलु, की लाव मे तारा डुळां मी कचरु नीकाळ दम? 5 ए ढंगडा करन्या, पेहल आपणात डुळा मां सी कचरु नीकाळ ले, ततयार तु आपणा भायसेन डुळा मां सी कचरा काजे वारु देखीन नीकाळ सकसी। 6 चुखली चीज कुतरा काजे मां आपु, ने मोती काजे सुहर्या अगळ मां नाखु; असो नी हवणु चाहजे की चे तीनी चीज काजे पाये तळे कुचरी देय ने पछा फीरीन तुहुंत काजे फाड देय। 7 मांगसु, ती तुहुंक आपसे; ने हेरसु ती तुहुं काजे जडी जासे; बारनो ठुकसु ती तुंदरे वाटे उघडी जासे। 8 काहाकी जु कुय मांगसे, तीनु काजे आपसे; ने जे कुय हेरसे तीनु काजे जडी जासे; ने जु कुय बारनो ठुकसे, हींदरे वाटे उघडी जासे। 9 तुंदरे मां असु काहनु माणुस छे, की कदी तेरु पुर्यु तेरे सी रुटु मांगे, ती तीना काजे दगडु आपे? 10 नीते माळा मांगे, ती काय तुहुं तीनाक घडसु आपसु? 11 अळतेन जतयार तुहुं भुंडात हयन, आपणा पुर्या काजे वारलु चीज आपणे जाणु, ती तुंदरु सरगेन बास आपणा मांगणे वाळा काजे वारलु चीज काहा नी आपे। 12 हेरे वजे सी जो काय तुहुं चाहु की माणसे तुंदरे साते करे, तसात तुहुं बी हींदरे साते करु; काहाकी चुखला सास्तुर मां ने भगवानेन अघी सी आवणे वाळी वात बताइने वाळान बी

सीकाइनु असोत छे। 13 साकेइले वाट्ये मायन जावु, काहाकी चवड्ड छे चु वाट ने चु वाट नास हवे तीने वाट्ये ली जाय; ने बेसका छे जे तीने वाट्ये मायन जाय। 14 काहाकी साकेइली ने काठली वाट जी छे, ची वाट जीवन भीणी लीन जाय; थुड़ाक छे चे, तीनु काजे जड़ी जाय। 15 हामु लुचवा भगवानेन अधी सी आवणे वाळी वात देखाइन्या माणसे सी चेतनी रवु, चे गाडरान तसा सुदला बणीन तुंद्रेन्वां आवे। बाकुन चे लेंड्यान तसा आकेरला छे। 16 हींदरा काम सी तुहुं तीनुक उळखी लेसु की। काय माणसे झाड़का सी अंगुर, नीते गखर्या-काटा सी अंजीरिन फळ तुड़े काय? 17 तरे बदले हरेक एक वारलु झाड़का वारलु फळ लावे ने भुंडात झाड़का भुंडात फळ लावे। 18 वारलु झाड़का भुंडात फळ नी लाय सके, ने भुंडोत झाड़को वारलु फळ नी लाय सके। 19 जे-जे झाड़का वारलु फळ नी लावे, तीना काजे काटीन आकठा मां धपाड़ देसे। 20 हेरे वजे सी हींदरा काम तुहुं उळखी लेसु। 21 जे माणसे मेसेक, ए मालीक, ए मालीक कयन आयइसे, हींदरे मां सी आखा सरगेन राज मां नी भराय सके, बाकुन जे मारा सरग वाळा बासेन मरजी पर चाले चेत सरगेन राज मां भरायसे। 22 तीने दाहडे बेसका माणसे मेसेक असा कहसे, ए मालीक, ए मालीक, काय हामु तारे नाव सी भगवानेन अधी सी आवणे वाळी वात नी देखाइया, ने तारा नावे सी भुतडान आत्मा काजे नी नीकाळया, ने तारा नाव सी बेसको ताकुतेन काम नी कर्या काय! 23 तत्पार मे तींदरे सी चुखोइण कय दीस, मे तुहुं काजे नी जाणो। ए पाप करने वाळा, मार धड़े सी छेटा हय जावु। 24 तरेमां ज काहनुक मारी जी वात सामळीन माने, हयु तीना अककल वाळा माणसेन तसु छे, जु तेरा घर काजे चापर्या पर नेहु खुदीन बणायु। 25 ने पाणी पड्यु, ने नदी आवी, आंधी आवी, ने तीना घर सी ठुकाय, तेबी च नी उदर्यो, काहाकी हेरु नेहु चापर्या पर खुदीन बणावलु हेतलु। 26 “बाकुन जे काहनाक मारी जी वात सामळे ने तरे पर नी चाले, चु तीना डेड़-अकल्या माणसेन तसु छे, चु तेरा घर काजे रेतळा पर नेहु खुदीन बणायु। 27 ने पाणी पड्यु, ने नदी आवी ने आंधी आवी, ने तीना घर सी ठुकाय ने च आखो उदरी गुयो ने खत्तम हय गुयो!” 28 जत्पार ईसु जी आखी वात कय देदु, ती माणसे तेरी वात सामळीन चकराय गुया, 29 काहाकी चु यहूदी नीयम सीकाइन्यान मास्तर्यान तसु नी बाकुन हकदारने तसु तीनुक सीकाइयु।

8 जत्पार ईसु तीना बयड़ा सी नेचु उतर्यु, ती एक माणसेन मटलु टुळु तरे पछळ आयु। 2 ने देखु, एक कुड़ायलो तरे धड़े आवीन ईसुक आंध्यु ने कह्यु, “ए मालीक, कदी तु चाहे, ती मेसेक वारु कर दे।” 3 ईसु तीनाक छीमीन असु कह्यु, “मारी मरजी बी असीत छे, तु चुखु हय जां!” ने हयु तत्पारुत कुड़ सी चुखा हय गुयु। 4 ईसु तीना काजे कह्यु, “देख, जी वात कुय काजे घुण कहें, बाकुन जायन पुजाराक बताइजी ने मुसान कायदान अनसारे भेट चड़ावजी, ती आखा माणसे जाण

जासे ने गवा बण जासे की तु वारु हय गुयु।” 5 जत्पार ईसु कफरनहुम सहर मां पुग्यु ती एक सुबेदार तरे धड़े आवीन तरे सी लीलघायन कह्यु, 6 “ए मालीक, मारा पावर्यान लखवु हय गुयु, ने घर मां पडीन एला कर रयु।” 7 ईसु तीना काजे कह्यु, “मे आवीन तीना काजे वारु कर दीस।” 8 सुबेदार जपाप आप्यु, “ए मालीक मे अतरु वारु नी हय की तु मारा घरेन साहळे आवे, बाकुन तु जात रयन एक बुल कय दे, ती मारु पावर्यु वारु हय जासे। 9 काहाकी मे बी दीसरान हक मां रवण्यु एक नानुस हकदार्यु छे, ने सीपायड़ा मारे हक मां रहे जत्पार मे एक सी कहं ‘जां!’ ती चु जाय; ने दीसरा सी कह, ‘आव!’ ती चु आवे; ने जत्पार मारा पावर्यु सी कह, ‘ज कर!’ तीना काम काजे करे।” 10 ज सामळीन ईसु चक्कर मां पड़ गुयु, ने जे तरे पछळ आवतेला तीनुक कह्यु, “मे तुंद्रे सी छाचलीन कहं की मे ईस्रायेली माणसे मां बी मेसेक अतरु पाक्कु भुरसु देखणे नी जइयु। 11 मे तुंद्रे सी कहं की उगेवणा ने बुडवणा सी बेसका माणसे आवीन अब्राहम ने इसाक ने याकुप साते सरग वाळा भगवानेन राज मां बठीन खाणो खासे। 12 बाकुन जे भगवानेन सरग राजेन हकदार्या माणसे छे, बाकुन चे भुरसु नी करे, तीनु काजे सरग राजेन सी बाहार आंदारला मां नाख देसे। चां कलपी-कलपीन रइसु ने दात काजे ककड़ावता रवसु।” 13 तत्पार ईसु तीना सुबेदार काजे असु कह्यु, “जां, जसु तारु भुरसु छे, तसुत तारे वाटे बी हय जाय।” ने तेरु पावर्यु तत्पारुत वारु हय गुयु। 14 ईसु जत्पार पतरसेन घर मां आयु, ती पतरसेन सासुसेन सेरी आय रवलो देख्यु। 15 ईसु तीनी पर हात मेक्यु ने तेरो सेरी तत्पारुत उतरी ज्य, ने ची उठीन ईसुन चाकरी करने बाजी गुय। 16 जत्पार सांती वेळाय चे ईसु धड़े बेसका माणसे काजे लाया तींदरे मां भुतडान आत्मा हतली ने ईसु तीनु आत्मा काजे तेरा बुल सी नीकाळ देदु; ने आखा मांदला काजे वारु कर्यु। 17 काहाकी ज बुल यसायाह भगवानेन अधी सी आवणे वाळी वात देखान्यान साहरे कहलो हतलो च पुरो हवे, “चु आपसु हामरी आखी लुलगाय काजे झेल लेदु ने हामरी मांदवाड़ काजे छेदु कर देदु।” 18 जत्पार ईसु तरे चारे मेर एक मटला टुळा काजे देख्यु, ती डाबरान पली धड़े जायन हुकुम आप्यु की, तुहुं मेसेक ढंड्या मां बठाडीन दरीयान पली धड़ ली जाती रवु। 19 तत्पार एक यहूदी नीयमेन मास्तर्या ईसु धड़े आवीन कह्या, “ए मास्तर, जांहा बी तु जासी, मे तारे पुठ्ये आवीस।” 20 ईसु तीनुक कह्यु, “फुंदाळी खुखडीन दर रवे ने सरगे चिरलान बसणेन पुतरु रवे; बाकुन माणसेन पुर्या वाटे ते मुणको ढाकणेन लग जागु नी हय।” 21 एक दीसरु चेलु ईसु काजे कह्यु, “ए मालीक मे तारे पुठ्ये आवीस बाकुन मेसेक मारा बासेन घर जाणी दे, की जत्पार चु मर जासे ती तीनाक गाड़ दीन मे तारे पुठ्ये आवीस।” 22 ईसु तीनाक कह्यु, “मरला काजे गाड़ने काम मरलात काजे करने दे; तु ते मारे पुठ्ये चाल।” 23 जत्पार ईसु ढंड्या मां

बठ्यु ती तेरा चेला बी तेरे पुठ्ये बठ गुया। 24 ने, तीनी टेम दरीया मां उचकान बेसकी मटी आंधी आवी, ने दरीयान झलक ढंड्ये आपठायन बाकुन ईसु ते, सुवणे बाजी रवलु। 25 तत्तयार चेला ईसु थडे आवीन उठाड्या ने कह्या, “ए मालीक हामुक!” बचाड नी ते “हामु आखा डुबीन मरने बाजी रया!” 26 ईसु तीनुक कह्यु, “ए! कम भुरसा वाळा, तुहुं काहा बीही रया!” तत्तयार चु उठीन आंधी ने पाणी काजे लड्यु, ने आखो सेळो पड गुयो। 27 ने चे चकराय गुया ने कहणे लाग्या, “गुयु कसलु माणुस छे की आहळी ने पाणी बी हेरी वात काजे माने।” 28 जत्तयार चु पली थडे गदरेन्यान ईलाका मां पुग्यु, ती दुय माणसे तींद्रे मां भुतडान आत्मा हतली ची मसाण मां सी नीकळ्या ने ईसुक भेळा हवणे आया। चे अतरा ताकतवाळा हतला की कुय बी तीनी वात सी जाय नी सकतेला। 29 चे आयडीन असा कह्या, “ए भगवानेन पुर्या, हामरे साते तारो काय काम छे? काय तु हामुक एला पाडने आय र्यु?” 30 हींद्रे सी ईतरेक छेसे बेसकु मटु सुहर्यान टुळु चरने बाजी रवलु। 31 भुतडान आत्मा ईसुक असी कवीन लीलघायणे लागी की, “कदी तु हामु काजे अदमी मां सी नीकाळे, ती पला सुहर्यान टुळा मां मकली दे।” 32 ईसु तीनुक कह्यु, “जावु!” ने चे अदमी मां सी नीकळीन सुहर्यान टुळा मां भराय गुया, ने आखा टुळा आडखा पर सी झपटीन पाणी मां डुबीन मर गुया। 33 ने सुहर्या काजे चारन्या गुवाळ्या ढास्या, ने सहर मां जायन हयो, च आखो कय देदा ने भुतडा लागला माणसेन काय हयो च बी कय देदा। 34 तत्तयार आखा सहरेन माणसे ईसु सी मेळने करीन आयु, ने ईसुक देखीन लीलघायन कहणे लाग्या की हामरी मुलकेम सी बाहर जाती रव।

9 अळतेन चु ढंड्या पर चडीन पली थडे पुग्यु, ने आपसा गांव कपरनुह मां आयु। 2 तीनी टेमे थुडाक माणसे लखवान एक मांदवाड वाळा माणसे काजे खाटली पर मेकीन तेरे थडे लाया। ईसु हींद्रे भुरसु देखीन, लखवान मांदला सी कह्यु, “ए पुर्या, तुसेक तारा पापेन माफी जड गुयली छे।” 3 तेरे वजे सी बेसका यहूदी नीयमेन मासूतर्या वीच्यार्या, “जु ते भगवानेन नाव-बद्दी करे।” 4 ईसु तींदरा मनेन वात जाणीन कह्यु, “तुहुं तुंदरा मन मां भुंडोत वीच्यार काहा कर रया? 5 एक जसों काय छे? ज्य कहणु की, तारा पापेन माफी तुसेक जड गुय, नीते ज्य कहणु, ‘की उठ ने चाल ने फीर।’ 6 बाकुन तेरेमां तुहुं जाण लेवु की माणसेन पुर्या काजे कळी पर पाप माफ करनेन बी हक छे।” तत्तयार हयु लखवान मांदला सी कह्यु, “उठ, तारी खाटली हाकलीन, तार घर जाती रव।” 7 चु उठीन तेरे घर जाती रयु। 8 माणसे ज देखीन बीही गुया, ने भगवानेन बडाय करने लाग्या जु माणसे काजे बी असु हक आप्यु। 9 ईसु चां सी अगु गुयु ने चु, मत्ती नावेन एक माणुस काजे फाळु उकाळनेन नाका पर बठलु देख्यु, ने तीना काजे कह्यु, “मारे पुठ्ये चाल।” चु उठीन ईसु पुठ्ये चाल पड्यु। 10 एक दाहडु ईसु हेरा चेला

पुठ्ये मत्तीन घर खाणो खाणे करीन बठ्यु, ती बेसका फाळु लेणे वाळा पापी माणसे आवीन, ईसु ने हेरा चेला साते खाणो खाणे बाजी रवला। 11 असो देखीन फरीसी माणसे ईसुन चेला काजे असा कह्या, “तुंदर मासूतर फाळु लेणे वाळा ने पापी साते काहा खाय र्यु?” 12 ज सामळीन ईसु तींद्रे सी कह्यु, “दवा वारलु काजे नी चाहजे, बाकुन मांदला काजे चाहजे। 13 तेरेमां तुहुं जायन चुखला सासूतर मां लिखली वात सीक लेवु: ‘मे जनवार्यान बादा नी चाहो बाकुन दया चाहो।’ काहाकी मे धरमी माणसे काजे नी, बाकुन पापी काजे बुलावणे आवलु छे।” 14 तत्तयार युहननान चेला ईसु थडे आवीन असा कह्या की, “हामु ने फरीसी माणसे उपास करजे, बाकुन तारा चेला उपास काहा नी पाळे?” 15 ईसु तीनुक कह्यु, “जत्तयार लग दुल्लु तींद्रे पुठ्ये छे, ती काय अरात्या, दुखी हवसे काय? बाकुन चे दाहडा आवसे जत्तयार दुल्लु तींद्रे सी अलग हय जासे, तत्तयार चे उपास पाळसे। 16 “नवला पुथल्यान थिंगळो जुनला पुथल्या पर कुय नी लागाडे, काहाकी चो थिंगळो तीना पुथल्या सी थुडोक अळी खेच लेय, ने चो अदुस फाट जाय। 17 ने माणसे नवलु अंगुरेन रस जुनली चामडान थयलि मां नी भरे, काहाकी असा करने सी थयलि फाटी जाय, ने पीयालु बगळी जाय ने थयलि रद हय जासे; बाकुन नवलु पीयालु नवली थयलि मां भरे ने चे दुयु बच जासे।” 18 ईसु तीनुक जी वात कवणे बाजी रवलु, एक हकदार आवीन तीना काजे आंधयो ने कह्यु, “मारी बेटी हयुसुत मर गुयली छे, बाकुन तु आवीन तेरे पर हात मेक, ती ची जीवती हय जासे।” 19 ईसु उठीन तेरे पुठ्ये चाल पड्यु ने तेरा चेला बी तेरे पुठ्ये चाल पड्या। 20 तीनी टेमे एक बायर हतली, तेरे पोगराळो दुख लागलो बारे साल हय रवला, ने ची ईसु पछळ आयन ईसुन पुथल्या काजे छीम लेदी। 21 काहाकी ची तेरा मन मां कवतेली, “कदी मे तेरा पुथल्यान छेवडाक छीमी लीस, ती मे वारु हय जायस।” 22 ईसु पछु फीरीन तीनीक देख्यु ने कह्यु “बेटी हिम्मत राख; तारु भुरसु तुसे काजे छुटकारु आप्यु।” अळतेन ची बायरी तत्तयारुत वारु हय गुय। 23 जत्तयार ईसु तीना हकदारेन घर मां पुग्यु ती पावळी आजाडने वाळाक ने माणसेन टुळाक रडतेला देख्यु। 24 तत्तयार ईसु कह्यु, “छेटा हय जावु, पुरे मरी नी, बाकुन सुय रय।” असु कह्यु अतरुत ने ईसुन हासी उडावणे बाजी गुया। 25 बाकुन जत्तयार माणसेन टुळा काजे नीकाळ देदा, ती ईसु घर मां जायन पुरेन हात धर्यु, ने ची जीवती हयन बठी हय गुय। 26 ने हीनी वातेन खबर तीना आखा देस मां चारे मेर मालुम हय गुयो। 27 जत्तयार ईसु चां सी अगु जाणे बाजी गुयु, ने दुय आंदळा तेरे पछळ असा कयन आवणे बाजी गुया, “ए दाबुदेन अवल्यात, हामरे पर दया कर!” 28 जत्तयार ईसु घर मां पुग्यु, ती चे दुय आंदळा तेरे थडे आया, ने ईसु तींद्रे सी कह्यु, “काय तुहुं हक भुरसु छे की मे ज्य कर सकी?” चे ईसुक कह्या, “हव, मालीक।” 29 तत्तयार ईसु तींदरा डुळा छीमीन

कह्यु, “तुंदरु भुरसु छे, तसोत तुंदरे वाटे हय जाय।” 30 ने चे देखणे बाजी गुया। ती ईसु तीनुक वारु समजाडीन कह्यु, “चेतीन, रवजु, जी वात कुय काजे घुण कवु।” 31 बाकुन चे घर मां सी जाती रया, ने अळतेन जी वात तीना देस मां आखे कय देदा। 32 ईसु खयडे नीकळीन जाणे बाजी रवलु, ती माणसे एक गुंगा काजे तरे मां भुतडान आत्मा चस्टी रवली, तीनाक बुलायतेलो नी ईसु धडे लाया। 33 ने जतयार ईसु भुतडा काजे नीकाळ देदु, ती गुंगो बुलने बाजी गुयो। तरे वजे सी माणसेन टुळु चकराय गुयु ने असा कह्या, “ईसरायेल देस मां असो वारु काम कदी नी देख्या।” 34 बाकुन फरीसी माणसे कह्या, “जु ईसु ते भुतडान आत्मान मुखीन जुर सी भुतडान आत्मा काजे नीकाळे।” 35 ईसु आखा सहर मां ने गांव मां फीरतु रयु, ने भगवानेन भक्तीन घर मां माणसेक सीकाडतु रयु, ने भगवानेन राजेन खुस-खबरेन बारामां परचार करतु रयु, ने आखी भाती-भातीन मांदवाड ने लुलगाय काजे वारु करतु रयु। 36 जतयार चु माणसेन टुळा काजे देख्यु, ती ईसु काजे माणसे पर दया आय, काहाकी चे तीनु गाडरान तसा हींदरु कुय राखवाळ्यु नी हतलु, चे दुख मां ने भटकला हतला। 37 ततयार ईसु तेरा चेला काजे कह्यु, “मेर ते बेसकी छे, बाकुन मेर काटण्या दाहडक्या थुडाक छे। 38 तरेमां खेतने मालीक सी लीलघायन कह्यु, की चु आपणा खेत मां मेर काटणे करीन दाहडक्या मकली देय।”

10 ईसु आपसा बारे चेला काजे धडे बुलायु ने तीनुक, भुतडा नीकाळनेन हक आप्यु, ने आखी भातीन मांदवाड ने आखी भातीन लुलगाय काजे वारु करनेन हक आप्यु। 2 तीनु बारे नेवताळान नाव जो छे: पेहलु सीमोन, जु पतरस कहवाये, ने तेरु भायस अनदीरीयास; जबदीन पुर्यु याकुप, ने तेरु भायस युहननु; 3 ने फीलीपपुस, ने बरतुलमे, ने थोमा, ने फाळु लेणे वाळु मत्ती, ने हलफाईन पुर्यु याकुप, ने तददे, 4 सीमोन, कनानी ने यहदा ईस्करीयोती ने हयु ईसुक थुकु दीन धराडी बी देदु। 5 हीनु बारे चेला काजे ईसु ज हुकुम आपीन मकल्यु: नी-यहुदी माणसे भीणी घुण जावु, ने सामर्यान काहना बी सहर मां घुण जावु। 6 बाकुन ईसरायेली जातीन माणसे मां जाजु, चे भगवान काजे ईसरीन खुवायला गाडरान तसा हय गुया। 7 ने वाट्ये चालता-चालता असो परचार करु, की सरगेन राज धडेत आय गुयलो छे! 8 मांदला काजे वारु करु, मरला काजे जीनदा करु, कुडायला काजे चुखा करु, भुतडान आत्मा काजे नीकाळु। तुहुंक फुकट मां जडलो छे, तुहुं बी फुकट मां आपु। 9 परचार करने जावु ततयार, तुंदरी थयलि मां सनो, चांदी, नी ते पयस्या घुण ली जावु; 10 तुहुं वाट्ये वापरने करीन कांखुर जावु ती चां नीते झुळु राखजु, नी दुय कुरता, नी खासडा, नी लाकडी लेजु, काहाकी दाहडक्या काजे दाहडकी जडनु चाहजे। 11 “काहना बी सहर मां नीते गांव मां जावु, ती चां पुगीन एक अदमीन पतु लागडा लेजु, ने चां सी तरेन चां रवजु।” 12 तुहुं घर मां भरायु ती तीनुक संयबरकत आपजु। 13 कदी तीना घर मां

माणसे भुरसु करन्यु रवसे, तीते तुंदरो सांतीन संयबरकत हींदरे पर हय जासे, बाकुन कदी चे भुरसु करन्या नी रहे, ती तुंदरो संयबरकत तुंदरे भेळु पछो आवसे। 14 जे कुय बी तुंदरो आव-भाव नी करे, ने तुंदरी वात नी सामळे, ती तीना घर, ने तीना सहर सी नीकळता जायन आपणे पायेन धुळा काजे बी झाटकी देजु। 15 मे तुहुंक छाचलीन कहं की नीयावेन दाहडे तीना सहरेंन दुख सदोम ने अमोरा देसेन माणसेक अदुस डंड जडसे। 16 देखु, मे तुहुंक लेंड्यान तसा माणसेन ईचमां गाडरान तसु मकलो, तरेसी घडसान तसा कदर्या ने पेरवान तसा सुदा बणु। 17 बाकुन वेरी माणसे सी चेतीन रवु, चे तुहुंक धरीन पंचुन हात मां सुप देसे, ने तींदरा भक्तीन घर मां ली जायन सपाटा देसे। 18 तुहुं मेसेक मानी रया करीन हकदार्या ने राजा अगळ ली जासे, काहाकी तुहुं मारा गवा छे। असा करीन तुहुं नी-यहुदी अगळ मारा गवा बणसु। 19 जतयार चे तुहुंक धराडीन सीपायडान हात मां आप देसे, ती असी फीकुर घुण करु की हामु कसा ने काहली रीती सी कवसुन काहाकी ज काय तुहुंक कहणु छे, च नीनीत टेमे बताड देसे। 20 काहाकी कहणे वाळा तुहुं नी हय, बाकुन तुंदरा भगवान बासेन जीव-आत्मा तुंदरेम हयन बुलसे। 21 भाय, भायस काजे अळी बास पुर्या काजे, मारने करीन धराडसे अळी पुर्या आयस बासेन वेला नी हवे ने तींदरे भीणी उठीन तीनुक माराडसे। 22 मारा नाव पर भुरसु कर रया करीन आखा माणसे तुंदरे सी भुंडा रवसे, बाकुन काहनू बी मरता लग गम खासे, चेत छुटकारु हात करसे। 23 जतयार चे तुहुंक एक सहर मां एला पाडे ती दीसरा सहर मां ढासी जाजु। मे तुहुं काजे छाचलीन कहं, की माणसेन पुर्या काजे पछु आवणे लग तुहुं ईसरायेली देसेन आखा सहरेंन फीरता-फीरता परचार करनेन काम पुरो नी कराये। 24 चेलु आपणा मासुतर सी मटु नी हय सके; ने पावर्यु आपणा मालीक सी मटु नी हय। 25 चेला काजे मासुतर, ने पावर्या काजे मालीक बराबर रहणुत वारु छे। कदी माणसे घरेन मालीक काजे भुतडु कह्यु, ती तेरा घरन्या काजे काय नी कह्या? 26 तरेमां माणसे सी घुण बीहु; असो काय ढाकायलो नी हय, च उघाडे असो नी हय; ने असो काय बी सातायलो नी हय, च मालुम नी हवे। 27 ज मे तुहुं काजे आंदारला मां कय रयु, तीना काजे तुहुं वीजाळो हवे ततयार दीसरा काजे सामळाव जु; ज मे काय तुहुं काजे मन मां कहलु च तुहुं, घरेन छत पर चहडीन परचार करजु। 28 ज डील काजे खततम करे, बाकुन आत्मा काजे खततम नी कर सके, तींदरे सी मां बीहु; बाकुन तेरेत सी बीहु च आत्मा अळी डील दुयु काजे नरक मां खततम कर सके। (Geenna g1067) 29 काय एक पयस्या मां दुय घीनचीडा नी वेचाये? तेबी तुंदरा सरग वाळा बासेन मरजी पाखुर तरे मां सी एक बी मरीन भुयमां नी पडे। 30 तुंदरा मुणकान कान्या बी आखा गीणायला छे। 31 तरेमां तुहुं बीहयु मां; काहाकी तुहुं तीनु घीनचीडा सी बडीन छे। 32 जु कुय बी माणसे अगळ मेसेक मान लेसे, तीना काजे मे बी

आपणा सरग वाळा बास अगळ मान लीस। 33 बाकुन जु कुय बी माणसे अगळ मेसेक नी माने, ती मे बी आपणा सरग वाळा बास अगळ तीना काजे नीकार कर दीस। 34 तुहुं मार बारामां असा समजी रया की मे कळी मां सुक-सांती लीन आवलु छे; मे सांती आपणे नी, बाकुन तलवार लीन आवलु छे। 35 मार पर भुरसु कर रया करीन, पुर्यु बासेन वीरुद करसे, ने पुरे मायन वीरुद करसे, ने उहड़ीस सासुसेन वीरुद करसे। 36 असा करीन मारा चेलान घरन्यात तेरा वेरी बण जासे। 37 “जे माय नीते बास काजे मारे सी अदुस परम करसे, चु मार पर भुरसु करन्यु नी हय; ने जे पुर्या नीते पुरे काजे मारे सी अदुस परम करसे, चु मार पर भुरसु करन्यु नी हय; 38 ने जे आपणु कुरुस लीन मारे पछळ नी चाले चु मारु भुरसु करन्यु नी हय।” 39 जु आपणा जीव काजे बचाइसे, चु खुवसे; ने जु मारे वजे सी आपणी जान खुवसे, तीना काजे जीवन जड़ जासे। 40 ज्य तुंदरो आव-भाव करसे, चु मारो आव-भाव करे; ने ज मारो आव-भाव करे, चु मारा मकलने वाळा भगवानेन आव-भाव करे। 41 जु भगवानेन अघी सी आवणे वाळी वात देखाइने वाळा काजे भगवानेन अघी सी आवणे वाळी वात देखाइने वाळा काजे भगवानेन अघी सी आवणे वाळी वात देखाइने वाळाक संयबरकत जड़से; ने जे वारलु माणुस काजे वारलु जाणीन आव-भाव करसे, तीना काजे वारलु माणुस काजे संयबरकत जड़से। 42 जु कुय ईनु नानला मां सी एक काजे मारु चेलु छे, करीन एक कळस्यु सेळो पाणी पावसे, मे तुंदरे सी छाचलीन कहवो की, चु कसु बी करीन आपणो फळ नी खुवे।

11 जतयार ईसु तेरा बारे चेला काजे हुकुम आप देदु, ती चु तींद्रा सहर मां सीकाइतु ने परचार करने करीन चां सी जाती रयु। 2 बपतीसमा आपण्या युहन्नान चेला, ईसुन बारामां सामळ्या, ती चे जेलेम जायन युहन्ना काजे खबर कर्या। ततयार युहन्नु तीनु चेला काजे मालीक ईसुनचां जो पुछणे मकलयु। 3 “काय आवणे वाळु मसी तु छे काय? की हामु काहनाक दीसरान वाट देखजे?” 4 ईसु जपाप आपयु, “जो काय तुहुं देख्या ने सामळ्या, चो आखो युहन्ना काजे जायन कय देजु, 5 की आंढळा देखणे बाजी रया, लंगड़ा चालने फीरने बाजी रया कुड़ायला वारु हयन चुखा हवणे बाजी रया, ने बेहरा सामळने बाजी रया, ने मरला जीवता हय रया, ने गरीब काजे खुस-खबरेन वात सामळावे। 6 ने बेसकु वारु छे, जे मार वजे सी वीरखाय रया, बाकुन जे वीरखाये बीगुर, मार पर भुरसु नी करे।” 7 जतयार चेला चां सी चाल देदा, ती ईसु युहन्नान बारामां माणसे सी कहवणे बाजी गुयु, “तुहुं बयड़ा मां काय देखणे गुयला? काय वाहळा मां हालतेला सुट्या काजे देखणे गुयला काय? 8 कहुं ते खरा ती तुहुं काय देखणे गुयला? काय वारलु पुथल्या पेहेरला माणुस काजे? देखु, जे वारलु पुथल्या पेहेरे, चे राजान हवेली मां रवे। 9 ती तुहुं काय देखणे गुयला? भगवानेन अघली वात बताइन्या काजे देखणे गुयला? तीनु

आक सी युहन्नु मटु माणुस छे तीनाक तुहुं देखणे गुयला। 10 जु हयुत युहन्नु छे तेरे बारामां असो लिखलो छे: ‘देख, मे मारा काहवाळ्या काजे तारे अगळ मकलो, जु तारे अगळ तारी वाट तीयार करसे।’ 11 मे तुहुं छे छाचलीन कहवो, की जे बायरा सी पयदा हवला छे, चे युहन्ना बपतीसमा देणेवाळा सी मटा नी हय; बाकुन जे सरगेन राज मां आखा सी नानला छे, चे तेरेसी मटु छे। 12 युहन्ना बपतीसमा देणेवाळान दाहड़ा मां सी हय लग सरगेन राजेन वाटे बेसका मेहेनत कर रया, ने भगवानेन राज मां भरायणे करीन खुस-खबरेन नेवतो आखा काजे जड़ रयो राजेन हक काजे हात मां कर लेय। 13 युहन्ना लग आखा भगवानेन अघी सी आवणे वाळी वात देखान्यान ने मुसान साहरे लिखलो सास्तुर भगवानेन अघी सी वात कवता रया। 14 ने जी वात माननु हय ती मानी लेवु की युहन्ना हयुत एलीयु जु आवणे वाळु हतलु। 15 जतरा बी सामळी रया, चे वारु सामळीन समजणु चाहजे। 16 “मे हीनी पीडीन माणसेन बराबरी कुणी सी करो? जे तीनु पुर्यान तसा छे, जे हाटे मां बस रहण्या पुरया सांय छे, जे आंबा-सांबा आयडीन असा कहवे, 17 हामु तुंदरे वाटे नाचणे पावळी आजाइया, ने तुहुं नी नाच्या; ने हामु तुंदरे वाटे रड़ने करीन गीत गाया, बाकुन तुहुं नी रड़्या, 18 काहाकी युहन्नु ते, रुटु नी खादु ने नीते अंगुरेन रस नी पीदु, ने चे कहवे, ‘तेरे मां भुतडान आत्मा छे।’ 19 माणसेन पुर्यु खातु-पीतु आयु, ने चे कहे ‘देखु, हीजेरलु ने दारुइयु छे, ने माणसे सी फाळु लेणे वाळा ने पापीन दुस्तीदार छे!’ बाकुन अक्कल आपणेन काम सी छाचलु रवसे।” 20 ततयार ईसु तीनु सहर वाळा माणसे काजे कीचवायन लड़ने बाजी गुयु, तींद्रे मां ईसु बेसका ताकुतेन काम करलु, काहाकी चे हींदरो मन नी फेरवयु। 21 “ए खुराजीन! सहर तुंदरे वाटे बेसकी दुखेन वात छे, ए बेतसेदा सहर! तुंदरे वाटे बेसकी दुखेन वात छे देख ताकुतेन काम तुंदरे मां करला छे, कदी जे सुर सहर ने सीदोन सहर मां करलु रवतु, ती चे गंटाट्या पांगरीन, ने हींदरा डील पर रखडु चुपडीन आपसा-आपसान मन पाप भीणी सी फेरवीन भगवान भीणी अळ जाता। 22 बाकुन मे तुहुं कहे कहे की, नीयावेन दाहड़े सुर ने सीदोन सहेरेन माणसे काजे ज डंड जड़से, तेरे सी बी जादा डंड तुहुं काजे जड़से। 23 ए कफरनहुम! काय तु सरगे लग उचु हय जासी काय? नी तु ते पाताळने बुन्दे लग पडीन जाती रवसी काहाकी जे ताकुतेन कामे तारे मां करला छे कदी जे काम सदोम सहर मां करतु ती चे आज लग नी सरतो। (Hadēs g86) 24 अतरा मां मे तुहुं कहे, नीयावेन दाहड़े, सदोम देसेन कुहर्या माणसे काजे ज डंड जड़से, तेरेसी बी अदुस डंड तुहुं कहे जड़से।” 25 तीनी टेमे ईसु कहेयु, “ए भगवान, सरगे ने कळीन मालीक, मे तारो तु बेसकु वारु कहवो की तु हीनु वात काजे अक्कल वाळा ने समज वाळा सी साताडीन मेक्यु, ने नानला पुर्यु काजे देखाडीन आप देदु। 26 हव, ए बास, काहाकी तुसे जन वारु लागे। 27 “मारु भगवान बास मेसे आखो काय आप देदलु छे; ने पुर्या काजे छुडीन कुय

बी बास काजे नी जाणे, हीनीत रीती सी बास काजे छुडीन कुय आत्मा हेर पर दीस, ने चु नी-यहुदी माणसे काजे नीयावेन खबर बी पुर्या काजे; नी जाणे ने चे तत्यारुत बास काजे जाणे तींद्रे आपसे। 19 चु काहना साते लड़ाय नी करे, नी आयडे, नी कुय पर पुर्यु बास काजे उजेंतु करे। 28 “ए आखा हारला ने भार हाटे मां तेरी अवाज सामळसे। 20 चु कुचळायला बुरे काजे नी दबायला माणसे, मारे धडे आवु; मे तुहुंक आराम आपीस। 29 तुडे, ने कुळ आपतेला बामळा काजे नी उलवायणे देय, जत्प्यार मारो जुडो आपणे उपर हाकली लेवु, ने मारे सी सीकु; काहाकी लाग चु नीयाव काजे आपते लग काम करसे।” 21 तत्प्यार चे मे नीचळु ने मन मां सुदु छे; ने तुहुं तुंद्रा मन मां आराम जडसे। आखा नी-यहुदी माणसे, मारा चेलान आस बण जासे। 22 30 काहाकी मारो जुडो हलको छे ने मारु भार फवरु छे।” तत्प्यार माणसे काहनेक दाहडे आंदळा माणसेक ईसुनवां लाया

12 आरामेन दाहडे ईसु ने हेरा चेला गहुंन खेते मायन जाणे बाजी रवला, ने तेरा चेला काजे भुक लागी तत्प्यार चे चु गुंगु बी हतलु, ने तीना माणसेम भुतडान आत्मा चस्ती गहुंन उम्बी तुडीन चुळी-चुळीन खाणे बाजी गुया। 2 फरीसी रवली, ईसु तीना काजे वारु कर्यु, ने चु बुलने ने देखणे बाजी माणसे ज्य देखीन ईसुक कह्या, “देख, तारा चेला ज काम कर गुयु। 23 तरेमां आखा माणसे असा कदी नी देख्या करीन ईसुन रया, चो नीयम कायदा मां लिखलो छे, की आरामेन दाहडे करीन बारांमां कहणे बाजी गुया, “हयु दावुदेन अवल्यात हसे?” 24 वारु नी हया।” 3 ईसु तीनुक कह्यु, “काय तुहुं नी भणया, “ज ते भुतडान बाकुन फरीसी माणसे असा सामळीन कह्या, “ज ते भुतडान मुखी बालजबुलेन जुर सी माणसेम डीलेम सी भुतडा छेते करे।” 25 ईसु तींद्रा मनेन वीच्यार जाणीन तीनुक कह्यु, “तीना मुखी बालजबुलेन जुर सी माणसेम डीलेम सी भुतडा छेते करे।” 25 ईसु तींद्रा मनेन वीच्यार जाणीन तीनुक कह्यु, “तीना काहना राज मां बेरजु पड जाय, च उजडी जाय, अळी काहनाक सहर नीते घरन्या तरेमां बेरजु पड जाय, ती चे उजडी जासे।” 26 ने कदी भुतडु माणसेन डीलेम सी भुतडा काजे नीकाळे, ती हयु आपसान वीरुद करने बाजी जाय, ती हेरो राज कसों बणीन रवसे? 27 कदी मे भुतडान मुखीन मदत सी भुतडान आत्मा काजे नीकाळो ती तुंद्रा चेला कुणीन मदत सी भुतडा नीकाळे? तरेमां चेत तुंद्रु हीसाब लीन तुंद्रु नीयाव करसे। 28 बाकुन कदी मे भगवानेन आत्मान मदत सी भुतडान आत्मा काजे नीकाळो, ती भगवानेन राज तुंद्रे ईचमां आय गुयलो छे। 29 नीते कसों कुय माणुस काहनाक ताकतवाळान घर मां भरायन तेरो धन हापकी सके चां लग की चु तीना ताकतवाळा काजे बांदी नी लेय? ती चु तेरा घरेन माल धन काजे हापकीन ली जाय सके। 30 जे मारे पुठ्ये नी हय चे मारे वीरुद मां छे, अळी जु मारे साते भेळो नी करे चु तीनुक खळवणेन काम कर रयु। 31 तरेमां मे तुहुं काजे कहवो, की माणसेन आखी भातीन पाप अळी खुड नीकाळनु माफ हय जासे, बाकुन चुखली-आत्मान वाक नीकाळसे तीनुक माफी नी जडसे। 32 जु कुय बी माणसेन पुर्यान वीरुद मां काय कहवसे, तीनाक माफी जड जासे, बाकुन जु कुय बी चुखली-आत्मान वीरुद मां काय बी कहवसे, तेरु पाप नी ते हीनी कळी ने अळी आवणे वाळी कळी मां बी माफी हवसे। (aiōn g165) 33 “कदी झाडका काजे वारलु कहुवु, ती तेरा फळ काजे बी वारलु कहुवु, नीते झाडका काजे भुंडोत कहुवु, ती तेरा फळ काजे बी भुंडोत कहुवु, काहाकी झाडकान उळखान तेरा फळ सी हवे। 34 ए, घडसान पीला, तुहुं भुंडात हयन कसा वारलु वात कय सकु? काहाकी जो मन मां भरायलु छे, चत तुंद्रा मुंहडाम सी बाहार आवे। 35 भलास्या माणुस आपणा वारलु कुठा मां सी वारु चीज नीकाळे, ने भुंडात माणुस भुंडा कुठा मां सी भुंडीत चीज नीकाळे। 36 “अतरामा मे तुहुं काजे कहं, नीयावेन दाहडे चे एक-एक फालतु वातेन लेखु आपणु पडसे। 37 काहाकी तु तुंद्री वातेन वजे सी नी-

आत्मा हेर पर दीस, ने चु नी-यहुदी माणसे काजे नीयावेन खबर आपसे। 19 चु काहना साते लड़ाय नी करे, नी आयडे, नी कुय हाटे मां तेरी अवाज सामळसे। 20 चु कुचळायला बुरे काजे नी तुडे, ने कुळ आपतेला बामळा काजे नी उलवायणे देय, जत्प्यार लाग चु नीयाव काजे आपते लग काम करसे।” 21 तत्प्यार चे आखा नी-यहुदी माणसे, मारा चेलान आस बण जासे। 22 तत्प्यार माणसे काहनेक दाहडे आंदळा माणसेक ईसुनवां लाया चु गुंगु बी हतलु, ने तीना माणसेम भुतडान आत्मा चस्ती रवली, ईसु तीना काजे वारु कर्यु, ने चु बुलने ने देखणे बाजी गुयु। 23 तरेमां आखा माणसे असा कदी नी देख्या करीन ईसुन बारांमां कहणे बाजी गुया, “हयु दावुदेन अवल्यात हसे?” 24 बाकुन फरीसी माणसे असा सामळीन कह्या, “ज ते भुतडान मुखी बालजबुलेन जुर सी माणसेम डीलेम सी भुतडा छेते करे।” 25 ईसु तींद्रा मनेन वीच्यार जाणीन तीनुक कह्यु, “तीना काहना राज मां बेरजु पड जाय, च उजडी जाय, अळी काहनाक सहर नीते घरन्या तरेमां बेरजु पड जाय, ती चे उजडी जासे।” 26 ने कदी भुतडु माणसेन डीलेम सी भुतडा काजे नीकाळे, ती हयु आपसान वीरुद करने बाजी जाय, ती हेरो राज कसों बणीन रवसे? 27 कदी मे भुतडान मुखीन मदत सी भुतडान आत्मा काजे नीकाळो ती तुंद्रा चेला कुणीन मदत सी भुतडा नीकाळे? तरेमां चेत तुंद्रु हीसाब लीन तुंद्रु नीयाव करसे। 28 बाकुन कदी मे भगवानेन आत्मान मदत सी भुतडान आत्मा काजे नीकाळो, ती भगवानेन राज तुंद्रे ईचमां आय गुयलो छे। 29 नीते कसों कुय माणुस काहनाक ताकतवाळान घर मां भरायन तेरो धन हापकी सके चां लग की चु तीना ताकतवाळा काजे बांदी नी लेय? ती चु तेरा घरेन माल धन काजे हापकीन ली जाय सके। 30 जे मारे पुठ्ये नी हय चे मारे वीरुद मां छे, अळी जु मारे साते भेळो नी करे चु तीनुक खळवणेन काम कर रयु। 31 तरेमां मे तुहुं काजे कहवो, की माणसेन आखी भातीन पाप अळी खुड नीकाळनु माफ हय जासे, बाकुन चुखली-आत्मान वाक नीकाळसे तीनुक माफी नी जडसे। 32 जु कुय बी माणसेन पुर्यान वीरुद मां काय कहवसे, तीनाक माफी जड जासे, बाकुन जु कुय बी चुखली-आत्मान वीरुद मां काय बी कहवसे, तेरु पाप नी ते हीनी कळी ने अळी आवणे वाळी कळी मां बी माफी हवसे। (aiōn g165) 33 “कदी झाडका काजे वारलु कहुवु, ती तेरा फळ काजे बी वारलु कहुवु, नीते झाडका काजे भुंडोत कहुवु, ती तेरा फळ काजे बी भुंडोत कहुवु, काहाकी झाडकान उळखान तेरा फळ सी हवे। 34 ए, घडसान पीला, तुहुं भुंडात हयन कसा वारलु वात कय सकु? काहाकी जो मन मां भरायलु छे, चत तुंद्रा मुंहडाम सी बाहार आवे। 35 भलास्या माणुस आपणा वारलु कुठा मां सी वारु चीज नीकाळे, ने भुंडात माणुस भुंडा कुठा मां सी भुंडीत चीज नीकाळे। 36 “अतरामा मे तुहुं काजे कहं, नीयावेन दाहडे चे एक-एक फालतु वातेन लेखु आपणु पडसे। 37 काहाकी तु तुंद्री वातेन वजे सी नी-

गुनाळ, गीणायसु नीते गुनाळा गीणायसु।” 38 तीनी थुडाक यहुदी नीयमेन मास्तूरया ने फरीसी माणसे ईसुक पारखणे करीन असा कह्या, “ए मास्तूर, हामुक वारलु कामेन सहलाणी देखाइ।” 39 “ईसु तीनुक जपाप आप्यु हीनी पीडीन कुहर्या ने छीनाळ्या माणसे एक सहलाणी देखणे हींडे!” बाकुन भगवानेन अघी सी आवणे वाळी वात देखान्या योनान सहलाणी अतरीत देखणे जइसे। 40 जसु योना तीन रात ने तीन दाहडा माछान पेट मां रवलु तसुत माणसेन पुर्यु बी तीन दाहडा ने तीन रात धरतीम माहीं रवसे। 41 नीनवे सहरेन माणसे नीयावेन दाहडे हीनी पीडीन माणसे साते उठीन हीनुक डंड जडे असा ठेरावसे, काहाकी चे योनान परवार सामळीन भीणी सी मन फेरव्या; ने देखु, जां चे छे जु योना, सी बी बेसकु मटु छे, भगवानेन वात सामळावण्यु उबु हय रयु। 42 दखवरा देसेन राणी नीयावेन दाहडे हीनी पीडीन माणसे साते उठीन तीनुक डंड जडे असा ठेरावसे, काहाकी ची राणी सुलेमानेन अक्कल सामळने करीन धरतीन खुणाम सी आवली, बाकुन देखु, जां छे चु सुलेमान सी बी अदु अकलवाळु उबु हय रयु। 43 जत्तार भुतडान आत्मा काहनाक माणुस काजे छुडीन जाती रवे, ती ची आराम करने करीन, उजाडी मां जागु हेरतु हींडे, ने जत्तार आराम करने करीन जागु नी जडे। 44 तत्तार ची कहवे, मे आपणा तीनात घर मां पळु जाती रयस चां सी मे नीकळीन आवलु छे। ने पछी जायून तीना घर काजे सुंडलो, बाहुर-सुहरु करीन साप करलो ने जग-जग सींगारलो नर सुंडलो देखाय पडे। 45 तत्तार ची जायून तेरे सी बी कुहेरला भुतडान आत्मा काजे भेळा करीन पुठ्ये ली आवसे, ने ची तीना माणसेम आवीन वसी जाय, ने च माणुस पेहले सी बी अदु गांडवाय जाय, हीनी कळीन भुंडला माणसेन एला बी असीत हय जासे। 46 जत्तार ईसु माणसेक सीकाडनेत बाजी रवलु, तत्तार हेरी माय ने भायस बाहर उबा हय रवला ने ईसु काजे भेळा हवणे हींडी रवला। 47 काहनसु आवीन ईसु काजे कह्यु, “देख, तारी माय ने तारु भायस बाहार हुबा हय रया, चे तुसे काजे भेळा हवणे हींडे।” 48 ज्य सामळीन ईसु तीनाक कह्यु, “कुण छे मारी माय? ने कुण छे मारु भायस?” 49 ने हेरा चेला भीणी हेरु हात अगु करीन कह्यु, “देखु, मारी माय ने मारु भायस जेत छे। 50 काहाकी ज्य कुय मारा सरगेन बासेन मरजी पर चाले, हीयेत मारु भायस, ने मारी बहणीस, ने मारी माय छे।”

13 तीनेत दाहडे ईसु घर मां सी नीकळीन दरीयान कीनारे धडे जायून बठ गुयु। 2 ने दरीया धडे ईसुनचां बेसका माणसे आय लाग्या, ने चु ढंड्या पर चहडी गुयु, ने आखा माणसे दरीया धडे उबा हय रवला। 3 ने ईसु तीनुक दाखलु मां बेसकी वात सीकाडने बाजी रवलु। एक बीज एरने वाळु किरसाण हेरा खेत मां बीज एरने गुयु। 4 एरता-एरता थुडाक बीज वाट धडे पड्या ने चिरला आवीन तीनुक ईछीन खाय गुया। 5 थुडाक बीज दगडाट्या जागा पर पड्या, तीनुक बेसकु थुळु नी जड्यु ने

उंडु थुळु नी जडनेन वजे सी चे छाटा उंगी गुया। 6 बाकुन दाहडु उंगीन तप्यु ती चे चीमाय गुया, ने मुळ उंडे नी गुया तेरेमां च धान चीमायन सुक गुयो। 7 थुडाक बीज झाडका मां पड्या ने काटाळस्या झाडका मां मटा हयन तीनुक चीबदी लेदा; ने मेर नी पाकी। 8 बाकुन थुडाक बीज वारलु जागा पर पड्या, ने काहनाक सोव गुणा ने काहनाक सांठ गुणा काहनाक तीस गुणा पाक्या। 9 जतरा बी सामळी रया, “चे वारु सामळीन समजणु चाहजे!” 10 ईसुन चेला धडे आवीन तीनाक असा पुछ्या, “तु माणसे काजे दाखला मां काहा सीकाडे?” 11 ईसु हेरा चेला काजे असु जपाप आप्यु, तुहुं काजे सरगेन राजेन बारामां सातायली वात समजणेन वाटु जडलु छे, बाकुन हाल दीसरा माणसेक नी जड्यु। 12 काहाकी तेरे धडे छे, तीना काजे आपसे ने तेरे धडे बेसका हय जासे बाकुन तेरे धडे काय बी नी हय तीना काजे ज्य काय बी तेरे धडे छे चो बी मांग लीस। 13 मे हीनु काजे दाखला मां सीकाडो; की चे देखता जायून बी नी देखे ने सामळता जायून बी नी सामळे, ने नी समजे। 14 हींदरे बारामां यसायाह ज्य भगवानेन अघी सी वात देखाडने वाळान पुरी हवे: तुहुं कान्ता सी ते सामळसु, बाकुन समजसु नी; ने डुळा सी देखसु, बाकुन तुहुंक नी पल्ले पडे। 15 काहाकी हीनु माणसेन मन मटो हय गुयो, ने चे कान्ता सी जुर सी सामळे, ने चे तींदरा डुळा काजे मीच लेदला छे; काय असो नी हवे की चे डुळा सी देखे, ने कान्ता सी सामळे, ने मन सी समजे, ने पछा फीर जाय, मे तीनुक वारु करीस। 16 बाकुन बरकतवाळा छे तुंदरा डुळा, की चे हय वारु देखे; ने बरकतवाळा छे तुंदरा कान्ता हय चे वारु सामळे। 17 काहाकी मे तुंदरे सी छाचलीन कहवो की बेसका भगवानेन अघी सी आवणे वाळी वात देखाडन्यान अळी धरमी ने चाह्या की जी वाते तुहुं देखु, ची देखे, बाकुन नी देख्या; ने ज्य वात तुहुं सामळु, ची सामळे, बाकुन नी सामळ्या। 18 “हय तुहुं बीज एरने वाळान दाखलान मतलब सामळु। 19 ज्य कुय राजेन बुल सामळीन नी समजे, तेरा मन मां ज्य काय बीज एरलो हतलो, तीना काजे च भुतडो आवीन भगवानेन बुल हापकीन लीन जाती रवे। जु हयुत छे, ज वाते धडे बीज एरलो हतलो। 20 चापर्या वाळी जागा मां पडला बीज तीनु माणसेन सहलाणी छे चे भगवानेन बुल सामळतात खुस हयून मान लेय। 21 बाकुन मुळे उंडा नी हवणेन वजे सी चे थुडाक दाहडा जीवे, ने जत्तार बुलेन वजे सी दुख नीते वेला हवे ती तत्तारुत भुरसु करनु छुड देय। 22 जे बीज काटाळस्या मां पड्या, चे बीज माणसेन सहलाणी छे जे भगवानेन बुल काजे सामळे ते खरा, बाकुन अळी चे जीवणेन फीकुर करीन ने मातला बनने हेर करीन भगवानेन बुल काजे दडपी देय, ने चे फळ नी लावे। (aiōn g165) 23 ज्य वारलु जागा मां बीज एरलो छे, ज्य हयुत छे, भगवानेन बुल काजे सामळीन समजे, ने फळ लावे; कुय सोव गुणा, कुय सांठ गुणा, ने कुय तीस गुणा।” 24 ईसु तीनुक एक अळी दाखलु कह्यु: “सरगेन राज तीना माणसेन तसों

छे, चु तेरा खेत मां वारलु बीज एरलु छे। 25 बाकुन जत्त्यार माणसे सुवणे बाजी रवला, ती तेरु वेरी आवीन गहुं मां जळ-गहुं एरीन जाती रयु। 26 जत्त्यार डीरा नीकळे ने पान्ता लाग्या ती जळ-गहुंन बीज देखाव पड़े। 27 अतरामा पावर्या मालीकेन घर आवीन मालीक काजे कह्या, ए मालीक, तु ते तारा खेत मां वारलु गहुंन बीज नी एरलु? ती जळ-गहुंन कसा उंग्या? 28 ईसु तीनुक कह्यु, ज काहना वेरीन काम छे। ती पावर्या तीनाक पुछ्या 'काय तारी मरजी हय?' ती हामु जायन तीनु जळ-गहुं काजे उखाळ देजे। 29 मालीक कह्यु, 'नी, असा मां करु नीते कांखुर मायन जळ-गहुं भेळा वारलु गहुं बी उखळी जासे। 30 काटणे लग दुयु काजे एक साते मटा हवणे देवु ने काटणेन टेम मां काटणे वाळा सी कवीस की पेहल जळ-गहुं भेळा करीन धपाड़ने करीन हींद्रा गाठडा बांद लेवु, ने गहुं काजे मारा खळा मां भेळा करु।' 31 ईसु तीना काजे एक अळी दाखलु कह्यु: "सरगेन राज रायन दाणान तसों छे, तीना काजे कुय एक माणुस लीन आपणा खेत मां चुप देवु। 32 च ते दीसरा आखा बीज सी नानो ते देखाये बाकुन जत्त्यार मटो हय जाय तत्त्यार आखा झाड़का सी डाळ बण जाय ती सरगेन चिरला आवीन पुत्रा बांदी लेय।" 33 ईसु तीनुक अळी एक दाखलु: "सामळायु सरगेन राज तीना खाण्या-सुडान तसों छे, तीना काजे एक काहनीक बायरी लीन तीन चोवकी पीठा मां भेसकी, ने आखा पीठान खटासो हय ज्या।" 34 ईसु जी आखी वात दाखलु दीन माणसे काजे सीकाड़तेलु, ने तीनुक दाखला पाखुर ईसु तीनुक काय बी नी सीकाड़्यु। 35 की ज बुल भगवानेन अघी सी आवणे वाळी वात देखाड़ने वाळान साहरे असु कहलु, "मे दाखलु कहवणे करीन मारो मुंहडो खुलीस; मे तीनी वात काजे जी कळी घडलु ती सी ढाकायली वात उजेंतु कयस।" 36 तत्त्यार चु टुळा काजे छुड़ दीन घर मां आयु, ने तेरा चेला तेरे धड़े आवीन कह्या, "खेतेन जळ-गहुंन दाखलान मतलब काय हवे चो हामुक समजाड़ी दे।" 37 ईसु तीनुक जपाप आप्यु, "वारलु बीज एरने वाळु किरसाण, माणसेन पुर्यु छे।" 38 ने खेत जी कळी छे, वारलु बीज भगवानेन राजेन माणसे छे, ने जळ-गहुंन बीज कुहर्या वेरीन माणसे छे। 39 चु वेरी जळ-गहुं एर्यु चु भुतडु छे; काटणी कळी मां खत्तम हवणी छे, ने काटण्यु सरग वाळा काहवाळ्या छे। (aiōn g165) 40 जसा माणसे जळ-गहुं भेळा करीन धपाड़ी देय, तसीत जी कळी खत्तम मां हवसे। (aiōn g165) 41 माणसेन पुर्यु तेरा सरग वाळा काहवाळ्या काजे मकलसे, ने चे तींद्रा राज मां सी आखा पाप करने वाळा काजे भगवानेन राजेन माणसेन सी अलग करीन तीनुक भेळा करसे। 42 ने तीनुक आकठान डहरा धकली देसे, चे माणसे आकठी मां बेसका रडसे ने दात ककड़ावता रवसे। 43 तीनी टेमे वारलु माणसे आपणा बासेन राज मां दाहड़ान तसा चमकसे। जतरा बी सामळी रया, चे वारु सामळीन समजणु चाहजे। 44 "सरग वाळा भगवानेन राज खेत मां सातायला धनेन तसों छे, तीनाक

काहनाक माणुस काजे जड्यो ने साताड़ी देदु, ने धव हयु ने जायन तेरो आखो काय हतलो चो वेची देदु ने तीना खेत काजे मुल ली लेय। 45 "अळी सरगेन राज एक धंदु करने वाळान तसों छे, चु वारलु मोतीन हेर मां हतलु। 46 जत्त्यार तीना काजे एक बेसका महंगलो मोती जड़ी गुयो, ती हयु जायन आखो काय हतलो चो वेची देदु, ने तीनी मोती काजे मुल ली लेदु। 47 "सरगेन राज तीना मटला जाळन तसों छे, ज दरीया मां नाख्यु, ने आखी भातीन माछा काजे सेमटी लावे। 48 ने जत्त्यार आखी जाळ माछा भराय जाय, ती माछा धरने वाळा तीना काजे भेळा करे, ने बठीन वारलु-वारलु माछी काजे ते ठहरा मां भेळा कर्या, ने रद्दी-रद्दी काजे नाख देदा। 49 कळी खत्तम हवणेन टेमे बी असोत हवसे। सरग वाळु काहवाळ्यु धरती पर आखी दुर जासे, वारलु माणसेन ईचमां सी पापी काजे अलग करसे, (aiōn g165) 50 अळी तीनु काजे आकठान डहरा मां नाख देसे। चां चे माणसे तीना आकठान डहरा मां बेसका रडसे ने दात ककड़ावता रवसे। 51 "ईसु तेरा चेला काजे कह्यु तुहुं जी आखी वात काजे समजी गुया काय?" चे ईसुक कह्या "हव।" 52 ईसु तीनुक कह्यु, "तेरेमां एक-एक यहुदी धरमेन कायदु सीकाड़ने वाळु मासुतर्यु जु सरगेन राजेन चेलु बण्यु, तीना घरेन मालीकेन तसु छे, चु आपणा कुठाम सी नवली ने जुनडली चीज नीकाळे।" 53 जत्त्यार ईसु जु आखु दाखलु कय देदु, ती चां सी जाती रयु। 54 ने नासरत सहर मां आयुन तींद्रा भक्तीन घर मां तीनुक असु सीकाड़ने बाजी गुयु, ती चे चकराय गुया ने कहणे बाजी गुया, "हीना काजे अतरी अक्कल ने ताकुतेन काम करनेन जुर कां सी जड्यु?" 55 काय जु सुतारेन पुर्यु नी हय? ने काय हेरी आयसेन नाव मरीयम, ने तेरा भायसेन नावे याकुप, युसुफ, सीमोन ने यहुदा हेरात भायस छे। 56 ने हेरी आखी बहणीस हामरे ईचमां ते रवे? ती हीनाक जी अक्कल ने जुर कां सी जड्यु? 57 चे नासरत सहर वाळा, ईसु पर भुरसु नी कर्या, तेरेमां ईसु तीनुक कह्यु, "भगवानेन अघी सी आवणे वाळी वात देखाड़ने वाळाक आपणा सहर ने आपणात घर मां ईज्जत नी जड़े।" 58 माणसेन नी भुरसा देखीन, ईसु चां बेसका ताकुतेन काम नी कर्यु।

14 तीनी टेमे गलील जीलान राज करन्यु हेरोदेस राजु ईसुन बारामां सामळ्यु, 2 ने हेरा पावर्या काजे कह्यु, "ग्यु युहन्ना बपतीसुमा आपणे वाळु छे! चु मर्या-सर्याम सी जीवतु हय ज्य, तेरेमां बेसका मटा ताकुतेन काम देखाड़ने बाजी रयु।" 3 काहाकी हेरोदेस राजु हेरा भायस फीलीप्युसेन बायरी हेरोदीयासेन वजे, सी युहन्ना काजे धरीन बांदीन जेल मां नाख देदा। 4 काहाकी युहन्ना तीना काजे कहलु की भायसेन बायरी काजे राखणु तारे वाटे वारु नी हय। 5 तेरेमां चु युहन्ना काजे माराने हींडी रवलु, बाकुन गड्डी वाळा माणसे सी बीहतेलु काहाकी चे युहन्ना काजे भगवानेन अघी सी आवणे वाळी वात देखाड़न्यु मानतेला। 6 बाकुन जत्त्यार हेरोदेस राजु पयदा हवलु

चु दाहडु आयु, ती हेरोदीयासेन पुरे हेरोदेस राजु तेरा मेजवान्यान इचमां नाचीन देखाडी ने हेरोदेस राजु देखीन खुस हय गुयु। 7 तेरेसी ज देखीन हेरोदेस राजु सगुन खायुन वायदु करयु, “जो काय तु मांगसी, च मे तुसेक आप दीस।” 8 हेरी माय हीनीक पेहलुत सीकाड देदली, “बपतीसमा आपणया युहन्नान मुणको तळी मां हींताळुत मांगडीन आप दे।” 9 हेरोदेस राजु दुखी हयु, बाकुन हेरी सगुन, ने मेजवान्यान वजे सी, तीनी पुरेन वात नी काट्यु। 10 हेरोदेस राजु जेल मां युहन्नान मुणको काटीन लावु करीन माणसे काजे मकल्यु। 11 ने युहन्नान मुणको तळी मां लाया, ने तीनी पुरे काजे आप देदा, मुणको ची पुरे हेरी माय काजे आप देदी। 12 तत्तयार युहन्नान चेला आया, जी वात सामळीन जेल मां गुया ने तेरा डील काजे ली जायुन गाड देदा, ने अळतेन जायुन ईसु काजे खबर कर्या। 13 जत्तयार ईसु युहन्नान मरनेन खबर सामळ्यु, ती ईसु ढंड्या पर चहडीन चां सी काहनीक सुनसान जागा मां, एखलुत जाती रयु। माणसे ज सामळीन सहर-सहर सी नीकळीन ईसु पछळ चाल पड्या। 14 ईसु ढंड्याम सी उतर्यु ती एक बेसकु मटु माणसेन टुळु देख्यु, ने तीनाक तीनु माणसे पर दया आय, ने तींदरा मांदला काजे वारु करयु। 15 जत्तयार सांती वेळाय तेरा चेला ईसु थडे आवीन कह्या, “जी सुनली जागा छे, ने दाहडु ढळ गुयु; तेरेमां हय हीनु माणसे काजे जाणी दे, की जे गांव मां जायुन आपणे-आपणे वाटे रुटा मुल ली लेय।” 16 ईसु चेला काजे कह्यु, “हीनुक मकलनु जरुडी नी हय! तुहुंत हीनु काजे काहीस खाणे आपु।” 17 चेला ईसुक कह्या, “जां हामरे थडे पांच रुटा ने दुय माछा छे अळी दीसरो काय बी नी हय।” 18 ईसु कह्यु, “चे रुटा ने माछा काजे मारे थडे लावु।” 19 तत्तयार ईसु माणसे काजे चारा पर बठणे करीन कह्यु, ने तीनु पांच रुटा ने दुय माछा काजे लेदु; ने सगरो भीणी भाळीन भगवान काजे कह्यु तु बेसकु वारु छे करीन कह्यु, माछा ने पांच रुटा तुडी-तुडीन चेला काजे आप्यु, ने चेला माणसे काजे आप्या। 20 जत्तयार आखा माणसे खायुन आफरी गुया, ती चेला बचला रुटान टुकडा सी बारे चार्या भराय गुया। 21 ने खाणे वाळा बायरा ने पुर्या काजे छुडीन, पांचेक हजार अदमीत हतला। 22 तत्तयार हयु तत्काल हेरा चेला काजे ढंड्या पर चहडने करीन कह्यु, मे माणसे काजे मकलो चां लग पली थडे जाती रवु। 23 चु माणसे काजे मकलीन, दुवा करने करीन बयडा पर जाती र्यु; ने सांतु लग ईसु चां एखलुत हतलु। 24 तीनी टेमे ढंड्यो दरीयान इचमां सहर सी बेसके छेते हतलो ने लहर सी अथोन-अथो हालतेलो, काहाकी आहळो सांबो सी आवतेलो। 25 ने ईसु कुकडा वासणीक पाणी पर चालीन तींदरे भीणी आयु। 26 चेला ईसु काजे पाणी पर चालीन आवतेलु देखीन घाबराय गुया। ने आयडीन कह्या, “जु ते भुतडु छे करीन!” ने बीही गुया जु र सी आयडने बाजी गुया। 27 तत्तयार ईसु तीनुक कह्यु, “हिम्मत राखु! मेत छे, बीहु मां।” 28 पतरस ईसु काजे कह्यु, “ए मालीक, कदी तुत छे, ती मेसे

तारे थडे पाणी पर चालीन आवणेन हुकुम आप।” 29 ईसु हुकुम कह्यु, “आव!” तत्तयार पतरस ढंड्या पर सी उतरीन ईसु भीणी पाणी पर चालीन जाणे बाजी गुयु। 30 बाकुन आहळी काजे देखीन बीही गुयु, ने जत्तयार डुबणे बाजी गुयु ती आयडीन कह्यु, “ए मालीक मेसे बचाड!” 31 ईसु तत्तयारुत हात अगु करीन तीना काजे धर लेदु, “ने कह्यु, ए कम भुरसु करन्या, तु काहा संक्या कर्यु?” 32 जत्तयार ईसु पतरस भेळु ढंड्या मां चड गुयु, ती आहळी हुगी रय गुयु। 33 तेरेमां जे ढंड्या बठी रवला चेला ईसुन पाये पडीन आंधया ने कह्या, “छाचलीन, तु भगवानेन पुर्यु छे।” 34 अळतेन चे पली थड गन्नेसरत सहर मां आया। 35 ती चां वाळा माणसे ईसु काजे उळखी लेदु ने आडे-धडेन आखा देस मां खबर मकल्या ने आखा मांदला काजे ईसु थडे लाया, 36 ने ईसु सी लीलघायुन कहणे लाग्या, की चु तीनुक तारा पुथलयान कुर अतरुत छीमणी दे; ने जतरा तीना काजे धर्या ने चे वारु हय गुया।

15 तत्तयार यरुसलेम सी थुडाक फरीसी माणसे ने यहुदी नीयमेन मास्तर्या ईसु थडे आवीन असा पुछ्या। 2 “तारा चेला डाहा-बुडा रीती-भाती काजे काहा नी पाळता? ने हीया मुयळा हय बी हात नी थुवे ने रुटा खाय?” 3 ईसु तीनुक कह्यु, “तुहुं तुंदरा डाहा-बुडान रीती नेम पाळने करीन भगवानेन हुकुम काहा तुड रया?” 4 काहाकी भगवानेन कवलु, तारा आयस-बासेन अबर राख्जी, ने जे कुय बास नीते माय काजे भुंडात करीन कहें, तीनाक मार नाखु। 5 बाकुन तुहुं कहवु की कदी कुय आपणा आयस-बास सी असु कय देय, गुयो काय बी मे तुहुंक आप सकतेलु, चो मे भगवान काजे भेट चडाय देदु। 6 असो नी हय की आपणा आयस-बासेन अबर नी करे, तेरेन तसा तुहुं बी तुंदरा डाहा-बुडान रीती सीकाडीन भगवानेन बुल काजे टाळ देवु। 7 ए ढंगडा करन्या! यसायाह तुंदरे बारामां जी भगवानेन अधी सी आवणे वाळी वात देखाड्यु वारु कवली छे, 8 जे माणसे मुंहडा पर ते मारी ईज्जत करे, बाकुन हींदरो मन मारे सी छेते रवे। 9 ने जे असलात मारी भक्ती करता रवे, काहाकी माणसेन रीत काजे भगवानेन कायदु छे, करीन सीकाडे। 10 तत्तयार ईसु माणसे काजे तेरे थडे बुलायान तीनुक कह्यु, तुहुं आखा मारी “सामळु, ने समजु। 11 ज्य मुंहडा मां जाय, च माणसे काजे नी वीटाळे, बाकुन गुयो मुंहडा सी नीकळे, चत माणसे काजे वीटाळे।” 12 तत्तयार चेला आवीन ईसु काजे कह्या, “काय तु जाणे की फरीसी माणसे काजे ज्य बुल सामळीन तीनुक वारु नी लाग्यो?” 13 ईसु जपाप आप्यु, “ज रुपो मारु सरगेन बास नी चुप्यु, तीनाक उखाळी नाख देसे। 14 हीनु काजे रहणी देवु; जे आंदळा छे, ने आंदळा कदी आंदळा काजे वाट देखाडे ती दुयु डहरा मां कुद पडसे।” 15 जी वात सामळीन पतरस ईसु काजे कह्यु, माणसेन मुंहडाम कथो नीकळे च माणुस काजे वीटाळ देय च काय छे, “जु दाखलु हामु काजे समजाड दे।” 16 ईसु कह्यु, “काय तुहुं बी हय लग

नी पल्ले नी पड़्यो काय? 17 काय तुहुं नी जाणु की ज्य काय मुंहडा मां जाय च पेट मां पड़े ने बाहरा बठणे जाय ती नीकळी जाय? 18 बाकुन ज्य काय मुंहडाम सी नीकळे, ची वात माणसेन मन सी नीकळे, ने जीत वात माणसे काजे वीटाळ देय। 19 काहाकी भुंडला वीच्यार माणसेम सी हव तींद्रा मनेम सी नीकळे, हत्या, बायरी साते भुंडोत काम छीनाळो, झुटी गवाय ने वाक नीकाळनु मन मां सी नीकळे। 20 आखी भुंडीत वात माणसेन मन मां सी नीकळे, बाकुन हात नी धुवे ने रुटा खाय ती माणुस काजे नी वीटाळे।” 21 ईसु चां सी नीकळीन, सुर ने सेदा ईलाका भीणी जाती रयु। 22 तीना परदेस सी एक कनानी जातीन बायरी नीकळीन आवी, ने आयडीन-आयडीन कवती रय, “ए मालीक! दावुदेन अवल्यात, मार पर दया कर! मारी पुरेन भुतडु चस्ती रयु, ने ची बेसकी एला कर रय।” 23 बाकुन ईसु तीनी काजे काय बी जपाप आप्यु। तत्त्यार ईसुन चेला ईसुन्यां आवीन ईसु सी लीलघायन कह्या की “हीनीक मकली, काहाकी हयी हामरे पछळ आयेडती-आयेडती आय रय।” 24 ईसु जपाप आप्यु, “भगवान मेसेक ईस्रायेली जातीन माणसेन्यां अतरुत मकली रयु, जे खुवायला गाडरान तसा छे, ने भगवान सी छेटे हय रया।” 25 बाकुन ची बायरी आयन, ने ईसु काजे आंधीन कहणे बाजी गुय, “ए मालीक मारी मदत कर।” 26 बाकुन ईसु दाखलान साहरे तेरु भुरसु देखीन जपाप आप्यु, “पुर्या धडे सी रुटु लीन कुतरा अगळ नाखणु वारु नी हय।” 27 ची बायरी बी तीनाक दाखला मां एक कडी जुडीन जपाप आपी, “छाचलीन वात छे मालीक! तेबी कुतरा मालीकेन ईसुटाळा रुटान बटका ते खाय लेय।” 28 तेरी वात सामळीन ईसु तीनी काजे जपाप आप्यु, “ए बायरी, तारु भुरसु बेसकु मडु छे। तारी मरजी पुरी हवे।” ने तत्त्यारुत तेरी पुरे वारु हय गुय। 29 ईसु चां सी जात रयु, ने गलील दरिया धडे पुगीन, एक बयडा पर चहडीन बठ गुयु। 30 तत्त्यार बेसका माणसेन टुळा की टुळा ईसु धडे आया। चे आपणे साते लंगडा, आंदळा, गुंगा, ठटळ्या ने दीसरा मांदला काजे ईसु धडे लाया, ने तीनुक ईसुन पाये पर नाख देदा, ने ईसु तीनुक वारु कर्यु। 31 जत्त्यार माणसे देख्या की गुंगा बुलने बाजी गुया, ने ठटळ्या वारु हय जाय, ने भागडा चाले, ने आंदळा देखे ती ज्य देखीन चकराय गुया ने ईस्रायेली जातीन भगवानेन बड़ाय कर्या। 32 तत्त्यार ईसु तेरा चेला काजे साते बुलायु ने कह्यु, “मेसेक ईनु माणसे टुळा पर दया आवे, काहाकी जे तीन दाहडा लग मार साते छे, ने हींद्रे धडे खाणे काय बी नी हय। मे तीनुक भुकला पछा मकलने नी चाहतु, काय असो नी हय जाय की वाटेत झामा खायन हीट पडसे।” 33 तेरा चेला ईसु काजे कह्या, “हामु काजे हीना उजाड्या बयडा मां ईनु माणसेक खावाडने करीन अतरा रुटा कां सी लावजे?” 34 ईसु तीनु काजे पुछ्यु, “तुंद्रे धडे कतरा रुटा छे।” चे कह्या, “सात रुटा, ने थुडाक नानला माछा छे।” 35 तत्त्यार ईसु माणसे काजे भुयमां बठणेन हुकुम आप्यु। 36

ने तीनु सात रुटा ने माछा काजे हात लेदु। ने तु बेसकु वारु छे करीन भगवान काजे कह्यु, ने भांजी-भाजीन हेरा चेला काजे आपतु गुयु ने चेला माणसे काजे वाटता गुया। 37 आखा खायन आफरी गुया ने चेला बचला टुकडा सी सात चार्या भर्या। 38 खाणे वाळा बायरा ने पुर्या काजे छुडीन चार हजार अदमी हतला। 39 तत्त्यार ईसु माणसेन टुळा काजे मकलीन ढंड्या मां बठीन, ने मगदन मुलके मां जाती रयु।

16 फरीसी माणसे ने सदुकी माणसे ईसु धडे आया, ईसु काजे पारखणे करीन असा पुछ्या, “हामुक सरगेन काहींग सहलाणी देखाड तत्त्यार हामु तार पर भुरसु करजे की तु भगवानेन अगु सी आवलु छे।” 2 ईसु तीनुक कह्यु, “सांती वेळाय तुहुंक कहं, ‘मुसुम वारु रवसे, काहाकी सरग रातलो छे।’ 3 ने संदारे एगात कहवे, ‘आज आंधी आवसे, काहाकी सरगे रातलो आदळो छावाय रयो।’ तुहुं सरग भीणी देखीन जाण लेवु, बाकुन तुहुं हीनी टेमेन सहलाणीन बारामां राज काजे देखीन नी जाणाये। 4 हीनी पीडीन भुंडा ने छीनाळ्या माणसे सहलाणी हेरे, बाकुन योनान सहलाणी काजे छुडीन तुहुंक अळी काय बी सहलाणी नी जडे।” जी वात कयन ईसु तीनुक छुडीन हेरा चेला पुठये दीसरे जागे जाती रयु। 5 चेला दरियान पली धडे गुया, बाकुन चे रुटा ली जाणु वीसरी गुयला। 6 ईसु तीनुक कह्यु, “देखु, फरीसी माणसे ने सदुकी पंथवाळा खाण्या-सुडा सी चेतीन रवजु।” 7 चे आपसा-आपसा कहणे बाजी गुया, “आपणु रुटा नी लाया तेरेमां ईसु असु कय रयु।” 8 ईसु तींद्रा वीच्यार काजे जाणीन कह्यु, “कम भुरसु करने वाळा, तुहुं तुंदरा मन मां असा काहा वीच्यार करु की रुटा नी लाया करीन ईसु असु कर रयु? 9 काय तुहुं हाल लग नी समज्या? काय तुहुं काजे तीनु पांच हजारें पांच रुटा हेर नी आवता, तीने टेमे तुहुं कतरा मटला चार्या भरला? 10 मे तीनु चार हजार माणसे काजे सात रुटा, आफरीन खावाडलु तीने टेमे तुहुं कतरा चार्या भरला? 11 तुहुं काहा नी समजता की, मे तुहुंक रुटान बारामां जो नी कह्यु, बाकुन मे ते फरीसी माणसे ने सदुकी माणसेन खाण्या-सुडा सी चेतीन रवजु करीन कह्यु।” 12 तत्त्यार चे समजी गुया की ईसु, रुटान पीठाम भेसकण्या खाण्या-सुडान बारामां सी नी, बाकुन, फरीसी माणसे ने सदुकी सीकापण सी चेतीन रवजु करीन कवलु। 13 ईसु केसर्या फीलीप्या परदेस मां आयु, ने हेरा चेला सी पुछणे आपसान बारामां असु पुछ्यु, “माणसे माणसेन पुर्या काजे काय कय रया?” 14 चे कह्या, “काहनाक ते युहन्ना बपतीस्मा आपणे वाळु कहवे, ने काहनाक एलीयाह, ने काहनाक यीरमयाह नीते भगवानेन अधी सी आवणे वाळो वात देखाडन्या मां सी काहनुक एक हसे करीन कहें।” 15 ज सामळीन ईसु तीनुक कह्यु, “बाकुन तुहुं मेसे काजे काय कहवु?” 16 सीमोन पतरस कह्यु, “तु जीवता भगवानेन पुर्यु मसी छे।” 17 ईसु तीना पतरस काजे कह्यु, “ए सीमोन, योनान पुर्या, तु वारु छे; काहाकी सीकार ने लुही नी,

बाकुन मारु बास सरगे मां छे, चु जी वात तुसे बताइयु। 18 ने मे तुसेक कहं की तु पतरस छे, ने मे हीना दगड़ा पर आपणी मंडळी बणावीस, ने पाताळने जुर तीना पर जुर नी कर सके। (Hadēs 986) 19 ने तुसे काजे सरगेन राजेन कुची आपीस, ने ज काय तु कळी पर बांदीस, च सरगे मां बांदायसे, ने ज काय तु धरती पर छुड़सी, च सरग मां उघड़से।” 20 तत्तयार ईसु आखा चेला काजे चेतायन कह्यु, की कुयक बी घुण कहुं की मे मसी छे। 21 तीनी टेमे सी ईसु आपणा चेला काजे समजाइने बाजी गुयु, “जरूरी छे की, मे यरुसलेम मां जाम ने डाहा-बुड़ा माणसे, ने मुख्या पुजारान, ने यहूदी नीयमेन मासूत्र्या मेसे काजे एला पाइसे, ने मार नाखसे; ने तीसरे दाहड़े मे मर्या-सर्याम सी जीवतु हय जायस।” 22 पतरस ईसु काजे अगु ली जायन असु कयन लइयु, “भगवान असु नी करे! मालीक तारे साते असो कदी नी हवे।” 23 ईसु पछु फीरीन पतरस काजे कह्यु, “ए भुतड़ा, मारे धड़े सी छेटु जाती रव! तु मारे वाटे अइचन बण रयु, काहाकी तु ते भगवानेन वात पर नी, बाकुन माणसेन वात पर मन लागाइने कहणे बाजी रयु।” 24 तत्तयार ईसु हेरा चेला काजे असु कह्यु, “कदी कुय मारु चेलु बणीन मारे पछळ आवणे हींडे, ती आपणे आप काजे भुल जाय ने आपसान कुरुस हाकलीन, मारा कहयाम चालनु पड़से। 25 काहाकी जु कुय बी आपणा जीव काजे बचाइने चाहसे, चु तेरा जीव काजे खुय देसे, ने जु कुय बी मारे वाटे जीव खुवसे, चु तीना जीव काजे हेर लेसे। 26 कदी माणुस आखी कळीन चीज काजे हेर लेय, ने आपसान जीव काजे खुय देय, ती तीना काजे काय फायदु जइसे? नीते माणुस आपणा जीवनेन आवजी मां काय आपसे। 27 माणसेन पुर्यु आपणा सरग काहवाळ्या साते आपणा बासेन सेक-सींगार मां आवसे, ने तीनी टेमे हीयु आखा काजे हींद्या काम काजे देखीन ईनाम आपसे ने ते तीनु माणसेक डंड जइसे। 28 मे तुंदरे सी छाचलीन कहं, की जे जां उबा हय रया, माणसे मां सी काहनाक असा छे, की जां लग माणसेन पुर्या काजे तेरा राज मां आवतेलु नी देखी नी लेय, तत्तयार लग नी मरे।”

17 छव दाहड़ा हय गुया ने अळतेन ईसु पतरस ने याकुप ने तेरा भायस यहनना काजे पुठ्ये ली लेदु, ने तीनुक अगु एक मटला बयड़ा पर ली गुयु। 2 तींदरे अगळ ईसुन सीकु बदली गुयु, ने तेरो मुंहडो दाहड़ान तसों चमकणे बाजी गुयो, ने तेरा पुथलया वीजाळान तसा चमकणे बाजी गुया। 3 ने तीनु चेला काजे मुसु ने एलीयु ईसु साते वात करतेला देखाव पड़्या। 4 तेरेसी पतरस ईसु काजे कह्यु, “ए मालीक, आपणो जां रहणु वारु छे! कदी तारी मरजी हय ती मे जां तीन खपड़ी बणाय दम; एक तारे वाटे, ने एक मुसा वाटे, ने एक एलीया वाटे।” 5 चु ज कवणेत बाजी रवलु ने एक वीजाळो आदळो तीनुक ढाक लेदो, ने तीना आदळा मां सी ज सामळ्या, “जु मारु लाटेकलु पुर्यु छे, हेरेसी मे बेसकु खुस छे: हेरीत वात सामळीन मानु!” 6 चेला असा सामळीन मुंहडान भुरसे पड़्या, ने बेसका बीही गुया।

पतरस ईसु काजे कह्यु, “दीसरा माणसे सी।” ईसु पतरस काजे कह्यु, “ती पुर्या काजे फाळु नी आपणु पड़े। 27 बाकुन तेबी आपणु हीनु माणसे काजे नराज नी करता, तु दरिया धडे जायुन गळी नाख, ने जी माछी पेहेल नीकळे, हीनीक लीन; तेरो मुंहडो उघाड़ने सी तुसे काजे एक सीक्कु जड़से, तीना सीक्का काजे लीन मारे ने तारे वाटेन करीन आप देजी।”

18 तीनी टेमे चेला ईसु धडे आवीन पुछ्या, “सरग वाळा भगवानेन राज मां आखा सी मट्टु कुण छे?” 2 तत्तयार ईसु एक नानला पुर्या काजे धडे बुलायन हींद्रे ईचमां उबु कर्यु, 3 ने कह्यु, “मे तुंद्रे सी छाचलीन कहं की जत्तयार लग तुहं पाप भीणी सी मन नी फेरवु चां लग तुहं हीना नानला पुर्यान तसा नी बणु, तत्तयार लग तुहं सरगेन राज मां नी जाय सकु।” 4 जु कुय बी आपसा काजे हीना नानला पुर्यान तसु नानलु बणसे, चु सरग वाळा भगवानेन राज मां आखा सी मट्टु बण जासे। 5 ने जु कुय बी मारा नाव सी एक असला नानला पुर्यान आव-भाव करसे, चु मारु आव-भाव करे। 6 “बाकुन जु कुय बी हीनु नानला मां सी जे मारे पर भुरसु करे ने एक काजे ठुकर खावाड़ने वजे बणे, तेरे वाटे ते ज वारु छे की मट्टी घट्टीन पुड़ तेरे गळा मां बांदिन, नेचु उंडला समुदर मां डुब जाय। 7 ठुकरेन वजे हीनी कळी पर बेसकी दुखेन वात छे! पापेन वजे ते बननु छे, बाकुन बेसकी दुखेन वात छे तीना माणस वाटे तेरे साहरे पापेन उत्तर बणे। 8 “कदी तारु हात नीते तारु पाय तुसेक ठुकर खावाड़से, ती तीना काजे काटीन नाख दे, चो तारे वाटे वारु छे, ने लुला नीते भागड़ा हयन जीवनेन राज मां भरायणु तारे वाटे वारु छे, नीते दुय हात ने दुय पाय रवे तेबी तु अमरेन नरकेन आकठा मां नाखाय जाय। (aiōnios g166) 9 कदी तारा डुळा तुसेक ठुकर खावाड़से, ती तीना काजे नीकाळीन नाख दे, ने काणु हयन जीवनेन राज मां भरायणु तारे वाटे वारु छे, नीते दुय डुळा रवे ने तु नरकेन आकठा मां नाखाय जाय। (Geenna g1067) 10 “देखु, तुहं हीनु नानला मां सी काहनाक काजे नानु घुण समजे, काहाकी मे तुंद्रे सी कहवो की सरग मां हींद्रा सरग वाळा काहवाळ्या मारा सरगेन बासेन मुंहडो जलम देखे। 11 काहाकी माणसेन पुरयु तीनु काजे हेरेने करीन आवलु छे, चे भगवान सी छेटे हयन खुवाय गुयला छे। 12 “तुंदरु काय वीच्यार छे? कदी काहनाक माणसेन सोव गाडरा रवे; ने तींद्रे मां सी एक खुवाय जाय, ती काय चु एक कम सोव गाडरा काजे रहणीदीन, बयड़ा पर जायन तीनु खुवायला काजे नी हेरे? 13 ने कदी असो हवे की चु तीना काजे जड़ जाय, ती मे तुहंका छाचलीन कहवो की हयु तीनु एक सोव गाडरा सी अतर खुस नी हवे, जतरु एक गाडरा सी खुस हवसे। 14 असुत तुंदरा सरग वाळा बासेन मरजी जीत छे, असी मरजी नी हय की हीनु नानला मां सी एक बी खत्तम हय जाय। 15 “कदी तारु भाय तारे वीरुद मां गुनु करे, ती जां अलग ली जायन वात करीन तीनाक समजाड़; कदी चु तारी सामळे ती, तु तारा भायस काजे हेर लेदु। 16 कदी चु नी

सामळे, ती अळी एक नीते दुय जणा काजे साते लीन जां, की ‘एक-एक गुनु दुय नीते तीन जणान गवा छाचली हय जाय असो चुखली-सासतुर मां लिखलो छे।’ 17 कदी चु तींद्री बी नी माने, ती मंडळी मां कय दे, बाकुन कदी हयु वां बी नी माने ती तु तीना काजे नी-यहुदी ने फाळु लेणे वाळान तसु जाण। 18 “मे तुहंका छाचलीन कहवो, ज काय तुहं कळी पर बांदसु, च सरग मां बांदायसे, ने ज काय तुहं कळी पर उघाड़सु, च सरग मां उघड़से। 19 “अळी मे तुंद्रे छाचलीन सी कहं, कदी तुंद्रे मां सी दुय जणा धरती पर काहनीक वात वाटे एक मन्या हयन मांगसे, ती च मारा बास भीणी सी जु सरग मां छे, हींद्रे वाटे हय जासे। 20 काहाकी जां दुय नीते तीन मारा नाव सी भेळा हवसे, ती मे तींद्रे ईचमां रव।” 21 तत्तयार पतरस धडे आवीन ईसु सी कह्यु, “ए मालीक, कदी मारु भाय गुनु करततु रवे, ती मे कतरा कावा तीना काजे माफ करीस? काय सात कावा लग?” 22 ईसु पतरस काजे कह्यु, “मे तारे सी ज नी कव की सात कावा लग, बाकुन सात कावा नी बाकुन सत्तर गुणा लग माफ करजी। 23 “तेरेमां सरगेन राज, तीना राजान तसां छे, चु आपणा पावर्या सी लेखु लेणे चाहे। 24 जत्तयार चु लेखु लेणे बाजी गुयु, ती तेरे अगळ एक जणाक लाया, तेरे पर राजान कुरुडु रुप्यान करजु हतलु। 25 बाकुन करजु छुटणे तेरे धडे काय नी हतलो, ती मालीक कह्यु, गुयु हेरी बायर, ने पुर्या-पारी अळी ज काय तारो छे, आखो वेच दम, ने करजु देवाय जासे। 26 तत्तयार चु पावर्यु पाय मां पड़ीन मालीक काजे आंध्यु ने कह्यु, ‘ए मालीक दम धर, मे आखो काय छे चो आप दीस।’ 27 तत्तयार तीना पावर्यान मालीक दया करीन तेरा करजा काजे माफ कर देदु, ने तीना काजे छुड़ देदु ने। 28 “बाकुन जत्तयार चु पावर्यु बाहार नीकळ्यु, ती तेरु साते वाळु पावर्या मां सी एक जणु तीना काजे भेळु हयु, चु तेरा सोव चांदिन रुप्यान करजा वाळु हतलु; चु तीना काजे धर्यु ने तेरो गळु चीपदीन कह्यु, ‘ज्य काय बी तारे पर करजु छे चु आप देजी।’ 29 तेरेसी तेरु साते वाळु पावर्यु भुयमां पड़ीन लीलघायन कह्यु, ‘दम धर, मे मारु आखु करजु आप दीस।’ 30 चु नी मान्यु, बाकुन जायन तीना काजे जेल मां नाख देदु की जत्तयार लग चु करजु नी आप देय तत्तयार जात रवसे। 31 तेरे साते वाळा दीसरा पावर्या ज्य हयो च देखीन दुखी हया, ने जायन तींद्रा मालीक काजे आखी वात कय देदा। 32 तत्तयार तेरु मालीक तीना पावर्या काजे बुलायु ने कह्यु, ‘ए भुतड़ा पावर्या, तु जु मारे सी लीलघायन कह्यु, ने मे तारु आखु करजु माफ कर देदु। 33 ती जसु मे तार पर दया कर्यु, असुत काय तु बी तारा साते वाळा पावर्या पर दया नी करनु चाहजे।’ 34 ने तेरु मालीक रीसवाय गुयु ने तीना काजे डंड देणेवाळान हात मां आप देदु, की जत्तयार लग चु आखु करजु नी आप देय, तत्तयार लग हींद्रा हात मां रवे। 35 “हीनीत रीते कदी तुंद्रे मां सी कुय आपणा भाय काजे मन सी माफ नी करे, ती मारु बास सरगे मां छे, तुहंका बी माफ नी करे।”

19 जत्त्यार ईसु जी वात कय देदलु, ती गलील जीला मां जाती रयु; ने यरदन नदीन पली धड़े यहूदीया जीला मां गुयु। 2 तत्त्यार माणसेन मटलु टुळु ईसु पछळ चाली पड्यु, ने ईसु चां मांदला माणसे काजे वारु करयु। 3 तत्त्यार फरीसी माणसे ईसुन पारख करने ईसु धड़े आवीन पारखणे करीन असा पुछ्या, “काय काहना बी उत्तर सी आपणी बायर काजे छुडनु वारु छे?” 4 ईसु कहयु, “काय तुहुं चुखली सास्तर मां नी भणया की, जु तीनुक बणायु चु सुरु सी अदमी ने बायरी काजे बणायु। 5 ईनी वजे सी माणुस आपणा आयस-बास सी अलग हयन, आपसी बायरी साते रवसे ने चे दुयु जणा एक डील बणीन रवसे। 6 अळतेन चे हय सी दुय नी, बाकुन एक डील छे। तेरेमां तीनाक भगवान जुडलु छे, तीना काजे माणुस अलग नी करे।” 7 चे ईसु काजे पुछ्या, “ती मुसु ज्य काहा हुकुम आप्यु की छुडणेन चिट्ठी आपीन घरवाळीक छुडनु?” 8 ईसु तीनुक कहयु, “मुसु तुंद्रे मनेन कयडाळा वजे सी तुहुं आपणी-आपणी बायर काजे छुड देणेन हुकुम आप्यु, बाकुन सुरु सी असो नी हय। 9 ने मे तुंद्रे सी कहव की, जे दीसरान उतरेन वजे सी आपणी बायर काजे छुडीन दीसरी सी ईयाव करे चु छीनाळो करे ने जे हीनी छुल्ली सी ईयाव करसे चु बी छीनाळो करे।” 10 चेला ईसुक कहया, “कदी अदमीन बायर साते असु वेहवार छे, ती ईयाव करनु वारु नी हय।” 11 ईसु तीनुक कहयु, “आखा जणा जी सीकापण हुकारी नी सके तीनु काजे अतरत ज्य वाटु आपलु छे। 12 काहाकी काहनाक हीजड़ा असा छे, जे मायन पेट मां सी असा पयदा हवला छे; ने काहानाक हीजड़ा असा छे, तीनुक माणसे हीजडु बणाया; ने काहानाक हीजड़ा असा छे, जे सरगेन राज वाटे आपसा काजे हीजड़ा बणावला छे। जे तीना काजे हुकार सके चे हुकार लेया।” 13 तीनी टेमे थुडाक माणसे नानला पुर्या काजे ईसु धड़े लाया; की चु हींद्रे पर हात मेले ने दुवा करे, ईसुन चेला तीनु माणसेक लड्या। 14 ईसु कहयु, “पुर्या काजे मारे धड़े आवणे देवु, ने हीनुक मां रुकु, काहाकी सरग वाळा भगवानेन राज असलात छे।” 15 ने चु पुर्या पर हात मेलीन संयबरकत आपीन चां सी जाती रयु। 16 एक माणुस ईसु धड़े आवीन पुछ्यु, “ए मास्तर, मे काहनो भलो काम करो की जलमेन जीवाय जड़े?” (aiōnios g166) 17 ईसु तीना काजे कहयु, “तु मारे सी भलायन बारामां काहा पुछे? वारु ते एकुत छे, कदी तु जीवन मां जाणे चाहे ती भला काम करने वाळा भगवानेन हुकुम काजे मान्या कर।” 18 चु ईसुक कहयु, काहनी हुकुम ईसु कहयु, “खुन घुण करे।” छीनाळो घुण करे, झुट घुण देय; 19 आपणा बास ने आपणी मायन वात माननु, ने आपणे चांदे वाळा सी परम करजी। 20 चु जुवान ईसु काजे कहयु, “जी आखी हुकुम काजे ते मे मानो; हय मारेमां काहानी वातेन कसर छे।” 21 ईसु तीना काजे कहयु, “कदी तु पाक्कु बन्ने चाहे ती जां तारा धन काजे वेचीन गरीब काजे आप दे, ने तुसे सरगे मां धन जडसे; ने तु मारु चेलु बणीन मारे

पुर्ये चाल।” 22 बाकुन चु जुवान ईसुन वात सामळीन नराज हयन जाती रयु, काहाकी चु बेसकु धन वाळु हतलु। 23 तत्त्यार ईसु तेरा चेला काजे कहयु, “मे तुंद्रे सी छाचलीन कहव की धन वाळा माणसे काजे सरग वाळा भगवानेन राज मां जाणु काठो छे। 24 तुंद्रे सी अळी कहव की, भगवानेन राज मां धन वाळा काजे भरायणु उटडान सुईन नाचका मां भरायणु जादा सरल छे।” 25 ज्य सामळीन चेला बेसका घाबरायन, “कवणे लाग्या पछे कुणीन छुटकारु हवसे?” 26 ईसु तींद्रे भीणी एक हेट्यु भाळीन कहयु, “माणसे सी ज नी बणे, बाकुन भगवान सी आखो काय कर सके।” 27 ती पतरस ईसु काजे कहयु, “देख, हामु ते आखो काय छुडीन तारा चेला बण गुयला छे। ती हामुक काय जडसे?” 28 ईसु तीनुक कहयु, मे तुंद्रे सी छाचलीन कहवो, की नवली कळी मां जत्त्यार माणसेन पुर्यु आपणी सेक-सींगारेन राजगादी पर बठसे, ती तुहुं बी जे मारे पछळ आवला छे, बारे राज गादी पर भरायन ईस्रायेलेन बारे खानदानी पर नीयाव करसु। 29 ने जु कुय बी घर, नीते भायसेक, नीते बहणीस, नीते बास, नीते माय, नीते नानला पुर्या नीते खेते काजे मारा नाव वाटे छुड देदला छे, तीना काजे सोव गुणा फळ जडसे, ने चे जलम जीवनेन हकदार्या बी हय जासे। (aiōnios g166) 30 बाकुन बेसका माणसे हय अगळ छे, चे पछळ हय जासे, ने जे हय पछळ छे, चे अगळ हय जासे।

20 सरग वाळा भगवानेन राज तीना किरसाणेन तसों छे, चु तेरी अंगुरेन वाड़ी मां दाहडक्या लागाइने करीन संदारे एगुत घर सी नीकळ्यु। 2 चु दाहडक्या काजे चांदीन एक रुप्या मां दाहडकी राखलु, ने तीनुक तेरी अंगुरेन वाड़ी मां मकलयु। 3 अळतेन चु नव बजेन नीकळीन दीसरा माणसे काजे हाटे मां रीकामा उबा हय रवला देखीन। 4 तीनुक कहयु, तुहुं बी मारी अंगुरेन वाड़ी मां जावु, मे तुहुं वारु दाहडकी आपीस। 5 ने चे बी वाड़ी मां काम करने करीन जाती रया, अळतेन चु बारे बजे ने तीनेक बजे खयडे नीकळीन असुत दाहडक्या हेरने करीन गुयु। 6 अळतेन चु पांचेक बजे अळी खयडे नीकळ्यु चां दीसराक अळी उबा हय रवला देखीन तीनुक कहयु, “तुहुं काहा जां दाहडु भरीन रीकामा उबा हय रया।” 7 चे तीना काजे कह्या, हामुक काहनु बी दाहडकी नी लागाइयु करीन हामु जां उबा हय रया। चु तीनु काजे कहयु, तुहुं बी मारी अंगुरेन वाड़ी मां काम करने जावु। 8 सांती वेळाय अंगुरेन वाडीन मालीक, आपसा मुनीम सी कहयु, दाहडक्या काजे बुलायन लाव पछेन आवणे वाळा सी लागाइीन पेहल आवणेवाळा लग, आखाक दाहडकी आप दे। 9 जत्त्यार चे आया, ती चे पांच बजे कामे लागला, ती चु मुनीम तीनुक काजे चांदीन एकेक रुप्यु आप्यु। 10 जत्त्यार चे पेहल दाहाडक्या आवला, चे असा समजी गुया की हामुक अदुस आपसे, बाकुन चु तीनुक बी चांदीन एकेक रुप्युत आप्यु। 11 जत्त्यार पयस्या लीन चे खेतेन मालीक पर कुर-कुर करने बाजी गुया, 12 चे कह्या जे पछला ते एकतु घंटु

काम कर्या, ने तेबी तु तीनुक हामरे बराबर दाहड़की आप्यु, ने चे दाहड़ु भरीन भार हाकलया ने तप काजे झेल्या? 13 तींद्रे मायन एक असु जपाप आप्यु, ए दुस्त, मे तारे सी काय बी बयमानी नी करो, मे तुसेक दाहड़ान दाहड़की चांदीन एक रूप्यु आपीस करीन तीयार नी हयु? 14 ज्य तारो छे, चो हाकलीन जाती रव; मारी मरजी असी छे, की जतरो तुसे आखो आप्यु ततरोत हीना पछळ आवला काजे बी आपो। 15 काय ज्य सय नी हय काय मे मारा पयसया सी ज्य चाहो चो करो? तु मारी भलाय देखीन मार पर काहा कुहराय रयु? 16 हीनी रीती सी जे हय अगळ छे, चे पछळ हय जासे; ने जे पछळ छे, “चे अगळ हय जासे।” 17 ईसु यरुसलेम सहरेंन वाट्ये अगु जाणे बाजी रवलु। ती चु बारे चेला काजे अथु ली जायन तीनुक कह्यु, 18 “देखु, हामु यरुसलेम सहर मां जाणे बाजी रया; ने माणसेन पुर्यु मुख्या पुजारान ने यहूदी नीयमेन मासतर्या हात मां थराय जासे, ने चे तीना काजे मारनेन डंड सामळावसे। 19 ने चे तीना काजे नी-यहूदी माणसेन हात मां आपसे, की चे तीना काजे हासी मां उडाइसे ने सपाटा देसे ने कुरुस पर चड़ावसे, ने चु तीन दाहड़ाम मर्या-सर्याम सी जीवतु हय जासे।” 20 तत्पार जब्दीन पुर्यान माय, आपणा पुर्या काजे साते लीन ईसु धडे आवीन आंधी, ने तरे सी थुडोक मांगणे बाजी गुय। 21 ईसु तीनीक पुछ्यु, “तुसेक काय चाहजे।” ची कय, “जे मारा दुय पुर्या छे। तु तारा राज मां ईनु मायन एक तारे जेवड्या हात भीणी ने एक तारे डाखर्या हात भीणी बसणेन हक आपजी।” 22 ईसु जपाप आप्यु, “तु नी जाणु की काय मांग रय। जु मे दुखेन पीयालु मे पीणेवाळु छे, तुहं तीना दुखेन पीयाला काजे पी लेसु काय?” चे तीना काजे कह्या तु कह्यु तसोत हामु करसु। 23 तत्पार ईसु तीनुक कह्यु, “तुहं मारु कटवरु ते पीसु, बाकुन मारे जेवड्ये ने डाखर्ये हात मां काहानाक बी बठाइनु मारो काम नी हय, बाकुन हींद्रे वाटे मारा बास भीणी सी तीयार करलो छे।” 24 ज्य सामळीन दस चेला तीनु दुय संग भायस पर रीसाय पड्या। 25 ईसु आपसा चेला काजे धडे बुलायन कह्यु, “तुहं जाणु की नी-यहूदी राजा हींद्रे पर राज करे; ने जे मटला छे, चे हींद्रे पर हक जमाडे। 26 बाकुन तुंद्रे मां असला हकेन कायदु नी रहणु चाहजे; बाकुन जु कुय तुंद्रे मां मटा हवणे हींडे चु तुंद्रे मां पावर्यु बणसे। 27 ने चु तुंद्रे मां मुख्यु बणने हींडे, चु तुंदरु आखान पावर्यु बणसे। 28 काहाकी माणसेन पुर्यु; ईनी कळी मां आपसी चाकरी कराइने नी, बाकुन आपसुत चाकरी करने, ने बेसका जणान जीव काजे छुड़ावने करीन आवलु छे।” 29 जत्पार चे यरीहो सहरेंन सी नीकळीन जाणे बाजी रवला, ती माणसेन एक मटलु टुळु ईसु पछळ चाल पड्यु। 30 ने चां सयडक धडे दुय आंदळा, जे बठला हतला, जत्पार चे जो सामळ्या की ईसु जाणे बाजी रवलु, ती चे आयडी-आयडीन कहवणे बाजी गुया “ए मालीक, दावुदेन अवल्यात, हामरे पर दया कर।” 31 माणसे तीनु आंदळा काजे हुगा हय

रवु; करीन तीनुक लड्या, बाकुन अळी बी आयडीन कह्या, “ए मालीक दावुदेन अवल्यात, हामरे पर दया कर।” 32 ईसु हुबु हयन तीनुक बुलायु ने कह्यु, “तुहं क काय चाहजे?” मे तुंद्रे वाटे करो। 33 चे कह्या “ए मालीक, हामरा डुळा उघडी जाणु चाहजे।” 34 ईसु काजे तींद्रे पर दया आय तींदरा डुळा धर्यु ने चे तत्पारुत देखणे बाजी गुया; ने ईसु पछळ चाल पड्या।

21 जत्पार चे यरुसलेम धडे गुया, ने जेतुन बयडा पर बेतफो गांव धडे आया, ती ईसु आपसा दुय चेला काजे ज्य कयन मकलयु, 2 “तुहं पलो सांबो देखाये, तीना फळ्याम जावु। ने चां पुगतेत तुहं एक गदडी बांदली देखाव पडसे, ने तरे पुठ्ये पीलो बी तुहं देखाव पडसे। तीना गदडाक छुडीन मार धडे ली आवु। 3 कदी तुहं कुय काय कहवे, ती तीनाक तुहं असा कहजु, मालीक काजे जो गदडो चाहजे ती कवजु की मालीक काजे हेरो काम छे, तत्पार चु तत्काल तीनुक मकली देसे।” 4 ज्य तरेमां हयो की, ज्य बुल भगवानेन अघी सी आवणे वाळी वात देखाइन्या माणसेन साहरे कहलो चो पुरो हय जाय: 5 “सीयोनेन सहरें मां रहण्या माणसेक कहवु, देख, तुंदरु राजु तुंद्रे धडे आवणे बाजी रयु। चु भुळु छे, चु गदडी पर बस रयु, बाकुन पीला पर सवारी कर रयु।” 6 चेला चाल पड्या, ने चे ईसु कह्यु तसोत चे कर्या। 7 ने गदडीक ने पीला गदडाक ली आया, तरे पर आपसा साल्या तीनु गदडाक पांगराय देदा, ने ईसु पीला गदडा पर सवारी कर्यु। 8 तत्पार बेसका माणसे आपसा साल वाट मां आथर्या, ने थुडाक माणसे झाडकान डाळ्या काटीन वाट मां आथरीन तरे आव-भाव कर्या। 9 ईसुन अगळ-अगळ जाता जायन ने पछळ-पछळ चालीन आवता जायन, जुर सी आयडी-आयडीन कवतेला, “दावुद राजान अवल्यात काजे होसानना कवतेला, जु भगवान मालीकेन नाव सी आवे, चु बरकतवाळु छे, आखाम सरगे मां रहण्या भगवानेक बी होसानना कवतेला।” 10 जत्पार ईसु यरुसलेम मां पुग्यु, ती आखा सहरें माणसे कलो-कलो करता, जायन पुछणे बाजी गुया, ज्य कुण छे? 11 तत्पार ईसु पुठ्ये आवला माणसे कह्या, “भगवानेन अघी सी आवणे वाळी वात देखाइन्यु ईसु छे, जु गलील जीलान नासरत सहर वाळु छे।” 12 ईसु भगवानेन मंदीर मां जायन तीनु आखा काजे, जे मंदीर मां लेणु देणु करतेला, तीनुक बाहर नीकाळ देदु, चु पयसया आटे-साटे करन्यान टेबल्या ने पेरवा वेचणयान चारला अंधला देदु। 13 ने तीनुक असु कह्यु, “चुखला सासतुर मां लिखलो छे, की ‘मारो घर दुवान घर कहवायसे।’ बाकुन तुहं ते हीना काजे धाडु पाइन्या ने चुट्टान खंगरु बणाय देदा।” 14 मंदीर मां आंदळा ने भागडा, ईसु धडे आया, ने चु तीनुक वारु कर्यु। 15 बाकुन जत्पार मुख्या पुजाराक ने यहूदी धरम सीकाइन्या मासतर्या ईसुन मटला काम काजे, ने ज्य ईसु कर्यु, ने पुर्या काजे मंदीर मां दावुदेन अवल्यात काजे होसानना करीन आयडतेला देख्या, ती चे बेसका रीसवाय गुया, 16 ने चे ईसु काजे कह्या, “जे काय

कवणे बाजी रया चो तु सामळे काय?" ईसु तीनुक कह्यु, "हव सामळी रयु; तुहं ज्य चुखली सासतुर मां नी भणया काय? पुर्या ने द्रुत पीणया नानला पुर्यान मुंहा सी तु आपसुत गुण गावाड्लु छे।" 17 अतरामा कय दीन ईसु तीनुक छुडीन सहर मां बाहार नीकळीन बेतन्या गांव मां जाती रयु ने चांहान आखी रात रयु। 18 दीसरे दाहडे ईसु अगुत सहर भीणी जाणे बाजी रवलु, ती ईसु काजे भुक लागी। 19 सयइकेन धडे अंजीरेन एक झाडको देखीन चु तेरे धडे गुयु, ने पान्ता काजे छुडीन चां काय नी जड्यो तीना अंजीरेन झाडकाक कह्यु, "हय सी तारे मां जलम नी फळ लागणु चाहजे।" ने अंजीरेन झाडको ततयारुत सुक गुयो। (aion g165) 20 ज्य देखीन चेला घाबराय गुया ने चेला कह्या, "ज्य अंजीरेन झाडको तत्काल कसों सुक गुयो।" 21 ईसु तीनुक कह्यु, "मे तुंदरे सी छाचलीन कहवो, कदी तुहं भुरसु करु ने मन मां संक्या नी करु, ती जसु मे अंजीरेन झाडकाक कह्यु तसत हय गुयो तसात तुहं बी कवसु तेबी हय जासे, बाकुन कदी तुहं हीना बयडा सी बी कवसु की, उखळीन जां, ने समुदर मां जायन पड जां, ती तसों हय जासे। 22 ने ज्य काय तुहं दुवा मां भुरसु करीन मागंसु ती चो भगवान तुहंक आप देसे।" 23 ईसु मंदीर मां जायन सीकाइने बाजी रवलु, ती मुख्या पुजारा ने डाहा-बुडा माणसे ईसु धडे आवीन पुछ्या, "तु ज्य आखो काम कुणीन हक सी करे? ने ज्य हक तुसे कुण आपयो?" 24 ईसु तीनुक कह्यु, "मे बी तुंदरे सी एक वात पुछो; कदी ची वात मेसे बताइसु, ती मे बी बताइस की ज्य काम कुणीन हक सी करो। 25 युहन्ना बपतीस्मा आपण्या काजे, बपतीस्मा काहा सी जडलो? सरगेन भीणी सी की माणसे भीणी सी जडलो?" जी वात सामळीन चे असा वीच्यार करणे बाजी गुया, "कदी हामु कवजे सरगे सी भगवान आपलु, ती हयु कवसे, 'ती तुहं तेरे पर भुरसु काहानी कर्या?' 26 ने कदी कवसुन 'माणसे भीणी सी' ती हामुक हीनु माणसेन टुळा सी धाक छे, काहाकी जे आखा युहन्ना काजे भगवानेन अधी सी आवणे वाळी वात देखाइन्यु माने।" 27 अळतेन चे ईसु काजे असा जपाप आप्या, "हामु नी जाणजे।" ती ईसु बी तींदरे सी कह्यु, "ती मे बी तुहंक।" नी बताइतु की ज्य काम कुणीन हक सी करणे बाजी रयु। 28 ईसु यहुदीन मुख्या माणसे काजे कवतु गुयु, "तुहं काय वीच्यारु? एक माणसेन दुय पुर्या हतला; चु पेहला धडे जायन कह्यु, 'ए पुर्या, आज अंगुरेन वाडी मां काम कर।' 29 बाकुन चु पेहलु पुर्यु असु जपाप आप्यु, मे नी जाम, बाकुन शुडीक वार मां तेरा मन अंगुरेन वाडीम काम करणे जाणेन वीच्यार आय गुयु ने चु काम करणे गुयु। 30 अळतेन चु बास दीसरा पुर्या धडे जायन असुत कह्यु, चु जपाप आप्यु, 'हव मे जायस करीन कह्यु' बाकुन चु नी गुयु। 31 हीनु दुय पुर्या मां सी काहनु बासेन मरजी पुरी कर्यु?" चे कह्या, "पेहलु पुर्यु।" ईसु हींदरे सी कह्यु, "मे तुंदरे सी छाचलीन कव की फाळु लेणे वाळा आफसर ने रंड्या तुंदरे सी पेहेले भगवानेन राज मां भरायसे। 32 काहाकी युहन्ना

बपतीस्मा आपण्यु धरमेन जीवनेन वाट देखाइतु जायन तुंदरे धडे आयु, ने तुहं तेरे पर भुरसु नी कर्या; बाकुन फाळु लेणे वाळा ने आफसरेन ने रंड्या तेरी वात पर भुरसु कर्या। ने तुहं ज्य देखीन पछेन बी मन नी बदले ने तेर पर भुरसु कर लेय। 33 "एक अळी दाखलु सामळु," एक किरसाण हतलु, "अंगुरेन वाडी लागाइयु, तेरे चारे मेर वाड बांदयु, ने तीनी वाडी मां एक अंगुरेन रस नीकाळने करीन एक हळाव बणायु ने एक पाक्कु माळु बणायु, ने किरसाण काजे साजा मां आपदीन दीसरा देस मां जाती रयु।" 34 जतयार अंगुर फळ आवरेन दाहडा आया, ती चु किरसाण हेरा गुलाम पावर्या काजे साजेल्त्या किरसाण भीणी अंगुरेन फळेन हीससु लेणे करीन मकल्यु। 35 बाकुन चे साजेल्त्या किरसाण चां तेरा पावर्या काजे धरीन, हींदरेन मां सी काहानाक काजे ठुक्या, ने काहानाक काजे दगडाट्या, ने काहानाक काजे मारीत नाख्या। 36 अळतेन चु एक कावा अळी पेहला सी अदुस पावर्याक मकल्यु, ने चे किरसाण हींदरे साते बी असात कर्या। 37 चे मारा पुर्यान ईज्जत राखसे करीन आकरी कावा हेरा पुर्या काजे भेळु हयु। 38 बाकुन किरसाण पुर्या काजे देख्या ती एक दीसरा काजे कह्या, जु ते वारीसदार छे, आवु, हीनाक बी मार नाखता ने हेरा धन पर कब्जु कर लेता। 39 अळतेन चे तीना काजे धर लेदा ने अंगुरेन वाडी सी बाहार नीकाळीन मार नाख्या। 40 अळतेन ईसु हेरा सामळन्या माणसेक पुछ्यु, "जतयार अंगुरेन वाडीन मालीक पछु आवसे, ती चु तीनु किरसाण सी काय करसे?" 41 चे ईसु काजे कह्या, "चु तीनु कुहर्या माणसे काजे मारीन सार नाखसे; ने हेरी अंगुरेन वाडी दीसरा किरसाण काजे साजा मां आप देसे, जे टेम-टेम पर अंगुरेन मेरेन हीससु आप्या करसे।" 42 ईसु तीनु काजे कह्यु, "तुहं चुखला सासतुर मां ज्य कदी नी भणया?" तीना दगडा काजे मीसतय्या फालतु समजीन बाहार उराट देदा चु दगडुत घरेन पायेन खुणे वाळु दगडु बण ज्य? ज्य मालीक भीणी सी हयो ज्य; ने हामरी नींगा मां बेसकी वारु वात छे! 43 "तेरेमां मे तुंदरे सी कहवो की भगवानेन सरगेन राज तुंदरे हात मां सी हापकी लेसे ने असी नी-यहुदी माणसेक आप देसे जे हेरो फळ लावसे, आप देसे। 44 जु हीना दगडा पर हीट पडसे, तेरो छेदर्या-छेदर्या हय जासे; ने तीना पर ज्य दगडु पडसे, तीना काजे दळ देसे।" 45 मुख्या पुजारा ने फरीसी माणसे ईसुन दाखलु काजे सामळीन समजी गुया की ईसु आपणेत बारामां कवणे बाजी रयु। 46 ने चे ईसु काजे धरने चाहतेला, बाकुन चे माणसेक देखीन बीही गुया काहाकी चे ईसु काजे भगवानेन अधी सी आवणे वाळी वात देखाइन्यु मान तेला।

22 ईसु अळी तीनुक दाखला सामळावणे बाजी गुयु, 2 "सरगेन राज तीना राजान तसों छे, जु हेरा एक पुर्यान ईयाव पंगत देदु।" 3 ने चु हेरा पावर्या काजे मकल्यु, की नेवता नाखला माणसे काजे ईयाव मां खाणो-खाणे बुलावु; बाकुन चे आवणे नी हींडतेला। 4 अळतेन चु अळी पावर्या

काजे असु कयन मकल्यु, नेवता देदला माणसे सी कहवु देखु, पयदा करनु चाहे। 25 एक कावा असो हवलो सात भायस मे खाणो तीयार कर देदु, मारा बेल ने पाळळा जनवार्या मार हतला, पेहलु ईयाव करीन मर गुयु ने अवल्यात नी हवी ती देदु, आखो तीयार छे; ने ईयावेन खाणा मां आवु। 5 बाकुन चे तेरु भाय तीनी रांडायली काजे बणाय लेदु। 26 असा करीन हीनी वात पर धीयान नी देदा: कुय आपणे खेते भीणी, कुय आपणा काम-धंदु करने जाती रया। 6 ने काहनास माणसे ते राजान पावर्या साते वारु वेहवार नी कर्या ने तीनुक मार नाख्या। 7 जी खबर सामळीन राजा काजे बेसकी रीस लागी, ने चु हेरा सीपायडा काजे मकल्यु, ने चे जायन तीनु खुणी माणसे काजे मार नाख्या, ने तींदरा सहर काजे धपाड देदा। 8 तत्यार राजु हेरा पावर्या सी कह्यु, ईयावेन खाणो ते तीयार छे, बाकुन नेवता देदला माणसे खाणे नी आया, ने चे हीना ईयाव मां आवे असा नी बण्या। 9 तेरेमां चोवराया पर जावु ने जतरा माणुस तुहुंक जडे, आखा काजे ईयावेन पंगत मां बुलाय लावु। 10 तेरेसी चे पावर्या रुहे पड गुया, ने काय भुंडात काय वारलु, ने जतरा जड्या, आखा काजे भेळा करीन ली आया; ने ईयाव घर मेजवान्या सी भराय गुयो। 11 “जतयार राजु मेजवान्या काजे देखणे आयु, ती हयु चां एक माणुस काजे देख्यु, चु ईयावेन पुथल्या नी पेहरी रवलु।” 12 राजु तीना काजे पुछ्यु, “ए भायस, तु ईयावेन पुथल्या नी पेहर्यु जां काहा आयु?” चु माणुस हुगुत हय रयु। 13 तत्यार राजु पावर्या काजे हुकुम आपीन कह्यु, हेरा हात-पाय बांदीन हीना काजे बाहर आंदारला मां नाख देवु, चां रडनु ने दात ककडावणु रवसे। 14 भगवानेन पंगत बुलावला ते बेसका छे, बाकुन नेवाडला थुडाक छे। 15 तत्यार फरीसी माणसे भेळा हयन वीच्यार कर्या, की ईसु काजे काहनी वात मां फसाडजे। 16 तेरेमां चे आपणा चेला काजे हेरोदीयान माणसे साते ईसु भीणी ज कवणे मकल्या, “ए मास्तर,” हामु जाणजे की तु छाचलु छे, ने भगवानेन वाट संय-संय सीकाडे, काहाकी जीवन मां फीकरु नी करे, काहाकी तु माणसेन मुंहडा देखीन वात नी करे। 17 तेरेमां हामुक बताड तु काय वीच्यारे? काय राजा केसर काजे फाळु देणु वारु छे की नी हय? 18 ईसु तींदरा भुंडात मन काजे जाणीन कह्यु, “ए ढंगडा करन्या, मेसेक काहा पारखणे बाजी रया? 19 फाळान सीक्कु मेसेक देखाडु, ती मे तुहुंक रु रुप्यु देखीन बताडीस।” “तत्यार चे तेरे धडे एक रुप्यु लावीन ईसुक आप्या।” 20 ती ईसु तीनुक रुप्यु देखाडीन पुछ्यु, “जु छाप ने नाव कुणीन छापलो छे?” 21 “चे तीना काजे कह्या,” राजा केसरेन छे। तत्यार ईसु तीनुक कह्यु, “ज राजा केसरेन छे, च राजा केसर आपीन तेरो हक पुरो करु, ने ज भगवानेन छे, च भगवानेन काजे आपीन तेरो हक पुरो करु।” 22 असा सामळीन चे बीही गुया, ने ईसुक छुडीन जाती रया। 23 तीनेत दाहडे सदुकी माणसे ईसुनचां आया तींदरु वीच्यार छे की मर्या-सर्याम पछु जीवतु नी हवे, चे आवीन ईसु काजे पुछ्या। 24 ए मास्तर, मुसा कवलु की कदी काहनाक अदमीन पुर्या नी हया ने मर जाय, ती तेरु भाय तीनी बायर सी ईयाव करीन आपणा भायस वाटे अवल्यात

पयदा करनु चाहे। 25 एक कावा असो हवलो सात भायस हतला, पेहलु ईयाव करीन मर गुयु ने अवल्यात नी हवी ती तेरु भाय तीनी रांडायली काजे बणाय लेदु। 26 असा करीन चे सातु भाय तीनी बायर काजे बणायाने एकेक करीन बीना अवल्यातेन मर गुया। 27 आकरी मां ची रांडायली बायर बी मर गुया। 28 तेरेमां ची मर्या-सर्या मां सी पछी जीवती हवसे ती ची सातु भायसे मां सी कुणीन बायरी रवसे? काहाकी ची आखान बायरी बण गुयली। 29 ईसु तीनुक कह्यु, “चुखला सास्तरु ने भगवानेन ताकत नी जाणु, तेरेमां तुहुं भुले पड रया। 30 काहाकी चे मर्या-सर्या मां सी जीवता हयन चे नी ईयाव करसे, ने नी ते चे ईयाव वाळा मां देवायसे, बाकुन सरग मां भगवानेन सरग वाळा काहवाळ्यान तसा रवसे। 31 बाकुन मरला मर्या-सर्याम सी पछा जीवता हवणेन बारामां काय तुहुं असो बुल नी भण्या ज भगवान तुहुंक कवलु। 32 मे अब्राहमेन भगवानेन, ने इसाकेन भगवानेन, ने याकुपेन भगवानेन छे? हयु मरलान नी बाकुन जीवतेलान भगवान छे।” 33 ईसुन वात सामळीन माणसे घाबराय गुया। 34 जतयार फरीसी माणसे ज सामळ्या की ईसु सदुकीन जातीन माणसेन मुंहडा बंद कर देदलु, ती चे भेळा हयन वीच्यार कर्या। 35 ने तींदरे मायन एक यहुदी नीयमेन मास्तर ईसु काजे पारखणे करीन असु पुछ्यु। 36 ए मास्तर, मुसान साहरे लिखला सास्तरु मां आखा सी मटली हुकुम काहनी छे? 37 ईसु तीनाक कह्यु, “तु भगवान काजे आपणा मालीक सी आपणा आखा मन ने आपणा आखा जीव ने आपणी आखी अक्कल सी परम राख्जी। 38 आखा सी मटली ने खास हुकुम छे। 39 ने दीसरु हुकुम बी हेरेन तसु छे, आपणा चांदेवाळा माणसे सी आपणेन तसुत परम राख्जी। 40 जीत दुय हुकुम आखी मुसान साहरे लिखला सास्तरु ने भगवानेन अधी सी आवणे वाळी वात देखाडने वाळान नेवु छे।” 41 जतयार फरीसी माणसे भेळा हतला, ती ईसु तीनुक पुछ्यु, 42 “मसीन बारामां तुंदरु काय वीच्यार छे? चु कुणीन अवल्यात छे?” चे ईसुक कह्या, “दावुदेन अवल्यात।” 43 अतरामा ईसु तीनुक पुछ्यु, ती दावुद भगवानेन जीव-आत्मा मां रयन तीना काजे मालीक काहा कहवे? 44 भगवान मालीक, मारा मालीक सी कह्यु, मारे जेवडे आंगे बठ, जतयार लग की, मे तारा वेरी काजे पाय मेलनेन पयडी नी बणाय दम। 45 कदी दावुद तीना काजे मालीक कहें, ती चु तेरु पुर्यु कसु हय सके? 46 ने ईसुन जपाप सामळीन तींदरी बुलती बंद हय गुय? तीने दाहडे सी काहना बी अळी ईसु काजे अळी काहनी बी वात पुछणेन हिम्मत नी आवी।

23 अळतेन ईसु माणसे टुळा काजे ने आपसान चेला काजे कह्यु, 2 “यहुदी नीयम सीकाडन्या मास्तर्या ने फरीसी माणसे मुसान गादी पर बस रया; 3 तेरेमां चे तुहुं काजे ज्य काय बी कहें चो ते करजु ने मांजु, काहाकी चे कहवे ते खरा बाकुन चे करे नी। 4 चे बेसकु भारी बुज बांदीन माणसेन खांदा पर मेल देय; बाकुन आपसा आपणी आंगळी लग बी नी टेकवणे

हींडे। 5 चे आखा काम माणसे काजे देखाइने करीन करे, चे तहुं पुदीनान, ने सुपेन ने जीरान दसवु वाटु ते भगवान काजे आपणी तावीज काजे चवडी करीन बांदे ने आपणात पुथल्यान झालर काजे नांवा कर देय। 6 चे खाणो खाणे बठे चां मुख्या-मुख्या जागा ने भगवानेन भक्तीन घरेन पेहलु जागु गमे। 7 हाटे मां वारलु छे की करीन आव-भाव करनु ती माणसे अगळ तीनुक मास्तर कहवायणु तीनुक बेसको वारु गमे। 8 बाकुन तहुं गुरु कहवायणे करीन मां हुकारु काहाकी तुंदरु एकुत मास्तर छे ने तहुं आखात आखा भायस छे। 9 धरती पर काहनाक बी आपणु बास करीन घुण कहवु, काहाकी तुंदरु एकुत बास छे, चु सरगे मां छे। 10 माणसे अगळ मास्तर बी घुण कहवायु, काहाकी तुंदरु एकुत मास्तर छे, चु मसी छे। 11 जु तुंदरे मां मटु छे, चु तुंदरु चाकरी करन्यु बणे। 12 जु कुय आपसा काजे मटु मानसे, तीना काजे भगवान नानलु कर देसे, ने जु आपसा काजे नानलु मानसे, तीना काजे भगवानुत मटु कर देसे। 13 “ए ढंगड़ा करन्या यहूदी नीयमेन मास्तर्या ने फरीसी माणसे तुंदरे वाटे बेसकी दुखेन वात छे। तहुं ते माणसे काजे सरगेन राज मां भरायणे सी रुकी रया, नी ते तहुं आपसा बी सरगेन राजेम नी भरायु ने दीसरा काजे बी सरगेन राज मां नी भरायणे देवु। 14 ए ढंगड़ा करन्या यहूदी नीयमेन मास्तर्या ने फरीसी माणसे तहुं वाटे बेसकी दुखेन वात छे। तहुं रांडायला बायरान घर मां भरायन तीनुक ठग लेवु, ने माणसे काजे देखाइने करीन बेसकी वार लग दुवा करु, तेरेमां तहुं काजे अदुस डंड जइसे। 15 “ए ढंगड़ा करन्या यहूदी धरम सीकाइन्या मास्तर्या ने फरीसी माणसे, तुंदरे वाटे बेसकी दुखेन वात छे। काहाकी तहुं एक जणा काजे आपणा पंथ मां लावणे करीन समुदर एणकीन धरती मां फीरु, ने जत्थार तुंदरा पंथ मां आवीन चेलु बण जाय ती तीना काजे आपणा सी बी दुय गुणा जादा गुनाळु बणाय देवु की चु नरकेन आकठी मां जाणेन लायक बण जाय। (Geenna g1067)

16 “ए आंदळा अगळवाण्या तुंदरे वाटे बेसकी दुखेन वात छे। काहाकी तहुं कहवु कदी कुय माणुस मंदीरेन सगुन खाय ती तेरो काय बी नी हवे, बाकुन कदी कुय माणुस मंदीरेन सनान सगुन खाय ती तेरी वात खरली उतरी जाय। 17 ए डेइ-अकल्या ने आंदळा कुण मटो छे; सनो मटलो छे नीते मंदीर मटु छे? जेरेसी मंदीर मट्लु छे तेरेसी चो सनो चुखलो हवे? 18 तहुं ज्य बी कहव कुय माणुस वेदीन सगुन खाय ती तेरा काय बी खरलो नी हय बाकुन कुय माणुस ज्य वेदी पर मेकली, भेटेन सगुन खाय ती तेरी वात खरी उतरी जाय। 19 ए आंदळा, कुण मटो छे; भेट मटी छे की वेदी मटी छे तेरे सी भेट चुखलो हय जाय? 20 तेरेमां खास वात जी छे की जु वेदीन सगुन खाय च तीनी वेदी पर मेकायलो छे, चीजेन बी सगुन खाय। 21 जु मंदीरेन सगुन खाय, चु हेरी ने हेरेमां रवणेवाळान बी सगुन खाय। 22 जु सरगेन सगुन खाय, चु भगवानेन राज गादीन ने तीनी राजगादी पर बसण्यान बी सगुन खाय। 23 “ए ढंगड़ा करन्या यहूदी धरम सीकाइन्या मास्तर्या ने फरीसी माणसे, तुंदरे वाटे बेसकी दुखेन वात छे। तहुं पुदीनान, ने सुपेन ने जीरान दसवु वाटु ते भगवान काजे आपु बाकुन मुसान साहरे लिखला सास्तरुन खास वात काजे छुइ देदा ने नीयाव, ने दया, ने भुरसा काजे टाळ देदा; तहुं दसवु वाटु आप्या करजु बाकुन नीयाव ने दया ने भुरसान खास वात पाळता रहणु चाहजे। 24 ए आंदळा अगळवाण्या, तहुं मीचर्या काजे ते झार देवु, बाकुन उटड़ा काजे गीळ जावु। 25 “ए ढंगड़ा करन्या यहूदी धरम सीकाइन्या मास्तर्या ने फरीसी माणसे, तुंदरे वाटे बेसकी दुखेन वात छे। काहाकी जसा तहुं कटवराक ने तळी काजे उपर-उपर ते वारु उजाळु बाकुन चे माहें आंदारला ने आपसान ने भलो करनेन वीच्यार सी भरायला छे। 26 ए आंदळा फरीसी माणसे, पेहले कटवराक ने तळी काजे माहें सी मांज लेवु ती उपर सी बी वारु मांजाय जासे। 27 “ए ढंगड़ा करन्या यहूदी धरम सीकाइन्या मास्तर्या ने फरीसी माणसे तुंदरे वाटे बेसकी दुखेन वात छे। तहुं तीना चुनु फीरला मसाणेन तसा छे ज्य उपर सी ते वारुत देखाये बाकुन माहें ते मरला माणसेन हाटका ने आखी भातीन भुंडला चीज भरायली छे। 28 हीनी रीत सी तहुं बी उपर सी माणसे काजे धरमी देखाय पडु बाकुन तुंदरा मन मां ढंगड़ा ने पाप मां भरायला छे। 29 “ए ढंगड़ा करन्या यहूदी धरम सीकाइन्या मास्तर्या ने फरीसी माणसे, तुंदरे वाटे बेसकी दुखेन वात छे। तहुं भगवानेन अघी सी आवणे वाळी वात देखान्यान मसाण सवारु ने धरमी माणसेन मसाण बणावु। 30 तहुं असा कहवु ते खरा, ‘कदी हामु हामरा डाहा बुडान टेम मां रवता, ती भगवानेन अघी सी आवणे वाळी वात देखान्यान खुन करने मां हामरा डाहा बुडान सात नी देदा।’ 31 तेरेमां तहुं आपणे आप सी गवाय देवु की जे भगवानेन अघी सी आवणे वाळी वात देखान्यान हत्या करया तींदरा अवलयात छे। 32 तेरेमां तहुं आपणा डाहा बुडान पापेन घडु पुरी रीत सी भर देवु। 33 ए घइसा, ने फेणवाळा घइसान पीला, तहुं नरकेन डंड सी कसा बचसु? (Geenna g1067) 34 तेरेमां देखु, मे तुंदरे थडे भगवानेन अघी सी आवणे वाळी वात देखान्या ने अकलवाळा ने यहूदी धरम सीकाइन्या मास्तर्या काजे मकलो; तहुं हींदरे मां सी थुडाक काजे मार नाखसु ने कुरुस पर चडावसु, ने थुडाक काजे आपणा भगवानेन भक्तीन घर मां सपाटा मेकसु ने एक सहर सी दीसरा सहर मां मारता फीरसु। 35 तेरेमां धरमी हाबील सी लीन बीरीक्याहन पुर्यान जकर्या लग, तीनुक तहुं मंदीरेन वेदीन ईचमां मार नाखला, जतरो धरमीन लुही धरती पर बगळाय गुयलो छे चो आखी तुंदरे मुणका पर पइसे। 36 मे तुंदरे सी छाचलीन कहवो की जी आखी वात हीनीत टेमे माणसे पर आय पइसे। 37 “ए यरुसलेम, ए यरुसलेम! तु भगवानेन अघी सी आवणे वाळी वात देखान्या काजे मार नाखे, ने जे तारे थडे मकली रया, तीनु काजे बी तु दगड़ा दीन मार नाखे। मे काय कावा चाह्यु की जसी कुकड़ी आपणा पीच्या काजे तेरा पाखड़ा तळे भेळी कर लेय अस्तु मे बी तारा पुर्या काजे भेळु कर लीस, बाकुन तहुं नी चाहया। 38 देखु, तुंदरु मंदीर तुंदरे वाटे

उजाड़या छुड़ी जासे। 39 काहाकी मे तुंद्रे सी कहं की हय सी जतयार लग तुहुं नी कहवु, 'तु वारु छे, जु मालीकेन नाव सी आवे' जतयार लग तुहुं मेसे अळी कदी नी देखसु।"

24 जतयार ईसु मंदीरेनचां सी नीकळीन जाणे बाजी रवलु, ती तेरा चेला तीना काजे मंदीर देखाड़ने करीन तेरे धड़े आया, की मंदीर कसों छे। 2 ईसु तीनुक कह्यु, "तुहुं आखो ज देख रया नी। बाकुन मे तुहुंक छाचलीन कहो, जां दगड़ा पर दगड़ु बी नी रवे एक-एक दगड़ु उदारी नाखसे।" 3 जतयार ह्यु जेतुनेन बयड़ा पर बसी रवलु, ती चेला एखलात ईसु धड़े आवीन कहया, "हामुक बताड़ की जी वात कतयार हवसे? तारो आवणेन ने कळीन खत्तम हवणेन काय सहलाणी रवसे।" (aiōn g165) 4 ईसु तीनुक जपाप आप्यु, चेतीन रवु! तुहुंक कुय बी भटकाड़नु नी चाहजे। 5 काहाकी बेसका माणसे असा रवसे चे मार नाव सी आवीन कहवसे, मे मसी छे! ने बेसका काजे भटकाड़ी देसे। 6 तुहुं लड़ाय पर लड़ायन वात सामळसु, ती घाबरायु घुण, काहाकी असो ते हवण्यत छे, बाकुन तीनी टेमे कळजुग सरनु नी हय। 7 काहाकी जाती पर जाती, ने राजे पर राजेन माणसे भेळा हयन लड़ाय करसे, ने जागे-जागे काळ पड़से, ने धरती धदड़ीन फाट जासे। 8 जी आखी वात हीड़ा-पीड़ान सुरुवात हवसे। 9 ततयार चे एला पाड़ने करीन तुहुं काजे धराय देसे, ने तुहुंक मार नाखसे, ने तुहुं मारी वात सामळसु ने मार नावेन वजे सी आखी जातीन माणसे तुंद्रा वेरी रवसे। 10 ततयार बेसका माणसे मारे पर सी भुरसु करनु छुड़ देसे, ने एक दीसरा काजे धराड़से, ने एक दीसरा सी वेरी रवसे। 11 बेसका लुच्चा भगवानेन अधी सी आवणे वाळी वात देखाड़न्या उठीन हुबा हवसे, ने बेसका माणसे काजे भटकाड़से। 12 पाप अदणे सी बेसका माणसेन परम छे चु सेळाय जासे, 13 बाकुन जु मरता लग गम खासे, तेरुत छुटकारु हवसे। 14 भगवानेन राजेन ज्य खुस-खबर आखी कळी मां माणसे परचार करसे, ने सामळावसे, काहाकी चे आखी जाती मां गवा बण जाय, ततयार कळजुग सरनेन टेम आय जासे। 15 तेरेमां जतयार तुहुं तीनु उजाड़ने वाळी वात ने भुंडीत चीज काजे तेरी वात दानीयल भगवानेन अधी सी आवणे वाळी वात देखाड़न्यान साहरे हवली, चु चुखली जागा मां उबु हय रवलु देख्यु, जे भणे, चे समजे। 16 ततयार चे यहुदीया जीला मां रवे चे बयड़ा मां ढास जाय। 17 जे घरेन बमड़ा पर रवे, चे आपणा घर मां समान लेणे घुण उतरु; 18 ने जे कदी खेत मां हय, चे आपणा पुथल्या लेणे पछा घुण आवु। 19 तीनु दाहड़ा मां जी भारीस ने दुत थावाड़ती हसे, तींद्रे वाटे बेसकी, दुखेन वात छे। 20 दुवा करता रहु काहाकी सीयाळान दाहड़ा मां, ने आरामेन दाहड़े ढासणु नी पड़े। 21 काहाकी तीनी टेमे मां असी भारी एला हवसे, जसों हीनी कळीन सुरु सी हय लग नी हयो ने कदी तसों हवसे। 22 कदी दाहड़ा नी कम करता ती, काहनु बी जीव नी बचे, बाकुन नेवाड़ला माणसेन वजे सी चे दाहड़ा कम हय जासे। 23 तीनी

टेमे मां कदी कुय बी तुंद्रे सी कहवे, की देखु, मसी जां छे! नीते वां छे! ती भुरसु घुण करु। 24 काहाकी लुच्चा मसी ने लुच्चा भगवानेन अधी सी आवणे वाळी वात देखाड़न्या उठीन उबा हय जासे, ने मट्टी सहलाणी, ने बेसका मटा-मटा काम देखाड़से कदी हय सके ते नेवाड़ला काजे बी भटकाड़ देसे। 25 देखु, मे पेहलुत तुंद्रे सी जी आखी वात कय देदु। 26 तेरेमां कदी चे तुंद्रे सी कहवे, देखु, ह्यु ते बयड़ा मां छे! ती बाहार घुण नीकळी जावु, नीते देखु, ह्यु ते खुणा कपरा मां छे, ती तुहुं भुरसु घुण करु। 27 काहाकी जसी वीजळी उगवणी सी नीकळे ने बुडवणी लग वीजळे, तसोत माणसेन पुरयान बी आवणु हवसे। 28 जां लास रवे, चांहान मटला घुवड़ा बी भेळा हवसे। 29 तीनु दाहड़ा मां गरा आवणेन ततयारुत पछेन दाहड़ु उलवाय जासे ने चादेन वीजाळो खत्तम हय जासे, ने तारा छे चे सरग सी भुयमां हीट पड़से ने सरगेन आखो ताकुतेन काम सी हाल जासे। 30 ततयार माणसेन पुरयान सहलाणी सरग मां देखाय जासे ने ततयार कळीन आखी जातीन माणसे छाती ठुकीन रड़से; ने माणसेन पुरया काजे मट्टी ताकत ने सेक-सींगार साते वादळा मां आवतेलु देखसे। 31 चु फेप्यान मट्टी आवाज भेळु आपणा सरग वाळा काहवाळ्या काजे मकलसे, ने चे कळीन उपर एक खुणा सी दीसरा खुणा लग, चारे-मेर सी तेरा नेवाड़ला काजे भेळा करसे। 32 "अंजीरेन झाड़का सी गुयु दाखलु सीकु। जतयार तीनी डाळ मां कवळा डीरा फुटणे लग जाय ने नवला पान्ता नीकळने बाजी जाय, ती तुहुं जाण जावु की हय उंडाळु आवणे वाळु छे।" 33 एरेत तसोत जतयार तुहुं हीनु आखी वाते काजे देखु, ती जाण लेजु की तेरो आवणेन टेम धड़ेत छे, बाकुन बारना मां आय गुया। 34 ने तुहुंक छाचलीन कहो की जी आखी वात ईनी पीड़ान माणसेन मरनेन पेहलुत हवसे। 35 सरग ने धरती टळ जासे, बाकुन मारी वाते कदी नी टळे। 36 ह्यु दाहड़ु ने तीनी टेमेन बारामां कुय बी नी जाणे, नी ते सरग वाळु काहवाळ्यु, नी ने पुर्यु नी, बाकुन बास अतरुत जाणे। 37 जसों नुहुन दाहड़ा मां हवलो, असोत माणसेन पुरयान आवणु बी हवसे। 38 काहाकी जसों पाणी मां डुबणे सी पेहला दाहड़ा मां, जां लग की नुह ढंड्या पर नी चहड़्यु, तीनु दाहड़ा लग माणसे खात्ला ने पीदला, ने तींद्रे मां ईयाव हवतेला। 39 ने जतयार लग मुसळ धार्यु पाणी आयन तीनु आखा काजे उहवाड़ीन नी ली गुयो, ततयार लग तीनुक काय बी पतु नी चाल्यु, तसोत माणसेन पुरयान आवणु बी हवसे। 40 तीनी टेमे दुय जणा खेत मां हसे, ने एक काजे लीन जाती रवसे ने दीसरा काजे चांहान रहणी देसे। 41 दुय बायर घट्टी दळती रवसे ने एक काजे लीन जाती रवसे ने दीसरी काजे चांहान रहणी देसे। 42 तेरेमां जागला रवु, काहाकी तुहुं नी जाणु की तुंदरु मालीक काहने दाहड़े आवसे। 43 बाकुन ज्य वारु रीती सी जाण लेवु, की कदी घरेन मालीक जाणतु की चुट्टु कतरी टेमे आवसे ती चु जाणतु रवतु ने आपणा घर मां सी काय बी चुरी नी हवणी देतु।

44 तरेमां तुहुं बी तीयार रवु, काहाकी तीनी टेमे तुहुं वीच्यार बी नी करसु ने, तीनी टेमे मां माणसेन पुरसु आय जासे। 45 तरेमां भुरसु करन्यु ने अक्कल वाळु पावर्यु कुण छे? तीनाक मालीक आपणा नकर्या-चाकर्या काजे सामाळन्यु राख्यु काहाकी चु टेमे-टेमे पर तीनुक खाणो आप सके? 46 वारु छे, हयु पावर्यु, तीनाक तेरु मालीक चोन काम करतु देखे। 47 मे तुंद्रे सी छाचलीन कहव, मालीक तीना पावर्या काजे आपसान आखा माल-धन पर हकदार्यु बणावसे। 48 बाकुन कदी हयु बयमान पावर्यु वीच्यारने लागे की मारा मालीकेन आवणे मां वारु छे, 49 ने हयु असु वीच्यारिनी दीसरा साती गुलाम पावर्या काजे ठुकणे, बाजी गुयु ने दारुड्या भेळु खाय ने दारुड्यु बण जाय। 50 ती तीना पावर्यान मालीक असला दाहडा आवसे, जत्यार हयु तेरी वाट बी नी देखे, ने असी टेम मां तीना काजे पतु नी रवे। 51 तत्यार चु मालीक तीना काजे भारी मटु डंड आपसे, ने ढंगडा करन्या साते भेसकी देसे। ने चां रडसे ने दात ककड़ावता रवसे।

25 सरगेन राज तीनु दस कुवारली पुरेन तसों छे जी आपणु-आपणु दिवु लीन लाडा सी मेळने करीन गुय। 2 हींद्रे मां पांच डेड अकली ने पांच अक्कल वाळी हतली 3 डेड अकली पुरे आपसु दिवा ते लेदी, बाकुन आपणे साते तेल नी लेदी; 4 बाकुन अक्कल वाळी आपणा दिवा साते आपणा कुड्या मां तेल बी भर लेदी। 5 जत्यार लाडान आवणे मां वारु हय गुय ती ची आखी बकास्या लेणे लागीं ने सुय गुय। 6 आधी राते चां कचाटु हय गुयु, देखु, लाडु आय रयु। तरे सी मेळने चालु। 7 तत्यार ची आखी कुवारली उठीन आपणा-आपणा दिवा काजे वारु करने लागी। 8 ने डेड अकली ने अक्कल वाळी सी कहवी आपणा तेल मां सी थुडोक तेल हामुक बी आपु काहाकी हामरा दिवा उलवायणी बाजी रया। 9 बाकुन अक्कल वाळी जपाप आपी, कदी ज्यु हामरे ने तुंद्रे वाटे पुरो नी हवे; वारु ते ज्यु छे की तुहुं वेचणे वाळा धडे जायन आपणे वाटे मुल ली लेवु। 10 जत्यार ची मुल लेणे जाणे बाजी रवली ती लाडु आय ज्यु, ने जी तीयार हतली, ची लाडा साते ईयावेन घर मां जाती रय ने बारनो बुजाय ज्यु। 11 हेरे पछेन की दीसरी रवली कुवारली बी आवीन कहवणे लागी, ए मालीक, ए मालीक, हामरे वाटे बारनो उघाड़ दे। 12 चु मालीक जपाप आप्यु, मे तुंद्रे सी छाचलीन कहवो, मे तुहुंक नी उळखो। 13 तरेमां जागता रवु, काहाकी तुहुं नीते तीना दाहडा काजे उळखु नीते तीनी टेम काजे जाणु। 14 काहाकी जी तीना माणसेन तसों छे जु पारका देस मां जाणेन टेमे आपणा पावर्या काजे बुलायन आपणो धन पावर्या काजे आप देदु। 15 चु एक जणा काजे सनान पांच सीक्का आप्यु, दीसरा काजे दुय आप्या, ने तीसरा काजे एक आप्यु; अळतेन एक-एक काजे तींद्री ताकत देखीन आप्यु, ने तत्यार पारका देस मां जाती रयु। 16 तत्यार, तीनाक चांदीन पांच सीका जडला, चु तत्यारुत जायन हींद्रे सी लेणु-देणु कर्यु

ने पांच सीका अळी कमाय लेदु। 17 हीनी रीत सी तीनाक चांदीन दुय सीका जडला, चु बी दुय सीका अळी कमाय लेदु। 18 बाकुन तीनाक एक चांदीन सीकु जडला चु जायन जागा काजे खुदीन ने आपणा मालीकेन रुप्या काजे साताड़ देदु। 19 “बेसका दाहडांम पछे तीनु पावर्यान मालीक आयु ने हींद्रे सी लेखु लेणे लाग्यु। 20 तीनाक चांदीन पांच सीका जडला, चु पांच सीका अळी लावीन कह्यु, ‘ए मालीक तु मेसेक पांच सीका आपलु, देख, मे पांच सीका अळी कमाय लेदलु छे।’ 21 तेरु मालीक तीना काजे कह्यु, बेसकु वारु छे ने भुरसा लायक पावर्यु तु थुडक मां ईमानदार रयु मे तुसे बेसका चीजे पर हकदार बणावीस। आपणा मालीकेन खुसी मां साजीदार बण। 22 ने तीनाक चांदीन दुय सीका जडला, चु बी आवीन कह्यु, ‘ए मालीक, तु मेसे दुय सीका आपलु, देख, मे दुय सीका अळी कमाय लेदु।’ 23 तेरु मालीक तीनाक कह्यु, ‘तु वारु छे ने भुरसा लायक पावर्यु, तु थुडक मां ईमानदार रयु; मे तुसे बेसका चीजेन हकदार बणावीस। आपणा मालीकेन खुसी मां साजीदार हय जां।’ 24 तत्यार तीनाक चांदीन एक सीकु जडलु, चु आवीन कह्यु, ए मालीक, मे तुसे जाणतेलु की तु बेसकु डाहवाळु माणसु छे, ‘तु जां काय बी नी वेरे चानती काटे, ने जां नी खवळे चानती भेळा करे। 25 तरेमां मे बीही गुयलु ने जायन तारा एक सीका काजे जागा मां साताड़ देदु। देख, ज्यु तारो, छे चो ज्यु छे।’ 26 तेरु मालीक तीना काजे जपाप आप्यु, ‘ए वेरी ने उजेगलु पावर्या, जत्यार तु ज्यु जाणतेलु की जां मे नी एरो वां सी काटो, ने जां मे नी खवळ्यु चांहान सी भेळु करो? 27 ती तुमेक मारा धन काजे सवकार्या काजे लीन आप देतु, तत्यार मे आवीन आपणा धन काजे ईयाज समोत ली लेतु। 28 तरेमां चु सीकु हेरसी ली लेवु, ने तेरे धडे दस हजार रुप्या छे, तीना काजे आप देवु। 29 काहाकी तीना धडे छे, तीना काजे अळी आप देसे; ने तेरे धडे बेसका हय जासे; बाकुन तेरे धडे नी हय, तीना सी ज्यु बी तेरे धडे छे, तेरे धडे सी हापकी लेसे। 30 ने हीना पापी पावर्या काजे बाहार आंदारला मां नाख देवु, चां रडनु ने दात ककड़ावणु रवसे।’ 31 “जत्यार माणसेन पुरसु राजु बणीन आवसे ने तेरा आखा सरग वाळा काहवाळ्या पुठ्ये आवसे, तत्यार चु आपसान राजगादी पर बठसे। 32 ने आखा जातीन माणसे तेरे अगळ भेळा करसे; ने जसु गुवाळ्यु गाडरा काजे बुकड़ा सी अलग कर देय, असुत चु तीनुक एक दीसरा सी अलग करसे। 33 चु गाडरा काजे आपणे जेवडे आंग्ये उबा राखसे ने बुकड़ा काजे आपणे डाखर्ये आंग्ये उबा करसे। 34 तत्यार राजु आपणा जेवडे आंग्ये वाळा सी कहवसे, ए मारा बास सी बरकत जडला माणसे आवु, तीना राजेन हकदार बण जावु, ज्यु कळीन सुरु सी तुंद्रे वाटे तीयार कर मेकलो छे। 35 काहाकी मे भुकलु हतलु, ने तुहुं मेसे खाणे करीन आप्या; मे पीसलु हतलु, ने तुहुं मेसे पाणी पीयाड्या; मे पारका देसेन हतलु ने तुहुं मेसे तारा घर मां ठेराया; 36 मारे धडे पेहरनेन पुथल्या नी

हतला, ती तुहुं मेसे पुथल्या पेहराया; मे मांदलु हतलु, ने तुहुं मारी खबर लेदला मे जेल मां हतलु ने तुहुं मेसेक भेळा हवणे आया। 37 तत्तयार धरमी तीना काजे जपाप आपसे, ए मालीक, हामु कत्तयार तुसे काजे भुकलु देख्या ने खावड्या? नीते पीसलु देख्या ने पाणी पीयाड्या?” 38 हामु कत्तयार तुसे पारका देस वाळु देख्या ने आपणा घर मां बठाड्या? नीते नांगेरलु देख्या ने पुथल्या पेहराया? 39 हामु कत्तयार तुसे मांदलु नीते जेल मां देख्या ने तुसे भेळा हवणे आया? 40 तत्तयार राजु तीनुक जपाप आपसे, मे तुंदरे सी छचलीन कहवो की तुहुं जे मारा हीनु नानला सी नानला भायसे मां सी काहनाक बी एक साते कर्त्या, च मारेत साते कर्त्या। 41 तत्तयार चु डाख्या आंगे वाळा सी कवसे, ए सराप वाळा माणसे, मारे अगळ सी तीना जलमेन आकठा मां जाती रयु, ज्य भुतडा ने तेरा सरग वाळा काहवाळ्या वाटे तीयार कर मेकलो। (aiōnios g166) 42 काहाकी मे भुकलु हतलु, ने तुहुं मेसे खाणे करीन नी आप्या; मे पीसलु ने हतलु, ने तुहुं मेसे पाणी नी पीयाड्या; 43 मे पारका देसेन हतलु, ने तुहुं मेसे आपणा घर मां नी बठाड्या; मारा डील पर पुथल्यो नी हतलो, ने तुहुं मेसे पुथल्या नी पेहराया; मे मांदलु ने जेल मां हतलु, ने तुहुं मारी खबर नी लेदा। 44 “तत्तयार चे जपाप आपसे, ए मालीक, हामु तुसे कत्तयार भुकलु, ने पीसलु, ने दीसरा देसेन, ने डील पर पुथल्यो नी, ने मांदलु, जेल मां देख्या, ने तारी चाकरी नी कर्त्यु?” 45 तत्तयार चु तीनुक जपाप आपसे, ‘मे तुंदरे सी छचलीन कहवो, की तुहुं जे हीनु नानला मां सी नानला मां काहनाक बी एक जणा साते नी कर्त्या, च मारे साते बी नी कर्त्या।’ 46 ने जे जलमेन डंड भुकेतसे बाकुन धरमी जलमेन जीवन मां भराय जासे।” (aiōnios g166)

26 जत्तयार ईसु ज्य आखी वात कय देदु ती आपणा चेला सी कहवणे बाजी गुयु। 2 “तुहुं जाणु की दुय दाहडान पछे फसहन तीहवार छे, ने माणसेन पुर्या काजे कुरुस पर चडावणे वाटे धराय जासे।” 3 तत्तयार मुख्या पुजारा ने भगवानेन माणसेन डाहा-बुडा काइफा नावेन मटला पुजारान आंगणा मां भेळा हया। 4 ने चे एक दीसरा सी वीच्यार कर्त्या, की ईसु काजे धुका सी धरीन मार नाखजे। 5 बाकुन चे कवतेला की “तीहवारेन टेम नी हय, काय असो नी हवे की माणसे मां लडाय झगडा हय जाय।” 6 जत्तयार ईसु बेतन्या गांव मां सीमोन कुडायलान घर मां हतलु। 7 ती एक बायरी दगडा काजे वार सीस्यान तसों बणायन तेरे मां बेसको महंगलो ईत्तर लीन ईसु धडे आवी, ने जत्तयार ईसु रुटा खाणे बठ रव्लु ती ईसुन मुणका पर लावीन नाख देदी। 8 ज्य देखीन तेरा चेला रीसाय गुया ने कहवणे लाग्या, “हीना ईत्तर काजे काहा फालतु मां रद कर देदी? 9 हीना ईत्तर काजे ते जादा पयस्य्या मां वेचीन गरीब काजे वाट देदी।” 10 जी वात जाणीन ईसु हींदरे सी कह्यु, “बायरी काजे काहा एला पाडु? जी बायरी मार साते वारु करली छे। 11 गरीब ते तुंदरे साते जलम रवसे, बाकुन मे तुंदरे साते

जलम नी रवु। 12 जी बायरी मारे डील पर ज्य ईत्तर रेचवली छे, चो मारा डील काजे गाडने वाटे तीयार करली छे। 13 मे तुंदरे सी छचलीन कहवो, की आखी कळी मां जां काहा बी ज्य खुस-खबरेन परचार करसे हीनी बायरीन कामेन वात वीच्यार ने हेर करसे।” 14 तत्तयार यहुदा ईस्करीयोती, ज्य बारे चेला मां सी एक हतलु, मुख्या पुजारा धडे जायन कह्यु, 15 “कदी मे ईसुक तुंदरे हात मां धराड दम ती मेसे काजे काय आपसु?” चे तीना काजे तीस चांदीन सीकका गीणीन आप देदा। 16 ने चु यहुदा तीनी टेमे सी ईसुक धराडने करीन मुखु हेरतु रयु। 17 अखमीरी रुटान तीहवारेन पेहेले दाहडे, चेला ईसु धडे आवीन पुछणे लाग्या, “तु काहा चाहे की हामु तारे वाटे फसह तीहवारेन तीयारी करजे?” 18 ईसु कह्यु, “सहर मां हीना माणुस धडे जायन तीना काजे कहवु, मास्तर कहवे की मारी टेम साते आय गुयली छे। मे आपणा चेला साते तारेन चां फसहन तीहवार मनावीस।” 19 ने ईसुन चेला जसु ईसु कह्यु तसात कर्त्या ने फसहन तीहवारेन खाणेन तीयारी कर लेदा। 20 जत्तयार सांती वेळाय हय गुय ती चु बारे चेला साते रुटा खाणे करीन बठ ज्य। 21 जत्तयार चे खाय रवला ती ईसु कह्यु, “मे तुंदरे सी छचलीन कहवो की तुंदरे मां सी एक जणु मेसेक धरावसे।” 22 जी वात सामळ्या चे बेसका फीकुर मां पड गुया ने हींदरे मां सी आखा जणा पुछणे लाग्या, “ए मास्तर, काय चु मे छे?” 23 ईसु जपाप आप्यु, “जु मारे साते तळी मां हात नाख्लु छे, हयुत मेसे धराडसे। 24 माणसेन पुर्या काजे ते मरनु छे, जसों तेरा बारामां लिखलो छे; बाकुन तीनु माणुस वाटे बेसकी दुखेन वात छे, तेरे साहरे माणसेन पुर्या काजे धराडसे! कदी चु माणुस पयदा नी हवतु ती तेरे वाटे वारु रवतो।” 25 तत्तयार तीना धराडने वाळु यहुदा कह्यु, “ए मास्तर, काय चु मे छे?” ईसु कह्यु, “तु आपसुत कय देदु।” 26 जत्तयार चे खाय रवला ती ईसु रुटु लेदु, ने बरकत मांगीन तुड्यु, ने चेला काजे आपीन कह्यु, “लेवु जु रुटु खावु; ज्य मारो डील छे।” 27 अळतेन ईसु कटवरु लीन तु बेसकु वारु छे करीन कह्यु, ने तीनुक आपीन कह्यु, “तुहुं आखा तेरे मां सी पीयु, 28 काहाकी ज्य पीयालु वायदान चो मारो लुही छे, ज्य बेसका माणसे वाटे पापेन माफी वाटे उहणे वाळो छे। 29 मे तुंदरे सी कहवो की अंगुरेन रस काजे हीना दाहडा लग घुण पीयो जत्तयार लग तुंदरे साते आपणा बासेन राज मां नवलु नी पीयो।” 30 अळतेन चे गीत गायन जेतुनेन बयडा पर जाणे बाजी गुया। 31 तत्तयार ईसु तींदरे सी कह्यु, “तुहुं आखा आजुत राते मार बारामां वीखराय जासु, काहाकी चुखली-सासतुर मां गुयो लिखलो छे, ‘मे गुवाळ्या काजे मारीस, ने गाडरान टुळा रावण्या-तीवण्या हय जासे।’ 32 बाकुन मे मरलाम सी जीवतु हवणेन पछे तुंदरे सी पेहेल गलील जीला मां जायस।” 33 तेरेसी पतरस तीना काजे कह्यु, “कदी आखा तारा बारामां ठुकर खायन छुड देसे बाकुन मे कदी बी नी तुसेक छुडो!” 34 ईसु पतरस सी कह्यु, “मे तुसेक छचलीन कहवो

की आजुत राते कुकड़ा वासणीक पेहेल, तु तीन कावा तु मेसेक
नी जाणो करीन कवसी।” 35 पतरस ईसु काजे कह्यु, “कदी
मेसेक तारे साते मरनु बी पड़े, तेबी मे तुसेक नी जाणो करीन
कदी नी कहवो!” ने असात करीन आखा चेला बी कह्या। 36
तत्तयार ईसु आपणा चेला साते गतसमनी नावेन एक जागा मां
आयु ने आपणा चेला सी कहवणे लाग्यु, “जान बठ रवजु,
जत्तयार लग मे वां जायन दुवा करो जां लग तुहुं जान रवजु।”
37 ईसु पतरस ने जबदीन दुयु पुर्या काजे साते लीन गुयु ने
ईसु फीकुर मां पडीन कांदरायणे बाजी गुयु। 38 तत्तयार ईसु
तीनुक कह्यु, “मारु जीव बेसकु दुखी छे, जां लग की मारु जीव
नीकळनेत हींटे। तुहुं जां हुबा रवु ने मारे साते जागला रवु।” 39
अळतेन चु थुडुक अळी अगुस जायन मुंहडान भुरसे पड्यु, ने
असी दुवा कर्यु, “ए मारा बास, कदी हय सके ती ज्य दुखेन
पीयालु मारे पर सी टळ जाय, ती बी जसु मे चाहो असु नी
बाकुन जसु तु चाहे तसोत हवणे दे।” 40 अळतेन ईसु चेला
धड़े आवीन तीनुक सुवतेला देख्यु ने पतरस सी कह्यु, “काय
तुहुं मारे साते एक घंटु बी नी जागी सकु काय? 41 जागता
रवु, ने दुवा करता रवु की तुहुं पारख मां नी पाड़े, आत्मा ते
तीयार छे, बाकुन डील लुलो छे।” 42 अळतेन चु दीसरी कावा
जायन जीत दुवा कर्यु, “ए मारा बास, कदी ज्य मारे पीये
बीगुर नी टळ सके ती तारीत मरजी पुरी हवे।” 43 तत्तयार ईसु
आवीन तीनुक अळी सुवतेला देख्यु, काहाकी हींदरा डुळा नीद
सी भरला हतला। 44 तीनुक छुडीन चु जाती रयु, ने तीनुत बुले
सी अळी तीसरी कावा दुवा कर्यु। 45 तत्तयार ईसु चेला धड़े
आवीन तीनुक कह्यु, हय सुवता रवु, “ने आराम करु? देखु ची
टेम आय गुयली छे, ने माणसेन पुर्यु पापीन हात मां धराय
जासे। 46 उठु, चालु; देखु, थुकु दीन धराइने वाळु साते आय
रयु।” 47 ईसु असु कयत रवलु की यहुदा जु बारामां सी एक
हतलु आयु, ने तरे साते मुख्या पुजारा ने माणसेन डाहा बुड़ा
भीणी सी माणसेन मट्लु टुळु तलवार्या ने डेंगा लीन आया। 48
ईसुक धराइने वाळु यहुदा तीनुक असु ईसारु कर्यु: “तीनाक मे
जायन गुळु दीस हयुत छे; तीना काजे जायन धर लेजु!” 49 ने
तत्तयार ईसु धड़े आवीन कह्यु, “ए मास्तर, वारलु छे की!”
ने चु ईसु काजे बेसकु गुळु देदु। 50 ईसु यहुदा काजे कह्यु,
“ए दुस्तीदार, तीना काम वाटे तु आवलु छे, तीना काम काजे
कर ले।” तत्तयार चे धड़े आवीन ईसुक धर लेदा। 51 ईसुन
साती मां सी एक जणु हात अगु करीन आपणा मीयान मां सी
तलवार काजे नीकाळ लेदु ने मुख्या पुजारान पावर्यान दीन
तीना पावर्यान कान्टा काजे काट नाख्यु। 52 तत्तयार ईसु
तीना काजे कह्यु, आपणी तलवार काजे मीयान मां मेकले
“काहाकी जे तलवार सी मारसे चे आखा तलवार सी माराय
जासे। 53 काय तु नी जाणे की आपणा बास सी मे लीलघायन
कहव, ने चु सरग वाळा काहवाळ्यान बारे टुळा सी बी जादा
टुळु मारे धड़े हींताळ मकली देसे? 54 बाकुन चुखला सास्तुर

छे।” 74 तत्पार पतरस झीचकारने ने सगुन खाणे लाग्यु! “मे तीना माणुस काजे नी जाणतु।” ने तत्काल कुकडु आस देदु। 75 तत्पार पतरस काजे ईसु कवलु ची वात हेर आय गुय, “ईसु कवलु कुकडा आसणेन पेहल तु तीन कावा मारो नीकारु कर देसी।” ने पतरस बाहार जायन उसकी-उसकीन रड्यु।

27 जत्पार एगात आखा मुख्या पुजारा ने माणसेन डाहा बुडा ईसु काजे मार नाखणे करीन मुजगी कर्या। 2 चे ईसुक बांद्या ने ली जायन पीलातुस सरकारेन हात मां आप देदा। 3 जत्पार तेरु धराडने वाळु यहदा देख्यु की तेरे उपर गुनु लाग गुयु ती ह्यु पसतायु ने ह्यु तीस चांदीन सीक्का काजे मुख्या पुजारा ने डाहा बुडा नेता भीणी पछु देणे लीन आयु 4 ने कह्यु, “मे नी-गुना वाळा खुन करीन धराडीन पाप कर्यु!” चे कह्या, “हामुक काय करनु? तुत जाणा।” 5 तत्पार ह्यु तीनु सीक्का काजे मंदीर मां नाखीन जाती र्यु, ने जायन आपसुत टांगायन मर गुयु। 6 मुख्या पुजारा तीनु सीक्का काजे लीन कह्यु, “तीनुक, दान पेटी मां मेकणु वारु नी हय, काहाकी जे खुनेन कीमत वाळा छे।” 7 तेरेमां चे मुजगी करीन तीनु सीक्का सी पारका देसेन माणसे काजे गाडने वाटे कुमाहेरेन खेत मुल ली लेदा। 8 ईनी वजे सी च खेत आज लग लुहीन खेत कहवाये। 9 तत्पार ज बुल यीरमयाह भगवानेन अधी सी आवणे वाळी वात देखान्यान साहरे कहवलो हतलो च पुरो हयो: “चे तीनु तीस सीक्का मतलब तीनु ठहरावली कीमत काजे तीनाक ईस्रायेली माणसेन अवल्यात मायन जतरा ठहरावलो हतलो ली लेदा, 10 ने जसों मालीक मेसेक हुकुम देदु तसोत कुमाहेरेन खेतने कीमतेन हीसाब मां दी देदु।” 11 जत्पार ईसु रोमी सरकार पीलातुस अगळ उबु हतलु, ती सरकार वाळु, तीना काजे पुछ्या, “तु यहदीन राजु छे?” ईसु तीना काजे कह्यु, “तु आपसुत कय र्यु।” 12 जत्पार मुख्या पुजारा ने आडा-बुडा नेता तीना उपर गुनु लागाड रवला, ती ह्यु काय बी जपाप नी देदु। 13 अतरा पर पीलातुस सरकार वाळु तीना काजे कह्यु, “काय तु नी सामळतु, की जे तुसे धराडने करीन कतरी गवाय दी रया।” 14 बाकुन ह्यु तीना काजे एक वातेन बी जपाप नी देदु, ने जां लग बी की सरकार वाळा बी धावराय गुया। 15 सरकारेन असी रीत हतली की तीना तीहवार मां एक केदी काजे जेल मां सी छुडतेलु, ने माणसे तीना काजे बी कहवतेला तीनाक छुड दे तीना काजे छुड देदलु। 16 तीनी टेमे तींद्रेन्वां एक बरअब्बा नावेन एक अंजाणयु माणुस जेल मां हतलु। 17 ने जत्पार चे भेळा हया, ती पीलातुस तीनुक पुछ्यु, “तुहुं कुणीन चाहु की मे तुंद्रे वाटे छुड दम? बरअब्बा काजे, की ईसुक चु मसी कहवाये?” 18 काहाकी ह्यु जाणतेलु की हया तीना काजे कुहराये धराडला छे। 19 जत्पार ह्यु नीयावेन गादी पर बठी रवलु ती हेरी घरवाळी कय मकली, “तु तीना वारलु माणसेन लफडा मां हात घुण नाखे, मे आज सपना मां तेरे वजे सी बेसकी मटी दुख हाकेलु।” 20 मुख्या पुजारा ने डाहा बुडा नेता माणसे

काजे समजाड्या की चे बरअब्बा काजे छुडनेन मांग करे, ने ईसु काजे खत्तम कराड देय। 21 सरकारी पीलातुस तीनुक पुछ्यु, “हीनु दुय मायन कुणीक तुहुं चाहु, की मे तुंद्रे वाटे छुड दम?” चे कह्या, “बरअब्बा काजे।” 22 पीलातुस तीनुक पुछ्यु, “ती मे ईसुक काय करो, जु मसी कहवाये?” आखा तीना काजे कह्या, “तीना काजे कुरुस पर चडावु।” 23 सरकार कह्यु, “काहा, ह्यु काय गलत कर्यु?” बाकुन चे अळी बी आयडी-आयडीन कहवणे लाग्या, “तीना काजे कुरुस पर चडावु।” 24 जत्पार पीलातुस देख्यु की जे मारी नी सामळता ने उलटा हुडी रया ने वात अधी बडे ती ह्यु पाणी लीन आखा माणसेन टुळु अगळ हात ध्यु ने कह्यु, “मे हीना धरमी माणसेन खुन नी करतु ने काय बी खामी नी हय ईनी वात काजे तुहुं जाणु।” 25 आखा माणसे जपाप देदा, “हेरो खुन हामरे उपर ने हामरी अवल्यात पर हवणी दे।” 26 हीनी वात पर ह्यु बरअब्बा काजे हींद्रे वाटे छुड देदु, ने ईसु काजे सुटाटीन सीपायडान हात मां आप देदु, काहाकी तीना काजे कुरुस पर चडावे। 27 तत्पार रोमी सरकारेन पीलातुसेन सीपायडा ईसु काजे कीला मां ली जायन, चां आखा सीपायडान टुळा काजे भेळा कर लेदा, 28 ने तेरा पेहला पुथल्या नीकाळीन तीना काजे रातला रंगेन लांबला पुथल्या पेहराया। 29 ने काटाळ्यु मुकुट गुधीन तेरा मुणका उपर मेलया, ने तेरा जेवडे हात मां बुरीन सुटी धराय देदा, ने चे तेरे अगळ मांडा टेकीन तीना काजे हासी कर्या, ने कह्या, ए यहदीयान राजा, वारु छे की? 30 ने तेरे उपर थ्युपा, ने तीनीत बुरीन सुटीक हापकीन तेरे मुणके देदा। 31 अळतेन चे हासी-उडाडीन चे ईसुन रातलो इगाल्यो नीकाळ देदा, ने तेरा पेहला पुथल्या पेहराया, ने कुरुस पर चहडावणे ली गुया। 32 जत्पार चे सहेरेम सी नीकळीन जाणे बाजी रवला, ती तीनुक सीमोनेन नावेन एक कुरेन गांव मां रवण्यु सीमोने नावेन एक अदमी भेळु ह्यु, ने चे तीना काजे बीहाडीन ईसुन कुरुस काजे हाकलाड्या। 33 चे तीनी जागा पर पुग्या, गुलगुता मतलब, माणसेन टुबरान जागु कहवाये चां ली गुया, 34 चे ईसुक कडवो चीज भेसकेलु अंगुरेन रस पीणे आप्या, बाकुन ईसु चाख्यु बाकुन पीदु नी। 35 तत्पार चे तीना काजे कुरुस पर चडाया, ने तेरा पुथल्या कुणी-कुणीक जडसे करीन चिट्ठी नाखीन तेरा पुथल्या वाट लेदा। 36 ने चां बठीन ईसुन देख-भाळ करने लाग्या। 37 ने चे ईसुक मुणका सी उपर कुरुस पर एक लाकडान पट्टी खीळा ठुकीन टांग देदा, तीनी पट्टी पर ईसुन जु गुनु लिखलु हतलु, “जु यहदीयान राजु ईसु छे” 38 तत्पार तेरे भेळा दुय डाकु हतला एक जेवड्ये आंग्ये ने दीसर डाखर्ये आंग्ये कुरुस पर चडाय देदा। 39 ने चां आवणे-जाणे वाळा माणसे मुणका डुलावता-डुलावता जायन हासी उडाय ने तेरी जबरान वाक नीकाळ्या। 40 ने असा कवतेला, “ए मंदीर काजे उदारने वाळा ने तीन दाहडा मां पछु बणावणे वाळा, तु आपसाक ते बचाड! कदी तु भगवानेन बेदु हय ती कुरुस सी उतरी आव।” 41 हीनीत

रीत सी मुख्या पुजारा, यहूदी नीयम सीकाङ्गन्या मासुतर्या ने डाहा बुड़ा हेरी हासी उड़ाया। 42 हयु दीसरा काजे वाचाङ्गु, ने आपणे आप काजे नी बचाइ सके। हयु ते ईसरायेलेन राजु छे कदी हय कुरुस पर सी उतरी आवे ती हामु हीना पर भुरसु करसुन। 43 हयु भगवान पर भुरसु राख्यु; कदी चु चाहतु, ती हींताळ तीना काजे बचाइ लेय काहाकी हयु कवलु मे भगवानेन पुर्यु छे! 44 हेरेन तसु डाकु बी जे तेरे साते कुरुस पर चड़ावला हतला चे हेरी नाव-बद्दी करतेला। 45 मांजणीक टेमे बारे बजे सी तीन बजे लग आखा देस मां आंदारलो छावाय रयो। 46 तीनेक बजे ईसु मटी अवाज मां आयडीन कह्यु, “एली, एली, लमा सबकतानी?” हेरो मतलब “ए मारा भगवान, ए मारा भगवान, तु मेसे काहा छुड़ देदु?” 47 जे चां उबा हतला हींदरेम सी बेसका माणसे ज सामळीन कह्या, “हयु ते एलीय्याह काजे आयडी रयु!” 48 हींदरे मां सी एक जणु छोटु दवड्यु ने पुतो लीन अंगुरेन रस मां डुबाड्यु ने सुटी पर मेळीन ईसुक चुसाड्यु। 49 दीसरा कह्या, “रहणी देवु, देखजे एलीय्याह तीना काजे बचाइने आवे की नी!” 50 तत्तयार ईसु अळी मटला अवाज मां आयडीन जीव छुड़ देदु। 51 ने देखु, मंदीरेन पडदु उपर सी नेचु लग फाटीन दुय भाग मां हय ज्य, ने धरती हाल गुय ने चापर्या फाटणे लग गुयु, 52 ने मसाण्या उघडी गुया ने भगवानेन बेसका मरला चुखला माणसेन डील जीवता हय गुया। 53 ने चे मसाण्या मां सी जीवता हयन नीकळीन चुखला सहर मां गुया ने बेसका माणसे काजे देखाया। 54 तत्तयार सुबेदार ने जे तेरे साते ईसुन राखवाळी करतेला, चे आखो ज काय हय च देखीन बेसका बीही गुया, ने कह्या, “छाचलीन हयु भगवानेन पुर्यु हतलु!” 55 चां बेसका बायरा गलील जीला मां सी ईसुन चाकरी करती-करती तेरे साते आवली ची ज काय हयो च देखी रवली। 56 हींदरे मां मरीयम मगदलनी, ने याकुप ने योसेपेन माय मरीयम, ने जबदीन पुरयान माय हतली। 57 जत्तयार सांती हयो ती युसुफ नावेन अरीमतीया गांवेन एक पयस्या वाळु एक माणुस, ज्य आपसुत ईसुन चेलु बणलु हतलु, चु आयु। 58 हयु पीलातुस धडे जायन ईसुन धड मांग्यु। ईनी वात पर पीलातुस तीना काजे हुकुम आप्यु, की डील ली जावु। 59 युसुफ धड ली लेदु, ने एक वारला चादरा मां वेलटी लेदु। 60 ने तीना काजे तेरा नवला मसाण मां मेक देदु, ची मसाण हयु चापर्या मां खुदाइ रवलु, ने मसाणेन बारना पर मटलु दगडु गबडायन जाती र्यु। 61 मरीयम मगदलनी ने दीसरी मरीयम चां मसाण अगळ बठी रवली। 62 दीसरे दाहडे ज्य तीहवारेन दाहडान पछेन दाहडु हतलु, मुख्या पुजारा ने फरीसी माणसे पीलातुस धडे भेळा हयन कह्या। 63 “ए माहाराज, हामुक हेर छे की हयु धुकु देणेवाळु जत्तयार जीवतेलु हतलु, ती कवतेलु की मे तीन दाहडाम पछु मर्या-सर्या सी जीवतु हय जायसा।” 64 तेरेमां हुकुम दे की तीन दाहडा लग मसाणेन राखवाळी करजे, असो नी हय जाय की तेरा चेला आवीन तीना काजे चुरी करीन ली जाती रवे,

ने माणसे सी कहवणे बाजी जाय की, हयु मरलाम सी जीवतु हय गुयु। तत्तयार जु पछलु धुकु पेहेले सी बी जादा हवसे। 65 पीलातुस तीनुक कह्यु, “तुंदरे धडे राखवाळ्या हय ते। जातु, ने वारु समज सी राखवाळी करु।” 66 तेरेमां चे राखवाळ्या काजे पुट्ये लीन गुया, ने दगडा पर छाप लागाडीन मसाणेन राखवाळी कर्या।

28 आरामेन दाहडान पछे ने हापतान पेहेले दाहडे संदारे एगात वीजाळो हवतेत मरीयम मगदलनी ने दीसरी मरीयम मसाण्या मां देखणे आय। 2 चे देख्या, एक मटु भुकम आयु काहाकी मालीकेन एक सरग वाळु काहवाळ्यु सरगे सी उतर्यु ने धडे आवीन सरग वाळु काहवाळ्यु चापर्या काजे उन्धु कर देदु, ने तीना चापर्या पर बठ गुयु। 3 तेरु सीकु वीजळीन तसों हतलो ने तेरो पुथल्यो बरफेन तसों उजलळो हतलो। 4 पेहरु देण्या बीहीयन सीयारी ली लेदा, ने मरलान तसा हय गुया। 5 सरग वाळु काहवाळ्यु तीनु बायरा काजे कह्यु, “मां बीहु, मे जाणो की तुहुं ईसु काजे गुयु कुरुस पर चड़ावला तीना काजे हेरेने बाजी रय। 6 चु जां नी हय बाकुन आपणा बुल मां कवलु तसुत मरलाम सी जीवतु हय गुयु। आवु, चु जागु देख लेवु, जां मालीक काजे मेलला, 7 ने हींताळ छाटा जायन तेरा चेला काजे कवु की चु मरलाम सी जीवतु हय गुयु ने तुंदरे सी पेहल गलील जीला मां जासे चां तुहुं तीना काजे देखसु देखु मे तुहुंक कय देदु।” 8 चे बायरा बीहीन ने बेसकी खुस हयन मसाण मां सी पछा आवीन ईसुन चेला काजे कवणे वाटे दवडीन आवी। 9 तत्तयार ईसु तीनु बायरा काजे भेळु हयु। ने कह्यु, “वारु छे की करीन कह्यु।” ची बायरी धडे आवीन ने ईसुन पाय धरीन तीना काजे आंध्यु। 10 तत्तयार ईसु तीनुक कह्यु, “बीहु मां; मारा भायसेक जायन कवु की गलील जीला मां जाती रवु, चां मेसे देखसु।” 11 चे बायरा जाणी बाजी रवला ने पेहरु देण्या मां सी थुडाक जणा सहर मां आया ने मसाण मां ज्य काय हयो चो मुख्या पुजाराक कवीन सामळाय देदा। 12 तत्तयार चे डाहा-बुडा माणसे साते भेळा हयन मुजगी कर्या ने सीपायडा काजे बेसका पयस्या आपीन कह्या, 13 “असा कवजु की राते जत्तयार हामु सुय रवला ती तेरा चेला आवीन ईसुन धड काजे चुरी करीन लीन जाती रया। 14 ने कह्या कदी जी वात रोमी सरकारेन कान्टा मां लग जाती रवसे ती हामु तीना काजे समजाडीन तुहुंक डंड सी बचाइ लेसुन।” 15 अळतेन चे पेहरु देण्या पयस्या ली लेदा ने जसा तीनुक सीकाइला हतला तसात चे कह्या जी वात आज लग यहूदी माणसे मां चाल रय। 16 ग्यारे चेला गलील जीलान तीना बयडा पर गुयला, चां ईसु तीनुक बताइलु। 17 चे ईसु काजे देखीन तीना काजे आंध्या बाकुन काहनाक-काहनाक काजे भुरसु नी हयु। 18 ईसु हींदरे धडे आवीन कह्यु, “सरगेन ने धरतीन आखु हक मेसे जडलु छे। 19 तेरेमां तुहुं जावु, ने आखी जातीन माणसे काजे चेला बणावु; ने तीनुक बास, ने पुर्यु, ने चुखली-आत्मान नाव सी बपतीसमा देवु, 20 ने तीनुक आखी

वात जी मे तुहुंक हुकुम आपो, मान्ने सीकाड़। ने देखु, मे कळीन
खत्तम हवणे लग जलम मे तुंदरे साते रवीस।” (aiōn g165)

मरकुस

1 भगवानेन पुर्यु ईसु मसीन खुस-खबरेन बारामां असी सुरुवात हय। 2 जसु मालीक भगवानेन अघली वात बताइने वाळु यसायाह नावेन माणसेन किताप मां लिखलो हतलो: “चां कहलु की, मे मारी वात बताइने वाळाक मे तुंदरे अगळ मकलीस, ने चु तुंदरे वाटे वाट सुदारसे। 3 उजाड्या बयडां मां एक आयडने वाळान वात सामळाय रय, की मालीक भगवानेन वाट तीयार करु, ने तेरे वाटे सयडक सुदी करु।” 4 तेरेमां बपतीस्मा आपणे वाळु युहन्ननु आयु, ने उजाड्या बयडां मां रहणे वाळा माणसेक परचार कर्यु की, “बपतीस्मा लेवु।” ने तीनुक कह्यु की, पाप करनु छुड देवु, “ततयार तुंदरा पाप काजे भगवान माफ करसे।” 5 ने यहूदीया ईलाका मायन ने यरुसलेम सहर मायन बेसका माणसे नीकळीन तेरे धडे गुया; ने आपणा-आपणा पाप काजे मानीन यरदन नदी मां युहन्ना सी बपतीस्मा लेदा। 6 युहन्ननु उटडान कानयान पुथल्या पेहरी रवलु, ने कमर मां चामडान पट्टु बांदी रवलु, ने चु टिड्डा ने अळी बयडां मां मुहाळने मखडा खाया करतेलु। 7 ने युहन्ना ज परचार करतेलु की मारे पछळ आवणे वाळु छे, चु मारे सी ताकतवाळु छे, “मे तेरे लायक बी नी हय की ढंगु अळीन खासडान बंद खुली सकी। 8 मे ते तुहुं काजे पाणी सी बपतीस्मा देदु, बाकुन चु तुहुं काजे चुखली-आत्मा सी बपतीस्मा देसे।” 9 तीनु दाहडां मां ईसु गलील जीलान नासरत सहर सी आवीन युहन्ना सी यरदन नदी मां बपतीस्मा लेदु। 10 जसुत ईसु पाणी मां सी डुबीन बाहर नीकळ्यु, चां ततयारुत च सरग खुल जय, ने चुखली-आत्मा पेरवान तसों भगवानेन आत्मा काजे उतरतेलु देख्यु। 11 ने सरग मां सी असो सामळायो की, जु मारु लाटेकलु पुर्यु छे, “ने मे हेरे सी बेसका खुस छे।” 12 ततयारुत भगवानेन आत्मा ईसु काजे उजाड्या बयडां भीणी ली गुयु, 13 बयडां मां ईसु चाळीस दाहडां लग भुतडु पाप कराइने पारखतेलु, ने ईसु जंगली जनवारयान ईचमां रयु, ने सरग वाळा काहवाळ्या चां आवीन तेरी सेवा चाकरी करतेला। 14 युहन्ननु जेल मां धराय गुयु, ने पछेन ईसु गलील जीला मां आवीन भगवानेन खुस-खबरेन बारामां परचार कर्यु। 15 ने कह्यु “की टेम पुरो हय गुयो,” ने भगवानेन राज तुंदरे धडे आय लागलो छे, “ने तुहुं पाप सी पछा मन फेरवीन भगवान भीणी आवु ने खुस-खबर पर भुरसु करु!” 16 ने ईसु गलील दरीया धडे-धडे जातलु चां माछा धरन्याक दुय भाय काजे देख्यु, सीमोन ने अन्दीरीयास काजे पाणी मां जाळ नाखतेला देख्यु काहाकी चे काहर्या हतला। 17 ईसु तीनुक कह्यु “मारे पछळ आवु; ती मे तुहुंक माछा धरनेन जागा पर माणसे काजे भगवानेन राज मां लावणे वाळा बणावीस।” 18 चे ततयारुत जाळ काजे छुडीन ईसु पुर्ये चाल पड्या। 19 ईसु अघु जायन जब्दीन पुर्या याकुप ने तेरु भाय युहन्ना काजे ढंड्या मां जाळ सुदारतेला देख्यु। 20 ने

ईसु तीनु काजे तेरा चेला बणावणे करीन ततयारुत बुलायु ने चे आपसान बास जबदी काजे दाहडक्या पुर्ये ढंड्या मां छुडदीन ईसु पछळ चाल पड्या। 21 ततयारु च कुफरनहुम मां आयु ने चु ततयारुत यहूदीन आरामेन दाहडे ईसु तींदरा भक्तीन घर मां गुयु ने सीकाइने बाजी गुयु। 22 ने माणसे ईसुन खबर सामळीन देखतात रय गुया, काहाकी हयु तीनुक नीयमेन मास्तरयान तसु नी सीकाइतेलु, बाकुन एक मटला हकवाळान तसु तीनुक सीकाड्यु। 23 तीनीत टेमे तींदरा यहूदीन भक्तीन घर मां एक माणुस आयु, तेरे भुतडु लागी रवलु। 24 चु काम? काय तु हामुक नास करने आयु? मे तुसेक जाणो, की तु कुण छे? तु चुखला भगवानेन वात बताइनुय छे!” 25 ईसु तीना काजे लडीन कह्यु, “हुंगु रव; ने कह्यु हेरेम सी नीकळी जां।” 26 ततयार भुतडु तीना माणुस मां सी जुर सी आयडीन नीकळी गुयु। 27 ने आखा माणसे ज देखीन देखतात रय गुया ने आंबा-सांबा वीच्यार करने बाजी गुया की, जी काय वात छे, ज ते पेहली कावा देख्या ने नवली वात छे? ईसु पुरा हक सी भुतडा काजे कहें, ने चे हेरी कहली वात काजे माने। 28 ने ईसुन नाव ततयारुत गलीलेन आखा ईलाका मां फेल गुयो। 29 ईसु ततयारुत यहूदीन भक्तीन घर मां सी नीकळीन याकुप ने युहन्ना काजे एखला छुडीन ने चे सीमोन ने अन्दीरीयासेन घर मां आया। 30 सीमोनेन सासुस मांदवाइने वजे सी खाट्ला मां सुय रवली, तेरेमां हेरी सासुसेन बारामां बताड्यु। 31 ततयार ईसु धडे जायन तेरु हात धरीन बठी कर्यु; ने तेरो सेरी उतरी गुयो, ने ची तेरी सेवा चाकरी करने बाजी गुयु। 32 सांती वेळाय दाहडु डुब्यु ततयार आखा मांदला माणसे ने भुतडा लागला माणसे ईसु धडे लाया। 33 ने आखा गांवेन माणसे तीना घरेन अगळ भेळा हय गुया। 34 बेसका माणसे चां भाती-भातीन मांदवाइ सी मांदला हतला, तीनु काजे ईसु वारु कर्यु, ने तींदरे मां सी बेसका भुतडा बी नीकाळ्यु काहाकी भुतडा ईसु काजे उळखतेला असु करीन ईसु तीनु काजे बुलने बी नी देदु। 35 वीजाळो हवणे सी पेहेल ईसु उट्यु ने घरेक छुडीन दुवा करने वाटे उजाड्या जागा मां जाती रयु। 36 ततयार सीमोन ने तेरा दुस्तीदार ईसु काजे हेरेन लाग्या। 37 जतयार ईसु तीनु काजे जडी गुयु; ती चे तीनाक असा कह्या, की “आखा माणसे तुसेक हेरेन बाजी रया।” 38 ईसु तीनुक कह्यु, “चालु आपणु आडे-धडेन गांव मां जाता ने चां बी आपणुक खुस-खबरेन परचार करनु छे, काहाकी मे जत काम करने वाटे दुनीया मां आयु छे।” 39 तेरेमां ईसु गलीलेन आखा जीला मां तींदरा यहूदीन भक्तीन घर-घर मां जाय जायन परचार करतु रयु, ने भुतडा काजे नीकाळतु रयु। 40 एक कुडायलु माणुस ईसु धडे आयु, “ने तेरे अगळ मांडा टेकीन लीलघायन कह्यु, कदी तु चाहे ती मेसेक वारु कर दे।” 41 ईसु काजे तेरे पर बेसकी तरस आय, की चु तीना काजे छीमीन कह्यु, “मे चाहो की तु चुखु हय

जां।” 42 ने तत्पारुत तेरु कुड वारु हय गुयु ने चु चुखु हय गुयु। 43 तत्पारु चु तीनाक तत्पारुत चेतायु ने जां करीन कहयु, 44 ने तीनाक कहयु, “सामळ जी वात कुय काजे घुण कहें, बाकुन जायन आपसा काजे पुजाराक देखाड ने आपसा चुखु हवणेन बारामां ज काय मुसु ठहरावलु छे तीनाक बादा चड़ाव की तींद्रा गवा बण जाया।” 45 बाकुन हयु जायन आखा काजे परचार करने लाग्यु, ने अतरे दुर लग की फेल गुयो, ईसु पछेन खुल्लाम-खुल्ला फीरी नी सक्यु, बाकुन बाहर जायन बयडा मां रयु, ने चारे मेरेन माणसे तेरे धडे आवणे लाग्या।

2 थुडाक दाहडा मां ईसु पछु कफरनहुम गांव मां आयु, ने चां आखी दुर मालुम हय गुयो; की ईसु जां रहतेलु चो घर छे। 2 बेसका माणसे ईसुन चां आया ने आखो घर भराय गुया ने बारना मायन बी जागा नी रय। ने ईसु तीनु काजे खुस-खबरेन परचार करने बाजी गुयु। 3 ने एक लखवान मांदवाड मां पड़ रवला एक माणुस काजे चार जणा हाकलीन ईसु धडे लाया। 4 बाकुन जत्पार माणसेक चां नी जावायो काहाकी चां गड्डी बेसकी हतली; ती चे घर पर चहड्या ने बमडे सी कवलु हेड देदा ने मांदला काजे ईसु अगळ खाटली भेळात उतार देदा। 5 ईसु तींदरु भुरसु देखीन तीना लखवा मां पड़ला माणुस काजे कह्यु, “ए पुर्या तारा पापेन माफी जड गुयली छे।” 6 तत्पारु थुडाक नीयमेन मासतर्या बी चां हतला, चे तींद्रा मन मां वीच्यार करने बाजी गुया, 7 “जु माणुस काहा असु कवतु हसे? जु ते भगवानेन नाव-बद्दी करे! बाकुन भगवान काजे छुडीन कुय बी पाप माफ नी कर सके।” 8 तत्पारुत ईसु तींद्रा आतमान मन मायन वात काजे जाण लेदु ने कह्यु “तुहुं मन मां असा वीच्यार काहा कर रया? 9 हेरेम वारु काय छे? काय लखवान मांदवाड वाळाक ज कहणु की तारा पापेन माफी तुसेक जड गुय, कहणु की उठ, तारी खाटली हाकलीन चाल पड? 10 बाकुन हेरेसी तुहुं जान लेवु, की माणसेन पुर्या काजे धरती पर पाप माफ करनेन बी हक छे।” ईसु तीना लखवान मांदला माणुस काजे कह्यु, 11 “मे तार सी कहं की, उठ, तारी खाटली हाकलीन तार घर जाती रवा।” 12 चु तत्पारुत उठ्यु ने वारु हय गुयु ने खाटली हाकलीन आखा अगळ सी नीकळीन जात रयु, ईना कामेक देखतात रय गुया ने, भगवानेन बडाय करने लाग गुया, ने कहणे लाग्या की, “हामु असो कदी नी देख्या।” 13 ईसु नीकळीन अळी गलील दरीयान धडके गुयु, ने चां मटली गड्डी आय ने ईसु तीनु काजे सीकाडने बाजी गुयु। 14 जसु ईसु जातलु तत्पारु हलफाईन पुर्यु फाळु मांगण्या काजे जागा पर बठ रवलु देख्यु; ईसु तीनाक कह्यु, “मारे पछळ चाल।” ने चु उठीन हेर पछळ चाली पड्यु। 15 जत्पारु ईसु तेरे घर रुटा खाणे बठ्यु, तत्पारु बेसका फाळु लेणे वाळा ने पापी माणसे, ईसु ने आपसान चेला पुठ्ये रुटा खाणे बठ्या; ने चे ईसु पछळ आवला हतला। 16 फरीसी माणसे ने थुडाक नीयमेन मासतर्या, तींदरे भेळु खातलु देखीन, चे चेला काजे असा पुछ्या, की हयु पापी

माणसे ने फाळु लेणे वाळा भेळु खाणो काहा खाय रयु? 17 ईसु जी वात सामळीन तीनुक कह्यु “डाक्टर वारलु काजे नी, बाकुन मांदला काजे चाहजे। तसु मे धरमी काजे नी बाकुन पापी माणसे काजे बुलावणे आवलु छे।” 18 युहन्नान चेला ने फरीसी माणसेन चेला उपास करे; तेरेमां चे आवीन ईसु काजे पुछ्या, “युहन्नान चेला ने फरीसी माणसेन चेला उपास करे, बाकुन तारा चेला उपास काहा नी करे?” 19 ईसु तीनुक कह्यु, जत्पारु लग दुल्लु अरात्या पुठ्ये रवे, ती अरात्या उपास पाळे काय कदी नी करे। जत्पारु लग मे तींदरे पुठ्ये छे, चां लग चे उपास नी पाळे। 20 बाकुन चु दाहड आवसे, तत्पारु दुल्लु तींदरे सी अलग हय जासे, ती तीना टेमे उपास पाळसे। 21 “कुय बी जुन्ला पुथल्या मां नवला पुथल्या सी थीगळो नी लागाडे; नीते च थीगळो हेरेम सी खेची लावसे, नीते नवलो, जुन्ला सी बी जादा फाट जासे। 22 नवलु अंगुरेन रस काजे जुनली चामडान बनली थयलि मां कुय नी भरे, नेते अंगुरेन रस तीनी थयलि काजे फाड देसे, ने अंगुरेन रस ने चामडान थयलि दुयु नास हय जासे; बाकुन नवला अंगुरेन रस नवली चामडान बनली थयलि मां भरे।” 23 असो हयो की चु यहुदी आरामेन दाहडे ईसु ने तेरा चेला खेते मायन जाणे बाजी रवला। तत्पारु गहुंन उम्बी तुडीन ने चुळी-चुळीन खाता-खाता जातला। 24 तत्पारु फरीसी माणसे ईसुक कह्या, “देखु, जे आरामेन दाहडे काहा असो काम करे, ज काम हामरे नीयमेन अनसारे वारु नी हय!” 25 ईसु तीनुक कह्यु, “काय तुहुं ज कदी नी भण्या की जत्पारु दावुद काजे जरुडी हतली, ने जत्पारु चु ने तेरा साती भुकला हतला, तत्पारु चु काय करलु? 26 हयु कसु अबीयातार मटला पुजारान दाहडान टेमे, भगवानेन मंदीर मां जायन चड़ावला रुटा काजे खादु, बाकुन तीना खाणा काजे नीयमेन अनसारे पुजाराक छुडीन अळी कुय बी तीनाक खाणेन हक नी हतलो, बाकुन दावुद खादु बी ने हेरा साती काजे बी देदु।” 27 तत्पारु ईसु तीनुक कह्यु, “आरामेन दाहडु माणसे वाटे बणावलु छे, बाकुन असो नी हय, की माणसे आरामेन दाहडे वाटे बणावला छे। 28 तेरेमां माणसेन पुर्यु आरामेन दाहडान बी मालीक छे।”

3 ईसु पछु तींद्रा यहुदीन भक्तीन घर मां गुयु; चां एक माणुस हतलु, तेरु हात सुकी गुयलु, 2 थुडाक फरीसी माणसे ईसु पर झुटु ईल्जाम लागाडनेन तकाय रवला, ने चु आरामेन दाहडान नीयम तुडीन, जु मांदला काजे वारु करे, की नी करे असा करीन चे भाळी रवला। 3 ईसु सुकला हात वाळा माणुस सी कह्यु, “माणसेन ईचमां उबु हय जां।” 4 ने ईसु माणसे काजे पुछ्यु, “काय आरामेन दाहडे नीयमेन अनसारे वारु करनु की बुरो करनु वारु छे, जीवेक बचाडनु की मारनु वारु छे?” बाकुन चे माणसे हुगात हय रवला। 5 चे मन मां बेसका उदास हतला, करीन ईसु बेसकु दुखी हय गुयु, ने चे रीसवायन चारेमेर तीनु काजे देख्यु। ने ईसु तीना काजे कह्यु “तारु हात लांबु कर।” ने चु हात लांबु कर्यु, ने तेरु हात वारु हय गुयु। 6

तत्पार फरीसी माणसे बाहार जायून तत्पारुत हेरोदेस राजान माणसे बेसका असा वीच्यार करने बाजी गुया, की हामु ईसुक कसा करीन मारजे। 7 ईसु तेरा चेला पुठ्ये गलील दरिया भीणी गुयु, ने तत्पार गलील ईलाका वाळा मट्लु टुळु ईसु पछळ-पछळ आवतेला। 8 ने ईसुन मटला काम सामळीन यहुदीया, ने यरुसलेम, ने इदुमीया, यरदन नदीन पली धड वाळा ने सुर ने सेदा ईलाका वाळा माणसे वारु काम करे करीन माणसेन मटु टुळु तेरे धडे आयु। 9 ईसु तेरा चेला काजे कह्यु “माणसेन टुळु बेसकु छे करीन मारे वाटे एक ढंड्यो तीयार करु काहाकी मे दडपाय नी सको।” 10 काहाकी ईसु बेसका माणसेक वारु करलु, तेरेमां दीसरा बी मांदला माणसे वारु हवणे करीन ईसु काजे छीमणे धकलायतात जातला। 11 भुतडा लागला माणसे ईसु काजे देखता वार मां तेरे अगळ पड जातला, ने आयडीन कवतेला की, “तु भगवानेन पुर्यु छे।” 12 ने ईसु तीनुक चेतायु की, मेसेक उजनुतु घुण करु करीन कह्यु। 13 पछेन ईसु एक बयडा पर जाती रयु, ने गमे तीनाक तेरे धडे बुलायु; ने चे तेरे धडे आया। 14 तत्पार ईसु बारे जणा मारे पुठ्ये रहु, करीन नेवाड लेदु ने तीनुक नेवताळा छे करीन नाव देदु, ने चे परचार करने गुया, 15 ने माणसे मां सी भुतडा नीकाळनेन हक आपीन मकलयु। 16 चे जे छे: सीमोन तेरो नाव चु पतरस राख्यु, 17 ने जबदीन पुर्या याकुप ने याकुपेन भाय युहनुनु, तींद्रा नाव हयु, बुअनरगीस मतलब गाजणे वाळान पुर्यु राख्यु, 18 ने अन्दीरीयास ने फीलीपपुस, ने बरतुलमे, ने मत्ती ने थोमा, ने हलफाईन पुर्यु याकुप, ने तद्दे ने अळी सीमोन कनानी चु देसेन सेवा करने वाळु हतलु, 19 ने यहुदा ईस्करीयोती चु ईसु काजे धुकु दीन थराड देदलु। 20 तत्पार बयडा मां सी ईसु घर आयु। ने चां बी माणसे बेसका भेळा हय गुया; ईसु ने तेरा चेला काजे रुटा खाणेन बी टेम नी जडी। 21 जत्पार हेरा कुटुम वाळा ईसुन बारामां माणसे असा कवतेला की “ईसु संक्यु हय गुयु।” असा करीन ईसुन घरना ईसु काजे घर बुलावणे करीन चाल पड्या। 22 यरुसलेम सी आवला थुडाक नीयमेन मासत्र्या बी कहतेला की, “हेरे मां ते भुतडा छे,” ने “जु ईसु भुतडा काजे ढासाडने करीन डाहला भुतडान साहरु लीन भुतडा काजे माणसेम सी नीकाळे।” 23 तेरेमां ईसु तीनु काजे धडे बुलायन दाखलु दीन तीनुक कह्यु, “भुतडु कसु भुतडा काजे नीकाळी सके? 24 कदी काहनाक देस टुट जाय ने लडाय हवे, ती च राज कसों संय रय सके? 25 ने कदी काहनाक धरेन माणसे मां लडाय हवे, ती चो घर कसों संय रय सके? 26 तेरेमां कदी भुतडान राज टुट जाय, ती तेरो राज्य कसों बणीन रवसे? तीनाक ते मरनु पडसे। 27 “बाकुन काहनु बी माणुस काहनाक ताकतवाळान घर मां भरायन तेरो समान कसु लुटसे, तत्पार लग की चु पेहेल तीना ताकतवाळा काजे बांदी नी लेय; तीत तेरा घर काजे लुट सके। 28 “मे तुंद्रे सी छाचलीन कहं, की माणसेन आखा पाप ने नाव-बद्दी करे, तेरी माफी जड जासे, 29 बाकुन जु काहनुक

चुखली-आत्मान नाव-बद्दी करसे, तीनुक कदी पापेन माफी नी जडे, बाकुन जु चलम पापेन गुनेगार रवसे।” (aiōn g165, aiōnios g166) 30 “काहाकी चे असा कहतेला की ईसु मां भुतडान आत्मा भराय रय।” 31 तत्पार ईसुन माय ने भायस आया, ने बाहरुत उबा रयन ईसु काजे बुलावणे करीन घर मां दीसरा काजे मकल्या। 32 माणसे तेरे आडे-धडे बसी रवला, चे कह्या “देख तारी माय ने तारा भायस ने बहणस्या तुसेक बाहार हेरी रया।” 33 ईसु जपाप आप्यु, “मारी माय ने मारु भायस कुण छे?” 34 ने ईसु चां आडे-धडे बसी रवला, तींद्रे चारे मेर भाळीन कह्यु “सामळु, जे अतरात मारी माय ने मारु भायस छे। 35 जे कुय भगवानेन मरजी पर चाले, चु मारु भायस ने मारी बहणीस ने माय छे।”

4 ईसु पछु दरिया धडे माणसेक सीकाडने बाजी गुयु। अळी बेसका माणसे ईसु धडे भेळा हया, की ईसु दरिया मां एक ढंडयाम जायन बठी गुयु ने आखा माणसे एक धडे जागा पर दर्यान धडके उबा रय गुया। 2 ने ईसु दाखलु दीन तीनु काजे बेसकी वात सीकाड्यु ने सीकाडतु जायून कह्यु, 3 “सामळु! एक जणु बीज एरने गुयु। 4 एरनेन टेम मां थुडाक बीज वाटे धडे पड्या ने चिरला आवीन ईछीन खाय गुया। 5 थुडाक बीज चापर्या मां पड्या चां अदु थुळु नी जड्यु, ने जादा थुळु नी जडनेन वजे सी छाटा उन्गी गुया, 6 ने जत्पार दाहडु उन्गीन तप लाग्यु तत्पार च धान उन्गीन चीमाय गुयो ने जड नी धरनेन वजे सी सुक गुयो। 7 थुडाक बीज काटाळस्या झाडका मां पड्या ने चां मटा हयन दडपाय गुया ने चे फळ नी लाया। 8 बाकुन थुडाक बीज वारलु जागा मां पड्या ने चे उंग्या ने काहनाक मटा हयन तीस गुणा ने काहनाक सांठ गुणा ने काहनाक सोव गुणा दाणा पाक्या।” 9 तत्पार ईसु कह्यु, “कुणी धडे कान्ता छे, चे सामळी लेया!” 10 जत्पार माणसे जाती रया ने ईसु एखलुत रय गुयु, ती तेरा बारे ईसुन चेला ने थुडाक दीसरा बी ईसु धडे आवीन चे दाखलान मतलब पुळ्या। 11 ईसु तीनुक कह्यु, तुहं काजे भगवानेन राजेन वात समजणेन अककल छे, बाकुन बाहार वाळा वाटे, आखी वात दाखला मां सामळावसे, 12 तेरेमां की, चे देखे बाकुन देखता जायून, बी नी उळख्या; ने चे सामळे ने, सामळता जायून बी नी समजी गुया। कदी चे सामळता ती समजीन भगवान भीणी अळ जाता, ती तींद्रा पाप माफ कर देतु। 13 ईसु तीनुक कह्यु, “काय तुहं काजे जु दाखलु नी समज मां नी पडतु, ती रवला दाखला काजे कसा समजसु? 14 एरने वाळु बुले एरे। 15 जे वाटे धडे छे बुले एराये, चे जे छे की जत्पार चे सामळ्या, ती भुतडु तत्पारुत आयून बुले काजे ज तेरेमां एरायलो छे, चु तीनाक ईछी ली जाय। 16 काहनाक माणसे ते चापर्या वाळा जागान तसा छे; चे भगवानेन बुल सामळीन खुसी-खुसी सी आवरी देय। 17 बाकुन आपसान माहीं बुलेन वारु जड नी धरनेन वजे सी थुडाक दाहडा वाटे लग रवे; ने पछेन बुले माने ती तींद्रे पर मुसकील ने नाव-

बद्धी आवे ती चे तत्प्यारुत भुरसु खुय देय। 18 ने काहनाक माणसे असा छे की काटाळस्य्या झाडी मां एरला बीज छे, चे माणसे बुले काजे सामळ्या। 19 ने चे जीवने फीकुर करीन ने मात-भर बणनेन लालुच ने आखी भातीन चीजेन फीकुर मां भगवानेन बुले काजे दडपी देय, ने चे दाणा नी पाके। (aiōn g165) 20 ने काहनाक माणसे चे वारलु जागान तसा छे चां दाणान तसों भगवानेन बुल समाय जाय; जे भगवानेन बुल सामळे ने मानीन पाळे। ने चे दाणा पाके काहनाक तीस गुणा ने काहनाक सांठ गुणा, ने काहनाक सोव गुणा।” 21 ईसु तीनु काजे कह्यु, “काय हामु दिवा काजे असा करीन लावजे की ठाहरा तळे नीते खाट्ली तळे मेकजे? काय असा करीन नी लावे की, दीवाळ्या पर मेके।” 22 ने काय बी चीज सातायलो नी हय, ची देखाय जासे। ने जी चीज ढाकायली छे, जी उघडी जासे। 23 कदी काहनाक ने सामळनेन कान्टा हय, चे वारु सामळी लेय। 24 पछेन अळी ईसु तीनुक कह्यु, “ज काय तुहुं सामळु तीनी वात पर मन लागाडीन वीच्यार करु। तीना नाप सी तुहुं नापसु तीनी नाप सी तुंद्रे वाटे बी नापायसे, तेरसी बी जादा तुंद्रे साते हवसे। 25 काहाकी तेर धडे ज काय छे, तीनाक अदुस आपसे; ने तींद्रे धडे काय नी हय, तेरे धडे सी ज काय ईतरोक रय र्यो, च बी मांग लेसे।” 26 ईसु अळी एक दाखलु कह्यु, “भगवानेन राज असो छे, जसों की एक माणुस खेत मां बीज एरे। 27 ने राते सुय गुयु, ने एगुत जागे, ने चे बीज कसा उगीन मटा हया करीन पतु नी चाल्यु। 28 धरती मां मेर आपसीत मटी हय्न पाकी जाय। पेहेल डीरी फुटे अळतेन उम्बी नीकळे ने उम्बी मां दाणा भराये। 29 बाकुन जत्प्यार दाणा पाकी जाय तत्प्यार चु तत्प्यारुत दातळा सी काटणेन तीयारी कर लेय, काहाकी काटणेन टेम आय गुया।” 30 ईसु तीनुक कह्यु, “आपणु काहना हीसाब सी उळख्सुन की, भगवानेन राज कसों छे? ने काहना दाखला सी समजसु? 31 भगवानेन राज रायन दाणान तसों छे; जत्प्यार खेत मां एरे ती; चां दीसरा आखा बीजे सी नानला देखाये। 32 बाकुन जत्प्यार चुपी देय, ती अदी जाय ने आखी मेर सी मटो हय जाय, ने तेरा डाळखा बेसका मटा हय जाय ने चां सरगेन चिरला बी पुत्रु बणायन आराम करे।” 33 ईसु अळी बेसका दाखला दीन माणसेक बुले सामळ्या करतेलु, जतरा सामळनेन मन हय, तत्रोत सामळवतेलु, 34 ने दाखला पाखुर ईसु तीनु काजे काय बी नी सीकाडतेलु बाकुन एखला मां तेरा चेला काजे दाखलान मतलब सीकाडतेलु। 35 तीनेत दाहडे सांती वेळाय, ईसु चेला काजे कह्यु, “आवु, आपणु दरीयान पली धड जाता।” 36 ने ईसुन चेला तीनी गड्डी सी अलग हय्न, चेला तीना ढंड्या मां चहडी गुया, जां ईसु ढंड्या मां पेहलुत सी बसी रवलु, ने चां तींद्रे पुठ्ये दीसरा ढंड्या बी हतला चे बी जाणे बाजी गुया। 37 तत्प्यारुत दरीया मां मट्ली आंधी-हवा आवी ने झलक ढंड्ये बेसकी ठुकाय ने ढंड्या मां पाणी भरायतेलो। 38 बाकुन ईसु ढंड्यान पछला खुणा मां ईसु ईसों

मेलीन सुय रवलु। तत्प्यार चेला ईसु काजे उठाड्या ने तीनाक कह्या “ए मास्तर, हामु ते मरने बाजी रया, तुसेक फीकुर नी हय काय?” 39 तत्प्यार ईसु उठ्यु ने आंधी-हवा ने झलक काजे लडीन कह्यु, “हुगी रय जां।” ने आंधी-हवा ने झलक धीरी पडीन आखी हुगी रय गुय; 40 ने ईसु चेलाक कह्यु, “तुहुं काहा बीही रया? तुहुं काजे हाल बी भुरसु नी हय काय?” 41 चेला बेसका बीही गुया ने आंबा-सांबा कहणे बाजी गुया, “जु कुण छे? की आंधी-हवा ने पाणीन झलक लग हेरी वात!”

5 ईसु ने तेरा चेला दरीयान पली धड गीरासेनयान ईलाका मां गुया, 2 जत्प्यार ईसु ढंड्या मां सी उतर्यु; तत्प्यारुत भुतडा लागलो एक माणुस मसाण मां सी नीकळीन आयु। 3 चु माणुस मसाण मां रवतेलु। ने माणसे तीनाक साकळ सी बांदणेन कुसीस कर्या बाकुन, चु कुय सी नी बांदाय तेलु, 4 काहनाक तीनाक काय कतराक कावा हात मां साकळ ने पाय मां बी साकळ बांदी देदला, तेबी चु तुडी देदलु, ने चु साकळ काजे बटका-बटका कर देदलु, ने तीनाक कुय बी बदाडी नी सकतेला, काहाकी चु ताकत वाळु हतलु। 5 चु रात-दाहडु मसाण ने बयडा मां आयडतु फीरतेलु ने तेरेत दगडा दी दीन बेहुस हय जातलु। 6 चु माणुस ईसु काजे छेटे सी आवतेलु देखीन दवडीन ईसु अगळ ढंगु अळीन मांडान भुरसे आंध्यु। 7 ने जुर सी आयडीन कह्यु “ए ईसु, आखा मां सी मुख्या भगवानेन पुर्या, मारे साते तारो काय काम छे? मेसे भगवानेन सगुन छे, की मेसेक डंड मां आपे।” 8 काहाकी ईसु तीनाक कहतेलु की, “ए भुतडा ईना माणुस मां सी नीकळी जां।” 9 ईसु तीना माणुस काजे पुछ्यु “तारो नाव काय छे?” ने चु कह्यु, “मारो नाव ‘सेना’ छे; काहाकी हामु बेसका छे।” 10 ने भुतडा ईसु सी वीनती कर्या, “हामु काजे ईना ईलाका मां सी बाहार मां मकले।” 11 चां एक बयडान कडखे सुहर्यान एक मटु डुळु चरने बाजी रवलु। 12 भुतडा अळी लीलघायन कह्यु, “हामु काजे पला सुहर्या मां मकली दे, तींद्रेम हामु रवसुन।” 13 ईसु भुतडा काजे हुकुम आप्यु; ने चे भुतडा तेरे मां सी नीकळीन सुहर्या मां जाय्न भराय गुया ने चे सुहर्या दुयेक हजार हतला, चे आखा सुहर्या दवडीन दरीया मां कुद पड्या ने पाणी मां डुबीन मर गुया। 14 ज देखीन गुवाळ्या दवडीन फळ्या ने गांव मां जाय्न ज काय हयो, तेरी खबर कर देदा, ने आखा माणसे ज काय हयो च देखणे आया। 15 ने जत्प्यार दीसरा माणसे ईसु धडे आया चां तीना माणुस काजे देख्या, तेरे पेहेल भुतडा लागी रवला। बाकुन चु वारु हय्न पुथल्या पेरीन बठी रवलु, तत्प्यार चे माणसे बीही गुया। 16 भुतडा लागला माणसेन ने अळी सुहर्यान काय हयो करीन, चे देखणे वाळा पुछ्या, ने सुहर्यान बारामां जाय्न दीसराक कय देदा। 17 तत्प्यार माणसे आवीन ईसु काजे लीलघाय्न कह्या की, हामरा ईलाकाम सी जाती रव। 18 तत्प्यार ईसु पछु जाणे करीन ढंड्या मां बसणे बाजी गुयु; तीनाक पेहेल भुतडा लागी रवला, चु माणुस ईसु

काजे लीलघायन कह्यु, “मेसेक तारे पुठ्ये आवणी दे।” 19 बाकुन ईसु तीनाक कह्यु, “नी मारे पुठ्ये मां आवे, घर पछु जां ने मालीक तारे पर दया करीन तारे वाटे कतरु वारु काम कर्यु, च तारा घर वाळाक बताइ।” 20 चु चां सी तेरा दीकापुलीस जीलाम आखे जागे जायन परचार करने बाजी गुयु की ईसु मारे वाटे बेसको वारु काम कर्यु, ने माणसे तेरी वात काजे सामळीन देखतात रय गुया। 21 गीरासेनीया ईलाका मां सी ईसु पछु ढंड्या मां बठीन दरीयान पली धड़ गुयु। ती चां धड़के माणसेन गड़दी चारे मेर लाग गुय। 22 याईर नावेन एक माणुस हतलु, चु तींद्रा भक्तीन घरेन मुख्या मायन एक हतलु, चु ईसुक देखीन पाये पड़्यु, 23 ने चु ईसु सी लीलघायन कह्यु, “मारी नानली पुरे मरनेत पर छे। तु दया करीन मारे पुठ्ये चाल, ने तेरे पर हात मेल, ने ची वारु हयन जीवतेली रवे!” 24 ततयार ईसु तेरे पुठ्ये चाली पड़्यु। ने मटली गड़दी बी पुठ्येत गुय। ने तेरे पुठ्ये चालनया माणसे चीपदायन ने धकलायन ईसु पर पड़तेला। 25 एक बायर हतली, तेरे बारे साल सी पोगराळान दुख लागलो हतलो। 26 ची बेसकी परेसान हतली ने डाक्टर्या मां ईलाज कराडी-कराडीन आखा पयस्या सर गुयला, तेबी वारु नी हय। बाकुन जादास मांदी हय गुय। 27 ची ईसुन बारामां ज सामळीन गड़दी मां तेरे पळळ सी आय, ने ईसुन पुथल्या काजे छीमी लेदी। 28 काहाकी ची सुचतेली की, “कदी मे ईसुन पुथल्याक छीमी लीस, ती मे वारु हय जायस।” 29 असी करीन ची माणसेन टुळा मां धकलायन ईसुन पुथल्या काजे छीमी लेदी ने ततयारुत तेरे लुही नीकळनु बंद हय गुयो, ने तेरा डील मां मालुम पड़ गुयो, की मे हीड़ा-पीड़ा मां सी छुटीन वारु हय गुय। 30 ने ततयारुत ईसुन डील मां मालुम पड़ गुयो, की मारे मां सी छुटकारु आपणेन ताकत नीकळी छे, ने ईसु पछु फीरीन गड़दी मायन माणसेक पुछ्यु, “मारो झगल्यो कुण छीम्यो?” 31 तेरा चेला तीनाक कह्या, “जे माणसे ते चीपदायन ने धकलायन तारे पर पड़ रया ने तु काहा पुछी र्यु की; मेसेक कुण छीम्यो?” 32 ततयार बी ईसु मेसेक कुण छीम्यो करीन देखणे चारे मेर भाळने बाजी गुयु। 33 ततयार ची बायर मारो बेसको भलो हवलो छे असी जाणीन ची बीहती ने कापती जायन ईसु धड़े आवी, ने ईसुन पाये पड़ी ने ज काय हयो च छाचलीन बताइ देदी। 34 ईसु तीनीक कह्यु, “मारी बेटी तु ते मारे पर भुरसु करी, तेरेमां तु हीड़ा-पीड़ा मां सी छुटीन वारु हय गुय। तु सुकेन जीवे जीवती रव।” 35 ईसु तीनीक कवणे बाजी रवलु, ती चां तीना याईरनेन घर मां सी काहनाक आवीन मुख्या काजे कह्या, “तारी पुरे नी बची, ने मास्तर काजे काहा दमे।” 36 ईसु तींद्री वात काजे सामळ्यु बाकुन धीयान नी देदु ने मुख्या काजे कह्यु, “मां बीहे, बाकुन मारे पर भुरसु अतरुत राख।” 37 ने ईसु दीसरा काजे चाहात रहणीदीन पतरस ने याकुप ने अळी याकुपेन भायस युहनना काजे अतरुत तेरे पुठ्ये आवणे देदु। 38 ने ईसु तींद्रे पुठ्ये मुख्यान घर पुग्या; ततयार घर मां बेसका माणसेक

देख्यु ने रड़तेला ने आयड़ता सामळ्यु। 39 ततयार ईसु घर मां जायन तीनुक कह्यु, “तुहुं काहा रडीन ने कलपी र्या? पुरे मरी नी बाकुन, सुवणे बाजी रया।” 40 चे माणसे ईसुन वात सामळीन हीनाक हासणे बाजी गुया, बाकुन ईसु तीनु आखा काजे घर मां सी बाहर नीकाळ देदु ने पुरेन आयस-बास ने अळी तेरा तीन चेला काजे लीन पुरे हतली, चां गुया ने पुरे मरीन पड़ी रवली। 41 ने ईसु पुरेन हात धरीन तीनीक कह्यु, “तलीता, कुमी!” तेरो मतलब छे, “पुरे मे तुसेक कहं की उठ!” 42 ने ची नानली पुरे ततयारुत जीवती हयन उठ गुय ने चालने फीरने लागी; ची पुरे बारे सालेन हतली। ने चे ज देखीन देखतात रय गुया। 43 पछेन ईसु तीनुक हुकुम आपीन कह्यु, जी वात कुय काजे घुण कहें, “ने अळी असु बी कह्यु, की पुरे काजे काहीं खाणे आपु।”

6 चां सी ईसु तेरा गांव नासरत भीणी चाली पड़्यु, ने तेरे पुठ्ये तेरा चेला बी आया। 2 ने चु यहूदीन आरामेन दाहड़े, भक्तीन घर मां जायन सीकाइने बाजी गुयु ने आखा तेरी वात सामळीन देखतात रय गुया। ने आंबा-सांबा पुछणे बाजी गुया “की असी अक्कल हीनाक कां सी जड़ी ने बेसको मटो काम करनेन ताकत कुण देदो?” 3 काय ज सुतारेन पुर्यु नी हय? चु मरीयमेन पुर्यु ने याकुप ने योसेस ने यहूदा ने सीमोनेन भाय छे? ने काय हेरा बहणस्या हामरा ईचमां नी रवे? तेरेमां चे हीनाक मान्या नी। 4 ईसु तीनुक कह्यु, “भगवानेन अधी सी वात बताइने वाळा ने आपसान गांव वाळा ने तेरा रीस्ता वाळा ने आपसान घरवाळाक छुडीन कुय बी ईज्जत नी करे।” 5 चां ईसु गांव मां बेसकु मटो काम नी कर्यु; बाकुन थुडाक मांदला माणसे पर हात मेलीन तीनुक वारु कर्यु। 6 ने ईसुक तींद्रु भुरसु नी करने सी मन मां असु कह्यु, की जे कसला माणसे छे, बाकुन चारे मेर गांव मां फीरतु र्यु ने सीकाइतु गुयु। 7 ईसु आपसान बारे चेला काजे बुलायु ने तीनुक भुतड़ा नीकाळनेन हक आप्यु; ने दुय-दुय जणा काजे मकल्यु। 8 चु तीनुक असु कह्यु, “कदी बाहार कांखुर जावु ती लाकडीक छुडीन दीसरो काय बी साते घुण ली जावु, नी ते रुटा, नी ते झुळु, नी ते बटवा मां पयस्या। 9 बाकुन तुहुं चाट्या पेहेरजु ने पेहेरलो झगल्योत पेहेरीन जाजु, ने दीसरो काय घुण ली जावु।” 10 ने ईसु तीनुक कह्यु, “काहनाक घरवाळा आव करीन नेवता आपे, ती चांहान रवजु जां लग चु जागु छुड़े नी। 11 काहना बी जागे माणसे तुंद्रो आव-भाव नी करे ने तुंद्री वात नी सामळे ती चां सी आवणेन पेहेल पायेन थुळु चांहान झाटकी देजु काहाकी चे आवणे वाळा डंडेन बारामां बीहीन रवसे।” 12 ततयार चे चां सी जाती रया, ने जायन असा परचार कर्या, की पाप करनु छुडीन मन फीरावु। 13 ने चे बेसका माणसे मां सी भुतड़ा नीकाळ्या ने मांदला काजे जेतुनेन तेल लागाडीन वारु कर्या। 14 असो करीन ईसुन नाव आखे दुर मालुम हय गुयो ने अतरो बी की हेरोदेस राजाक बी, ईसुन बारामां सामळ्यु ने कह्यु, “बपतीसमा आपण्यु युहननु पछु जीव उठलु छे; तेरेमां हेरा बेसका मटा ताकुतेन काम हया।”

15 दीसरा माणसे कऱ्या, “जु एलीयु छे।” ने दीसरा माणसे कऱ्या, “नी, हयु अधी सी आवणे वाळी वात बताइने वाळा मायन एक छे।” 16 बाकुन जतयार हेरोदेस जी वात सामळायु ती कऱ्यु, “तीना युहन्नान मुणको काटाइ देदलु छे, ने जु पछु कसु जीव उठ्यु!” 17 हेरोदेस युहन्ना काजे धरीन ने हातकडी लागाडीन जेल मां बुजाडी देदलु। असो हयु हेरोदीयासेन वजे सी कऱ्यु, काहाकी हेरोदेस तेरा भायस फीलीपपुसेन लाडी हेरोदीयास हतली, हयु हेरे साते ईयाव कर लेदलु, 18 काहाकी युहन्ननु हेरोदेस राजा सी कहतेलु, “आपसा भायस फीलीपपुसेन लाडी साते ईयाव करनु, तारे वाटे वारु नी हय।” 19 तेरेमां हेरोदीयास ईनी वात मां युहन्ना सी रीस करतली, ने ची तीनाक माराइने हींडी रवली, बाकुन हयी हेरोदेसेन वजे असो नी हय सक्थो, 20 काहाकी हेरोदेस राजु युहन्ना काजे धरमी ने चुखलु माणुस करीन बीहतेलु, ने तेरी राखवाळी कराइतेलु। हेरोदेस तेरी वात सामळीन बेसकु घाबराय तेलु; बाकुन खुस हयन तेरी वात सामळतेलु। 21 बाकुन एक दाहडे वारु टेम आय, जतयार राजु हेरोदेस आपसा पयदावारीन तीहवारेन दाहडे तीनी हेरोदीयास काजे वारु मुखु जडी गुयु। तीने दाहडे राजु हेरोदेस तेरा गलील सरकारेन डाहला ने अळी सीपायडान डाहला ने अळी गांवेन काम करने वाळा मायन डाहला काजे पंगत मां खाणे बुलायु। 22 ती चां हेरोदेसेन पुरे आय ने नाची ने हेरोदेस काजे खुस करी ने तेरा मेजवान्या काजे बी। तेरेमां राजु तीनी पुरेक कह्यु, “तुसे काय बी चाहजे च मांग, मे तुसे आपी दीस।” 23 ने चु सगुन खायन कह्यु, “ज काय तु मांगी च आप दीस, भले तु आधो राज मांगसी चो लग आपी दीस।” 24 ततयार ची पुरे बाहर जायन तेरी माय हेरोदीयास काजे पुछी, “मे काय मांग?” ची कय “बपतीसमा आपणे वाळु युहन्नान मुणको मांग ले।” 25 पुरे ततयारुत पछी राजा धडे दवडीन गुय, ने तीनाक कही, “मे चाह की तु बपतीसमा आपणे वाळा युहन्नान मुणको तळी मां मांगाइ ले।” 26 पुरेन वात सामळीन राजु बेसकु दुखी हयु, बाकुन चु मान्तान वजे सी माणसे अगळ सगुन खायन कहलु, तेरेमां तीनी पुरेन वात काजे नी टाळ्यु। 27 ने राजु ततयारुत एक सीपायडा काजे कह्यु, की युहन्नान मुणको काटीन लाव ने चु जेल मां गुयु ने तेरो मुणको काट्यु, 28 ने युहन्नान मुणको काटीन तळी मां भरीन लायु, ने तीनी पुरे काजे आपी देदु ने ची पुरे तेरी माय काजे आप देदी। 29 जतयार युहन्नान चेला जी खबर सामळीन आया, ने तेरा धड काजे ली गुया ने मसाण मां वारु गाड देदा। 30 ने ईसुन नेवताळा सेवा करने गुयला, चे ईसु धडे पछा आवीन भेळा हयन ज काय चे कऱ्या ने सीकाड्या च आखो कय देदा। 31 पछेन ईसु तीनुक कह्यु, “जां ते बेसका माणसे आवता जाता रवे ने तुहुं काजे रुटा खाणेन लग टेम नी जडे। अतरा मां ईसु तीनुक कह्यु चालु आपणु बयडा मां एक सुनसान जागा मां जाता चां जायन तुहुं थुडीक वार आराम कर सकु।” 32 तेरेमां चे ढंड्या मां बठीन एक सुनसान जागा मां

जाती रया। 33 बेसका माणसे ईसुक जातला देखीन उळखी लेदा, ने आखा गांवे-गांवेन माणसे भेळा हयन चां दवडी पड्या ने ईसु ने तेरा चेला सी पेहेल पुगी गुया। 34 ईसु ढंड्या मां सी उतर्यु, चां बेसकु मटु माणसेक टुळा काजे देख्यु, ने तींदरे पर दया आय, काहाकी चे तींदरा गुवाळ्या पाखुर खुवायला गाडरान तसा हतला। ने ईसु बेसकी वात तीनु काजे सीकाइने बाजी गुयु। 35 जतयार दाहडु ढळ गुयु, ने टेम हय गुय, ती ईसुन चेला धडे आवीन कह्या, “जु सुनसान जागु छे, ने दाहडु बेसकु ढळ गुयलु छे। 36 माणसे काजे आडे-धडेन खेत ने गांव मां जाणी देवु काहाकी चे आपसा वाटे खाणे करीन काहींग मुल ली लेसे।” 37 ईसु तीनुक कह्यु, तुहुं ईनु काजे खाणेन आपु। चे तीनाक कह्या, “हीनुक आखा काजे खावाइने करीन जाजे ने आंठ महनान दाहडान दाहडकीन पयस्या खरचु करीन रुटा मुल लावायसे काय? असु तु काय कय रयु?” 38 ततयार ईसु तीनुक कह्यु, “जायन देखु तुंदरे धडे कतरा रुटा छे।” चे जायन देख्या ने कह्या, “हामरे धडे पांच रुटा ने दुय माछी छे।” 39 ततयार ईसु चेला काजे हुकुम आपीन कह्यु आखा काजे नीळळा चारा मां पंगत बठाइ देवु। 40 चे आखा माणसे सोव-सोव ने पचास-पचास माणसेन पंगत बठी गुया। 41 ईसु चे पांच रुटा ने दुय माछी मांगीन हात मां लेदु, ने सरग भीणी उपर भाळीन भगवान काजे कह्यु तु बेसकु वारु छे। ने ईसु रुटा काजे भांजीन चेला काजे आप्यु ने चे चेला माणसे काजे वाटता गुया। ने माछी बी असुत करीन आप्यु। 42 ने आखा जणा खायलीन आफरी गुया। 43 ने चेला बचला रुटान कटका, ने माछान खणका ईछीन भेळा कऱ्या, ती चे बारे चार्या भर्या। 44 चे खाणे वाळा अदमीत पांच हजार हतला, ने बायरा ने पुर्या अलग। 45 ततयार ईसु ततयारुत हेरा चेला काजे ढंड्या मां बटु करीन कह्यु, चे आपसा सी पेहेल बेतसेदा ईलाका मां ने च दरीयान पली धड जाती रवे, जतयार लग की मे माणसे काजे मकली नी दम। 46 ने आखा माणसे काजे मकली दीन ईसु बयडा पर भगवान सी दुवा करने गुयु। 47 जतयार सांती वेळाय हय ततयार ढंडयो दरीयान ईचमां हतलो, ने ईसु खळदाण पर एखलुत हतलु। 48 ततयार ईसु चां रयन चेलाक देख्यु की चे ढंड्या काजे चालाइन्त्या घाबराय गुया, काहाकी आहळो तींदरे सांबो आवणे बाजी रवलो। ततयार ईसु कुकडा वासणीक पाणी पर चालतु जायन तींदरे भीणी आयु ने तींदरे धडे मायन अघु जाणे हींडी रवलु। 49 बाकुन चे ईसु काजे पाणी पर चालतेलु देखीन असा समज्या गुया की हामु काजे भुतडुत देखाये ने चे आयडु कुदया। 50 काहाकी चे आखा तीनाक देखीन घाबराय गुयला। बाकुन ततयारुत ईसु तीनुक कह्यु “हिम्मत राखु, मेत छे, बीहु मां।” 51 ततयार ईसु तींदरे ढंड्या मां चहडी गुयु ने आहळी धीरी पड गुयु ने चे बेसका देखतात रय गुया। 52 चे पांच हजार माणसे काजे खावाइने वाळान मटो काम समजी नी सक्या काहाकी तींदरो मन काठो हय गुयलो। 53 ईसु ने तेरा

चेला उतरीन गन्नेसरत ईलाका मां आया, ने ढंड्या काजे घाट पर लागाइ देदा। 54 जत्त्यार चे ढंड्या मां सी उतर्या, तत्त्यार माणसे ईसु काजे तत्त्यारुत उळ्ळी लेदा। 55 आडे-धडे आखा ईलाका मां सी दवडी-दवडीन मांदला काजे खाट्ली मां हाकलीन लाया ने जांहनड्ला बी माणसे सामळ्या, चांहान बी मांदला काजे ईसु धडे लाया। 56 ने काहना बी गांव, सहर, नीते फळ्या मां जातलु, चां माणसे मांदला काजे हाटेम मेलदीन लीलघायून कवतेला की तारा पुथलयान छेवडु अतरुत छीमणी दे। ने जतरा बी तीनाक छीम्या, चे आखा वारु हय जातला।

7 तत्त्यार थुडाक फरीसी माणसे ने मुसान नीयमेन मास्त्रया यरुसलेम सी आवीन ईसु धडे भेळा हया, 2 चे ईसुन थुडाक चेला काजे हात धुया पाखुर रुटा खात्ला देख्या। 3 काहाकी फरीसी माणसे ने आखा यहुदी डाहला डाहलान रीतीन अनसारे चे जां लग हात नी धुवे चां लग खाय बी नी; 4 ने हाटेम सी आवीन जां लग उंघळी नी लेय चां लग खाणो नी खाय ने अळी बी बेसकी असी वात छे ची वात मान्ने करीन आवली जसों की, कटवर, कळस्यु ने तांबान ठाहरा काजे मांजणु ने धुवणु। 5 तेरेमां चे फरीसी माणसे ने नीयमेन मास्त्रया ईसु काजे पुछ्या, “तारा चेला डाहला-डाहलान रीत पर काहा नी वेहवार करे जसा की हात धुया पाखुर रुटा खाय?” 6 ईसु तीनुक कह्यु, यसायु माणुस तुंद्रेन तसा ढंगडा करन्यान बारामां भगवान पेहलुत सी वात कहलु हतलु, जसों लिखलो छे जे माणसे मुंहडा सी ते मारी ईज्जत करे बाकुन हींद्रो मन मारे सी बेसको छेते रवे। 7 जे ते फालतु मारी भक्ती करे काहाकी माणसेन वात काजे नीयम करीन सीकाडे ने असा समजे की जु हामरु नीयम हतलु। 8 “काहाकी तुहं ते भगवानेन हुकुम काजे टाळीन माणसेन कहलो मानी र्या।” 9 ने ईसु तीनुक कह्यु, “तुहं आपसान रीत काजे मान्ने करीन चतुर बणीन भगवानेन हुकुम कसा तुहं टाळ देवु। 10 काहाकी मुसु हुकुम देदलु की, ‘आपसान बास ने आपसान मायन ईज्जत कर’ ने ‘जु काहनुक बास ने माय काजे बुली दी देय, तीनाक मार देणु चाहे।’ 11 बाकुन तुहं कहुं की कदी काहनुक माणुस आपसान बास ने माय सी कहें ‘की मारी जीनी चीज सी तुहंके फायदु हवणु हतलो च मे भगवान काजे आप देदु, ने हय तुंदरी सेवा नी करो।’ 12 तत्त्यार तुहं तीनाक तेरा बास ने तेरी मायन काय बी चाकरी नी करने देवु। 13 असा करीन तुहं तुंदरी नेम काजे पाळे ने भगवानेन बुले टाळ देवु ने अळी असात बेसका काम करने बाजी र्या।” 14 तत्त्यार ईसु अळी माणसे काजे धडे बुलायन तीनुक कह्यु, “तुहं आखा मारी वात सामळु ने समजु। 15 असो काय बी नी हय, ची माणसे मां भरायन तीनुक वीटाळ देतु हय; बाकुन जो माणसेम सी नीकळे चोन तीनुक वीटाळ देय। 16 कदी तेरा सामळनेन कान्टा हय, चु सामळी लेय।” 17 जत्त्यार ईसु गइदी मां सी नीकळीन घर आयु, ती चां तेरा चेला तीना दाखलान बारामां बताइ करीन पुछ्या। 18 ईसु तीनुक कह्यु, काय तुहं बी डेड-

अकल्या छे काय? काय तुहं नी समजु, की जी चीज बाहर सी माणसेन माहें जाय ची तीनाक वीटाळ नी सके, 19 काहाकी च तींदरा मन मां नी बाकुन पेट मां जाय ने बाहरी बठणे जाय, ती नीकळी जाय। असु कहीं हयु आखा खाणेन चीज काजे चुखलो ठहरायु। 20 पछेन ईसु कह्यु, ज काय माणुस मां सी नीकळे चत, माणुस काजे वीटाळ देय। 21 काहाकी माणसेन माहें सी गलत वीच्यार, छीनाळो, चुरी, हत्या, खुदेन बायर छुडीन दीसरी बायर भीणी जाणेन मन। 22 भुंडोत काम, लालुच करन्यु, कुहराय करन्यु, दीसरा काजे ठगण्यु, दीसरान नाव-बद्दी करन्यु जी वात बाहर आवे। 23 जी आखी भुंडीत वात माणसेन माहें सी नीकळे ने माणुस काजे वीटाळ देय। 24 पछेन ईसु चां सी उठीन सुर ने सेदा ईलाका मां आयु; ने चां एक घर मां गुयु ने चु चाहतेलु की मेसेक दीसरा कुय बी उळ्खणु नी चाहजे। बाकुन चु उळ्खाय गुयु। 25 ने तत्त्यारुत चां एक बायर ईसु आय रयु करीन सामळीन आय ने तेरी नानली पुरेन भुतडु लागी रवलु, ने ची ईसुन पाये पडी। 26 ची बायर सीरीया देसेन सुरुफोनेसीया मां रहतेली ने ची नी-यहुदी वाळी हतली। ने ची ईसु सी जी लीलघायून कही की, भुतडा काजे मारी पुरे मां सी नीकाळ दे। 27 ईसु दाखलु दीन तीनीक कह्यु, “पेहेल पुर्या काजे खायन आफरनी दे काहाकी पुर्या भीणीन रुटा हापकीन कुतरा अगळ नाखणु वारु नी हय।” 28 ची बायर दाखला मां सी एक कडी जुडीन जपाप आपी, खरली वात छे, मालीक बाकुन तेबी कुतरा पुर्यान ईसटाळा रुटान भुकरा काजे खाय लेय। 29 ईसु तीनीक कह्यु, “जी वात कही, तेरेमां तु आराम सी जाती रव, भुतडु तारी पुरे मां सी नीकळी गुयलु छे।” 30 ची चां सी तेरे घर जायन देखी, तत्त्यार तीनीक मालुम पड्यो की भुतडु पुरे मां सी नीकळी गुयु ने तेरी पुरे वारु हयन खाट्ली पर सुय रवली। 31 पछेन ईसु चां सी उठीन सुर ईलाका मां सी नीकळीन सेदा ने दीकापुरीस ईलाका मायन जातत गलील दरिया धडे पुग्यु। 32 चां एक माणुस बेहरु ने चु बुबडु बी हतलु, तत्त्यार माणसे ईसु धडे आवीन ईसु सी लीलघायून कह्या, की तारु हात हीना पर मेक। 33 तत्त्यार ईसु तीना काजे गइदी मां सी अलग ली गुयु, ने आपसान आंगळी बेहरान कान्टा मां भर्यु ने तीनीत आंगळी पर थुपीन तीनी आंगळी सी जीप छीम्यु। 34 ने सरग भीणी भाळीन मटीस दम लीन कह्यु, “ईपफत्तह!” मतलब “उघडी जां।” 35 ने तत्त्यारुत तेरा कान्टा उघडी गुया ने तेरी जीपेन गाठ बी छुट गुयु ने चु चुखु झण बुलने बाजी गुयु। 36 तत्त्यार ईसु माणसेक हुकुम आपीन कह्यु, जी वात कुय काजे घुण कहुं, बाकुन जतर तीनुक जुर दीन हुकुम आपीन कह्यु ततरा अदुस चे वातेन परचार करने बाजी गुया। 37 चे बेसका खुस हय गुया ने अळी-अळीन कहणे बाजी गुया, “हयु ज बी कर्यु, आखो वारलु कर्यु; हयु बेहरा काजे सामळनेन, ने बुबडा काजे बुलनेन ताकत आपे।”

8 तीनु दाहडा मां अळी एक माणसेन मटलु टुळु ईसु धडे भुं भांजला रुटान कट्का, कतरा चार्या भरला?" चे ईसु काजे भेळु हयु। ने तीनु माणसे धडे खाणेन काय नी हतलो। कहया, "सात चार्या।" 21 अळी ईसु तीनुक कहयु, "खाण्या- ततयार ईसु तेरा चेला काजे धडे बुलायन कहयु, 2 "मेसेक हीनु सुडान मतलब हय लग नी समजया काय?" 22 ने अळतेन माणसेन टुळा पर तरस आवे, काहाकी जे तीन दाहडा सी मारे ईसु ने तेरा चेला बेतसेदा गांव मां गुया; ने माणसे एक आंदळा पुट्ये छे ने हींद्रे धडे खाणेन काय बी नी हय। 3 हींद्रे मां सी काजे ईसु धडे लाया ने ईसु सी लीलघायन कहया की "आंदळा काहनाक बेसके लांबे सी आवला छे। कदी हीनुक मे भुकलात काजे छीमीन वारु कर दे।" 23 ने ईसु आंदळान हात धरीन घर मकलीस ततयार वाटे झामा खायन पड़ जासे।" 4 ईसुन तीना काजे गांव मां सी बाहार लीज्यु ने तेरा डुळा मां थुपीन ने चेला जपाप आप्या, "जां बयडा मां ईनु माणसेक आफरीन आपसान हात तेरा डुळा पर मेक्यु, ने तीनाक पुछ्यु "तुसेक खावाडने करीन अतरा रुटा कां सी लावसुन?" 5 ईसु चेला काहींग देखाये काय?" 24 चु उपर भाळीन कहयु, "माणसे काजे देख रयु, बाकुन चे मेसेक असा देखाये की झाडका चालने काजे देख रयु, बाकुन चे मेसेक असा देखाये की झाडका चालने बाजी रया।" 25 ततयार ईसु अळी तेरा डुळा पर हात मेक्यु ने चु आंधळु तेरा डुळा उघाडीन देखणे बाजी गुयु। चु पछु आखो चुखो झण देखणे बाजी गुयु। 26 ईसु तीनाक असु कहीं घर मकल्यु, "ईना गांव मां पाय बी घुण मेले।" 27 ईसु ने तेरा चेला केसरया फीलीप गांव मां जाती रया; ने वाटे ईसु चेला काजे पुछ्यु की, "माणसे मेसे काय कहे?" 28 चे कहया "काहनाक कहे, हयु ते बपतीसमा आपण्यु युहनुनु छे, बाकुन काहनाक कहवे एलीया छे, काहनाक भगवानेन अघली वात बताडने वाळा कहवे एलीया छे, काहनाक भगवानेन अघली वात बताडने वाळा माणसे मायन काहनुक एक छे कहे।" 29 ईसु तीनुक पुछ्यु, "बाकुन तुहुं मेसेक काय कहुं, की मे कुण छे?" पतरस कहयु, "छाचलीन तु भगवानेन मकेललु बचाडने वाळु मसी छे।" 30 माणसे ईसु साते लडाय झगडु करने बाजी गुया। ने तीनाक पारखणे करीन कहया की "ईसु हामुक एक असी वारु कामेन सहलाणी देखाड।" 12 ईसु तींदरा डंगडा देखीन हेरा जीव- आत्मा मां मटीत दम लीन कहयु, "तुहुं ईनी पीडीन माणसे हय बी वारु कामेन सहलाणी काहा हेर रया? बाकुन मे तुहुंक छे काय? तुहुंक काय बी सहलाणी नी जडे।" 13 ने छे काय? तुहुंक काय बी सहलाणी नी जडे।" 13 ने ईसु फरीसी माणसे काजे छुडीन अळी पछु डंड्या मां बठी गुयु, ने दरीयान पली धड जाणे बाजी गुयु। 14 ईसु ने तेरा चेला डंड्या मां जाणे बाजी रवला ने चे चेला रुटा लावणे वीसरी गुयला, ने डंड्या मां तींद्रे धडे एकुत रुटु हतलु। 15 ने ईसु तेरा चेला काजे दाखलु दीन असु कयन संभळीन रवजु कहयु की, "फरीसी माणसेन खमीर ने राजा हेरोदेसेन खमीर सी संभळीन रवु।" 16 चेला आंबा-सांबा वीचयार करीन कहया, "आपणु रुटा नी लाया तेरेमां ईसु असो कय रयु।" 17 ने ईसु तींदरी जी वात जाणीन कहयु तुहुं आंबा-सांबा हामरे धडे रुटा नी हय करीन काहा वीचयार करने बाजी रया, हय बी तुंदरो मन डेड-अकल्या छे काय? तुहुंक हय बी जी वात समज मां नी आवती? 18 तुंदरा डुळा छे, तेबी देखायतो नी? ने कान्टा हयन, बी सामळायतो नी? ने तुहुंक जी हवली वात हेर नी हय? 19 जतयार मे पांच हजार माणसेक पांच रुटा भांजीन आपलु, चां तुहुं रुटान कट्का ईछीन बेसका चार्या भरला? चे कहया, "बारे चार्या।" 20 "ने जतयार चार हजार माणसे वाटे सात रुटा भांजीन आपलु चां ती माणसेन पुरयु बी, जतयार चुखला सरग वाळा काहावाळ्या

भेळु तेरा बासेन सेक-सींगार साते आवसे, तत्तयार तीने दाहडे तीना काजे लाजवायसे।”

9 ईसु, चेला ने माणसेन अगळ ज कह्यु, “मे तुहुंक छाचलीन कहं की, जे जां उबा हय रया, तींदरेम सी काहना काहनाक असा बी छे, की जत्तयार लग भगवानेन राज काजे ताकत भेळु आवतेला देख नी लेय, तत्तयार लग चे नी मरे ने नी माने।” **2** छव दाहड़ा हय गुया ने पछेन ईसु, पतरस ने याकुप ने युहन्ना काजे पुठ्ये लीन एक मटला बयड़ा पर गुयु। चां चे एखलात हतला; ने चां चेलान अगळ ईसुन सीकु बदली गुयु। **3** ने तेरा पुथलया उजाळा हयन जग-जग पपलने बाजी गुया ने अतरा बेसका उजाळा हय गुया की धरती पर काहनु बी धुबी अतरा नवा नी कर सके। **4** ने तीनु चेला, एलीयु ने अळी मुसु देखाव पड्या; ने चे ईसु साते वात करने बाजी रवला। **5** पतरस ईसु काजे वात करतु जायन कह्यु, “ए मास्तर, जां रहणु हामरे वाटे बेसको वारु छे: तेरेमां हामु जां तीन खपड़ी बणावजे। एक तारे वाटे ने एक मुसा वाटे ने एक एलीया वाटे।” **6** काहाकी पतरस नी जाणतेलु की काय जपाप आपो, काहाकी हयु बेसकु बीही गुयलु। **7** तत्तयार एक आदळो आवीन तीनुक टुप लेदो, ने तीना आदळा मां सी जी अवाज सामळाय “जु मारु लाटेकलु पुरसु छे; हेरी वात सामळु!” **8** तत्तयार चां चेला तत्तयारुत चारे मेर भाळ्या, बाकुन चां ईसु काजे छुडीन कुय नी, देखाव पड्यो। **9** बयड़ा पर सी उतरतु जायन ईसु तीना चेला काजे ज हुकुम आप्यु जत्तयार लग माणसेन पुरसु मरला मां सी पछु जीवतु हयन बटु नी हवे, तत्तयार लग ज काय तुहुं देखला छे, च कुय काजे घुण कहं। **10** चेला ईसुन वात मानीन जी वात तींदरा मन मां राख्या; ने चे आंबा-सांबा वीच्यार कर्या की, “मरला मां सी जीवतु हयन बटु हवणेन मतलब काय छे?” **11** ने चेला ईसु काजे पुछ्या, “असो हय ती, यहुदी नीयमेन मास्तरया काहा कहें की पेहेल एलीयान आवणु टाकायलो छे?” **12** ईसु तीनुक कह्यु “हव छाचलीन, असोत लिखलो छे की एलीयु पेहेल आवीन आखो कयन सुदारीन तीयार करसे, बाकुन माणसेन पुरयान बारामां असो काहा लिखायलो छे, की तीनाक बेसकु दुख झेलनु पडसे, ने माणसे तीनाक नानु समजीन तेरो नाव-बद्दी करसे। **13** बाकुन मे तुहुंक कहं, एलीयु ते आय गुयलु छे, ने जत्तयार चु आयु तत्तयार माणसे जसों बी मन मां आयो तसों तेरे साते वेहवार कर्या। ने तेरा बारामां लिखलो छे।” **14** ईसु तीनु तीन चेलाक लीन दीसरा चेलान चां पछु गुयु ती, चां चे देख्या की दीसरा चेलान चारे मेर बेसकु माणसेन टुळु भेळु हय र्यु, ने थुडाक यहुदी नीयमेन मास्तरया तींदरे साते वात मां जखड़ी पड़ी रया। **15** ने उचकान ईसु काजे देख्या तत्तयार आखा माणसे देखतात रय गुया। ने तेरो आव-भाव करने करीन दवडीन आया। **16** ने ईसु तीनुक पुछ्यु, “तुहुं तींदरे साते काहनी वात मां जखड़ी रया?” **17** टुळा मां सी एक जणु जपाप आप्यु, “ए मास्तर, मे मारा पुर्या काजे तारे धडे लावणे करीन लावल,

हेरे मां भुतडु भराय र्यु, चु बुबडु छे। **18** ने काहनी बी जागा पर भुतडु चसटी जाय चांहान पाड देय, ने हीना पुरयान मुंहडा मां फेसकडु आवे ने करकेडु हय जाय, ने दात बी ककड़ावे ने आकड़ाय जाय तेरे सी मे तारा चेला काजे कह्यु की, हेरे मां सी भुतडु नीकाळ दे करीन कह्यु बाकुन तीनाक चे नीकाळ्यु नी सक्या।” **19** ने असो सामळीन ईसु तीनुक कह्यु, “ए नी भुरसु करने वाळा माणसे, मे कत्तयार लग तुंदरे पुठ्ये रवीस ने तुहुंक सेण करीस? हीना पुर्या काजे मारे धडे लावु।” **20** तत्तयार चे तीना पुरयाक ईसु धडे लाया। ने जत्तयार ईसु तीनाक देख्यु ती चु भुतडु तीना पुर्या काजे मुयड़ी देदु, ने चु पुर्यु भुयमां पड़ी गुयु। ने मुंहडा मां सी फेसकडु नीकाळतु जायन वारु हवणे बाजी गुयु। **21** तत्तयार ईसु तीना पुरयान बास काजे पुछ्यु, “जु असु हवलु कतरा दाहड़ा हय गुयु।” ने चु कह्यु “नानलु हतलु ती सी छे। **22** भुतडु हीना काजे मारने करीन कांखुर आकठा मां ने कांखुर पाणी मां नाख देय; बाकुन कदी तुसेक बणे, तत्तयार हामरे पर दया करीन हामरो भलो कर!” **23** ने ईसु तीनाक कह्यु, “कदी तुसेक बणे जाय ती! असु मेसेक काय लेणे कहें? भुरसु करने वाळा वाटे आखो हय सके।” **24** तत्तयारुत तीना पुरयान बास कलेपतु जायन कह्यु, “मे भुरसु करो ने अळी बी मदत करीन मारा भुरसाक बड़ाव!” **25** तत्तयार माणसे दवडीन आवीन भेळा हवणे बाजी गुया। ती ईसु तीना भुतडाक असु कयन लड्यु, ए बेहरा ने बुबडा भुतडा, मे तुसेक हुकुम आपो की हीना पुर्या मां सी नीकळी जां, ने पछु आवीन हेरे मां घुण भराये। **26** तत्तयार भुतडु आयडीन, तीना पुर्या काजे बेसकु मुयडतुत नीकळी गुयु। ने पुर्यो मरलोत हय गुयो ने आखा माणसे कहणे बाजी गुया की, ज पुरसु मर गुयु। **27** बाकुन ईसु पुरयान हात धरीन उठाड्यु ने पुरसु उबु हय गुयु। **28** जत्तयार ईसु घर आयु, ती ईसु एखलुत हतलु चां तेरा चेला तीनाक पुछ्या, “हामरे सी भुतडु काहा नी नीकळ्यु?” **29** चु चेलाक कह्यु, “असा भुतडान जात भगवान सी दुवा करे, पाखुर नी नीकळे।” **30** पछेन ईसु ने चेला चां सी गलील ईलाका मायन जाणे बाजी रवला। ने चु नी चाहतेलु की काहनाक मेसेक उळखी लेय, **31** काहाकी चु आपसा चेला काजे सीकाडने बाजी रवलु ने तीनुक कवतेलु, “माणसेन पुरसु माणसेन हाते धराय जासे, ने चे तीनाक मार देसे; ने चु मरनेन तीन दाहड़ा मां पछु जीवतु हय जासे।” **32** बाकुन चेला ची वात नी समज्या नी, ने चे ईसु काजे जी वात पुछेने बीहतेला। **33** पछेन चे कफरनहुम मां आया; ने ईसु घर मां आयन तीनुक पुछ्यु, “वाट्ये तुहुं काहनी वात मां जखड़ी रया?” **34** बाकुन आखा हुगात हय रवला, काहाकी वाटे चे ईनी वात मां जखड़ी पड़ी रवला की आपणे मां सी मटु कुण छे। **35** तत्तयार ईसु बठी गुयु ने बारे चेला काजे बुलायु ने तीनुक कह्यु, “कदी काहनुक मटु बननु हय ती तीना काजे आखा सी नानु ने आखान पावर्यु बननु पडसे।” **36** ने चु एक नानला पुर्या काजे बुलायन तींदरे ईचमां उबु कर्यु, ने तीना काजे खुळा

मां लीन तीनुक कह्यु, 37 “ज कुय मारा नाव सी असा नानला पुर्या मायन काहनाक एकेन बी आव-भाव करे; चु मारी आव-भाव करे ने जे कुय मारी आव-भाव करे चु मारी अतरी नी बाकुन मेसेक मकलने वाळान बी आव-भाव करे।” 38 युहननु ईसु काजे कह्यु, “ए मास्तर, हामु एक माणुस काजे तार नाव सी भुतडाक नीकाळ तेलान देख्या ने हामु तीनाक कह्या, तु हामरे पुठ्ये चाल बाकुन चु हामरे पुठ्ये आवणे नी हींडी रव्लु, अतरा मां हामु तीनाक कह्या ईसुन नाव सी भुतडा मां नीकाळे।” 39 बाकुन ईसु कह्यु तीनाक मारे नाव सी भुतडा काजे मां नीकाळे करीन घुण कहं, काहाकी असो कुय नी हय जु काहनुक मारा नावेन ताकुतेन काम करीन थुडीक वार मां मारु वाक नीकाळतु हय। 40 काहाकी जु कुय आपणी वीरुद मां नी हय, चु आपणे वळु छे। 41 मे तुहं काजे ईसु मसीन चेला छे करीन, असु कहं की ज कुय एक कळस्यु पाणी पावे ती मे छाचलीन कहं, “चु तेरा कामेन फळ कदी नी खुवे।” 42 “जे कुय ईनु नानला मां सी मार पर भुरसु करे ने काहनाक काजे पाप मां पाडे ने तीनुक पाप कराडे, ती तेरे वाटे ज वारु छे की तेरा गळा मां घट्टीन पुड़ बांदीन तीना काजे समुदरेन पाणी मां नाख देणु चाहजे। 43 कदी तारु हात पापेन उत्तर बणीन तुसेक पाप कराडे, तीना हात काजे काटीन नाख दे; काहाकी दुय हात रवतात बी तु असी नरक आकठाम जाती रवसी, बाकुन ठटळ्यु हयन अमर-जीवन हात करने सरगेम जासी। (Geenna g1067) 44 काहाकी नरकेन आकठी मायन कीडा कदी नी मरे ने चां वाळो आकठो कदी नी उलहायें। 45 कदी तारु पाय तुसे पाप कराडे, तत्त्यार तीना पाय काजे तुडीन नाख देजी, काहाकी दुय पाय रवतात बी नरक-आकठी मां जाती रवसी, बाकुन लंगडु हयन बी अमरेन जीवन हात करीन सरग मां जाणु वारु छे। (Geenna g1067) 46 काहाकी नरक-आकठी मायन कीडा कदी नी मरे ने चां वाळो आकठो कदी नी उलहायें। 47 कदी तारु डुळु उत्तर बणीन तुसेक पाप कराडे, तत्त्यार तीना डुळा काजे नीकाळीन नाख दे। काहाकी दुय डुळा रवतात बी नरकेन आकठी मां नाखायसी, बाकुन काणु बणीन भगवानेन राज मां जाणु वारु छे। (Geenna g1067) 48 काहाकी नरकेन-आकठी मायन कीडा कदी नी मरे ने चां वाळो आकठो कदी नी उलहायें।” 49 काहाकी हर एक माणुस आकठा सी पारखायसे। जसों चडावु नण सी पारखाये। 50 नण ते वारलु चीज छे, बाकुन कदी नणुत मुळो हय जाय ने सवाद खुय देय, तत्त्यार च पछो काय सी ने कसों खारो करसु? “तेरसी तुहं आंबा-सांबा हेळी-मेळीन रयन आपसान नणेन सवाद समाळीन राख्जु।”

10 पछेन ईसु तीना जागाक छुडीन यहूदीया ईलाका मां जाणे करीन यरदन नदीन पली धडे गुयु, ने माणसेन गड्डी अळी तेरे धडे भेळु हय गुयु; ने जसु हयु पेहेल सीकाडतेलु तसुत तीनुक सीकाडने बाजी गुयु। 2 तत्त्यार फरीसी माणसे हेरे धडे आवीन पारखणे करीन पुछ्या अदमी आपसान बायर काजे

छुडनु वारु छे काय? 3 ईसु तीनुक जपाप आप्यु, “मुसु तुहं क काय हुकुम आपलु छे?” 4 फरीसी माणसे कह्या, “मुसु कहलु की काहनुक चाहे ती चिट्ठी लिखीन झगडु भांजीन लाडी काजे छुड देणेन हुकुम आपलु छे।” 5 ईसु तीनुक कह्यु, “मुसु ते तुद्रे वाटे जी हुकुम तेरेमां लिखलु की, तुहं काजे काय बी समज मां नी आवतेली। 6 बाकुन भगवान कळो घड्यु तेरसी पेहलुत जी हुकुम नी आप्यु बाकुन भगवान ते सुरु मां अदमी ने बायर करीन घड्यु। 7 हेरे वजे सी अदमी तेरा आयस-बास सी अलग हयन तेरी बायर साते भेळु रवसे। 8 ने चे दुय जणा एक डील बण जासे। तेरेमां हय सी चे दुय डील नी बाकुन एकुत डील छे। 9 तेरेमां तीनुक भगवान जुड्लु छे, तीनुक कुय बी माणुस अलग नी करनु चाहजे।” 10 ने जत्त्यार घे चर गुया, तत्त्यार चेला एरे बारामां अळी ईसु काजे पुछ्या। 11 ईसु तीनुक कह्यु, “जु काहनुक माणुस पेहली लाडी काजे छुडीन दीसरी लाडी बणावे, चु पेहली लाडीन वीरुद मां छीनाळो करे। 12 ने कदी लाडी आपसान घरवाळाक छुडीन दीसरु घरवाळु करे चां ची बी छीनाळो करे।” 13 पछेन आस्या-बास्या तींदरा पुर्या-पुरेक ईसु धडे लावणे लाग्या; काहाकी ईसुन हात हीनु पर मेकाडीन संयबरकत मांगणे हींडी रवला बाकुन चेला तीनुक लड्या। 14 ईसु चेला काजे लडतेला देखीन रीसवायन ने तीनुक हुकुम आपीन कह्यु, “हीनुक मां रुकु पुर्या-पुरे काजे मारे धडे लावणे देवु; काहाकी भगवानेन राज हींदरेत तसलान छे।” 15 मे तुहं काजे छाचलीन कहं “जे काय भगवानेन राजेन हक मां नानला पुर्या-पुरेन तसु भुरसु करीन नी रवे ती तीनुक तीना भगवानेन राज मां कदी नी जावाये।” 16 ने ईसु पुर्या काजे खुळा मां लेदु ने तींदरे पर तेरु हात मेलीन संयबरकत आप्यु। 17 तत्त्यार ईसु यरुसलेम भीणी जाणे करीन वाटे लाग्यु, चां एक माणुस तेरे धडे दवडीन आयु, ने तेरा पाये पडीन तीनाक पुछ्यु “ए वारलु मास्तर जलम जीवन हात करने करीन मे काय वारलु काहा कहें?” भगवान काजे छुडीन कुय बी वारलु नी हय बाकुन भगवान अतरुत वारलु छे। 19 तु हुकुम काजे जाणे की, “खुन घुण करे, छीनाळो घुण करे, चुरी घुण करे, झूटी गवाय घुण देय, कुय काजे ठगे घुण ने तारा आस्या-बासेन ईज्जत करजी।” 20 ने चु ईसुक कह्यु, “ए मास्तर जे आखा हुकुम ते मे नानलु हतलु तीन सी मान्तु आय रयु।” 21 ने ईसु तेरे भीणी बेसकु परम भाव सी भाळ्यु ने तीनाक कह्यु, “तारे मां एक वातेन कसर छे जां जतरो बी तारो छे तीनाक वेचीन गरीब काजे आखो आप दे ने अळतेन मारे पुठ्ये आवजी। असु करसी तत्त्यार तुसेक सरग मां धन जडसे।” 22 काहाकी चु माणुस बेसकु लकपती हतलु। तेरे मां चु ईसुन वात सामळीन चु बेसकु फीकुर मां पड गुयु ने दुखी हयन पछु जात रयु। 23 ईसु चारे मेर भाळीन तेरा चेला काजे समजाडतु जायन कह्यु, “जादा पयस्या वाळाक भगवानेन राज मां भरायणु बेसको काठो छे।”

24 ईसुन वात सामळीन चेला देखतात रय गुया। बाकुन ईसु अळी तीनुक कह्यु “मारा पुर्या! काहनूक धन पर भुरसु राखे तींद्रे वाटे भगवानेन राज मां जाणु बेसको काठो छे। 25 उटडान सुईन नाचका मायन नीकळी जाणु सरल छे, बाकुन लकपती माणसे काजे भगवानेन राज मां जाणु बेसको काठो छे।” 26 चेला बेसका देखतात रय गुया, ने आपसात कहणे लाग गुया, “ती कुणीन छुटकारु हय सक्से?” 27 ईसु चेला भीणी भाळीन कह्यु, “माणसे सी ते ज नी हय सके, बाकुन भगवान सी हय सके, काहाकी भगवान आखो काय कर सके।” 28 पतरस ईसु काजे कहणे बाजी गुयु, “देख, हामु ते आखो काय छुडीन तारे पछळ आय र्या।” 29 ईसु कह्यु, “मे तुंद्रे सी छाचलीन कहं, असा कुय नी हय जु मारे वजे सी ने खुस-खबरेन परचार करने करीन घर, खेत, भायस, बहणसया, आयस-बास ने पुर्या-पारी काजे छुड़ देदु हय, 30 ने तुहुंक छाचलीन कहं की ईना जीवन मां घर ने भायस ने बहणसया ने आसया ने पुर्या ने खेत सी, सोव गुणा फायदु नी जइसे, ने गरात आवती रवसे बाकुन तीनाक आवणे वाळा दाहड़ा मां जलम जीवन जइसे। (aiōn g165, aiōnios g166) 31 बाकुन बेसका माणसे छे चे अगळ छे, बाकुन पछळ हवसे ने जे पछळ छे चे अगळ हय जासे।” 32 ईसु ने चेला यरुसलेमेन वाटे जातला ने वाटेत हतला, ने ईसु तींद्रे अगळ-अगळ जातलु, तेरा चेला ने पछळ-पछळ चालन्या दीसरा माणसे बी बीही रवला। अतरा मां ईसु बारे चेला काजे अळी अघु ली जायन तीनुक तरे पर ज हवणे वाळो हतलो, च कहणे बाजी गुयु। 33 “सामळु आपणु यरुसलेम जाणे बाजी र्या, चां माणसेन पुर्यु डाहला पुजारा ने यहूदी नीयमेन मासुतर्यान हातेम धराय जायस, ने चे तीनाक गुनाळु ठहरायन मरनेन डंड आपीन, नी-यहूदी वाळा आइजातीन सुपरुत कर देसे। 34 चे तेरी हासी उड़ावसे ने तेर पर थुप्से ने सइकाय देसे, ने मार देसे, बाकुन पछु चु तीन दाहड़ा मरला मां सी पछु जीवतु हय जासे।” 35 तत्त्यार जब्दीन पुर्यु याकुप ने युहनु ईसु धडे आवीन कह्या, “ए मासुतर, हामरी आस जी छे, की ज बी हामु तार सी मांगसुन, च हामरे वाटे कर।” 36 चु तीनुक कह्यु, “तुंद्री काय आस छे, चो तुंद्रे वाटे करो।” 37 चे कह्या, “जत्त्यार तु तारी सेक-सींगार भेळु राज करने करीन, राजगादी पर बठ्सी, ती हामरे मायन एक काजे तारे जेवड्ये आंगे ने एक काजे तारे डाखर्ये आंगे बसणेन हक आप्जी।” 38 ईसु तीनुक कह्यु, “तुहुं ज मांगणे बाजी र्या, तीनी वातेन मतलब तुहुंक मालुम बी नी हय। ज दुखेन पीयालु मे पीणेवाळु छे, चु पीयालु तुहुं पी सक्सु काय? ने ज दुखेन बपतीसमा मे लेणे वाळु छे, चो बपतीसमा तुहुं ली सक्सु काय?” 39 चे तीनाक कह्या, “तु कहसी तसों हामु करसुन।” ने ईसु तीनुक कह्यु, “ज दुखेन पीयालु मे पीणेवाळु छे, चु पीयालु तुहुंक बी पीणु पइसे, ज दुखेन बपतीसमा मे लेणे वाळु छे, च बपतीसमा तुहुंक बी लेणु पइसे। 40 बाकुन मारा जेवड्ये आंगे ने डाखर्ये आंगे कुणीक

बठाइनु छे, जी वात मारा हक मां नी हय। बाकुन जु जागु तीनुत काजे देसे, तींद्रे वाटे भगवान तीयार करलु छे।” 41 बाकुन जी वात सामळीन याकुपेन ने युहनुन पार, दीसरा दस चेला रीसाय पड्या। 42 ईसु तीनु आखा काजे धडे बुलायन कह्यु, “तुहुं जाणु की, नी-यहूदी मां हकवाळा माणसे; तेरा जागा पर हक जमाडीन राज करे, ने तीना हक जमाडन्या पर अळी दीसरा मटला माणसे हक जमाडे। 43 बाकुन तुंद्रे मां असो नी हय। ज तुंद्रे मां मटु हवणे हीडे, चु तुंदरु पावर्यु बननु चाहे। 44 ने कदी तुंद्रे मायन आखान डाहलु बनने हीडे, चु आखान हक मां रयन पावर्यु बननु चाहे। 45 काहाकी मे माणसेन पुर्यु मारी सेवा चाकरी कराइने नी आयु, बाकुन सेवा करने आयु, ने बेसका जणान जीव बचाइने करीन ने आपसा जीव हामरे वाटे देणे आवलु छे।” 46 ईसु ने तेरा चेला यरीहो गांव मां आयु, ने जत्त्यार ईसु ने तेरा चेला चां सी माणसेन एक मटलु टुळु बी तींद्रे पुठ्ये यरुसलेम जाणे करीन चाली पड्यु। चां एक आंधळु भीकारी सयइक पर बठी रवलु। चु भीकारी तीमायुन पुर्यु बरतीमाय हतलु। 47 चु ज सामळ्यु की नासरत वाळु ईसु आवणे बाजी रयु, तत्त्यार चु आंधळु आयडी-आयडीन कह्यु “ए दावुदेन अवल्यात! ईसु मार पर दया कर।” 48 बेसका माणसे तीना काजे, हगु रव करीन लइने बाजी गुया, चु अळी आयडीन कहणे बाजी गुयु, “ए दावुदेन पुर्या, मार पर दया कर।” 49 तत्त्यार ईसु उचु रयन हुकुम आपीन कह्यु, “हीनाक जां बुलावु।” ने माणसे तीनाक बुलायन कह्या, “हिंमत राख!” ने उठ, “तुसे ईसु बुलावे।” 50 चु तेरु पुथल्या नाखी दीन, उछळीन ईसु धडे आयु। 51 ईसु तीनाक कह्यु, “तु काय चाहे की मे तारे वाटे करो।” चु तीनाक कह्यु “ए मासुतर, मे पछु देखणे हींडी रयु।” 52 ईसु तीनाक कह्यु “जां, तारु भुरसु तुसेक वारु कर देदु।” ने चु तत्त्यारुत देखणे बाजी गुयु ने हयु ईसु पछळ चाली पड्यु।

11 तसात ईसु ने चेला, ने पुठ्ये चालन्या माणसे यरुसलेम गांव धडे जेतुन झाइकान बयड़ा पर बेतफगे ने बेतन्या गांव धडे आया, चां ईसु तेरा चेला मां सी दुय काजे मकल्यु, 2 “तुहुं काजे पल्लो गांव देखाये चां जावु, ने चां जातान तुहुं काजे गदडीन पीलो बांदलो देखायसे; तेरे पर, हाल लग कुय नी बठ्यो, तीना काजे छुडीन ली आवु। 3 कदी तुहुंक काहनाक पुछे की हीना काजे काय करने छुडी रया? ती तुहुं कवजु, मालीक काजे ज गदडी चाहजे ने मालीक हीना गदडा काजे छाटुस पछु दी मकलसे।” 4 ने चे जायन च गदडीन पीलो वाटे धडे आंगणा मां बांदायलो देखीन छुड़ने बाजी गुया। 5 ने चां उबा हय रवला, चे काहनाक कहणे बाजी गुया, “गदडीन पीला काजे छुडीन काय करने हींडी रया?” 6 जसु ईसु तीनुक कहलु तसात चे तीनुक कय देदा; तत्त्यार चे गदडीन पीला काजे लीन जाणी देदा। 7 ने चे गदडीन पीला काजे ईसु धडे लाया ने चे तींदरा पुथल्या गदडान पीला पर नाख देदा। ने ईसु तीना गदडीन पीला पर बठ गुयु। 8 तत्त्यार बेसका माणसे तींदरा पुथल्या

ईसु अगळ-अगळ वाटे पर आथरी देदा ने दीसरा माणसे खेतने सेडे सी पान्टा वाळा डाळखा काटी काटीन लायन आथरी देदा। 9 चे बी ईसुन अगळ-अगळ ने पछळ-पछळ जातला चे आयडी-आयडीन कवतेला, “होसानना मतलब ए मालीक हामुक वाचाड! बरकतवाळु छे चे, जे मालीकेन नावे सी आवे! 10 आपणा बास दावुदेन राज चो आवणे बाजी र्यो; बरकतवाळु छे! उंचा सरग मां भगवानेन बडाय हवे होसानना।” 11 ने ईसु यरुसलेम मां पुगीन मंदीर मां गुयु, ने चारे मेर वाळी आखी चीज काजे देख्यु, काहाकी दाहडु डुबणे वाळु हतलु, तत्प्यार ईसु चेला बेतन्या सी नीकळीन गुया, ती ईसु काजे भुक लागी। 13 ने चे छेटे रय्न एक अंजीरेन नीळ्ळा झाडका काजे देखीन थडे गुयु की काहींग चां खाणेन जड जाय, बाकुन पान्टाक छुडीन काय बी नी हतलो काहाकी फळ लागणेन टेम नी आय रवली। 14 ईनी वात पर ईसु झाडकाक कह्यु, “हय सी तारा फळ कदी नी लागे ने कुय काजे बी खाणेन नी जडे!” ने चे सराप देतलान चेला सामळी रवला। (aiōn g165) 15 पछेन ईसु ने चेला यरुसलेम मां आया, ने ईसु मंदीर मां गुयु, ने चे लेण-देण कर तेला तीनु काजे बाहर नीकाळने लाग्यु, ने पयस्युया अदलु-बदलु करन्याक ने पेरवा वेचणे वाळान चारला उथलाय दीन बाहार नीकाळ देदु। 16 ने ईसु मंदीर मां आखा काजे ठाहरा लीन आवणु जाणु बंद कर देदु। 17 ने सीकाडतु जायन कह्यु, काय असो नी लिखलो हय की, मारो घर आखा देसेन माणसेन भक्तीन घर कवायसे बाकुन तुहुं ते ईना घर काजे चुट्टान घर बणाय देदा! 18 ज सामळीन यरुसलेम मंदीरेन डाहलु पुजारु ने यहूदी नीयमेन मास्तर्प्या हतला। अतरा मां चे ईसु काजे मारनेन मुखु हेरने लाग्या। काहाकी आखा माणसे ईसुन सीकाडनेन वात सी देखतात रय जातला ने ईसु सी बीहतेला। 19 ने सांती वेळाय ईसु ने तेरा चेला गांव छुडीन जात र्या। 20 पछेन संधारे तीनीत वाटे सी जाणे बाजी रवला, चां चे अंजीरेन झाडका काजे मुळे लग सुकलो देख्या। 21 पतरस काजे ईसुन कहली वात हेर आवी, ने चु तीनाक कह्यु, “ए मास्तर देख। ज अंजीरेन झाडको तीनाक तु सराप देदलु च सुकी गुयो।” 22 ईसु तीनु काजे कह्यु, भगवान पर भुरसु राखु। 23 मे तुंद्रे सी छाचलीन कहं, जु काहनुक ईना बयडा सी कहें की, तु उखळीन समुदर मां नाखाय जां, ने आपसान मन मां संका नी करु ने भुरसु राखे की, ज तु कहें च हय जासे ने तेरे वाटे चत हवसे। 24 तेरेमां मे तुंद्रे सी कहं, “की ज काय तुहुं दुवा करीन मांगु ने भुरसु कर लेवु की हामुक जड गुयो ने तुंद्रे वाटे जड जासे। 25 ने जत्प्यार बी तुहुं दुवा करने करीन उबा हवु, तत्प्यार कुय पर बी तुंद्रा मन मां रीस हय ती तीनाक माफ कर देवु; काहाकी तुंदरु सरग वाळु बास जु सरग मां रवे, हयु बी तुंदरु पापेन माफी आपसे। 26 ने कदी तुहुं दीसरान गुनु माफ नी करु, ती तुंदरु बास सरग मां छे चु, तुंद्रा गुना काजे बी माफ नी करसे।” 27 पछेन चे यरुसलेम

मां आया, ने तत्प्यार ईसु मंदीर मां फीरतेलु चां मंदीरेन डाहला पुजारा ने नीयमेन मास्तर्प्या ने डाहला तेरे थडे आया। 28 ने चे तीनाक पुछ्या, जे काम तु काहना हक सी करे? जे काम करनेन हक तुसेक कुण आपयो? 29 ईसु तीनुक कह्यु, “मे बी तुंद्रे सी एक वात पुछो; मेसेक तुहुं जपाप आपु ती, मे बी तुहुं काजे बताडिस की मे जे काम कुणीन हक सी करो। 30 युहन्ना काजे बपतीस्मा आपणेन हक भगवान भीणी सी जडलो की माणसे भीणी सी? मेसेक बताडु।” 31 ने चे ईनी वात पर वीच्यार करने बाजी गुया; कदी आपणु कवसुन भगवान आपलु, ती चु कवसे, तत्प्यार तुहुं युहन्ना पर भुरसु काहा नी कर्या? 32 ने कदी आपणु कवसुन, माणसे हीनाक हक आपला छे, ती चां चे भेळा हय रवला माणसे सी बीहणु हतलो; काहाकी आखा माणसे युहन्ना काजे छाचलीन भगवानेन अधली वात बताडने वाळु मानतेला। 33 तेरेमां चे ईसु काजे असा कह्या, “हामुक मालुम नी हय।” ती ईसु तीनुक कह्यु, “मे बी तुहुं नी बताडतु की, ज काम कुणीन हक सी करो।”

12 पछेन ईसु दाखला मां तींद्रे सी वात करने लाग्यु, “एक माणुस खेत मां अंगुरेन वाडी लाग्गाड्यु ने खेतने चारे मेर वाडी कर्यु ने अंगुरेन रस नीकाळने करीन एक हळाव बणायु, ने अंगुरेन खेत मां एक माळु बणायु ने काहनाक किरसाण काजे तेरी वाडी साजा मां आपीन, नांवे वाळा देस मां जाती रयु।” 2 पछेन अंगुरेन लागणेन दाहडा आया, तीना खेतने मालीक तेरा एक पावर्या काजे साजेल्यान चां अंगुरेन वाडी मां फळेन वाटु मांगणे मकल्यु। 3 बाकुन चे पावर्या काजे धरीन ठुक्या ने तीनाक ठारलु पछु मकली देदा। 4 ने चु खेतने मालीक अळी दीसरा पावर्या काजे मकल्यु, ने चे तीना पावर्यान मुणको फुड देदा, ने तेरो नाव-बद्दी कर्या। 5 पछेन अळी दीसरा काजे मकल्यु, ने तीनाक चे मार नाख्या, तत्प्यार चु अळी बेसका पावर्याक मकल्यु ने तींद्रे मां सी काहनाक काजे ठुक्या ने काहनाक काजे मार नाख्या। 6 अळतेन एकुत रय रवलु ने चु तेरु लाटेकलु पुर्यु हतलु; अतरा मां तीनाक बी तींद्रे थडे ज सुचीन मकल्यु की मारा पुर्यान आव-भाव करसे करीन। 7 बाकुन चे साजेल्या आपसात वात कर्या, जु ते तीना खेतने हकदार छे, चालु हीना काजे बी मार नाख्या तत्प्यार जी धन दवलत आपणी हय जासे 8 ने चे तीनाक धरीन मार नाख्या ने अंगुरेन वाडी मां सी बाहार नाख देदा। 9 “तेरेमां अंगुरेन वाडीन मालीक काय करसे?” चु आवीन तीनु साजेल्या काजे मार नाखसे ने अंगुरेन वाडी दीसरा काजे आप देसे। 10 काय तुहुं हाल लगुन चुखला सास्तुर मां नी भण्या काय? तीना दमाडा काजे खास मीस्तर्प्या फालतु समजीन बाहार नीकाळ देदा, बाकुन हयुत दगडु खास दगडु बण गुयु; 11 ज ते मालीक भणी सी हयो; ने ज ते हामरी नींगा मां बेसकु वारु छे! 12 तत्प्यार चे ईसुक धराडने हींडी रवला; काहाकी चे समजी गुयला की जु हामरी नाव-बद्दी मां जु दाखलु कहलु छे। बाकुन चे माणसे सी

बीहेतेला ने ईसु काजे छुडीन जाती र्या। 13 तत्पार यरुसलेम वाळा डाहला पुजारा ने यहूदी नीयमेन मास्तर्या ने डाहला, थुडाक फरीसी माणसे ने हेरोदेन पालटी मायन थुडाक काजे ईसु थडे मकलयु, काहाकी तीनाक सवाल पुछीन तीनाक वात मां रुक देय। 14 चे आवीन ईसुक कह्या, “ए मास्तर हामु जाणजे की तु छाचलु छे, ने कुयन फीकुर नी करे, काहाकी तु माणसेन मुंहडा देखीन वात नी करे, बाकुन भगवानेन वाट संय देखाड़े। ती बताड़ रोमी राजा काजे फाळु आपणु वारु छे की नी छे? हामु फाळु आपजे की नी आपजे?” 15 तींद्रा ढंगड़ा जाणीन ईसु तीनुक कह्यु, “मेसेक काहा पारखणे बाजी र्या? एक चांदीन सीक्कु मारे थड़े लावु, ने मे तीना रुप्याक देखीस ने तुहंका बताडीस।” 16 ने चे एक रुप्यु लावीन ईसुक आप्या, “ने ईसु तीनुक सीक्कु देखाडीन कह्यु, “सीक्का पर कुणीन नाव ने छाप छे?” चे कह्या रोमी राजान। 17 ईसु तीनुक कह्यु, “ज केसर राजान छे, च केसर राजा काजे आपु ज भगवानेन छे, च हक भगवान काजे आपु।” ने चे तेरी वात सामळीन बेसका देखतात रय गुया। 18 पछेन थुडाक सदुकी, कहें की माणसे मरलाम सी पछा जीवता नी हवे, चे ईसु थडे आवीन पुछ्या, 19 “ए मास्तर, मुसु हामरे वाटे असु नीयम लिखलु छे की, कदी काहनाक ने भायन अवल्यात नी हवी ने मर जाय, ने चां तेरु भायस रांडायली बायर साते ईयाव करीन आपसान भायस वाटे अवल्यात पयदा करनु चाहे। 20 एक कावा असो हयो; सात भायस हतला, मट्लु भायस ईयाव करीन अवल्यात पाखुर मर गुयु। 21 तत्पार दीसर भायस तीनी रांडायली बायर साते ईयाव कर लेदु ने चु बी अवल्यात पाखुर मर गुयु। ने असुत तीसरु भायस बी कर्यु। 22 असा करीन सातु भायस असात तेरे साते ईयाव कर्या, ने अवल्यात पाखुर मर गुया। पछेन आकरी कावा ची रांडायली बायर बी मर गुयु। 23 अळतेन चे आखा मरीन पछा जीवता हवसे तत्पार ची कुणीन बायर कवायसे? काहाकी ची ते सातु भायसेन लाडी बनली हतली।” 24 ईसु तीनुक जपाप देदु, “काय तुहं असा करीन भुल मां पड़ र्या की तुहं नीते भगवानेन लिखली चुखला सास्तरु काजे जाणु नीते भगवानेन ताकत काजे नी उळखु। 25 काहाकी जत्पार मरला माणसे पछा जीवता हवसे, तत्पार तींद्रेम ईयाव नी हवे, सरग मां सरग वाळान काहवाळ्या तसा रवसे। 26 मरलान पछा जीव उठणेन बारामां काय तुहं मुसान किताप मां काटाळा झाड़कान बारामां लिखलो हतलो च नी भण्या काय, चां भगवान मुसा काजे कहलु की, मे अब्राहमेन भगवान ने इसाकेन भगवान ने याकुपेन भगवान छे? 27 भगवान मरलान नी, जीवतान भगवान छे; तुहं ते मटली भुल मां पड़ी र्या।” 28 यहूदी नीयमेन मास्तर्या मां सी एक आयु ने तीनु काजे वीच्यार करतेलान सामळ्यु ने असु देख्यु की, ईसु सदुकी काजे वारु ढंग सी जपाप देदु, तत्पार नीयमेन मास्तर्यु ईसु थडे आयुन पुछ्यु की, “आखा मां सी मटली हुकुम काहनी छे?” 29 ईसु तीनाक

कह्यु, आखा हुकुम मां सी ज हुकुम मटलो छे, ए ईस्रायल, सामळु! आपणु मालीक भगवान एकुत मालीक छे। 30 ने तु आपसा मालीक भगवान सी तारा आखा मन सी, ने तारा जीव सी ने तारी आखी अक्कल सी, ने तारी आखी ताकत सी परम कर। 31 ने दीसर हुकुम असु छे, की तुहं तुंद्रे आडे-थडे रहणे वाळा सी तारेन तसु परम कर। दीसरा हुकुम अळी ईनु दुय हुकुम सी मटी नी हय। 32 चे यहूदी नीयमेन मास्तर्या ईसु काजे कह्या, “ए मास्तर! जे आखो हुकुम संय छे। तु छाचलीन कह्यु, की मालीक अतरुत भगवान छे, ने तीनाक छुडीन कुय भगवान नी हय। 33 ने तीनाक आखा मन सी ने आखी अक्कल सी, ने आखा जीव, ने आखी ताकुतेन साते आपसान भगवान सी परम राख्जी, जे हुकुम, आखा काय बी जनवार्या काजे भगवान अगळ चडावणे सी ने अळी काहीग बादा चडावणे सी जादा वारु छे।” 34 जत्पार ईसु देख्यु की चु समजीन जपाप देदु, ती ईसु तीनाक कह्यु, “तु भगवानेन राज सी छेते नी हय।” ने अळतेन ईसु काजे पारखणे करीन कुयन बी पुछणेन हिममत नी आय। 35 पछेन ईसु मंदीर मां सीकाड़तु जायन असु पुछ्यु, यहूदी नीयमेन मास्तर्या काहा कहें की मसी दावुदेन अवल्यात छे? 36 दावुद आपसुत चुखली-आत्मा सी भरायन कहलु, की मालीक, मारा मालीक मसी सी कह्यु, तु मारे जेवड्ये आगे बठ, जत्पार लग की मे तारा वेरी काजे, तारा पाय तळे नी कर दम। 37 दावुद ते आपसुत मसी काजे मालीक कहें पछेन मसी दावुदेन अवल्यात कसु हय सकसे? ने ईसुन जी वात, माणसेन मट्लु टुळु खुस ह्यन सामळी रवला। 38 चु सीकाड़तु जायन कह्यु, “यहूदी नीयमेन मास्तर्या सी चेतनीन रवु, चे ते पाय मां सी नांबला पुथलया पेरीन फीरे, ने हाट मां, वारु छे की, पुछीन तींद्री आव-भाव करनु पटे। 39 ने तींद्रा भक्तीन घर मां खास जागा पर बसणु ने तीहवार मां पाहनत्यान तसा खास जागा मां बठणु वारु गमे। 40 चे रांडायला बायारन घर धुकु दीन तींद्रा धन काजे ठगीन हापकी लेय, ने दीसरा काजे देखाड़ने करीन बेसकी वार दुवा करता रवे। बाकुन तीनु माणसे काजे डंड जादा जडसे।” 41 ईसु मंदीरेन दान पेटीन सांबु बठीन देखी रवलु, की दान पेटी मां कसा पयस्या भर र्या, ने बेसका लकपती पेटी मां बेसका पयस्या नाख्या। 42 अतरा मां एक गरीब रांडायली बायर दुय टका दान करी, तेरी कीमत बेसकी कम हतली। 43 तत्पार ईसु तेरा चेला काजे थडे बुलायन तींद्रे सी कह्यु, “मे छाचलीन कहं की, मंदीरेन पेटी मां दान करने वाळा सी, जी गरीब रांडायली बायर आखा सी जादा दान करली छे। 44 काहाकी आखा तींद्रा माल धन मां सी दान कर्या, बाकुन जी रांडायली बायर गरीब ह्यन बी आपसीन आखो कमायलो धन ने जीवन दान कर देदी।”

13 जत्पार ईसु मंदीर मां सी नीकळ्यु ती चां एक चेलु कह्यु, “ए मास्तर, देख, कतरा वारु दगा छे, ने कतरा वारु बंगला छे!” 2 ईसु तीनाक कह्यु, “तु ते ईना मटला बंगला

काजे देख र्यु ने घाबराय गुयु। बाकुन जे आखा दगड़ा उदार नाखसे; जां लग की ईना जागा पर दगड़ा पर दगड़ु बी नी बचे, ज की हेटु नी उराटी देय।” 3 जत्त्यार ईसु जेतुन झाड़कान बयड़ा पर मंदीरेन अगळ बठी रवलु, ती पतरस ने याकुप ने युहननु ने अळी अनदीरीयास छेटास जायन पुछ्या 4 “हामुक बताड़ की जी वात की हवसे? ने जत्त्यार जी आखी वात पुरी हवणे पर रवसे, ने तीना दाहड़ान सहलाणी काय रवसे।” 5 ईसु तीनुक कहणे बाजी गुयु, चैतीन रवु की; काहनुक तुहुं भटकाड़ी नी देय। 6 बेसका मारो नाव लीन कवसे, मे मसी छे, ने चे बेसका माणसे काजे भटकाड़ी देसे। 7 जत्त्यार तुहुं लड़ायन ने झगड़ान हुकवाय सामळु ती घाबरायु घुण, काहाकी असो ते हवण्यो छे, बाकुन हेरो मतलब ज हय की हय आकरी आय गुयु। 8 काहाकी एक देसेन माणसे दीसरा देसेन माणसे पर, ने एक राज्येन माणसे दीसरा राज्येन माणसे भीणी लड़ायसे ने चड़ाव करसे। जां-चां काळ पड़से। ने जां-चां धरती हालसे ने फाट जासे। जी दुखेन आवणे ने हवणेन सुरुवातुत रवसे। 9 बाकुन तुहुं आपसान बारामां चैतीन रवु; काहाकी माणसे तुहुं काजे धरसे ने मटला पंचुन अगळ ली जासे; ने तींद्रा भक्तीन घर मां तुहुं काजे ली जायन ठुकसे; ने मारा नाव सी राजा ने राज करन्या अगळ उबा करसे। काहाकी तुहुं मारा गवा बण जाय ने तींद्रे अगळ मारी वारलु खबर सामळावणेन मुखु रवसे। 10 ने आकरी हवणे सी पेहेल, खुस-खबरेन परचार आखा माणसे मां हवसे ने हवसे। 11 जत्त्यार चे तुहुं क पंचु अगळ ली जासे, चां पेहेल सी जी फीकुर घुण करु, की हामु काय कवसुन, बाकुन ज काय तुहुं कहणु छे तीनी टेम बताड़ी देसे चत कहजु; काहाकी बुलने वाळा तुहुं नी हय, बाकुन चुखली-आत्मा रवसे। 12 तीनु दाहड़ा मां भायस तेरा भाय काजे, ने बास तेरा पुर्या-पारी काजे मारने करीन धराय देसे, ने पुर्या पुरे हेरा आयस बासेन वेला नी हवे ने तीनुक माराड़ देसे। 13 ने तुहुं मारा नाव पर भुरसु करी र्या करीन आखा माणसे तुंद्रे सी नाव-बद्दी करसे। बाकुन ज कुय मरता लग मार पर भुरसु करसे, तीनुक छुटकारु जड़से। 14 जत्त्यार तुहुं तीनी उजाड़ने वाळी नी गमे तसली चीज ने काम काजे देखीन जाहां च हवणु नी चाहजे ने चां तुहुं देखसु भन्ने वाळा समज लेवु तत्त्यार जे यहुदीया मां छे चे बयड़ा मां ढास जाय। 15 ज धरेन छत पर हय ती, चु फालतु टेम काजे मां खुवे ने तेरा घर मां सी काय बी समान ली जाणे करीन नेचु घुण उतरे। 16 ने जे खेतेम हय, चु तेरा पुथलया लेणे करीन पछु नी आवणु चाहे। 17 तीनु दाहड़ा मां बायरा भारास हसे, ने काहनीक धड़े नानला पुर्या हसे, ती तींद्रे वाटे ढासणु बेसको काठो रवसे। 18 ने भगवान सी दुवा करता रहु, की असो सींगेन दाहड़ा मां नी हवणु चाहे। 19 काहाकी तीनु दाहड़ा मां असो दुख हवसे की च धरती बन्ली ती सी ने ज काय भगवान बणायु ती सी हय लग नी हयो ने च कदी नी हवसे। 20 कदी मालीक तीनु दाहड़ा काजे नी घटाड़तु ती कुय बी नी बचतो बाकुन मालीक पर

भुरसु करने वाळा नेवाड़ला माणसेन वजे सी तीनु दाहड़ा काजे घटायु। 21 तीनु दाहड़ा मां कदी काहनुक तुंद्रे सी कवे देखु मसी जां छे, नीते, देखु वां छे कवे ती तींद्रे पर भुरसु घुण करु; 22 काहाकी लुच्चा मसी ने लुच्चा अघली वात बताड़न्या आवसे ने चे कवसे मे मसी छे ने चे सहलाणी ने कदी देख्या नी च काम देखाड़से ने कदी हय सके ती भुरसु करने वाळा नेवाड़ला माणसे काजे बी भटकाड़नेन कुसीत करसे। 23 बाकुन तुहुं चैतीन रहु! मे तुहुं काजे आखी वात पेहेल सी बताड़ देदु। 24 “तीनु दाहड़ा मां तीना दुखेन पछे दाहड़ु डुब जासे ने आंदारो हय जासे, ने चांद वीजाळो नी देय, 25 ने सरग मां सी तारा पड़ने बाजी जासे ने सरगेन आखी ताकत हालने बाजी जासे। 26 तत्त्यार माणसे माणसेन पुर्या काजे मटली ताकत ने सेक-सींगार साते आदळा मां आवतेला देखसे। 27 तीना टेम मां चु तेरा सरग वाळा काहवाळ्या काजे मकलीन धरतीन चार खुणा मां सी आपसा नेवाड़ला माणसे काजे भेळा करसे।” 28 “अंजीरेन झाड़का सी जु दाखलु सीकु: जत्त्यार तेरी डाळ मां सी नवली नीळळी डाळी ने पान्टा नीकळने बाजी जाय, ती तुहुं जाणी जावु की उन्ढाळान दाहड़ा आवणे वाळा छे। 29 असात जत्त्यार तुहुं ईनी वात काजे हवतेलान देखसु, ती जाण लेसु की आवणे वाळी टेम धड़ेत छे, मतलब बारना मात छे। 30 मे तुंद्रे सी छाचलीन कहं की जत्त्यार लग जी आखी वात पुरी नी हवे चां लग ईनी पीड़िन माणसे मरे नी। 31 सरग ने धरती टळ हय जासे, बाकुन मारे बुले कदी नी टळे। 32 “दाहड़ा नीते टेम कत्त्यार आवसे तेरे बारामां कुय काजे मालुम, नी हय, नीते सरग वाळा काहवाळ्या काजे नीते; पुर्या काजे, बाकुन भगवान बास अतरुत जाणे। 33 देखु जागता रहु ने तीयार रहु काहाकी तुहुं नी जाणु की ची टेम कत्त्यार आवसे। 34 ज तीना माणसेन तसों छे, चु दीसरा तेरा धरेन काम छुड़िन नाबे फीरेन जाय, ने आपसान पावर्या काजे जपापदारी आपे, ने आखा काजे काम बताड़िन जाय, ने झपलान राखवाळ्या काजे जागली करजी करीन कहें। 35 तेरेमां तुहुं बी जागता रहु, काहाकी तुहुं नी जाणु की धरेन मालीक कत्त्यार आवसे सांतु की, आदी राते, की कुकड़ा वासणीक की, दाहड़ु उंगे तत्त्यार। 36 असो नी हय जाय की चु उचकान आय लागे ने तुहुं सुवतेला तीनाक देखाव पड़ु। 37 ने ज मे तुंद्रे सी कय र्यु चीत वात आखा सी कहं की: जागता रहु।”

14 दुय दाहड़ा मां फसहन तीहवार ने खमीरी पाखुर रुटान तीहवार आवणे वाळु हतलु। मंदीरेन डाहला पुजारा ने यहुदी नीयमेन मास्तर्या ईसु काजे ठगीन धरनु ने मारनेन वीच्यार करने करीन भेळा हया। 2 बाकुन चे कहतेला की, तीहवारेन दाहड़े असा नी करजे, “नीते असो नी हय जाय की माणसे मां दंगु हय जाय।” 3 जत्त्यार ईसु बेतन्या मां हतलु तत्त्यार चां एक माणुस सीमोन नावेन हतलु ने चु कुड़ायलु हतलु, तेरे घर मां ईसु रुटा खाणे बठी रवलु, तत्त्यार एक बायर वारलु गुळवळा दगड़ा मां महंगलो पीवर गंदायण्यो तेल लीन

आयन सीसनी ढाकणो उघाड़ीन ईसुन मुणका पर रेचवी देदी। 4 बाकुन थुङ्क माणसे रीसवायन एक दीसरा काजे कहणे बाजी गुया, जी ईना ईत्तर तेल काजे काहा रद कर देदी? 5 काहाकी ईत्तर तेल एक सालेन दाहड़कीन पयस्या सी बी महंगो वेचाय जातो, ने चे तेरु वाक नीकाळीन लड़ने बाजी गुया। 6 बाकुन ईसु कह्यु, “हीनीक काहा वेला पाड़ी र्या; रहणी देवु? हय ते मारे वाटे वारलाम-वारलु काम करली छे। 7 काहाकी गरीब माणसे ते तुंदरे पुठ्ये जलम रवसे, ने तुहुं जत्थार चाहु, तत्थार तींदरी भलाय कर सकसु; बाकुन मे तुंदरे पुठ्ये जलम नी रव। 8 हथी ते ज करनु हतलो चत करी, ची मारा डील पर मेसे मारनेन पेहेल सी तेल रेचवीन मेसेक अघे करनेन तीयारी करली छे। 9 मे तुंदरे सी छाचलीन कहं की आखी कळी मां जां-जां खुस-खबरेन परचार हवसे चां-चां माणसे हेरा ईना कामेन बी हेर करने करीन बताइसे।” 10 तत्थार यहुदा ईसकरीयोती ईसुन बारे चेला मायन एक हतलु, जु चेलु मंदीरेन डाहला पुजारान चां जायन कह्यु, काहाकी ईसु काजे तींदरे हाते थराड़ी दम। 11 चे तेरी वात सामळीन बेसका खुस हय गुया, ने चे तेरे बदले पयस्या आपणेन वायदु कर लेदा। ने चे ईसु काजे थराड़नेन मुखु हेरने बाजी रवलु। 12 खमीरी पाखुर रुटा बणावणेन तीहवारेन पेहेले दाहड़े तीना तीहवारेन गाडरो मारीन बादा चडावतेला, चां ईसुन चेला ईसु सी पुछ्या, “तु काहना जागा पर फसहन खाणो खाणे करीन कय रयु? चां हामु जायन फसहन खाणो तीयारी करसुन?” 13 तत्थार ईसु तेरा चेला मायन दुय जणा काजे असु कयन मकलयु की, “सहर मां जावु, ने एक माणुस ठाहरा मां पाणी भरीन जासे चु तुहुं काजे भेळु हवसे, तत्थार तेरे पुठ्ये जाजु। 14 ने चु तीना घर मां जाय, तीना घरेन मालीक काजे कहजु, ‘मासुतर असु कय रयु, की खाणो खाणेन मारु कमरु कां छे, चां मे मारा चेला पुठ्ये फसहन खाणो खाय सके?’ 15 तत्थार चु तुहुं घरेन उपरनी मंजीलेन कमरा पर वारु जमाड़ीन ने आथरीन तीयार करलो, एक मटलु कमरु देखाइसे। चां तुहुं आपणे वाटे खाणो तीयार करजु।” 16 ने चे दुय चेला सहर मां गुया, ने जसु चु तीनुक कहलु हतलु, तीनुक तसत जड़यो, ने चे फसहन खाणो तीयारी कर्या। 17 जत्थार सांतो हयो, ती ईसु तेरा बारे चेला पुठ्ये आयु। 18 जत्थार चे खाणे बठी रवला, ती ईसु कह्यु, “मे तुंदरे सी छाचलीन कहं, तुंदरे मायन एक जणु छे, चु मार साते खाणे बठी रयु, चु मेसेक धराय देसे।” 19 चे दुखी हय गुया ने तीनाक पुछणे बाजी गुया, ने अळतेन चे चेत पुछणे लाग्या की, “काय चु मेते नी छे?” 20 ईसु तीनुक जपाप आप्यु, “बारे मायन एक जणु छे, चु मारे साते एकुत तळी मां खाणे बाजी रयु। 21 काहाकी माणसेन पुर्यु ते तसुत मरसे, जसों तेरा बारामां लिखलो छे, बाकुन तीना माणुस पर मोटु दुख काहाकी तेरे वजे सी माणसेन पुर्यु धराय जाय। कदी चु माणुस पयदा नी हवतु, ती तेरे वाटे भलो रहतो।” 22 जत्थार चे खाणे बाजी रवला, ईसु हात मां रुटु लेदु ने रुटु वाटे भगवान सी कह्यु की, तु बेसकु वारु छे, ने रुटु भांजीन तेरा चेला काजे आपतु जायन कह्यु, “लेवु, जु रुटु मारु डील छे।” 23 पछेन पीयालु लेदु ने तेरे वाटे भगवान सी कह्यु, तु बेसकु वारु छे, कयन चेला काजे आप्यु, ने चे आखा तीना मां सी पीदा। 24 ने ईसु तीनुक कह्यु, जु पीयालु, मारा लुही मां बुली करला नवला कायदान सहलाणी छे, ज लुही तुंदरे आखा वाटे उंहलो छे। 25 मे तुंदरे सी छाचलीन कहं, की मे जु रस तीनु दाहड़ा लग कदी नी पीयो जत्थार लग भगवानेन राज मां नवला अंगुरेन रस नी पीलम। 26 तत्थार चे भगवानेन भजन गाया ने जेतुन झाड़कान बयडा पर गुया। 27 तत्थार वाटे ईसु तीनुक कह्यु, तुहुं आखा मेसेक छुड़ी देसु, काहाकी लिखलो छे; मे गुवाळ्या काजे मार नाखीस, “ने गाडरा खळन्या-वळन्या हय जासे। 28 बाकुन मे पछु जीव उठीन तुंदरे सी पेहेल गलील मां पुणी जायस।” 29 पतरस ईसुक कह्यु, “कदी आखा तुसे छुड़े ते छुड़े, बाकुन मे तुसेक कदी नी छुड़ो।” 30 ईसु पतरस काजे कह्यु, “मे तुसेक छाचलीन कहं, की तु आज रातेत दुय कावा कुकड़ा वासणेन पेहेल, तीन कावा मेसेक नीकारु करसी।” 31 बाकुन पतरस अळी हिममत करीन कह्यु, “कदी मेसेक तारे पुठ्ये मरनु बी पड़े, तेबी मे तारु नीकारु नी करो!” ने दीसरा चेला बी असात कह्या। 32 पछेन ईसु गतसमनी नावेन एक वाड़ी मां आयु ने चु तेरा चेला सी कह्यु, “मे दुवा करीन आवो, तत्थार लग तुहुं जांत बठजु।” 33 ने चु पतरस ने याकुप ने अळी युहन्ना काजे तेरे पुठ्ये ली गुयु; ने चां चु बेसकु दुखी हयन लतपत हय रवलु। 34 ने तीनुक कह्यु, “मारो मन बेसको दुखी छे; ने अतरो बी की मारु जीव नीकळने वाळु छे, तेरेसी तुहुं जांहात रवु, ने चेतनी रहु।” 35 पछेन चु ईतरुक अघु गुयु, ने धरती भीणी अळीन दुवा करने लाग्यु की कदी हय सके ती जी दुख मार पर सी टळ जाय। 36 ने दुवा कर्यु की, “तु मारु बास छे, तु आखो काय कर सकसी; तेरेमां ईना दुखेन पीयाला काजे मार धड़े सी छेदु कर ले; तेबी मे चाहो तसों नी बाकुन तु चाहे तसों हवणी दे।” 37 तत्थार ईसु तीनु चेला धड़े पछु आयु, ने तीनुक सुवतेला देखीन पतरस सी कह्यु, “ए सीमोन, तु सुवणे बाजी रयु? काय तु जाराक वार लग जागी नी सकतु?” 38 “जागता, ने दुवा करता रहु की तुहुं पारख मां नी पडु। आत्मा ते तीयार छे, बाकुन डील कमजुर छे।” 39 चु अळी पछु जाती रयु ने अळी तसुत दुवा कर्यु। 40 ने अळी पछु आयन तीनु तीन जणा काजे सुवतेला देख्यु, काहाकी चे बेसका नीदरायला हतला; ने चे ईसु काजे काय कहणु ने काय नी? ची वात तीनु काजे समज मां नी आय। 41 पछेन तीसरी कावा बी ईसु पछु तींदरे धड़े आयु, “चां ईसु तीनुक कह्यु काय तुहुं हय लग सुवता ने आराम करता रवसु, बस अतरोत! टेम आयजो, देखु माणसेन पुर्यु पापी माणसेन हातेम धरायणे बाजी रयु। 42 उठु, आपणु जाता, ने देखु, जां एक मेसेक धराड़ने वाळु माणुस धड़ेत छे!” 43 ईसु आपसाक धराड़ने वाळान बारामां असु कहणेत बाजी रवलु ने तीनीत टेमे

यहूदा ईसकरीयोती चु बारे चेला मायन एक हतलु। तेरे भेळा बेसका माणसे आया चे तलवार्या ने डेंगा ली रवला, तीनु काजे मंदीरेन डाहला पुजारा ने यहूदी नीयमेन मास्तर्या ने मुख्या बी हतला चे मकल्या। 44 ईसु काजे धराडने वाळु यहूदा तीनुक जी सहलाणी आपलु की, “मे तेरे गुळु दीस हयुत ईसु रवसे, ने तीनाक धरीन सीपायडान सात मां समाळीन लीजाजु।” 45 यहूदा जसुत ईसु थडे आवीन कह्यु, “ए मास्तर!” ने तेरे गुळु देदु। 46 ने तत्यारुत चे ईसु काजे धर्या ने बांद लेदा। 47 बाकुन ईसुन एक चेलु चां उबु हय रवलु चु मीयान मां सी तलवार नीकाळीन आखान डाहला पुजारान पावर्यान कानटु तुड देदु। 48 ईसु तीनुक कह्यु, “काय तुहुं डाकु ने चुट्टु समजीन मारे भीणी तलवार्या ने डेंगा लीन मेसेक धरने आय र्या? 49 मे दाहडीन मंदीर मां तुंद्रे साते रयन सीकाड्या करतेलु, ने तत्यार तुहुं मेसेक नी धर्या। बाकुन चुखला सासतुर मां लिखली छे, ची वात पुरी हवे।” 50 ने अळतेन आखा चेला ईसु काजे छुडीन ढासी पड्या। 51 ने चां एक जुवान्यु तेरा डील पर लायलुनेन साल पांगरीन ईसु पछळ-पछळ जातलु। ने ईसु काजे लीजाण्या माणसे तीनाक बी धरनेन कुसीस कर्या। 52 बाकुन चु साल तींद्रे हात मां रहणे दीन नांगरलुत ढास पड्यु। 53 तत्यार चे ईसुक डाहला पुजारान मुखीन चां ली गुया। ने दीसरा डाहला पुजारा, ने मुख्या, ने यहूदी नीयमेन मास्तर्या बी चां भेळा हय गुया। 54 पतरस छेटु रयन तेरे पछळ-पछळ आखान डाहला पुजारान आंगणा मां गुयु, ने सीपायडा साते बठीन आकठा मां तापणे बाजी गुयु। 55 डाहला पुजारा ने यहूदीन आखा बसक वाळा पंचु, ईसु काजे मारने करीन गवा पुरावु हेरने बाजी रवला, बाकुन तीनुक गवा पुरावु नी जड्यु। 56 काहाकी बेसका माणसे ईसु वेला नी हया, ने झुटी गवाय देदा, बाकुन तींद्री गवाय एक जसी नी हतली। 57 तत्यार ईतराक माणसे उठीन ईसु वेला नी हया ने झुटी गवाय देदा, 58 “हामु ईना ईसु काजे कवतेलान सामेळला छे की, माणसेन हातेन बणावला मंदीर काजे उदार दीस, ने तीन दाहडां मां दीसरु मंदीर बणाय दीस चु माणसेन हाते नी बनलु हय।” 59 बाकुन चां बी तींद्री गवाय एक बी मेळ नी खादी। 60 तत्यार आखान डाहलु पुजारु ईचमां उबु रयन ईसु काजे पुछ्यु “जे माणसे तारे वीरुद मां काहनी बी गवाय दी र्या, तेरु जपाप तु काहनी आपतु?” 61 बाकुन तेबी ईसु हुगुत हय रयु, ने काय बी जपाप नी आप्यु, डाहलु पुजारु अळी दीसरी कावा अळी तीनाक पुछ्यु, “काय तु परमवाळान वारलु पुर्यु मसी छे?” 62 “ईसु कह्यु,” हव मे छे, “ने तुहुं माणसेन पुर्या काजे आखा सी मटा ताकतवाळान जेवड्ये आंगे बठलु ने सरगेन आदळा पुठ्ये आवतेलान देखसु।” 63 तत्यार आखान डाहलु पुजारु आपसान पेहेरला पुथल्या फाडीन कह्यु, “हय हामु काजे अळी गवा पुरावु नी चाहजे। 64 तुहुं नाव-बद्दी करता सामळी लेदला छे, हय तुंदरु वीच्यार काय छे?” चे आखा हेरे वीरुद मां कह्या की, हयु गुनाळु छे ने हीना काजे

मरनेन डंड आपणु चाहजे। 65 तत्यार तींद्रे मायन थुडाक तेरे पर थुपणे लागया, ने तेरो मुंहडो टुपे ने काहनाक मार्या ने काहनाक पुछ्या की, भगवानेन अधी सी आवणे वाळी वात देखाड, ने सीपायडा तीनाक ली जायन थापडया। 66 जत्यार पतरस नेचु आंगणा मां हतलु, चां आखान डाहला पुजारान एक पावरनी तेर थडे आय। 67 ने पतरस काजे आकठा थडे तापतेला देखीन, ची सुदीत भाळीन कय, “तु बी तीना ईसु नासरी पुठ्ये हतलु।” 68 बाकुन पतरस नीकारु कर्यु, “काय जाणु तु काय कय रय, च मेसेक समज मां नी आवतो।” ज कयन चु अळी बारनान फटक्या पर गुयु ने; कुकडु वास देदु। 69 ची पावरनी पतरस काजे अळी देखीन, चां उबा हय रवला माणसेक कय, “जु माणुस बी तींद्रे मायन एक जणु छे।” 70 बाकुन पतरस अळी दीसरी कावा नीकारु करे। थुडीक वार मां अळी चां उबा हय रवला माणसे पतरस काजे कह्या, “तु नीकारु नी कर सके, छचलीन तु तींद्रे मायन एक छे, काहाकी तु, गलील वाळु छे।” 71 तत्यार पतरस सगुन खायन सय कय रयु, “मे तीना माणुस काजे नी जाणो ने जसा तुहुं तेरे बारामां पुछी र्या, कदी मे लुच्याय मेल रयु हय ती भगवान मेसे डंड देया।” 72 तत्यार तत्यारुत दीसरी कावा कुकडु वास देदु। पतरस काजे ईसु कवलु ची हेर आय गुयु, “की दुय कावा कुकडु वासणे सी पेहेल तु मारो तीन कावा नीकारु करसी।” ने चु हीनी वात काजे हेर करीन रडने बाजी गुयु।

15 संदारे एगात मंदीरेन डाहला पुजारा ने मुख्या ने यहूदी नीयमेन मास्तर्या ने यहूदीन आखी पंचुन बसक हय ने चे मेळीन वीच्यार कर्या की ईसु काजे बांदीन पीलातुसेन हात मां सुप देदा। 2 पीलातुस ईसु काजे पुछ्यु, “काय तु यहूदी माणसेन राजा छे?” ईसु जपाप आप्यु, “असु तुत कय रयु।” 3 डाहला पुजारा ईसु पर बेसकी वात कयन गुनु लागाडी रवला 4 पीलातुस तीनाक अळी पुछ्यु, “जे आखा तुसे बेसकी वात कयन गुनु लागाडी र्या; काय तुसेक जपाप नी आपणु हय!” 5 ईसु अळी बी काय जपाप नी आप्यु, अतरामा पीलातुस देखतुत रय गुयु। 6 पीलातुस नावेन एक राज करने वाळु यहूदी गांव मां एक तीहवारेन दाहडे काहनाक एक केदडाक छुडतेलु, तीनाक हयु चाहे तीना काजे। 7 एक माणसेन नाव बरअब्बा हतलु, ने एक जेल मां बंद हतलु, चु तीनु माणसे पुठ्ये हतलु, जे सरकारेन वीरुद मां दंगा करला, ने चे हत्या करला। 8 जत्यार माणसेन गडदी पीलातुसेन चां भेळा हया ने लीलघायन कहणे लागया की जसु तु आपणी रीती-रीवाज मां जसु हामरे वाटे करतु आयु तसुत हय बी कर, 9 पीलातुस जपाप आप्यु, “काय तुहुं चाहु की मे तुंद्रे वाटे यहूदीयान राजा काजे छुड दम?” 10 काहाकी हीनाक पाक्को मालुम हतलो की मंदीरेन डाहला पुजारा ईसु काजे कुहराये धराडला। 11 बाकुन डाहला पुजारा माणसे काजे उकसायन पुछ्या, “तुहुं पीलातुस काजे असा कहुं, की तु हामरे वाटे ईसुक नी, बाकुन बरअब्बा काजे छुड

दे।” 12 पीलातुस तीनु गड्दी काजे अळी पुछ्यु, “तीनाक तुहुं यहुदीन राजा कहुं, तेरे साते तुहुं काय चाही र्या की मे हेरे साते करो, तुहुं बताडु?” 13 चे पछात आयड्या, “हीनाक कुरुस पर चडावु!” 14 पीलातुस तीनुक कह्यु, “काहा, हयु काय गुनु करलु छे।” बाकुन चे अळी जर सी आयडीन कह्या “हीनाक कुरुस पर चडावु!” 15 तत्यार पीलातुस माणसेन गड्दी काजे खुस करने करीन बरअब्बा काजे तींदरे वाटे छुड देदु, ने ईसु काजे सपाटा देवाडीन तीनाक कुरुस पर चडावणे करीन तींदरा हात मां सुप देदु। 16 ने सीपायडा ईसु काजे तीनी सरकारेन मटला कीलान आंगणा मां ली गुया; ने चे बचला सीपायडा काजे बी बुलाय लेदा। 17 चे ईसु काजे जामण्या पुथल्या पेराया ने काटान मुड गुथीन तेरा मुणका पर मेल देदा। 18 तत्यार चे ईसुन हासी उडाड्या, ने कह्या की “ए यहुदीयान राजा तु बेसका दाहडा लग जीवे!” 19 ने चे तेरा मुणका पर बुरीन सुटी मेळ्या, ने तेरे पर थुपतेला ने चे ढंगा अळीन ईसु काजे आंधणेन ढंगडा कर्या। 20 असा करीन चे ईसुन हासी उडावता जायून वार मुजु ली लेदा; ने पछेन जामण्या पुथल्या नीकाळ देदा; ने तेरात पुथल्या पेरायन, तीनाक कुरुस पर चडावणे बाहर ली गुया। 21 वाटे एक माणुस भेळु हयु तेरो नाव सीमोन हतलु चु सहर सी आवणे बाजी रवलु ने चु चां मायन नीकळ्यु ने हीना काजे सीपायडा जबरान मां थर्या काहाकी ईसुन कुरुस हाकली लेय। चु सीमोन कुरेन गांव वाळु हतलु ने सीकन्दर ने रुफुसेन बास हतलु। 22 ने सीपायडा ईसु काजे गुलगुता नावेन जागा मां ली जां, तेरो मतलब छे, “माणसेन मुणकान जागु।” 23 चां चे तीनाक बीगेडलु अंगुरेन रस पावणे लाग्या बाकुन चु पीणे नी चाहतेलु। 24 तत्यार चे ईसु काजे कुरुस पर चडाया ने तेरा पुथल्या कुणीक-कुणीक जडनु चाहे करीन चे चिट्ठी नाखीन देख्या की कुणीक काय जडसे, ने असा करीन तेरा पुथल्या वाट लेदा। 25 ने चे ईसु काजे संदारे नव बजे कुरुस पर चडाया। 26 ने तेरे पर जु झुटु गुनान बारामां पट्टी पर लिखीन तेरा मुणकान सी उपरुस कुरुस पर टुक देदा तीनी पट्टी पर लिखलो हतलो, “जु यहुदी माणसेन राजु छे।” 27 ने चे ईसुन साते दुय चुट्टा काजे बी अलग-अलग कुरुस पर चडाया, एक तेरे जेवड्ये आंगे ने एक तेरे डाखर्ये आंगे। 28 असो करीन जी वात खरला सास्तुर मां लिखलो हतलो च पुरो हयो की चु पापीन गिन्ती मां आवसे। 29 ईसु कुरुस हाकलीन लीजातलु तत्यार वाटेन आडे-धडेन माणसे जाणे वाळा मुणको डुलाव्ता जायून ने ईसुन वाक नीकाळता जायून कह्या “हयु! मंदीर काजे उदारने वाळु ने तीन दाहडा मां बणावणे वाळु! 30 कुरुस पर सी नेचु उतरी आव ने आपसा काजे बचाड ले।” 31 असुत कयून डाहला पुजारा ने यहुदी नीयमेन मास्तुर्या ईसुन हासी उडावता जायून एक दीसरा काजे कह्या, “हयु ते दीसरा काजे बचाड्यु ने आपसाक नी बचाड सक्तु काय? 32 हयु ईसुरायलेन राजु मसी हय ती, कुरुस पर सी उतरीन आवे ती हामु हीनाक देखीन

हेरे पर भुरसु करजे!” ने ईसु साते दीसरा आडे-धडे दुय काजे कुरुस पर चडावला हतला, चे बी तेरी हासी उडावतेला। 33 खयारली टेमे ईलाका मां आखे दुर आंदारलो छावायलो रयो ने च तीन बजे लग रयो। 34 दीसु तीन बजे ईसु तत्यार मटीत अवाज मां आयडीन कह्यु, “ईलोई, ईलोई, लमा सबक्तनी?” हेरो मलतब छे, “ए मारा भगवान, ए मारा भगवान, तु मेसेक काहा छुड देदु?” 35 जे धडे उबा हय रवला, तींदरे मायन थुडाक ज सामळीन कह्या, “सामळु, जु ते एलीयु काजे बुलाय र्यु।” 36 ने एक जणु दवडीन जायून पुता काजे बीगडला अंगुरेन रस मां बुचळ्यु ने पुतो बुरीन सुटीन छेंड्ये पर झेलाडीन ईसुक चुसाड्यु ने कह्यु “हींगा! देखु एलीयु हीनाक उतारने आवे की नी आवे!” 37 तत्यार ईसु जुर सी आयडीन तेरु जीव छांड ग्यु। 38 ने मंदीरेन पड्डु उपर सी नेचु लग फाटीन अलग-अलग हय ग्यु। 39 सीपायडान एक डाहलु ईसुन कुरुस अगळ उबु हय रवलु, तत्यार चु ईसु काजे असु आयडीन मरतेला देख्यु ती कह्यु, “छाचलीन जु माणुस भगवानेन!” पुर्यु हतलु। 40 थुडाक बायरा बी छेते सी देखी रवला, तींदरे मायन मरीयम मगदलनी, जुवान याकुप ने योसेसन माय मरीयम, ने सलोमी हतली। 41 जत्यार ईसु गलील मां हतलु ती जे बायरा तेरी मदत कर तेला। ने चां दीसरा बेसका बायरा बी हतला चे ईसु साते गलील ईलाका सी यरुसलेम मां आवला हतला। 42 जु दाहडु आरामेन दाहडे सी पेहेल वाळु दाहडु हतलु, जु दाहडु तीयारीन दाहडु रवे, ने सांतो हय गुयलो। 43 अरीमतीया गांवेन रहणे वाळु युसुफ नावेन एक माणुस आयु, जु यहुदी पंचुन मेहमर हतलु, ने जु भगवानेन राजेन वाट देखी रवलु; जु युसुफ हिम्मत करीन पीलातुस धडे गुयु ने ईसुन धडे मांग्यु। 44 जी वात सामळीन पीलातुस देखतुत रय गुयु, की ईसु अतरु छोटु कसु मर गुयु, ने चु सीपायडान डाहला काजे बुलावीन पुछ्यु, काय ईसु मरलु बेसकी टेम हय गुयु। 45 तत्यार पीलातुस सीपायडान डाहलान साहरे ईसुन बारामां आखी वात मालुम कर लेदु, तत्यार हेरो धड युसुफ काजे आपाड देदु। 46 तत्यार युसुफ लेफडला सणेन पुथल्या मुल लेदु, ने धड काजे उतारीन तीना पुथल्या मां बांद लेदु, ने तीनाक मसाण मे गाड देदा चां चापर्या मां वारु घडली मसाण हतली ने चां मटलु दगडु लागाडीन बुजी देदा। 47 ने मरीयम मगदलनी ने योसेसन माय मरीयम ईसुन धडे काजे मेक तेला देखी रवली।

16 जत्यार आरामेन दाहडु खत्तम हय गुयु, ती मरीयम मगदलनी, ने याकुपेन माय मरीयम ने सलोमी, गंदायण्यु मसालु ईसुन धड पर तेल लागाडने करीन मुल लेदी। 2 हापतान पेहेले दाहडे संदारे एगात जत्यार दाहडु उंग्यु, जे बायरा मसाण धडे गुया 3 ने ची आपसी-आपसी एक दीसरी सी कहतेली की हामरे वाटे दगडा काजे मसाणेन बारनाम सी कुण छेटु करसे। 4 जत्यार चे देख्या की दगडु गबडी रवलु चु दगडु मटलु हतलु। 5 मसाणेन मांहे गुय ती चे एक नांबला धवळा पुथल्या

पेहरला जुवान माणुस काजे जेवडे आंगे बठी रवलु देख्या। ने चे बायरा घाबरायन बीही गुया। 6 चु तीनुक कह्यु, “बीहु मां तुहं ते ईसु नासरी काजे, तीनाक कुरुस पर चडावला चु छे। चु जीव उठ्यु। चु जां नी हय जाहां चे मेल्ला। 7 बाकुन हय तुहं जावु, ने तेरा चेला ने पतरस सी कवजु की चु तुंदरे सी पेहेल गलील जासे। जसु तुहंके पेहेल कहलु की ईसु गलील ईलाकाम भेल्लु हवसे।” 8 ज आखो सामळीन चे बायरा बेसका कापता ने घाबरायता जायन मसाण मां सी ढास पड्या, ने चे कुय सी ईसुन बारामां नी कह्या, काहाकी चे बीही गुयला। 9 (note: The most reliable and earliest manuscripts do not include Mark 16:9-20.) हापतान पेहेले दाहडे संदारे एगुत ईसु जीवतु हयन पेहेल मरीयम मगदलनी काजे देखाव पड्यु काहाकी हेरेम सी चु सात भुतडा नीकाळ्लु। 10 मरीयम मगदलनी जायन ईसुन साती दुखी हतला ने रडने बाजी रवला। तीनु काजे जायन कय की ईसु जीवतु हय गुयु। 11 चे ज सामळ्या की ईसु जीवतु हय गुयु ने मरीयम तीनाक देखली छे, तेबी चे भुरसु नी कर्या। 12 अळतेन तीनु चेला मायन दुय जणा गांव भीणी जाणे बाजी रवला जत्थार ईसु दुसरुत भातु तीनुक देखाव पड्यु। 13 चे दुय जणा बी दीसरा चेला काजे हीनी वातेन खबर कर्या, बाकुन चे तींदरे पर बी भुरसु नी कर्या। 14 पछेन चे ग्यारे चेला रुटा खाणे बठी रवला, ती ईसु तीनुक बी देखाव पड्यु, ईसु तींदरु नी भुरसु करनेन ने भुरसु नी करनेन काठो मन हय गुयलो जाणीन ने तीनुक लडतु जायन कह्यु, “जे मेसेक जीव उठीन बठु हवला देखला, तुहं तींदरी वात पर भुरसु काहा नी कर्या।” 15 ने ईसु तीनुक कह्यु, “तुहं आखी कळी मां जावु ने आखा माणसे काजे खुस-खबरेन परचार करु। 16 जे भुरसु करसे ने बपतीस्मा लेसे तींदरुत छुटकारु हवसे, बाकुन जे भुरसु नी करसे तीनाक भगवानेन गुनाळु ठहरावसे। 17 भुरसु करने वाळान जी सहलाणी रवसे की, चे मारे नाव सी भुतडान आत्मा काजे नीकाळसे ने नवली-नवली बुली बुलसे। 18 कदी चे घडसा धर लेसे ने दवा बी पी लेसे तेबी तीनुक काय बी नुकसाण नी हवे ने चे मांदला पर हात मेकसे ने चे वारु हय जासे।” 19 पछेन मालीक ईसु तींदरे साते वात करीन पछेन सरग मां हाकलायन गुयु ने भगवानेन जेवड्ये आंगे बठ गुयु। 20 ने ईसुन चेला जागे-जागे जायन परचार कर्या ने मालीक तींदरे साते काम करतु रयु ने मटा काम सी।

लुका

1 बेसका माणसे: ईनी वीतली वात काजे लिखीन भेळा करेनेन काम कर्या ची वात हामरे ईचमां वीतली हतली। 2 जे सबुत हामुक तींदरे सी जडलो छे जे सुरु सी ईनी वातेक देखणेवाळा ने जे भगवानेन पावर्या हतला। 3 हेरेसी, ए अंजाण्या थीयुफीलुस मे तार वाटे तीनी आखी वीतली वातेन बारामां एक चोव सी उजेंतु चतराये लिखणे बाजी रयु। 4 तु ज पाक्को जाण लेय की, जी सीकापण तुसेक जडली छे, ची खरली छे। 5 हेरोदेस यहुदीया जीलान राजु हतलु, तीनी टेमे अबीय्याह दळ मां जकर्या नावेन एक याजक हतलु, ने तेरी बायरी हारुनेन पुजारान जातेन हतली, तेरो नाव एलीसीबा हतलो। 6 ने चे दुय जणा भगवानेन नींगा मां धरमी हतला, ने चे मालीक भगवानेन आखा हुकुम ने नेम पाळने मां नी चुकतेला। 7 एलीसीबा आंझी हतली, ने दुयु जणा डाहला हय गुयला, तेरेमां तींदरी एक बी अवल्यात नी हयी। 8 एक कावा जकर्यु पुजारा टाकला दाहडान अनसारे आपसा टुळा भेळु भगवान अगळ पुजारान काम करेने बाजी रवलु। 9 ती एक दाहडु पुजारान रीतीन अनसारे मालीक-भगवानेन मंदीर मां भरायन धुणी दीन भगवानेन पुजा-पाट करेने करीन जकर्यान नावेन चिट्ठी नीकळी। 10 ने जकर्यु धुणी देणे बाजी रवलु, तीनी टेमे मां आखा माणसेन टुळु बाहर उबु रयन भगवान धडे दुवा करेने बाजी रवलु। 11 तीनी टेमे जकर्यु वेदी पर धुणी देणे बाजी रवलु, ने मालीक भगवानेन एक सरग वाळु काहवाळ्यु तीनाक वेदीन जेवड्ये आंग्ये देखाव पड्यु। 12 ने तीना भगवानेन सरग वाळा काहवाळ्या काजे देखीन जकर्यु बेसकु बीहीन सीयारी ली लेदु; 13 बाकुन सरग वाळु काहवाळ्यु जकर्या काजे कह्यु, “ए जकर्या बीहे मां, तारी दुवा भगवान सामळी लेदु, ने तारी घरवाळी एलीसीबान एक पुर्यु हवसे, तु तेरो नाव युहन्ना पाडजी। 14 तु खुस हवसी ने पुर्यु हयु करीन बेसका माणसे खुसी हवसे। 15 चु युहन्नु, मालीक-भगवानेन नींगा मां बेसकु मटु कहवायसे, ने अंगुरेन दारु ने काहनी बी नसयान चीज नी पीये; ने चु आपसी मायन कुखेम सीत चुखली-आत्मा सी भरायलु रवसे। 16 ने ईस्रायेली जातीन बेसका माणसेन मन मालीक-भगवान भीणी पछु आळसे। 17 मालीक भगवान वाटे एक भुरसु करे असा असामी तीयार करेने करीन चु युहन्नु मालीक-भगवान अगळ-अगळ चालसे। ने एलीया धडे जु भगवानेन चुखली-आत्मा ने जुर हतलु, तेरेत साहरे युहन्नु ज काम करसे बासे-बासेन मन आपसा पुर्या-पारी भीणी आळसे; ने हुकुम नी माने तीनु काजे खरला धरम पर चालाडनेन समज आपसे।” 18 जी वात सामळीन जकर्यु सरग वाळा काहवाळ्या काजे पुछ्यु, “मे जो कसु जाणा की असो हवणे वाळो छे? काहाकी मे ते डाहलु हय गुयु; ने मारी घरवाळी बी डाहली हय गुय।” 19 सरग वाळु काहवाळ्यु तीनाक जपाप आप्यु, “मे जीब्रायल छे, मे भगवान अगळ हजुर रवु। ने भगवान मेसेक

तार पुठ्ये वात करेने, ने तुसेक जी खुस-खबर सामळावणे मकेल्लु छे। 20 ने देख, तु मारी कहली तीनी वात पर भुरसु नी कर्यु, जी वात टेम आवसे ती पुरी हवसे। ने तीने दाहडे लग जी वात पुरी नी हवे, तीने दाहडे लग, तु गुंगु रवसी, ने बुली नी सके।” 21 असामी ते बाहर रयन जकर्यान वाट देख रवला, बाकुन चु हय मंदीर मां अतरी वार काहा लागाड र्यु करीन चे सुच मां पड गुया। 22 जत्थार जकर्यु बाहर आयु, ती चु तींदरे अगळ बुली नी सक्यु, हेरेसी चे जाण गुया की, हीना जकर्याक भगवानेन मंदीर मां काय ने काय भगवान भीणी सी देखाव पडलो छे, ने चु गुंगुत रयु, ने तीनुक ईसारु करतुत रयु। 23 आपसा भगवानेन चाकरीन दाहडा पुरा हय गुया, ती चु जकर्यु आपसान घर जात रयु। 24 जी वात वीत गुय ने थुडाक दाहडाम पछेन जकर्यान घरवाळी एलीसीबा भारीस हय गुय; करीन ची पांच महना लग आपसा मन मां ज कहती जायन घर मां साताय रय। 25 की “माणसे मारी हासी उडाडतेला, बाकुन हय मालीक भगवान मार पर दया करलु छे।” 26 एलीसीबा भारीस हवली तेरो छटवो महनो चाल रहलो, ती भगवान, सरग वाळा काहवाळ्या जीब्रायल काजे गलील जीलान नासरत नावेन एक सहर मां एक कुवारली पुरे भीणी मकल्यु। 27 तीनी कुवारली पुरेन नाव मरीयम हतलो, ने तेरी मांगणी युसुफ नावेन एक जुवान पुर्या साते हय रवली। चु युसुफ राजा दावुदेन अवल्यात मायन हतलु। 28 सरग वाळु काहवाळ्यु मरीयम धडे आवीन कह्यु, “तु खुस हय जां, भगवानेन गीण-दया तार पर छे, ने मालीक-भगवान तार पुठ्ये छे।” 29 सरग वाळा काहवाळ्यान साहरे जी सामळीन मरीयम बेसकी बीही गुय, ने असो वीच्यार करेने बाजी गुय, की ईना बुलेन मतलब काय हसे ने काय नी। 30 ती सरग वाळु काहवाळ्यु तीनीक कह्यु, “मरीयम, बीहे मां, काहाकी भगवानेन गीण-दया तारे पर छे। 31 देख, तु भारीस हवसी ने तारु एक पुर्यु हवसे ने तु तेरो नाव ईसु पाडजी। 32 चु बेसकु मटु कहवायसे, ने चु आखान डाहला भगवानेन पुर्यु कहवायसे। मालीक भगवान तीनाक आडा-बुडा राजा दावुदेन राजगदी आपसे। 33 ने चु याकुपेन आखी अवल्यात पर जलम लग राज करसे, ने तेरो राज कदी नी सरे।” (aion g165) 34 मरीयम सरग वाळा काहवाळ्या काजे कह्यी, “मारो ते अदमी साते सोवसार नी हयो, ती तार साहरे कहली वात कसी पुरी हवसे?” 35 सरग वाळु काहवाळ्यु जपाप आप्यु, “तारे पर चुखली-आत्मा उतरसे, ने तार पर आखा सी डाहला भगवानेन जुरभर्यु साहळु पडसे। तेरेमां चु पयदा हवणे वाळु चुखलु पुर्यु, भगवानेन पुर्यु कहवायसे। 36 तारीत भाय-बेटी एलीसीबान बारामां सामळ, ची आंझी हतली, ने हय डाहवारां भारीस हवसे, ने तेरो छटवो महनो चाल रयो। ने तेरो पुर्यो हवणे वाळो छे। 37 काहाकी भगवानेक नी बणे, असो काय बी, नी हय।” 38 मरीयम कह्यी, “सामळ! मे मालीक-भगवानेन चाकरी करेने वाळी छे। तु हय कह्यु, तसोत मार साते हवणे

दे।” ने तत्पार सरग वाळु काहवाळ्यु तरेन्चां सी जात र्यु। 39 तारा पुर्यान, काय नाव पाडने हींङ र्यु?” 63 चु लिखणेन तीनु दाहडाम मरीयम तीयार हयन यहुदीया जीलान बयडाम पट्टी ने सीलुक मांगाडीन लिख्यु, “हेरो नाव युहनुना छे।” ने ज वसण्या, एक सहर भीणी मामार गुय, 40 ने ची जकर्यान घर मां जायन एलीसीबा काजे “वारु छे की?” कह्यी। 41 ने ज सामळतेत एलीसीबान पेट मायन पुर्यो खुस हयन उळळी पड्यो, ने एलीसीबान चुखला-आत्मा सी भरायली हतली। 42 ने एलीसीबा मरीयम काजे जुर सी आयडीन कह्यी, “तु आखा बायराम सी बेसकी वारु छे ने तारा पेटे मायन फळ बी बरकतवाळो छे। 43 हय तु मारा मालीकेन माय बण गुय, ने भगवान, तुसे काजे मारेन्चां लावीन, मार पर अतरी दया काहा कर्यु हसे? 44 सामळ! जत्पार तु “वारु छे की?” असी करीन पुछी अतरीत, ने मारा पेटे मायन पुर्यो खुस हयन उळळी पड्यो। 45 तु वारु छे, काहाकी तु जु भरसु करी की मालीक भगवान जसों कहलु, तसोत आखो हवसे!” 46 तत्पार मरीयम कह्यी, “मारु जीव, मालीक-भगवानेन गुण गावे, 47 ने मारी चुखली-आत्मा, मेसेक बचाडन्या भगवान मां खुस हवे; 48 काहाकी चु आपसी नीचळी गुलाम पावरनी पर दया कर्यु; हेरेसी सामळु! हय सी आखी पीडीन माणसे मेसेक बरकतवाळी कहसे; 49 काहाकी आखाम ताकतवाळु भगवान मार वाटे बेसको मटो-मटो काम कर्यु, ने तेरो नाव ‘चुखलो’ छे; 50 जे भगवानेन बीहाणो मानीन जीवे, तींदरे पर तेरी दया बन्ली रवे; हय तेरी दया, तींदरी पीडीडीट, तींदरे पर बणी रवे। 51 चु आपसा हातेन जुर देखाडलु छे; चु मटाय करन्या काजे रावण्या-तीवण्या कर देदलु। 52 चु ताकतवाळा राजा काजे तींदरी राजगादी पर सी हीट पाड्यु; बाकुन नीचळा माणसेक उचा बणावलु छे। 53 चु भुकला माणसेक खाणु आपीन आफराड देदु, ने लकपती काजे ठारलात वळाय देदु। 54 चु तेरा पावर्या ईसरायेली जातीन माणसेक मदत कर्यु, तीनुक हेर करीन दया कर्यु। 55 चु हामरा आडा-बुडा साते वायदु करलु, तेरेत अनसारे तेरी दया, अब्राहम ने तेरी अवल्यात पर जलम बन्ली रवसे।” (aiōn g165) 56 मरीयम तीनेक महना लग एलीसीबा पुठ्ये रवी, ने अळी आपसे घर जात गुय। 57 ने एलीसीबान फवरी हवणेन टेम आवी, ने तेरु पुर्यु पयदा हयु। 58 तेरे आडे-धडे रहण्या, ने सगासाड वाळा सामळ्या की मालीक भगवान एलीसीबा पर बेसकु दया करलु छे, ने चे तेरे पुठ्ये भेसकायन खुस हया। 59 ने पुर्यो हवलो सात दाहडा पुरा हय गुया। ने अळी आठवे दाहडे मुसान साहरे ईसरायेली जातीन माणसेक आपला भगवानेन कायदान अनसारे पुरयाक चुखो करने आया तीनी टेमे, चे आखा तीना पुर्यान नाव जकर्यु पाडने बाजी गुया, चो नाव तीना पुर्यान बासेक मालुम हतलो। 60 बाकुन पुर्यान माय एलीसीबा कह्यी जकर्यु नाव मां पाडु, बाकुन युहनुनु नाव पाडु। 61 तत्पार चां आवला आखा माणसे तीनीक कह्या, “तारा सगासाड मां बी, ज नाव काहनान नी हय।” 62 तत्पार आकरी मां चे आखा तीना पुर्यान बास जकर्यात काजे ईसारु करीन पुछ्या “तु

तारा पुर्यान, काय नाव पाडने हींङ र्यु?” 63 चु लिखणेन पट्टी ने सीलुक मांगाडीन लिख्यु, “हेरो नाव युहनुना छे।” ने ज देखीन चां भेळा हवला आखा माणसे वीच्यार मां पड गुया। 64 तत्पारुत जकर्यान मुंहडो ने जीप खुल गुय, ने चु बुलने बाजी गुयु, ने भगवानेन गुण गावणे बाजी गुयु। 65 आडे-धडे रवण्या आखा माणसे चकरायन बीही गुया ने यहुदीया जीलान बयडाम ने आखा कामेन, बी जी वात चारेमेर जाती रय। 66 ने आखा सामळन्या, पुर्यान बारामां आपसा-आपसा मनोम वीच्यारीन कह्या, “ज पुर्यो कसों हसे?” काहाकी मालीक-भगवान हेरे पुठ्ये हतलु। 67 तेरु बास जकर्यु चुखली-आत्मा सी भराय गुयु, ने चु ज कहतु जायन भगवानेन अधी सी आपणे वाळी वात कहणे बाजी गुयु: 68 ईसरायेली जातीन मालीक भगवानेन बडाय हवती रहणु चाहजे, काहाकी चु आपसा माणसे पर दया करीन तीनुक हेर कर्यु ने तीनुक छुटकारु आप्यु। 69 चु आपसा पावर्या दावुदेन अवल्यात मां सी, आपणे धडे एक ताकतवाळु बचाडने वाळाक मकेल्लु छे। 70 ईनी वातेन बारामां भगवान आपसा वाटे चुखला माणसेन साहरे तेरे बारामां ज कहतु आय रवलु, (aiōn g165) 71 की हामरा वेरीन हातेम सी ने हामुक भुंडा कहणे वाळान हातेम सी हामरु छुटकारु हय जाणु चाहजे। 72 चु हामरा आडा-बुडा पर दया करीस करीन कहलु, ने आपसु चुखला वायदान हेर करीस करीन कहलु, 73 जी सगुन चु हामरा बास अब्राहम अगळ खादलु ची जी छे, 74 आपणु आपणा वेरीन हातेम सी हामरु छुटकारु करजे, ने हामु हिममत करीन भगवान मालीकेन सेवा करता रवसु। 75 जीवे ती लग तेरी नींगाम चुखला रयन, ने तेरा धरम पर चालीन तेरी सेवा करता रवजे। 76 ने ए मारा पुर्या! तु आखान डाहला भगवानेन अधी सी आवणे वाळी वात देखाडने वाळु कवायसी; काहाकी तु मालीक-भगवान वाटे वाट तीयार करसी, ने तेरे अगळ-अगळ चाल्या करसी। 77 तु भगवानेन माणसेक ज कवजी, की तुहुं भगवान धडे पापेन माफी हात करीन कसा छुटकारु हात करसु। 78 जसु तु कवसी तसुत भगवान पाप माफ करसे काहाकी चु बेसकु दयाळु छे। जसु दाहडु उगतत नवलु दाहडु सुरु हये, तसुत भगवानेन्चां सी बचाडन्यु हामरेन्चां आवसे। 79 तत्पार चु पापेन आंदारला मां ने जलेमकी मोतन साहळा मां बस रया, तींदरे उपर वीजाळो बी हवसे, ने तीनुक एक सांतीन जीवायन वाटे चालने करीन अगळ-अगळ चालीन अगवाय करसे। 80 ने चो पुर्यो मटो हवतो गुयो ने जीव-आत्मा मां ताकतवाळु हवतु गुयु, ने ईसरायेली जातीन माणसे अगळ उजेंतो हवणे लग बयडा मां रयो।

2 तीनु दाहडाम रोमी राजा ओगस्तुस केसर एक असु राज हुकुम नीकाळ्यु, की ए मारा राजेन आखा कळीन माणसे! तुहुं मारा सरकारी किताप मां आपणो नाव लिखाडने करीन आपणा-आपणा सहर मां जावु। 2 जी पेहली कावा माणसेन गिन्ती हतली, तीनी टेमे क्वीरीनयुस सीरीया देस मां राजा

हतलु। 3 आखा माणसे नाव लिखाइने करीन आपणा-आपणा पाडजी। ने चे आवीन रीत भात कर्या, ने पुर्यान नाव ईसु सहर मां गुया। 4 बेतलहम सहरेन राजा दावुदेन खानदानीन हतलु। ने युसुफ, जु राजा दावुदेन अवलयात मायन हतलु, चु हय नासरत सहरेम रहतेलु। ने युसुफ गलील जीलान नासरत सहरेम मंदीर मां, मालीक भगवान काजे आपणे करीन तेरे अगळ ली सी यहदा जीलान बेतलहम सहर मां नाव लिखाइने करीन गुया। 5 ने मरीयम बी तेरे पुठ्ये चां नाव लिखाइने गुय ने तेरी मांगणी ईना युसुफ साते हय रवली, ने ईनी मरीयमेन पुर्यो हवणे वाळो हतलो। 6 जत्तयार युसुफ ने मरीयम बेतलहम सहर मां हतला, चुखलो मानायसे।” 24 मालीक भगवानेन कायदा मां असो बी लिखलो छे: “माणसे ने जनवार्या डीट, पेहल पयदा हवला अदमी, मालीक भगवान वाटे लिखलो छे, “पेरवान एक जुडो, नी ते पेरवान दुय पीला मारीन बादा चडावणु चाहजे।” ने चे बादा चडावणे करीन तीयारी बी कर्या। 25 तीनी टेमे सीमोन नावेन एक धरमी ने भक्ती करन्यु अदमी, यरुसलेम मां रवतेलु। ने चु ईस्रायेली माणसेन सांतीन वाट देख रवतु। ने तेरे पर चुखली-आतमा छावाय रवतेलु, 26 ने चुखली-आतमा तेरे अगळ जी वात उजेंती करलु “मालीक भगवान अधु सी आवणेवाळा मसी काजे देखे नी चां लग तु नी मरे।” 27 ईसुन आसी बास्या पुर्या ईसु धडे भगवानेन कायदान रीती पुरी करे-करीन, मंदीर मां लाया। तत्तयार सीमोन तीनात चुखली-आत्मान वाटे मंदीर मां आयु। 28 ती सीमोन ईसु काजे आपसा हातेम धर लेदु, ने भगवानेन गुण गावतु जायन कह्यु: 29 ए मालीक हय जु तारु चाकर्यु छे; सुक-सांती भेळ ईनी कळीम सी अळाय दे। 30 “मालीक भगवान! मारा डुळा तारा छुटकारा काजे देख लेदला छे, 31 ईनाक तु आखा देसेन माणसे अगळ तीयार करलु छे। 32 जु नी-यहुदी माणसे वाटे, छाचाय काजे उजेंतो करन्यो वीजाळो छे, ने जु तारा असामी ईस्रायेली माणसे वाटे सेक-सींगार छे।” 33 पुर्यान बारामां जी कहवली वात सामळीन ईसुन आसी बास्या चकरायन वीच्यार मां पड गुया। 34 सीमोन, ईसुन माय बास बरकत आप्यु, ने चु ईसुन माय मरीयम काजे ज कह्यु, “देख ईना पुर्याक, ईस्रायेली जाती मां बेसका माणसे भगवान अगा वळ जासे, ने बेसका माणसे भगवान काजे छुड देसे। ने जु एक असी सहलाणी छे तेरी माणसे वीरुद करसे। 35 असा करीन बेसका माणसेन हीया मनेम भुंडला वीच्यारे उजेंता हय जासे, ने तुसे काजे असो लागसे की, तारा जीवेम लग तलवार भराय गुय।” 36 ने चां मंदीर मां हनना नावेन एक, भगवानेन अधी सी आवणे वाळी वात बताइने वाळी हतली। ची आसेर कुळीन हतली, ने तेरा बासेन नाव फनुयेल हतलो। ची बेसकी डाहवी हय गुयली। ने ईयाव करीन सात साल लग हेरा घरवाळा पुठ्ये रवली। 37 ने तत्तयार लग ची रांडायलीत रय। ने हय तेरी उमर आसूसी ने चार साल हय गुयली, ची मंदीर मात रहतेली। ने उपास ने दुवा करती जायन रात दाहडु भगवानेन सेवा भक्ती कर्या करतेली। 38 जत्तयार मरीयम ने युसुफ मंदीर मां हतला, तत्तयार हनना चां आवीन भगवानेन गुण गावणे बाजी गुय। ने जे माणसे यरुसलेम सहरेन छुटकारान वाट देख रवला, तीनु आखा काजे तीना पुर्यान बारामां कहुणे बाजी गुय। 39 मालीक भगवानेन

नेम-कायदान अनसारे युसुफ ने मरीयम, आखी रीती-भाती कर लेदा, ने अळी गलील जीलान आपसा नासरत सहर मां पळा जात रया। 40 पुर्यु मट्टु हवतु गुयो, ने ताकतवाळु हवतु गुयो ने अक्कल मां मट्टु हवतु गुयो; ने भगवानेन गीण-दया तीना पुरया पर हतलो। 41 ईसुन माय बास हर साल फसह तीहवार वाळने यरुसलेम जाया करतेला। 42 जतयार ईसु बारे सालेन हयु, ती चु बी तींद्रे पुठ्ये तीहवार वाळनेन रीतीन अनसारे यरुसलेम सहर मां गुया। 43 तीहवार वाळनेन दाहडा पुरा हय गुया, ने अळी ईसुन आसी बासया पळा घर जाणे करीन यरुसलेम सी चाल पड्या। ती चु पुर्यु ईसु यरुसलेम सहर मां रय गुयो; ने ज तेरा बास काजे ने माय काजे मालुम नी हतलो। 44 चे ज समजीन वीच्यार कर्या की ईसु तीना माणसेन टुळा मां भेळु हसे, जे पळा घर आवणे बाजी रवला; चे पुरा एक दाहडान चाल, चाल लेदा, ततयार चे ईसु काजे आपसा सगासाड वाळा मां, ने दुस्तीदार्यान ईचमां हेरने बाजी गुया; 45 बाकुन ईसु तीनुक नी जड्यु; ती चे तीनाक हेरने करीन पळा यरुसलेम मां आया। 46 ने तीन दाहडा हय गुया, ने अळी ईसु मंदीर मां जड गुयो; ईसु यहूदी-नीयम सीकाडन्या पुठ्ये बस रवलो, ने तींद्री वात सामळने बाजी रवलो, ने तीनुक सवाल पुछणे बाजी रवलो देखाय देदु। 47 तेरी अक्कल भरी वात सामळीन, चे आखा सामळन्या माणसे फीकुर मां पड गुया। 48 ईसुन माय बास बी तीनाक चां देखीन चकराय गुया; तेरी माय तीनाक कह्यी, “ए बेटा! तारु बास ने मे, तार वाटे बेसका फीकुरेम पड गुयला; हामु तुसेक आखे जागे हेर्या! तु हामरे साते असु वेहवार काहा करयु?” 49 बाकुन ईसु तीनुक जपाप आप्यु, “तुहं मेसेक काहा हेरतेला? तुहं मालुम नी हतलो काय? की मेसेक मारा बासेन घर मां रहणु जरुरी छे।” 50 बाकुन ईसुन माय-बासेक ईसुन कहवली वातेक नी समज्या। 51 ततयार ईसु आपसा माय बास पुठ्ये आपसा नासरत सहर मां पळु आवती रयु, ने चु आखी वातेम आसी-बासेन हुकुम मान्तु रयु; ने तींद्रा हक मां रयु; ने तेरी माय मरीयम ईनी आखी वात काजे हेर राखी, ने तरे बारामां आपसा मनोम सुचती वीच्यारती रय। 52 ने जसा साल वीत गुया, ईसु अक्कल मां, ने डीलो मां मट्टु हवतु गुयो, ने भगवान ने माणसे तीनाक बेसका परम करता रया।

3 अळी रोमी राजान राज तीबीरीयास राज करलु पंदरेक साल हय गुया, तीने टेमे पुंतीयुस पीलातुस यहूदीया जीलाम राजपाटन भार सामाळतेलु; ने हेरोदेस गलील जीलाम राज करतेलु, ने तेरु भायस फीलीप्यु इतुरया ने तोरकानीतीस जीला मां राज करतेलु ने लीसानीयुस, अबीलेने जीला मां राज करतेलु। 2 ने हन्ना ने काडफा यरुसलेमेन मंदीर मां भगवानेन मुखी पुजारा हतला, तीनु दाहडाम भगवान जकर्यान पुर्यु युहन्ना काजे खुस-खबर सामळाया। तीने टेमे युहन्ना उजाड्या बयडाम रवतेलु। 3 ने युहन्ना यरदन नदीन आडे-धडे आखा ईलाका मां हींडी फीरीन असु परचार करने बाजी गुयो ने “पापेन माफी

वाटे, पाप भीणी सी मन फेरवीन भगवान भीणी मन फेरव्यु ने बपतीस्मा लेवु।” 4 जसों भगवान अघी सी आवणे वाळी वात देखाडन्या वाटे यसायान किताप मां लिखलो छे: उजाड्या बयडा मां काहनुक असु आयडी रयु, मालीक-भगवान वाटे सयडक तीयार करु। ने तरे वाटे वाट सुदी करु। 5 आखी घाटी भर देसे, ने आखा बयडा ने बयडी सवताळ कर देसे, ने जी वाट वाकी छे, तीनी वाट काजे सुदी कर देसे, ने कडखा-कडखाम वाट सवताळ करीन चुपडी कर देसे। 6 ने आखा माणसे भगवानेन छुटकारा काजे देखसे! 7 जे माणसे युहन्नान हाते बपतीस्मा लेणे आवला, तीनुक असु कह्यु, “ए घडसान पीला! भगवान भीणी सी आवणेवाळी रीस सी ढासु करीन कुण तुहं काजे कह्यो? 8 तुहं पाप भीणी सी मन फेरवीन भगवान भीणी वळ गुया हय, ती ईनी वातेन गवाय तुंद्री जीवाय वाटे देखाड, हामरा आडा-बुडान डाहलु बास अब्राहम छे, असु वीच्यार आपसा मनेम मां करु; मे तुहं क हं, हेर राखु, भगवान ईनु दगडाम सी बी अब्राहम धडे अवलयात पयदा कर सके। 9 ने हय झाडकान जड मां कुरहाड मेकली छे। काहाकी जो झाडको वारलु फळ नी लावे तीना झाडका काजे काट देसे ने तीनाक आकठा मां धपणे करीन नाख देसे।” 10 ने माणसे तीनाक असा पुछतेला, “ती हामु हय काय करजे?” 11 चु तीनुक कह्यु, “तीना धडे दुय कुट हय, ती चु एक कुट तीनाक आप देणु चाहजे, तरे धडे नी हय, ने तीना धडे खाणु हय, चु बी तरे धडे नी हय तीनाक आप देणु चाहजे।” 12 थुडाक फाळु उकाळने वाळा बी बपतीस्मान रीत लेणे आया, ने तीनाक असा पुछ्या, “ए मास्तर हामुक काय करनु चाहजे?” 13 चु युहन्नु तीनुक कह्यु, “जतरो लेणे करीन वात ठेहरावलो छे, ततरोत मांगु, हेरे सी जादा घुण मांगु।” 14 ने सीपायडा बी तीनाक पुछ्या, “हामुक काय करनु चाहजे?” चु तीनाक कह्यु, “काहना बी धडे जुर करीन पयस्या मां मांगु ने काहनाक पर झुट्टु गुनु मां लागाडु ने आपसी कमाय मां नीसरा रहु।” 15 माणसे वाट देखीन हेर कर रवला, ने युहन्नान बारामां आपसा मनेम वीच्यार करने बाजी गुया की कांखुर मायन हयुत मसी ते नी हय। 16 ती बपतीस्मा आपण्यु युहन्नु ने आखा काजे कह्यु, मे ते तुहं काजे पाणी सी बपतीस्मा आपो; बाकुन एक मार पळळ आवणे वाळु छे, चु मारे सी ताकतवाळु छे। मे तेरा खासडान बंद छुडे असु नी हय; बाकुन चु तुहं काजे चुखली-आत्मा मां ने आकठा मां बपतीस्मा आपसे। 17 तेरो सुपडो तेरा हात मां छे, ने चु आपसा खळा मां गहुं काजे चुखाळसे ने कणगी मां भरसे, बाकुन गहुंन चारा काजे उलाह्ये नी असली आकठी मां नाखीन धपाड देसे। 18 असी बेसकी वात सीकाडतु जायनु युहन्नु माणसे काजे समजाडतेलु ने खुस-खबर सामळावतेलु। 19 राजा हेरोदेस आपसा भाय फीलीपुसेन घरवाळी हेरोदेस काजे राख लेदलु, ने बेसका भुंड्ला कामे करलु, तरेमां युहन्नु तीनाक लड्यु। 20 ती हेरोदेस राजा बपतीस्मा आपण्या युहन्ना काजे जेल

भक्तीन घर मां जायन, चुखलु सासतुर भन्ने करीन उबु हय हामरे साते तारो काय काम छे? तु हामुक सारने करने आवलु गुयु। 17 ने तीनाक भगवान वाटे यसायान किताप भन्ने करीन छे काय? मेसेक मालुम छे की तु कुण छे? तु ते भगवान सी आप्या। किताप उगाडीन ईसु, चु जागा हेर्यु, चां ज लिखलो मकेल्लु चुखलु माणुस छे।” 35 ने ईसु तीनाक लडीन कह्यु, हतलो, 18 “मालीक भगवानेन चुखली-आत्मा मारे पर छे, “हुगु रव ने ईना माणुस मां सी नीकळी जां।” ने भुतडु तीना काहाकी चु मेसेक नेवाड्लु छे; ने मेसेक गरीबेक खुस-खबर माणुस काजे भुयमां आसटीन नुकसाण करे, पाखुर तेरेमां सी सामळावणे, ने गुलामी करन्या माणसेक छुड़ावणे ने आंदळान नीकळी गुयु। 36 आखा माणसे बीही गुया ने आपसा-आपसात डुळा उगाइने करीन मकेल्लु छे। ने वेला पाडायलाक छुड़ावणे वात करीन कह्या, “जी कसला बुल छे! हयु हक ने जुर भेळ मकेल्लु छे। 19 ने मालीक भगवानेन खुसीन लांबला टेमेन, भुतडान जमेक हुकुम आपे ने चे नीकळी जाय।” 37 हेरेसी जुर-जुर सी परचार करने मेसेक मकेल्लु छे।” 20 तत्थार ईसु, ईसुन वात चारे मेर तीना आखा ईलाका मां खुणे-कुपरे फीर किताप बंद कर देदु, ने मंदीरेन पावर्या काजे आप दीन बसी गुयु; ने भगवानेन भक्तीन घरेन आखा माणसे तेरे भीणी देखी घर गुयु। 38 चु भगवानेन भक्तीन घर मां सी नीकळीन सीमोनेन रवला। 21 तत्थार चु तीनाक असु कहणे बाजी गुयु, “चुखली-सासतुरेमां जी लिखली वात आज तुहुंक सामळतेत पुरी हय माणसे ईनीक वारु कर दे, करीन ईसुक लीलघायन कह्या। गुयली छे।” 22 ने आखा तीनाक बेसका वारु कहणे बाजी गुया, 39 ईसु तेरे धडे जायन सेरीक लड्यु, ने लडतात वार मां सेरी ने जु गीण-दयान वात चु हीनुक कवलु, तीनी वातेन साहरे, चे उतरी गुयो। ने ची तत्थारुत उठीन तींद्री खातरी करीन तींद्री चकराय गुया; ने असा कहणे बाजी गुया “जु युसुफ्यान पुर्यु चाकरी करने बाजी गुय। 40 तीने दाहडे, दाहडु डुब गुयु ने अळी ईसु भीणी लाया। ईसु एक-एक जणा पर हात मेकीन तीनुक आखा माणसे भाती-भातीन मांदावड मां पडला माणसे काजे वारु करतेलु। 41 “तु भगवानेन पुर्यु छे” असा आयडता जायन ईसु भीणी लाया। ईसु एक-एक जणा पर हात मेकीन तीनुक भुतडान आत्मा बेसका माणसे मां सी नीकळतेला। बाकुन चु तीनुक लडतेलु, ने बुलने नी देदलु, काहाकी भुतडान आत्मा जाणतेली की जु मसी छे। 42 दीसरे दाहडे एगुत ईसु घर सी नीकळीन एक उजाडी जागाम जात र्यु। ने माणसे तीनाक हेरता-हेरता तेरे भीणी गुयु, ने तीनाक असा कह्या, हामरेनचां सी मां जाय। 43 बाकुन चु तीनुक असु कह्यु, “मेसेक दीसरा सहेरेम बी भगवानेन राजेन खुस-खबरेन वात सामळावणु छे-काहाकी भगवान मेसेक ज सामळावणे करीन मकेल्लु छे।” 44 ने चु यहुदा जीलान तींद्रा भक्तीन घर-घरमां खुस-खबर सामळावतु र्यु।

हामरे साते तारो काय काम छे? तु हामुक सारने करने आवलु छे काय? मेसेक मालुम छे की तु कुण छे? तु ते भगवान सी मकेल्लु चुखलु माणुस छे।” 35 ने ईसु तीनाक लडीन कह्यु, “हुगु रव ने ईना माणुस मां सी नीकळी जां।” ने भुतडु तीना माणुस काजे भुयमां आसटीन नुकसाण करे, पाखुर तेरेमां सी नीकळी गुयु। 36 आखा माणसे बीही गुया ने आपसा-आपसात वात करीन कह्या, “जी कसला बुल छे! हयु हक ने जुर भेळ भुतडान जमेक हुकुम आपे ने चे नीकळी जाय।” 37 हेरेसी ईसुन वात चारे मेर तीना आखा ईलाका मां खुणे-कुपरे फीर गुयु। 38 चु भगवानेन भक्तीन घर मां सी नीकळीन सीमोनेन घर गुयु। सीमोनेन सासुसेन बेसको जुरे सेरी आय रहलो, ने माणसे ईनीक वारु कर दे, करीन ईसुक लीलघायन कह्या। 39 ईसु तेरे धडे जायन सेरीक लड्यु, ने लडतात वार मां सेरी उतरी गुयो। ने ची तत्थारुत उठीन तींद्री खातरी करीन तींद्री चाकरी करने बाजी गुय। 40 तीने दाहडे, दाहडु डुब गुयु ने अळी आखा माणसे भाती-भातीन मांदावड मां पडला माणसे काजे ईसु भीणी लाया। ईसु एक-एक जणा पर हात मेकीन तीनुक वारु करतेलु। 41 “तु भगवानेन पुर्यु छे” असा आयडता जायन भुतडान आत्मा बेसका माणसे मां सी नीकळतेला। बाकुन चु तीनुक लडतेलु, ने बुलने नी देदलु, काहाकी भुतडान आत्मा जाणतेली की जु मसी छे। 42 दीसरे दाहडे एगुत ईसु घर सी नीकळीन एक उजाडी जागाम जात र्यु। ने माणसे तीनाक हेरता-हेरता तेरे भीणी गुयु, ने तीनाक असा कह्या, हामरेनचां सी मां जाय। 43 बाकुन चु तीनुक असु कह्यु, “मेसेक दीसरा सहेरेम बी भगवानेन राजेन खुस-खबरेन वात सामळावणु छे-काहाकी भगवान मेसेक ज सामळावणे करीन मकेल्लु छे।” 44 ने चु यहुदा जीलान तींद्रा भक्तीन घर-घरमां खुस-खबर सामळावतु र्यु।

5 एक दाहडु ईसु गन्नेसरत दरीया धडे उबु हय रवलु, ने माणसे भगवानेन वात सामळने करीन हुडु-हुडु आवतेला, ने धकलायन तेरे पर पडे असा हय जातला। 2 तीनी टेमे चु दरीया धडे दुय ढंड्या उबा कर रवला देख्यु, ने काहर्या ढंड्याम सी उतरीन जाळ थुवणे बाजी रवला। 3 तीनु ढंड्या मायन एक ढंड्यो सीमोनेन हतलो, तीना ढंड्या मां भरायन ईसु असु कह्यु, ईना ढंड्याक धडे सी थुडाक उंडा पाणी मां ली जावु। तत्थार चु तीना नानला ढंड्याम बसीन माणसेक सीकाइने बाजी गुयु। 4 जत्थार ईसु सीकाडी दीन नवराय गुयु, ती ईसु सीमोन काजे असु कह्यु, “ढंड्यो अळी उंडास पाणी मां ली जावु, ने माछा मारने करीन आपणी-आपणी जाळ नाखु।” 5 ती सीमोन्यु असु कह्यु, “ए मालीक! हामु आखी रात माछा मारने करीन मेहनत कर्या, बाकुन ईतराक माछा बी नी धराया; तेबी तु कहवे, ती मे माछा धरने करीन पाणीम जाळ नाखीस।” 6 जत्थार सीमोन्यु ने तेरा साते वाळा काजे ईसु कह्यु तसा कर्या ती तीनुक बेसका माछा धराय गुया, ने माछान भारे तींद्री जाळ फाटणे

बाजी गुय। 7 तत्पार चे तींद्रा साते वाळा काजे जे दीसरा कुण छे, तीना पापी माणसे काजे माफी आपणेन हक छे?" 22
ढंड्या मां हतला, तीनु काजे हात पालवीन मदत करने बुलाया, तींद्रा मनेम वीच्यार काजे जाणीन ईसु तीनाक कह्यु, "तुहं
ने चे साते वाळा आवीन दुय ढंड्याम माळा ढीक लागडीन भर आपसा मनेम असा वीच्यार करीन काहा वातेम लडाय रया?
लेदा, ने चे ढंड्या डुबे-डुबे तसा हय गुया। 8 ज देखीन सीमोन्यु 23 काय कहणु वारु छे? 'तुसेक तारा पापेन माफी जड गुय'
पतरस ईसुन पाये मां हीट पड्यु, ने असु कह्यु, "ए मालीक कहणु वारु छे की 'उठ ने चाल फीर' कहणु वारु छे? 24 बाकुन
मे ते पापी माणुस छे, अळी तु मार सी छेटे रवा।" 9 जाळेम माणसेन पुर्या काजे धरती पर पापीक माफी आपणेन हक
बेसका माळा पड गुया, करीन चु ने तेरा साती चकराय गुया। 10 छे, ज तुहं जाण लेवु एरेन, मे असु कह्यु।" अळी ज कयदीन
अळी तसात जबदीन पुर्या याकुप ने युहनुनू बी चकराय गुयु चे ईसु लखवान मांदवाड वाळाक कह्यु, उठ, "ने तारी खाटली
सीमोनेन साती हतला। ने तत्पारुत ईसु सीमोन काजे असु हाकलीन तार घर जाती रवा।" 25 ने चु तत्पारुत आखा अगळ
कह्यु, "बीहे मां, हय सी तु माळा काजे नी धरे, बाकुन माणसे बड़ाय करतु जायन हेरे घर जाती रयु। 26 ने चे आखान आखा
काजे मारा चेला बणावणे करीन भेळा कर्या करसी।" 11 चे चकरायन भगवानेन गुण गावता र्या। तींद्रेम डर भराय गुयो,
ढंड्या काजे दरीया धडे ली आया, ने माळा धरनेन धंदा सुदे, ने चे कहतेला, "आज हामु भाती-भातीन काम देखला छे।"
आखो छुड दीन ईसु पछळ चाल पड्या। 12 जत्पार ईसु एक 27 ने अळी ईसु बाहर नीकळ्यु। ती चु फाळु लेण्यान डाहला
दाहडु एक सहर मां हतलु, ती ईसुनचां एक माणुस आयु, तेरो काजे फाळु लेणेन नाका पर बसीन फाळु उकाळतेलान देख्यु।
आखो डील कुड मांदवाड मां भरायलो हतलो। चु ईसु काजे तेरु नाव लेवी हतलु। ने ईसु तीनाक असु कह्यु, "मारु चे लु
देखीन मुंहडान भुरसे हीट पड्यु, ने लीलघायतु जायन असु बणीन मार पछळ चाल पड। 28 ती चु फाळु लेण्यु आखो काम
कह्यु, "ए ईसु मालीक! कदी तु चाहे, ती मेसेक वारु कर दे।" 13 ईसु हात लांबु करीन ज कहतु जायन तीनाक छीमीन कह्यु, छुड देदु, ने उठीन ईसु पछळ चाली पड्यु।" 29 चु लेवी, ईसु
"तु चुखु हय जां, जीत मारी मरजी छे।" ने तत्पारुत तेरो कुड काजे आपसे घर मां ली जायन बेसकी मटी पंगत कर्यु; ने
जाती र्यो। 14 तत्पार ईसु तीनाक असु कह्यु, "जां, वारु हय फाळु लेणया ने बेसका मेजवान्या ईसु भेळा रुटा खाणे बठ्या।
गुय करीन आपसा काजे भगवानेन पुजाराक देखाडजी ने मुसान 30 ने फरीसी माणसे ने यहूदी नीयम सीकाडन्या कळे-कळे
साहरे टाकली बादा चहडावजी ने तु वारु हयन चुखु हय गुयु वात करीन ईसुन चेलान वात नीकाळीन तीनुक कहया, "तुहं
करीन आखा माणसे तारा गवा बण जासे। बाकुन जी वात फाळु उकाळन्या ने पापी माणसे साते बसीन काहा खावु-
काहना काजे बी घुण कहे।" 15 तेबी ईसु आखे दुर नावसाद्यु पीयु?" 31 ज जाणीन ईसु तीनुक कह्यु, "वारलु काजे डाक्टर
हय गुयु, ने हुड-हुड, माणसे तेरी वात सामळने, ने वारु हवणे नी चाहजे, बाकुन मांदला काजे डाक्टर चाहजे। 32 मे धरमी
करीन तेरेनचां आवतेला। 16 बाकुन ईसु तींद्रे धडे सी अलग माणसे नी, बाकुन पापी माणसेक पाप भीणी सी भगवान भीणी
हयन चां आखी सुनली जागा हय, चां-चां जायन दुवा कर्या मन फेरवणे करीन, बुलावणे आवलु छे।" 33 थुडाक माणसे
करतेलु। 17 ईसु काहनेस दाहडे वात सीकाडने बाजी रवलु। ईसुक कहया, "युहनुनान चेला ते अळी-अळीन उपास करे ने
फरीसी माणसे ने भगवानेन नीयम सीकाडन्या मासुतर्या चां भगवान वाटे दुवा कर्या करे, ने असात फरीसी माणसेन चेला
बस रवला। चे गलील जीलाम सी, ने यहूदीया जीलान गांवेडीट बी उपास करे बाकुन तारा चेला ते उपास करे पाखुर खाय ने
सी, ने यरुसलेम सहर सी आय रवला; ने मालीक-भगवानेन पीये करे!" 34 ईसु तीनुक कह्यु, "जत्पार लगुन अरात्या
आरगाय आपणेन ताकत ईसु पुठ्ये हतली। 18 ने देखु! तीनी दुलला पुठ्ये रवे, तत्पार लगुन चे उपास करे काय? 35 बाकुन
टेम मां थुडाक माणसे लखवान मांदवाड वाळा माणसेक खाटली जे दाहडा बी आवसे, जत्पार दुललु तींद्रे सी अलग हय जासे,
पर हाकलीन लाया ने चे चां ईसु हतलु, तीना घर मां ली जायन तत्पार चे तीनी टेम मां उपास पाळसे।" 36 ईसु तीनुक एक
ईसु अगळ मेलने हींडतेला। 19 चां हुड-हुड माणसे हतला ने दाखलु बी सामळायु, "कुय बी नवला पुथल्याम सी फाडीन,
तीना लखवान मांदवाड वाळाक चां नी ली जाय सक्या, ने चे जुन्ला पुथल्यामां थीगळो नी लागाडे। ने कदी लागाडसे, ती च
घर पर चहडी गुया, ने छतेन नळ्या हेड देदा। ने तीना लखवान नवलो पुथल्यो ते फाटीन बीगडी जासे, ने च नवला पुथल्यान
मांदवाड वाळा माणुस काजे खाटली भेळत ईसु अगळ उपर सी थीगळो जुन्ला पुथल्याम पुठ्ये मेळ बी नी खाय 37 ने असात
उतार देदा। 20 ने तीना लखवा वाळा माणसे काजे लावणयान काहनाक जुन्ला चामडान थयला मां, नवला अंगुरेन रस नी
भुरसु देखीन ईसु तीना लखवान मांदवाड वाळाक कह्यु, "ए भरे। असो भरसे, ती नवलु अंगुरेन रस, चामडान थयला काजे
माणुस! तु पाप ते करलु, बाकुन तुसेक तारा पापेन माफी जड फाड देसे, ने असो करीन चामडान थयलु बी फाट जासे, ने
गुयली छे।" 21 जी वात सामळीन यहूदी नीयमेन मासुतर्या ने नवलु अंगुरेन रस बी नाखायन उही जासे, ने रद हय जासे।
फरीसी माणसे आपसा मनेम वीच्यार करीन कहया, "जु कुण 38 बाकुन अंगुरेन नवलु रस चामडान नवला थयला मां भरनु
छे, गुयु भगवानेन नाव-बददी कर र्यु? भगवानेक छुडीन असु चाहजे। 39 काहनुक माणुस बी जुन्लु अंगुरेन रस पीन, नवलु

अंगुरेन रस पीणेन हेर नी करे, काहाकी जुन्लु अंगुरेन रस पीन कहवे, की जुन्लु अंगुरेन रसुत वारु छे।”

6 ईसु ने तेरा चेला आरामेन दाहड़े गहुंन खेत मायन नीकळीन जाणे बाजी रवला। ने तेरा चेला गहुंन उम्ब्या तुडीन हाते सी चुळी-चुळीन खाता जातला। 2 तत्तयार थुडाक फरीसी माणसे असा कहणे बाजी गुया की, “ज काम आरामेन दाहड़े नी करनु चाहजे, बाकुन च काम तुहुं काहा करने बाजी र्या?” 3 ईसु तीनुक कहयु, “जत्तयार दावुद ने तेरा साती भुकला हतला, ती दावुद काय कर्यु?” तुहुं ज नी भणया काय? 4 चु भगवानेन मंदीर मां जायन भेटन रुटा ईछीन आपसु बी खादु, ने तेरा साते वाळा काजे बी खाणे करीन आपसु। चे रुटा ते भगवानेन पुजाराक अतरात खाणु चाहजे। 5 ने ईसु तीनुक अळी कहयु, “माणसेन पुर्यु आरामेन दाहड़ान बी मालीक छे। माणसे काजे आरामेन दाहड़े काय करनु चाहजे, ने काय नी करनु चाहजे, तेरु फेसलु करनु मारा हक मां छे।” 6 ईसु काहनेस दीसरे आरामेन दाहड़े भगवानेन भक्तीन घर मां जायन वात सामळावणे बाजी रवलु। ने चां एक माणुस हतलु, तेरु जेवड्यु हात सुकी रवलु। 7 यहूदी नीयम सीकाडन्या ने फरीसी माणसे ईसुन गलती नीकाळने तकाय रवला, की ईसु आरामेन दाहड़े सुकला हात वाळाक वारु करे की नी करे 8 बाकुन ईसु तींद्रा वीच्यार जाणीन सुकला हात वाळाक कहयु, “उठ ने ईचमां उबु हय गुया।” चु उठीन ईचमां उबु हय गुयु। 9 ईसु तीनु माणसे काजे कहयु, मे तुहुंक पुछो-आरामेन दाहड़े काय करनु वारु छे, भलाय करनु वारु छे की कुहराय करनु वारु छे, “ने जीव बचाडनु वारु छे की मारनु वारु छे?” 10 ती ईसु तीनु आखा माणसे पर नीगा नाखीन ईसु तीना माणुस काजे कहयु, “तारु हात लांबु करा।” चु हात लांबु कर्यु ने तेरु हात वारु हय गुयु। 11 बाकुन भगवानेन धरमेन वात सीकाडन्या ने फरीसी माणसे बेसका रीसाय पड्या, ने आपसा-आपसात वीच्यार करीन असा कहया, आपणु ईसुन वीरुद मां काय करजे? 12 तीनु दाहड़ा मायन एक दाहड़ु ईसु दुवा करने करीन बयडा पर गुयु, ने चां आखी रात भगवान सी दुवा करतु रयु। 13 जत्तयार दाहड़ु उंगयु, तत्तयार ईसु हेरा चेला काजे साते बुलायु, तींदरेम सी देखीन बारे जणा काजे नेवाडीन तीनुक, खुस-खबरेन नेवताळा बणायु। 14 सीमोन काजे; हेरो नाव ईसु पतरस बी पाड्यु; तेरा भायस अन्दीरीयास; काजे; ने याकुप ने युहन्ना काजे; ने फीलीपपुस काजे; ने बरतुल्मे काजे; 15 ने मत्ती काजे; ने थोमा काजे; ने हलफाईन पुर्यु याकुप काजे; ने सीमोन काजे, जु भगत कहवायतेलु, 16 ने याकुपेन पुर्यु यहूदा काजे, ने यहूदा ईस्करीयोत काजे; जु ईसु काजे धरावण्यु बण गुयु। 17 ईसु तींद्रे पुठ्ये बयडे सी उतरीन एक सोवताळ जागा मां उबु हय गुयु। चां तेरा दीसरा चेला बी हतला। अतरात नी, बाकुन चां माणसेन एक बेसकु मट्लु टुळु बी हतलु तीना टुळाम आखा यहूदीयान ने यरुसलेमेन ने दरीयान धड़े वाळा सुर ने सेदा सहरेन

माणसे बी हतला। 18 चे ईसुन वारलु वात सामळीन ने आपसी मांदवाड़ सी वारु हवणे करीन आय रवला, ईसु धड़े आवीन तीनुक वारु कर्यु। भुतडान आत्मा सी वेला पाडायलाक बी ईसु, तीनु आत्मान हाते मां सी छुडावीन वारु करतेलु। 19 आखा माणसे ईसु काजे छीमणे हींडतेला, काहाकी ईसु मां सी ताकत नीकळीन आखा काजे वारु करतेली। 20 ईसु आपसा चेला भीणी देखीन कहयु, बरकतवाळा छे तुहुं, जे हय गरीब छे! काहाकी भगवानेन राज तींदरोत छे। 21 बरकतवाळा छे तुहुं, जे हय भुकला छे! तुहुं आफरी जासु। बरकतवाळा छे तुहुं, जे हींताळ रड़ र्या! तुहुं अळी खुस हयन हाससु। 22 बरकतवाळा छे तुहुं, जत्तयार माणसे तुंद्री नाव-बददी करे, ने तुंद्री वात काट देसे, ने तुहुंक नेवाड़ देसे, ने तुहुंक वीटेळ्ळा कयन, तुहुंक जात सी बाहर कर देसे। काहाकी तुहुं माणसेन पुर्याक ईसुक मानु! 23 जत्तयार असो हय ती, तुहुं खुस हयन नाचजु, काहाकी सरग मां तुहुंक बेसकु मटु ईनाम जडसे, तुहुंक वेला पाडन्यान आडा-बुडा बी भगवानेन अघली वात बताडन्या माणसे काजे असात वेला पाड्या करतेला। 24 बाकुन गरा तुंद्रे पर; जे हय लकपती छे; काहाकी तुहुं पेहेल सी मजा ली लेदा। ने तुंद्रे वाटे काय बी सुक नी बच्यु। 25 गरा तुंद्रे पर; जे हींताळ आफरला छे, तुहुं अळी भुकला रवसु। गरा तुंद्रे पर; जे हींताळ हासी र्या! काहाकी तुहुं अळी कलपसु ने कलपी-कलपीन रडसु। 26 गरा तुंद्रे पर; जत्तयार आखा माणसे तुंद्री वात काटे बीगुर, जलम तुहुंक वारु कहवे, काहाकी हींद्रा आडा-बुडा बी भगवानेन नाव लीन लुच्याय मेकण्या माणसे काजे, तुहुं बेसका वारु कयन असुत वेहवार करला। 27 “बाकुन मे मारी वात सामळने वाळा काजे कहवो: आपणा दुसमन सी वारु रहु; जे तुंद्री कुहराय करे, तींदरो भलो करु।” 28 जे तुहुंक सराप आपे, तीनुक तुहुं बरकत आपु। जे तुंद्री वात कहीन तुंदरु अपमान करे तींद्रे वाटे दुवा करु। 29 जो तुंद्रा एक गाल पर थापड़ देय, तेरे भीणी दीसरु गाल बी फेरवी देजु। जु तुंदरु कुट बी हापके हीनाक आपणु कुरतु बी लेणी देवु। 30 जु तुंद्रे धड़े मांगे, ती तीनाक तुहुं आप देजु, ने जु तुंद्रे धड़े तारी चीज हापकी लेय, तेरे धड़े पछु मांगणेन हेर मां करु। 31 ने तीना वेहवार काय दीसरा धड़े तुहुं चाहु की चु वेहवार तुहुं दीसरा साते बी कर्या करु। 32 कदी तुहुं आपणा परम राखणेवाळा सी परम करु, चे तुहुंक परम करे, ती तुहुंक बरकत जडसे काय? काहाकी पापी माणसे बी तीनु काजे परम करे, जे तीनुक परम कर्या करे। 33 कदी तुहुं तींद्री भलाय करु, जे तुंद्री भलाय करे, ती तुहुंक बरकत जडसे काय? काहाकी पापी माणसे बी, जे तींद्री भलाय करे, तींदरोत भलो करे। 34 कदी तुहुं तीनु काजे उधार आपु, जे उधार लेदलो तुहुंक पछो आपी देय, ती हेरेम तुहुंक काय बरकत जडसे? काहाकी पापी बी उधार आपलो चो पछो आप देसे करीन उधार आपे। 35 बाकुन आपणा वेरी सी परम करु, ने तींद्री भलाय करु, ने मे काहलाक काजे उधार आपीस, ती चु उधार आपलो

चो पछो नी आपे, असी आस करीन उधार आपु। ने तीत तुहुं काजे बेसकु मटु ईनाम जइसे; ने तुहुं आखान डाहला भगवानेन पुर्या-पारी बण जासु, काहाकी भगवान तींद्रे पर बी दया करे, जे भगवान थड़े सी हात करीन बी भगवान काजे बेसकु वारु छे नी कहवे, ने तींद्रे पर बी दया करे, जे कुहराय कर्या करे। 36 जसु तुंदरु सरग वाळु भगवान बास दयाळु छे, तसात तुहुं बी दयाळा बणु। 37 ने काहनाक बी नीयाव मां करु, ती तुंदरु नीयाव नी हवे; तुहुं कुय पर गुनु मां लागाइ, ती तुंद्रे पर बी गुनु नी लागाइ। दीसराक माफी आपु ती तुहुंक बी माफी जइ जासे। 38 आपु ती तुहुंक बी भगवान आपसे, दइपी-दइपीन ने हालाडी-हालाडीन भरीन तुंदरा खुळाम पइसे; काहाकी तीना नाप सी तुहुं नापसु तीनीत नापे तुंद्रे वाटे बी नापायसे। 39 ईसु तीनुक एक अळी दाखलु दीन सामळायु आंधळु आंदळा काजे वाट देखाइ सके काय? नी देखाइ सके। कदी देखाइसे, ती दुय जणा गइडा मां हीट पइसे। 40 चेलु मास्तर सी मटु नी हय, बाकुन पुरी-पुरी वात सामळीन चालसे ती चु आपसा मास्तरेन तसु बण जासे। 41 जतयार तुहुंक आपसा डुळा अगळ देवायलु डेंगु नी देखायतु, ती तुहुं आपसा भायसेन डुळाम भरायलु कचरु काहा देख र्या? 42 जतयार तुहुंक आपसात डुळा अगळ देवायलु डेंगु नी देखायतु ती आपसा भायस काजे कसा कहसु की, भायस! मेसेक तारा डुळाम भरायलु कचरु नीकाळने दे? ए ढंगड़ा करन्या! पेहले आपसात डुळा अगळ देवायलु डेंगु छेते कर ले। तीत तुसेक आपसा भायसेन डुळाम भरायलु कचरु नीकाळने टेमे वारु देखायसे। 43 असो काहनो बी वारलु झाइको नी हय, तेरेमां रीकामो फळ लागतो हय, ने असो काहनू बी रीकामु झाइकु नी हय, जो वारलु फळ लावतो हय। 44 आखा झाइकान उळखाण तींदरा फळ सी हये। काहाकी माणसे काटाळ्या झाइकाम सी, अंजीरेन फळ नी तुड़े; ने काटाळ्या झाइकाम सी अंगुरेन फळ नी तुड़े। 45 भलु माणुस आपसा मन सी भलाय वात नीकाळे; ने भुंडुत माणुस आपसा मन सी कुहरायन वात नीकाळे; काहाकी जो मनेम भरायलो रहे, चीत वात तेरा मुंहडाम सी नीकाळे। 46 “मे जो कहवो च ते तुहुं मानता नी, ती तुहुं मेसेक ए मालीक, ए मालीक! काहा कय र्या? 47 जु मारे साते आवीन मारी वात सामळे ने तीनी वातेक मानीन जीवे, तेरे बारामां मे कहवो की चु कुणीन तसु छे? 48 चु तीना माणसेन तसु छे, जु घर बणावणी टेमे उंडुत पायु खुदयु ने तीना घरेन पायु ढाटा पर सी उठाडीन घर बांदीन बणायु। अळी जतयार नदी आवी, ने पाणीन झलक तीना घरेन आफटायु, बाकुन ची झलक तीना घर काजे उदारी नी, काहाकी च घर बेसको पक्को बनलो हतलो। 49 बाकुन जु मारी वात सामळे, ने तीनी वात काजे मानीन नी जीवे, चु तीना माणुस जसु छे, चु थुळाम पायु खुदीन पायु बांदे पाखुर, घर बांदीन बणायु, ने पाणीन झलक तीना घरेन आफटायु, ती चो घर ततयारुत उदरी गुयो, ने खततम हय गुयो।”

7 जतयार ईसु माणसेक आखी वात सामळाय देदु, ने अळी कफरनहुम सहर मां पछु गुयु। 2 चां एक सुबेदार हतलु, तेरु एक पावरयु हतलु, तीना पावर्या काजे, चु सुबेदार बेसकु परम करतेलु। चु पावर्यु बेसकु जबर मांडु पइ रवलु, ने चु मरने वाळु हतलु। 3 चु सुबेदार ईसुन बारामां सामळ्यु, ने अतराम चु यहुदी माणसेन थुड़ाक डाहलास अदमी वाटे ईसु थड़े असी वीनूती कय मकलयु, तु आयन मारा पावर्या काजे वारु करीन बचाइ ले। 4 चे ईसु थड़े आवीन असी वीनूती कर्या, जु सुबेदार बेसकु वारु माणुस छे, अतरे तु तेरी मदत कर। 5 काहाकी हयु हामरा माणसे सी परम करे, ने हामरे वाटे भगवानेन भक्तीन घर बणाय मांग्लु छे। 6 ईसु तींद्रे पुट्ये चाल पड्यु, ने ईसु तेरे घर थड़े पुगणे वाळु हतलु। ती सुबेदार आपसा दुस्तीदारयान साहरे ईसु भीणी असो कय मकलयु, “ए मालीक!” तु वेला करीन अगु मां आवे काहाकी मे अतरु मटु नी हय की तु मारा घरेन साहळे आवे। 7 मे असु लग नी समजी गुयु ने तुसेक भेळु हवणे लग नी आयु, बाकुन जात रयन तु एकुत बुल कय दे, ती मारु पावर्यु वारु हय जासे। 8 मे बी दीसरान हक मां रवण्यु एक नानुस हकदार्यु छे। मारा हक मां सीपायइ रवे। जतयार मे एक जणा काजे जां कहवो, ती चु जाय ने दीसरा काजे आव कहवो ती चु आवे ने मारा काहनाक पावर्या काजे ज कर कहं; ती चु तीना काम काजे करे। 9 जी वात सामळीन ईसु चकराय गुयु ने, चु आपसे पछळ आवतेला माणसे भीणी देखीन असु कह्यु, “मे तुहुंक ज कहं की ईसुरायेली माणसे मां बी मेसेक अतरु पाक्कु भुरसु देखणे नी जइयु।” 10 ने तीनु माणसे काजे सुबेदार मकेल्लु, चे माणसे पछा घर जायन तीना मांदला पावर्या काजे वारलु देख्या। 11 दीसरे दाहड़े, ईसु नाईन नावेन सहर मां गुयु। ईसुन चेला ने माणसेन एक मटलु टुळु बी ईसु साते हतली। 12 जसा चे सहरेन बारना थड़े पुग्या, तीनुक थुड़ाक माणसे सोवताळ जागा मां आवतेला भेळा हया। चे एक मरला माणसे काजे गाइने ली जाणे बाजी रवला। मरलु माणुस एक रांडायली बायरीन एकुत पुर्यु हतलु। माणसेन एक मटलु टुळु रांडायली साते हतलु। 13 तीनीक देखीन मालीक ईसु काजे बेसकी दया आवी। ने ईसु तीनीक असु कह्यु, “रड़े मां।” 14 ततयार चु सीवडी थड़े गुयु ने सीवडी काजे धर्यु। सीवडी हाकलने वाळा उबा रय गुया। ततयार ईसु मरला काजे कह्यु, “ए जुवान उठ।” 15 मरलु ततयारुत उठीन बसी गुयु, ने वात करने बाजी गुयु। ईसु तीनाक तेरी मायन सुपरुत कर देदु। 16 आखा माणसे बेसका जबर बीही गुया, चे भगवानेन बड़ाय करता जायन असा कह्या, “भगवान आपसे वाटे माणुस काजे हामरे मां सी उबु करलु छे। छाचलीन भगवान आपसुत, आपसा माणसेक बचाइने आवलु छे।” 17 ईसुन ईना वारु कामेन खबर आखा यहुदा जीला मां, ने आडे-थड़ेन आखा जागा मां जाती रया। 18 यहुननान चेला यहुनना काजे ईनी आखी वातेन खबर आप्या। 19 ततयार यहुननु आपसा चेला मायन दुय चेला काजे बुलायन मालीक ईसु

धड़े ज पुछणे मकलयु, “आवणे वाळु मसी तुत छे काय, की हामु काहनाक दीसरान वाट देखजे काय?” 20 ने जे दुय चेला ईसु धड़े आयन कहया, “बपतीसमा आपण्यु युहनुनु हामुक तारे धड़े ज पुछणे मकेल्लु छे, की आवणे वाळु मसी तुत छे काय, की हामु काहनाक दीसरान वाट देखजे काय?” 21 तीनी टेमे ईसु बेसका मांदला माणसेक, मांदवाड मां सी, ने हीडा-पीडाम सी, ने भुतडान आत्मान कबजाम सी छुडायु; ने बेसका आंदळान डुळा उगाड देदु, ने चे देखणे बाजी गुया। 22 ने ईसु युहनुनान चेला काजे कहयु, “ज काय तुहुं देखया ने सामळ्या, ने च युहनुना काजे जायन कय देवु, की आंदळा देखणे बाजी गुया ने, लंगडा चालने फीरने बाजी गुया, कुडायला वारु हयन चुखा हय गुया; ने मरला जीवता हय गुया, ने गरीब काजे खुस-खबरेन वात सामळावे। 23 ने वारु छे चु, जु मार पर पाक्कु भुरसु करे!” 24 बपतीसमा आपणया युहनुनान साहरे मकेल्ला पछा जात रया, तत्पार ईसु बपतीसमा आपणया युहनुनान बारामां कहणे बाजी गुयु, तुहुं उजाड्या बयडा मां काय देखणे गुयला? वाहळा मां हालतेला सुट्या देखणे गुयला काय? 25 कहं ते खरा! तुहुं काय देखणे गुयला? चमकण्या पुथल्या पेहरला माणसेक देखणे गुयला काय? देखु, जे चमकण्या पुथल्या पेहेरे ने मुजा मसूती मां रवे, चे माणसे ते मटली हवेली मां रहे। 26 असो नी हय ती तुहुं काय देखणे गुयला? काहनाक भगवानेन अधी सी आवणे वाळी वात बताडने वाळा काजे देखणे गुयला काय? छाचलीन! मे तुहुंक कहं, जतरा बी माणसे भगवानेन अधी सी आवणे वाळी वात बताडन्या हतला, तीनु आखा सी युहनुनु मटु माणुस छे, तीनाक तुहुं देखणे गुयला। 27 ने हयत युहनुनु छे, तेरा बारामां लिखलो छे, की सामळ! मे मारु काहवाळ्यु तारे सी पेहेल मकलीस। चु तारे अगळ तारे वाटे वाट सुदारसे। 28 मे तुहुंक कहवो, माणसे मां बपतीसमा आपणया युहनुना सी मटु कुय नी हया। तेबी, मे कहवो की भगवानेन राज मां, जु आखाम सी नानु छे, चु बपतीसमा आपणया युहनुना सी बी मटु छे। 29 ने आखा माणसे ने फाळु लेणया बी बपतीसमा आपणया युहनुनान सामळीन, बपतीसमा आपणया युहनुना धड़े बपतीसमा लेदा ने भगवानेन मरजी पुरी कर्या ने भगवान काजे छाचु मान लेदा। 30 बाकुन फरीसी माणसे ने कायदु सीकाडन्या मासतर्या, बपतीसमा नी लेदा ने आपसा बारामां भगवानेन मरजी टाळ देदा। 31 बाकुन मे ईनी पीडीन माणसे काजे कसु उळखो? ने कुणीन तसा छे करीन कहवो? 32 हीया हाटे मां बठी रवण्या पुर्यान तसा छे, जे आंबा-सांबा आयडीन कहें; की हामु तुंदरे वाटे नाचाडने करीन पावळी आजाड्या, ने तुहुं नी नाच्या, हामु तुंदरे वाटे रडने कलपणेन गीत गाया बाकुन तुहुं नी रड्या। 33 काहाकी बपतीसमा आपण्यु युहनुनु रुटु बी नी खादु ने अंगुरेन रस बी नी पीदु, ने तुहुं मेसेक कय रया की हेरे भुतडु लाग र्यु करीन। 34 अळतेन माणसेन पुरयु बणीन आयु, ने खातु-पीतु आय र्यु; ने तुहुं कहं, देख हयु माणुस; हीजेरलु

ने पीण्यु छे, ने फाळु लेण्यान ने पापी माणसेन दुस्तीदार छे। 35 बाकुन भगवानेन अकल, भगवानेन आखा पुर्या-पारी वाटे, पुरावा भेळे उजेंती हवणे बाजी रय। 36 काहनुस फरीसी माणसे ईसु काजे आपसे घर खाणेन वीनूती करयु; ती ईसु तीना फरीसी माणसेन घर आवीन रुटा खाणे बठ्यु। 37 ने सामळु, तीना सहरेन एक पापी बायर काजे ज मालुम हय गुयो की ईसु फरीसी माणसेन घर मां रुटा खाणे बाजी र्यु। ची चां संगमरमर नावेन दगडान ठाहरु मां बेसकी महंगलो ईत्तर लीन आवी। 38 ने ची पापी बायर रडती जायन, ईसुन पाय धड़े उभी रय गुय, ने तेरा आसा ईसुन पाये पर चुवाडीन ईसुन पाय काजे भीगवणे बाजी गुय, ने ईसुन पाय काजे आपसा कान्या सी नुछी, ने पाये गुळु दीन पाये पर ईत्तर लागाडी। 39 ज आखो देखीन, फरीसी माणुस, जु ईसु काजे खाणे करीन वीनूती करलु, चु आपसा मन मां कहयु, “कदी जु भगवानेन अधी सी आवणे वाळी वात बताडने वाळु माणुस रवतु, ती जु छाचलीन जाणी जातु की, जी बायर हीनाक छीमणे बाजी रय, ची कुण छे, ने कसली छे, हयी ते पापी बायर छे।” 40 तेरा मनेम वात जाणीन ईसु तीना फरीसी माणसे काजे कहयु, “सीमोन, मे तुसे काहींग कहणे हींडो।” चु सीमोन ईसु काजे जपाप आप्यु, “ए मासतर, कव।” 41 ईसु कहयु की “काहनाक सवकारेन दुय करजा वाळा हतला, एक जणु पांच सोव रुपयान करजा वाळु हतलु, ने दीसरु पचास रुपयान करजा वाळु हतलु 42 बाकुन तींदरे धड़े मालीक काजे करजु देणे काय नी हतलो, अतराम सवकार दुय जणाक माफी आप देदु। हय मे कहं, तीनु मायन कुण तीना सवकारेक परम करसे?” 43 सीमोन कहयु, “मारी नींगा मां, चु जादात परम करसे जेरु जादा करजु माफ हयु।” ईसु तीनाक कहयु, “तु सय वीच्यारीन कहयु।” 44 ने ईसु तीनी बायरी भीणी देखीन, सीमोन काजे कहयु, “ईनी बायरीन बारामां वीच्यार ते कर? मे तारे घर आयु, ने तु मेसेक पाय धुवणे, पाणी लग नी आप्यु, बाकुन जी मारा पाय आसा सी धुवी ने कान्या सी नुछी।” 45 ने तु मेसेक गुळु नी देदु, बाकुन जत्पार सी मे ईना घर मां आयु, तत्पार सी हय लग, जी मारे पाये गुळा दी रय। 46 ने तु मार मुणका पर जेतुनेन झाडकान तेल नी चुपड्यु, बाकुन जी मारा पाये पर ईत्तर चुपडली छे। 47 तेरेसी मे तुसेक कहं, “हेरा बेसका जादा पाप हतला, बाकुन ईनीक माफी जड गुय। काहाकी जी बेसकी परम करे। बाकुन तीनाक जाराक माफी जडि, चु जाराक परम करे।” 48 ने अळी ज कयदीन ईसु तीनी बायरीक कहयु, “तारा पापेन माफी तुसेक जड गुय।” 49 ने तीनी टेम मां जे माणसे ईसु पुठ्ये रुटा खाणे बसला, चे आपसा मनेम असा वीच्यार करने बाजी गुया की हयु कुण छे, जु पापेन माफी बी आपे? 50 बाकुन ईसु तीनी बायरी काजे कहयु, “तारु भुरसु तुसेक बचाड लेदलु छे। ने तु सांती सी जाती रव।”

8 पछेन असो हयो की ईसु भगवानेन राजेन खुस-खबर माणसे काजे सामळावतु जायन सहर-सहर ने गांव-गांव फीरने

लाग्यु, ने बारे चेला तेरे पृथ्ये हतला। 2 ने थुड़ाक ईसु पर भुरसु करन्या बायरा बी हतला, तीनुक ईसु भुतड़ान आत्मान कबजाम ने मादवाड़ कबजाम सी छुड़ावीन, ने चां तींदरे मायन, मरीयम, तेरो नाव मगदलनी हतलो, ने तेरेमां सी ईसु सात भुतड़ान आत्मा नीकाळलु। 3 ने राजा हेरोदेसेन मंत्री खुजान ने घरवाळी योअनना ने सुसन्ना, बेसका दीसरा बायरा आपसा पयस्या आपीन ईसुन ने तेरा चेलान चाकरी करतेला। 4 जत्पार बेसकु मटु माणसेन टुळ, भेळु हवणे बाजी रव्लु, ने सहर-सहर मां सी माणसे ईसु धडे आवणे बाजी रवला तीनी टेम मां ईसु ज दाखलु सामळावु: 5 काहनुक किरसाण माणुस बीज एरने गुयु, ने एरता एरतान थुड़ाक बीज वाट पर पड्या। चे बीज माणसेन पाय तळे कुचाय गुया ने सरगेन चिरला आवीन तीनु बीज काजे ईछीन खाय गुया। 6 ने थुड़ाक बीज चापर्या वाळी जागाम पड्या। ने पाणी नी जड्यो, अतराम चे उंगी गुया ने चीमायन सुकी गुया। 7 ने थुड़ाक बीज काटासळ्या झाड़का मां पड्या, ने काटासळ्या झाड़का मटा हयन तीनु उंगला बीजेक दडपी देदा; ने मेर नी पाकी। 8 ने थुड़ाक बीज वारलु जागाम पड्या, “ने चे उंग्या ने सोव गुणा फळ लाया।” अतरो कय दीन अळी ईसु जुर सी आयडीन कह्यु, “जतरा बी सामळी र्या, चे वारु सामळीन समजणु चाहजे।” 9 ईसुन चेला ईसु सी असा पुछ्या, “ईना दाखलान मतलब काय छे?” 10 ने ईसु तीनुक कह्यु, तुहुं काजे भगवानेन राजेन सातायली वात जाणनेन समज भगवान आपलु छे, पर तुहुंक छुडीन दीसरा काजे दाखलान साहरे भगवानेन वात सामळावो, हेरेसी की तीनुक देखीन बी वारु नी देखाये तसों, ने सामळीन बी, नी समजे। 11 दाखलान मतलब ज छे; बीज भगवानेन बुल छे। 12 ने वाटे पर पडला बीज तीनु माणसेन सहलाणी छे; जे भगवानेन बुल सामळे ते खरा, बाकुन भुतडु आवीन तींदरा मनेम सी भगवानेन बुल ईछी ली जाय, कांखुर मायन असो नी हय जाय की चे भुरसु करीन छुटकारु हात कर लेय। 13 चापर्या वाळी जागा पर पडला बीज, तीनु माणसेन सहलाणी छे, जे भगवानेन बुल सामळतात खुस हयन मानी लेय, बाकुन तींदरा जडे उंडा नी धरने सी चे थुड़ाक दाहडा लग भुरसु करे, ने पारखणेन टेम आवे, ती भुरसु छुड देय। 14 जे बीज काटाळ्या झाड़काम पड्या, चे बीज तीनु माणसेन सहलाणी छे, जे भगवानेन बुल सामळे ते खरा, बाकुन अगा जायन चे ईनी जीवनेन फीकुर मां, ने माल धन कमायणे मां, ने ईनी जीवनेन मुजा मस्ती मां भेसकायन ने भगवान आपलु तीनी जीवनेन पुरो फळ नी लावे। 15 ने वारलु जागाम पडला बीज, तीनु माणसेन सहलाणी छे, जे भगवानेन बुल सामळीन भुळा ने वारु मन मां जापताये मेले, ने भगवान काजे गमे तसों काम करता जायन दम धरीन भगवान वाटे जलम पुरो फळ लावे। 16 कुय बी दिवु धपाडीन ठाहरा तळे नी मेके, ने नी खाटली तळे मेके, बाकुन चु तीनाक दीवाळ्या मां मेके, तेरे वाटे माहें आवणे वाळा माणसे काजे वीजाळा मां वारु देखाये। 17 असो काय बी सातायलो नी

हय, च उजेंतो नी हवे, ने असो काय बी ढाकायलो नी हय, च उजन्तो नी हवे। 18 “तेरेमां तुहुं हेरा बारामां चेतनी रहु की तुहुं कसा सामळु? काहाकी जेरे धडे काहींग छे, तीना काजे अळी बी आप देसे; ने जेरे धडे काय नी हय, तेरे धडे जो बी हसे चो बी पछु ली लेसे, तीनाक चु आपणोत समजे।” 19 ईसुन माय ने भाय तीनाक भेळा हवणे आया, बाकुन बेसकी गडदी हतली, चे तीनाक भेळा नी हय सक्या। 20 ने माणसे ईसुक असा कह्या, “तारी माय ने तारा भायस बाहर उबा हय रया, चे तुसेक बाहर भेळा हवणे हींडे।” 21 ईसु तीनु माणसे काजे असु कह्यु, “मारी माय ने मारा भायस जेत छे, जे भगवानेन बुल सामळे, ने माने।” 22 एक दाहडु ईसु आपसा चेला काजे असु कह्यु, “चालु आपणु दरीयान पली धडे जाजे।” ने चे ढंड्या मां बस गुया, ने पली धडे जाणे बाजी गुया। 23 ढंड्यो पाणी मां जाणे बाजी रवलो, ने ईसु सुय गुयु; तीनी टेमे दरीया मां आंधी आवी, ने ढंड्या मां पाणी भरायणे बाजी गुयो, ने चे आफत मां पड गुया। 24 तत्पार चेला ईसु धडे आवीन तीनाक जागाड्या ने कह्या, “ए मालीक! ए मालीक! हामु डुबणे बाजी र्या।” तत्पारुत ईसु जाग गुयु, ने चु आंधी काजे ने दरीयान झलक काजे झीचकार्यु, ने आंधी ने दरीयान झलक सेळी पड गुयु। 25 ने ईसु आपसा चेलाक असु कह्यु, तुंदरु भुरसु कां छे? बाकुन चे बीही गुया, ने चे चकराय गुया, ने चे-चेत असा कह्या, “जु असु काहनु माणुस छे? चु आंधी ने पाणी काजे लग हुकुम आपे, ने चे हेरी वात माने।” 26 अळी चे ढंड्याम सी उतरीन गीरासेन्यान ईलाका मां पुग्या, ज गलीलेन दरीयान पली धडे हतलो। 27 ईसु जसु ढंड्याम सी उतर्यु, तत्पार तीना सहर वाळु एक माणुस ईसु धडे आयु। तेरे बेसका भुतडा लागी रवला। ने चु बेसका दाहडा सी पुथल्या नी पेहरतेलु, ने घर मां नी रवतेलु, बाकुन मसाण्या मां रया करतेलु। 28 भुतड़ान आत्मा लागली माणुस ईसु काजे देखीन आयडी पड्यु, ने पाये पडीन जुर सी असु कह्यु, “ए आखान डाहला जुर भर्या भगवानेन पुर्या ईसु! मार साते तारो काय काम छे? मे तारे धडे लीलघायो की, मेसेक वेला मां पाड़े।” 29 भुतड़ान आत्मा तेरे अळी-अळीन चसटी जातला, ने तीना माणसे काजे आपसा कबजा मां कर लेदला; अतरोत नी बाकुन, माणसे तीना माणसे काजे साकळ्या ने कडा, सी बांदीन कबजाम करतेला, तेवी चु, चे साकळ्या ने कडा तुड़ देदलु, ने ची आत्मा तीना माणसे काजे उजाड्या बयडा मां, जां-चां लीन फीरतेला। ईसु भुतड़ान आत्मा काजे तीना माणुस मां सी नीकळनेन हुकुम आप्यु। 30 ईसु तीना माणसे काजे पुछ्यु, “तारो नाव काय छे, चु कह्यु ‘सेना’ काहाकी तीना माणुस मां बेसका भुतडा भराय रवला।” 31 ने तीना माणसेम भरायला भुतड़ान आत्मा, ईसु काजे अळी-अळीन असी वीन्ती कर्या: हामुक मापाये नी तसला उंडला डहराम जाणेन हुकुम मां आपे। (Abyssos 912) 32 चां बयडा पर सुहर्यान एक बेसकु मटु टुळ चरने बाजी रव्लु। अतरे तीना माणसेम भरायली आत्मा ईसु धडे असी

वीनती कर्या, “हामुक सुहर्या मां भरायणेन हुकुम आप दे। अतरे ईसु तीनु भुतडान आत्मा काजे हुकुम आप देदु।” 33 तत्तयार भुतडान आत्मा तीना माणुस मां सी नीकळीन सुहर्या मां भराय गुया, ने चु सुहर्यान टुळु जुर सी ढासीन कडखाम सी दरिया मां कुद पड्यु ने पाणी मां डुबीन मर गुयु। 34 ज देखीन सुहर्या काजे चारने वाळा ढास गुया, ने चे सहरेम ने गांव मां जायन ज बी हयो तेरे बारामां कय देदा। 35 ने ज हयो च देखणे करीन सहर वाळा माणसे सहरेम सी नीकळीन आया, ने चे ईसु साते आवीन तीना माणसे काजे देखया, तीनाम सी ईसु भुतडान आत्मा नीकाळु हतलु, चु माणुस पुथल्या पेहरीन हगु हयन, ईसुन पाय धडे बस रवलु। ने चे तीनाक देखीन बीही गुया। 36 चे ज आखो तींदरे डुळे सी देखणे वाळा, चे माणसे काजे आखी वात कह्या, की काहनी भाते भुतडान आत्मा सी भरायलु माणुस वारु हय गुयु। 37 तत्तयार गीरासेन्यान ईलाका वाळा माणसे ने आडे-धडेन आखा माणसे ईसु धडे असी वीनती कर्या, तु हामरे धडे सी जात रव, काहाकी चे बेसका बीही गुयला। ने ईसु ढंड्याम बसीन जाणे हींडतेलु। 38 बाकुन तीनी टेमे चु वारु हवलु माणुस असी वीनती कर्यु की “मेसेक बी तारे पुठये आवणे दे।” बाकुन ईसु तीना माणसे काजे वळावतु जायन कह्यु, “तु तारे घर पळु जात रव, ने भगवान तारे वाटे काय-काय करलु छे च आखो माणसे काजे देखाड दे।” 39 ने अळी चु माणुस तेरे घर पळु जात र्यु। ने ईसु मार वाटे असो-असो काम करलो छे। करीन आखा सहर मां तत्तयारुत जायन परचार करने लाग्यु। 40 जत्तयार ईसु पळु गलील जीलाम आयु, ती माणसे खुस हयन तेरो आव-भाव कर्या, काहाकी आखान-आखा तेरी वाट देखी रवला। 41 तीनी टेमे याईर नावेन एक माणुस हतलु, चु भगवानेन भक्तीन घरेन मुख्यु हतलु, चु ईसु धडे आवीन ईसुन पाये पर हीट पड्यु ने असी वीनती कर्यु, मारे घर चाल, 42 काहाकी बारेक सालेन तेरी एकुत पुरे हतली, ने ची मरने वाळी हतली। ने ईसु तेरे पुठये चाल पड्यु, ने जत्तयार ईसु जाणे बाजी रवलु, तत्तयार माणसे तेरे चारे मेर बेसकी गड्डी कर रवला। ने धकलायन तेरे पर पडे-पडे असा हय जातला। 43 ने तीनी टेमे एक बायर बारे साल सी पोगराळा दुख मां वेला कर रवली। ने ची वारु हवणे करीन आखो कमायलो डाक्टर्या काजे आपीन खरचु कर देदली बाकुन तेबी ची काहना बी डाक्टर्या सी वारु नी हवी। 44 ची ईसु पळळ आवीन ईसुन पुथल्यान कुर छीम लेदी, ने तत्तयारुत ची पोगराळा दुख, सी वारु हय गुयु। 45 ने तत्तयार ईसु कह्यु, “मेसेक कुण छीम्यो?” जत्तयार आखा मे नी छीम्यु, मे नी छीम्यु, कहीन मना करने बाजी गुय, ती पतरस ने तेरा साती कह्या, “ए मालीक! तुसेक मालुम नी हय काय? की चारे मेर सी माणसे तुसेक घेरवी रया, ने तारे पर धकलायन पडे-पडे तसा हय र्या।” 46 “बाकुन ईसु तीनुक कह्यु, काहनुक ने काहनुक मेसेक छीमलु छे, काहाकी मेसेक मालुम पड गुयो की मारिमे सी ताकत नीकळ्ळी छे।” 47

जत्तयार बायरी काजे मालुम पड गुयो की, मेसेक सातणे नी बणे, ती ची कापती जायन ईसु धडे आवीन तेरा पायेम हीट पडी ने आखा माणसे अगळ आखी वात कय देदी की ईसुक काहा छीमली, ने हय मे छीमीन तत्तयारुत वारु बी हय गुयु। 48 ईसु तीनीक कह्यु, “पुरे, तु भुरसु करी, काहाकी तु वारु हवली छे, ने हय सांती सी जात रव।” 49 ईसु ज कहणे बाजी रवलु तत्तयारुत काहनुस भगवानेन भक्ती करन्या घरेन मुख्या धडे आवीन असो कह्यु तारी पुरे ते मर गुयु। हय तु मासुतर काजे परेसान मां करे। 50 बाकुन ईसु ज सामळीन तीना भगवानेन भक्ती करन्या मुख्या काजे कह्यु, “बीहे मां, बाकुन भुरसु कर, ने तारी पुरे बची जासे।” 51 चु घर पुगीन पतरस, युहन्ना ने याकुप ने तीनी मरली पुरेन आस्या-बास्या काजे छुडीन कुय काजे बी तेरे पुठये घर मां नी आवणे देदु। 52 ने तीनी मरली पुरे धडे आखा रडने बाजी रवला, ने तीनी पुरेन करता, आखा माणसे रडी-कलपी रवला, तीनुक ईसु कह्यु, “रडु मां! जी नी मरी, बाकुन सुवणे बाजी रया।” 53 चे माणसे जी वात जाणीन ईसुक हासणे बाजी गुया, काहाकी चे वारु रीती सी जाणतेला, की ची पुरे मर गुयली छे। 54 बाकुन ईसु पुरेन हात धरीन, तीनी पुरे काजे कह्यु, “ओ पुरे! उठ!” 55 ने तत्तयारुत टेम तेरु जीव पळु आय गुयु, ने ची जीवती हय गुयु ने तत्तयारुत ची उठीन उबी हय गुय। ने ईसु तीनी पुरेन माय-बास काजे कह्यु, “हीनीक मामार रुटा खावाडु।” 56 तेरा माय-बास चकराय गुया, बाकुन ईसु तीनुक कह्यु “जां आखो काय हयो च कुय काजे घुण कहुं।”

9 ईसु तीनु बारे चेला काजे बुलायु, ने तीनु आखाक, भुतडा काजे ढासाडने ने आखा मांदला काजे वारु करेने ताकत ने हक आपयु। 2 ने अळी ईसु चेला काजे भगवानेन राजेन परचार करेने, ने मांदलाक वारु करेने, करीन मकलयु। 3 चु तीनुक कह्यु, “जत्तयार तुहुं जावु ती वाट्ये वापरने करीन काय बी घुण ली जावु, नी ते डेंगु, नी झुळु, नी रुटा, नी पयस्या ने दुय पुथल्या घुण ली जावु। 4 तीना बी घर मां जावु, चांहान रवजु; ने मकलने लग चांहान रवजु। 5 कदी माणसे तुंदरो आव-भाव नी करे, ती तींदरा सहरेम सी नीकळ्ळनेन टेमे, आपणा पायेन धुळु बी झाटकी देजु।” 6 अतराम चे ईसु धडे सी जात र्या, ने आखी दुर खुस-खबर सामळावता रया, ने माणसे काजे वारु करता जायन गांव-गांव हींडता र्या। 7 गलील जीलान राजा हेरोदेस तीनी आखी वातेन बारामां सामळीन घाबराय गुयु, काहाकी थुडाक माणसे कहतेला की बपतीसमा आपण्यु युहन्ना मर्या-सर्याम सी पळु जीवतु हय गुयलु छे। 8 ने थुडाक माणसे असा कहतेला, एलीयु, देखाय देदलु छे, ने थुडाक माणसे असा कहतेला की जु बास दादान टेमे भगवानेन अघी सी आवणे वाळी वात बताडन्या मायन काहनुक जीवतु हय गुयलु छे। 9 बाकुन हेरोदेस असु कह्यु, “युहन्नान ते मे मुणको काटाड देदलु, ने हय ज कुण छे, तेरा बारामां मे असी वात सामळो?” अतरे हेरोदेस ईसु काजे देखणे हेर करतेलु। 10 ईसुन नेवताळा

पछा आवीन ज काय कर्या च आखो कय देदा, ने अळी ईसु पुर्यु आवण्यु बी तीनाक, तीने दाहडे तीनाक लाजवाडसे, आपसा चेलाक कळ्येत अलग करीन बेतसेदा नावेन सहर ली जाती र्यु, 11 बाकुन बेसका माणसेन टुळा काजे पतु हय गुयु, ने चे ईसु पछळ चाल पड्या। ईसु खुस हयन तीनुक आव-भाव करीन भेळु ह्यु, ने भगवानेन राजेन बारामां तींदरे साते वात करने बाजी गुयु, ने जे मांदला काजे ने जे वारु हवणे हींडतेला, तीनु मांदलाक वारु कर्यु। 12 दाहडु ढळे ने ईसुन बारे नेवताळा ईसु धडे आवीन तीनाक असा कह्या, “जां ते आपणु उजाड्या जागाम छे, ने तीनु माणसेक अळाय दे, ने हया आडे-धडेन गांव मां ने वसतीया जायन आपसा धडे रहवणेन ने खाणेन तज्जु लागाइसे।” 13 ईसु तेरा चेला काजे कह्यु, “तुहुंत माणसे काजे खाणो आपु।” चे असा कह्या, “हामरे धडे ते पांच रुता ने दुय माळा अतरात छे।” तींदरे वाटे हाटेम जायन खाणो मुल लावणु पडसे काय? 14 चां पांचेक हजार अदमी हतला। ईसु आपसा चेला काजे असु कह्यु, “अलग पचास-पचास माणसेन पंगत बठाइ देवु।” 15 ने ईसु कह्यु तसात चे, तीनु आखा काजे बठाइ देदा। 16 ने अळी ईसु चे पांच रुता ने दुय माळा हातेम धर्यु, ने सरगे भीणी भाळीन तीनु रुता वाटे ने माळा वाटे भगवान काजे तु बेसकु वारु कह्यु, ने माळा ने रुता भांजी-भांजीन आपसा चेलाक पंगत मां वाटणे करीन आपतु गुयु। 17 ने आखा माणसे खायलीन आफरी गुया। ने रुतान बचला टुकडान बारे चार्या भराय गुया। 18 जतयार ईसु एक दाहडे एक सुनली जागा मां दुवा करने बाजी रवळु, ने तेरा चेला हेरे पुठ्ये हतला। ईसु तीनुक असु पुछ्यु, मे कुण छे, “मारा बारामां माणसे काय कहे?” 19 हेरा चेला कह्या, “काहना कवे, बपतीसमा आपण्यु युहन्ना छे; ने काहना-काहना कहे, एलीयु छे; ने काहनाक माणस असा कहे की जु ते बास दादान टेमेन एक भगवानेन अधी सी आवणे वाळी वात बताइने वाळु जीवतु हय र्यु।” 20 ईसु तीनुक अळी पुछ्यु, “तुहुं मेसेक काय कहवु की मे कुण छे?” पतरस कह्यु, “तु भगवान मसी छे।” 21 ततयार ईसु आपसा चेलाक चेताडीन असु कह्यु, “तुहुं जी वात काहनाक घुण कहवु।” 22 ईसु आपसा चेला काजे असु कह्यु, “मे माणसेन पुर्यु बणीन आय र्यु, ने मेसेक दुख झेलनु छे; डाहला ने भगवानेन डाहला पुजारा ने यहूदी-सासतुर सीकाडन्या माणसेन पुर्या काजे हेटु समजीन मार नाखसे, बाकुन तीनाक तीन दाहडां मां जीवतु हयन बठु हवणु छे।” 23 ईसु हेरे पछळ आवणे वाळा आखा काजे असु कह्यु, “कदी काहनुक मारे पछळ आवणे हींडे, ती आपणु नीकारु करनु पडसे। ने दाहडीन आपसु कुरुस हाकलीन मार पछळ आवणु पडसे। 24 काहाकी जु आपसु जीव बचाइने हींडे, चु तीनाक खुय देसे ने जु मारे वाटे आपसु जीव खुय देय, चु तीना जीव काजे बचाइ लेसे। 25 कदी माणस आखी कळीक हात कर लेय, ने आपसु जीव खुय देसे, नी ते आपसा जीवन नुकसाण हय, ती काय नफु जडसे? 26 कदी काहनुक मेसेक ने मारी वात काजे हव करीन मान्ने मां लाजवायसे; ती माणसेन पुर्यु आवण्यु बी तीनाक, तीने दाहडे तीनाक लाजवाडसे, जतयार चु आपसान, ने आपसा बासेन चुखला सरग वाळा काहवाळ्यान सेक-सींगार भेळु आवसे। 27 मे तुहुंक छाचलीन कहो की जां उबा हय र्या, तीनु माणसे मायन थुडाक असा माणसे छे, जे भगवानेन राज काजे देखे नी चां लग नी मरे।” 28 ईसु ज कय देदु ने अळी, आठेक दाहडाम, पतरस, युहन्ना ने याकुप काजे पुठ्ये लीन एक बयडा पर दुवा करने करीन चहड्यु। 29 ने जतयार ईसु दुवा करने बाजी रवळु, ततयार ईसुन मुंहडान सीकु बदली गुयु, ने तेरा पुथलया धवळा हयन, चमकणे बाजी गुया। 30 चे दुय अदमी मुसु ने एलीयु हतला, ने ईसु साते वात करने बाजी गुया। 31 ने उचकाणुन, दुय अदमी सेक-सींगार भेळा देखाय देदा, ने भगवानेन मरजीन अनसारे यरुसलेम मां हवणे वाळी ईसुन मरनेन बारामां वात वीच्यार करने बाजी रवला। 32 बाकुन पतरस ने पतरसेन साती जे घुरराटीन सुवणी बाजी रवला, चे हय पुरा जाग गुया, ती चे ईसुन सेक-सींगार काजे ने तीनु दुय अदमी काजे देख्या, जे ईसु पुठ्ये उबा हय रवला। 33 ने जतयार मुसु ने एलीयु ईसु धडे सी जाणे बाजी गुया, ती पतरस मन मां वीच्यार करे पाखुर उचकाणुन ईसु काजे असु कय देदु, “मालीक! जां रवणु हामरे वाटे कतरो वारु छे! हामु तीन तमबु ताणीन उबा कर देजे एक तारे वाटे, एक मुसा वाटे ने एक एलीया वाटे।” 34 चु पतरस ज कहणे बाजी रवळु, ती आदळो आयन तींदरे पर छावाय गुयो, ने चे आदळाम घेराय गुया करीन बीही गुया। 35 ने चे तीना आदळाम सी जे बुल सामळ्या, “हयत मारु लाटेकलु पुर्यु छे, ने हयत मारु नेवाडलु पुर्यु छे, तुहुं हेरी सामळीन मानु।” 36 जे बुल सामळायणु बंद हय गुयो ने अळी चां ईसु एखलु रय गुयु; ने चेला ज देखीन चेला हुगात रय गुया, ने चे ज काय बी देखला, तेरे बारामां, चे तीनु दाहडाम काहनाक बी नी कया। 37 दीसरे दाहडे जतयार चे बयडे सी उतर्या, ती एक बेसकु मटु माणसेन टुळु ईसुक भेळु हवणे आयु। 38 ने देखु, एक माणस तीना टुळाम सी आयडीन कह्यु, “मासतर! मे तारे धडे असी वीन्ती करो, मारा पुर्या पर दया करीन मदत कर, हयु मारु एकुत पुर्यु छे। 39 उचकाणुन, हेरे भुतडान आत्मा चसटी जाय, ने हयु उचकाणुन आयडी पडे; ने भुतडान आत्मा हीनाक पीळळीन नसटा खाची देय, ने ईना पुर्यान मुंहडाम सी फेसकडु आय जाय; ने हीनाक रंदळी रदळीन एला पाडे! 40 ने मे तारा चेला धडे असी वीन्ती करळु, मारा पुर्याम सी भुतडु नीकाळ दे; बाकुन तीनुक भुतडु नीकाळते नी आयो।” 41 ईसु जपाप आपीन असु कह्यु, “ए नी भुरसु करने वाळा ने नी मानने वाळा माणसे मे कां लग तुंदरे पुठ्ये रवीस ने तुंदरी वेठतु रवीस? तारा पुर्याक जां ली आव।” 42 पुर्यु ईसु धडे आवणे बाजी रवळु, ने भुतडान आत्मा तीनाक भुयमां आसटी देदु, ने मुयडीन नसटा खेच देदु, बाकुन ईसु भुतडान आत्मा काजे झीचकार्यु, ने ईसु तीना पुर्याक वारु करीन आपसा बासेन हातेम पछु आप देदु। 43 ने भगवानेन

जुरभरी ताकत देखीन आखा माणसे चकराय गुया। तत्पार आखा माणसे ईसुन छेल भातया काम काजे देखीन चकरायणे बाजी रवला; तत्पार ईसु आपसा चेलाक कह्यु, 44 “मे ज कहो च वारु हेर राख्जु, काहाकी माणसेन पुरयु माणसेन हाते हयून धरायणे वाळु छे।” 45 बाकुन जी वात चेला काजे समज मां नी आय। जी वात तींदरे सी सातायली रय, ने ज तीनुक समजाय तेलो नी। ने हेरा बारामां ईसु काजे पुछणे सी चे बीहतेला। 46 बाकुन आखा चेला असा पुछीन वातेम जखडी पडणी बाजी गुया, “आपणे मां आखाम मटु कुण छे?” 47 ने ईसु तींदरा मनेम वीच्यार काजे जाण लेदु, ने एक पुरया काजे साते बुलायु, ने तींदरे अगळ उबु करयु। 48 ने तीनु चेलाक असु कह्यु, “ज कुय मार नाव सी ईना पुर्यान आव-भाव करे, च मारो आव-भाव करे, ने ज मारो आव-भाव करे, च तेरो आव-भाव करे, जु मेसेक मकेल्लु छे काहाकी ज तुंदरे मां आखाम नानलु छे, चु आखाम सी मटु छे।” 49 युहन्ना कह्यु, “ए मालीक! हामु एक माणसेक तारे नाव सी भुतडाक नीकाळतेला देखला ने हामु तीनाक कह्या, तु हामरे पुठ्ये चाल, बाकुन चु हामरे पुठ्ये आववणे नी हींडतेलु, ने हामु तीनाक कह्या, ईसुन नाव सी भुतडाक मां नीकळे।” 50 ईसु युहन्नाक ने दीसरा चेलाक असु कह्यु, “तीनाक घुण रुकु काहाकी, ज तुंदरी वीरुद नी करे, च तुंदरे अळु छे।” 51 जत्पार ईसुन सरगे जाणेन टेम आय गुया, ती ईसु यरुसलेम सहर जाणेन पाक्कु वीच्यार करीन जाणे बाजी गुयु। 52 ने चु काहवाळ्यु तेरे अगळ मकल्यु; ने चे ईसुन रवणेन तजबु करने, करीन सामरीया माणसेन एक गांव मां भराया। 53 बाकुन सामरीया जीलान तीना गांव वाळा माणसे ईसुन आव-भाव नी कर्या, काहाकी ईसु चां मायन यरुसलेम सहर मां भगवानेन भक्ती करने जाणे बाजी रवला। 54 ने हेरा चेला याकुप ने युहन्नु ज देखीन असा कह्या, “ए मालीक! तु कहें ती हामु ज कय देजे की सरगे सी आकठी पड़ जां, ने हीनुक खत्तम कर दे।” 55 बाकुन ईसु पछु फीरीन तीनुक लड्यु, ने असु कह्यु, तुहं काहनी आत्मान साहरे असो कहणे बाजी र्या, जो तुहं मालुम नी हय काय? माणसेन पुरयु ते माणसेक मारने नी बाकुन बचाडने आवलु छे। 56 ने अळी चे आखा, दीसरा गांव मां जात र्या। 57 जत्पार ईसु ने तेरा चेला वाट्ये-वाट्ये जाणे बाजी रवला, तत्पार काहनसु ईसु धडे आवीन ईसुक असु कह्यु, “तु जां जासी चां, मे बी तारे पुठ्ये-पुठ्ये आवीस।” 58 ईसु कह्यु, “फुंदाळी खुखडी रहणे वाटे तींदरा दर छे, ने सरगेन चिरला वाटे रहवणे करीन तींदरा पुत्रा छे, बाकुन माणसेन पुरया वाटे मुणको मेलने लग जागा नी हय।” 59 काहनाक दीसरा काजे ईसु कह्यु, “मारे पछळ आव।” बाकुन चु कह्यु, “ए मालीक! मेसेक पेहेल मारा बासेक गाडी आवणे दे।” 60 ईसु तीनाक कह्यु, “तु जायन भगवानेन राजेन खुस-खबर सामळाव। मरला काजे आपणा मरला काजे गाडनी दे।” 61 एक अळी दीसरु आवीन ईसुक कह्यु, “ए

मालीक! मे तारे अनसारे चालीस, बाकुन मेसेक पेहेले मारा घरनया माणसेक अळाय आवणे दे।” 62 ईसु तीनाक कह्यु, “जु कुय हळ जुपणे करीन हळ धर लेय ने अळी पछु फीरीन देखे, चु भगवानेन राजेम भराये असो नी हय सके।”

10 हेरे पछळ मालीक सत्तर चेला काजे नेवाड्यु, जीनु-जीनु सहरेम ने गांव मां चु आपसु जाणे वाळु हतलु, चां दुय-दुय जणा काजे आपसा अगळ मकली देदु। 2 ने चु तीनुक कह्यु, “मेर ते बेसकी छे, बाकुन दाहडक्या थुडाक छे; अळी खेतेन मालीक भगवान धडे असो वीनूती कर्यु, तु आपसी मेर काटणे करीन दाहडक्या काजे मकली दे।” 3 मे तुहुंक लेंड्यान ईचमां गाडरान तसु मकलो। 4 अळी तुंदरे मायन कुय बी बटवु, ने थयलि, ने खासडा घुण ली जावु ने वाटे मां कुयबी वारु छे की करीन घुण कहवु। 5 तीना बी घर मां भरायसु, ती आखान पेहेले ज कहजु, ईना घर मां सुक-सांती आवणु चाहजे। 6 कदी चां कुय काजे सुक-सांती चाहती हय, ती तीना पर तुंदरी सुक सांती रवसे, नी ते ची सुक-सांती तुंदरे धडे पछी आवती रवसे। 7 तीनात घर मां बठी रवजु ने तेरे धडे जो हय, चो खाजु-पीजु; काहाकी दाहडक्या काजे दाहडकीन हळ छे। ईने घर ने पले घर घुण जावु। 8 तीना सहरेम जासु ने जे माणसे तुंदरो आव-भाव करसे ने जो काय तुहुंक खाणे आपसे, चो खाय लेजु। 9 चां वाळा मांदला माणसेक वारु करजु, ने तीनुक कवजु, भगवानेन राज तुंदरे धडे आय लागलो छे। 10 बाकुन कदी तुहुं काहना सहरेम जावु ने माणसे तुंदरो आव-भाव नी करे, ती तींदरा हाटेम जायन असा कहजु, 11 हामरा पायेम लागलु तुंदरा सहरेंन थुळु लग हामु तुंदरे अगळ झाटकी देजे। तेबी तुहुं ज जाण लेजु की भगवानेन राज तुंदरे धडे आय लागलो छे। 12 मे तुहुंक ज कहो, नीयावेन दाहडे सदोम सहरेंन माणसे सी तीना सहरेंन माणसेक जादा डंड जडसे। 13 ए खुराजीन सहरेंन माणसे! तुंदरे पर सराप पड़े! ए बेतसेदा सहरेंन माणसे! तुंदरे पर सराप पड़े! जे चकराये असा बेसका वारु काम तुंदरेम हवलो छे, कदी च काम सुर सहरेंन ने सेदा सहरेंन रवण्या माणसेन ईचमां हवतो, ती चे काय कत्यारुन गंटाट्या पांगरीन ने आपसा डीले पर रख्जु चुपडीन आपसा पाप भीणी सी मन फेरवीन भगवान भीणी हय जाता। 14 बाकुन नीयावेन दाहडे सुर सहरेंन ने सेदा सहरेंन कुहर्या माणसे सी तुहुंक अदुस डंड जडसे। 15 ने ए कफरनहुम सहरेंन माणसे! सरगे लग उचा हाकलाय जासु काय? नी, बाकुन तुहुं पाताळेम लग नेचा धकलाय जासु? (Hadēs 986) 16 “जे तुंदरी सामळीन माने, चे मारी सामळीन माने, ने जे तुंदरु नीकारु करीन तुहुंक नेचा समजे, चे मारु नीकारु करीन मेसेक नेचा समजे। ने जे मारु नीकारु करीन मेसेक नेचा समजे, चे तीना सरग वाळा बास भगवानेन नीकारु करीन तीनाक नेचु समजे, जु मेसेक मकेलु छे।” 17 सत्तर ने दुय चेला खुस हयून पछा आया ने असा कह्या, “ए मालीक! तार नाव सी भुतडान आत्मा लग हामरा हुकुम काजे मानीन हामरा हक

मां हय जाय।” 18 ईसु तीनुक असु कहयु, मे, भुतड़ा काजे वीजळीन तसु सरगे सी नेचु पड़तेलु देख रवलु। 19 सामळु! मे तुहुंक घडसा काजे ने ईछा काजे पाये तळे कुचरनेन हक आपलु छे, ने मे तुहुंक वेरी भुतड़ान आखा जुर पर बी हक आपलु छे। ने काहने बी भातये तुंदरो नुकसाण नी हवे। 20 बाकुन तेबी भुतड़ान आत्मा तुंदरु हुकुम मानीन तुंदरा हक मां छे, करीन तुहुं खुस घुण हवजु, बाकुन भगवान तुंदरु नाव सरगेम लिख र्यु, करीन खुस हवजु। 21 तीनेत टेमे चुखली-आत्मान साहरे ईसु बेसकु खुस हय गुयु, ने कहयु, “ए बास! सरग ने धरतीन मालीक! मे तारा नावेन गुण गावो, काहाकी तु ईनी आखी वात काजे अक्कल वाळान ने हुनर वाळा सी सातीन मेल र्यु, ने डेड़-अकल्या पुर्या अगळ उजेंती कर्यु। हव, ए बास! तुसेक ज वारु लागे। 22 “मारु भगवान बास मेसे आखो काय आप देदलु छे। बाकुन भगवान बासेक छुडीन ज कुय बी नी जाणे की पुर्यु कुण छे, ने पुर्या काजे छुडीन कुय बी नी जाणे की भगवान बास कुण छे। बाकुन चे माणसे अतरात जाणसे तीनुक पुर्यु जी वात उजेंतु कर देसे।” 23 तत्पार ईसु चेला भीणी पछु फीरीन कळ्येन तीनुक कहयु, की तुंदरेन तसा ईनी वात काजे देखणेवाळा बरकतवाळा छे। 24 काहाकी मे तुहुं काजे कहो की, जी वात तुहुं देख्या ने सामळ्या चे बेसका खरा भगवानेन अधी सी आवणे वाळी वात बताइने वाळा ने राजा देखणे ने सामळने हींडतेला बाकुन चे नी देख्या ने नी सामळ्या। 25 ने एक दाहडु यहूदी सासतुर सीकाइनुय ईसु धडे आयु, ने ईसुक पारखणे करीन ज च पुछ्यु, “ए मास्तर! अमर जीवाय हात करने करीन मे काय करो?” (aiōnios 9166) 26 ईसु तीनाक जपाप आप्यु, मुसान चुखला सासतुर मां काय लिखलो छे, तु काय भन्यु ने समजु। 27 यहूदी-सासतुर सीकाइनुयु जपाप आप्यु, “की तु आपणा मालीक भगवान काजे आपणो आखो लागाडीन, ने आपणो आखो जीव, लागाडीन, ने आपसु आखु जुर लागाडीन, ने आपसी आखी अक्कल लागाडीन परम कर। ने तार साते वाळा सी आपणेन तसु परम कर।” 28 ईसु तीनाक असु कहयु, “तु वारु जपाप आप्यु, चत कर, ती तुसेक अमर जीवाय जडसे।” 29 बाकुन चु यहूदी-सासतुर सीकाइने वाळु आपसाक धरमी कहवाइनेन हेर करीन ईसुक दीसरु सवाल पुछ्यु, “मार धडे वाळु कुण छे?” 30 ईसु तेरा सवालन जपाप मां तीनाक जी काहनी सामळायु, “एक दाहडु एक माणुस यरुसलेम सी यरीहो सहर भीणी जाणे बाजी रवलु। वाट्ये डाकु तेरे धडे सी पेहरला पुथल्या हापकी लेदा ने तीनाक बेसका ठुक्या, ने अदमरतु नाखदीन जात र्या।” 31 ने अळी एक पुजारु तीने वाट्ये नीकळ्यु ने चु तीना माणुस काजे देख्यु ती चु टळीन अगु जात र्यु। 32 अळतेन एक लेवी बी तीने वाट्ये मायन नीकळ्यु। जत्पार चु तीना माणुस काजे देख्यु, ती धडे आयु, ने तेरे भीणी मामार देख्यु। ने चु बी आडु देखीन अगुत जात र्यु। 33 हय एक तीसरु माणुस चां आयु, चु आपणा माणसे

मायन बी नी हतलु। बाकुन चु सामरी जीलान एक अंजाण्यु माणुस हतलु। जत्पार चु लुटाथला माणसेक देख्यु तत्पार चु तेरे पर दया कर्यु। 34 चु तेरे धडे आयु, तेरा घाव पर अंगुरेन रस लागाइयु ने तेल चुपडीन पट्टी बांद्यु ने अळी चु तीना माणुस काजे आपसा गदड़ा पर बठाडीन एक धरम साळा मां ली गुयु, चां चु अळी तेरी सेवा-चाकरी कर्यु। 35 दीसरे दाहडे चु धरम-साळान मालीक काजे दुय रुप्या आपीन कह्यु, “ईना माणसेन वारु चाकरी करजी ने कदी जादा रुप्या लागे ती मे पछु आवणेन टेमे तुसेक आप दीस।” 36 ईसु जी काहनी पुरी कयन तीना यहूदी-सासतुर सीकाइने वाळा काजे पुछ्यु, तीनु तीन माणसे मायन कुण तीना डाकुन साहरे ठुकायला माणसेक खरलु परम देखाडीन धडे वाळु बण्यु, “तीनाक चुट्टा लुट लेदला?” 37 यहूदी सासतुर सीकाइनुयु, जपाप आप्यु, “जु तेरे पर दया कर्यु, चु तीना डाकुन साहरे ठुकायला माणसेक खरलु परम देखाइयु।” ईसु तीनाक कहयु, “जां ने तु बी तेरेन तसुत करा।” 38 ईसु वाट्ये चालतु-चालतु एक गांव मां गुयु, ने मारथा नावेन एक बायर ईसु काजे आपसे घर ली जायन आव-भाव करी। 39 ने मारथान एक बहणीस हतली तेरो नाव मरीयम हतलो, ची मालीक ईसुन पाय मां बसीन तेरी वात सामळतेली। 40 बाकुन मारथा काम करी-करीन घाबराय रवली। ती ची ईसु धडे आवीन असी कही, “ए मालीक! तुसे मारी ईतरीक बी फीकुर नी हय काय, मार बहणीस आखो काम करने वाटे मेसे एखलीत छुड़ देदी। तीनीक कय दे की, मारी मदत करे।” 41 मालीक ईसु तीनीक जपाप आप्यु, “ए मारथा! ए मारथा! तु बेसकी वातेन बारामां फीकुर ने हरबड़ करने बाजी रय। 42 बाकुन तारेम एक वातेन कसर छे, ने मरीयम तीनी एक वारलु वातेक नेवाइ लेदली छे, जी वात तेरे धडे सी कुय नी हापके।”

11 एक कावा ईसु दुवा करने एक जागा पर दुवा करने बाजी रवलु। ने जत्पार चु दुवा कर लेदलु, ती तेरा चेला मायन एक चेलु तीनाक असु कह्यु, “ए मालीक ईसु! जसु बपतीस्मा आपण्यु युहननु आपसा चेलाक दुवा करने सीकाइयु। तसुत तु बी हामुक दुवा करने सीकाइ।” 2 ईसु तीनु चेलाक कह्यु, जत्पार तुहुं दुवा करु, ती तीनी टेमे असा दुवा करजु: ए भगवान बास: तारो नाव चुखलो मानायणु चाहजे; आखा माणसेम तारो राज आवणु चाहजे। 3 दाहडीन, हामुक चाहजे ततरोत खाणो हामु काजे आप्या कर। 4 ने हामरा पाप काजे माफ कर, काहाकी हामु बी हामरा गुनेगार काजे माफ कर्या। अळी हामुक पारख मां घुण पाड़े। 5 ईसु तीनुक अगु कहतु गुयु, “मान लेवु की, कदी तुंदरे मायन कुयन एक दुस्तीदार साते हय, ने तु तेरे भीणी आधली राते तेरे धडे जायन कहवे, ए दुस्तीदार, मेसे तीन रुटा उधार लायन दे।” 6 काहाकी मारु एक दुस्तीदार बेसके नांभे सी मेजवान्यु आवलु छे, तीनाक ते खावाइने वाटे मारे धडे काय बी रुटा नी हय। 7 ने चु घरमां सी जपाप आप्यु की, मेसे दुख मां देय, हय ते बारनो बंद छे, ने पुर्यु बी मारे

भेळु सुवणे बाजी र्यु। तैरेसी मे उठीन तुसे काय बी नी आप सको। 8 मे तुंदरे सी कहो की, चु तेरु दुसृतीदार हवणे पर बी तीनाक उठीन नी आपे। ती बी सरम छुडीन मांगणेन वजे सी तीनाक जतरा रुटान जरुवत छे, ततरा रुटा उठीन आपसे। 9 मे तुहुंक कहो की, मांगसु ती तुहुंक आपसे। ने हेरसु ती तुहुंक जड़ी जासे। ने बारनो ठुकसु ती तुंदरे वाटे उघडी जासे। 10 काहाकी जत्थार जु कुय मांगसे, ती तीनाक आपसे। जे कुय हेरसे ती तीनाक जड़ी जासे। ने जु कुय बारनो ठुकसे, तेरे वाटे खुली जासे। 11 “मान लेवु, तुहुं एक बास छे ने तुंदरु पुर्यु तुंदरे धडे माछा मांगे, ती काय तुहुं तीनाक घडसु आपसु? 12 कदी चु तुंदरे धडे आंडा मांगे, ती काय तुहुं तीनाक इछु आपसु। 13 कदी तुहुं भुंडा ह्यन बी तुंदरा पुर्याक वारलु चीज आपणे जाणु, ती सरगेन बास आपणा मांगणे वाळाक चुखली-आत्मा काहा नी आपे? चु मांगणे वाळाक आपसे।” 14 ईसु एक गुंगा करने वाळी भुतडान आत्मा काजे नीकाळने बाजी रवलु। भुतडान आत्मा नीकळी गुय ती गुंगडु बुलने बाजी गुयु। तीनाक देखीन माणसे चकराय गुया। 15 बाकुन तुंदरे मायन थुडाक माणसे कह्या, की जुते भुतडान मुख्या बालजबुलेन मदत सी भुतडान आत्मा काजे नीकाळे। 16 थुडाक माणसे ईसु काजे पारखणे वाटे तेरे सी सरगेन एक सहलाणी मांग्या। 17 ईसु तींदरा मनेन वीच्यार जाणीन तीनुक कह्यु, तीना देस मां बेरजु पड़ जाय, ती च देस टीक नी सके ने, उजडी जाय, ने तीना घर मां झगडु हय जाय, ती च घर खत्तम हय जाय। 18 कदी भुतडु आपसान वीरुद करने बाजी जाय ती, भुतडान राज कसु चालसे? थुडाक सुचु ते खरा, काहाकी तुहुं मार बारामां ज कय र्या की तु भुतडान मदत सी भुतडान आत्मा काजे नीकाळ र्यु। 19 कदी मे भुतडान मदत सी भुतडान आत्मा काजे नीकाळो, ती तुंदरा पुर्या कुणीन मदत सी भुतडान आत्मा काजे नीकाळे? हेरेसी चेत तुंदरु हीसाब लीन तुंदरु नीयाव करसे। 20 बाकुन कदी मे भगवानेन ताकत सी भुतडान आत्मा काजे नीकाळो, ती तुहुं हय ज जाण लेवु की भगवानेन राज तुंदरे ईचमां आय गुयलो छे। 21 “जत्थार एक ताकतवाळु माणुस हत्थार हातेम लीन तेरा घरेन राखवाळी करे, ती तेरो माल-धनेक चुट्टा नी ली जाय, ने तेरो आखो माल-धन बच रवे।” 22 बाकुन कदी कुय तेरे सी जादा ताकतवाळु माणुस दवडीन तेरे धडे आवीन तेरे साते लडाय करीन तीनाक जीत लेय, ने तीना ताकतवाळा माणुस धडे सी, च आखो हत्थार हापकी लेय, तीनु हत्थार पर चु भुरसु करतेलु, ने तेरो माल-धन लुटीन दीसरा माणसे वाटी देय। 23 “जु मारे पुठ्ये नी हय, चु मारु वीरुद मां छे, ने जु मारे साते भेळो नी करे, चु खुय देय।” 24 जत्थार भुंडली भुतडान आत्मा काहनाक माणुस मां सी नीकळीन जाय, ती चु आराम करने करीन, सुकला जागाम, जागा हेरती हीडे, ने जत्थार आराम करनेन जागा नी जडे ती ची कहवे की मे मारा तीना घर मां पछी जाती रयस, चां सी नीकळीन आवली छे। 25 ने चु भुतडु पछु

आवीन देखे ती तीनाक च घर झाटकीन बाहरलो ने सींगारलो देखे। 26 ती ची भुंडला भुतडान आत्मा पछी जाती रवे ने जायन तेरे पुठ्ये सात कुहरया भुतडा काजे भेळा करीन ली आवे। ने तीनु माणसेम आवीन भराय जाय ने चु माणुस पेहेले सी बी जादा बीगडी जाय, 27 ईसु जी वात कहवणे बाजी रवलु, तत्थार गडदी मां सी काहनीक बायर ईसु धडे आवीन जुर सी आयडीन, कय की तुसे पयदा करीन मटु करने वाळी, “बरकतवाळी छे ने चे धाया जे तु धायु।” 28 बाकुन ईसु तीनी बायरीक कह्यु, “हव, तु वारलु वात कय; बाकुन चे जादा बरकतवाळा छे, चे भगवानेन वात सामळीन तेरी माने।” 29 जत्थार तेरे चारेमेर बेसका माणसे भेळा हय गुया, तत्थार ईसु कहणे बाजी गुयु, ईनी पीडीन माणसे पापी छे! जे सहलाणी हेर र्या, योनान सहलाणीक छुडीन ईनुक काहनी बी सहलाणी नी जडे। 30 जसु योना नीनवे सहर मां रवणया माणसे धडे एक सहलाणी बण गुयलु। तसुत माणसेन पुर्यु बी ईनी पीडीन माणसे धडे एक सहलाणी बण जासे। 31 नीयावेन दाहेडे दखणाव सी राणी ईनी पीडीन माणसे भेळी उठसे ने हीनुक गुनेगार ठेहरावसे, काहाकी ची सुलेमानेन अक्कल भरी वात सामळने करीन धरतीन काकडेन छेव सी आवली, ने सामळ! जां ते सुलेमान सी बी वदु अक्कल वाळु उबु हय र्यु। 32 नीयावेन दाहेडे नीनवे सहेरेन माणसे ईनी पीडीन माणसे भेळा उठसे ने ईनुक गुनेगार ठेहरावसे, काहाकी चे योनान मुंहेडे जुर सी कहवली भगवानेन वात सामळीन, पाप भीणी सी मन फेरव्या, ने देखु! जां ते योना सी बी बेसकु मटु भगवानेन वात सामळावण्यु छे। 33 कुय बी दिवु धपाडीन तळ घरेन सातायली जागा मां नी मेले, ने कांगणी तळे नी मेळे बाकुन दिवा काजे दीवाळ्या पर मेले, हेरेसी की घर मां आवणे जाणे वाळा काजे वीजाळो जडे ने वारु देखाये। 34 तुंदरा आखान डीलेन दिवु तुंदरा डुळा छे, हेरेसी तुंदरा डुळा वारु देखे ती तुंदरो आखो डील बी चुखो देखाये बाकुन जत्थार तुंदरा डुळा वारु नी देखे ती तुंदरो डील बी आंदारला मां छे। 35 हेरेसी मे तुहुंक कहवो चेतनीन रवु-कांखुर मायन जो वीजाळी तुंदरेम छे, चां आंदारो ते नी हय जाय। 36 कदी तुंदरो आखो डील वीजाळाम रवे ने तेरु काहनु बी भाग आंदारला मां नी रवे, ती चो आखो डील वीजाळाम भराय रवसे, “जसु काहनु बी दिवु धपीन आपसा वीजाळा काजे छुडीन आखे दुर वीजाळो कर देय।” 37 जत्थार ईसु वात बताइयु ती काहनुक फरीसी माणुस लीलघायन कह्यु “मारेनचां रुटा खाणे चाल” ने ईसु तेरेनचां जायन रुटा खाणे बठ्यु। 38 बाकुन ईसु हात धुयन खाणे नी बठ्यु, करीन चु फरीसी माणसे चकराय गुया ने तीनाक वारु नी लाग्यो। 39 मालीक ईसु तीना फरीसी माणसेन वीच्यार जाणीन तीनाक कह्यु, “तुहुं ते कटवरा ने तळी काजे उपर सी वारु मांजु, बाकुन तुंदरा हीया-मन मां लुच्याय ने भुतडान आत्मा भरायली छे।” 40 ए डेड-अकल्या माणसे! जु भगवान बाहर वाळु अंग बणायु, चु माहें वाळो अंग नी बणायु काय? 41

बाकुन ती ज माहें छे च भुकला काजे दान कर देवु, ती तुंद्रे वाट्ये आखो चुखो हय जासे। 42 बाकुन फरीसी माणसे! तुंद्रे पर गरा आय पड़े! काहाकी तुहुं पुदीनान ने सुदाब नावेन जड़ा बुटीन दसवु हीससु, ने भाती-भातीन भाजी-पालान दसवु हीससु बी आपे ते खरा, बाकुन भगवानेन नीयाव ने परम काजे टाळ देवु; तुहुंक ते जे दुय काम करता खणु हतलो ने काहनी बी वात नी टाळनु हतलो। 43 ए फरीसी माणसे! तुंद्रे पर गरा आय पड़नु चाहजे! काहाकी तुहुंक भगवानेन भक्तीन घर मां बसणे करीन खास गादी चाहजे ने हाटेम वारु छे की? करीन पुछणया चाहजे। 44 तुंद्रे पर गरा आय पड़ने चाहजे! काहाकी तुहुं तीनु मसाणेन तसा छे, जे देखाव नी पड़े, “ने तीनु मसाण पर माणसे हींङे-फिरे बाकुन तीनुक पतु नी चाले की जां मसाण छे।” 45 ज सामळीन एक यहूदी धरमेन कायदा सीकाड़न्यु, ईसु काजे कह्यु, “ए मास्तर! असी वात कयन हामरी नाव-बददी कर र्यु।” 46 ईसु कह्यु, ए यहूदी धरमेन कायदान मास्तरया! तुंद्रे पर गरा आय पड़नु चाहजे! काहाकी तुहुं माणसे पर नेम-कायदा पाळनेन बुज नाख देवु ने तीनुक भारलो हाकलाड़े बाकुन हाकलने करीन आपसान आंगळी ईतरीक बी नी लागडु। 47 तुंद्रे पर गरा आय पड़नु चाहजे! काहाकी तीनु, भगवानेन अधी सी आवणे वाळी वात बताड़ने वाळा माणसे काजे तुंदरा डाहा-डाहा मार देदला। तुहुं ते तींदरा मसाण बांदिन गातु बणावु। 48 अतरे तुहुं ईनी वातेन गवाय देवु, ने आपसा डाहा-डाहा असला काम सी राजी छे; काहाकी चे तीनाक मार नाख्या ने तुहुं तींदरा मसाण बणायन बांदु, ने तींदरु गातु बणावु। 49 हेरेसी भगवानेन अक्कल बी कह, मे हींद्रे भीणी भगवानेन अधी सी आवणे वाळी वात बताड़ने वाळा माणसे काजे ने मारा नेवताळा काजे मकलीस; ने चे तीनु मायन बेसका काजे मार देसे, ने बेसका काजे वेला पाड़से। 50 जी धरती बणने सी पेहलुत, सी भगवानेन अधी सी आवणे वाळी वात बताड़ने वाळान लुही उहवाड्यु। तींद्रे आखा सी लेखु ईनी पीडीन माणसे सी लेसे। 51 धरमी हाबील सी लीन जकर्यान लग लुही चुहवाड्या, तीना जकर्या काजे वेदीन मंदीरेन ईचमां मार देदला, तुहुंक छाचलीन कहो की तींदरु लेखु ईनी पीडीन माणसे सी लेसे। 52 “यहूदी धरमेन कायदान मास्तरया! तुंद्रे पर गरा आय जाणु चाहजे! काहाकी तुहुं भगवानेन अकलेन कुची ते ली र्या, बाकुन तुहुं खुद ते नी भराया ने दीसराक बी नी भरायणे देदा।” 53 जतयार ईसु तीना घर मां सी नीकळ्यु जे यहूदी-सासतुर सीकाड़न्या ने फरीसी माणसे कीचवायन ईसु पळळ पड़ गुया ने बेसकी वात पुछीन वेला पाड़न्या झूम गुया। 54 काहाकी चे ईसुन मुंहडा सी नीकळने वाळी वात धरीन, फसाड़नेन तीयारी मां हतला।

12 तीनी टेमे हुडु-हुडु माणसे भेळा हय गुया, ने माणसे, माणसे पर हीटी पड़े असा हय जातला। ततयार ईसु आखान पेहेल आपसा चेलाक कहवणे बाजी गुयु, फरीसी माणसेन ढंगड़ा सी चेतनी रवजु। 2 असो काय बी सातायलो

नी हय, ज्य उघडीन उजेंतो नी हवे, असो काय बी ढाकायलो नी हय ज कुय काजे मालुम नी पड़े। 3 हेरेसी जी वात तुहुं आंदरला मां कहवला छे, ची वात वीजाळा मां सामळायसे ने जी वात तुहुं घरेन कपरा मां कुर-कुर कान्टा मां सामळया हय ची वात घर पर उपर चहडीन परचार कहवसे। 4 मे तुहुं मारा दुस्तीदारया काजे कहो-जे माणसे तुंदरा डील अतरात नुकसाण करे ती तींद्रे सी मां बीहु। बाकुन चे ते अळी अगा काय बी नी बीगाडु सके। 5 मे तुहुंक देखाड़ो की कुणी सी बीहणु चाहजे। भगवान सी बीहु, तेरे धड़े मारीन ने नरक मां नाखणेन बी हक छे। हव, मे तुहुंक अळी-अळीन कहो की-तीना सी अतरात बीहु! (Geenna 9:1067) 6 “दुय पयस्या मां पांच घीनचीड़ा नी वेचाये काय?” तेबी भगवान तींद्रे मांयन एक काजे बी नी ईसरे। 7 हव, तुंदरा मुणकान आखा कान्या बी गीणायला छे, तेरेसी मां बीहु काहाकी तुंदरु भाव ईनु घीनचीड़ा सी अदु छे! 8 मे तुहुंक कहो काहनु बी माणुस मेसेक दीसरा माणसे अगळ मेसेक मान लेसे। तीनाक माणसेन पुरसु बी भगवानेन सरग वाळा काहवाळ्या अगळ मेसेक मान लेसे। 9 बाकुन जु माणुस मेसेक दीसरा माणसे अगळ नीकारु करसे, तीनाक मे बी भगवानेन सरग वाळा काहवाळ्या अगळ नीकारु कर दीस। 10 “जु माणसेन पुरयान वीरुद मां कायबी कवसे, तीनाक माफी जड़ जासे, बाकुन चुखली, आत्मान नाव-बददी करने वाळा माणुस काजे कदी माफी नी जड़े। 11 “जतयार माणसे तुहुंक भगवानेन भक्तीन घर मां, ने नीयाव करन्या ने राज करन्या अगळ घीसीन ली जासे, ती ईनी वातेन फीकुर घुण करु की हामुक कसा आपसा काजे बचाड़ने करीन अगा हयन काय कवसुन; 12 काहाकी तीनीत टेमे चुखली-आत्मा तुहुंक सीकाड़से की तुहुंक काय-काय कहवणु चाहजे।” 13 एक दाहडु माणसे ईसुन वात सामळने बाजी रवला। ततयार टुळा मां सी एक अदमी ईसुक कह्यु, “ए मास्तर! मारा भाय काजे कय दे की चु मेसेक तीना माल-धन मायन मारु वाटु आप देय, तीना माल-धन काजे हामरु बास मरनेन टेमे हामरे धड़े रहणीदीन जाती रवलु।” 14 ईसु तीनाक कह्यु, “ए माणुस! मारे धड़े तारु नीयाव करनेन ने वाटु पाड़नेन हक नी हय, काहाकी मेसेक कुय नी कहयो की मे तुंद्रे दुय जणान ईचमां रयन हींद्री चीजेन वाटा पाड़ दे।” 15 ततयार ईसु तीना माणसे काजे कह्यु, चेतनी रवु ने हायाळ्ळा मां बणु! कुय अदमी कतरु बी लकपती हय, “तेरो मतलब ज नी हय की तेरी उमर वदी जासे।” 16 ततयार ईसु तीनुक एक अमीर अदमीन दाखलु सामळायु: “एक मालदार अदमी धड़े एक खेत हतलो; तेरे मां बेसकी मेर पाकी।” 17 चु अमीर माणुस आपसा मन मां असु वीच्यार कर्यु, मारी आखी मेर मेकणे वाटे मारे धड़े कणगी नी हय। 18 ती चु कह्यु, मेसेक मालुम छे की मे काय कर सको मे जुन्ला कणग्या काजे वेखडी दीस, ने तींद्रे सी मटा कणग्या बणायस। ततयार मे मेर ने रवली आखी चीज तींद्रे मां मेकीस। 19 ने मे मारा जीव काजे

कवीस तारे धड़े बेसका साल लग, बेसको धन भेळो करलो
छे, हेरेसी आराम कर, खा-पी ने मुजा कर! 20 बाकुन भगवान
तीना अदमी काजे कह्यु, ए डेड-अकल्या! ईनीत राते तारु जीव
तारे धड़े सी मांग लीस ने तु मर जासी ने तु जो आपसा वाटे
भेळो करलु छे, च आखो हय कुणीन रवसे? ने हय कुण ईनी
चीजेन मुजा लेसे? 21 जु दाखलु कयदीन ईसु अगु कह्यु, “जु
आपसा वाटे धन भेळो करे, चु माणुस बी हेरे डेड-अकल्यान
तसु मरीन सर जासे; बाकुन भगवानेन नींगा मां चु अमीर नी
हय।” 22 चु हेरा चेला काजे कह्यु, हेरेसी मे तुहुं काजे कहो,
काय खायून जीवसु, ने डील पर काय पेहरसुन करीन फीकुर
घुण करु। 23 काहाकी जीव खाणा सी वदु महंगलो छे ने डील
पुथल्या सी महंगो छे। 24 कागळान बारामां वीच्यार करु; चु
नी ते वेरे, नीते काटे, ने नी ते तींद्रे धड़े दाणा मेकणे कणग्या
हय; तेबी भगवान तीनुक पेट भरीन खावाड़े। तुहुं चिरला सी
बेसका महंगा छे। 25 तुंद्रे मायन असु कुण छे, जु फीकुर करीन
आपसी जीवायून ईतरीक बी उमर बड़ाय सके? 26 कदी तुहुंक
अतरो नानो काम बी करता नी आवड़े, ती अळी दीसरी वातेन
फीकुर काहा करु? 27 बयडा मायन फुलेक देखीन वीच्यार
करु; हये कसाक अदे! ने हये नी मेहनत करे, ने नी दुरा काटे,
तेबी मे तुहुंक कहवो की सुलेमान राजाक बी आपसा पुरा ठट
मां ईनु फुलेन तसा पुथल्या पेहरीन वारु नी। 28 तरेमां कदी
भगवान खळदाण मायन चारा काजे, जो आज छे ने वाहणे
सुकीन चुल्हा मां धपणे वाटे हय जासे। तेबी असा पुथल्या
पेहरावे ती ए कम भुरसा करने वाळा, ती चु तुहुंक काहा नी
वारलु पुथल्या पेहरावसे? 29 अळी काय खासुन ने काय पीसुन
करीन खाणे-पीणेन हेर मां करु ने काहनी बी वातेन फीकुर
मां करु। 30 ईनी कळीन माणसे ईनी आखी चीजेन फीकुर
मां पड़ता रवे। बाकुन तुंदरु सरगे मां रहण्यु बास जाणे की
तुहुंक काय-काय चाहजे। 31 बाकुन तुहुं भगवानेन राजेन हेर
करु, ती तुहुंक जी चीज बी जड़ जासे। 32 ए नानला टुळा!
बीहु मां, काहाकी तुंदरु बास तुहुंक राज आपणे करीन खुस
छे। 33 आपणो धन वेच देवु, ने दीसरा गरीब माणसे काजे दान
कर देवु। आपणे वाटे असा बटवा तीयार करु, जे कदी जुना
हयून फाटे नी। सरगे मां आखो धन भेळो करु, जो कमी नी
हवे, ने तेरे धड़े चुरी करने चुट्टु नी जाय सके। ने तीना धनेक
थयलि काटण्यु कीडु नी खाय। 34 काहाकी चां तुंदरो धन छे,
चां तुंदरो मन बी रवसे। 35 “तुंदरी कमर वारु कसीन बांदली
रवणु चाहजे, ने तुंदरा दिवा धपला रवणु चाहजे। 36 तुहुं तीनु
माणसेन तसा बणी जावु, जे हामरु मालीक ईयाव मां सी पछु
कतयार आवसे करीन वाट देख र्या, ने जतयार तींदरु मालीक
ईयाव करीन पछु आवीन बारनो ठुके ती चु उतवाळुस तेरे वाटे
बारनो उगाड़ देय। 37 वारलु छे चे चाकरी करन्या, तीनुक
मालीक आवे, ततयार जागला देख्यु। मे तुहुंक छाचलीन कहो
चु मालीक आपसु कमर बांदीन वारती बणी जासे ने तीनुक

खाणे बठाइसे ने एक-एक जणा काजे खाणु वाटीन खावाइसे।
38 ने बेसका वारु छे चे चाकरी करन्या, जतयार मालीक आधी
राते ने कुकड़ा वासणीक आवे, ततयार तीनुक असात जागला
देखे! 39 तुहुं ज ते वारु रीते जाणु-की कदी घर धेणी काजे
मालुम रवे की चुट्टु काहने टेमे आवसे, ती चु आपसा घर मां
चुरी नी हवणे देय। 40 तुहुं बी तीयार रवु, काहाकी तीने टेमे तुहुं
तेरा आवणेन बारामां वीच्यारु बी नी, तीनेत टेमे माणसेन पुर्यु
बी आवसे।” 41 ततयार पतरस तीनाक कह्यु, “ए मालीक! तु,
जु दाखलु हामरे वाटे कय र्यु, की आखा वाटे कय र्यु?” 42
मालीक कह्यु, “असु कुण ईमानदार ने अक्कल वाळा जुगाड़-
करन्यु माणुस छे, तीनाक तेरु मालीक आपसा पावर्यान मुख्यु
बणावे ने कहें की तु मारा पावर्याक खाणे-पीणेन चीज टेमे-टेमे
आप्या करजी?” 43 वारलु छे चु चाकरी करन्यु, तेरु मालीक
आवे, ततयार चु तीनाक सुपरुत करलो काम करतेलु देख्यु, 44
मे तुहुंक छाचीन कहवो-चु मालीक तीनाक, आपसा आखा माल
धन पर मुख्यु बणावीन ठेहरावसे। 45 बाकुन कदी चु चाकरी
करन्यु आपसा मन मां वीच्यार करने बाजी जाय, मारु मालीक
आवणे मां वार लागाड़ र्यु, करीन चु दीसरी पावरनी काजे
ने पावर्या काजे ठुकणे, ने खाणे-पीणे ने दारु पीन छाकणे
बाजी जाय। 46 ती तीना चाकरी करन्यान मालीक असलेस
दाहड़े आवसे जतयार चु तेरी वाट नी देख र्यु हय ने असलेत
टेम मां आवसे ची टेम तीनाक समज मां नी आवे। मालीक
तीनाक बेसकी मटी डंड आपसे ने नी भुरसा करे असला भेळु
भेसकी देसे। 47 “आपणा मालीकेन मरजी जाणीन बी चु
चाकरी करन्यु, मालीकेन मरजीन अनसारे काम नी कर्यु, अळी
चु बेसकु कायनी मार खासे।” 48 बाकुन जु मालीकेन मरजी
जाणे पाखुर गलत काम कर्यु, चु तेरे सी थुडुक मार खासे। ने
तीनाक बेसको आपलो छे, तेरे धड़े बेसको मांगसे, ने तीनाक
बेसको आपलो छे तेरे धड़े तीनाक आपला सी वदु मांगसे। 49
मे धरती पर आकठी लीन धपाइने आवलु छे, ने मारी हेर जी छे
की जी आकठी हय माणसेन जीवाय मां धपी जाय ती बेसको
वारु हय जाय। 50 मेसेक ते एक अळी बपतीस्मा लेणु छे, ने
चो बपतीस्मा नी लेवाये, ती लग मे कांदरायलु रवीस। 51 मे
धरती पर सांती लीन आवलु छे, तुहुं असो समजी र्या काय?
मे तुहुं माणसेक अलग-अलग करने आवलु छे। 52 काहाकी
हय सी कदी, एक घर मां पांच जणा हसे, ती तींद्रे मायन तीन
जणा दुय जणान वीरुद करसे, ने चे दुय जणा तीनु तीन जणान
वीरुद करसे। 53 बास आपसा पुरयान वीरुद करसे, ने पुर्यु
आपसा बासेन वीरुद करसे, माय आपसी पुरेन वीरुद करसे,
ने पुरे आपसी मायन वीरुद करसे। सासुस आपसी उहडीसेन
वीरुद करसे, “ने उहडीस आपसी सासुसेन वीरुद करसे।” 54
ईसु तेरे पछळ आवणे वाळा बेसका माणसे काजे कह्यु, “कदी
तुहुं बुडवणा सुदा सी आदळा नीकळते देखु, ती ततयार कहुं,
‘की पाणी आवसे’ ने असोत हवे बी।” 55 जतयार दाखणाव

सुदे सी वाहळो आवे, ती कहुं की, आंधी आवसे ने असोत हवे। 56 ए ढंगडा करन्या ढंगी! तुहुं सरगेम हवणेवाळी ने, धरती पर हवणेवाळी वात बेसका वारु आकणी लेवु, ती ईनु दाहडाम काय हय र्यो च काहा नी आकणता? 57 तुहुं आपसा जीव सी काहा नी वीच्यारतु की सय काय छे? 58 जत्यार तुहुं आपसा दुसमन दाहडे वारु करलु। यहुदी-माणसे आराम करनेन दाहडे काहानो पठ्ये जेल मां जाणे बाजी र्या हय, ती वाटे तरे साते वीच्यारीन झगडु भांग लेवु। कांखुर मायन असो नी हय जाय की चु तुहुंक नीयाव करने वाळान भीणी ली जाय, ने नीयाव करन्यु तुहुंक, सीपायडान हात मां कर देय, ने सीपायडा तुहुंक जेल मां कुंड देय। 59 मे तुहुंक कहुं, “जत्यार लग तुहुं एकेक पांचपाय नी आप देवु तत्यार लग चां सी नी नीकळाये।”

13 तीनी टेम मां थुडाक माणसे ईसु काजे तीनु गलील ईलाकान माणसेन बारामां कहवणे आय गुया, चे यरुसलेमेन मंदीर मां जनवार्या मारीन बादा चडावणे आवला, पीलातुस तीनु सीपायडान साहरे मारायन तींद्रो लुही तींद्रा बादा चडावला जनवार्यान लुही मां भेसकी देदलु। 2 ईसु तींद्री खबर सामळीन तीनुक कह्यु, “गलील ईलाका मां रवण्या दीसरा आखा माणसे सी ज माणसे जादा पापी हतला, ने एरेन करीन हींद्रे पर गरा आय पडी, असा तुहुं समजी र्या काय। 3 मे तुहुंक कहो, असो हय; बाकुन कदी तुहुं पापेम सी मन फेरवीन भगवान सुदा नी अळु, ती आखा हींद्रेन तसात मरीन सर जासु।” 4 चे दुय कम वीस माणसे पर सीलोम नावेन मुंडेरी पडी ने दडपायन मर गुया, चे यरुसलेम सहर मां रवण्या दीसरा माणसे सी जादा गुनाळा हतला, असा तुहुं समजी र्या काय? 5 मे तुहुंक कहो असो नी हय; बाकुन कदी तुहुं पापेम सी मन फेरवीन भगवान सुदा नी अळु, ती आखा हींद्रेन तसात मरीन सर जासु। 6 ती ईसु ज दाखलु सामळायु, “काहनाक माणसेन अंगुरेन वाडी हतली, तीनी अंगुरेन वाडी मां एक अंजीरेन झाडको हतलो। चु तीना अंजीरेन झाडका पर फळ हेरने करीन आयु, बाकुन तीनाक एक बी फळ नी जड्यो। 7 ती चु अंगुरेन वाडी मां काम करन्या माणसे काजे कह्यु, देख, मे तीन साल लग ईना अंजीरेन झाडकान फळ हेरने आय र्यु, बाकुन मेसेक एक बी फळ नी जड्यो। ईनाक काट नाख काहाकी ज झाडको ईना जागाक फालतु रुक र्यो? 8 बाकुन वाडी मां काम करन्यु माणुस कह्यु, “मालीक! ईने साल बी ईनाक रहणे दे। मे एरे चारेमेर खुदीन खद भरीस। 9 कदी ज आवणे वाळा साल फळे ती, वारु छे, नी ते ईनाक काटाड नाख्जी।” 10 ईसु एक भगवानेन भक्तीन घर मां आरामेन दाहडे माणसे काजे वात सामळावणे बाजी रवलु। 11 चां बेसका यहुदी-माणसे भेळा हय रवला। चां एक बायर बी हतली, तीनी बायरीन मांदी पाडनी भुतडान आत्मा चस्टी रवली। ची तीनी बायर काजे ढंगी आळ देदली, ने ची काहली बी रीत सी सुदी उबी नी हवतेली। ने ची बायर दुय कम बीस साल लग ढंगी-ढंगी चालतेली। 12 ईसु तीनीक देखीन धडे बुलायु, ने तीनीक जुर सी कह्यु, “वो बायर,

तु हय मांदवाड मां सी छुटीन, वारलु हय गुय!” 13 ईसु तरे पर हात मेक्यु, ने तत्यारुत ची सुदी हय गुय, ने भगवानेन बडाय करने बाजी गुय। 14 तीना भगवानेन भक्ती करन्या घरेन मुख्यु रीसाय गुयु, काहाकी ईसु तीनी बायरी काजे आराम करनेन दाहडे वारु करलु। यहुदी-माणसे आराम करनेन दाहडे काहानो बी काम करनु गलत समजतेला। हेरेसी चु मुख्यु, माणसेक कहणे बाजी गुयु, “हाप्ता मां काम करने वाटे छव दाहडा छे, तीनु छव दाहडा मां काम करनु चाहजे। अतरा ईनु छव दाहडा मायन काहने बी दाहडे आवीन वारु हवु, बाकुन आरामेन दाहडे वारु हवणे करीन घुण आवु।” 15 जी वात सामळीन मालीक ईसु जपाप आप्यु; ए ढंगडा करन्या कदी तुंदरू बेल नी ते गडो पीसलो हय, ती तुहुं तीनाक आरामेन दाहडे बी पाणी पीवाडने खुटे सी नी ली जावु काय? 16 जी बायर ते आपणा माणसे मायन छे। जी बायर बी अबराहमेन पुरे छे, हीनीक मांदी पाडनी भुतडान आत्मा दुय कम बीस साल लग चस्टीन आपसा कब्जाम कर रवली। आराम करनेन दाहडे हेरेमां सी मांदु करन्यु भुतडु छेटु करनु, वारु नी हय काय? 17 ईसुन जी वात सामळीन ईसुन वीरुद करन्या आखा माणसे लाजवाय गुया, बाकुन दीसरा आखा माणसे, ईसु बेसकु वारु काम कर्यु, करीन बेसका खुस हय गुया। 18 ईसु कह्यु, “भगवानेन राज कुणीन तसों छे? मे ईना राज काजे काहने चीजे करीन तुलो? 19 च रायन एक बीजेन तसों छे, तीनाक काहनुस माणुस ली जायन आपसा खेतेम एर देय। ने च वदतो-वदतो झाडको बण गुयो। ने सरगेन चिरला तेरा डाळ्या मां आवीन पुत्रा बणावीन रवणे बाजी गुया।” 20 ईसु अळी कह्यु, “मे भगवानेन राज काजे काहने चीजे सी तुलो? 21 भगवानेन राज तीना खाण्या-सुडान तसु छे, तीनाक लीन काहनीक बायर तीन चोवकी पीठा मां भेसकी, ने आखु पीठान जेवणु आय गुयु।” 22 ईसु सहर-सहरमे, ने गांव-गांव वात सीकाडतु जायन यरुसलेम भीणी जाणे बाजी रवलु। 23 काहनुक माणुस हीनाक पुछ्यु, “ए मालीक! छुटकार हात करन्या थुडाक माणसे छे काय?” ने ईसु तीनुक कह्यु, 24 साकेडले बारने मायन भगवानेन राजेम भरायणेन पुरी-पुरी कुसीत करु, काहाकी मे तुहुंक कहो बेसका छे माणसे भगवानेन राजेम भरायणे करसे, बाकुन भराय नी सके। 25 जत्यार घरेन मालीक उठीन बारनो बन्द कर देदु हय, ने तुहुं बाहर उबा रवीन बारनो ठुकीन कहवणे बाजी जासु, मालीक! हामरे वाटे बारनो उघाड दे। ती चु तुहुंक कहवसे, तुहुं कुण छे मेसेक नी मालुम हय। 26 ती तुहुं कहवणे बाजी जासु, हामु तारे अगळ खादा पीदा ने तु हामरा हाटेम वात सीकाडतेलु! 27 बाकुन चु तुहुंक कहवसे, तुहुं कुण छे च मेसेक नी मालुम हय, ए आखी भातीन पाप करन्या! तुहुं आखा मारेनचां सी छेते हय जावु! 28 जत्यार तुहुं अब्राहम, ने इसाक, ने याकुप ने भगवानेन अधी सी आवणे वाळी वात आखा माणसे काजे भगवानेन राज मां देखसु, बाकुन आपसे काजे बाहार नीकाळता

देखसु, ती तुहुं कलपी-कलपीन रडसु ने दात काजे ककडावता रवसु। 29 उगेवणा ने बुडवणा सी, धुराव ने दखणाव सी माणसे आवसे ने भगवानेन राजेन पंगत मां भेसकायसे। 30 ने देखु, जे पछळ छे, “चे अगळ हय जासे ने थुडाक जे अगळ छे, चे पछळ हय जासे।” 31 तीनी टेमे थुडाक फरीसी माणसे आवीन ईसुक कह्या, “जां सी नीकळीन जाती रव, काहाकी हेरोदेस राजु तुसेक मारने कर रयु।” 32 ईसु तीनुक कह्यु, “जायन तीनी फुंदाळी खुखडीक कय देवु: मे आज ने वाहणे माणसे मां भरायला भुतडान आत्मा काजे छेटु करीस ने मांदलाक वारु करीस ने तीसरे दाहडे काम पुरो कर दीस।” 33 तेबी मेसेक आज, ने वाहणे ने परनुदाहडे काम करतुत रवणु छे, काहाकी असो हय नी हय सके की काहनु बी भगवानेन अधी सी आवणे वाळी वात बताइने वाळा काजे यरुसलेम सहर छुडीन दीसरे जागे मारे। 34 ए यरुसलेम! ए यरुसलेम! तु भगवानेन अधी सी आवणे वाळी वात बताइने वाळा काजे मार नाखे ने भगवान तीनु माणसे काजे तारे धडे मकेल्लु तीनु माणसे काजे बी तु दगडाटीन मार नाखे। जसी कुकडी आपसा पीच्या काजे आपसा पाखडा तळे भेळा कर लेय, तसुत मे बेसका कावा तारी अवल्यात काजे मारा पाखडा तळे भेळा कर लेय, बाकुन तुहुं मारु नीकारु कर देदा। 35 देखु, तुंदरो घर उजडलो छुट जासे। ने मे तुहुंक कहो, तुहुं मेसेक तत्तार लग नी देखु, जत्तार लग तुहुं ज नी कहं, बरकतवाळु छे चु, जु मालीक भगवानेन नाव सी आवे!

14 यहूदी माणसेन आरामेन दाहडे ईसु फरीसी माणसेन एक मुख्यान घर रुटा खाणे गुयु: ने चे माणसे ईसु काजे मारनेन तीयारी मां हतला। 2 ने देखु, एक माणसु ईसु अगळ हतलु, तीना काजे पाण झेलु रुग हतलु। 3 ने ईसु यहूदी धरमेन मासतर्त्या ने फरीसी माणसेक कह्यु, “आरामेन दाहडे मांदला माणसेक वारु करनु सय छे, की नी हय?” 4 बाकुन चे हुगात रय र्या। अतरा मां ईसु तीना मांदला माणसेक वारु कर देदु, ने तीनाक वळायन छेते मकली देदु। 5 ने ईसु तीनु काजे कह्यु, “तुंदरे मायन असु कुण छे, तेरु पुर्यु नी ते बेल आरामेन दाहडे कुवा मां हीट पडे, ने चु तीनाक आरामेन दाहडे तत्तारुत बाहर नीकाळीन नी लावे?” 6 ने जी वात सामळीन चे ईसु काजे काय बी जपाप नी आप सक्या। 7 मेजवान्या काजे मामार-मामार बसणेन वारु जागा नेवाइतेला देखीन ईसु तीनुक एक दाखलु सामळायु, 8 जत्तार बी कुय तुसेक ईयाव मां नेवतो आपीन बुलावे, ती तु आखाम पेहली जागाम घुण बठे। कांखुर मायन असो ते नी हय जाय की नेवता आपण्यु तारे सी बी जादा अंजाणयाक नेवता आपीन मेजवान्यु बुलायु हय। 9 चु बी आय जाय ती तुहुं द्यु जणा काजे नेवता आपीन बुलावणे वाळु आवीन तुसेक कहवे, ईनाक हेरी जागा आपु ने तुसेक लाजवायन आखाम पछळ जायन बसणु पडे। 10 बाकुन जत्तार तुसेक नेवता आपीन बुलावे, ती तु जायन आखाम पछला जागा पर

बस जां। तेरे सी नेवता आपीन मेजवान्यु बुलावणे वाळु आवीन तुसेक ज कहवे, ए दुस्तीदार! अगु आवीन बस जां। ईने रीते आखा मेजवान्यान अगळ तुसेक ईजुजत जडसे ने तारी बडाय करसे। 11 काहाकी जु आपसा काजे मटु समजे, तीनाक नानु बणाय देसे, ने जु कुय बी आपसा काजे नानु समजे, तीनाक आखा सी मटु बणाय देसे। 12 जु ईसुक नेवतो आपीन खाणे बुलावलु तीनाक बी ईसु कह्यु, “जत्तार तु दीसु नी ते राती खातरी करीन माणसेक पंगत बठाडे ती आपसा दुस्तीदार काजे, आपसा भायस काजे, ने आपसा भाय-बेटा काजे, ने आडे-धडे वाळा मालदार काजे घुण बुलावे, काहाकी कांखुर मायन असो नी हय जाय की चे बी तुसेक नेवतो आपीन बुलाय लेय ने पछी खातरी करीन बदलु चुकाड देय। 13 बाकुन जत्तार तु पंगत देय, ती गरीब, लुल्ला, लंगडा ने आंदळा काजे बुलावजी। 14 ने तु बेसकु वारु कहवायसी काहाकी तींदरे धडे पछो आपणेन काय नी हय, बाकुन जत्तार धरमी माणसे पछा मर्या-सरयाम सी जीवता हवसे ने दाहडे पछा वाळ देसे।” 15 ईसु पुट्ये रुटा खाण्या मायन काहनुस ईसुन वात सामळीन ईसु काजे कह्यु, “चे बेसका वारु छे, जत्तार भगवानेन राजेन वेस मां आवसे तीने टेमे भगवान साते बसीन रुटा खासे।” 16 तीना माणसेन वात सामळीन ईसु तीनुक जी काहनी सामळायु! काहनेस दाहडे एक बेसकी मटी पंगत देदु, ने चु बेसका माणसेक नेवता आप्यु। 17 जत्तार खाणो बण गुयो, ती पंगतेन टेम मां चु आपसा एक पावर्या काजे नेवता आपलु तींदरे सी ज कय मकल्यु खाणो-खाणे चालु, हय आखो खाणो तीयार छे। 18 बाकुन चे नी आया ने आखान-आखा हामुक नी आवाये करीन माफी मांगणे बाजी गुया; पेहलु कह्यु, मे हय एक खेत मुल लेदलु छे, ने च खेत देखणे करीन जाणु छे; अतराम मे तारे सी वीनूती करो की मेसेक नी आवाये, मेसेक माफ कर दे। 19 दीसरु कह्यु, मे पांच जुडी बेल मुल लेदलु छे, ने तीनुक जुपीन देखणु छे। अतराम मे वीनूती करो की मेसेक नी आवाये, मेसेक माफ कर दे। 20 ने तीसरु कह्यु, “हय मारु ईयाव हवलु छे, अतराम मेसेक नी आवाये मेसेक माफ कर दे।” 21 पावर्यु पछु आयु ने चु आपसा मालीक काजे जी वात बताइ देदु। जी वात सामळीन मालीक बेसकु रीसवाय गुयु, “तत्तार चु आपसा पावर्याक हुकुम आप्यु ‘सहर मां गळ्ये-गळ्ये उतवाळुस जायन गरीब, लुला, आंदळा ने पांगळा काजे बुलाय लाव।’ पावर्यु मालीकेन हुकुम मानीन बुलावणे जाती रयु। 22 ने चु पावर्यु पछु आवीन मालीक काजे कह्यु, ए मालीक! ‘जसु तु कह्यु, तसुत मे माणसेक बुलाय लायु। तेबी माणसेक बसणे वाटे जागा बच रय।’ 23 तत्तार मालीक आपसा पावर्याक कह्यु, सयडके ने खेतन वाडी मां जां, ने चां वाळा माणसेक बी पंगत मां बुलाय लाव। मारो घर माणसे सी भराय जाणु चाहजे। 24 मे हेरेन करीन कहो की तीनु माणसेक मे पेहल बुलावलु, तींदरे मायन कुय बी मारी पंगतेन खाणो लग नी चाखणु चाहजे।” 25 ईसु पुट्ये-पुट्ये एक

बेसकु माणसेन टुळु जाणे बाजी रव्लु। ती ईसु पछु फीरीन माणसेक कह्यु, 26 कदी कुय मारे साते आवे, ने आपसा माय-बास, घरवाळीक, ने आपसान पुर्या ने भाय-बहणसयाक ने आपसा जीवेक मारे सी जादा परम करे, ती चु मारु चेलु नी बण सके। 27 जु कुय आपसान कुरुस नी हाकले; ने मारे पछळ नी आवे; चु बी मारु चेलु नी बण सके। 28 तुंदरेम असु कुण छे, जु मटलो घर बणावणे हींडे, बाकुन पेहले बसीन खरचान हीसाब नी जुडे की घर बणावणे वाटे मारे धडे खरचु हय की नी हय? 29 कांखुर मायन असो नी हय जाय की नेहु खुदीन दगडान नेहु उठाइ लेय बाकुन पुरो नी हवे ती आखा देखणे वाळा ज कहता जायन तेरी हासी-उडावसे, 30 की जु माणुस बणावणे ते बाजी गुयु बाकुन पुरो घर नी बणाव सके, ने बणावते-बणावते पुरो घर नी बण्यो। 31 ने असु काहनू राजा हसे, चु दीसरा राजा साते लड़ायणे जातु हय, ने पेहले बसीन जु वीच्यार नी करे की जु वीस-हजारेन टुळु लीन मारे भीणी आवणे बाजी र्यु, तेरे साते मेसेक दस हजार टुळु लीन लड़ाय मां जीत जड़ जासे काय? 32 कदी तीनाक लड़ाय मां जीत जड़ जासे असु भुरसु नी हय ती चु छेटेत रयन तेरे भीणी ज कय मकेलसे की आपणु लड़ाय नी करता बाकुन मेळ कर लेजे। 33 “ईनीत रीती सी तुंदरे मांयन जु आपसो आखो काय मारे वाटे छुडी नी देय, ती लग चु मारु चेलु नी हय सके।” 34 नण वारु चीज छे, बाकुन कदी च आपसोत मुळो हय जाय, ती च काहने चीजे पछो खारो हवसे? 35 च नण नी ते खेतम काम आवे, ने नी चो खुदेन काम आवे; तीना नण काजे माणसे बाहर धुळाम ली जायन नाखसे। तेरे धडे सामळन्या कान्ता हय, ती चे सामळी लेय।

15 एक दाहडु ईसु माणसेक सीकाइने बाजी रव्लु, सामळन्या मां बेसका फाळु उकाळन्या हकदार्या ने पापी माणसे बी हतला, चे यहूदी धरमेन कायदाक नी पाळतेला। 2 ने यहूदी धरमेन फरीसी माणसे ने यहूदी-सासतुर सीकाइन्या वात करता जायन कहवणे बाजी गुया, “जु माणुस ते पापी साते बसीन मजा करे ने तींदरे साते रुटा बी खाय।” 3 तत्त्यार ईसु तीनुक एक दाखलु कयन सामळायु, 4 मान लेवु तुंदरे मायन कुय धडे सोव गाडरा हय, ने तीनु मायन एक खुवाय जाय। ती चु काय करसे? चु दीसरा एक कम सोव गाडराक बयडा मां रहणी देसे, ने तीना खुवायला गाडरा काजे तत्त्यार लग हेरसे, जत्त्यार लग च जडी नी जाय। 5 ने जत्त्यार च जड़ जाय, ती चु तीनाक खांदा पर बठाडीन घर ली आवसे। 6 ने घर आवीन आपसा दुस्तीदार्या ने पुठ्ये वाळा काजे पंगत मां बुलावसे ने खावाइसे ने चु तीनाक कवसे, मेसेक खुवायलो गाडरो जड़ गुयो। अतराम मारे साते भेसकायन खुस हय जावु। 7 मे तुहुंक कहो की, “ईनी रीते भगवान तीना पापीन करता बेसकु खुस हवसे, जु पाप करनु छुड़ देय ने भगवानेन मरजीन अनसारे काम करने बाजी जाय। बाकुन तीनु एक कम सोव धरमी माणसेन करता अतरो जबर खुस नी हवे, चे ज वीच्यारे की हामु धरमी छे, ने हामुक

पापेम सी मन फेरवीन भगवान भीणी वळनु जरुडी नी हय।” 8 ईसु एक दीसरु दाखलु सामळायु, मान लेवु काहनी बायर धडे चांदीन दस सीकका हय ने तींदरे मायन एक खुवाय जाय ती। ची काय करसे? ती दिवु धपाइसे ने खुवायला सीकका काजे हेरने करीन आखो घर बाहरसे। ची आखे जागे धीरी रवीन हेरसे। जत्त्यार लग चु सीक्कु नी जडे तत्त्यार लग हेरसे। 9 जड़ जासे ती ची आपसा दुस्तीदार्याक ने घर धडे वाळाक बुलावसे ने तीनुक कवसे, मे बेसकी खुस छे, काहाकी मेसेक खुवायलु रुपयु जड़ गुयु। 10 मे तुहुंक कहो ईनी रीते जत्त्यार एक पापी पाप करनु छुड़ देय, ने भगवानेन मरजीन अनसारे काम करने बाजी जाय ती भगवान आपसा सरग वाळा काहावळ्या भेळ खुस हय। 11 अळी ईसु एक दीसरु दाखलु सामळायु, काहनाक एक माणसेन दुय पुर्या हतला। 12 एक दाहडु नानलु पुर्यु हेरा बास सी आवीन कह्यु, ए बास! माल धनेन जु मारु वाटु छे, चु मेसेक आप दे। अतराम तेरु बास दुय पुर्याम तींदरु वाटु पाइ देदु। 13 थुडाक दाहडा हय गुया ने अळी नानलु पुर्यु आपसा आखा धनेन हीसूसु वेच देदु, ने पयस्या भेळा करीन काहनाक दीसरा देसेम लांबेत जाती र्यु, ने चां चु आपसा आखा पयस्या गलत काम मां उजाइ देदु। 14 जत्त्यार चु आखो काय उजाइ देदु, ती तीना देसेम बेसकु काळ पड्यु, ने चु भुकलु घाबराय गुयु; काहाकी तेरे धडे पयस्या नी हतला। 15 हेरे सी चु तीना देसेम एक अमीर माणसेन चां काम करने गुयु। चु तीनाक आपसा खेते मां सुहर्या चारने करीन मकली देदु। 16 चु अतरु भुकलु घाबराय गुयु, की ज खळ सुहर्या खात्ला, च खळ खाणे हींडतेलु, बाकुन चु खळ बी तीनाक खाणे करीन नी आपतेला। 17 आकरी मां, चु वीच्यार करयु की मे कतरु गांडु छे। चु आपसाक कह्यु, मारा बासेन घर मां आखा दाहडुक्या काजे पेट भरीन रुटा जडे, ने मे जां भुकलु मर र्यु। 18 मे मारा बासेनचां पछु जायस ने तीनाक कवीस, “बास मे तारा वीरुद मां ने भगवानेन वीरुद मां पाप करलु छे। 19 मे तारु पुर्यु कवायणेन हकदार्यु, नी हय। बाकुन मेसेक तारा एक दाहडुक्यान तसु मेसेक राख ले।” 20 ती चु असु वीच्यार करीन आपसा बासेन घर भीणी चाल पड्यु। हय चु आपसा बासेन घर सी छेटेस हतलु, की तेरु बास तीनाक देख लेदु, ने चु गीण-दया सी भराय गुयु। ने आपसा पुर्या काजे भेळु हवणे करीन चु दवडीन गुयु ने तीनाक गळे लागायु, ने तीनाक बेसकु गुळा देदु। 21 ती पुर्यु तीनाक कह्यु, बास! मे सरग वाळा भगवानेन वीरुद मां ने तारे वीरुद मां पाप करलु छे। मे तारु पुर्यु कवायणेन हकदार्यु नी हय। 22 बाकुन बास आपसा पावरयाक बुलायु, ने तीनुक कह्यु, उतवाळास जायन आखाम सी वारु पुथल्या लायन ईना मारा पुर्याक पेहरावु, एक मुंदी हातेन आंगळी मां पेहरावु ने पाये मां खासडा पेहरावु। 23 ने अळी आपणु आखाम वारलु केवडु लायन मारु। ने एक मटली पंगत देसु, ने खुसी मनावसु। 24 काहाकी मारु जु पुर्यु मर गुयलु, बाकुन हय जीवतु हय गुयु। चु खुवाय गुयलु, बाकुन

हय जड़ गुयु। ती अळी खुसीन पाल्टी सुरु हय गुयु। 25 तीनी टेमे तेरु मटलु पुर्यु खेतेम हतलु। ने जत्तार चउ मटलु भायस खेतेम सी घर आवीन घर धड़े आयु, ती चु वाजा-गाजा सामळीन ने माणसे काजे नाचतेला देखीन चकराय गुयु। 26 ने चु एक पावर्याक बुलायु, ने तीनाक पुछ्यु की ज काय हय र्यो। 27 चु पावर्यु जपाप आप्यु, तारु नानलु भायस वारु पछु घर आवती र्यु, करीन तारु बास हामुक आखाम मटलु केवडु मांगाडीन माराल्लु छे। 28 जी वात सामळीन चु मटलु भायस बेसकु रीसवाय गुयु, ने घर मां लग नी गुयु; बाकुन तेरु बास बाहर आयु ने तीनाक घर मां ली जाणे करीन आयु ने मनावणे बाजी गुयु। 29 बाकुन चु आपसा बासेक कह्यु, देख, मे अतरा साल लग तारी सेवा करतु आय र्यु, ने कदी तारी वात नी टाळ्यु। बाकुन तु मेसेक मारा दुस्तीदार्या पुठ्ये मारीन खाणे ने खुसी मनावणे करीन तु मेसेक एक बुकडो लग नी आप्यु। 30 बाकुन तारु जु नानलु पुर्यु घर छुडीन जाती रवलु, ने तारा आखा पयस्या रंडीनचां जायन उजाड़ देदु, ने हय चु पछु घर आयु, ती तु तरे धड़े आखाम मटलु केवडु मांगाडीन मार्यु। 31 मटला पुर्यान वात सामळीन तेरु बास तीनाक कह्यु, मारा बेटा, तु जां जलम सी मारे पुठ्ये रवे। ने मारो आखो ततरो तारोत छे। 32 बाकुन हय खुस हवणु चाहजे, ने पंगत मां बसीन खणान मजा लेणु चाहजे काहाकी तारु भायस मर गुयलु, “बाकुन हय जीवतु हय गुयु। चु खुवाय गुयलु बाकुन हय जड़ गुयु।”

16 ईसु हेरा चेला सी बी कह्यु, “काहनाक अमीर अदमीन एक पयस्यान हीसाब राखण्यु पावर्यु हतलु। माणसे तीना अमीर माणसेनचां जायन तीना पयस्यान हीसाब राखण्या पावर्या पर जु गुनु लागाड्या की जु पावर तारो धन उजाड़ने बाजी र्यु।” 2 अतराम चु अमीर माणुस तीना पयस्यान हीसाब राखण्या पावर्या काजे बुलायन कह्यु, ज मे तारा बारामां काय सामळने बाजी र्यु। तारा पयस्यान हीसाब-किताप देखाड, काहाकी तु हय सी पयस्यान हीसाब करनेन पावराय सी छेते हय जां। 3 ती चु पयस्यान हीसाब-किताप करन्यु मने-मन ज वीच्यारतु जायन कह्यु, मे हय काय करो? मारु मालीक मेसेक ईनी पावराय सी छेटु करने बाजी र्यु। ती हय काय करो, काहाकी धुळु खुदणेन ताकत ते मारेम नी हय; ने माणसे धड़े पयस्या ने दाणा मांगणे मां मेसेक सरम आवे। 4 जत्तार मे पयस्यान हीसाबेन पावराय सी छेते हय जायस, ती माणसे मेसेक आपसे घर मारु आव-भाव करीन आसरु देणु चाहजे। करीन मेसेक काय करनु चाहजे, हव हय, मेसेक समज मां आयो की मेसेक काय करनु चाहजे, 5 असु वीच्यार करीन चु आपसा मालीकेन करजा वाळा माणसेक एक-एक करीन बुलायु। ने पेहला माणसे काजे पुछ्यु, तारे पर मारा मालीकेन कतरु करजु छे। 6 चु करजा वाळु माणुस कह्यु, सोव मण तेल। तत्तार पयस्यान हीसाब करन्यु पावर्यु कह्यु, तारा खातान चापडु हातेम ले, ने बसीन उतवाळुस पचास मण लिख दे। 7 अळी चु

दीसराक पुछ्यु, तारे पर मारा मालीकेन कतरु करजु छे? चु करजा वाळु माणुस कह्यु, सोव कुंटल गहुं। तत्तार पयस्यान हीसाब करन्यु पावर्यु कह्यु, तारा खातान चापडु हातेम लीन, ने बसीन उतवाळुस आसूसी कुंटल लिख दे। 8 मालीक तीना पापी पयस्यान हीसाब करन्या पावर्या काजे बेसकु वारु कह्यु काहाकी चु बेसकु चतराये काम कर्यु; काहाकी ईनी कळीन माणसेन अवल्यात आपसा लेण-देण मां वीजाळान अवल्यात सी वदु हुस्यार छे। (aiōn g165) 9 तेरेमां मे तुहुं कहवो ईनी कळीन धन साहरे आपसा वाटे दुस्तीदार्या बणाय लेवु, तेरेसी पापेन धन सर जासे, ती चे आवणेवाळी जलमेन रहणेन जाणे तुंद्रो आव-भाव करसे। (aiōnios g166) 10 “जु नानली सी बी नानली वातेम ईमान राखे, चु मटली वातेम बी ईमानदार छे, ने जु नानली सी बी नानली वातेम लुचु छे, चु मटली वातेम बी लुचु छे। 11 कदी तुहुं ईनी कळीन धन मां बी भुरसा लायक नी बणया, ती तुंद्रे पर भुरसु करीन, तुहुं छालो धन कुण आपसे? 12 ने कदी तुहुं पराया धन-दोवलत मां ईमान नी राख्या, ती तुहुं, तुंद्रोत धन दोवलत कुण आपसे? 13 “कुय बी पावर्या दुय मालीकेन चाकरी नी कराये; काहाकी चु एक मालीक सी कुहराय ने दीसरा मालीक सी परम सी रवे। नीते एक मालीक साते हेळी-मेळीन रवसे ने दीसरा मालीक काजे भुंडोत जाणसे। तुहुं भगवानेन ने धन-दोवलतेन दुयुन चाकरी नी कराये।” 14 फरीसी माणसे, पयस्यान हायाळ्ळा हतला, अळी चे जी वात सामळीन माणसे अगळ ईसुन हासी उडाइतेला। 15 ईसु तीनु फरीसी माणसे काजे कह्यु, “तुहुं माणसे अगळ ते धरमी हवणेन ढंग करु बाकुन भगवान ते तुंदरा हीया मन काजे जाणे।” काहाकी जी वात माणसेन नींगा मां बेसकी वारु छे, ची वात भगवानेन नींगा मां भुंडीत आवे असी छे। 16 “भगवानेन कायदान सासतुर ने भगवानेन अघली वात बताइने वाळा युहनान टेम लग हतला, पेहेले सीत भगवानेन राज मां भरायणे करीन खुस-खबरेन नेवतो आखाक बेसको जड़ रह्यो। ने माणसे ईना राजेन बेसका उतवाळ्ळास भरायणे बाजी रया।” 17 “सरग ने धरती टळनु ते नक्खी छे, बाकुन नेम कायदान एक बी आकडान नानोस टीपको पुरो हये पाखुर नी टळे।” 18 ईसु अगु कवतु गुयु, “जु कुय आपसी घरवाळीक छुडीन, काहनीक दीसरी बायरी साते ईयाव करे, चु छीनाळो करे; ने जु कुय तीनी छुल्ली बायरी साते ईयाव करे, चु बी छीनाळो करे।” 19 ईसु एक दाखलु अळी कह्यु “एक बेसकु लकपती माणुस हतलु, चु बेसका महंगा जामण्या पुथल्या ने चमकण्या पुथल्या पेहरतेलु, ने दाहडीन वारु सुक मां रवीन मजा करतेलु। 20 तीना लकपतीन बारना पर लाजर नावेन एक गरीब माणुस पड़ रवलु, तेरे आखे डील मां फुड़ा नीकळी रवला। तीनाक चे काहनाक चां नाख दीन जात रहलो 21 ने चु गरीब माणुस, आपसी पेट भरने करीन, लकपती माणसेन इस्टाळी खाणेन हेर करतेलु; बाकुन च बी तीनाक नी जड़तेलो, ने कुतरा

लग आवीन तेरा डील पर फुड़ा काजे चाटतेला। 22 ने अळी एक दाहडु चु गरीब लाजर मर गुयु, ने सरग वाळा काहवाळ्या तीना लाजरेन जीव काजे सरगेम लीजायन अब्राहमेन खुळाम बठाइ देदा। ने अळी एक दाहडु चु अमीर माणुस बी मर गुयु, ने तीनाक गाडी देदा। 23 ने चु नरक मां बेसकु वेला करतु जायन उपर देख्यु, बेसके लांबे रयन अब्राहमेन खुळा मां लाजर काजे देख्यु (Hadēs 986) 24 चु अमीर माणुस आयडीन कह्यु, ‘बास अब्राहम! मारे पर दया कर, ने लाजर काजे मारेन्चां मकली दे, हेरेन करीन चु आपसी आंगळीन छेंडु पाणी मां भीजीवीन मारी जीप काजे सेळवी देय, काहाकी मे ईनी आंच मां बेसकु वेला कर र्यु!’ 25 अब्राहम तीना लकपती माणुस काजे कह्यु, बेटा, तु धरती पर वारु जीवन काजे हेर कर की तुसेक धरती पर वारु जीवाय मां सुकुन-सुकुन जड़लु, ने लाजर काजे दुखुत-दुखुत जड़लो; हय हीनाक जां सुक ने सांती जड़ रय, ने तीनेत हीसाबे तुसेक वेला करनु पड़ रयो। 26 ने ईनी वातेक छुडीन जी वात बी छे की हामरे ने तारे ईचमां एक बेसकी मटी खुय छे; अतराम कदी कुय तारेन चां जाणे बी हींडे, तेबी चु नी जाय सके; ने कदी कुय हया सी ईनी धडे आवणे बी हींडे, तेबी हया सी तीनाक ईनी धडे नी आवाये। 27 चु लकपती माणुस अब्राहम काजे कह्यु, ए अब्राहम बास! मे तारे धडे वीनती करो की तु लाजर काजे मारा बासेन घर मकली दे। 28 काहाकी मारा पांच भायस छे, ने लाजर मार घर जायन जां आखो जो हयो तीनी वातेन गवा देसे, ने तीनुक जी वाते कहीन चेताय देसे। नी ते कांखुर मायन तींदरे धडे बी असोत असो ने चे बी ईना वेळान जागा मां आवती रवे। 29 अब्राहम तीना लकपती माणुस काजे कह्यु, मुसान ने भगवानेन अघी सी आवणे वाळी वात बताइने वाळान किताप तींदरे धडे छे, तीनुक तींदरी सामळनु चाहजे। 30 चु लकपती माणुस अब्राहम काजे कह्यु, ‘ए बास अब्राहम; चे तींदरी वात काजे सामळे; बाकुन कदी मरला माणसे मायन कुय तींदरेन्चां जाय, ती चे पापे भीणी सी मन फेरवीन भगवान भीणी आवसे।’ 31 बाकुन अब्राहम तीना लकपती माणसेक कह्यु, जत्त्यार चे मुसान ने भगवानेन अघी सी आवणे वाळी वात बताइने वाळान लिखली वात नी सामळता, ती कदी मरला मायन कुय बी जीवतु हयन तींदरेन चां जायन कवसे तेबी चे तेरी नी माने।”

17 एक दाहडु ईसु आपसा चेलाक कह्यु, “पाप कराइनेन पारख ते जलम आवती रवसे, बाकुन तीना माणसे पर गरा आय पड़े, तेरे साहरे पाप करेन पारख आवे! 2 जु कुय ईनु नानला मायन एक काजे बी पाटडीन पाप करेन पारख मां पड़े तेरे वाटे ते ज्य वारु छे की तेरा गळा मां घट्टीन पुड़ गळा मां बांदीन तीनाक दर्या मां नाख देणु चाहे। 3 ईनी वातेम तुहं चेतीन रवु, “कदी तुंदरु भाय काहनु बी गुनु करे, ती तीनाक असु गुनु नी करनु करीन समजाइ देवु, ने कदी चु गुना सी भगवान भीणी वळे, ती तीनाक माफी आप देवु। 4 कदी चु एक दाहडाम सात कावा तुंदरे वीरुद गुनु करे, ने चु सात कावा आवीन तुसेक कवे

भाय मे तारे वीरुद मां गुनु करलु छे मेसेक माफ कर दे, ती तुहं माफ करता रवजु।” 5 ने ईसुन नेवताळा मालीक ईसुक कहया, “तु हामरा भुरसा काजे बड़ाव।” 6 मालीक ईसु तीनुक कह्यु, “कदी तुंदरु भुरसु रायन दाणा बराबर बी हवतु, तत्त्यार तुहं ईना सहतुतेन झाड़काक कवता, की ‘उखळीन दर्या मां चुपाय जां रव!’ ती चो तुंदरी वात मान लेतु। 7 “तुंदरे मायन असु कुण छे, तेरु पावर्यु हळ जुपतु हय, नीते गाडरा चारतु हय, ने जत्त्यार खेतेम सी पळु आवे, ती चु तीनाक कवे की आव, उतवाळुस खाणो-खाणे बस जां? 8 ने तीनाक ज कवणे रहणीदीन ज कवे, ‘मारे वाटे खाणो रांद; ने जत्त्यार लग मे खाय नी लम तत्त्यार लग कमर बांदीन मेसेक खाणो आपतु रव। अळी तेरे पछेन तु बी खाय पीय लेजी।’ 9 जाराक वीच्यार करु! मारु पावर्यु मारु हुकुम मानीन मारी बेसकी चाकरी कर्यु करीन मालीक तीनाक ‘तु बेसकु वारु कर्यु’ कवसे काय? नी कवे। 10 तुहं बी ईना पावर्यान तसात छे, अतरे आखा हुकुम पाळीन अळी तुहं क कवणु चाहे, ‘हामु पावरया अतरात छे; ज काम करया भाग हतलो, च काम अतरोत हामु करला छे।” 11 ने एक कावा जत्त्यार ईसु यरुसलेम जाणे बाजी रवलु ती चु गलील सामर्या जीलान काकड़ पर मायन गुयु। 12 काहनाक एक गांव मां भरायु ती तीनाक दस कुडायला माणसे भेळा हया। 13 ने चे कुडायला छेतेस उबा रयन जुर सी आयडीन कहया, “ए मालीक! ईसु! हामरे पर दया कर।” 14 ने ईसु तीनुक देखीन कह्यु, “जावु ने आपसा काजे भगवानेन पुजारा धडे वारु देखाइ लेवु, ने चे कुडायला माणसे पुजारा धडे जाणे बाजी रवला।” ने जातेत-जाते वाटे वारु हयन चुखा हय गुया। 15 तत्त्यार तींदरेम सी एक अदमी देख्यु की मे वारु हय गुयु, ती चु तत्त्यार भगवानेन बेसकु वारु बडाय करतु जायन ईसु भीणी पळु आयु। 16 ने चु मांड्या वळीन ईसुन पायेम हीट पड्यु ने भगवान काजे बेसकु वारु कवणे बाजी गुयु। चु माणुस यहदी जातीन नी हतलु, बाकुन सामरी जीलान एक नी-यहदी माणुस हतलु। बाकुन दीसरा नव जणा ईसु भीणी नी आया। 17 ती ईसु तीना माणसेक कह्यु, “दस माणसे वारु हवला छे! ती दीसरा नव कां छे? 18 ईना दीसरे देस वाळा काजे छुडीन दीसरा भगवानेन बडाय करेने ने भगवान काजे ‘बेसकु वारु’ कवणे दीसरा काहा नी आया?” 19 अळतेन ईसु तीना अदमीक कह्यु, “उठ ने तारे घर जाती रव। तु मार पर भुरसु कर्यु करीन भगवान तुसेक वारु करलु छे।” 20 जत्त्यार फरीसी माणसे ईसुक पुछया की भगवानेन राज की आवसे, तत्त्यार ईसु तीनुक कह्यु, “भगवानेन राज उजेंतो नी आवे। 21 अळी माणसे ज नी कवे, ‘देखु, जां छे’ नी ते, ‘पलो वां छे!’ भगवानेन राज ते तुंदरे ईचमां छे।” 22 ईसु आपसा चेला काजे कह्यु, “असी टेम बी आवसे, जत्त्यार तुहं माणसेन पुर्यान दाहडा मायन एक दाहडा काजे देखणेन हेर करसु, बाकुन चु दाहडु तुहं क नी देखणे जडे।” 23 माणसे तुहं क कवसे, देखु चु जां छे! नी ते, देखु, चु वां छे! ती तुहं तींखुर जाती

घुण रवु ने नी तींद्रे पछळ जाजु। 24 काहाकी जसी बीजळी सरगेन एक धडे सी दीसरे धडे लग बी भबळीन देखाय देय, तसुत माणसेन पुर्यु आवसे तीने दाहडे देखाय देसे। 25 बाकुन हय पेहले तीनाक बेसकु दुख हाकलनु पड़से ने ईनी पीडीन माणसे तेरु नीकार करसे। 26 “जसों नुहुन दाहडाम हवलो, तसोत माणसेन पुर्यान दाहडा मां बी हवसे। 27 तीने दाहडे लग नुह मटला ढंड्या मां नी भरायु, ती लग माणसे खाता-पीता रया, ने ईयाव करता रया। ने उचकाणुन ढंड्यो-पाणीम आयु ने चु आखाक डुबाडीन मार नाख्यु। 28 असो लुतेन दाहडा मां बी हवलो। माणसे खाता-पीता रया, लेणु-देणु करता रया, झाडका चुपता रया, ने घर बणावता रया; 29 बाकुन तीने दाहडे लुत सदोम सहरेम सी नीकळी गुयु, तीनेत दाहडे भगवान सरगे सी आकठो ने गंधक पाणीन तसों सरगे सी पड्यो, ने आखा मरीन सर गुया। 30 जतयार माणसेन पुर्यान आवणु रवसे तीने दाहडे बी असोत हवसे। 31 “तीने दाहडे जु घर पर हय, चु समान लेणे करीन नेचु उतरीन घरमां घुण भराये ने जु खेतेम हय, चु बी पछु घर नी आवणु चाहजे। 32 तुहु लुतेन घरवाळीक हेर करु की तरे साते काय हयो। 33 जु आपसान जीवन बचाइने हींइसे चु तीनी जीवाय काजे खुय देसे, ने जु कुय आपसान जीवाय काजे खुय देसे, चु तीनी जीवाय काजे बचाइ लेसे। 34 मे तुहुं काजे ज कहवो, तीनी राते द्युय जणा, एक खाटली पर सुय रया हसे, एक काजे ईछलीन जाती रवसे, ने दीसराक छुड देसे। 35 द्युय बायरा एक साते घट्टी बसीन दळती हय ती तीनु मायन एक काजे ईछलीन ली जाती रवसे, ने दीसरीक छुडदीन जाती रवसे।” 36 द्युय माणसे खेते मां हसे, “एक काजे ईछलीन जाती रवसे; ने दीसराक छुडदीन जाती रवसे।” 37 जी आखी वात सामळीन ईसुन चेला ईसुक पुछ्या, “मालीक! ज कां हवसे?” ईसु तीनुक कह्यु, “जां धड रवे, चांहांन मटला घुवडा बी भेळा हवसे।”

18 दाहडीन अळी-अळीन दुवा करनु चाहजे, ने हिममत नी छुडनु चाहजे, ज सीकाइने करीन, ईसु हेरा चेलाक एक दाखलु सामळायु। 2 “काहनाक सहर मां एक नीयाव करन्यु हतलु, चु, नी ते भगवान सी बीहतेलु, ने नी ते कुय माणसेन परवाय करतेलु। 3 तीनात सहर मां एक रांडायली बायर बी हतली। ची तीना नीयाव करने वाळान चां आवीन असी कह्या करतेली, “नीयाव करीन मेसेक गुनु लागाइन्या सी बचाइ ने मेसेक नीयाव आपाड!” 4 चु बेसका दाहडा लग नीकारु करतु रयु, अळतेन चु आपसा मनेम कह्यु, मे नी ते भगवानेक बीहयो ने नी काहनाकेन परवाय करो, 5 बाकुन जी रांडायली बायर अळी-अळीन आवे, ने मेसेक परेसान करे, हेरेसी मे हेरु नीयाव करीस, ततयार हयी, पछी अळी-अळीन नी आवे।” 6 मालीक ईसु अळी असु कह्यु, “सामळ्या की जु नी-धरमी नीयाव करन्यु काय कह्यु? 7 तरेमां भगवान आपसा नेवाइला माणसे धडे नीयाव करने मां वार लागाइसे काय? जे रात दाहडु आयडी-आयडीन तरे धडे दुवा कर्या करे? 8 मे तुहुं कहवो;

चु उतवाळुस तींद्रे वाटे नीयाव करसे। तेबी जतयार माणसेन पुर्यु आवसे, ती चु धरती पर माणसे मां भुरसु कर रवळु देखसे काय?” 9 ने ईसु तीनुक बी कह्यु, जे माणसे आपसा पर भुरसु करतेला की हामु बेसका धरमी छे, ने हय हामरेन तसा कुय धरमी माणसे नी हय। करीन चे दीसराक काय नी समजतेला। तीनु माणसेक ईसु जु दाखलु सामळायु। 10 द्युय माणसे वीन्ती करने करीन यरुसलेम मंदीर मां गुया। तींद्रे मायन एक जणु फरीसी माणुस हतलु, ने दीसरु फाळु उकाळन्यु हतलु। 11 जु फरीसी माणुस एक धडे उबु हयन आपसा मन मां असी दुवा करने बाजी गुयु, ए भगवान, मे तुसेक बेसकु वारु कहवो, काहाकी मे दीसरान तसु दीसरा धडे हापकीन खाण्यु, ने लुचु ने दीसरान बायर साते छीनाळो करन्यु नी हय। दीसरा माणसे असा छे; बाकुन मे नी हय। ने ईना फाळु लेणे वाळान तसु बी नी हय। 12 मे हाप्ता मां द्युय कावा उपास करो, ने ज काय बी मे कमायो, तेरु दसवु वाटु तुसेक आपु। 13 बाकुन फाळु लेणे वाळु छेटेत उबु हय रयु, ने सरगे भीणी देख्यु लग नी, बाकुन चु दुख मां आपसी छाती ठुकी-ठुकीन कह्यु, “ए भगवान, मे पापी छे। तु मार पर दया कर।” 14 ईसु असु कयन दाखलु सार देदु, “मे तुहुंक जो कहवो, की भगवान फरीसी माणसेन दुवा सामळी लेदु, ने तरे पर गीण-दया करीन धरमी बणायु। ने चु हीनी रीते आपसान घर पछु गुयु जु कुय खुद काजे मटु समजे, भगवान तीनाक नानु कर देसे। बाकुन जु कुय खुद काजे नानु समजे तीनाक मटु कर देसे।” 15 एक दाहडु माणसे नानला पुर्या पर ईसुन हात मेकाइने करीन ईसुनचां लाया। चेला ज आखो देखीन माणसेक झीचकार्या। 16 बाकुन ईसु पुर्या काजे आपसे धडे बुलायु ने चेला काजे कह्यु, “ईनु नानला पुर्या काजे मारेनचां आवणे देवु, हीनुक मां रुकु; काहाकी भगवानेन राज हीनु पुर्यान तसलु छे। 17 मे तुहुंक छाचलीन कव की जु कुय ईनु नानला-पुर्यान तसा भगवानेन राज नी हुकारे, चु भगवानेन राज मां कदी नी भराय सके।” 18 ने यहूदी माणसेन एक मुख्यु ईसु काजे ज पुछ्यु, “ए वारला मास्तर! अमर जीवन हात करने करीन मेसेक काय करनु पड़से?” (aiōnios g166) 19 ईसु तीना मुख्या काजे कह्यु, “तु मेसेक वारलु काहा कवे?” कुय वारलु नी हय। बाकुन भगवान अतरुत वारलु छे। 20 तु कायदान हुकुम काजे ते जाणतु हसे, की छीनाळु नी करनु, खुन नी करनु, चुरी नी करनु, झुटी गवाय नी देणु, आपणा माय-बासेन ईजजत करनु। 21 चु यहूदी मुख्यु जपाप आप्यु, “ईनु आखा नेमेन पाळण ते मे बी पुर्या बुदीम सीत करतु आय रयु।” 22 जो सामळीन ईसु तीनाक कह्यु की, “हय तारेम एक वातेन कसर छे। आपणो जो काय छे च आखो वेचीन गरीब माणसे काजे वाट दे, ने तुसेक सरगे मां धन जडसे। ने तु आवीन मारे पुठ्ये चाल पड।” 23 चु मुख्यु ज सामळीन बेसकु नराज हय गुयु, काहाकी चु बेसकु लकपती हतलु। 24 ईसु ज देखीन मुख्या काजे कह्यु, लकपती माणसे काजे भगवानेन राज मां भरायणु बेसको काठो

छे। 25 सुईने नाचका मायन उटडाक नीकाळनु सरल छे, बाकुन लकपती माणसेक भगवानेन राज मां भरायणु बेसको काठो छे। 26 बाकुन अतरा मां सामळने वाळा दीसरा माणसे कह्या, “असी वात छे, ती कुणीन छुटकार हवसे?” 27 ती ईसु कह्यु, “हय माणसे सी नी हय सके च भगवान सी हय सके।” 28 ती पतरस ईसु काजे कह्यु, “देख, हामु हामरा आखा घर बार काजे बी छुडीन तार पछळ चालने बाजी गुयला छे।” 29 ईसु तीनुक कह्यु, “मे तुहुंका छाचलीन कव की असु कुय बी नी हय, चु भगवानेन राज वाटे घर-बार ने आपसी घरवाळी, भाय-बहणस्या, आयस-बास ने पुर्या काजे छुड देदु हय।” 30 ने तीनाक जां ईनी टेम मां काय नी जड़यो हय; तीनाक जां बी बेसको जड़से ने सर्गो मां बी तीनाक अमर जीवाय जड़से। (aiōn g165, aiōnios g166) 31 एक दाहडु ईसु बाहरा काजे दीसरा सी छेतेस ली गुयु ने तीनुक कह्यु, “सामळ, आपणु यरुसलेम जाणे बाजी रया। यरुसलेम एक असी जागा छे। आखा मारा बारांमां, हय माणसेन पुर्यान बारांमां भगवानेन अधी सी आवणे वाळी वात बताड़ने वाळा माणसेन साहरे लिखली आखी वात पुरी हवसे। 32 मे यहूदी जातीन माणुस बणीन आयु, बाकुन मे तीनु माणसेन हातेम आपाय जायस, जे यहूदी नी हय। चे मारी हासी उड़ावसे, मेसेक वेला पाड़ीन मारी नाव-बद्दी करसे, ने तेरे पर थुप्से। 33 ने चे तीनुक सपाटा दीन ठुकसे, ने तीनुक घायल करीन मार नाखसे। बाकुन चु तीसरे दाहडे पछु जीवतु हय जासे।” 34 बाकुन ईसुन चेला ईनी वात काजे काय बी नी समज्या। ईनु बुलेन मतलब तींदरे वाटे ढाकायलो रयो। तीनुक नी समज मां आयो की ईसु तीनुक काय कवणे बाजी रवलु। 35 जतयार ईसु यरीहो सहर धड़े आवणे बाजी रवलु, ती एक आंधळु सयडक धड़े बसीन चां मायन आवणे-जाणे वाळा धड़े भीक मांगणे बाजी रवलु। 36 माणसेन टुळा काजे जातला ने पायेन चाल सामळीन चु आंधळु माणसेक पुछणे बाजी गुयु, च आखो काय हवणे बाजी रयो। 37 माणसे तीना आंदळा काजे बताड़ देदा की, “ईसु नासरी जां मायन जाणे बाजी रयु।” 38 ततयार आंधळु जु कवतु जायन जुर सी आयड्यु, “ए ईसु! दावुदेन अवलयात! मारे पर दया कर।” 39 चे तीना आंदळा अगळ-अगळ जाणे बाजी रवला, चे तीना आंदळा काजे हुगु रय जां करीन झीचकारतेला, बाकुन चु आंधळु अळी बी जुर सी असु आयडतेलु, “ए दावुदेन अवलयात मारे पर दया कर।” 40 ततयार ईसु उबु रयन माणसेक हुकुम आप्यु की हीनाक मारे धड़े ली आवु ने जतयार चु धड़े आयु ती ईसु तीनाक पुछ्यु। 41 “तुसेक काय चाहजे? की मे तारे वाटे करो?” चु आंधळु कह्यु, “ए मालीक मे अळी देखणे हींडो।” 42 ईसु तीनाक कह्यु, “ती तु देखणे लाग, ने जां, तारु भुरसु वारु कर देदलु छे।” 43 ततयारस्त चु देखणे लाग गुय। ने चु भगवानेन गुण गावतु जायन ईसु पछळ चाल देदु। ने ज देखीन आखा माणसे भगवानेन गुण गाया।

19 एक दाहडु ईसु यरीहो सहर मायन जाणे बाजी रवलु। 2 देखु चां जक्कय नावेन एक लकपती माणुस तीना सहर मां रवतेलु। चु फाळु उकाळनयान मुख्यु हतलु। 3 चु सामळ्यु की ईसु चां मायन जाणे बाजी रयु। ईसु कुण छे, चो मालुम करने करीन, जक्कय ईसुक देखणे हींडतेलु। बाकुन जक्कय नानलु हतलु। 4 ततयार चु गड़दी मां अघु दवडीन गुयु ने ईसुक देखणे करीन एक गुलरेन झाड़का पर चहड़ी गुयु। काहाकी ईसु तीनीत वाटे सी जाणे वाळु हतलु। 5 जतयार ईसु तीना झाड़का तळे आयु, ती चु उपर देख्यु, ने तीना जक्कय काजे कह्यु, “ए जक्कय मामार उतरी आव! काहाकी आज मेसेक तारे घर रवणु छे।” 6 ततयार चु जक्कय मामार उतर्यु ने खुस हयन ईसुन आव-भाव कर्यु, ने हेरे घर ली गुयु। 7 ज देखीन आखा यहूदी-माणसे ईसुन वात करीन एक दीसराक कुड़-कुड़ करीन कवणे बाजी गुया, “ईसु ते एक पापीन घर मां मेजवान्यु बणीन आय रयु।” 8 बाकुन जक्कय उबु हयन ईसुक कह्यु, “मालीक मे मारी आखी चीजेन आदु वाटु ईना गावेन गरीब काजे आप दीस। कदी मे कुय सी धुकु दीन तेरे धड़े धन लेदु हय, ती मे तीनाक तेरो च्यार गुणा पछु वाळ दीस।” 9 ततयार ईसु तीनाक कह्यु, “आज ईना घर मां छुटकारु आवलु छे, काहाकी जु बी अबराहमेन एक अवलयात मायन छे। 10 काहाकी माणसेन पुर्यु खुवायलाक हेरने, ने तीनुक बचावणे करीन आवलु छे।” 11 जतयार माणसे जी वात सामळने बाजी रवला, ती ईसु एक अळी दाखलु सामळ्या; काहाकी ईसु यरुसलेमेन गांव धड़े आय रवलु, ने माणसे ज देखीन समजी रवला की भगवानेन राज हय देखाय देणेवाळो छे। 12 तेरेमां ईसु कह्यु, एक लकपती माणुस राजु बणीन पछु आवणे करीन बेसेक लांबे वाळा देसेम जाणेन तीयारी कर्यु। 13 ने चु लकपती माणुस आपसा दस गुलाम पावर्या काजे बुलायु ने तीनुक एक-एक जणाक कळदार रुप्या आपीन कह्यु, मेसेक पछु आवणे लग तुहुं वेपार करीन लेणु देणु करता रवु। 14 बाकुन तेरा गांव मां रवण्या तीनाक भुंडात समजाड़तेला, ने चे तेरे पछळ एक काहवाळ्यान साहरे तीना काजे कय मकल्या की हीयु हामरे पर राज नी करनु चाहे। 15 ततयार लकपती माणुस लांबे वाळा देसेम सी राजु बणीन पछु आयु ने चु बुलावणे मकलयु ने चु गुलाम पावर्या काजे धन आप्लु ने ज जाणेन हींडतेलु, की एक-एक जणु लेणु-देणु करीन कतरु कमायु ने वेपार कर्यु। 16 पेहलु पावर्यु आवीन कह्यु, मालीक! तु मेसेक दस कळदार रुप्या आपलु, तीनु दस रुपयान मे अळी दस कळदार रुप्या कमायलु छे। 17 मालीक तीनाक कह्यु, ए वारलु पावर्यु तु बेसकु वारु कर्यु! तु नानली सी नानली वातेम बी ईमानदार नीकळ्यु, हय तुसेक दस सहर पर हक आपो। 18 दीसरु पावर्यु आवीन कह्यु, मालीक! तारा पांच कळदार रुपयान साहरे मे पांच कळदार रुप्या अळी कमायलु छे। 19 ने मालीक तीनाक बी कह्यु, तुसेक बी पांच सहर पर हक आपो। 20 हय तीसरु पावर्यु

आवीन कह्यु, मालीक! देख, जु छे तारु कळदार रुप्यु, तीनाक मे एक पुथल्याम बांदीन मेक देदलु। 21 काहाकी मे तुसेक देखीन बीहतेलु, काहाकी तु बेसकु आकरु छे; तु जां नी मेले तीनाक ईछी ली जाय, ने जां तु नी एर्यु, तीनाक तु काट लेय। 22 चु मालीक तीनाक कह्यु, ए वेरी पावर्या! मे तुसेक तारात मुंडा सी तारु नीयाव करीस। तु जाणतेलु की मे आकरु छे। ने जां नी मेलो चो ईछ ली जाम, ने जां नी एरु चो काट लम। 23 ती तु मारो धन सवकारेनचां काहा नी मेल्यु? ने तत्तयार मे पछु आवीन तीनु पयसया काजे ईयाज समेत सवकार धडे सी ली लेतु 24 ने मालीक साते उबा हय रवला आखा माणसेक कह्यु, ईना पावर्या धडे सी चु कळदार रुप्यु, हापकी लेवु, ने जेरे धडे दस कळदार रुप्या छे, तीनात काजे जु कळदार रुप्यु बी आप देवु। 25 चे उबा हय रवला आखा माणसे मालीक काजे कह्या, मालीक! हेरे धडे ते दस कळदार रुप्या छे। 26 मालीक जपाप आप्यु, तेरे धडे छे, तीना काजे अळी बी आपसे; बाकुन तेरे धडे काय नी हय, तेरे धडे सी, च बी मांग लेसे, ज तेरे धडे छे। 27 बाकुन तीनु मारा वेरी काजे, तीनुक ज्य नी चाहतेला की मे तींद्रे पर राज करो तीनुक जां मारे अगळ मार नाखु। 28 जी वात कयदीन ईसु यरुसलेमेन गांव भीणी तेरा चेला अगळ-अगळ जाणे बाजी गुयु। 29 ने ईसु चालतु-चालतु बेतफगे ने बेतनया गांव धडे वाळा जेतुन नावेन बयडा पर पुग्यु। तत्तयार ईसु आपसा दुय चेलाक धडे बुलायु ने तीनुक ज कय मकल्यु। 30 “अगळ पला गांव मां जावु। ने जसा तुहुं गांव मां भरायसु, ती तुहुं एक गदड़ान पीलो बांद रवलो देखसु। तेरे पर कुय बी माणुस कदी नी बठ्या। तीनाक छुडीन जां ली आवु। 31 कदी तुहुं कुय पुछे की ईनाक काहा छुड रया? ती तीनाक कवजु” मालीक काजे ज गदड़ान पीलो चाहजे। 32 चे दुय चेला तसात कर्या जसु तीनुक कवला। जसु ईसु कय देदलु, तसात तीनुक एक गदड़ान पीलो बांद रवलो जड्यो। 33 जत्तयार चे तीनाक छुडने बाजी रवला, ती हेरा मालीक तीनुक देख्यु ने पुछ्यु “तुहुं हामरा पीला काजे काहा छुड रया?” 34 चे कह्या “मालीक काजे ज गदड़ो चाहजे।” 35 तत्तयार चे पीलाक ईसु धडे लाया ने चे पीलान पर पुथलया पांगराय देदा ने तीना पीला पर ईसुक बठाड़ देदा। 36 ईसु पीलाक चालाडीन सहर भीणी ली गुया, ने माणसे आपसा पुथलया ने चादरा तेरे अगळ वाट पर आथरीन तेरो आव-भाव कर्या। 37 ईसु जेतुन झाड़कान बयडान कडखे यरुसलेम धडे पुग्यु, ती ईसुक मानने वाळा बेसका माणसे, ईसु आयु करीन खुस हय गुया, ने वारु काम काजे देखीन भगवान काजे बेसकु वारु कहवीन खुस हयन तेरी बडाय करने बाजी गुया। 38 “बरकतवाळु छे चु राजु, जु भगवान मालीकेन नावे आवे। सरगे मां सांती छावाय रयो आखाम उचा रहण्या भगवानेन बडाय हय रया।” 39 ज सामळीन टुळा मां सी थुडाक फरीसी माणसे ईसु काजे कह्या, “ए मासतर! तु तारा चेलाक झीचकारीन हुगु राख।” 40 बाकुन ईसु तीनु फरीसी माणसे

काजे कह्यु, “मे तुहुं कहुं कदी जे हुगा रय जासे ती, जे दगड़ा आपसात आयडसे।” 41 जत्तयार ईसु यरुसलेम सहर धडे आयु, ने चु सहरेक देखीन रड्यु। 42 ने असु कह्यु, ए यरुसलेम सहर मां रहण्या माणसे कदी तुहुं बी हीने दाहडे आपसी सुक-सांतीन वाट जाण लेता, ती भलो हवतो, बाकुन हय लग ची सातायली छे, ने तुहुं क नी देखायी। 43 काहाकी तारे पर चे दाहड़ा आवसे जत्तयार तारा वेरी तारे चारेमेर आवीन तुसेक घेरी लेसे ने चारेमेर सी तुसेक दड़पसे। 44 ने ईनु भीतड़ान ईचमां तुसेक ने तारा पुरयाक धुळा मां मीलाड़ देसे ने गांवेन भीतड़ा उदरी जासे, ने दगड़ा पर दगडु बी नी रवणे देसे, काहाकी तुहुं भगवान भीणी सी मकेल्ला मसी काजे नी उळख्या। 45 ईसु मंदीरेन आंगणा मां भरायन लेणु-देणु करन्या वेपारीक बाहर नीकाळने बाजी गुयु। 46 ने तीनुक कह्यु, “खरला सासतुर मां ज लिखलो छे, मारो घर दुवान घर कहवायसे, बाकुन तुहुं ईना घरेक, डाकुन घर बणाय देदा।” 47 चु ईसु दाहडीन मंदीर मां माणसे काजे वात सामळावणे बाजी रवलु। ने ईसु काजे भगवानेन डाहला पुजारा ने यहुदी-सासतुर सीकाड़न्या ने मालदार माणसे वीरुद करने बाजी गुया ने तीनाक मार नाखणेन मुखु हेर रवला। 48 बाकुन तीनुक काय बी नी बणायु, ने तीनुक समज नी आयु की ज कसों करजे, काहाकी आखा माणसे बेसका तेरी वात सामळने चाहतेला।

20 एक दाहडु ईसु मंदीर मां माणसे काजे वात सीकाड़तु जायन खुस-खबर सामळावणे बाजी रवलु, भगवानेन डाहला पुजारा ने यहुदी-सासतुर सीकाड़न्या डाहला-डाहला भेळा ईसु धडे आवीन उबा हय रवला। 2 ने ईसु काजे कवणे बाजी गुया, “हामुक बताड़ की तु काहना हक सी ज आखो करने बाजी रयु? ने तुसेक जु हक कुण आप्यो?” 3 ईसु तीनुक जपाप आप्यु, “मे तुहुं एक सवाल पुछो, तेरु जपाप मेसेक आपु।” 4 बपतीसमा आपण्या युहन्ना काजे बपतीसमान रीत आपणेन हक, सरगा वाळु भगवान आपलु की माणसे आपला? 5 जी वात सामळीन चे ज कवता जायन आपसात वीच्यार कर्या, हामु काय कवजे? भगवान आपलु कवसुन, ती कवसे, तुहुं बपतीसमा आपण्या युहन्नान वात काहा नी मान्या। 6 ने कदी माणुस आपलु करीन कवसु, ती ज माणसेन टुळु आपणुक दगड़ायन मार नाखसे, काहाकी आखा बपतीसमा आपण्या युहन्ना काजे भगवानेन अधी सी आवणे वाळी वात बताड़ने वाळु माने। 7 अतराम चे जपाप आप्या, “काय जाणु हामुक मालुम नी हय, की ज हक युहन्ना काजे कुण आप्यो।” 8 ईसु तीनुक कह्यु, “मे बी नी देखाड़तु की मे ज आखो कुणीन हक सी करने बाजी रयु।” 9 ती चु माणसे काजे जु, दाखलु सामळावणे बाजी गुयु, एक कावा एक किरसाण अंगुरेन वाड़ी लागाड्यु। ने ची वाड़ी दीसरा किरसाण काजे साजा मां आपीन, बेसका दाहड़ा लग दीसरा देसेम जात रयु। 10 जत्तयार अंगुर काजे भेळा करनेन टेम आय, ती चु आपसा एक पावर्याक

मेरेन वाटु लेणे करीन मकल्यु। बाकुन साजलया किरसाण थुडाक सदुकी ईसु भीणी आया। तींदरु असु वीच्यार छे की, मरलाम सी पछु जीव उठणु हय नी। चे ईसु अगळ असु सवाल दीसरा पावर्त्याक ठुकीन ठारलुत पछु मकली देदा। 11 ने अळी चु पछुया, 28 “ए मास्तर! मुसु हामरे वाटे जो हुकुम लिखलो छे, बी ठुक्या, ने नाव-बद्दी करीन ठारलुत मकली देदु। 12 बाकुन कदी कुय भायस आपसी घरवाळी हय ने अवल्यात पाखुर मर अळी चु तीसरा पावर्त्याक मकल्यु बाकुन साजेल्या तीनाक जाय, ती तेरु भायस आपसा भायसेन रांडायलीक बणाय लेणु बी ठुकीन, अंगुरेन वाड़ी मां सी घायल करीन नीकाळ देदा। 29 सात भायस हतला, पेहलु भायस ईयाव कर्यु ने अवल्यात चाहजे ने आपसा भायस वाटे अवल्यात पयदा करनु चाहजे। 13 ती चु अंगुरेन वाडीन मालीक आपसा मन मां कह्यु, “हय भायस इयाव कर्यु ने अवल्यात मे काय करो? मे मारा लाटेकला पुर्याक मकलीस।” कांखुर पाखुर मर ग्यु। 30 अळी दीसरु भायस तीनी रांडायली बायरी मायन चे तेरी ईज्जत करीन तेरु आव-भाव करसे 14 बाकुन काजे बणायु। 31 ने तीसरु भायस बी तीनी रांडायली साते इयाव कर्यु, ने चु बी मर ग्यु असा करीन एक-एक करीन सात भायस रांडायली काजे बणायाने ने अवल्यात पाखुर मर गुया। 32 आपणु मार नाखजे, ती जी आखी जागा आपणी हय जासे।” ने आकरी मां ची बायर बी मर गुया। 33 ती अळी चे पछा जीवता 15 ने चे साजेल्या किरसाणया तीनाक अंगुरेन वाड़ी मां सी हवसे, ती ची बायर कुणीन घरवाळी कवायसे? काहाकी ची बाहर नीकाळ देदा। ने ठुकी-ठुकीन मार नाखया। अळी देखु सातु जणान घरवाळी बनली।” 34 तत्तयार ईसु तीनुक कह्यु, वाडीन मालीक तीनु साजेल्या किरसाणयान काय करसे? ईनी कळी मां माणसेन मांगणी इयाव हवतु रवसे। (aiōn g165) 35 बाकुन जे माणसे जीवता हयन नवली कळीन हकदार्या बणसे, तीनु माणसे मां मांगणी इयाव नी हवे। (aiōn g165) 36 चे जी उठीन कदी नी मरे काहाकी चे सरग वाळा काहवाळ्यान तसा अमर रवसे। ने पछा जीवता हयन जी उठणेन अवल्यात बणीन नवली जीवायन हकदार्या बी हयन भगवानेन अवल्यात बी बण जासे। 37 बाकुन मर्या-सर्या माणसेक पछा जीवता खुणान दगडु बण ग्यु। 18 जु कुय बी ईना दगडा पर पडसे, चु हवणुत छे। मुसु बी जी उठणेन वात काजे धपतेला झाडका मां छेदर्या-छेदर्या हय जासे। ने कदी चु दगडु कुय पर पडसे ती उजेंती कर्यु। असो मालीक काजे अब्राहमेन भगवान, इसाकेन तीनाक घेद्या-घेद्या कर देसे। 19 यहूदी-सासतुर सीकाडन्या भगवान, याकुपेन भगवान कहवाये। 38 भगवान मरला माणसेन ने भगवानेन डाहला पुजारा ईसुक तत्तयारुत धरने हींडतेला, भगवान नी हय, बाकुन जीवतेला माणसेन भगवान छे काहाकी बाकुन चे माणसे काजे देखीन बीहतेला। चे वारु समजी गुयला, तेरे अगळ आखा जीवतेला छे। 39 जी वात सामळीन तींदरे की ईसु जु दाखलु आपणेत बारामां कय र्यु। 20 ने चे ईसु मायन थुडाक यहूदी-सासतुर सीकाडन्या तीनाक कहया, “ए काजे फसाडनेन नींगा नाख रवला, ने ईसुन चुकसी लेणे करीन मास्तर! तु बेसका वारु कह्यु!” 40 अळी तीनु काजे ईसु थडे अळी काहनी बी वात पुछणेन हिम्मत नी हय। 41 ईसु तीनु काजे पुछ्यु, “मसी काजे, दावुदेन अवल्यात काहा कवे?” 42 मायन थुडाक यहूदी-सासतुर सीकाडन्या तीनाक कहया, “ए मास्तर! तु बेसका वारु कह्यु!” 40 अळी तीनु काजे ईसु थडे अळी काहनी बी वात पुछणेन हिम्मत नी हय। 41 ईसु तीनु काजे पुछ्यु, “मसी काजे, दावुदेन अवल्यात काहा कवे?” 42 काहाकी दावुद राजा ते भजनेन किताप मां आपसा जीव सी कवे, मालीक भगवान मारा मालीक भगवान काजे कह्यु: “तु मारे जेवडे आंगे बस। 43 जत्तयार लग मे तारा वेरीक तारा पाय मेलनेन पयडी नी बणाय दम।” 44 दावुद राजा आपसी जीवाय मां तीनाक मालीक कह्यु, “ती चु तेरु पुर्यु कसु कवायसे?” 45 कां बस रवला आखा माणसे ईसुन वात सामळने बाजी रवला, तत्तयार ईसु आपसा चेला भीणी देखीन तीनु काजे कह्यु, 46 “यहूदी-सासतुर सीकाडन्या सी चेतीन रवु। काहाकी तीनुक गळा सी पायेम लग लांबला पुथल्या पेहरनु वारु लागे, ने हाटे मां दीसरा माणसेन मुंहडा वारु की? पुछे ती तीनुक वारु लागे। ने भगवानेन भक्तीन घर मां पेहली कुडची पर बसणु, ने पंगत मां पेहली जागा हेरनु, तीनुक बेसको वारु लागे। 47 चे रांडायला बायरान घर मां भरायन तीनुक धुकु दीन ठगी लेय, ने तींदरा घर बारेक उजाड़ देय, ने दीसरा माणसेक देखाडने करीन

लांबी-लांबी बेसकी वार लग दुवा करे। हीनुक भगवानेन घर सी नीयावेन डंड जादात जडसे।”

21 ईसु मंदीर मां हतलु, ती उचु देखीन लकपती माणसे काजे दान-पेटी मां आपणा-आपणा दान नाखतेला देख्यु। 2 तीनी टेमे मंदीर मां ईसु एक गरीब रांडायली बायरीक, दुय तांबान रुप्या धरम करतेली देख्यु। 3 ने तत्पार ईसु कह्यु, “मे तुहुंक छाचलीन कव की जी गरीब रांडायली बायर हीनु आखा माणसे सी आखाम अदु दान आपली छे। 4 काहाकी दीसरा, माणसे आपसा बेसका कमायला धनेम सी ईतरोक आपला छे, बाकुन जी गरीब हयन बी जीवणे वाटे तेरे धडे जो कमायलो हतलो, च आखो आप देदी।” 5 जत्पार ईसु काजे थुडाक चला मंदीरेन बारामां असी वात कवणे बाजी गुया, “जु मंदीर कतरु वारु छे, वारलु दगडा सी ने छेल भात्या चीजे सी बेस सींगारलु छे।” 6 जी वात सामळीन ईसु तीनु काजे कह्यु, “असा दाहडा बी आवसे ईना मंदीरेन आखा तत्रा जो तुहुं हय देखी र्या च आखो उदरीन सर जासे ने दगडा पर दगडु बी जमलु नी रहणे देय।” 7 चे ईसु काजे पुछ्या, “ए मास्तर! ज आखो कत्पार हवसे ने जत्पार ज आखो पुरो हवसे तीनी टेमे काहनी सहलाणी देखाव पडसे?” 8 ईसु तीनु काजे कह्यु, चेतनी रवु, तुहुंक कुय मनवीन ठगी नी लेय, काहाकी बेसका माणसे मार नावेन आवसे ने कवसे, चु मसी मेत छे ने ची टेम बी आय गुयली छे। तुहुं तींद्रे पर भुरसु करीन तींद्री वात मानीन तींद्रे पछळ-पछळ घुण जावु। 9 जत्पार तुहुं लडाय झगडान ने खुन-खराबान वात सामळसु, ती तुहुं घुण घाबरायु काहाकी असो ते हवसे ने हवसे। बाकुन तीने टेमे तत्पारुत कळ नी सरे। 10 ती ईसु तीनुक अळी कह्यु, एक जातीन माणसे दीसरी जातीन माणसे साते लडाय-झगडु करसे, ने एक राजेन माणसे दीसरा राजेन माणसे साते लडाय झगडु करसे। 11 ने बेसकी जागाम बेसकी धरती धडडीन फाट जासे, जां चां काळ पडसे ने माणसेन रुग लाग जासे ने सरगे मां बी आज लग देख्या नी असली बीहाडनेन सहलाणी सरगे मां बी देखाव पडसे। 12 “बाकुन ज आखो हवणेन पेहले बेसका माणसे मारा नावेन करता तुहुं काजे धरीन तुहुंक बेसका वेला पाडसे, ने यहूदी पंचुन हातेम आप देसे राजा ने रोमी नीयाव करन्या अगळ घीसीन लावसे ने चे तुहुंक जेलेम कुंड देसे।” 13 बाकुन ची टेम तुंद्रे वाटे मारा बारामां मां गवा देणेन वारलु मुखु बण जासे। 14 तेरेसी आपणा मन मां ठाणी लेवु की हामु पेहले सी बचणे करीन काय-काय कवसुन करीन फीकुर मां करजु। 15 काहाकी मे तुहुंक असु बुल ने अक्कल आपीस, की तुंद्री वीरुद करन्याक वातेम तुंद्रे साते लडाय नी पडे ने तुंद्री वातेक काटी नी सके। 16 तुंद्रा माय-बास ने भाय ने धडे वाळा ने तुंद्रा दुस्तीदार्या तुहुंक थराय देसे। ने तुंद्रे मायन बेसका जणाक माराय बी नाखसे। 17 ने तुहुं मार पर भुरसु कर र्या करीन मार नावेन आखा माणसे तुंद्रे साते बेसका रीस करसे। 18 बाकुन तेबी तुंद्री मुणकीन एक बी कान्या लग नुकसाण नी हवे। 19

तुहुं ईनी आखी वात मां गम खासु ती तुहुं तुंद्रा जीव काजे बचाड लेसु। 20 तत्पार तुहुं यरुसलेम गांव काजे चारेमेर सीपायडा सी घेरायलो देखसु, ती तुहुं समजी जाजु की हय गांव उजडनेन टेम धडेस आय गुयलो छे। 21 तत्पार जे माणसे यहूदीया जीला मां हय चे बयडा मां ढास जाजु, ने जे यरुसलेम सहर मां हय चे माणसे बाहर नी नीकळनु चाहजे ने गांव मां हय चे पछा सहर भीणी घुण जावु; 22 काहाकी तीनु दाहडाम भगवान नीयाव करसे ने डंड आपणेन दाहडा हसे, ज काय भगवानेन सास्तुर मां लिखला बुल छे चे पुरा हवसे। 23 असली टेम मां जे भारीस ने पुर्या काजे दुत पावनी बायरीन कतरु मटु दुख छे! काहाकी जागे-जाग मां मटा दुखेन ने हीडा-पीडान दाहडा आवसे। 24 तीनु दाहडाम माणसे तलवारेन धारे सी काटायसे। तीनुक धरी-धरीन ने बांदीन आखा देसेम वाटी ली जासे; ने यरुसलेम सहर काजे नी-यहूदी माणसे तत्पार लग रंदळसे जत्पार लग तीनु नी-यहूदी माणसेन टेम पुरी नी हवे। 25 “दाहडे, ने चांद, ने तारा मां, सहलाणी देखाव पडसे, ने धरतीन आखा देस-देसेन माणसेन जीवाय पर गरा ने हीडा-पीडा आवसे। ने चे दर्यान सुसवारु ने झलक देखीन घाबराय जासे। 26 ने माणसे बीहीन ने कळ पर आवणेवाळी आखी आफतेन वाट देखी-देखीन जीव मां जीव नी रवे, काहाकी सरगेन आखी ताकत हाल जासे। 27 ने तत्पार आखा माणसे-माणसेन पुर्या काजे ताकत भेळु ने सेक-सींगार भेळ आदळा पर बसीन आवतेलु देखसे। 28 जत्पार जी आखी वात हवणे बाजी जाय, ती तुहुं उठीन उबा हय जावु, ने उचा भाळीन देखजु, काहाकी तुंदरु छुटकारु धडेस रवसे।” 29 ईसु तीनुक एक दाखलु सामळायु, “अंजीरेन झाडकाक ने आखा दीसरा झाडकाक बी देखु।” 30 जत्पार तीनु झाडकान डीरा फुटणे बाजी जाय, ने नवला पान्टा नीकळने बाजी जाय, ती तुहुं छाचलीन समजी जावु की हय उंडाळु आवणे बाजी र्यु। 31 ईनी रीती सी जत्पार तुहुं ईनी वातेक हवतेली देखसु, ती तुहुं जाण जाजु की भगवानेन राज धडेत आय गुयलो छे। 32 मे तुहुंक छाचलीन कहवो, की जी कवली वात जत्पार लग आखी पुरी नी हय जाय, तत्पार लग ईनी पीडीन माणसे कदी नी मरे। 33 सरग ने धरती टळ जासे, बाकुन जे मारा कवला बुल छे चे कदी नी टळे। 34 तेरेसी चेतनी रवु, की कांखुर मायन असु नी हवे, की नाचणे कुदणेन मन मां, ने नस्या मां ने ईनी कळीन जीवायन फीकुर मां तुहुं नीसरा हय जावु ने चे गरान दाहडा तुंद्रे पर उचकाणुन आय पडे। 35 काहाकी चे गरान दाहडा आखी धरती पर रवणेवाळा आखा माणसे पर ईनी फांदेन तसा आय जासे। 36 तेरेसी जागता रवु ने आखी टेम मां दुवा करता रवु, काहाकी तुहुं ईनी आवणे वाळी आखी गरा सी बची सकु ने भुरसा भेळा माणसेन पुर्या अगळ उबा रय सकु असा बण जावु। 37 ईसु दीसु-दीसु दाहडीन मंदीर मां वात सीकाडतेलु ने राते-राते बाहर जेतुन नावेन बयडा पर र्या करतेलु। 38 ने माणसे संदारे ईसुन वात सामळने करीन मंदीर मां भेळा हय जातला।

22 नी खमीरी रुटा बणावणेन तीहवार जु पासका नावेन तीहवार बी कवायतेलु, धडेस आय रवलो। 2 ने तीने टेमे ईसु काजे मारनेन वीच्यार करने करीन, भगवानेन डाहला पुजारा ने यहूदी-सास्तुर सीकाइन्त्यान भेळा हया, बाकुन चे चां आवला माणसेक देखीन बीहतेला। 3 तीने टेमे यहूदा मां भुतड्डु भराय गुयु, जु ईस्करीयोत बी कवायतेलु, ने जु बारे चेला मायन एक हतलु। 4 चु ईसुक धराइने करीन भगवानेन डाहला पुजारा ने पेहरु देण्या सीपायइान डाहला सीपायइा काजे भेळु हयन तींदरे धडे असु वात कर्यु की चु काहनी रीते सी, ईसु काजे तुंद्रा हातेम धराइ दीस। 5 ने तीनाक भेळा हयन बेसका खुस हय गुया ने चे तीना यहूदा इसकरीयोती काजे ईनी वातेन बदलाम पयस्या आपणेन वायदु कर्या। 6 यहूदा राजी हय गुयु ने चु हुगुत माणसेन नजर सी छेते हयन ईसु काजे धराइने करीन मुखु हेरतु रयु। 7 थुडाक दाहडा मां अखमीरी पाखुर रुटा बणावणेन तीहवार आयु, तीनाक पासकु तीहवार बी कवे। ईना तीहवारेन तीयारी करनेन टेम आवी। तीना तीहवारेन दाहडे गाडरान एक पीलो मारनुत पडतेलो। 8 अतरा मां ईसु हेरा चेला पतरस ने युहन्ना काजे धडे बुलायु ने ज कय मकल्यु, “जावु ने आपणे वाटे पासका तीहवारेन खास खाणो तीयार करु।” 9 चे ईसुक पुछ्या, “तु काहा चाहे की हामु ईना खाणा काजे तीयार करजे?” 10 ने ईसु चेलाक जपाप आप्यु, “देखु यरुसलेम सहर मां तुहुं भरायसु, ती तुहुंक एक अदमी ठाहरा मां पाणी भरीन लावतेलु भेळु हवसे, ने तुहुं तेरे पछळ-पछळ जाजु ने चु तीना घर मां भरायसे तीनात घर मां तुहुं बी भराय जाजु। 11 ने तुहुं तीना घरेन मालीक काजे कवजु, मास्रत हामु काजे तुसेक ज कवणे करीन मकलयु की, चो मेजवान्यान कमरु कां छे, चां मे मारा चेला भेळु पासका तीहवारेन खाणो खाम? 12 ने तुहुं काजे तीना घरेन मालीक माळा पर एक सींगारलु मट्लु कमरु देखाइ देसे तुहुं चांहान पासका तीहवारेन खाणु तीयारी करजु।” 13 पतरस ने युहन्नु गांव मां गुया ने तसात देख्या, जसु ईसु कवलु, ने चे फसह तीहवारेन खाणो तीयारी करने बाजी गुया। 14 जतयार सांतो हयो ती ईसु ने तेरा नेवताळान घर मां गुया, ने रुटा खाणे बठ्या। 15 ने जतयार चे आखा पासका तीहवारेन रुटा खाणे बाजी रवला ती ईसु आपसा चेलाक कह्यु, “मे दुख झेलनेन पेहले ज खाणो तुंदरे साते खाणेन हेर कर रव्लु। 16 काहाकी मे तुहुंक कहवो की, जतयार लग भगवानेन राज पासका तीहवारेन खाणो खाणेन रीती पुरो नी हवे, ततयार लग मे पासका तीहवारेन खाणो अळी नी खाम।” 17 ने अळी ईसु कटवरा काजे हातेम लेदु, ने भगवान काजे बेसकु वारु कह्यु, ने आपसा चेला काजे चो हाते वाळो पीयालो आपतु जायन कह्यु, “ईना पीयाला काजे लेवु, ने वाटी-वाटीन पी लेवु। 18 काहाकी मे तुहुंक कहवो की, जतयार लग भगवानेन राज ईनी धरती पर नी आवे, ततयार लग हय मे जु अंगुरेन रस कदी नी पीयो।” 19 अळी ईसु हातेम रुटा लेदु, ने रुटा वाटे भगवान बेसकु वारु कहनी रुदु भांजीन आपसा चेलाक आपतु जायन कह्यु, “जु रुदु मारो डील छे। जो तुंदरे वाटे आप रयु। मेसेक हेर करने करीन असात रुटा वाटे भगवान काजे ‘बेसकु वारु छे’ कहवीन रुदु भांजीन वाटी-वाटीन खाया करजु।” 20 तीनी रीती सी रुदु खायलीन पछे अळी ईसु पीयालो हातेम धर्यु ने कह्यु, “ज पीयालो मारा लुही मां बणावला नवला वायदान सहलाणी छे, जो तुंदरे वाटे उहवाइने वाळो छे।” 21 बाकुन जु मेसेक धुकु दीन धराइसे, चु मार साते पंगत मां बसीन खाणे बाजी रयु। 22 काहाकी माणसेन पुर्या पर ते, जसो लिखलो छे तसो तेरे साते हवणे वाळो छे; बाकुन तीना माणुस पर गरा आय पडे, जु धुकु दीन धराइसे, चु मार साते पंगत मां बसीन खाणे बाजी रयु। 23 चेला एक दीसराक आंबा-सांबा पुछणे बाजी गुया, की हामरे मां असु कुण छे, जु तुसेक धराइनेन काम करने वाळु छे। 24 चेला आंबा-सांबा असा पुछीन जखडी पडे की, हामरे मां आखाम मटु कुणीक समजणु चाहजे? 25 ईसु तीनुक कह्यु, “नी-यहूदी राजा तींदरे पर हक जमाडीन राज करे; ने जे तींदरे पर हक जमाडीन चे ज कवणे हींडे की हामु मदत करन्या छे कहवे। 26 बाकुन तुहुं असा घुण बणु काहाकी जु कुय तुंदरेम मटु हवणे हींडे, चु आखाम नानु बणनु चाहजे। ने जु कुय हकदार्यु हय, चु आखान पावर्यु बणनु चाहजे। 27 मटु कुण छे, पंगत मां बसीन खाणु खाण्यु मटु छे की खाणो वाटण्यु वारती मटु छे? जु पंगतेम बसीन खाणो खाण्यु मटु नी हय काय? बाकुन मे तुंदरेम खाणो वाटण्या वारतीन तसु छे।” 28 बाकुन तुहुं मारी आखी पारख ने आफत मां मारे पुठ्ये रया। 29 जसु मारु बास मेसेक राजु बणायन राज-पाट आपलु, तसात मे बी तुहुंक राजा बणायन राज-पाट आपो। 30 तेरेसी की तुहुं मारा राज-पाट मां मारी पंगत मां मारे पुठ्ये बसीन खादा-पीदा ने राजगाद्या पर बसीन ईस्रायेलेन बारे कुळीन माणसेन नीयाव करे। 31 ईसु पतरस काजे कह्यु, “ए सीमोन! ए सीमोन! सामळ भुतड्डु तुहुं आखा काजे गहुंन तसु चुळने करीन भगवान धडे मांग लेदु। 32 बाकुन मे तारे वाटे भगवान सी लीलघाय कह्यु की। काहाकी तारु भुरसु भगवान पर सी छेते नी हवणु चाहजे। ने जतयार तु पछु भुरसु करसी ती आपसा भायसेक बी भुरसा मां लावीन काठा करजी।” 33 सीमोन पतरस ईसु काजे कह्यु, “मालीक मे तारे पुठ्ये जेल मां जाणे, ने मरने लग तीयार छे।” 34 बाकुन ईसु पतरस काजे कह्यु, “ए पतरस मे तुसेक कहवो की तु आज, कुकड्डु वासणेन पेहले, तु तीन कावा ईसुक नी जाणो करीन कवसी।” 35 ने ईसु आपसा चेलाक कह्यु, “जतयार मे तुहुंक बटवु, झुळु ने खासडा पाखुर मकेल्लु, ती तुहुंक काहनी बी वातेन कसर हवली काय?” “चे कह्या काहनी बी वातेन कसर नी हवी।” 36 अळी ईसु तीनु चेलाक कह्यु, “बाकुन हय तेरे धडे बटवु हय, चु बटवु धरी लेवु, ने तेरे धडे झुळु हय, चु झुळु ली लेवु, ने तेरे धडे तलवार नी हय, चु आपसा पुथल्या वेचीन तलवार मुल ली लेवु। 37 काहाकी मे तुहुंक कहवो की चुखला सास्तुर मां लिखलो छे की तेरी गिनती

गुनेगार्याम हवसे। चो आखो मारे बारामां पुरो हवणेत वाळो छे काहाकी मारे बारामां जो काय लिखलो छे चो आखो पुरो हवणे वाळो छे।” 38 तत्पार चेला कह्या, “ए मालीक! देख जां हामरे धडे दुय तलवार छे!” “बाकुन ईसु तीनुक कह्यु, बस अतरात रेट छे।” 39 तत्पार ईसु बाहर नीकळीन जेतुन नावेन बयडा भीणी चाल देदु, चु पेहले बी असुत चां जाया करतेलु। ने तेरा चेला बी तेरे पुठ्ये-पुठ्ये चाल पड्या। 40 ईसु चां बयडे जायन तीनु चेला काजे कह्यु, “पारख मां नी पडनु चाहजे करीन दुवा करया करु।” 41 ने ईसु दगडु उराटीन नाखे अतरे लांबे हींदरे सी छेटुस जात रयु, ने मांडा टेकीन कवतु जायन भगवान बास सी दुवा कर्यु। 42 “ए बास! कदी तु चाहे, ती जु दुखेन पीयालो मारे धडे सी टाळ दे, बाकुन तेबी मारी मरजी नी, बाकुन तारीत मरजी पुरी हवणे दे।” 43 तत्पारुत तीनाक एक सरग वाळु काहवाळ्यु देखाय देदु, जु मालीक ईसु काजे ताकत आप्या करतेलु। 44 ने ईसु आपसी जीवाय मां बेसकु कलेपतु जायन अळी बी पुरो मन लागाडीन दुवा करने बाजी गुयु, ने तेरु पसीनो, मटला-मटला लुहीन टीपकान तसु धरती पर पडने बाजी रवलु। 45 तत्पार चु दुवा करीन उठीन आयु, ने आपसा चेला भीणी गुयु, ने तीनुक सुवतेला देख्यु। काहाकी चे बेसका दुखी हतला। 46 चु तीनुक कह्यु, “तुहं काहा सुवणे बाजी रया? उठु ने तुहं पारख मां नी पडु करीन दुवा करता रवु।” 47 ईसु चेला काजे ज कवणे बाजी रवलु, ने बेसका माणसेन टुळु ईसुनचां आय गुयु; ने ईसुन बारे चेला मायन एक यहदा इस्करीयोती नावेन एक चेलु बी तीना टुळा अगळ-अगळ आय रवलु, चु बी ईसु धडे आयन ईसुन गुळु देदु। 48 ईसु तीनाक कह्यु, “ए यहदा तु गुळु दीन माणसेन पुर्या काजे धुकु दीन धराडने बाजी रयु काय?” 49 ईसुन दीसरा चेला देखया की धुकु हवणे वाळु छे करीन ईसुक कह्या, “ए मालीक हामु ईनुक तलवार सी झाटकाय देजे काय?” 50 ने तीनु चेला मायन एक चेलु, भगवानेन डाहला पुजारान मुख्यान पावर्या पर तलवारेन झाटकु देदु, ने तेरो जेवड्यु कानटु काट देदु। 51 बाकुन ईसु कह्यु, “हय रहणी देवु, बेसको हय गुयो, ने ईसु तेरु कांटु!” छीमीन तीनाक वारु कर देदु। 52 ने तत्पार ईसु भगवानेन डाहला पुजाराक; ने तेरे मंदीरेन राखवाळी करन्या सीपायडान डाहला सीपायडाक ने डाहा-डाहा काजे, जे तेरे भीणी जुर करीन आवला तीनुक कह्यु, “तुहं मेसेक धाडु पाडन्यु समजीन तलवार ने डेंगा लीन मेसेक धरने आय रया काय? 53 मे दाहडीत मंदीर मां तुंदरे पुठ्ये हतलु, तेबी तुहं मेसेक नी धर्या। बाकुन हय जी टेम तुंदरी छे? काहाकी हय आंदारलान हक छे।” 54 अळी चे ईसु काजे धरीन बांद लेदा ने तीनाक चां सी भगवानेन डाहला पुजारान मुख्यान घर ली जाणे करीन चाल पड्या। पतरस ईतरुक छेटुस तेरे पछळ-पछळ जातलु। 55 डाहला पुजारान घर जायन ने माणसेन आंगणा मां आकठो धपाडीन आकठान चारेमेर बस गुया। पतरस बी तींदरे पुठ्ये बस गुयु। 56 ने एक पावरनी पुरे पतरस काजे आकठान

वीजाळे बस रवलु देखी, ने तेरे पर नींगा नाखीन कहवी, “जु माणुस बी ते हेरेत पुठ्ये हतलु।” 57 बाकुन पतरस नीकारु करतु जायन तीनी पुरे काजे कह्यु, “ओ बहणीस! मे हीनाक जाणो लग नी।” 58 ईतरीक वार मां अळी काहनुक पतरस काजे देखीन कह्यु, “तु बी ते हीनु माणसे मायन छे। पतरस तीना माणसे काजे कह्यु, नी भाय! मे तीनु माणसे मायन नी हय।” 59 एक घंटुक हय गुयु ने अळी काहनुक दीसरु जुर करीन कह्यु, “खरान, जु बी ते तेरेत पुठ्ये हतलु। काहाकी जु ते गलील जीला मां रवण्यु छे।” 60 पतरस तीनाक कह्यु, “ए भायस मे नी जाणु की तु काय कहणे बाजी रयु!” पतरस कहणे बाजी रवलु, ने तत्पारुत कुकडु वास देदु। 61 तत्पार मालीक ईसु पळु फीरीन पतरस भीणी देख्यु ने तत्पारुत पतरस काजे ईसुन जी वात हेर आवी, जी वात मालीक ईसु तीनाक कवलु, की “आज कुकडु वासणेन पेहल, तु मेसेक तीन कावा मारु नीकारु करीन कवसी की मे ईसुक जाणो लग नी।” 62 ने तत्पारुत पतरस बाहर नीकळीन उसकी-उसकीन बेसकु रडने बाजी गुयु। 63 जे राखवाळी करने वाळा सीपायडा ईसुक धरीन लावला, चे तेरी हासी उडाडीन, ने तीनाक वेला पाडता जायन ठुकतेला। 64 ने चे सीपायडा ईसुन डुळे पाटु बांदीन तीनाक असा पुछता रया, कदी तु भगवानेन अधी सी आवणे वाळी वात बताडने वाळु हय, ती हामुक देखाड, हामरे मायन तुसेक कुण देदो। 65 ने चे बेसकी वात नीकाळीन तेरी नाव-बददी करीन तेरे वीरुद मां वात कह्या। 66 दीसरे दाहडे एगात यहदी पंचुन आखा डाहला ने भगवानेन मंदीरेन पुजारा ने यहदी नीयम सीकाडने वाळा आखा भेळा हय गुया, ने चे ईसु काजे नीयावेन मटली बसक मां बुलायन काय-काय पुछ्या। 67 कदी तु खरान मसी हय ती हामु काजे कय दे! “ईसु तीनुक कह्यु,” कदी मे तुहं कहवीस, ती तुहं भुरसु नी करु। 68 ने कदी मे तुहं कय पुछीस ती तुहं जपाप नी आपाये। 69 बाकुन हय सी माणसेन पुर्यु आखा ताकत वाळा भगवानेन जेवड्ये आंग्ये जायन बस रवसे। 70 जी वात सामळीन आखान-आखा बस रवला चे कय पड्या, “ती तु भगवानेन पुर्यु छे काय?” ईसु तीनुक जपाप आप्यु, “तुहं कय रया, काहाकी मे भगवानेन पुर्यु छे।” 71 ईसुन मुंहडान वात सामळीन चे कह्या, “हय हामुक गवा-पुरावा देण्या नी चाहजे! काहाकी हामु आपसात हेरे मुंहडा सी आखी वात सामळी लेदला छे!”

23 तत्पार आखी बसकेन माणसे उठीन उबा हय गुया; ने चे ईसु काजे राजा पीलातुस भीणी ली गुया। 2 चे पीलातुस राजा अगळ ईसुन वात पर गुनु लागाडीन कवणे बाजी गुया: “चु हामरा माणसेक सरकारेन वीरुद मां भडकावतेलु, ने तुहं रोमी राजाक फाळु मां आपु कवतेलु सामळळा छे, ने आपसा काजे मे मसी राजु छे, कवतेलु सामेळला छे।” 3 पीलातुस ईसुक पुछ्यु, “तु यहदी माणसेन राजा छे काय?” ईसु जपाप आप्यु, “हव, जसु तु कय रयु मे तसुत छे।” 4 तत्पार पीलातुस भगवानेन

डाहला पुजाराक ने भेळा हवला माणसेक कह्यु, “मारी नींगा काय बी गुनु नी देखायतु। मे ईनाक सपाटा देवाडीन छुडाय मां, जु माणुस रोमी सरकारेन कायदान वीरुद मां काय बी गुनु दीस।” 23 बाकुन चे आयडी-आयडीन ईसु पछळ पड़ गुया की नी करयु।” 5 बाकुन चे जुर दीन अळी-अळीन कह्या की, “जु ईसुक कुरुस पर चडातु। ने तींद्रो आयडनेन काम पुरो हयो। माणुस यहुदा जीला मां आखे दुर ‘सरकारेन वीरुद मां लड़ाय करजु’ करीन माणसेक सीकाइतु आय र्यु। असो करनु ज्य गलील जीला मां सुरु कर देदलु। ने हय च यहुदा जीला मां ईनात काम वाटे आवलु छे।” 6 ज सामळीन पीलातुस पुळ्यु, “जु माणुस गलील जीला मां रवण्यु छे काय?” 7 जतयार तीनाक मालुम पड्यो की ईसु गलील वाळु छे, ती पीलातुस ईसुक हेरोदेस भीणी मकली देदु, जु तीनी टेमे मां यरुसलेम मां हतलु, 8 हेरोदेस ईसुक देखीन बेसकु खुस हय गुयु। चु ईसुन बारामां बेसकी वात सामळी रवलु, ने बेसका कावा तीनाक देखणे बी हींडतेलु। चु ईसुन बारामां वारु-कामेन सहलाणी देखणेन हेर करतेलु। 9 अतराम हेरोदेस ईसु काजे बेसका सवाल पुछतु र्यु, बाकुन ईसु तीनाक काय जपाप नी आपयु। 10 भगवानेन डाहला पुजारा ने यहुदी-सासतुर सीकाइने वाळा हतला। ने चे पुरो मन ने जुर लागीन ईसु पर गुनु लागीय। 11 ततयार हेरोदेस ने तेरा सीपायडा ईसुन हासी उडायाने तेरी नाव-बद्दी कर्या, ने ईसुक चमकण्या ने जामण्या पुथल्या पेहरायाने ने पछा पीलातुस धडे मकली देदा। 12 तीनी टेमे सी हेरोदेस ने पीलातुस साथी बण गुया। ने हेरे सी पेहेल चे दुय एक दीसरान वेरी हतला। 13 हय पीलातुसेन चां भगवानेन मंदीरेन डाहला पुजाराक ने हक करन्याक ने दीसरा माणसेक बुलायु; ने तीनुक कह्यु, 14 तुहुं ईना माणुस काजे माणसेन वीरुद मां माणसे काजे भडकावणे वाळु समजीन मारे भीणी लावला छे, ने देखु, हय मे तुंदरे अगळ ईनाक पारखी लेदु, ने मे जाण लेदु की, तुंदरु हेरे पर गुनु लागीनु सय नी हय। 15 ने राजा हेरोदेस काजे बी मालुम पड़ गुयो की ईसु गुनाळा नी हय। अतरा मां चु पछु मकली देदु, जु माणुस काय बी गलत काम नी कर्यु ने मरनेन डंड आपे असु नी हय। 16 तेरेमां मे हीनाक मार खावाडीन छुडाय दीस। 17 जी वात पीलातुस राजा एरेन करीन कह्यु, काहाकी पीलातुस सालो डीट पासका तीहवारेन दाहडे, यहुदी माणसेक खुस करने करीन एक केदीक जेल मां सी छुड देदलु। 18 पीलातुस राजा ईसुक मरनेन डंड नी आप र्यु ज देखीन गडदी मायन आखा माणसे आयडी देदा ने कह्या, “ईनाक मार नाखु ने बरअब्बा काजे छुड देवु।” 19 ईना बरअब्बा काजे जेल मां कुंड देदला, काहाकी जु यरुसलेम मां सरकारेन वीरुद मां दीसरा माणसे साते आपसा साती भेळ लड़ाय करलु। चु थुडाक माणसेक मारी बी नाखलु। 20 पीलातुस राजा ईसु काजे छुडने हींडतेलु, अतरा मां एक कावा अळी तीनी गडदी मायन माणसे काजे समजाड्यु। 21 बाकुन गडदी मायन माणसे पछा आयडीन कह्या, “ईनाक कुरुस पर चडावु! ईनाक कुरुस पर चडावु!” 22 पीलातुस तीसरी कावा तीनु गडदी मायन माणसेक कह्यु, “काहा? जु माणुस काय गुनु करलु छे? मेसेक हेरे मां मरनेन डंड आपे असु काय बी गुनु नी देखायतु। मे ईनाक सपाटा देवाडीन छुडाय दीस।” 23 बाकुन चे आयडी-आयडीन ईसु पछळ पड़ गुया की नी करयु कुरुस पर चडातु। ने तींद्रो आयडनेन काम पुरो हयो। 24 अळतेन पीलातुस राजा, बरअब्बा काजे छुडनेन ने ईसुक मरनेन डंड आपणे करीन तीयार हय गुयु। 25 पीलातुस राजा तीना माणुस काजे, जु दीसरा माणसे पुठ्ये लड़ाय करतेलु, ने माणसेन खुन करतेलु। करीन जेल मां कुंडाड देदलु। चु तीनाक छुड देदु ने तीनाक कह्यु, “तुहुं क जसा करने लागे तसा करु, ज कयन ईसुक गडदीन ने सीपायडान हातेम आप देदु।” 26 जतयार चे सीपायडा ईसुक कुरुस पर मारने करीन गांव सी ठुक्ता लाया। ततयार तीनुक वाटे कुरेन देस मां रवण्यु सीमोन नावेन एक माणुस भेळु हयु। चु तीने टेमे गांव मां सी सहरेम आवणे बाजी रवलु। चे सीपायडा तीनाक जबरान धर पाड्या ने तीनाक कुरुस हाकलाडीन ईसु पछळ-पछळ चालाड्या। 27 चां माणसेन बेसकु मटु टुळु ईसु पछळ चालने बाजी रवलु। तेरे मां थुडाक बायरा बी हतला जे छाती ठुकी-ठुकीन ईसु वाटे कलपी रवली। 28 ईसु तींदरे भीणी देख्यु ने तीनुक कह्यु, “यरुसलेम मां रवण्या पुर्या मारे वाटे मां रडु। बाकुन आपणे वाटे ने आपणा पुर्या-पारी वाटे रडु।” 29 काहाकी चे दाहडा आवणे बाजी र्या जतयार माणसे कवसे वारु छे चे बायरा, जे आंझ्या छे; ने तींदरा पुर्या नी हया, ने जे रातेडला पुर्याक पाळ्या पुस्या नी। 30 तीनी टेमे माणसे बयडाक कवसे, हामरे पर हीट पड। ने बयडायक कवसे हामुक ढाक लेवु। 31 काहाकी जु काय बी गुनु नी कर्यु, तेरे साते माणसे असु एहवार कर रया, ती छाचली तींदरे साते आवणे वाळा दाहडाम, तेरे सी बी जादा भुंडु एहवार हवसे, जे छाचलीन गुनु करला छे। 32 चे सीपायडा ईसु भेळा दीसरा दुय गुनेगार्याक बी कुरुस पर मार नाखणे करीन पठ्ये-पठ्ये ली गुया। 33 तीना जागाक मुणकान टुबरो कवे, तीनी जागाम चे आया, चे ईसु काजे चां कुरुस पर चडावीन हाते पायेम खीळा ठुक्या। चे दुय गुनेगार्याक बी कुरुस पर चडावीन हाते पायेम खीळा सी ठुक्या। एक काजे ईसुन डाखर्ये आंग्ये ने दीसराक जेवड्ये आंग्ये। 34 ततयार ईसु बास भगवान सी लीलघायन कह्यु, “ए बास ईनुक माफी आप दे! काहाकी जे नी जाणता, की जे काय कर र्या।” ने अळतेन चे सीपायडा चिट्ठी नाखीन ईसुन पुथल्या वाट लेदा। 35 चां बेसका माणसे उबा रयन देखणे बाजी रवला, ती यहुदी मुख्या ईसुन हासी उडाइता जायन कह्या, “हयु दीसराक बेसकु बचाड्यु। कदी जु छाचलीन भगवानेन साहरे नेवाडलु मसी हय ती आपसा काजे बचाड लेणु चाहजे।” 36 सीपायडा बी तेरी हासी उडाय। चे ईसु भीणी आया ने तीनाक अंगुरेन कडवलु रस आप्या, 37 “ने कह्या कदी तु छाचलीन यहुदीन राजु हय, ती आपसा काजे बचाड ले।” 38 ईसुन मुणका सी उपर कुरुस पर गुनान एक लाकडान पट्टी ठुकीन टांगली हतली, “तेरेमां असो लिखलो हतलो जु ते यहुदी माणसेन राजु छे।” 39 ईसु साते कुरुस पर टांगायला गुनेगार्या

मायन एक ईसुन नाव-बद्दी करतु जायन पुछ्यु “तु भगवानेन नेवाइलु छुड़ावणे वाळु नी हय काय? हय ती आपसाक ने हामुक बचाइ ले।” 40 बाकुन दीसर गुनेगार्यु झीचकारीन कह्यु, तुसेक भगवान सी ईतरोक बी बीहाणो नी लागतो काय? तु बी ते हयुत नीयावेन डंड भुकतणे बाजी रयु। 41 तु ने मे ते डंड आपे असात छे, जो आपणु कर्या तेरो फळ आपणुक जइ रयो; बाकुन जु माणुस काय बी गुनु नी कर्यु, “ने गुना पाखुर नीयावेन डंड झेल रयु।” 42 अळी चु ईसुक कह्यु, ए मालीक ईसु! जतयार तु राजु बणीन राज करे, “ती मारी हेर राख्जी।” 43 ईसु तीनाक पछु कह्यु, “मे तुसेक छाचलीन कवो की, तु आजुत मारे पुठ्ये सरणे मां रवसी।” 44 तीनी टेमे दाहड़ान बारे बज रवली हसे, ने ततयारुत तीन बजे लग आखी ईलाका मां आंदारो खुय हय रहलो। 45 ने दाहड़ान वीजाळो बी जाती रवलो, ततयार भगवानेन मंदीर मां चु पड़ु फाटीन दुय टुकड़ा हय गुयु। 46 ततयार ईसु जु र सी आयडीन कह्यु, “ए बास! हय मे मारु जीव तारा हातेम आप दम।” ज कयन ईसुन जीव नीकळ्यु गुयु। 47 रोमी सरकारेन सीपायडान एक डाहलु ज हयो च आखो देखीन भगवानेन बडाय करतु जायन कह्यु, “खरान, जु ते एक धरमी हतलु।” 48 जतयार चां उबा हय रवला माणसे ज हयो च देख्या, ती चे फीकुर मां पडीन लाजवाय गुया, ने आपसी छाती ठुक्ता-ठुक्ता पछा सहरेम जाती रया। 49 गलील जीलाम रवण्या ईसुन बेसका दुसतीदारया, तींदरा बायरा बी हतला, ईसु पछळ-पछळ गलील सी आवला, चे बी छेते उबा रयन ज हयो च आखो देख रवला। 50 ने देखु युसुफ नावेन एक माणुस हतलु। चु एक वारलु माणुस हतलु, ने यहुदी धरमेन कायदाक पाळने मां ईमानदार हतलु, चु यहुदी धरमेन खास पंचुन मेहमर हतलु। 51 ने तेबी चु ईसुक डंड आप्या करीन राजी नी हतलु, चु यहुदा जीलान अरीमतीया सहर वाळु हतलु, चु बी तीना दाहड़ान वाट देख रवलु, चु तीनु दाहड़ाम भगवान राजु बणीन राज करसे। 52 चु राजा पीलातुस धडे गुयु ने ईसुन लास मांग्यु। 53 ती अळी चु कुरुस पर सी ईसुन लास उतार्यु, ने तीनी लासेक एक चमकणया चादरा सी एळटी देदु, ने एक मसाण मां मेल देदु, चु मसाण वारलु चापर्या मां खुदीन बणावलो हतलो। तेरे पेहल तीनी मसाण मां कुय काजे बी नी गाड्या। 54 चु तीयारीन दाहड़ु हतलु, ने यहुदीन आरामेन दाहड़ु सुरु हवणे वाळु हतलु। 55 ईसु पुठ्ये गलील सहर मां सी आवला बायरा युसुफ पुठ्ये-पुठ्ये मसाण भीणी गुया ने देख्या। ने चे ज देख्या की ईसुन धड़ कसो करीन मसाण मां मेक रया। 56 अळी चे घर गुया ने लास पर लागाडने करीन मसालु ने वारु ईततर तीयार करया। बाकुन आरामेन दाहड़े, जसों धरमेन कायदान अनसारे तीनुक आराम करनु हतलो, करीन चे आराम कर्या।

24 गलील सहर मां सी ईसु पुठ्ये आवला बायरा, हापतान पेहले दाहड़े एगात मसाण पर आया। चे, चु गंदायण्यु मसालु ली गुया, चु ईसुन लास पर लागाडने करीन बणावला। 2

चे देख्या की बीड़ा वाळा चापर्यान दर पर देदलु दगडु, धकलीन एक धडे हय रवलु। 3 ने चे बायरा चापर्यान देरेन बारना मायन मसाण पर गुया, बाकुन मालीक ईसुन धड़ चां नी जडी। 4 ज देखीन चे बायरा वीच्यार मां पड़ गुया। ती उचकाणुन दुय माणसे देखाय देदा, ने तींदरे साते उबा हय गुया। तींदरा पुथल्या बरफन तसा बी धपी रवला। 5 चे बायरा बीही गुया ने आपसो मुणको नेचो करीन भुयमात देख रवला। ततयार चे माणसे तीनु बायरा काजे कह्या, “जु जीवतेलु छे, तीना काजे मरला माणसेन मसाण मां काहा हेर रया? 6 चु जां नी हय, काहाकी चु पछु जीवतु हय गुयु। जतयार चु गलील सहर मां हतलु, ती चु तुहुंक काय कवलु? ची वात हेर करु! 7 चु कवलु, जु माणुस बणीन आयु, तीनाक पापी माणसे कुरुस पर चडावसे। बाकुन चु तीन दाहड़ाम पछु जीवतु हय जासे।” 8 ततयार बायरा ईसु कवलु ची वात हेर कर्या, 9 ने मसाण पर सी पछा जाती रया। ने ईसुन ग्यारे चेलाक ने दीसरा आखा जो देखला ने सामळ्या चो आखा काजे कय देदा। 10 नेवताळा काजे बताडन्या बायरा मगदलनी सहरेन मरीयम, योअन्ना, याकुपेन माय मरीयम ने थुड़ाक दीसरा बी हतला। 11 बाकुन ईसुन चेला वीच्यारया की बायरा जी वात कय रया ची असलीत वात हसे। ने चे तींदरी वात पर भुरसु नी कर्या। 12 तेबी तींदरे मायन पतरस नावेन एक चेलु मसाण भीणी दवडीन गुयु। जतयार चु चां जाती रयु, ती चु ढंगु वळीन मसाण मां माहें भाळ्यु, ने चमकणया पुथल्या अतरात पड़ रवला देख्यु, तेर मां काय नी देख्यु बाकुन चु घाबरायलुत पछु आवती रयु, 13 तीने दाहड़े दुय चेला ईनी आखी वातेन बारामां वात करता जायन इम्मावुस नावेन गांव भीणी जाणे बाजी रवला। चो यरुसलेम सहर सी च्यारेक कुरुस छेटस हतलो। 14 चे दुय जणा जी कवली तीनी वातेन बारामां आंबा-सांबा वात ने वीच्यार करने बाजी रवला। 15 जतयार चे वात-वीच्यार करने बाजी रवला, तीनी टेमे ईसु आपसुत आवीन, तींदरे पुठ्ये-पुठ्ये चाल पड्यु, 16 चेला पुठ्ये-ईसु हतलु, बाकुन चे तीनाक नी उळख्या। 17 ईसु तीनु चेला काजे कह्यु, “तुहुं वाटे चालता-चालता काहनी वातेन बारामां वात ने वीच्यार कर रया, चे उबा रय गुया। तींदरु नुरपाणी उतरी रवलु।” 18 तींदरे मायन एक जणु क्लयोपास नावेन हतलु, चु जपाप आप्यु, यरुसलेम सहर मां आवणे जाणे वाळा मायन तुत असु अनजाण्यु छे काय, जो नी जाणे की ईनु दाहड़ाम काय-काय हवलो छे। 19 ईसु तीनुक कह्यु, “चां काय हवलो छे, चे कह्या जी वात नासरत वाळा ईसुन छे! चु माणुस भगवानेन ने आखा माणसेन नींगाम, काम ने वातेम, भगवान वाटे जु र भर्यु माणुस हतलु।” 20 ने भगवानेन डाहला पुजारा ने हामरे पर हक जमाडन्या पुडारी तीनाक धराय देदा, ने मरनेन डंड आपाड्या ने कुरुस पर खीळा ठुकीन रोमी सीपायडा धडे चडाय मांग्या। 21 हामु ते बेसकी मटी असी आस कर रवला, की जु ते ईसु, ईस्रायल देसेन छुटकारु करने वाळु छे, जी आज सी तीन दाहड़ा

पेहलेन वात छे। 22 हमारे मायन ईतराक बायरा हामुक बेसका बीहाड़ देदा; चे संदारे एगात मसाण पर गुयला। 23 तीनुक ईसुन धड़ नी जड़ी। चे चां सी पछा आवीन हामुक कह्या की हामु काजे सरग वाळा काहवाळ्या देखाय देदा, चे जो कह्या की “ईसु जीवतेलु छे।” 24 जी वात सामळीन हमारे मायन थुड़ाक साती मसाण पर गुया, ने जसा बायरा तीनुक कवला, तसात आखो देखी पाड़्या, “बाकुन चे ईसु काजे नी देख्या।” 25 ती ईसु तीनुक कह्यु, ए डेड़-अकल्या! तुहं भगवानेन अधी सी वात बताइन्या माणसेन वात पर, भुरसु करने मां अतरा कम अकल्या काहा बण गुया! 26 मसी ईसु काजे दुख झेलीन, तेरी सेक-सींगार मां पछो भरायणु वारु नी हय काय? 27 ने ईसु मुसान लिखली सास्तुर मां सी ने भगवानेन अधी सी आवणे वाळी वात बताड़ने वाळा माणसेन सास्तुर मां सी चोवे-चोव दीसरा आखा खरला सास्तुरे म सी आपसान बारामां जो काय लिखलो छे, चो आखो तीनुक समजाड़्यु। 28 असा करीन चालता-चालता, तीना गांव मां जाती र्या, जां चे जाणे बाजी रवल। मालीक ईसु काजे देखीन असो लागतेलो, की ईसु अळी अगुस जाणेन वीच्यार मां हतलु। 29 चे चेला ईसु काजे पाये पड़ीन कह्या, “तु हमारे पुठ्ये रय जां। काहाकी हय सांतो हय गुयो, ने दाहड़ु बी डुबीत गुयो।” ने ईसु तींदरे पुठ्ये रहणे करीन घर मां गुयो। 30 तत्यार ईसु तींदरे पुठ्ये रुटा खाणे करीन बठ्यु, ती चु रुटु हातेम धर्यु, ने भगवान काजे बेसकु वारु कयन संयबरकत मांग्यु; ने चेलाक भांजी-भांजीन आप देदु। 31 तीने टेमे चेलान डुळा उघड़ी गुया। ने चे ईसु काजे उळखी लेदा, बाकुन ईसु तींदरा डुळा अगळ सी अंछाप हय गुयो। 32 ती चेला आंबा-सांबा जो कह्या, “जत्यार चु वाट्ये चालतु जायन हमारे साते वात करतेलु ने खरला सास्तुरेन वात देखाड़तेलु, ती आपणु जीव भळ नी कर्यु काय?” 33 चे चेला तत्यारुत चां सी उठीन यरुसलेम सहर भीणी पछा गुया, जायन चे ग्यारे चेला काजे ने तींदरा दीसरा साती काजे भेळा हय रवला देख्या। 34 चे ज कवणे बाजी रवला, “मालीक ईसु छाचलीन जीवतु हय गुयलु छे, ने चु सीमोन पतरस काजे देखाय देदु।” 35 तत्यार चे वाट्ये काय-काय हयो चो आखो कय देदा ने ज बी कय देदा की ईसु रुटु भांजीन आप्यु, ती हामु तीनाक उळखी लेदा। 36 मालीक ईसु जीवतु हय गुयलु छे, करीन चेला वात करने बाजी रवला, तत्यार ईसु आपसुत तींदरे भीणी आवीन ईचमां उबु हय गुयो। ने तीनुक आखाक कह्यु, “तुहंका सांती जड़े!” 37 बाकुन चे बेसका बीही गुया, ने समज्या की हामु काहनाक खतर्या भुतड़ा काजे देख र्या। 38 तत्यार ईसु तीनुक अळी कह्यु, “तुहं काहा घाबराय रया?” ने तुहं मनेन संक्या काहा कर रया? 39 मारा हात ने पाय देखु, ने जाण लेवु की मे छाचलीन हयुत ईसु छे। मेसेक छीमु ने देखु, काहाकी आत्मान मास ने हाटका नी रवे। बाकुन तुहंका डुळा अगळ देखाय र्यो। की मारे मां मास ने हाटका छे। 40 तत्यार ईसु जी वात कवतु जायन तीनुक

आपसा हातेन घाव ने पायेन घाव देखाड़्यु। 41 चे अतरा खुस हय गुया की चे सुच मां पड़ गुया ने भुरसु नी कर सक्या। काहाकी ज आखो तींदरी समज मां नी आयो। ईसु चेला काजे कह्यु, “जां तुंदरे धड़े खाणेन काहींग छे काय?” 42 ने ईसु काजे भुंजला माछान एक टुकड़ु आप्या। 43 ने चु तीना माछान टुकड़ा काजे धर लेदु ने तींदरा डुळा अगळ खाय गुयो। 44 ईसु तीनुक अळी कह्यु, “मारी जी वात, ची वात छे, जी मे तुहंका सुरु सी कवतु आय र्यु, की मुसान साहरे लिखली सास्तुर वाळी वात ने भगवानेन अधी सी आवणे वाळी वात बताड़ने वाळा माणसेन वात, ने भजन मां लिखली वात पुरी हवणेन हतली, जी मारा बारामां लिखली छे।” 45 अळी ईसु खरला सास्तुर समजाड़ने करीन तींदरा मनेन ढाकणा उगाड़ देदु। 46 ने तीनुक कह्यु, असोत लिखलो छे, की मसी दुख भुगतसे ने तीसरे दाहड़े मर्या-सरयाम सी पछु जीवतु हय जासे। 47 जी खुस-खबर पेहले जां यरुसलेम मां माणसेक सामळावसे ने अळी आखा देसेन माणसे काजे सामळावसे। ने पाप भीणी सी मन फेरवीन भगवान भीणी वळनेन परचार तेरेत नावेन हवसे। 48 ने तुहं आखा ईनी वातेन गवा छे। 49 ने देखु तीना चुखली-आत्मान बारामां मारु बास तुहंका आपणेन वायदु करलु छे। तीना काजे मे तुंदरे उपर सरगे सी उतारीस ने जत्यार लग तुहं सरगे सी ताकत हात नी करु ती लग तुहं ईनात यरुसलेम सहर मां रवजु। 50 तत्यार ईसु आपसा चेलाक सहर सी बाहर बेतन्या सहर धड़े ली गुयो। जत्यार चे चां पुग्या, ईसु आपसा हात उचा करीन संयबरकत आप्यु। 51 जत्यार चु तीनुक संयबरकत आपणे बाजी रवल, ती चु ईसु तीनुक छुड़ीन सरगे हाकलाय गुयो। 52 ने चेला मांडा टेकीन ईसुक आंधया ने अळी चे खुस हयन यरुसलेम सहर मां पछा जाती र्या। 53 चां चे भगवानेन भक्तीन घर मां भेळा हयन आखी टेमे भगवानेन बड़ाय करता र्या।

युहन्ना

1 कळी घडायणे सी पेहलत बुल हतलो, ने बुल भगवान पुठ्ये हतलो, ने बुल भगवानुत हतलो। 2 च बुल कळी सी पेहेल भगवान साते हतलो। 3 कळी मां ज आखो काय तेरे सीत बण्यो, ने ज काय बण्यो तेरेमां सी काय बी चीज तेरे पाखुर नी बण्यो। 4 हेरेम जीव हतलु, ने हयु जीव दुनीया मायन माणसे वाटे वीजाळो हतलो। 5 वीजाळो आंदारला मां चमक्यो ने आंदारलो तीनाक कदी नी उळखी सक्यो। 6 भगवान भीणी सी मकेल्लु एक अदमी ईनी कळी मां आयु, तेरो नाव युहन्ना हतलो। 7 ने च युहन्नु तीना वीजाळान बारामां माणसेक गवा देणे आयु, काहाकी आखा माणसे तीनी गवायन साहरे तीना वीजाळा पर भुरसु कर्या। 8 चु युहन्नु, आपसुत च वीजाळो नी हतलु; बाकुन तीना वीजाळान बारामां गवाय देणे आवलु। 9 ज खरलो वीजाळो हतलो, चु कळी मां हय उजेंतु हवणेवाळु हतलु, ने चु आखा माणसे काजे आपसा वीजाळान साहरे भगवानेन छाचाय देखाडन्यु हतलु। 10 कळीन आखा घडन्या, तेरेत साहरे घड्या, ने चु कळी मां आयन देखाव पड्यु, तेबी कळीन माणसे तीना काजे नी उळख्या। 11 चु आपसा यहूदी-माणसेन ईचमां आयन रयु, बाकुन तेरात माणसे तीनाक नी आवर्या। 12 बाकुन जतरा बी माणसे तीनाक आपसा जीवेम आवरीन, तेरा नाव पर भुरसु करे, चु तीनु आखा काजे भगवानेन अवल्यात बणनेन हक आप्यु। 13 चे नी ते खुन सी, ने नी ते डीलेन मरजी सी, नी आयस बासेन मरजी सी, बाकुन भगवानेन मरजी सी पयदा हया। 14 तेरेमां चु बुल कहंवायतेलु; ने चु माणुस बणीन धरती पर आयु, ने आपणे ईचमां रयु। ने हामु तेरी सेक-सिंगार देख्या, जसा की भगवान बासेन एकुत लाटेकला पुर्यान गीण-दया ने छाचाय बी हतली। 15 युहन्ना तेरा बारामां असी गवाय देदु, ने आयडीन कह्यु, “जु हयुत छे, तेरे बारामां मे असु कहलु, एक जणु आवणे वाळु छे, चु मार पछळ आय रयु, चु मार सी मटु छे, काहाकी चु मार सी पेहेल हतलु!” 16 काहाकी हेरेत उगळता खजाना मां सी हामुक आखो जड्यो, मतलब तीना खजाना मां सी आपणु काजे बेसकी गीण-दया हवली छे। 17 तेरेमां नेम कायदु ते मुसु देदलु, बाकुन गीण-दया ने छाचाय ईसु मसीन साहरे आपणेनचां पुगली। 18 भगवान काजे कुय बी माणुस आज लग नी देख्या, बाकुन तेरु एखलु पुर्यु ईसु चु आपसुत भगवान छे, ने जलम भगवान पुठ्ये रवे, हयुत भगवान काजे आपसी जीवान साहरे देखाडीन पुरु उजेंतु करलु छे। 19 एक दाहडे यरुसलेम सहर सी यहूदी माणसेन डाहला, चे भगवानेन मंदीरेन पुजारा काजे ने पुजारान मदत करन्या लेवी कुळीन माणसे काजे, युहन्ना भीणी असा पुळणे मकल्या की तु कुण छे? 20 तत्तयार युहन्नु ज मान लेदु बाकुन मना नी कर्यु, “मे मसी नी हय।” 21 तत्तयार चे तीनाक पुळ्या, “की तु कुण छे?” काय तु एलीयु छे? युहन्नु जपाप आप्यु। “मे नी हय

ती काय?” तु चु भगवानेन अघली वात बताडन्यु माणुस छे। “चु जपाप आप्यु,” मे नी हय। 22 तत्तयार चे तीनाक कह्या, “ती तु कुण छे? जे हामुक मकल्या तीनुक हामु काय जपाप आपजे? तु तार बारामां काय कहवे?” 23 चु युहन्नु कह्यु, जसों भगवानेन अघली वात बताडन्यु यसायु कहंलु की: “मे बयडा मां आयडीन बुल सामळावण्यु छे: की तुहं मालीकेन वाट सुदी करु!” 24 युहन्नान झाडती करने करीन यरुसलेम सी मकेल्ला फरीसी माणसे बी हतला। 25 चे माणसे युहन्ना काजे अळी पुळ्या कदी तु मसी बी नी हय, “ने एलीयु बी नी हय, ने भगवानेन अघली वात बताडन्यु माणुस बी नी हय, ती तु बपतीस्मा काहा आपे?” 26 युहन्ना तीनुक जपाप आप्यु, “मे ते तुहं काजे पाणी सी बपतीस्मा आपो, बाकुन तुंदरे ईचमां एक माणुस छे तीनाक तुहं नी उळख्यु। 27 अळतेन मारे पछेन आवणे वाळु छे, मे तेरा खासडान बंद छुडने लायक बी नी हय।” 28 जी वात यरदन नदीन पार बेतन्या गांव मां हवली, चां युहन्नु बपतीस्मा आपतेलु। 29 दीसरे दाहडे युहन्ना ईसु काजे तेरे भीणी आवतेलु देखीन कह्यु, “देखु जु भगवानेन साहरे मकेल्लु गाडरु छे, चु कळीन माणसेन पाप हाकलीन ली जासे। 30 जु चु छे तेरा बारामां मे कहलु, की एक माणुस मारे पछळ आवणे वाळु छे, जु मारे सी बेसकु मटु छे मार सी अगळ छे, काहाकी चु मार सी पेहलुत हतलु 31 मेसेक बी जी वात पेहेल मालुम नी हतली, हयुत मसी छे, बाकुन भगवानेन मरजी जी हतली की ईसरायली जातीन माणसे समजणु चाहजे की, मसी कुण छे, हेरेसी भगवान मेसेक पाणीम बपतीस्मा आपणेन सेवा आप्यु।” 32 ने युहन्नु जी गवाय आप्यु, मे आत्मा काजे पेरवान तसों सरगे सी उतरतेला देख्यु, ने चु तेरे पर बठ गुयु। 33 मे ते तीनाक उळखो नी बाकुन जु मेसेक पाणी सी बपतीस्मा आपणे वाळु मकेल्लु हयुत मेसेक कह्यु, “तेरे पर तु आत्मा उतरतेला ने बळतेला देख्यु, हयुत चुखली-आत्मा सी बपतीस्मा आपणे वाळु छे।” 34 ने मे देख्यु, ने गवाय देदु, “की हयुत भगवानेन नेवाडलु पुर्यु छे।” 35 दीसरे दाहडे युहन्नु ने तेरा दुय चेला चां आय रवला। 36 युहन्ना ईसु काजे चां मायन जातलु देख्यु ने तेरा चेला काजे कह्यु, “देखु हीयुत भगवानेन गाडरु छे।” 37 तत्तयार चे दुयु चेला युहन्नान जी वात सामळीन ईसुन चेला बणने करीन, ईसु पछळ चाली पड्या। 38 जत्तयार ईसु पळु फीरीन तीनुक आवतेला देखीन तीनुक कह्यु, “तुहं काय हेर रया?” चे ईसुक कह्या, “ए मास्तर तारु रवणेन जागु कां छे।” 39 ईसु तीनुक जपाप आप्यु, “आवीन देख लेतु।” तत्तयार चे जायन ईसुन रहणेन जागु देख्या, ने तीने दाहडे ईसु पुठ्ये रया ने तीनी टेमे सांती वेळाय चार बज रवली। 40 तीनु दुय जणा मां सी जे युहन्नान वात सामळीन चे ईसु पछळ चाली पड्या, एक सीमोन पतरसेन भाय अनदीरीयास हतलु। 41 अदरीयास ईसुनचां सी पळु गुयु ती, चु सुदु सट पेहेल आपसा संगी भाय सीमोनेनचां गुयु, तत्तयार कह्यु, “हामुक

छुड़ावन्नु मसी जड़ गुयु, तीनाक आपणु खीरीस्त कहजे।” चाख्यु अंगुरेन रस बण गुयो ने तीनाक नी मालुम हतलो की 42 पछेन अनदीरीयास तीना सीमोन काजे ईसुनचां लायु। ईसु अंगुरेन रस कां सी लावला। बाकुन तीनु पावर्याक मालुम सीमोन भीणी भाळीन कह्यु, “तु युहनान पुर्यु सीमोन छे, तु हतलो की कां सी लावला ती आरत्यु दुल्लाक बुलायन तीनाक केफा कहंवायसी।” हीना केफा काजे युनानी बुली मां पतरस कहवे। 43 दीसरे दाहड़े ईसु गलील जीला भीणी जाणेन हींडी रव्लु। तीनी टेमे चु फीलीपुस काजे भेळु ह्यु ने कह्यु, “तु आपे; बाकुन तु ते वारलु अंगुरेन रस हय लग मेल रव्लु।” 11 मारु चेलु बणीन मारे पछळ चाल पड़।” 44 ने जु फीलीपुस ईसु गलीलेन काना सहर मां पेहली कावा वारु कामेन सहलाणी बी, अनदीरीयास ने पतरस रवतेलु तीनात बेतसेदा सहर वाळु देखाडीन आपसुत सेक-सींगार देखाड्यु। ने ज देखीन ईसुन चेला ईसु पर भुरसु करया। 12 हेरे पछेन ईसु ने हेरी माय ने हेरु भाय ने हेरा चेला कफनेनहुम सहर मां गुया ने चां थुडाक दाहड़ा बारां मां मुसु नीयम मां लिखलु छे ने भगवानेन अधली वात रया। 13 यहूदी माणसेन फसह तीहवार सातेत आय रव्लु। बताइने वाळा बी करला, च हामुक जड़ गुयो, चु नासरत सहरमे तरेमां ईसु यरुसलेम सहर मां जाती रयु। 14 चां ईसु मंदीर मां देख्यु की माणसे बेल गाडरा ने पेरवा वेचतेला देख्यु ने चां लेण देण वाळा वेपारी आटे-साटे करन्या बठ रवला देख्यु। 15 तरेमां बरकत उबजी सके काय?” फीलीपुस नतनएल काजे कह्यु, ईसु रासेन सपाटु बणायन आखा गाडरा ने बेल काजे मंदीर मां “आवीन देख ले।” 47 ईसु नतनएल काजे हेरे भीणी आवतेलु सौनी नीकाळ देदु ने लेण-देण करने वाळान पयस्या खडळी देदु देखीन कह्यु, “ने तेरा बारांमां कह्यु, देखु जु ईस्रायली जातीन ने ठेला गाडी काजे उन्धलाय देदु। 16 पेरवा वेचण्या काजे खरलु माणुस छे। हेरेमां काय बी खुट नी हया!” 48 नतनएल कह्यु, “ज आखो जां सी छेटा ली जावु। मारा बासेन घर काजे ईसु काजे कह्यु, “तु मेसेक कसु उळखे?” ईसु तीनाक जपाप वेपारीन घर मां बणावु।” 17 ईसुन वात सामळीन ईसुन चेला आप्यु, “हेरेसी पेहेल की फीलीपुस तुसेक बुलायु जतयार तु काजे खरला-सासतुर मां लिखली वात हेर आय गुयु, “तारा अंजीर नावेन झाडका तळे हतलु ततयार मे तुसेक देखलु।” 18 ईसुन वात घरेन धुन मां मेसेक आकठान तसी थपाड़ देसे।” 18 ईसुन वात सामळीन यहूदी माणसे ईसु काजे कह्या, “तु जो काय करने ईस्रायली माणसेन राजु छे!” 50 ईसु नतनएल काजे कह्यु, “तु बाजी रयु? कदी भगवान तुसेक जो करनेन हक आपलु हय ती, “मे तुसेक वारु कहलु, की तु अंजीर नावेन झाडका तळे देखलु ईनी वातेन पुरावु देणे करीन, हामुक चकराडे असी एक वारु-काय, तु तरेमां मार पर भुरसु कर रयु? तु हेरेसी बी मटा-मटा कामेन सहलाणी देखाड़।” 19 ईसु तीनुक जपाप आप्यु, “कदी काम देखसी!” 51 ईसु तीनाक ने दीसरा चेलाक असु कह्यु, “मे तुहुं भगवानेन हीना मंदीर काजे उदार नाखसु, ती मे हीनाक अळी तीन दाहड़ाम पछु बणाय दीस।” 20 जो सामळीन यहूदी तुहुं भगवानेन हीना मंदीर काजे उदार नाखसु, ती मे हीनाक माणसे ईसु काजे कह्या, “भगवान हीना मंदीर काजे बणावणे मां चालीस ने छव साल लागला, ती हय तु हीनाक तीन दाहड़ा मां बणाय देसी काय!” 21 बाकुन ईसु आपसा डीलेन मंदीरेन बारांमां बताइलु। 22 जतयार ईसु जतयार मर्या-सर्याम सी जी उठ्यु, ती ईसुन चेला काजे ईसुन साहरे मंदीरक उदारनेन ने पछु उबु करनेन बारांमां कहली वात हेर आय, ने चेला खरला-सासतुरेन वात पर ने ईसुन कवली वात पर भुरसु करया। 23 पासका तीहवारेन दाहड़ा, मां, ईसु यरुसलेम सहर मां हतलु। ततयार बेसका माणसे तेरा करला वारु कामेन सहलाणी देखीन ईसु पर भुरसु करया। 24 बाकुन ईसु हीनु काजे तींद्रा भुरसा पर नी छुड्यु, काहाकी हयु आखा माणसे काजे जाणतेलु। 25 ने हीनाक जरुवत नी हतली, की माणसेन बारांमां काहींग गवा पुरावु देय, काहाकी हयु आपसुत जाणतेलु की माणसेन मन मां काय छे?

2 पछेन तीसरे दाहड़े गलील जीलान काना सहर मां ईयाव हतलु। ने ईसुन माय बी चां हतली 2 चां ईयाव मां ईसु ने तेरा चेला काजे बी नेवता आपीन बुलाय रवला। 3 जतयार चां अंगुरेन रस सर गुयु, ती ईसुन माय ईसुक कय, “हींद्रे धड़े ते अंगुरेन रस सर गुयु।” 4 ईसु हेरी माय काजे कह्यु, “तु मेसे असी काहा कय रय? मारे साते तारो काय काम छे? हय मारी टेम नी आय रय।” 5 ईसुन माय पावर्या काजे कय, “हीयु तुहुं क जु काय कहं चत करजु।” 6 चां दागडान छव बेसका-मटा तुहुं क जु काय कहं चत करजु।” 6 चां दागडान छव बेसका-मटा गुळा मेल्ला हतला, हीनु गुळाम सी पाणी हेडीन यहूदी माणसे चुखा हवणे करीन हात-पाय धुवतेला। हीनु गुळाम सोवेक लीटर पाणी समायतेलो। 7 ईसु चां वाळा पावर्याक कह्यु, “गुळा मां पाणी भर देवु” ने चे पावर्या ईसुन वात मानीन उगेळतो पाणी भर देदा। 8 ततयार ईसु तीनुक कह्यु, “हय ईतरोक पाणी नीकाळीन वारत्यान धड़े ली जावु।” चे पावर्या च पाणी नीकाळीन वारत्यानचां ली गुया। 9 ततयार वारती च पाणी

3 यरुसलेम सहर मां नीकुदेमुस नावेन एक माणुस हतलु। चु यहूदी माणसेन एक पंचुन मुख्यु हतलु। चु फरीसी माणसे मायन हतलु। 2 चु राते नीकुदेमुस ईसु धड़े आयु ने ईसु

काजे कह्यु, “ए मास्तर, हामु जाणजे की तु भगवानेन्चां सी सीकाइनुयु बणीन आवलु छे, काहाकी जत्तार लग भगवान पुठ्ये नी हय ती माणुस कुय बी असो वारलु कामेन सहलाणी नी देखाइ सके, जसु तु वारलु कामेन सहलाणी देखाडे।” 3 ईसु नीकुदेमुस काजे कह्यु, “मे तुसेक छाची-छाची कहवो की जत्तार लग कुय अळी पछु पयदा नी हवे तत्तार लग चु भगवानेन राज नी देख सके।” 4 नीकुदेमुस ईसुक पुछ्यु, “काहनु बी माणुस डाल्लु हयन अळी पछु कसु पयदा हय सके? छाचलीन चु आपसी आयसीन कुख मां अळी पछु जायन, दीसरी कावा ते, नी पयदा हय सके।” 5 ईसु नीकुदेमुस काजे कह्यु, “मे तुसेक छाचली-छाचली कहं, जत्तार लग काहनुक बी माणुस भगवानेन जीव-आत्मा अनसारे आपसा जीव-आत्मा मां पयदा नी हवे, तत्तार लग चु भगवानेन राज मां भराय नी सके। 6 काहाकी जु कुय डील सी पयदा हयु च डील छे; ने जु कुय भगवानेन आत्मा सी पयदा हयु चु आत्मात छे। 7 मे तुसेक जी वात कहं तुहुं आखा जीव-आत्मा मां पछा पयदा हवण्या छे, हीनी वातेक सामळीन तु घाबरायु मां। 8 आहळी तींखुर जाणे लागे तींखुर जाय ने तु तेरी अवाज काजे सामळे ते खरु, बाकुन ची कां सी आवे, ने कां जाय, च तुसेक मालुम नी पड़े। जु-जु भगवानेन जीव-आत्मा सी पयदा हवलु छे, चु हीनी आहळीन तसुत छे।” 9 जी वात सामळीन नीकुदेमुस ईसु काजे कह्यु, “ज असो कसों हय सके।” 10 ईसु, नीकुदेमुस काजे कह्यु, “तु ईस्रायली माणसेन मास्तर छे, तेबी तुसेक जी वात पल्ले नी पडती काय? 11 मे तुसेक छाचली-छाचलीन कहवो हामु जे सरग वाळा छे, हामु ज जाणजे चत कहंजे ने हामु तीनाक देखला छे, तेरीत गवाय देजे, ने तुहुं माणसे हामरी गवाय काजे मान्ता काहनी। 12 मे तुहुं धरती पर हये ची वात देखाड्यु, तेबी तुहुं तीनी वात पर भुरसु नी कर्या, ने कदी मे तुहुं सरगेम हये ची वात देखाडीस ती तुहुं कसा भुरसु करसु? 13 सरग मां उपर कुय बी नी गुयो, हयु अतरुत गुयु, जु सरग सी आयु तेरो मतलब माणसेन पुरसु जु सरग मां छे।” 14 जसु मुसु माणसे काजे भगवानेन डंडेम सी बचाइणे करीन उजाड्या बयडां मां घडसान मुरती बणायन खाम्बा पर टांगलु तसात माणसेन पुर्या काजे बी उपर चहडाय टांगसे ने असो हवणु जरुडी छे। 15 जु काहनुक माणसेन पुर्या पर भुरसु करे, चु तेरेत साहरे अमर जीवाय हात करसे (aiōnios g166) 16 काहाकी भगवान ईनी कळीन पापी माणसे काजे अतरु परम कर्यु, की तेरु एकुत लाटेकलु पुर्यु मरने करीन आप देदु, ने जु कुय तेरे पर भुरसु करे, चु खततम नी हवे बाकुन अमर जीवन हात करसे। (aiōnios g166) 17 भगवान आपसा पुर्या काजे ईनी कळी मां माणसेन नीयाव करीन डंड आपणेन हुकुम आपजी करीन नी मकलयु, बाकुन तेरेमां मकलयु की कळी मायन माणसे हेरे साहरे छुटकारु हात करसे। 18 ने जु काहनुक भगवानेन पुर्या ईसु पर भुरसु करे, तीनाक डंडेन हुकुम नी आपे; बाकुन जु कुय ईसु पर भुरसु

नी करे, चु गुनावाळु गीणाय गुयलु छे, काहाकी चु भगवानेन एखला पुर्यान नाव पर भुरसु नी कर्यु। 19 भगवान नीयावेन दाहडे माणसे काजे डंडेन फेसलु जु सामळावसे की ईसु वीजाळो हयन कळी मां आवलु, बाकुन माणसे काजे वीजाळो नी बाकुन आंदारला सी अदु परम राख्या, काहाकी तींद्रा काम भुंजात हतला। 20 काहाकी जु कुय कुहरायन करे, तीनाक वीजाळो गमे नी, ने तेरा कुहरायन काम उजन्ता हय जासे करीन चु वीजाळा धडे नी आवे। 21 बाकुन जु कुय छाचली वातेन अनसारे चालया करे, चु जी हिम्मत करीन वीजाळा धडे आवे, ने जे वारलु काम भगवानेन मदत सी करलु छे, चे काम, ने जी वात दीसरा अगळ उजन्ती हय जाणु चाहणे। 22 थुडाक दाहडा हय गुया ने अळी ईसु, आपसा चेला भेळतुत यरुसलेम सहर छुडदीन यहूदीया जीलान दीसरा जागाम जाती रयु, ने चां चु तींद्रे पुठ्ये रयन बपतीस्मा आपणे बाजी गुयु। 23 तीनी टेमे चु युहनुनू बी सालेम सहर धडे एनोन गांव मां पाणीन बपतीस्मा आपतेलु, काहाकी चां बेसको पाणी हतलो, ने माणसे आवीन बपतीस्मा लेदला। 24 बपतीस्मा आपण्या युहनुना काजे राजु हेरोदेस तीनी टेम लग जेल मां नी कुंडाड्यु। 25 चां युहनुनान चेला एक यहूदी माणसे साते चुखो करेनेन रीतीन बारामां जखडी पड्यु। 26 ने चे युहनुनान चेला युहनुना धडे आवीन कहया, “ए मास्तर, जु माणुस यरदन नदीन पली धडे तारे पुठ्ये हतलु, ने तेरी तु गवाय देदलु, ने चु बपतीस्मा आपणे बाजी रयु, ने आखा माणसे तेरे धडे जाय।” 27 युहनुनु जपाप आप्यु, “काहना बी माणसेक सरग वाळु भगवान वाटु आपसे तीत असला सेवान काम जडसे। 28 मे तुहुं क ज कय देदलु की, ‘मे मसी नी हय, बाकुन मसीन काम सुरु हवणेन पेहेल भगवान मेसेक मकेललु छे।’ ने तुहुं मारी हीनी वातेन गवा छे। 29 नवली लाडी नवला लाडा धडे रवे, बाकुन नवला लाडान खास दुस्तीदार, चु नवला लाडा धडे हुबु रयन तेरी सामळे चु तेरी वात सामळीन बेसकु खुस हय जाय। तसीत हय मारी खुसी पुरी हय गुया। 30 ज जरुडी छे, की चु बडतु जाय ने मे कम हवतु जाम। 31 “जु उपर सी आवे, चु आखा सी मटलु छे। ईसु अतरुत सरग वाळा भगवानेन्चां सी आयु, हेरेसी चु आखाम सी मटलु छे, धरती सी छे, बाकुन चु धरती पर रवण्यु छे, चु धरतीन छे, ने धरती पर वाळान तसात वात करे 32 ईसु ज काय चु देख्यु ने सामळ्यु, तेरीत गवाय देय; ने कुय तेरी गवाय नी माने। 33 जु कुय ईसुन गवाय मान लेदु, चु ईनी वात पर छाप लागाड देदु की, भगवान छाचलु छे। 34 काहाकी तीनाक भगवान मकेललु छे, चु भगवानेन वात कहें, काहाकी भगवान आत्मा अमर जीवाय आपलु छे। 35 भगवान बास पुर्या सी परम करे, ने चु आखी चीज तेरा हात मां सुप देदु। 36 जु भगवानेन पुर्या ईसु पर भुरसु करे, अमर जीवन तेरीत छे, बाकुन जु ईसुक नी माने, चु अमर जीवन काजे नी देखे, बाकुन भगवानेन रीस तेरे पर रहे ने तीनाक डंड जडसे ने जडसे।” (aiōnios g166)

4 फरीसी माणसे ईसुन बारामां ज सामळ्या की, ईसु बपतीसमा आपणया युहन्नान चेला सी अदुस चेला बणावे, ने तीनु चेलाक बपतीसमा आपे 2 अदुस ईसु आपसुत बपतीसमा नी आपतेलु बाकुन ईसुन खास चेला, दीसरा नवला चेला बणावणे करीन बपतीसमा आपतेला। 3 ती ईसु यहूदीया जीला काजे छुडीन अळी पळु गलील जीला भीणी जाती रयु। 4 हीनी कावा ईसु, आपसा चेला पुठ्ये सामरीया जीला मायन गुयु। 5 जाते-जाते चे, सामरीया जीलान सुखार नावेन एक सहर थडे पुण्या। चां एक खेत हतलो, च खेत अगला वाराम याकुप आपसान पुर्या युसुफ काजे आपलु। 6 चां याकुप्यान साहरे खुदाइलु कुवु बी हतलु, तत्पार ईसुकु च कुवु देखायु, ईसु ते, चाली चालीन हारी पडलु। अळतेन च तीना कुवा थडे चां बठ गुयलु। हय खयार दाहडु हय रवलु। 7 तीनी टेमे तीना कुवा पर एक सामरी बायर पाणी भरने आवी। तत्पार ईसु तीनीक कहयु, “मेसेक पाणी पीयाड दे।” 8 काहाकी तेरा चेला खाणो मुल लेणे करीन सहर मां जाय रवला। 9 तीनु दाहडाम यहूदी माणसे सामरी माणसे साते छीट राखतेला, अळी ची सामरी बायर ईसु काजे कय, “तु यहूदी जातीन हय्न बी मारे थडे पाणी पीणे करीन काहा मांणे? मे ते एक सामरी जातीन बायर छे।” 10 ईसु तीनीक जपाप आपयु, “कदी तु ज नी जाण लेती की, भगवान तुसेक काहनु वाटु आपणे हींडे, ने जु तारे थडे पीणे करीन पाणी मांग रयु, चु कुण छे। कदी तु जाण लेती ती मारे थडे पाणी मांगती, ने मे तुसेक अमर जीवेन पाणी आपतु।” 11 सामरी बायर ईसुक कय, “ए मालीक तारे थडे ते कुवाम सी पाणी लाटणे करीन ठाहरु बी नी हय, ने कुवु उंडु छे; ती च अमर जीवन आपणयो पाणी तु कां सी लावसी? 12 तु हामरा बास याकुप सी बी मटु छे काय? जु हामु काजे गुयु कुवु आपलु; चु बी हीना कुवाम सीत पाणी पीदलु, ने तेरा पुर्या ने तेरा पाळ्ळा जनवार्या लग हीना कुवाम सी पाणी पीदा।” 13 ईसु सामरी बायर काजे कहयु, “ज कुय पाणी पीये तीनाक अळी पीस लागसे, 14 बाकुन मे आपीस च पाणी, जु बी पीसे तीनाक कदी पीस नी लागे। अतरात नी बाकुन च पाणी तेरी जीवाय मां पाणीन झीर बण जासे। ने तेरी अमर जीवाय वाटे खळो-खळो उंहतो रवसे।” (aiōn g165, aiōnios g166) 15 तत्पार सामरी बायर ईसुक कय, “ए मालीक मेसेक च पाणी आप ती मेसेक अळी-अळी पीस नी लागे, ने मेसेक चां पळो पाणी भरने आवणु नी पडे।” 16 ईसु तीनीक कहयु, “जाय्न तारा घरवाळा काजे बुलाय लाव।” 17 ची बायर जपाप आपी, “मारु घरवाळु नी हय।” ईसु तीनीक कहयु, “तु संय कय की मारु घरवाळु नी हाय।” 18 हव तु पांच लाडा कर लेदली, ने हय तु तेरे भेळे रय चु बी तारु घरवाळु नी हय, तु जी वात छाचलीन कय रय। 19 जी वात सामळीन बायर ईसुक कही, ए मालीक असो लागे की, तु भगवानेन अघली वात बताइन्यु माणुस छे। 20 हामरा डाहा-डाहा हीना बयडा पर पुजा-पाट कर्या, ने तुहुं यहूदी माणसे कहवु की पुजा-पाट करनेन जागु यरुसलेम सहर मां छे। 21 ईसु तीनीक कहयु, “ओ बायर, मारी ईनी वात पर भुरसु कर, काहाकी असी टेम आवणे बाजी रय, की तीने टेमे तुहुं नी ते हीना बयडा पर ने नीते यरुसलेम मां भगवानेन पुजा-पाट करसु। 22 तीनाक तुहुं नी जाणु तेरी पुजा-पाट करु ने हामु तीनाक जाणजे तेरी पुजा-पाट करजे, काहाकी छुटकारु यहूदी जातीवाळा मसी मां सीत जडसे। 23 बाकुन हय ची टेम आवणे बाजी रय, ने हींताळ आय गुय, तीने टेमे छाचलीन भगवानेन पुजा-पाट करन्या, तेरा चुखली-आत्मा मां बणीन तेरी छाचली वातेन अनसारे भगवान बासेन भक्ती करसे। काहाकी भगवान बास आपसा वाटे असली भक्ती करन्यात काजे हेर रयु। 24 भगवान जीव-आत्मा छे, ने तेरे मां छाचलीन भगवानेन भक्ती करन्या काजे तेरा जीव-आत्मा मां रय्न ने छाचे मन तेरी भक्ती करनु चाहजे।” 25 सामरी बायर ईसुक कय, “मेसेक मालुम छे, की छुडावनयु मसी जु खीरीस्त कहवाये, चु आवणे वाळु छे; जत्पार चु आवसे, तत्पार हामु काजे आखी वात कय देसे।” 26 ईसु तीनीक कहयु, “मेत मसी छे, जु तारे साते वात करने बाजी रयु।” 27 तीनी टेमे ईसुन चेला आय गुया, ने ईसु काजे एक बायर साते वात करतेलु देखीन वीच्यार मां पड गुया; तेबी कुय बी ज नी कहयो की तु हेरे थडे सी काय मांग रयु? “नीते तु हीनी साते काहा वात कर रयु?” 28 तत्पार ची बायर आपसीत वटळु चांहान रहणीदीन तेरा सहर मां जाय्न माणसेक ज कहंणे बाजी गुय। 29 “चालु, एक माणुस काजे देख लेवु! चु माणुस, मे ज करली च आखो कय देदु; कांखुर मायन हयुत मसी हसे?” 30 तीनी बायरीन वात सामळीन तीना सहर वाळा माणसे सहरेंम सी नीकळीन ईसु काजे भेळा हवणे हुडु-हुडु आवतेला। 31 तीने टेमे ईसुन चेला ईसु सी लीलघायन कहया, “ए मासुतर थुडोक खाय ले।” 32 बाकुन ईसु तीनुक कहयु, “मारे थडे खाणे वाटे असो खाणो छे, तीना खाणान बारामां तुहुंक मालुम नी हय।” 33 अतरात मां ईसुन चेला आपसा-आपसात कहया, “कुय हेरे वाटे खाणो लायु हसे काय? करीन चु असु कय रयु।” 34 जी वात समजीन ईसु तीनुक कहयु, “मारो खाणो ज छे, की मारा मकलने वाळान मरजीन अनसारे चालो ने तेरो काम पुरो करो। 35 तुहुं ते असा कवता आय रया, मेर पाकणेन हय चार महना बच रया। बाकुन मे तुहुंक दाखलान साहरे कहवो, आपसा पापणया उपर करीन ईनु खेत भीणी देखु, ईनु खेतन मेर पाकीन धवळी फक हय गुय काटणे वाटे तीयार हय गुय। 36 काटणे वाळाक दाहडकी जडे ने अमर जीवाय वाटे फळ भेळा करे, काहाकी एरने वाळु ने काटणे वाळु दुयु खुस हवे। (aiōnios g166) 37 काहाकी जु दाखलु संय छे, ‘एरने वाळु काहनुक दीसरु छे, ने काटणे वाळु काहनु दीसरु छे।’ 38 मे तुहुंक पलो खेत काटणे वाटे मकल्यु जाहां तुहुं मेहनत नी कर्या, ने दीसरा मेहनत कर्या ने तुहुं तींदरा मेहनतेन फळ मां भेसकाय गुया।” 39 चां सामरी बायर ईसुन बारामां असी गवा देदली की, “चु माणुस, मे

ज करली च आखो कय देदु। अळतेन तीना सामरीया जीलान बेसका माणसे सामरी बायरीन मुंढे ईसुन बारामां जी गवा सामळीन ईसु पर भुरसु करने बाजी गुया।” 40 तरेमां तत्तयार ची सामरी बायर ईसु थडे आय ती ईसु सी लीलघायून क्हणे बाजी गुय की हामरेन्चां रव। अळतेन ईसु चां दुय तीन दाहड़ा लग रयु। 41 ने ईसुन वात सामळी बेसका दीसरा माणसे बी ईसु पर भुरसु कर्या। 42 ने अळी तीनी सामरी बायर काजे क्हया, “हय हामु तारी सामळीन ईसु पर भुरसु करने बाजी गुया; काहाकी हामु ईसुन वात सामळी लेदा, की छाचलीन हयु की हयु ईनी कळीन माणसेक पाप सी छुड़ावणे वाळु छे, करीन तरे पर भुरसु कर रया।” 43 अळतेन दुय दाहड़ा वीती गुया, ने ईसु आपसा चेला भेळु सामरीया जीलाम सी नीकळीन गलील जीलाम जात रयु। 44 ईसु ते आपसुत असी गवा देदलु की, “भगवानेन अघी सी आवणे वाळी वात देखाड़न्यु, तीना काजे आपसान देस मां ईज्जत नी जडे।” 45 जत्तयार ईसु गलील जीलाम पुग्यु, ती गलील वाळा माणसे ईसु तरेत अनसारे ईसु साते वेहवार कर्या। चे बी तीहवारेन टेमे यरुसलेम सहर गुयला, ने तीहवारेन दाहड़ा ईसु यरुसलेम मां जतरा बी वारलु काम करलु, चे आखा काम देखला हतला करीन ईसुन आव-भाव कर्या। 46 तत्तयार ईसु एक कावा अळी गलील जीलान काना सहर मां आयु, चां चु पाणी काजे अंगुरेन रस बणाय देदलु। ने हीना काना सहर साते वाळा कफरनहुम सहर राजान एक खास पावर हतलु, तेरु पुर्यु मांदलु हतलु। 47 चु ज सामळ्यु की यहुदीया सी ईसु आपसान गांव मां सी गलील जीलाम आय गुयलु छे, ती चु काना सहर मां ईसु थडे गुयु, ने ईसु सी लीलघायून क्हयु की चाल मारा पुर्या काजे वारु कर दे। काहाकी तेरु पुर्यु मरने वाळु हतलु। 48 ईसु गलील वाळा माणसेन कम भुरसु देखीन क्हयु, “जत्तयार लग तुहुं मटा कामेन सहलाणी नी देखु, तत्तयार लग तुहुं मार पर भुरसु नी करसु।” 49 चु राजान खास पावर्यु ईसुक क्हयु, “ए मालीक मामार चाल नेते मारु पुर्यु मर जासे।” 50 ईसु तीना राजान खास पावर्याक क्हयु, “जां तारु पुर्यु नी मरे, चु जीवतेलु रवसे।” चु राजान पावर्यु ईसुन ईनी वात पर भुरसु करीन जाती रयु। 51 चु राजान खास पावर्यु वाटेत हतलु, ती तीना पावर्यान, पावर्या आयून तीनाक भेळा हया ने क्हया, “तारु पुर्यु वारु हय गुयु ने जीवतु छे।” 52 चु तीनुक पुछ्यु, “काहने टेमे मारु पुर्यु वारु हवणे बाजी गुयलु, चे क्हया काल दीसु एक बजे तेरो सेरी उतरी गुयलो।” 53 तत्तयार तीना मांदला पुर्यान बासेक जी वात हेर आवी की ईसु हीनीत टेमे ज कंहलु, “जां तारु पुर्यु जीवतु छे।” ने असु करीन चु राजान पावर्यु ने तेरा घरना आखा माणसे ईसु पर भुरसु कर्या। 54 ज पेहला मायन दीसरा मटा कामेन सहलाणी हतली, जु ईसु यहुदीया सी गलील जीलाम पळु आयून देखाड़्यु।

5 अळतेन यहुदी माणसेन एक तीहवार आयु, ने ईसु यरुसलेम सहर अळी गुयु। 2 यरुसलेम सहरेंम गाडरान फाटक थडे

एक कुंडान तसों हतलो, तीनाक ईब्रानी माणसेन बुली मां बेतसेदा क्हवे; ने हीना कुंडान चारे मेर पांच मांडवा हतला। 3 चां बेसका मांदवाड वाळा, आंदळा, लंगड़ा, ने पांगळा पाणी झलकायणेन वाट देखीन पडी रवतेला, 4 काहाकी ठहरावली टेम पर भगवानेन सरग वाळु काहावाळ्यु कुंडा मां उतरीन पाणीक गचळावतेला। पाणी हवतेत जु काहनुक पेहेल उतरे चे मांदवाड वाळा वारु हय जाय, चाहे तेरी काहनी बी मांदवाड हय। 5 तीना हळावेन चां एक माणुस हतलो, च दुय कम चालीस साल लग, चां मांदलु पडी रवलु। 6 ईसु तीनाक चां पडी रवलो देख्यु ने ज जाणीन की चु बेसका दाहड़ा सी असुत पड रवलु तरेमां तीना मांदला काजे क्हयु, “तु वारु हवणे हींटे काय?” 7 च मांदलो ईसु काजे जपाप आप्यु, “ए मालीक, पाणी झलकायतात मेसेक हळाव मां उतारे असो कुय माणुस मारे पुठ्ये नी हय। ने मेसेक पुगणेन पेहलुत हळाव मां दीसरु मांदलो माणुस उतरी पडे।” 8 ईसु तीनाक क्हयु, “उबु हय जां। ने तारी गुदडी हाकलीन चाला।” 9 च माणुस तत्तयारुत वारु हय गुयो, ने तेरी गुदडी हाकलीन हींणेन बाजी गुयो चु दाहडु आरामेन दाहडु हतलु। 10 तरेमां यहुदी माणसेन मुख्या तीना वारु हवला माणसेक कंहणे बाजी गुया, “आज आरामेन दाहडु छे। आज कायदान अनसारे तारे थडे गुदडी हाकलनु वारु नी हय।” 11 चु वारु हवलु माणुस तीनुक क्हयु, जु मेसेक वारु करलु छे, चु मेसेक कंहलु छे, “उबु हय जां। ने तारी गुदडी हाकलीन जाती रव।” 12 चे तीनाक पुछ्या, चु कुण छे, चु तुसेक क्हयु की, “उबु हय जां ने तारी गुदडी हाकलीन जाती रव?” 13 बाकुन चु वारु हवलु, चु माणुस नी जाणतेलु की चु कुण छे, काहाकी चां जागा पर माणसेन गड्डी हवणे सी ईसु चां सी जाती रवलु। 14 अळतेन ईसु तीना वारु हवला माणुस काजे ईसु मंदीर मां भेळु हयु, ती ईसु तीनाक क्हयु, “देख तु वारु हय गुयलु छे, अळी पाप घुण करे। नीते कांखुर मायन तार पर एर सी बी अळी जादा गरा आय पडसे।” 15 चु माणुस जायून यहुदी माणसेक क्हयु की चु मेसेक वारु करलु चु ईसु छे। 16 ईसु आरामेन दाहडे असो काम कर्यु, करीन यहुदी माणसे ईसु काजे दमणे बाजी गुया। 17 ईसु तीनु दमण्याक ज क्हयु, “मारु बास हय लगुन काम करने बाजी रयु ने मे बी काम करने बाजी रयु।” 18 ईनी वजे सी यहुदी ने अदुस तीनाक मार नाखणेन कुसीत करने लाग्या, काहाकी हयु आरामेन दाहडे वाळा रीतीक अतरुत नी तुडे, बाकुन भगवान काजे मारु बास कहीन आपसा काजे भगवान बराबर बी ठहरावतेलु। 19 ईसु तीनुक क्हयु, मे तुहुं छाचलीन कंहं भगवानेन पुर्यु आपसान मन सी काय बी नी कर सके, बाकुन चु आपसान भगवान बासेक करतेलु देखे; काहाकी ज-ज भगवान बास करे चत काम तेरु पुर्यु बी करे। 20 काहाकी आखो तीनाक देखाड़े; ने चु हेरेसी बी मटा काम तीनाक देखाड़से ने चे काम देखीन तुहुं घाबराय जासु। 21 तुहुं मालुम छे की

भगवान मर्या सर्वाक जीवता करीन बठा करे। तसुत पुर्या धड़े बी जीनुक गमे तीनुक नवलो जीवन आपणेन ने जीवता करीन बठा करेन हक छे। 22 भगवान बास ते कुयन बी नीयाव नी करे, बाकुन माणसेन नीयाव करेन आखो हक तेरा पुर्या काजे आप देदलु छे। 23 काहाकी आखा माणसे भगवान बासेन ईज्जत करे; तसान तसा आखा माणसे तेरा पुर्यान बी ईज्जत करनु चाहे। चु पुर्यान ईज्जत नी करे चु पुर्या काजे मकलन्या भगवान बासेन बी ईज्जत नी करे। 24 मे तुहुंका छाचलीन कहं, जु मारा बुले सामळीन मेसेक मकलन्या भगवान बास पर भुरसु करे तीनाक अमर जीवन जइसे ने नीयावेन दाहड़े तीनाक डंडेन हुकुम नी जड़े बाकुन चु मुत काजे छेकीन अमर जीवन हात कर लेदलु छे। (aiōnios g166) 25 मे तुंदरे सी छाचलीन कहं च टेम आवसे ने मरला माणसे भगवानेन पुर्यान बुल सामळसे ने जे सामळसे चे मर्या-सर्याम सी जीवता हय जासे। 26 काहाकी भगवान बास जीवनेन झीर छे, तसुत चु हेरा पुर्या काजे बी ज हक आपलु छे की तु बी जीवनेन झीर छे; 27 अतरोत नी बाकुन भगवानेन पुर्यु माणसेन पुर्यु बणीन आवलु छे, तेरेमां तीनाक माणसेन नीयाव करेन बी हक आपलु छे। 28 मर्या-सर्याम सी जीवता हवणेन बारामां घुण घाबरायु काहाकी ची टेम आवणे बाजी रय, तीने टेमे जतरा बी मड़ायट्या मां गाड़ला छे चे आखा भगवानेन पुर्यान बुल सामळीन जीनुदा हय जासे ने मड़ायट्या मां सी नीकळीन आवसे। 29 जे भगवानेन नींगाम भलाय करला छे अमर जीवन वाटे मरलाम सी जीवता हयन बठा हवसे, ने जे भगवानेन नींगां मां कुहराय करला छे, चे नीयावेन दाहड़े डंड भुकत्णे करीन मरलाम सी जीवता हयन मड़ायट्याम सी नीकळसे। 30 मे मारी मरजी सी काय बी नी कर सको। तेरेत अनसारे नीयाव करो; ने मारु नीयाव छाचु छे काहाकी मे मारी मरजी सी नी बाकुन मे मकलने वाळा भगवानेन मरजी पुरी करो। 31 कदी मे मारा बारामां मे अतरुत गवा दम ती मारी गवाय छाचली नी हय। 32 एक अळी छे चु मारी गवाय देय ने मे जाणो की चु मारी गवाय देय ने तेरी गवाय छाचली छे। 33 तुहुं बपतीसमान रीत आपण्या युहन्ना धड़े पुछणे करीन माणसे काजे मकलया, ने तत्पार चु मारा बारामां छाचली गवाय देदु। 34 बाकुन मे मारा बारामां माणसेन गवाय नी चाहतु; जी वात तेरेमां कव की तुहुं पाप सी छुटकारु जड़े। 35 युहन्नु ते एक धपतेला दिवान तसलु हतलु, ने तुहुंका ईतरीक वार लग तीना दिवान वीजाळा मां खुस रहणु वारु लाग्यो। 36 बाकुन युहन्नु मारे बारामां जी गवा देदलु, तीनी गवाय सी मटी गवा मारे धड़े छे, काहाकी ज काम करेन भगवान बास मेसेक मकेल्लु छे, चेत काम मे करेन बाजी रयु ने चेत काम मारे बारामां जी गवा दी रया की मारु भगवान बास मेसेक मकेल्लु छे। 37 ने भगवान बास जु मेसेक मकेल्लु छे, चु मारी गवा देदलु छे। तुहुं कदी बी तेरो वचन नी सामळ्या ने तेरु सीकु नी देख्या। 38 ने हेरा बुल काजे मन मां बठाडीन नी राखे, काहाकी तीनाक हयु मकल्यु तेरे पर

तुहुं भुरसु नी करु। 39 तुहुं चुखली-सास्तुर मां चाळवीन भन्ने हामु काजे अमर जीवन जइसे, असु वीच्यार करीन तुहुं चुखली-सास्तुर काजे चाळवीन भणया बाकुन जीत चुखली-सास्तुर मारा बारामां असी गवा देदी आय रय की जु आवणेवाळु छे, हयुत अमर जीवन आपण्यु छे! (aiōnios g166) 40 तेबी तुहुं जीवन हात करेन करीन मारे धड़े आवणे नी हींडता। 41 मेसेक माणसे धड़े सी ईज्जत नी चाहती। मेसेक ईज्जत आपण्यु ते मारुत भगवान बास छे। 42 बाकुन मेसेक मालम छे की तुंदरे माहें भगवानेन परम नी हय। 43 मे मारा भगवानेन नाव सी आवलु छे, तेबी तुहुं मेसेक मानीन मार पर भुरसु नी करता; कदी काहनुक दीसरु आपसान नावे आवे ती तुहुं तीनाक मानीन तेर पर भुरसु कर लेसु। 44 तुहुं ते आंबा-सांबा ईज्जत ने आव-भाव हात करेन हींड रया, बाकुन तुहुंका एकुत भगवान सी ईज्जत ने आव-भाव जइसे ने तुहुं नी चाहता, ती तुहुं मारे पर कसा काय भुरसु करसु? 45 असा घुण समजु की मे भगवान अगळ तुहुं काजे गुनाळा ठहरावीस, तुंदरे पर गुनु लागाने वाळु ते मुसा छे, तेरे पर तुहुं भुरसु राख रया। 46 काहाकी कदी तुहुं मुसा पर भुरसु करता ती मारु बी भुरसु करता काहाकी चु मारा बारामां लिखलु। 47 बाकुन कदी तुहुं मुसान लिखली वात पर लग भुरसु नी करु, ती मारी वात पर कसा भुरसु करसु?

6 थुडाक दाहड़ा हय गुया ने अळतेन, गलील सी ईसु आपसा चेला भेळुत गलील डाबरान पली थड़ जाती रयु। ईना गलील डाबरा काजे तीबीरीयासेन मटलो डाबरो बी कहें। 2 ईसु, बेसका मांदला माणसेक वारु करतेलु। ईसुन ईनु मटा कामेन सहलाणी देखीन माणसेन एक मटुत टुळु ईसु पछळ चाल पड़्यु। 3 तत्पार ईसु बयड़ा पर चहड़ीन हेरा चेला पुट्ये चां बठ गुयु। 4 यहूदी माणसेन फसहन तीहवार सातेत आय रवलु। 5 जत्पार ईसु बेसकु मटु माणसेन टुळा काजे हेरे भीणी आवतेला देख्यु, ती फीलीपपुस सी कह्यु, “हीनु आखा माणसे काजे रुटा खावाइने वाटे कां सी मुल लावसुन?” 6 ईसु जी वात फीलीपपुस काजे पंतासने करीन कहंलु, काहाकी ईसु काजे जी वात मालुम हतली की चु काय करेन वाळु छे। 7 फीलीपपुस ईसु काजे कह्यु, “दुय सोव दाहड़ान दाहड़कीन रुपयान रुटा लावसु ने, ईतराक-ईतराक वाटसु तेबी हींदरे वाटे पुरती नी हवे।” 8 ईसुन चेला मायन सीमोन पतरसेन सगु भायस अनदीरीयास ईसु काजे कह्यु, 9 “जां एक नानलु पुर्यु छे तेरे धड़े जळ-गहंन पांच रुटा ने दुय माछा छे, बाकुन अतरा माणसे मां काय हवसे।” 10 ईसु जपाप आप्यु, “माणसेक पंगते बठाइ देवु।” तीना जागा पर बेसकु वारु चारु हतलु; चां माणसे बठी गुया। ने चां अदमी पांचेक हजार हतला। 11 तत्पार ईसु रुटा हातेम लेदु, ने रुटा लीन भगवान काजे कह्यु, तु बेसकु वारु, ने चु बठी रवला माणसेम चे रुटा वाटाइ देदु। ने माछा बी तसुत वाटाइयु। 12 जत्पार माणसे खायलीन आफरी गुया, ती ईसु हेरा चेला सी कह्यु, “बचला रुटान कुटका भेळा कर लेवु, थुडाक बी रद

नी हवणु चाहे।” 13 अळतेन चेला खायलीन रवला जळ-गहुंन रुटान कुटका काजे भेळा कर्या ती बारे चार्या भराय गुया। 14 माणसे ईसुन मटला कामेन सहलाणी देखीन कय पड्या, “छाचली, चु भगवानेन अघी सी आवणे वाळी वात बताइनुया माणुस ईनी कळी मां आवणे वाळु हतलु।” 15 ईसु ज जाण लेदु की माणसे आवीन मेसेक जबरान मां राजु बणावणे हींडे तेरेमां पछेन बयडा पर एखेलुत जाती रयु। 16 जतयार सांती वेळाय हय ती ईसुन चेला गलील दरीया धडे गुया। 17 चे ढंड्या मां बठीन दरीयान पली धड कफरनहुम सहर भीणी जाणे बाजी गुया। आंदारो बेसको हय गुयलो ने ईसु चां लग तींदरे धडे पळु नी आयु। 18 आहळीन वजे सी दरीया मां झलक बी आवणे बाजी गुया। 19 जतयार चे पांच छव कीलुमीटर अगा जाती रवला, ती चे ईसु काजे दरीया पर ढंड्या भीणी चालीन आवतेलु देख्या ने चे बीही गुया। 20 बाकुन ईसु हेरा चेलाक कह्यु, “मेत छे, बीहु मां।” 21 अळतेन चे ईसुक ढंड्या मां बठाड्या ने ततयारुत च ढंड्यो तीना जागा पर गुयो, जां चे जाणे बाजी रवला। 22 दीसरे दाहडे चु टुळु ने, एक दरीयान पली धड उबु हय रवलु, चे असा देख्या की जां एक काजे छुडीन अळी दीसरो ढंड्यो नी हतलो, ने ईसु आपसा चेला साते तीना ढंड्या पर चहडी नी रवलु बाकुन तेरा चेला अतरात गुयला। 23 ततयार नानला दीसरा ढंड्या तीबीरीयास सी तीना जागा धडे आया चे चां मालीक काजे तु बेसकु वारु छे, कयून रुटा खादा। 24 हेरेसी जतयार टुळु देख्यु की जां नीते ईसु हय ने नी हेरा चेला छे, ती चे ढंड्या पर चहडीन ईसु काजे हेरता जायून कफरनहुम जात रया। 25 दरीयान पली धडे जतयार चे ईसु काजे भेळा हया ती कह्या, “ए मास्तर तु जां कतयार आयु?” 26 ईसु तीनुक जपाप आप्यु, “मे तुहुंक छाचलीन कहं, तुहुं मारे सी करला मटा कामेन सहलाणी देखीन तेरो मतलब समजी गुया करीन मेसेक नी हेर्या, बाकुन तुहुं रुटा खायून आफरी गुयला छे, करीन मेसेक हेर्या। 27 रद हवण्या खाणा वाटे मेहनत मां करु, बाकुन तीना खाणा वाटे मेहनत करु ज रद नी हवे, ने च खाणो अमर जीवन वाटे जलम टेकलो रहे, ने असो खाणो तुहुंक माणसेन पुर्यु आपसे, अटकळ राखु, भगवान बास माणसेन पुर्या पर छाप लागाडीन ज देखाडुलु छे की माणसेन पुर्यु अतरु माणसेक अमर जीवन आपणेन हकदार छे।” (aiōnios g166) 28 माणसे ईसु सी पुछ्या, “तीना काम काजे भगवान चाहे तीना काम काजे करने वाटे हामु काय करजे?” 29 ईसु तीनु माणसेक जपाप आप्यु, “भगवानेन काम ज छे, की भगवान तीना काजे मकेल्लु छे, तीना पर तुहुं भुरसु करु।” 30 ततयार चे माणसे ईसुक कह्या, “तु काहनी सहलाणी देखाडे की हामु तीनाक देखीन तार पर भुरसु करजे? तु काहनी काम देखाडे? 31 हामरा डाहा बुडा ते बयडा मां बेसका दाहडा लग मुसा वाटे आपलो मन्ना नावेन खाणो खादला ने तेरे बारामां चुखला सास्तरु मां लिखलो बी छे; चु तीनु काजे खाणे करीन सरग सी रुटा आप्यु।” 32 ईसु तीनुक

कह्यु, “मे तुंदरे सी छाचलीन कहं की मुसु तुहुंक चे रुटा सरग सी नी देदु बाकुन मारु बास तुहुंक खरला रुटा सरग सी आपे।” 33 काहाकी भगवानेन रुटु हयुत छे जु सरग सी उतरीन कळी माणसे काजे अमर जीवन आपे। 34 ततयार चे माणसे ईसु सी कह्या, “ए मालीक चे रुटा हामु काजे जलम आप्या कर।” 35 ईसु तीनुक कह्यु, “अमर जीवनेन रुटु मेत छे; जु मारे धडे आवसे ने मारे पर भुरसु करसे तीनाक कदी भुक नी लागे। 36 बाकुन मे तुहुंक कहलु पेहेल बी कय देदलु की मेसेक देख बी लेदला छे, तेबी भुरसु नी करता। आखा चे माणसे भगवान बास मेसेक सुपलु चे आखा मारे धडे आवसे। 37 तेबी मे हिम्मत नी हारो, भगवान बास तीनुक बी नेवाडीन मारा हातेम आप देय, चे आखा मारेन्चां आवसे ने मे तीनुक मारेन्चां सी कदी नी ढासाडो। 38 काहाकी मे मारी मरजी पुरी करने नी बाकुन मेसेक मकलनुयान भगवानेन मरजी पुरी करने करीन सरग सी धरती पर उतरीन आवलु छे। 39 ने मारा मकलने वाळान मरजी जी छे, ज काय हयु मेसेक आप्यु तेरे मां सी मे काय बी नी खुवो बाकुन तीनुक आकरी दाहडे मर्या-सरयाम सी जीनदा कर दीस। 40 काहाकी मारा बासेन मरजी जी छे की जु कुय मारा पुर्या काजे देखे ने तीना पर भुरसु करे। तीनाक अमर जीवन जडसे ने मे तीनाक आकरी दाहडे मर्या-सरयाम सी पळु जीनदा कर दीस।” (aiōnios g166) 41 तेरेमां यहूदी माणसे तीना पर वाक नीकाळीन कुर-कुर करने बाजी गुया काहाकी ईसु कहलु, “जु रुटु सरग सी उतर्यु चु मेत छे।” 42 ने चे कह्या, “काय जु युसुफेन पुर्यु ईसु नी हय काय, तेरा आयस बास काजे हामु उळखजे? ती चु कसु कहें की मे सरग सी उतर्यु?” 43 ईसु तीनुक जपाप आप्यु, तुहुं तुहुंत कुर-कुर मां करु। 44 बाकुन जी वात समज लेवु, जतयार लग मेसेक मकलनुयु भगवान बास तीनाक बी मनवीन मारे धडे नी लावे ततयार लग तीनुक मारे धडे नी आवाये, असला माणसे काजे मे आकरी दाहडे, मतलब नीयावेन दाहडे मर्या-सरयाम सी पळु जीवतु करीन बठु कर दीस। 45 भगवानेन अघी सी आवणे वाळी वात बताइने वाळा माणसे आपसा किताप मां लिखलो छे, “चे आखा भगवानेन भीणी सी सीकाडुला रवसे।” जे काहनाक मारा बास सी सामळ्या ने सीक्या, चे मारे धडे आवे। 46 ज घुण समजता की काहनुक भगवान बास काजे देखलु छे, बाकुन जु भगवान बासेन आवजी पर तेरेन्चां सी आवलु छे, हय अतरुत भगवान बास काजे देखलु छे। 47 “मे तुंदरे सी छाचलीन कहं, की जु काहनुक भुरसु करे, अमर जीवन तेरोत छे।” (aiōnios g166) 48 अमर जीवनेन रुटु मेत छे। 49 तुंदरा आडा-बुडा बयडा मां मन्ना नावेन खाणो खादा, तेबी चे मर गुया। 50 बाकुन जु पललु रुटु छे, जु सरग सी उतरे, काहाकी काहनुक माणुस हेरेम सी खाय, ने मेरे नी। 51 सरग सी उतरलु अमर जीवन आपण्यु रुटु मेत छे, कदी काहनुक जु रुटु खासे चु जलम जीवतेलु रवसे ने जु रुटु मे ईनी कळीन माणसेन जीवन वाटे आपीस, चु रुटु मारो मास छे।” (aiōn g165) 52 अतरा मां चे

यहूदी माणसे असा कहुता जायन वातेम लड़ायणे बाजी गुया की, “जु माणुस आपसो मास खाणे करीन कसु दी सक्से।” 53 ईसु तीनुक कह्यु, “मे तुंदरे सी छाचलीन कहं की, जत्पार लग तुहुं माणसेन पुर्यान मास नी खावु ने तेरो लुही नी पीयु चां लग तुहुं जीवन नी जड़े। 54 जु मारो मास खाय ने मारो लुही पीये, अमर जीवन तेरोत छे; ने मे आकरी दाहड़े तीनाक मर्या-सर्याम सी पछा जीनुदा कर दीस। (aiōnios g166) 55 काहाकी मारो मास छाचलीन खाणेन चीज छे, ने मारो लुही छाचलीन पीणेन चीज छे। 56 जु मारो मास खाय करसे ने मारो लुही पीया करसे चु मारोम वारु बणीन रवसे ने मे तेरेमां रवीस। 57 जसु जलम जीवण्यु बास मेसेक मकलयु ने मे मारा बासेन वजे सी जीवलु रवीस, तसा की तसा जु मेसेक खासे चु मारे वजे सी जीवलु रवसे। 58 सरग सी उतेरेलु रुटु मेट छे। जु रुटु तीना रुटान तसु नी हय, तीनाक आड़ा-बुड़ा खादा ने मर गुया; बाकुन काहनुक जु हीना रुटु काजे खासे चु जलम जीवलु रवसे।” (aiōn g165) 59 कफरनहुम सहर वाळा तींद्रा भक्तीन घर मां रयन सीकाड़तु जायन ईसु जी आखी वात कह्यु। 60 ईसुन चेला मां सी बेसका जणा ज सामळीन कहणे बाजी गुया, “जी ते काठी वात छे हीनीक कुण सामळाय सक्से?” 61 ईसु हेरा मन मां जी वात जाण लेदु की मारा चेला ईनी वातेन बारामां कुर-कुर कर रया। ईसु पुछ्यु, “काय ईनी वात सी तुहुंक ठुकर लाग रय काय। 62 कदी तुहुं माणसेन पुर्या काजे जां हयु पेहेल हतलु, चां उपर जातलु देखसु ती काय हवसे? 63 भगवानेन चुखली-आत्मा जीवन आपे। डील सी काय फायदु नी हय जी वात मे तुंदरे सी कहंलु चे आत्मा छे ने जीवन बी छे। 64 बाकुन तुंदरे मायन काहनाक असा छे, चे भुरसु नी करे।” काहाकी ईसु पेहलुत सी जाणतेलु की जे भुरसु नी करे चे कुण छे; ने कुण छे चे मेसेक थुकु देसे। 65 ईसु कह्यु, “ने मे तुहुं काजे ज कहलु की काहना बी माणसेक भगवान बासेन मदत लेय पाखुर मारे धड़े नी आवाये।” 66 ज सामळीन ईसुन बेसका चेला ईसुन चां सी जाती रया, ने ईसुन सात छुड़ देदा। 67 तत्पार ईसु तीनु बारे चेला काजे कह्यु, “काय तुहुं बी जाणे हींडी रया?” 68 सीमोन पतरस ईसु काजे जपाप आप्यु, “ए मालीक हामु कुणी धड़े जाजे? अमर जीवन आपण्या बुले ते तारेत धड़े छे। (aiōnios g166) 69 ने हामु जाण गुया ने भुरसु कर लेदा की, भगवानेन चुखलु माणुस तुत मसी छे।” 70 ईसु तीनुक जपाप आप्यु, “काय मे तुहुं बारे जणा काजे नी नेवाड़्यु? तेबी तुंदरे मायन एक माणुस भुतडु छे।” 71 ईसु जी वात सीमोन ईस्करीयोतीन पुर्या यहूदीयान बारामां कहलु, काहाकी ईसुन बारे चेला मायन एक हतलु, चु ईसु काजे थुकु देणेवाळु हतलु।

7 यहूदा जीला वाळा यहूदी मुख्या ईसुक मार नाखणेन वीच्यार कर रवला, तेरेमां चु यहूदा जीला मां जाणे नी हींडतेलु ने ईसु आपसा चेला भेळुत गलील जीलात मां सेवा करतु जायन हींडतु रयु। 2 बाकुन हीयु यहूदी माणसेन आसरान

तीहवार सातेत आय रवलु। 3 तेरेमां ईसुन भायस ईसुक कह्यु, “जां सी यहूदी जीलाम जां काहाकी ज काय काम तु करे तीनु कामेक तारा आखा चेला बी देखे। 4 काहाकी असु काहनु नी हसे चु नाव कमायणे चाहे ने डुकायन काम करे। कदी तु ज काम करे ती खुद काजे कळी पर उजेंतु करा।” 5 काहाकी ईसुन भाय ईसु पर भुरसु नी करतेलु करीन चु असी वात कर्यु। 6 तत्पार ईसु तीनुक कह्यु, “मारे वाटे हाल लगुन वारु टेम नी आवी बाकुन तुंदरे वाटे आखी टेम वारलु छे। 7 ईनी कळीन माणसे मे तुंदरे सी कुहराय नी राखो, बाकुन जे मारे सी कुहराय राखे काहाकी मे तेरा वीरुद मां जी गवाय दम की तेरा काम भुंडात छे। 8 तुहुं तीहवार मां जावु, मे हय ईना तीहवार मां नी जातु, काहाकी हय लग मारी टेम पुरी नी हय रया।” 9 जी वात कयन ईसु गलील जीलात मां रय गुयु। 10 जत्पार ईसुन भायस तीहवार वाळने जाती रया, ती ईसु बी गुयु, बाकुन उजेंतु नी हयु, चु हुगलुत चां गुयु। 11 खपडीन तीहवार मां यहूदी माणसे ईसु काजे हेरता जायन असा पुछतेला, “चु माणुस कां छे।” 12 खपडीन तीहवार मां माणसे ईसुन बारामां कळेन कळे बेसकी वात करतेला, “हयु भलु माणुस छे।” ने थुड़ाक कहंतेला, “नी हयु भलु नी हय बाकुन माणसे काजे भटकाड़ र्यु।” 13 कुय बी तेरे बारामां जुर सी वात नी करतेला, काहाकी चे यहूदी नेता सी बीहतेला। 14 तीहवारेन आदा दाहड़ा जाती रया, ने ती ईसु मंदीरेन आंगणा मां जायन सीकाड़ने बाजी गुयु। 15 ईसुन वात सामळीन यहूदी माणसे धाबरायन ईसुन बारामां असा कह्या, “काहना बी गुरुन साहरे सीके बीगुर ईना माणसेम असी अक्कल कां सी आय गुया।” 16 असा कहण्याक ईसु कह्यु, “मारु भगवान बास मेसेक मकलने वाळु छे। वात सीकाड़ने वाळी मारी मनेन वात नी हय बाकुन मेसेक मकलने वाळान छे। 17 कदी काहनुक तेरी मरजी पर चालने हींडे, ती हयु ईनी भणावली वातेन बारामां जाण जासे की, ज भगवान भीणी सी छे, की मे मार भीणी सी कहंणे बाजी रयु। 18 जु काहनुक आपसुत खुद काय कहवे, चु आपसान बड़ाय करनु चाहे, बाकुन जु आपणा मकलने वाळान बड़ाय करनु चाहे हयुत छाचलीन छे, ने हेरेम काय बी पाप नी हय। 19 काय मुसु तुहुंक नेम कायदु नी देदु काय? तेबी तुंदरे मां सी काहनुक मुसान साहरे लिखला नेम कायदा पर नी चाले। तुहुं काहा मेसेक मारेन हींडी रया?” 20 माणसेन टुळाम सी काहनाक जपाप आप्या, “असो लागे तारे मां भुतडो भराय रयो। कुण तुसेक मारने हींडे?” 21 ईसु तीनुक जपाप आप्यु, “मे आरामेन दाहड़े एक मांदलाक वारु करलु करीन, ने तुहुं आखा देखीन चकराय रया। 22 हेरे वजे सी मुसु तुहुंक फतरी काटणेन रीती पाळनेन नीयम आप्यु, ज नी की मुसा भीणी सी बाकुन डाहा बुड़ा सी चालती आय रय ने तुहुं आरामेन दाहड़े माणसेन फतरी काट्या करु। 23 जत्पार आरामेन दाहड़े माणसेन फतरी काटाडे, काहाकी मुसान नीयम नी टुटे, ती तुहुं मारे पर काहा रीस करु की मे आरामेन

दाहड़े एक माणसे काजे वारु कर्यु। 24 मुंहडा देखीन दसा तसा नीयाव मां करु, वारु वीच्यार करीन खरु नीयाव करु।” 25 तीनी टेमे यरुसलेम सहर वाळा थुडाक यहूदी माणसे कहणे बाजी गुया, “काय जु हयुत माणुस छे ने हय तीनाक हामरा पुडार्या मार नाखणेन वीच्यार कर रया। 26 ने देखु जु ते उजेंतु वात करने बाजी रयु, ने कुय हीनाक काय नी कहता। काय यहूदी नेता छाचलीन जाण लेदा काय हयुत मसी छे? 27 बाकुन हीनाक ते हामु जाणजे की, जु कां सी आवलु छे; बाकुन मसी जत्यार आवसे ती कुय नी जाणे की चु कां सी आयु।” 28 तत्यार ईसु मंदीर आंगणा मां सीकाइतु जायन आयडीन कहयु, “तुहंक असो लागे की हीनाक उळ्खी रया, ने ज बी जाणु की मे कान छे। मेते मारी मरजी सी नी आयु, बाकुन मेसेक मकलने वाळु खरलु छे, तीनाक तुहं नी जाणु। 29 मे तीनाक जाणो काहाकी मे तेरे भीणी सी आयु ने हयुत मेसेक मकेल्लु छे।” 30 थुडाक माणसे ईसुक धरीन ली जाणे हींडी रवला, बाकुन आज लग ईसुन मरने टेम नी आय, जी टेम भगवान नक्खी करलु। 31 तेबी माणसेन टुळा मां सी बेसका माणसे ईसु पर भुरसु कर्या, ने कहणे बाजी गुया, “अतरा चकराडन्या वारु कामेन सहलाणी दीसरु काहनु बी, नी देखाइ सके।” 32 फरीसी माणसे ज सामळ्या की, माणसे ईसुन बारामां कळे-कळे वात करने बाजी रया; ती चे मंदीरेन डाहला पुजारा साते वात करीन ईसुक धरीन लावणे करीन मंदीरेन राखवाळ्या सीपायडा काजे मकल्या। 33 पछेन ईसु कहयु, “हय मे ईतरीक वार तुंदरे पुट्ये रय्स। ने अळतेन मेसेक जु मकेल्लु छे, तेरेन्चां पछु जाती रय्स। 34 तुहं मेसेक हेर्या करसु बाकुन मे तुहंक नी जडो। ने मे जां जाणे हींडी र्यु चां तुहंक नी आवाये।” 35 जी वात सामळीन यहूदी-मुख्या आपसा-आपसात कहया, “जु काहा जासे की हयु हामुक नी जडे, काय हयु पला धडे जासे जे युनानी मां रावण्या-तीवण्या हयन रवे ने युनानी काजे वारलु वात सीकाइ देसे? 36 जां काय वात छे, ची जु कहलु, की तुहं मेसेक हेरसु बाकुन मे नी जडो; ने चां मे छे चां तुहं नी आय सकु?” 37 खपडीन तीहवारेन खास दाहडे जु पेहलु दाहडु छे, ईसु उबु हयु ने आयडीन कहयु, “कदी कुय पीसलो हय ती मारे धडे आवे ने पाणी पीणु चाहजे। 38 जु मार पर भुरसु करसे जसों चुखला सासतुर मां अनसारे आवलो छे, तेरा डील मां सी जीवनेन पाणीन नदी उहवसे।” 39 ईसु ज बुल चुखली आत्मान बारामां कहयु, ज कुय हेरे पर भुरसु करने वाळा हेरेत पर हतला; काहाकी आत्मा हय लग नी उतरी काहाकी ईसु हय लग तेरी सेक-सींगार लग नी पुगयु। 40 ईसुन जी वात सामळीन माणसेन टुळा मां सी काहना-काहनाक जी वात कहया, “छाचलीन हयु भगवानेन अघली वात बताइने वाळु माणुस छे।” 41 थुडाक माणसे कवतेला की, “जु मसी छे, बाकुन काहनाक कहया, काहाकी मसी गलील जीलाम वाळु नी हय सके? 42 काय चुखली-सासतुर मां ज नी लिखलो आयो काय मसी दावुदेन कळी मां पयदा हवसे ने बेतलहम गांव सी

आवसे जां दावुद रहतेलु।” 43 असो करीन ईसुन बारामां माणसे मां बेरजु पड़ गुयु। 44 तींदरे मायन थुडाक माणसे ईसु काजे धरीन ली जाणे हींडी रवला बाकुन तीनाक धरीन ली जाणे करीन कुयन हिमूत नी हय। 45 तत्यार ईसुक धरने करीन गुयला मंदीरेन राखवाळ्या-सीपायडा मंदीरेन डाहला पुजारानचां ने फरीसी माणसेन्चां पछा जाती रया। ती चे डाहला पुजारा ने फरीसी माणसे तीनुक कहया, “तुहं तीना ईसुक काहानी लाया?” 46 मंदीरेन राखवाळ्या सीपायडा जपाप आप्या, “चु माणुस जसी वात करे तसी वात आज लग कुय नी कर्यो।” 47 जी वात सामळीन फरीसी माणसे तीनुक जपाप आप्या, “काय चु तुहंक बी भुले पाइ देदु काय।” 48 कुय बी यहूदी नेता ने फरीसी माणसे मायन कुय बी ईना ईसु पर भुरसु नी कर्या? 49 बाकुन ईनु टुळाम माणसे काजे मुसा सी लिखली सासतुर मालम नी हय, करीन जे ईसुन सामळीन भुले पड़ गुया। ने हींदरे पर ते भगवानेन गरा छे। 50 नीकुदेमुस चु पेहेल ईसु काजे भेळु हवणे गुयलु, चु तीनु फरीसी माणसे मायन एक हतलु। चु तीनु काजे कहयु। 51 काहना बी माणुस काजे पुछीन तेरा गुनान पतु लागाइ बीगुर जसों तसों तेरु नीयाव करीन तीनाक तु गुनाळु छे, कहीन डंड आपणु आपसा नीयम अनसारे संय छे काय? 52 चे तीना नीकुदेमुस काजे जपाप आप्या, “तु बी गलील जीला वाळा पुट्ये भेसकायलु छे? सासतुर मां हेर ने भणीन देख तत्यार तुसेक मालुम पड़से की गलील जीलाम सी भगवानेन अघली वात बताइनयु माणुस उजेंतु हयन आवण्यु नी हय।” 53 ने तत्यार चे आखा आपणे-आपणे धर जाती रया।

8 ने ईसु जेतुनेन बयडा पर जाती रयु। 2 ने चु संदारे एगुत मंदीर मां गुयु। ने आखा माणसे ईसु धडे आया; ने चु बठीन तीनुक सीकाइने बाजी गुयु। 3 तीनी टेमे यहूदी-सासतुर सीकाइन्या ने फरीसी माणसे एक बायर काजे ईसु धडे धरीन लाया, ची बायर काहनाक साते छीनाळो करतेली ने धर लेदला ने तीनी काजे माणसेन ईचमां उभी करीन ईसु काजे कहया 4 चे यहूदी सासतुर सीकाइन्या ने फरीसी माणसे ईसु सी कहया, “ए मासतुर जी बायर छीनाळो करतेली धराय गुयु। 5 मुसु आपसा लिखला कायदान सासतुर मां हामुक हुकुम आप्लु छे, की असली छीनाळी बायर काजे दगडा दीन मार नाखणु चाहजे। तेरेसी ईनी बायरीन बारामां तारो काय कहणु पडे?” 6 चे ईसु काजे पारखणे करीन जी वात कहया, तेरेसी तीनुक ईसु पर गुनु लागाइनेन काहनस पुरावु जड जाय करीन बाकुन ईसु ढंगु अळीन आंगळे करीन थुळा मां लिखतु रयु। 7 जत्यार चे ईसुक पुछता रया ती ईसु उबु हयन तीनुक कहयु, “तुंदरे मां जु कुय काय बी पाप नी कर्यु हय चु ईनी बायरीन आखाम सी पेहेल दगडु देणु चाहजे।” 8 ने ईसु अळी ढंगु अळीन धरती पर लिखणे बाजी गुयु। 9 बाकुन ज सामळीन डाहा-बुडा सी नानला लग आखान-आखा एकेक करीन जाती रया। ने चां ईसु ने ची बायरी रय गुया। 10 ईसु अळी उबु हयन तीनी बायर

काजे कह्यु, “ओ बायरी चे माणसे काहा जाती रया? तुसे कुय गुनाळी ठेहरावीन डंड नी आप्यो काय?” 11 ची बायर कय, “ए मालीक कुय बी मेसेक डंड नी आप्यो।” ईसु कह्यु, “जां मे बी तुसेक डंड नी आपतु जां ने हय सी अळी पाप घुण करजी।” 12 ने अळतेन मंदीर मां माणसे ईसु धडे अळी भेळा हया, तत्पार ईसु तीनाक कह्यु, “मे कळीन माणसे वाटे वीजाळो मे छे। ज कुय मारु चेलु बणने करीन मारे पुठ्ये आवे चु अमर जीवन मां ली जाणयो वीजाळो हात करसे अतरामा तीनाक पापेन आंदारला मां झटवायतु फीरनु नी पडे।” 13 फरीसी माणसे ईसुक कहया, “तु आपसात बारामां आपसुत गवा दी र्यु। हेरेसी तारी गवाय खरली नी हय।” 14 ईसु तीनुक जपाप आप्यु, “मेसेक मालुम छे, की मे कां सी आवलु छे ने कां जाणे बाजी र्यु। बाकुन तुहं नी जाणता की मे कां सी आवलु छे ने कां जाणे बाजी र्यु। अतरामा कदी मे आपसुत मारा बारामां गवा दम; तेबी मारी गवाय खरली छे। 15 तुहं ईनी कळीन माणसेन डीलेन अनसारे नीयाव कर रया, बाकुन मे कुय बी असु नीयाव नी करो; 16 ने कदी मे नीयाव करो बी, ते मारु नीयाव छाचलु छे, काहाकी मे एखलु नी हय बास बी छे, चु मेसेक मकेल्लु छे। 17 तुंदरा कायदान सासतुर मां बी लिखलो छे, की दुय जणान गवाय छाचली रवे। 18 एक ते मे मारा बारामां गवाय दम ने मारु बास बी मारा बारामां गवाय देय चु मेसेक मकेल्लु छे।” 19 ज सामळीन चे ईसु काजे कहया, “तारु बास कां छे।” ईसु जपाप आप्यु, “तुहं मेसेक जाणु नी मारा बास काजे कदी मेसेक जाणु ती मारा बास काजे बी जाणु।” 20 ईसु मंदीर मां दान पेटी धडे सीकाइतु जायन जी आखी वात कह्यु, तेबी कुय बी ईसुक नी धरया, काहाकी हय लग ईसुन मरने टेम नी आय, जी टेम भगवान नक्खी करलु। 21 ईसु अळी एक कावा माणसे काजे कह्यु, “मे जात रय्स, ने तुहं मेसेक हेरया करसु, बाकुन तुहं तुंदरा पापेन माफी हात कर्या बीगुर तुंदरा पाप मां मर जासु। ने चां जात रय्स चां तुहं कदी नी आवाये।” 22 जी वात सामळीन यहूदी माणसे कहया, “जु असु काहा कय रयु, जां मे जात रय्स चां तुहं कदी नी आवाये हेरो ज कंहणेन मतलब काय छे? कांखुर मायन जु जाणी बुजीन मरने ते नी हींडी र्यु?” 23 ईसु तीनु काजे कह्यु, “तुहं सरगे सी नेचा ईनी धरती वाळा छे; तुहं कळीन छे, ने मे ईनी कळीम वाळु नी हय। 24 तेरेमां मे तुहं क कह्यु, की तुहं तुंदरा पाप मां मरसु काहाकी कदी तुहं भुरसु नी करु की मे हयुत छे ती तुंदरा पाप मां मरसु।” 25 ज सामळीन चे माणसे ईसुक कहया, “तु कुण छे?” ईसु तीनुक कह्यु, “हयुत छे सुरु सी तुंदरे सी कहतु आय र्यु। 26 तुंदरा बारामां मेसेक बेसको काय नीयाव करनु छे। बाकुन मारु मकेलने वाळु छाचलु छे, ने ज मे तेरे सी सामळळु छे, चोन ईनी कळीन माणसे काजे सामळावो।” 27 ईसु ते तीनु काजे भगवान बासेन बारामां कंहणे बाजी रवलु, बाकुन ची वात तीनुक पल्ले नी पडे। 28 तत्पार ईसु कह्यु, “जत्पार तुहं

माणसेन पुर्या काजे ती जाणसु की मे हयुत छे; मे मारी मरजी सी काय बी नी कहो बाकुन जसु मारु बास मेसेक सीकाइलु तसुत जी वात कहो। 29 मेसेक मकेलने वाळु मारे पुठ्ये; चु मेसेक एखलु नी मकल्यु काहाकी मे जलम चत काम करो तीनाक गमे च।” 30 ईसु जी वात कंहणे बाजी रवलु, ती बेसका माणसे तेरे पर भुरसु करने बाजी गुया। 31 जे यहूदी माणसे ईसु पर भुरसु कर्या, तीनुक कह्यु, “कदी तुहं मारा बुल मांनीन रवसु, ती छाचलीन मारा चेला बण जासु। 32 तुहं छाचाय काजे जाण लेसु, ने छाचाय तुहं गुलामी मां सी छुडाय देसे।” 33 चे ईसु काजे कहया, “हामु ते अब्राहमेन अवल्यात छे, ने हामु कदी काहनान बी गुमाली नी कर्या। ती तु असु कसु कहेवे की छाचाय तुहं गुलामी मां सी छुडाय देसे।” 34 ईसु तीनु काजे कह्यु, “मे तुहं छाचलीन कंहं, जु पाप करे चु पापेन गुलाम छे। 35 एक घरेन पावर्यान बारामां वीच्यार करु। मालीकेन पावर्यु नी बाकुन मालीकेन खरलु बेटुस घरेन हकदार्यु छे, ने चु अतरुत घर मां जलम रय सके, (aiōn g165) 36 हेरेसी कदी पुर्यु तुहं काजे पापेम सी छुडवसे ती तुहं छाचलीन पापेन गुलामी मां सी छुट जासु। 37 मे जाणो की तुहं अब्राहमेन अवल्यात छे; तेबी मारो बुल तुंदरा डील मां जागु नी हेरे, तेरेमां तुहं मेसेक मारने हींडी रया। 38 तुहं चत कय रया च मेसेक मारु बास देखलु, ने तुहं च करु च तुंदरा बास सी तुहं सामळ्या।” 39 चे ईसु काजे जपाप आप्या, “हामरु बास ते अब्राहम छे।” ईसु तीनुक कह्यु, “कदी तुहं अब्राहमेन अवल्यात रवता ती चत काम करता च अब्राहम करलु। 40 बाकुन हय तुहं मारेन तसला माणसे काजे मारने हींडी रया, चु तुहं च खरलो बुल बताइलु चु भगवान सी सामळ्या असो ते अब्राहम नी कर्यु। 41 तुहं ते खरला बासेन तसु नी, बाकुन तुंदरा दीसरा बासेन तसु वेहवार कर रया।” चे ईसु काजे कहया, “हामु छीनाळा सी पयदा नी हया; हामरु एकुत बास छे, ने चु भगवान छे।” 42 ईसु तीनु यहूदी माणसेक कह्यु, “भगवान तुंदरु बास नी हय। कदी भगवान तुंदरु बास रवतु, ती तुहं मेसेक उळखीन परम करता काहाकी मे मारी मरजी सी नी आयु। बाकुन भगवान मेसेक मकेल्लु छे। करीन मे भगवान बासेम सी नीकाळीन आवलु छे, ने मे हय जां हजुर छे। 43 तुहं मारी वात काहा नी समजु? तेरेमां की तुहं मारो बुल सामळी नी सकु। 44 तुहं आपसा बास भुतडा सी छे, ने आपसा बासेन मरजी काजे पुरी करने हींडी रया। हयु ते पेहलुत सी हत्यारु छे, ने छाचलु बणीन नी रयु, काहाकी छाचाय तेरेमां हय नी। जत्पार हयु झुट बुले, ती आपसा हीयान मनेम सी बुले, काहाकी हयु झुट अतरुत नी हय, बाकुन आखी भातीन झुटेन बास झुटु छे, 45 बाकुन मे ज छाचलीन कहवो, तुहं माणसे मारे पर भुरसु नी करु। 46 तुंदरे मायन कुण मेसेक पापी कंहें? काय कदी मे छाचलीन कंहं, ती तुहं मारु भुरसु काहा नी करु? 47 जु भगवान भीणी सी छे, ने भगवानेन वात काजे सामळे। तेरेमां तुहं मारी वात काजे नी मानु, तुहं भगवान भीणी

सी नी हय।” 48 ईसुन वात सामळीन यहूदी माणसे रीसवायन ईसु काजे कह्या, “हामु ते छाचलीन कय र्या की, तु सामरी जातीन छे, ने तारे भुतडु चसटी रयु?” 49 ईसु तीनुक जपाप आप्यु, “मारे भुतडु नी चसटी रयु। बाकुन मे मारा बासेन अबरु राख रयु ने तुहुं मारु अबरु ली रया। 50 मेसेक मारी ईज्जत नी चाहजे, बाकुन एक जणु छे, चु मारु अबरु राखणेन हेर कर रयु, ने हयुत छाचलु नीयाव करनयु छे। 51 मे तुंदरे सी छाचलीन कहं, ज कुय माणुस मारा बुल काजे मानीन चालसे चु कदी नी मरे।” (aiōn g165) 52 जी वात सामळीन यहूदी माणसे ईसु काजे कह्या, “हय हामुक पक्को मालम पड़ गुयो की, तारे भुतडु चसटी रयु। अब्राहम मर गुयु ने भगवानेन अघली वात बताइनुयु मर गुयु, ने तु ज कय रयु की जु कुय मारा बुल काजे मानीन चालसे चु कदी नी मरे। (aiōn g165) 53 हामारा डाहा बुड़ान बास अब्राहम ते मर गुयु, ने भगवानेन अघली वात बताइनुया बी मर गुया, तु अब्राहम सी मटु छे काय? तु आपसा काजे काय समजी रयु? तु कुण छे?” 54 ईसु जपाप आप्यु, “कदी मे मारीत ईज्जत करो ती तीनी ईज्जतेन काय बी दाम नी रवे। बाकुन मारी ईज्जत करनयु मारु बास छे तीनाक तुहुं कहं की चु तुंदरु भगवान छे। 55 तुहुं ते तीनाक कदी नी उळ्ख्या; ने कदी मे कहं की मे तीनाक कदी नी उळ्खो, ती ते मे तुंदरेन तसु लुचु कहं; बाकुन मे तीनाक उळ्खो ने तेरा बुल पर चालो। 56 तुंदरु बास अब्राहम मेसेक देखणे करीन मारे आवणेन दाहड़ाम वाट देखीन खुस हय गुयलु; ने चु मेसेक देखी बी लेदु ने खुस हय गुयु।” 57 जी वात सामळीन यहूदी माणसे ईसुक कह्या, “हय लगुन तारी उमर पचास साल बी नी हय ने तु असु कसु कय रयु की मे अब्राहम काजे देखलु छे?” 58 ईसु तीनुक कह्यु, “मे तुहुं काजे छाचलीन कहं अब्राहम पयदा नी हयु तेरे सी बी पेहलुन मेत छे।” 59 ज सामळीन यहूदी माणसे ईसुक मारने करीन दगड़ा ईछी लेदा बाकुन ईसु मंदीर मां सी कळ्ने जाती रयु।

9 ईसु हेरा चेला भेळुत वाटे जाणे बाजी रवलु ती चु एक माणुस काजे देख्यु चु पयदा हयु ती सीत आंधळु हतलु। 2 ती ईसुन चेला ईसु काजे पुछ्या, “ए मास्तर कुण पाप कर्यु हसे ने जु आंधळु पयदा हयु। जु माणुस पाप कर्यु हसे की हेरा आयस-बास पाप कर्या हसे?” 3 ईसु जपाप आप्यु, “नी ते जु माणुस पाप कर्यु ने नी ते हेरा आयस-बास पाप कर्या बाकुन जु हेरेन करीन आंधळु पयदा हयु की ईनाक वारु करनेन सी हेरी जीवन मां भगवानेन ताकत देखाव पड़ जाय। 4 ने भगवान जु मेसेक मकेल्लु छे, आपणुक तेरो काम दीसुत पुरो कर लेणु वारु रवसे। बाकुन ची रात आवणे वाळी छे, तेरेमां कुयक काम नी कराये। 5 जत्पार लग मे कळी मां छे तत्पार लग कळीन वीजाळो छे।” 6 ज कयदीन ईसु भुयमां थुप्यु ने हाते करीन धुळु कालवीन आंदळान डुळा पर चुपड़ी देदु। 7 ने तीना आंदळा काजे कह्यु, “जां सीलोम नावेन हळव मां तारा डुळा धुय लो।” सीलोम नावेन मतलब छे मकेल्लु। अतरा मां चु आंधळु माणुस

जायन तीना हळव मां डुळा धुय लेदु ने जत्पार चु पछु आयु तत्पार देखणे बाजी गुयु। 8 ईना आंदळान आड़े-धड़े वाळा ने उळ्खायता माणसे चे पेहल ईनाक भीक मांगतेला देखला चे ईनाक हय देखीन कह्या, “काय जु चु नी हय जां बठीन पेहेल भीक मांगतेलु?” 9 थुड़ाक माणसे कह्या, “जु हयुत छे। थुड़ाक माणसे कह्या जु चु आंधळु माणुस नी हय बाकुन तेरेन तसु देखाये।” बाकुन चु आंधळु माणुस कह्यु, “मे हयुत छे।” 10 ज सामळीन चे तीनाक पुछणे बाजी गुया, “ती तु कसु काय देखणे बाजी गुयु।” 11 चु माणुस जपाप आप्यु, “ईसु नावेन माणुस थुपे करीन धुळु मारा डुळा पर चुपड़ी देदु। ने मेसेक कह्यु, सीलोम नावेन हळव मां तारा डुळा धुय लो। ने मे जायन डुळा धुय लेदु ने मे देखणे बाजी गुयु।” 12 ज सामळीन चे तीनाक पुछ्या, “चु कां छे।” ने चु कह्यु, “काय जाणु।” 13 वारु हय गुयला आंदळा माणुस काजे चां भेळा हवला माणसे फरीसी माणसे ने यहूदी माणसे धड़े लाया। 14 तीने दाहड़े ईसु धुळु कालवीन तीना आंदळान डुळा वारु करलु चु दाहड़ु आरामेन दाहड़ु हतलु। 15 अतरामा फरीसी माणसे बी तीना माणसेक पुछणे बाजी गुया, “तु कसु काय देखणे बाजी गुयु।” चु तीनुक कह्यु, “ईसु नावेन माणुस धुळु कालवीन मारा डुळा पर चुपड़ी देदु। ने मे धुय लेदु ती पछेन देखणे बाजी गुयु।” 16 जी वात सामळीन थुड़ाक फरीसी माणसे कह्या, “हीयु ईसु आरामेन दाहड़ु नी पाळतु। तेरेमां हीयु भगवानेनुचां सी नी आवलु हय।” ने जी वात सामळीन थुड़ाक फरीसी माणसे कह्या, “पापी माणुस असा वारु कामेन सहलाणी कसु देखाड़ सके?” अतरा मां ईसुन बारामां तींदे-तींदे मां वीरुद हय गुयु। 17 एक कावा अळी तीना आंदळा काजे पुछ्या, “जु माणुस तारा डुळा वारु करलु छे, तेरा बारामां तु काय कहें?” ने चु माणुस कह्यु, “चु एक भगवानेन अधी सी आवणे वाळी वात बताइने वाळु माणुस छे।” 18 जु माणुस पेहेल आंधळु हतलु, चु माणुस हय देखणे बाजी गुयु ईनी वातेम तीनु यहूदी मुख्या काजे भुरसु नी आयु ने चे तीना माणसेन आस्या-बास्या काजे बुलाया। 19 ने तीनुक पुछ्या, “जु तुंदरु पुर्यु छे काय? जु पयदा हयु तीन आंधळु हतलु काय? ‘आंधळु हतलु’ कहं ती हय जु कसु देखणे बाजी गुयु?” 20 चे आस्या-बास्या जपाप आप्या, “हामु जाणजे की हामरु पुर्यु छे, ने जु पयदा हयु तीन आंधळु हतलु। 21 बाकुन हय जु कसु देखणे बाजी गुयु जी वात हामुक मालम नी हय। हामुक ज बी नी मालम हय की हेरा डुळा कुण वारु कर्यो ईनात काजे पुछु लेवु। जु नानलु नी हय आपसान बारामां खुद बताड़ देसे।” 22 यहूदी डाहला भेळा हयन जी वात नक्खी कर लेदला की कुय बी ईसु काजे मसी करीन मान लेसे ती आपणा भक्तीन घर मां सी बाहर नीकाळीन बाहरु कर देसुन। ने तीनाक वारु हय गुयला आंदळान आस्या-बास्या मन मां यहूदी मुख्यान धाक भराय गुयली। 23 तेरेमां तेरा आस्या-बास्या कहला की, “जु मटु हय गुयु ईनात काजे पुछु लेवु।” 24

चे यहूदी मुख्यान तीना वारु हय गुयला आंदळाक अळी बुलाया मां नी भराये, बाकुन गाडरान वाडो चहडीन एक धडे मायन ने तीनाक कह्या, “भगवानेन आण घालीन कहं की मे तीना भगवानेन बड़ाय करीस। हामु जाणजे की चु माणुस पापी छे।” 25 चु जपाप आप्यु, “चु माणुस पापी हय की नी हय जी वात मेसेक मालम नी हय बाकुन मे अतरोत जाणो की मे आंधळु हतलु ने हय मे देखो।” 26 ने चे तीनाक अळी पुछ्या चु तारे काय कर्यु? “चु तारा डुळाक कसु वारु कर्यु?” 27 चु कह्यु, “मे तुहुं काजे पेहलुत कय देदु तेबी तुहुं क भुरसु नी आवतु, ती हय अळी काहा सामळने हींडी र्या? तुहुं बी तेरा चेला बणने हींड र्या काय?” 28 चे तीनाक बेसका लडीन कह्या, “तुत छे तेरु चेलु बाकुन हामु ते मुसान चेला छे। 29 हामु जाणजे की भगवान मुसा साते वात करलु बाकुन तीना ईसुन बारामां हामु जाणजे लग नी, की चु कां सी आवलु छे।” 30 चु वारु हय गुयलु माणुस तीनाक कह्यु, “जो! तुहुं क पल्ले नी पड़तो काय चु आंदळान डुळाक वारु कर देदु तेबी तुहुं क मालम नी हय की चु कां सी आवलु छे। 31 आपणु जाणजे की भगवान पापी माणसेन दुवा नी सामळे बाकुन तीना माणसेन दुवा सामळे जु भगवानेन भक्ती करतु हय ने भगवानेन मरजी पर जीवन जीवे। 32 कळी घड़ाय तीसी आज लग ज सामळने मां नी आयो की काहनू बी आंधळु पयदा वारी माणसेन डुळा उघाडीन वारु कर्यु हय। (aion g165) 33 कदी भगवान ईना माणसेक नी मकेलतु ती चु कसु मारा आंदळा डुळा उघाड़तु।” 34 चे यहूदी मुख्या वारु हय गुयला आंदळाक कह्या तुते पाप मां पयदा हयु ने पापेत मां पुसायु, “ने बेसकु! तु हामुक सीकाडने बाजी र्यु!” ने असु कहीन चे तीनाक तींदरा घर मां सी खयडे नीकाळ दीन बाहर कर देदा। 35 अळतेन ईसु सामळ्यु की फरीसी माणसे यहूदी मुख्या तीनाक चां बाहर कर देदला छे, ने अळतेन ईसु तीनाक भेळु हयु ती तीनाक कह्यु, “तु माणसेन पुर्या पर भुरसु करे काय?” 36 चु वारु हय गुयलु आंधळु माणुस कह्यु, “ए मालीक! मेसेक देखाड़ दे की माणसेन पुर्यु कुण छे, ने मे तेरे पर भुरसु करीस।” 37 ईसु तीना माणसेक कह्यु तु तीनाक देखलु छे, “ने चु तार साते वात करने बाजी र्यु ने हयुत माणसेन पुर्यु छे।” 38 चु वारु हय गुयलु आंधळु ईसु काजे कह्यु ए मालीक! मे भुरसु कर्यु ने चु ईसुन पाये पडीन आंध्यु। 39 ने ईसु कह्यु, “मे ईनी कळी मां नीयाव करने वाळु छे की जे आंदळा छे चे देखणे बाजी जाय बाकुन जे देखणे बाजी र्या चे आंदळा हय जाय।” 40 फरीसी माणसे मुख्या मायन थुडाक चां ईसु साते हतला ने चे ज सामळीन ईसु काजे कह्या, “छाचलीन हामु आंदळा नी हय। हामु बी आंदळा छे करीन तु कय र्यु काय?” 41 ईसु तीनु काजे कह्यु, “कदी तुहुं छाचलीन आंदळा रवता ती पापी नी गीणायता बाकुन हय ते तुहुं कय र्या की हामु देखजे ने तुहुं पापीत गीणाय र्या।”

10 ईसु कह्यु, “मे तुहुं काजे छाची-छाची कहं, की जु काहनुक गाडरान ईना वाड़ान झपला मायन गाडरान वाड़ा

लगुन भुले पाडतु रवसी? कदी तु मसी हय ती हामुक तसु छाची हेरुत भाय लाजर मांदलु हतलु। 3 तेरेमां मरीयम ने मारथा बताइ दे?" 25 ईसु तीनुक जपाप आप्यु, "मे तुहुंक छाचलीन लाजरेन बहणीस ईसु धडे असी कय मकली की, "ए मालीक, कय देदु की, मे कुण छे। बाकुन तुहुं भुरसु नी करता, ज काम मे देख, तीनाक तु वारु परम राखे चु मांदलु छे।" 4 ईसु जी वात मारा बासेन नाव सी करो, मारी गवा पुरावु देय की मे छाचलीन सामळीन कह्यु, "जी मांदवाइ मर जाणु करीन नी आय, बाकुन कुण छे? 26 तेबी तुहुं भुरसु नी करता, काहाकी तुहुं मारा गाडरा भगवानेन बड़ाय हवणे करीन, ने ईनी मांदवाइने साहरे भगवानेन नी हय। 27 मारा गाडरा मतलब मारा चेला, मारी बुली काजे पुर्यान बी बड़ाय हवे।" 5 ईसु लाजर काजे, ने तेरी बहणीस जाणी लेय, ने मे तीनुक जाणो, ने मारे पछळ-पछळ आवे। 28 मारथा ने मरीयम काजे परम करतेलु। 6 तेबी जत्पार ईसु ने मे तीनुक अमर जीवन आपो, ने हयु जीव कदी नी मरसे। ने सामळ्यु, की लाजर मांदलु छे, ती जां लाजर रहतेलु चां जाणी कुय बी तीनाक मार हातेम सी नी हापके। (aiōn g165, aiōnios बुजीन दुय दाहड़ा अळी रय गुयु। 7 जी दुय दाहड़ा बीती गुया, ने g166) 29 मारु बास, चु तीनुक मेसेक आप्यु, आखा सी मटु छे, पछेन ईसु चेला काजे कह्यु, "चालु आपणु अळी पछा यहूदी ने कुय बी तीनुक बासेन हातेम सी हापकी नी सके। 30 मे ने जीलाम जाजे।" 8 बाकुन चेला ईसु काजे कह्या, "ए मासर! मारु भगवान बास एक छे।" 31 ईसुन जी वात सामळीन, यहूदी ईतराक दाहड़ा पेहलुस ते यहूदी डाहला नेता तुसेक दगड़ाटीन इतराक दाहड़ा पेहलुस ते यहूदी डाहला नेता तुसेक दगड़ाटीन माणसे ईसु काजे मारने करीन अळी दगड़ा ईछ्या। 32 ती ईसु मारने हींडी रवला, ने तु पछु अळी चांहाण जाणे हींडी रयु?" 9 ईसु जपाप आप्यु, "काय दाहड़ान बारे घंटा नी रवे? कदी काहनुक माणुस दीसु चाले ती झट नी लागे काहाकी तीनाक तुहुंक बेसका मटा वारलु काम करीन देखाइयु। तीनु मायन ईनी कळीन वीजाळो देखाये। 10 बाकुन कदी काहनुक राते चाले काहना कामेन करीन मेसेक दगड़ाटीन मारने हींडी र्या?" 33 ती झटवायसे, काहाकी चां वीजाळो नी रहे।" 11 ईसु जी वात कहीन नी, बाकुन तु भगवानेन नाव-बद्दी कर र्यु करीन हामु कह्यु, ने पछेन कहणे बाजी गुयु, "आपणु दुस्तीदार लाजर सुय तुसेक दगड़ाटीन मारने हींडी र्या, तु ते माणुस हयन बी खुद गुयु, बाकुन मे हीनाक जागाइने जाम।" 12 चेला कह्या, "ए काजे 'मे भगवान छे' करीन कय र्यु।" 34 ईसु तीनुक जपाप मालीक। कदी चु सुय र्यु हसे, ती वारु हय जासे।" 13 ईसुन आप्यु, "तीना चुखला सासतुर काजे तुहुं मानु, तेरेमां असो चेला जय समज्या की लाजर छाचलीन सुवणे बाजी र्यु हसे, लिखलो छे भगवान कह्यु, तुहुं देवता छे" तुहुंक जी वात मालम बाकुन ईसु ते दाखलान साहरे ईसारु करीन कहणे बाजी रवलु। नी हय काय। 35 पेहला वाराम तीनु माणसेनचां आपसु बुल 14 तत्पार ईसु तीनुक सय-सय कय देदु, "की लाजर मर गुयु।" पुगाइलु, तीनु काजे भगवान देवता करीन बुलाइयु। ने खरली 15 मे लाजरेन मरने टेमे चां नी हतलु, तेबी मे तुहुं छे करीन मे सासतुर मां लिखली वात कदी नी टळे। 36 बाकुन मेसेक ते खुस छे, "काहाकी हय तुहुं मारे पर पाक्कु भुरसु करने मुखु चुखलु भगवान बास हक आपीन ईनी कळी मां मकेललु छे, जड़ जासे। ती चालु, आपणु लाजर धडे जाजे।" 16 तत्पार ने मे भगवानेन पुरयु छे करीन मे मारा बारामां कह्यु, ती तुहुं थोमु चु दीदमुस बी कहवाये, हेरे साते चेला सी कह्यु, "चालु, रीसवायन मेसेक तु भगवानेन नाव-बद्दी कर र्यु, करीन काहा आपणु बी हेरे साते जाजे भले आपणुक बी हेरे पुठ्ये मरनु कय र्या? 37 कदी मे मारा बासेन काम नी करो ती मारे पर पड़े।" 17 जत्पार ईसु बेतन्या गांव मां पुग्यु, ती चु सामळ्यु भुरसु घुण करु। 38 बाकुन कदी मे भुरसु करो, ती भले मारे पर की लाजर काजे मसाण मां मेकला चार दाहड़ा हय गुया। 18 भुरसु मां करु, बाकुन तीनु कामे पर ते भुरसु करु, काहाकी बेतन्या गांव यरुसलेम सहर सी एक कुस लांबो हतलो। 19 ने तुहुं जाणु ने समजु की बास मारेम छे, ने मे बासेम छे। 39 बेसका यहूदी माणसे बी लाजरेन मरनेन खबर सामळीन हेरी जी वात सामळीन, यहूदी माणसे, अळी ईसु काजे धरने हींडी बहणीस मारथा ने मरीयम काजे हुगा राखणे, ने तुहुं काठु जीव रवला, बाकुन चु तींद्रा हातेम सी नीस्टीन जाती रयु। 40 ईसु राखजु करीन हेरा भायसेन बारामां कहंणे चां आय रवला। 20 आपसा चेला पुठ्ये अळी यरदन नदीन पली धडे जाणा पर जाती जत्पार मारथा सामळी, की ईसु आवणे बाजी र्यु, तीनाक र्यु, चां युहननु पेहेल बपतीस्मा आप्या करतेलु, ने चाहात भेळी हवणे करीन अधीस गुयु बाकुन मरीयम घरुत मां बस रय। रहणे बाजी गुयु। 41 बेसका माणसे ईसु धडे आवीन कहतेला, 21 ईसु धडे पुगीन मारथा ईसु काजे कय, "ए मालीक! कदी तु "युहननु ते असो काहना बी मटा कामेन सहलाणी नी देखाइयु, जां रहतु ती मारु भाय नी मरतु। 22 ने मेसेक मालम छे, की तु बाकुन युहननु ईसुन बारामां ज काय हवलो, चो आखो छाचलीन हय बी भगवान भीणी सी ज काय मांगीस, चोन भगवान तुसेक आपसे।" 23 ईसु मारथा काजे कह्यु, "तारु भाय पछु जीवतु हतलो।" 42 ने चां बेसका माणसे ईसु पर भुरसु कर्या। हय जासे।" 24 ज सामळीन मारथा ईसु काजे कय, "मेसेक मालुम छे, की तीने दाहड़े आखा मरला माणसे मर्या-सर्याम सी पछा जीवता हयन बठा हवसे, तीने दाहड़े मारु भाय बी तींद्रे भेलुत पछु जीवतु हयन बठु हय जासे।" 25 ईसु मारथा काजे

11 बेतन्या गांव मां तीन भाय बहणसूया रहतेला, लाजर ने तेरे दुय बहणीस मारथा ने मरीयम, एक दाहड़े हेरु भाय लाजर मांदु पड़ गुयु। 2 जी चीत मरीयम हतली, ची मालीक ईसुन पाये पर ईत्तर रेचवीन आपसे कान्या सी तेरा पाये नुछली

कह्यु, “मर्या-सर्याम सी पछा जीवता करीन बठा करन्यु, ने तीनुक अमर जीवाय आपण्यु मेत छे, जु बी मार पर भुरसु करे, चु मर बी जासे तेबी जीवतेलु रवसे।” 26 ने जु मार पर भुरसु करतु जायन जीवतेलु रवसे, तीनाक जलमकी मुतेन डंड नी जड़े तु ईनी वात पर भुरसु करे काय? (aiōn g165) 27 ती मारथा कय, “हव, मालीक! पाक्कु भुरसु करो की ईनी कळी मां आवणे वाळु भगवानेन पुर्यु तीनाक मसी कहवे चु तुत छे।” 28 ची असी कयदीन जाती रय ने आपसी बहणीस मरीयम काजे बुलावीन कळयेन तीनीक कय, “मास्तर आय रयु, चु तुसेक बुलावे।” 29 ज सामळीन मरीयम छाटीत उठीन ईसु काजे भेळी हवणे चाल पड़ी। 30 ईसु हाल लगुन तीना गांव मां नी आयु, हय बी चु तीना जागा पर हतलु जां मारथा ईसुक भेळी हवली। 31 तत्तार ईतराक यहूदी माणसे हेरे साते घर मां हतला ने तीनाक हुगी रव ने काठु जीव राख, करीन कहणे बाजी रवला, चे माणसे ज देख्या की ची उचकाणुन मरीयम उठीन खयडे चाल पड़ी ती चे असा वीच्यार कर्या की जी मसाण पर रहणे जाणे बाजी रय, ने चे बी तेरे पछळ चाल पड्या। 32 जत्तार मरीयम ती जाणे पुगी जां ईसु हतलु, ती तीनाक देखतात ची तेरा पायेम हीट पड़ी ने कय ए मालीक! “कदी तु जां रवतु ती मारु भायस नी मरतु।” 33 ने ईसु मरीयम काजे ने तेरे पुठ्ये आवला यहूदी माणसेक रडतेला देख्यु, ती ईसुन जीव भळ कर्यु, ने चु बेसकु दुखी हय गुई। 34 ने चु कह्यु, “तीनाक काहना जागा पर मेकला छे?” चे ईसुक कह्या, ए मालीक! चाल आवीन देख ले। 35 ने ईसु तत्तार कलपी-कलपीन रडने बाजी गुयु। 36 ईसु काजे रडतेलु देखीन चां भेळा हवला माणसेम सी बेसका यहूदी माणसे कह्या, “देखु! जु ते लाजर काजे बेसकु परम करतेलु।” 37 बाकुन थुडाक माणसे कह्या, “जु ते आंदळान डुळा उघाडीन तीनाक देखता कर्यु ती जु लाजर काजे काहानी बचाड्यु?” 38 ज सामळीन ईसुन जीव अळी भळ लेवायु, ने चु लाजरेन मसाण धडे गुयु, ची मसाण बयडान खंगरा मां दर खुदीन बणावलो हतलो, ने तेरे पर एक चापरु दगडु मेल्लु हतलु। 39 ईसु माणसेक कह्यु, “चापरु दगडु हेड देतु।” मरला लाजरेन बहणीस मारथा कही, “बाकुन ए मालीक लाजर मरलु चार दाहडा हय गुया हय ते तेरो धड गंदायतो हसे।” 40 ईसु मारथाक कह्यु, “कदी तु भुरसु करसी, ती भगवानेन सेक-सींगार देखसी, असु मे तुसेक हय पेहलुस कहलु बी।” 41 तत्तार चे माणसे चापरु दगडु हेड देदा ने ईसु सरग भीणी भाळीन कह्यु, ए भगवान बास! मे तुसेक बेसकु वारु कहवो तु मारी दुवा सामळी लेडु। 42 तु ते मारी दुवा सामळ्या करे जी वात मेसेक पाक्को मालुम छे बाकुन मे जी वात आडे-धडे उबा हय रवला माणसे वाटे कय र्यु, “काहाकी चे ज देखीन भुरसु करे ने असा जाणे की ईना ईसुक भगवानुत हक आपीन मकेल्लु छे।” 43 असु कयदीन ईसु जु र सी आयडीन कह्यु, “लाजर! बाहर नीकळ। 44 चु मरलु लाजर जीवतु हयन बाहर

नीकळी आयु, तेरे मुंहडे ने हाते पाये पुथल्यान पाटा बांदला हतला, ईसु माणसेक असु कह्यु, हेरा पाटा छुडीन हीनाक जाणी देतु।” 45 जे यहूदी माणसे, मरीयम काजे भेळा हवणे आवला हतला, चे ईसुन बेसका मटा काम देख्या, ने तीनु मायन बेसका माणसे ईसु पर भुरसु कर्या। 46 बाकुन तीनु यहूदी माणसे मायन थुडाक जणा जायन फरीसी माणसे काजे ईसुन ईना मटला कामेन बारामां कय देदा। 47 ने मंदीरेन डाहला पुजारा ने फरीसी माणसे पंचु बठ्या ने कह्या, “आपणु काय करजे? हयु माणुस ते मटा कामेन सहलाणी देखाडने बाजी र्यु। 48 कदी आपणु हीनाक असुत करने देसुन ती हेरे पर आखा यहूदी माणसे भुरसु करने बाजी जासे, ने ईना काजे राजा बणाय देसे, तत्तार रोमी सीपायडा आवीन आपणु मंदीर ने आपणी आखी जाती काजे सार देसे।” 49 तींदरे मायन एक जणु तेरो नाव काइफा हतलो, ने चु तीने साल मंदीरेन डाहला पुजारान मुख्यु हतलु चु पंचुन वात सामळीन तीनु काजे कह्यु, “तुहुं ईतरोक बी मालुम नी हय काय? 50 जाराक वीच्यार ते करु आपणा माणसे वाटे एकुत माणुस मरसे ती आपणी आखी जाती बच जासे, आपणे वाटे च वारलु रवसे।” 51 चु जी वात आपसुत नी कह्यु, बाकुन चु तीने साल मंदीरेन डाहला पुजारान मुखी हवणेन नाते पेहेल सी हवणे वाळी वात कह्यु की ईसु भगवान आखा माणसे वाटे मरसे। 52 हेरो मतलब ज छे की ईसु यहूदी जाती वाटे अतरुत नी बाकुन, रावण्या-तीवण्या हवला भगवानेन आखा पुर्या-पारी तीनुक भेळा करने करीन मरसे। 53 तीनेत दाहडे सी यहूदी पंचु वाळा मुख्या ईसु काजे मारने करीन पाक्कु वीच्यार कर्या। 54 ज जाणीन ईसु तीने दाहडे सी यहूदीया जीलान माणसे मां उजेंतु नी हवणे चाहतेलु, बाकुन यहूदीया जीलान यरुसलेम सहर छुडीन उजाड्या बयडा धडे वाळा येफरेन नावेन सहरेंम जायन चेला पुठ्ये रहणे बाजी गुयु। 55 यहूदी जातीन फसह तीहवार धडेत आय रवलु, ने तीना तीहवारेन पेहलुत आपसा काजे चुखा करने करीन बेसका माणसे गांव खेडाम सी यरुसलेम सहर मां आय रवला। 56 ने चे ईसु काजे हेरता-हेरता यरुसलेम मंदीरेनचां उबा रय गुया, ने ईसु नी जड्यु, ती चे एक दीसराक कहणे बाजी गुया, “तुंदरु काय वीच्यार छे, चु तीहवार मां नी आवे काय?” 57 मंदीरेन डाहला पुजारा ने फरीसी माणसे काजे पेहलुत हुकुम आपीन ज कह्या, की तुंदरे मायन कुय बी ईसुन बारामां मालुम हवे, की ईसु जां छे, ती आवीन कय देजु ने हामु तीनाक धराय देसु।

12 ईसु तीहवारेन छव दाहडा पेहेल यरुसलेम सहर धडे, बेतन्या गांव मां गुयु, चां लाजर रहतेलु, तीनाक ईसु मर्या-सर्याम सी जीवतु करलु। 2 ने तींदरे मायन एक घर मां ईसुन मेजवानी कर्या ने लाजर बी चां खाणे बठी रवलु, ने मारथा चां वारती बणीन खावडातेली। 3 तत्तार मरीयम आडु लीटर बेसको महंगलो ईततर लावीन ईसुन पाये पर रेचवी ने आपसे कान्या सी तेरा पाये नुछी, ने ईततरेन गंदे आखी

घर गंदणु ईसूट्यो च ईतूतर एक खास झाड़कान मुठेम सी नीकाळीन बणावल्लो पीवर ईतूतर हतलो। 4 ज देखीन ईसून एक चेलु, यहूदा ईसूकरीयोती चु ईसूक धराडने वाळु हतलु, चु कहणे बाजी गुयु। 5 “च ईतूतर वेचती ती तीन सोव दाहडान दाहडकीन पयसया जड जाता, ने चे पयसया बेसका गरीबेक आपीन मदत कर देणु हतलो।” 6 तीनाक गरीबेन फीकुर हतली, चु जी वात नी कहयु, बाकुन चु चुट्टु हतलु। चु ते तींद्री पयसयान थयलिन राखवाळी करनयु हतलु, तेबी चु तीनी थयलिम सी ईतूतराक पयसया चुरी कर लेदलु। 7 ईसू तीनाक कहयु, “हीनीक रहणी देवु! काय मां कहुं हयी ते मारे डागेन तीयारी पेहेलुत सी करने बाजी रय। 8 काहाकी गरीब ते तुंद्रे पुठ्ये जलम लग रवसे बाकुन मे तुंद्रे पुठ्ये जलम लग नी रहो।” 9 जतयार यहूदी बेसका माणसे काजे मालुम हय गुयो की ईसू बेतन्या मां आयु, ती चे ईसू छे करीन अतरात नी आया बाकुन बेसकास ते लाजर काजे देखणे आया, तीनाक ईसू मरलाम सी पळु जीवतु करलु। 10 ततयार डाहला पुजारा लाजर काजे बी मारनेन मुजगी कर लेदला। 11 काहाकी ईसू ईना कामे सी बेसका यहूदी माणसे तीनु यहूदी डाहला पुजाराक छुड देदला ने ईसू पर भुरसु करया। 12 दीसरे दाहडे तीहवार वाळने आवला माणसेन मटलु टुळु, असा सामळ्या की ईसू यरुसलेम मां आवणे बाजी रयु। 13 ने चे माणसे खजुरेन डाळ्या लीन तीनाक भेळा हवणे गुया, ने आयडी-आयडीन कहया, होसानना! बेसकु वारु छे, ईसुरायलेन राजु, जे मालीक भगवानेन नाव सी आवे। 14 बाकुन ईसू काजे गदडीन एक पीलो जड्यो, ती चु तेरे पर बठी गुयु, जसों की खरला सासतुर मां लिखलो छे, 15 “सीयोन सहर मां रहण्या माणसेन टुळा” बीहे मां! देख, तारु राजा तुंद्रेनचां आवणे बाजी रयु, चु ते गदडीन पीला पर बठीन आवणे बाजी रयु। 16 ईसून चेलाक पेहेल मेहेल ते जी वात पल्ले नी पडी, बाकुन जतयार ईसू मर्या-सरयाम सी जीवतु हयन पळु सरगेन आपसा सेक-सींगार मां जाती रयु, ती तीनुक पल्ले पडी की ईसून बारामां असोत लिखलो हतलो ने तसा की तसा माणसे तीने दाहडे तेरे साते वेहवार करला। 17 ततयार टुळा मायन चे माणसे गवा देदा, चे तीने टेमे हेरे साते हतला, जतयार हयु लाजर काजे मसाण मां सी बुलायन मर्या-सरयाम सी पळु जीवतु करलु। 18 तेरेमां माणसे हीनाक मेळने करीन आवला, काहाकी चे सामळ्या की हयु असु मटा कामेन सहलाणी देखाड्यु। 19 ने च आखी देखीन फरीसी माणसे आपसा-आपसा कहणे बाजी गुया, “देखु ते खरा, आखी कळीन माणसे ईसू पळळ चाल पड्या, ने आपणु हीनुक बेसका रुकणे करया, तेबी हया नी रुकायता।” 20 चे माणसे तीहवारेन मुखा पर भगवानेन भक्ती करने यरुसलेमेन मंदीर मां आवला, तींद्रे मां ईतराक युनानी माणसे हतला। 21 चे गलील जीलान बेतसेदा गांव मां रहण्या फीलीपुस धडे आवीन तेरे धडे लीलघायन असा कहया, “ए मालीक! हामु ईसू काजे भेळा हवणे हींडी रया।” 22 फीलीपुस जायन अनदीरीयास

काजे खबर कर्यु ने, अंदीरयास फीलीपुस भेळत जायन ईसू काजे खबर कर्यु। 23 ईसू तीनु काजे आपसा मरनेन बारामां दाखला सी कहयु, माणसेन पुर्यु दुख झेलीन सरग वाळा सेक-सींगार मां पळु जाणेन घडी आय लागली छे। 24 मे तुहुंका छाची-छाचीन कहवो जतयार लग गहुंन दाणु धुळा मां पडीन मरे नी, ततयार लग चु एखलुत रहे, बाकुन कदी चु मर जाय, ती बेसका दाणा लावे। 25 जु काहनुक ईनी कळीन जीवाय मां आपसा जीव काजे जादा परम करे, चु आपसा जीवेक खुवसे, बाकुन जु काहनुक ईनी कळीन जीवाय मां आपसान जीव आपणे लग तीयार छे, ती चु आपसा जीव काजे अमर जीवन हेर लेसे। (aiōnios g166) 26 कदी काहनुक माणुस मारी सेवा चाकरी करने हींडे ती तीनाक मारु चेलु बणीन मारा कहयाम चालनु चाहजे, जसु मे मुतेन वाटे हय चालने बाजी रयु, तसात मारा चाकर्या चेलाक बी तीनेत वाटे चालनु पडसे, ने कदी काहनुक ईनी रीते मारी सेवा चाकरी करसे, ती मारु भगवान बास तेरी ईज्जत करसे। 27 ईसु अगु कहतु गुयु, “हय मारु जीव कलपी रयु।” मे ज कहं काय? ए भगवान बास! मेसेक हीना दुखेन घडीम सी वाचाड नी, मे असु नी कहं, काहाकी मे ईना दुखेन घडी काजे एठणे करीन ईनी कळी मां आवलु छे। 28 ए भगवान बास! “तारा नावेन सेक-सींगार उजेंतु देखाड।” तीनीत टेमे सरगेम सी जु बुल सामळायु, मे सेक-सींगार उजेंतु देखाडलु छे, “ने अळी उजेंतु देखाडीस।” 29 आडे-धडे उबा हय रवला माणसे ज सामळीन कहया, “वादळो गुयो।” दीसरा माणसे कहया, “सरग वाळु काहवाळ्यु हीनाक काय कहयु।” 30 ईसु जपाप आप्यु, “ईना बुलेन अवाज मारे वाटे नी आवी, बाकुन तुंद्रे वाटे सरगे सी आवी। 31 हय भगवानेन वीरुद करन्या, ईनी कळीन नीयाव हवण्यो छे। हय, भगवान ईनी कळीन मुखी भुतडा काजे वार मां बाहर नीकाळ देसे। 32 जतयार माणसे मेसेक धरती पर लाकडान कुरुस पर चहडावीन मारसे, ती मे आखी जातीन माणसे काजे मारे भीणी मनवी लीस।” 33 असु कयन ईसु आपसा बारामां ज देखाडने हींडी रवलु, की मारी मोत असी हवणे वाळी छे। 34 ईसून वात सामळीन माणसे ईसुक कहया, खरला सासतुर मां सी हामुक ज सीकणु जडलो छे की, “आवणे वाळु छुडावनयु मसी जलम जीवतेलु रवसे। ती तु असु काहा कय र्यु की माणसेन पुर्या काजे ईनी धरती पर लाकडान कुरुस पर चडावीन मारसे? जु काहना भातीन वाचाडन्यु माणसेन पुर्यु छे, चु मरनेन हेर कर र्यु? जी वात हामुक समज मां नी आवती।” (aiōn g165) 35 तींद्री वात सामळीन ईसू तीनुक आपसा बारामां दाखलु दीन कहयु, “तुंद्रे ईचमां वीजाळो हय छे, च ईतरीक वार भबळसे, जतयार लग ज वीजाळो तुंद्रे ईचमां रवसे, ईना वीजाळा सी अगा चालता रहु। काहाकी आंदारलो तुहुं काजे टुपी नी लेय। काहाकी जु कुय आंदारला मां चाले ती ज नी जाणे की कां जाणे बाजी रयु। 36 जतयार लग च वीजाळो तुंद्रे ईचमां छे, चां लग ईना वीजाळा

पर भुरसु करु असा करसु ती तुहुं वीजाळान अवल्यात बण जासु।” ईसु ज कयन जाती र्यु, ने तींदरे देखतात जातु-जातु अंछाप हय ग्यु। 37 ईसु ते माणसे अगळ चकराडे तसा बेसका मटा कामेन सहलाणी देखाइयु, तेबी चे तेर पर भुरसु नी कर्या। 38 काहाकी भगवानेन अघली वात बताइन्यु माणुस यसायु जी वात पेहलुत कहलु ची वात पुरी हवे: “ए मालीक! कुण हामरी खबर पर भुरसु करलु छे? कुणी पर मालीकेन जुर देखाव पडलु छे।” 39 असा करीन चे भुरसु नी कर्या, काहाकी यसायु अळी बी ज कहलु, 40 “भगवान तींदरा डुळा काजे आंदळा कर देदु, ने तींदरी मन काजे काठो कर देदलु छे, की कांखुर मायन असो नी हय जाय की चे देख लेय ने समजी लेय, ने मारे भीणी पछा आय लागे, ने मे हीनुक वारु कर दम।” 41 यसायु ते एक जागता सपना मां सेक-सींगार देख्लु, चु ते ईसुन बारामां पेहेल सी लिखी रवलु। 42 तेबी यहूदी मुख्या मायन थुडाक तेरे पर भुरसु कर्या ने दीसरा बेसका यहूदी माणसे बी ईसु पर भुरसु कर्या बाकुन फरीसी माणसेन धाके चे मुख्या उजेंता ईसु काजे नी मानतेला। तींदरो ज बी बीहाणो हतलो की फरीसी माणसेन मुख्या हामुक आपणा भक्तीन घर मां सी नीकाळ देसे। 43 काहाकी माणसे सी जादा ईज्जत मांगणे हेर करतला, बाकुन भगवान सी ईज्जत मांगणे वारु नी लाग्यो। 44 ईसु जुर सी आयडीन कहयु, “जु मारे पर भुरसु करे, चु छाचलीन तेरे पर बी भुरसु कर र्यु, जु मेसेक मकेल्लु छे। 45 ने जु मेसेक देखे, चु तीनाक देखे जु मेसेक मकेल्लु छे। 46 मे वीजाळो बणीन कळी मां आवलु छे, तेरेमां चे आखा माणसे मारे पर भुरसु करे, चु आंदारला मां नी रहे। 47 कदी काहनूक मारी वात सामळीन बी जी वात तीनीक मानीन नी जीवे, ती हय मे तेरु नीयाव करीन तीना गुनावाळु नी ठहरावो, काहाकी मे ईनी कळीन मनख्यान नीयाव करीन गुनावाळु ठहरावणे नी आयु, बाकुन तीनुक छुटकारु आपणे करीन आवलु छे। 48 जु मेसेक नानु समजीन मारी सीकाइली वात काजे नी माने, तीनाक गुनावाळु ठहरावणे वाळु ते एक छे, ज मे सीकाइलु छे की चे बुले तीनाक आवणे वाळा दाहडाम मतलब नीयावेन दाहडे गुनावाळु ठहराय देसे। 49 मे मारी मरजी सी काय बी नी कहयु, बाकुन माणसेक काय-काय कहणु चाहजे ने काय सीकाइनु चाहजे भगवान बास, जु मेसेक मकेल्लु छे, चु की चु मेसेक हुकुम आपीन देखाइलु छे। 50 मे जाणो की जे बुले कहणे करीन भगवान बास मेसेक हुकुम आप्लु छे, तींदरेम अमर जीवेने ताकत छे, ने जसु भगवान बास मेसेक कहलु छे, तसु ने तसु मे सीकाइो।” (aiōnios g166)

13 फसह तीहवारेन दाहडु आय लाग्यु, ने खाणो तीयाय हय रहलो। ईसु काजे मालुम हतलो, की जी कळ छुडीन भगवान बासेनचां जाणेन मारी घडी आय गुयली छे। ईसु आपसा चेला काजे, जे ईनी कळी मां हतला, तीनुक पेहेल सीत परम करतु आय रवलु ने आकरी टेम लग तीनु काजे तसुत परम

करतु र्यु। 2 सांतो हय रहलो तत्थार ईसु ने तेरा चेला तीहवारेन खाणो खाणे करीन बठी गुया, तीने टेमे लग भुतडु सीमोन ईसुकरियोतीन पुर्या यहूदीयान मन मां ईसु काजे थुकु दीन धरावणेन वीच्यार नाख देदलु। 3 ईसु जाणतेलु की मे भगवान बासेनचां सी आवलु छे ने भगवान बास मारा हाते मां आखो काय आप देदलु छे ने मे तेरेनचां पछु जाणे वाळु छे। 4 ने चु खाणो खाणे रहणीदीन उबु हय ग्यु ने आपसो उपरनो झगल्यो नीकाळ लेदु ने कमर मां टुवाल बांद लेदु। 5 ती चु टगार्याम पाणी हेड लेदु, ने आपसा एक-एक चेलान पाय धुवतु ग्यु, ने कमर मां बांदी रवलु, तीना टुवाल सी तींदरा पाय नुछतु ग्यु। 6 जत्थार ईसु सीमोन पतरसेनचां पाय धुवणे करीन आयु, ती पतरस ईसु काजे कह्यु, “ए मालीक! तु मारा पाय धुवणे हय र्यु काय?” 7 ईसु पतरस काजे जपाप आप्यु, “मे ज करने बाजी र्यु, च तु हींताळ नी समजतु बाकुन तु अळतेन समजी जासी।” 8 पतरस ईसुक कह्यु, “मे तुसेक मारा पाय कदी नी धुवणी दम।” ईसु पतरस काजे कह्यु, “कदी मे तुसेक नी धुवों, ती मार साते रवणे मां हक नी जडे।” (aiōn g165) 9 ज सामळीन सीमोन पतरस ईसुक कह्यु, “ए मालीक! असो हय ती तु मारा पाय अतरा नी बाकुन मारा हात ने मुणको लग धुय दे।” 10 ती ईसु पतरस काजे अळी कह्यु, “जु उंघळी लेदलु छे, तीनाक आपसा पाय अतरा धुवणु छे, तेरो आखो डील ते चुखलो छे। तुहुं ते चुखला छे, बाकुन आखा ने आखा चुखला नी हय।” 11 ईसु काजे मालम हतलो की मेसेक कुण धरावसे, चु कह्यु, “तुहुं आखा ने आखा चुखला नी हय।” 12 जत्थार ईसु तींदरा पाय धुय देदु, ती आपसो झगल्यो पछु पेहरीन अळी पछु बठ ग्यु, ने तीनुक कह्यु, “मे तुंदरे साते ज वेहवार कर्यु, तीना वेहवारेन मतलब तुहुं समजी गुया काय? 13 तुहुं मेसेक मासुतर ने मालीकेन नाते बुलाडी र्या ने तुहुं सय कय र्या, काहाकी मे छाचलीन चु ने चु छे। 14 कदी मे तुंदरु मालीक ने मासुतर हयन बी तुंदरा पाय धुयु ती तुहुं बी एक दीसरान पाय धुवणु चाहजे। 15 मे ते तुंदरा पाय धुवीन तुंदरे वाटे दाखलु देखाइलु छे, ने जसु मे ने तुंदरे साते वेहवार करलु छे, तसु तुंदरे वेहवार तुहुं बी दीसरा साते वेहवार करु। 16 मे तुहुं काजे छाची छाचीन ज कहं, काय हक मां रहणे वाळु पावर्यु आपसान मालीक सी मटु नी हय ने मकलन्या सी मटु नी हय। 17 कदी तुहुं जी वात समजीन एरे अनसारे जीवु ती तुहुं बरकतवाळा रवसु।” 18 “मे तुहुं आखा काजे बरकतवाळा नी कहतु काहाकी मे तीनु आखाक जाणो जीनुक मे नेवाइलु छे बाकुन तींदरे मायन एक जम छे, तेरे बारामां असो लिखलो छे जु मारु रुटु खाडु, चु मेसेक लातावणे बाजी गुयु, ची वात पुरी हवसे करीन मे तीनाक बी नेवाइलु छे। 19 हय मे तुहुं पहेलुत ज कयदम, तेरेसी मारो कहलो पुरो हय जाय, ती तुहुं भुरसु करसु, की मे चु ने चु छे। 20 मे तुहुं छाची छाचीन ज कहं, जु काहनू मारे सी मकेल्ला माणसे काजे मानीन तेरो आव-भाव करे, चु मेसेक मानीन मारुत आव-भाव करे, चु

मेसेक मकेलन्याक मानीन तेरुत आव-भाव करे।” 21 जी वात कयदीन ईसु जीवेम बेसकु कलपी गुयु, ने जी गवाय देतु काय वात नी सातयु ने कहयु, “मे तुहुंछ छाची-छाची कहं तुंद्रे मायन एक जणु मेसेक धराय देसे।” 22 चेलाक ज नी समज पड्यो की ईसु कुणीन बारामां कहणे बाजी र्यु, ने चेला चकरायन एक दीसरा भीणी भाळने बाजी गुया। 23 तीनु बारे चेला मायन एक जणु, “ईसुन लाटेकलु चेलु।” कहंवायतेलु। चु ईसुन छाती भीणी एक कड्यु वळीन बठी रवलु। 24 सीमोन पतरस तीनाक ईसारु करीन जां कहयु, “ईसुक पुछ, चु चेलु कुण छे।” 25 ततयार चु असु की असु ईसुन छाती भीणी अळीन बठी रवलुत ईसुक कळने पुछ्यु, “ए मालीक! जु कुण छे?” 26 ईसु तीनाक कळने जपाप आप्यु, “मे तीनाक रुटान कवळ उलन मां चुपडीन आपीस, चु की चु मेसेक धरावण्यु छे।” ने चु रुटान कवळ चुपडीन सीमोन ईसुकरीयोतीन पुर्या यहुदा काजे आप्यु। 27 ने रुटान कवळ धरीन मुंहडाम नाखतुत यहुदान डीलेम भुतडु भरायन तीनाक कब्जाम कर लेतु। ततयार ईसु तीना यहुदाक कह्यु, “ज काम तु करने हींड र्यु च छाटुस कर।” 28 बाकुन चां खाणो खाणे बठी रवला चेला मायन कुयक बी जी वात समज नी पडी की ईसु तीनाक जी वात काहा कह्यु। 29 यहुदा थडे थयलि हतली, ने काहनाक-काहनाक ज समज्या की ईसु तीनाक ज कह्यु हसे की, आपणु तीहवार वाटे ज काय चाहजे च मुल ली लेजे, नी ते गरीबेक आप दे। 30 अळतेन रुटान कवळ खायलीन यहुदा ततयारुत खयडे जाती र्यु। तीने टेमे रात हय वागली। 31 यहुदाक खयडे जाणी दीन ईसु कह्यु, “हय माणसेन पुर्या काजे भगवान पेहलुत सी ईज्जत जडली छे, ने माणसे अगळ भगवान काजे बी माणसेन पुर्यान कामे सी ईज्जत जडने वाळी छे। 32 ने माणसे अगळ माणसेन पुर्यान कामे सी भगवान काजे ईज्जत जडसे ती भगवान बी माणसेन पुर्या काजे सरग वाळु सेक-सींगार पछु आपीन ईज्जत करसे ने छाटुस ईज्जत करसे। 33 ए मारा लाटेक्ला पुर्या-पारी! मे अळी ईतरीक वार लग तुंद्रे पुठ्ये छे, अळतेन तुहुं मेसेक हेरसु ने जसु मे यहुदी मुख्याक कहलु, तसु हय मे बी तुहुंछ कहो, जां मे जाणे हींड र्यु चां तुहुंछ नी आवाये। 34 मे तुहुंछ एक नवलु हुकुम आपो, तुहुं एक दीसरा पर परम राखु जसु मे तुंद्रे पर परम राख्यु तसा तुहुं बी एक दीसरा पर परम राखु। 35 कदी तुहुं एक दीसरा पर परम राखसु ती च देखीन आखा माणसे जाण लेसे की तुहुं मारा चेला छे।” 36 सीमोन पतरस ईसु सी पुछ्यु, “ए मालीक।” “तु कां जाणे हींड र्यु?” ईसु पतरस काजे कह्यु, “मे जां जाणे हींड र्यु चां तुसेक हींताळ नी आवाये बाकुन अळतेन तु चां आवसी।” 37 पतरस तीनाक कह्यु, ए मालीक! मेसेक हींताळ तु जाय चां काहा नी आवाये? “मे तार वाटे मारु जीव बी आप दीस।” 38 ईसु पतरस काजे जपाप आप्यु, “तु मारे वाटे आपसु जीव आप देसी काय? मे तुसेक

छाची छाचीन ज कहं कुकडा वासणेन पेहलुत तु तीन कावा दीसरा अगळ असुत कहसी की मे ईसुक जाणो लग नी।”

14 “तुंदरु जीव घाबरायणु नी चाहजे। भगवान पर भुरसु करु, ने मारे पर बी भुरसु करु।” 2 मारा भगवान बासेन घर मां रहणे करीन बेसकु जागु छे, कदी नी रहतु ती तुहुंछ पेहलुत कय देतु। मे तुंद्रे वाटे घरेन तजबु करने करीन जाणे हींड र्यु। 3 ने मे जायन तुंद्रे वाटे आखो तीयार कर दीस ती तुहुंछ लेणे करीन अळी पछु आवीस। ने तुहुंछ मारेन्चां असु करीन ली जायस की जां मे रहो चां तुहुं बी रहु। 4 मे जां जाणे हींड र्यु, चां जाणेन वाट तुहुंछ मालुम छे। 5 थोमा ईसुक कह्यु, “ए मालीक! हामुक ज बी मालुम नी हय की तु कां जाणे हींड र्यु ती हामुक चां जाणेन वाट कसा काय जाणसुन?” 6 ईसु थोमा काजे कह्यु, “वाट, छाचली ने जीवात मेत छे। मारेन्चां नी आवे ती तीनाक भगवान बासेन्चां नी जावाये।” 7 कदी तुहुं मेसेक उळखी लेता, ती मारा बासेक बी उळखी लेता, “बाकुन ज छाचलीन छे, की तीनाक तुहुं देखला छे, ने हाय सी मारा भगवान बासेक उळखी बी लेसु।” 8 फीलीपपुस ईसुक कह्यु, “ए मालीक! हामु काजे तारु बास देखाड दे, हामरे वाटे अतरोत घणो।” 9 ईसु फीलीपपुस काजे कह्यु, “ए फीलीपपुस! मे अतरा दाहडा लग तुंद्रे पुठ्ये र्यु, ने तेबी तुहुं मेसेक नी उळखु? जु मेसेक देखलु छे। चु भगवान बास काजे बी देखलु छे। तु असु काहा कह्यु की हामु काजे बास देखाड दे। 10 तुसेक भुरसु नी आवतु काय की भगवान बास मारे मां छे, ने मे भगवानेन बास मां छे, मे जे बुले तुहुंछ कहवो चे बुले मारा नी हय बाकुन बास मारेम रवीन बुले ने मारे सी तेरा मटा काम करे। 11 मारी ईनी वात पर भुरसु करु की मे भगवान बास मां छे, ने भगवान बास मारेम छे, कदी मारी ईनी वात पर तुहुंछ भुरसु नी आवतु ती कम सी कम ईना मटा कामे मारे सी हवे। तीनु कामेक देखीन ईनी वात पर भुरसु करु।” 12 मे तुहुं काजे छाचलीन ज कहं, जु मारे पर भुरसु करे, ने च बी मे करो चे काम करसे। मेते भगवान बासेन्चां जाणे बाजी र्यु। ने मार पर भुरसु करन्या ईनु कामे सी बी मटा काम करसे। 13 ने तुहुं ज काय मारे नावे भगवान बास सी दुवा करीन मांगसु, च काम मे करीस तेरेसी पुर्यान सी मतलब मारे सी भगवान बासेन ईज्जत जडे। 14 तुहुं ज बी मारे थडे मार नाव सी दुवा करीन मांगसु च मे काम करीस। 15 कदी तुहुं मारे सी परम करसु ती मारा हुकुम काजे बी पाळसु। 16 ने मे बास सी दुवा करीस ने चु तुंद्रेन्चां मारी आवजी पर एक दीसरु सात देण्यु मकलसे चु जलम तुंद्रे पुठ्ये रवसे। (aiōn g.165) 17 मतलब छाचली जीव-आत्मा काजे मकलसे। तुहुं ते तीनाक जाणु, काहाकी चु तुंद्रे साते रहे बाकुन आवणे वाळा दाहडाम चु तुंद्रेत मां रवसे। बाकुन भगवानेन काम रुकण्या कळीन माणसे छाचली जीव-आत्मा काजे आपसा जीव वाटे जागु नी आपे काहाकी चे तीनाक देख्या बी नी ने उळखे बी नी। 18 “मे मरीस बाकुन तुहुं काजे एखला नाखीन नी जाम मे

तुंदरेन्चां अळी आवीस। 19 ईतरीक वार अळतेन ईनी कळीन माणसे जे मारे पर भुरसु नी करे चे मेसेक अळी नी देखे बाकुन तुहुं मेसेक अळी देखसु मे अळी जीवतु हय जायस ने जीवतेलु रवीस ने तुहुं बी जीवतेला रवसु। 20 मे पळु जीवतु हय जायस तीने दाहडे तुहुं समजी जासु की मे मारा बासेम छे, ने तुहुं मारेम छे, ने मे तुंदरेम छे। 21 “तींदरे भीणी मारी हुकुम छे, चु मारी हुकुम जाणे ने तीनुक पाळे, ने चु मारसी परम राखे, तीनाक मारु बास बी परम राखसे ने तीनाक मे बी परम करीस ने मे आपसा काजे तेरे अगळ उजेंतु करीस।” 22 तत्तयार ईसकरीयोती यहुदा नी बाकुन एक दीसर यहुदा, ईसु काजे पुछ्यु “ए मालीक तु हामरे अगळ आपसाक उजेंतु करीस ने ईनी कळीन मनख्या पर उजेंतु नी करे?” 23 ईसु तीना यहुदा काजे कह्यु, “कदी काहनक मारे सी परम राखसे ती चु मारी सीकाइली वात काजे मानीन जीवसे ने मारु भगवान बास तेरे सी परम राखसे ने हामु तेरेन्चां आवसुन ने तीनाम रवसुन। 24 जी सीकाइली वात तुहुंक आप्यी र्यु ची आखी वात सीकाइली वात मारे वात मारे वावडते नी हय बाकुन मेसेक मकलन्या भगवान बास सी छे। चु मारे सी परम राखे चु मारी सीकाइली वात काजे मानीन नी जीवे ने मे आपसा काजे तेरे अगळ उजेंतु नी करो।” 25 “मे जी आखी वात तुंदरे पुठ्ये रयन तुहुंक कहलु छे। 26 बाकुन चु सात देण्यु चुखली-आत्मा तीनाक भगवान बास मार नाव सी मकेलसे चु तुहुंक आखी वात सीकाइसे ने ज काय बी मे तुहुंक कहलु छे, च आखो हेर कराइसे।” 27 मे तुहुंक जीवेन सांती आपीन जाम मारी सांती तुहुंक आपी जाम, जसा ईनी कळीन माणसे सांती आपे, तसली सांती तुहुंक नी आप्तु; ने तुहुं तुंदरा जीवेन घुण घाबरायजु ने घुण बीहजु। 28 मे जाणे बाजी र्यु, मे भगवान बासेन्चां जाणे बाजी र्यु, चु भगवान बास मारे सी मटु छे, कदी तुहुं मार सी परम राखु ती जी सामळीन खुस हवजु। 29 मे ज आखो हवणेन पेहलुत तुहुंक कय देदलु छे। मे असु करीन कय देदु की, ज मे कहलु च हय जाय, तत्तयार तुहुं मारी वात पर भुरसु करु। 30 हय ईनी कळीन मुख्यु भुतडु मेसेक मारने करीन आवणे बाजी र्यु, ने तुंदरे साते जादा वार लग वात नी करो ने चु मेसेक कब्जाम नी कर सके। 31 तेबी मे तेरा कब्जाम हय्न मर जाम काहाकी मारा भगवान बासेन जीत मरजी छे; असु करीन की ईनी कळीन माणसे ज जाण लेय की मे बास सी परम राखो ने बास मेसेक ज काय हुकुम आप्लु, मे तसु की तसु करो। उठ! हय आपणु जां सी जाजे।

15 ईसु कह्यु, “अंगुरेन खरलु वेलु मेत छे। ने ईना अंगुरेन वेलान राखवाळ्यु किरसाण मारु भगवान बास छे।” 2 मारा डाळ्या मायन जे डाळ्या नी फळे, तीनुक मारु भगवान बास काट नाखे। ने जे डाळ्या फळे, चे डाळ्या अळी बी अदु फळनु चाहजे करीन तीनुक छाटे। 3 तुहुं काजे जी वात सीकाइलु छे, तीनी वात सी तुहुं चुखा हय गुयला। 4 अळी अळीन फळ लावणे करीन मे तुहुंक चुखा करलु छे, जीनु डाळ्या काजे

अंगुरेन वेला मां सी काट नाख्या, चे डाळ्या मारेम जुडायला नी हय, ने चे आपसात नी फळे। तीने रीते मारेम जुडायला नी रहे ती फळ बी नी लावे, ने तुहुं मारेम जुडायला रहु ने मे तुंदरेम जुडायलु रवीस। 5 “चु अंगुरेन वेलु छे, ने तुहुं मारा डाळ्या छे, मार सी छेटे रयन तुहुं काय बी नी कराये। ने जु मारेम जुडायलु रहे ने मे तेरेमां जुडायलु रवसे, चु बेसकु फळसे।” 6 जे मारेम जुडायला नी रहे चे तीनु डाळ्यान तसा छे, तीनुक किरसाण काटीन नाख देय ने चे सुक जाय ने किरसाण ईछीन आकठा मां नाख देय ने चे धप जाय। 7 कदी तुहुं मारेम जुडायला रवसु ने मारी सीकाइली वात काजे मान्ता रवसु, ती च बी चाहजे च दुवा करीन मांगजु ने मे तुहुंक आपी दीस। 8 असा करीन तुहुं बेसका फळ लावसु, ती मारा भगवान बासेन बडाय हवसे ने तत्तयार तुहुं मारा पक्का चेला बण जासु। 9 जसु भगवान बास मारे सी परम राखलु छे तसुत मे बी तुंदरे सी परम राखलु छे। तुहुं मारा ईना परम मां बणीन रवजु। 10 मे मारा भगवान बासेन हुकुम पाळतु जायन तेरा परम मां बणीन रवु, तसात तुहुं बी मारा हुकुम पाळसु ती मालम पडसे की तुहुं मारा परम मां बनला छे। 11 मे तुहुं काजे ज असु करीन कह्यु की, तुहुं काजे मारु हुकुम पाळनेन खुसी जडती रवे ने ची खुसी पुरी की पुरी जड जाय। 12 मारु हुकुम जु छे की जसु मे तुंदरे सी परम करलु, तसा तुहुं बी एक दीसरा सी परम करता रवजु। 13 आपसा दुस्तीदार सी परम करीन तींदरे वाटे मरनु आखा सी मटु परम छे। असलु परम सी मटु काहनु बी परम नी हय। 14 कदी तुहुं मारा हुकुम पाळसु ती तुहुं मारा खरला दुस्तीदार कहंवायसु। 15 पावर्या काजे मालम नी पडे की तेरा मालीकेन मरजी काय छे, ने चु काय करने वाळु छे। बाकुन मे मारा बास सी सामळ्ळु च आखो तुहुंक कय देदलु छे, ने हय सी मे तुहुंक पावर्या नी कं बाकुन दुस्तीदार कहीन। 16 “तुहुं मेसेक नी नेवाइया, बाकुन मे तुहुंक नेवाइीन तुहुंक मारे कामे लागाइलु छे, की तुहुं मारो नाव लीन भगवान बास सी ज काय दुवा करीन मांगसु च भगवान तुहुंक आप देसे 17 मे तुहुं काजे जे हुकुम असु करीन आप र्यु की, तुहुं एक दीसरा पर परम राखता रहु।” 18 “कदी ईनी कळीन माणसे तुंदरे पर भुंडा सुचे, ती तुहुं ज हेर राखजु की तुंदरे सी पेहेल चे मारे पर भुंडा सुचे।” 19 कदी तु ईनी कळीन माणसे रहता तत्तयार चे तुहुंक आपणा समजीन परम राखता बाकुन मे तुहुं काजे ईनी कळीन माणसेम सी नेवाइ लेदलु छे, करीन चे तुंदरे बारामां भुंडा सुचसे। 20 मे तुहुंक जी वात कह्यु तीनीक हेर राखजु की, पावर्यु आपसा मालीक सी मटु नी हय। मे तुंदरु मालीक छे, तेबी माणसे मेसेक वेला पाड्या असला माणसे तुहुंक बी वेला पाडसे ईनी कळीम वाळा माणसे मारी सीकाइली वात काजे नी मान्या ती तुंदरी सीकाइली वात बी नी माने। 21 असला माणसे, मेसेक मकेलन्या भगवान काजे नी उळख्या, ने मारी वीरुद कर्या, तुहुं ते मारो नाव ली र्या ने चे तुहुं काजे भुंडात करीन तुहुंक वेला पाडसे। 22 कदी मे नी आवतु ने हीनुक

पापेन बारामां भगवानेन छाचली वात नी सीकाइतु, ती हीनुक पाप नी लागतु बाकुन हय ते हींद्रे धड़े आपसा पापेन बारामां ढंगडा करनेन मुखु नी हय। 23 जु मेसेक भुंडु समजे, चु मारा भगवान बास काजे भुंडु समजे। 24 कदी मे तींद्रे अगळ चे मटा कामे नी करतु, चे कामे कुय बी दीसर कदी नी कर्यु, ती तीनुक पाप नी लागतु बाकुन हय ते चे असा काम देखीन बी मेसेक नी मान्या ने सांबा मार भीणी ने मारा भगवान बास काजे भुंडा करला छे। 25 ज असो काहा हयो काहाकी खरला सासतुर मां लिखलो हतलो च पुरो हवे चां असो लिखलो छे, की चे माणसे फालतु मां मारा वेरी बण गुयला छे। 26 मे तुंद्रेनचां सात देण्या काजे मतलब छाचली जीव-आत्मा काजे भगवान बासेन चां सी मकलीस, जतयार चु छाचली जीव-आत्मा भगवान बासेम सी आवसे ती चु मारे बारामां गवा देसे। 27 ने तेरे पुठ्ये तुहुं बी मारी गवाय देसु काहाकी तुहुं सुरु सीत मारे पुठ्ये रवला छे।

16 “मे तुहुं काजे जी आखी वात असु करीन कहलु, छे की जतयार माणसे तुहुं क वेला पाइसे, ततयार तुहुं मार पर भुरसु छुडीन भटकाइयु घुण। 2 माणसे तुहुं काजे तुंद्रा भक्तीन घर मां सी नीकाळीन बाहर कर देसे, ने छाचलीन जी टेम आवणे बाजी रय की, माणसे ज समजीन तुहुं मारसे की हामु ईनुक मारीन भगवानेन सेवा चाकरी कर र्या। 3 छाचलीन चे भगवान बासेक बी नी उळखे, ने मेसेक बी नी उळखे, ने चे तुंद्रे साते असा वेहवार करसे। 4 मे तुहुं क जी आखी वात असु करीन कहलु छे, की जतयार चे तुहुं क वेला पाइसे, ती तुहुं काजे आखी वात हेर आवणु चाहजे की, मे तुहुं क जी वात पेहलुत कयदीन काठु करलु छे।” अतरा दाहड़ा मे तुंद्रे पुठ्ये हतलु करीन मे जी आखी वात सुरु मां नी कहयु। 5 बाकुन हाय मे तेरेनचां जाणे हींडी र्यु, जु मेसेक मकेल्लु छे, ने तुंद्रे मायन काहनुक मेसेक बी छाचे मने ज नी पुछतु की तु कां जाणे हींड र्यु? 6 मे तुहुं क जी आखी वात कय देदु, करीन तुंद्रो मन सुच मां पड़ गुयो, ने तुहुं मेसेक नी पुछता। 7 बाकुन मे तुहुं क छाचलीन कहवो की, मे जाती र्यस ती तुंद्रे वाटे वारु रवसे काहाकी मे नी जाम ती तुहुं क सात देण्यु तुंद्रेनचां नी आवे बाकुन मे जायस ती तीना सात देण्या काजे तुंद्रेनचां मकली दीस। 8 जतयार चु सात देण्यु चुखली-आत्मा आवसे ती ची ईनी कळीन माणसेक तींद्रा पापेन बारामां ने तींद्रा धरमेन बारामां ने तींद्रा नीयावेन बारामां पुरावु भेळु गुनु देखाडीन समजाइसे। 9 कळीन माणसे मारे पर भुरसु नी करता, करीन चुखली-आत्मा तींद्रा पापेन बारामां तीनुक पुरावा भेळु गुनु समजाइसे। 10 मेते भगवान बासेनचां जाणे हींड र्यु, ने जतयार मे जाती र्यस ती तुहुं मेसेक नी देखु मारी आवजी पर चुखली-आत्मा तुंद्रे पुठ्ये र्यन कळीन माणसेक तींद्रा झुटा धरमेन बारामां पुरावा भेळु गुनु देखाडीन समजाइसे। 11 ईनी कळीन मुख्यु भुतडान नीयाव हय गुयला छे ने तेरा पापेन डंड तीनाक छाटसु भुकेतणु पड़से ने चुखली-आत्मा कळीन माणसेक बी तींद्रा झुटा नीयावेन

बारामां पुरावु भेळु गुनु देखाडीन समजाइसे। 12 तुहुं क कहणे करीन अळी बेसकी वात मारा मन मां आय रय बाकुन हींताळ कयस ती तुहुं क वेठाये नी। 13 जतयार चु छाचलीन जीव-आत्मा आवसे, ती चु तुहुं क भगवानेन आखी छाचली वाटे ली जाणे अगवाय करसे काहाकी चु आपसे आवडते काय बी नी कहवे, बाकुन चु ज काय मारे सी सामळसे चत कवसे ने आवणे वाळी वातेन बारामां बी तुहुं क देखाइसे। 14 चु मारी सेक-सींगार करसे, काहाकी ज काय मारो छे च बताइसे, ने आखी चीज जी बासेन छे ची मारी छे। 15 तेरेमां मे कह्यु की ज काय भगवान बासेन छे, च आखो मारो छे चु तीनाक लेसे ने तुहुं क बताइसे। 16 “ईसु आपसा चेलाक पेहलुत सी कहतु गुनु, ईतरीक वार मां तुहुं मेसेक नी देखु ने अळी ईतरीक वार मां मेसेक देखसु।” 17 ने ईसुन चेला मायन ईतराक चेला आपसा आपसात कह्या, “हयु आपणुक काय कय र्यु, च आपणुक समज मां नी आवतो हयु कह्यु की ईतरीक वार मां तुहुं मेसेक नी देखु ने अळतेन अळी ईतरीक वार मां तुहुं मेसेक देखसु चु ईतरीक वार पेहेले असु बी कहलु, काहाकी मे भगवान बासेन चां जाणे हींडी र्यु।” ईनी दुय वातेन मतलब काय छे। 18 चे कह्या हयु ईतरीक वार मां कहें च काय कहंवाये हामुक समज मां नी आवतो की हयु हामुक काय कय र्यु। 19 ईसु ज जाण लेदु की हया मेसेक मारी ईनीक वातेक लीन सवाल पुछणे हींडे की ईतरीक वार मां तुहुं मेसेक नी देखु, ने अळी ईतरीक वार मां तुहुं मेसेक देखसु करीन ईसु तीनुक कह्यु, “तुहुं आपसा-आपसा मारी ईनी वातेन बारामां वीच्यार काहा कर र्या? 20 मे तुहुं क छाची छाचीन ज कहं, ईतरीक वार मां तुहुं रड़सु ने कलेपसु बाकुन ईनी कळीन माणसे खुस हवसे, ने हय तुहुं दुखी हवसु ते खरा बाकुन अळतेन तुहुं दुखी हवणु रहणीदीन खुस हय जासु।” 21 “भारीस बायर फवरी हवणे वेळाय बेसकी वेला करीन कलपे, बाकुन जतयार ची फवरी हय जाय ती, बेसकी खुस हवे। हय ईनी कळी मां एक पुर्यु पयदा हवलु, करीन ची एक वेलान वात काजे ईसरी जाय।” 22 असात हय ते तुहुं बी दुखी छे, बाकुन मे अळी तुहुं क भेळु हयस ततयार तुंद्रा मन मां खुसी आय जासे, ने तुंद्री खुसी तुंद्रे सी कुय सी नी हापकाये। 23 तीने दाहड़े तुहुं मारे सी काय बी नी पुछु मे तुहुं काजे छाची-छाची कहवो, कदी तुहुं भगवान बास सी मारे नावे दुवा करीन काय बी मांगसु, ती चु तुहुं काजे आपसे। 24 आज लग तुहुं मारे नावे दुवा करीन काय बी नी मांग्या। मांगसु, ती भगवान तुहुं क आपसे, असु करीन की तुंद्री खुसी पुरी हय जाय। 25 “मे तुहुं काजे जी आखी वात दाखलु दीन कहलु छे। असी टेम आवणे बाजी रय की मे तुहुं काजे अळी दाखलु दीन वात नी बताइ, बाकुन भगवान बासेन बारामां वात खुलीन बताइस। 26 तीने दाहड़े तुहुं मारे नाव सी मांगसु ने मे तुंद्रे सी ज नी कवतु की मे तुंद्रे वाटे भगवान बास सी दुवा कर्यु। 27 बाकुन भगवान बास आपसुत तुंद्रे सी परम करे, काहाकी तुहुं मारे सी परम राखु ज भुरसु कर लेदला छे की

मे भगवान बासेम सी आयु। 28 मे भगवान बास सी नीकळीन कळी मां आय गुयु, ने अळी पळु कळी काजे छुडीन भगवान बास भीणी जाणे बाजी र्यु।” 29 ईसुन चेला ईसु काजे कह्या, “देख, तु हय दाखलु दीन नी कवतु बाकुन चुखो झण कहणे बाजी र्यु। 30 हय हामु समजी गुयला छे की, तु आखो काय जाणे। हामु तुसेक ज पुछणे हींड र्या तीनी वातेक बी तु पेहल सीत जाणी लेय ने तु जी हेर नी करतु की कुय तुसेक पुछणु चाहजे, तारेम काय बी कसर नी हय ने हामु भुरसु करजे की तु भगवान बास सी आवलु छे।” 31 ईसु तीनु काजे कह्यु, “काय तुहुं हय भुरसु करु? 32 बाकुन देखु! असी टेम आवणे बाजी रय ने आय गुयली छे, जतयार तुहुं आखा की आखा रावण्या-तीवण्या हय जासु ने मेसेक एखलुत छुडीन जाती रवसु। तेबी मे एखलु नी हय काहाकी भगवान बास मार पुठ्ये छे।” 33 “हय, ईनी कळी मां तुहुंके वेला करनु पडसे तेबी काठु जीव करजु, मे ईनी कळीक जीत लेदलु छे। मे तुहुं काजे जी आखी वात असु करीन कहलु छे की, आवणे वाळा दाहडाम दुख झेलता जायन बी तुहुं मारेम छे ची सांती हात कर लेय।”

17 जी वात कयदीन ईसु सरग भीणी भाळीन कह्यु, “ए मारा भगवान बास! तारा पुर्यान मरनेन घड़ी आय गुयली छे। ने तारा पुर्यान सेक-सींगार उजेंतु कर तेरे सी तारु पुर्यु बी तारु सेक-सींगार उजेंतु कर देय। 2 तु ते तारा पुर्या काजे आखा माणसे पर हक आपलु छे, की तीना हक सी चु आखा माणसेन ईचमां तारु सेक-सींगार उजेंतु करे ने तींद्रेम सी जतयार बी माणसे तु तेरा हाते सुपलु छे, तीनु आखा काजे चु अमर जीवाय आप देय। (aiōnios g166) 3 एकुत छाचलु भगवान तुत छे, ने मे ईसु तारे सी मकेल्लु छुड़ावन्यु मसी छे, तुसेक ने मेसेक जाणीन मानने सीत माणसेक अमर जीवाय जडसे। (aiōnios g166) 4 ज काम तु मेसेक करने करीन आपलु हतलु, च काम करीन धरती पर तारो सेक-सींगार काजे उजेंतु करलु छे। 5 ए भगवान! कळी नी घडाय ने पेहलुन, मे तारे पुठ्ये हतलु, ने मे नी तारेन तसु सेक-सींगार मां हतलु हय मेसेक तीना सेक-सींगार मां पळु भेसकी ले।” 6 तीनु माणसे काजे तु ईनी कळीम सी नेवाडीन मेसेक सुपलु चे तींद्रे अगळ मे तारो नाव उजेंतु कर देदलु छे, छाचलीन चे माणसे तारात हतला, ने तु तीनु काजे मार हातेम सुप देदु, ने चे तारा बुल काजे मानीन पाळ र्या। 7 हय चे जाण गुया की ज काय तु मेसेक देदलु छे, च आखो तारो छे। 8 काहाकी ज बुले तु मेसेक देदलु, ने चे बुले तीनुक बी सामळाय देदु, ने चे मान लेदा ने छाची-छाची जाण लेदा की मे तारे सी आय र्यु ने भुरसु कर लेदा की तुत मेसे काजे मकल्यु। 9 हींद्रे वाटे मे जी दुवा करो ची दुवा तु सामळी ले, मे कळीन माणसे वाटे दुवा नी करतु, बाकुन तींद्रे वाटे करो जीनुक तु मारे हातेम सुपलु छे काहाकी चे तारात छे। 10 छाचलीन ज काय मारो छे च तारो छे, ने ज तारो छे च मारो छे। ने हींद्रे सी मारु सेक-सींगार उजेंतु हवलु छे। 11 “मे ईनी कळीक छुडीन तारेन

चां आवणे हींड र्यु, बाकुन हय जे चेला कळीत मां रवसे।” ए चुखला भगवान बास! तु ज नाव मेसेक आपलु छे तीने नावे हींद्री राखवाळी करो, तेरेसी चे आपणेन तसा एक हय जाय। 12 जतयार लग मे हींद्रे साते हतलु, ततयार लग तारा नाव सी हींद्री पुरी राखवाळी करतु र्यु। तींद्रे मायन कुय बी ठायकुत नी सर्यु बाकुन एकुत जणु ठायकुत सर गुयु, जु सरने वाळु हतलु। खरला-सासतुर मां लिखली वात पुरी हवणु चाहजे करीन असो हयो। 13 हय मे तारेन चां आवणे हींडी र्यु ने मे जी दुवा ईनी कळीम रयन करने बाजी र्यु, तेरसी जी खुसी मारेम छे, ची खुसी जे चेला पुरी की पुरी हात करे। 14 मे तारी बुल हीनुक कय देदलु छे ने भगवानेन काम रुकण्या काजे ईनी कळीन माणसे हीनु काजे भुंडा कर्या काहाकी जसु मे ईनी कळीन माणसे साते संगात नी करो, तसात चे चेला बी ईनी कळीन माणसे साते सात संगात नी करे। 15 मे जी दुवा नी करतु की तु हीनु काजे कळी मां सी ली जाती रहे, बाकुन ज कहो की हीनु काजे भुंडात कामे सी बचाडीन राख। 16 जसु मे ईनी कळीन नी हय तसात चे बी ईनी कळीन नी हय। 17 ए भगवान बास तारा बुल चुखला छे ईना छाचला बुल सी ईनुक तारी सेवा वाटे चुखा करीन तीयार कर। 18 जसु तु मेसेक ईनी कळीन चाकरीन हक आपीन मकेल्लु छे, तसुत मे बी ईनुक ईनी कळीन चाकरीन हक आपीन मकेल्लु छे। 19 ने हींद्रा फायदा वाटे मे मारु जीव आपीन आपसाक नेवाडीन चुखु करो, काहाकी चे बी तारा छाचला बुले सी तारी सेवा वाटे नेवाडीन चुखा हयन तीयार हय जाय। 20 “मे हींद्रे वाटे अररुत दुवा नी करतु, बाकुन तींद्रे वाटे बी दुवा कर र्यु, जे आवणे वाळा दाहडाम हींद्री वात सामळीन मार पर भुरसु करसे। 21 मे तींद्रे वाटे असी दुवा करो की चे आखा एक मन हयन एक सारका हय जाय करीन। ए भगवान बास! जसु तु मारेम छे, ने मे तारेम छे, तसात चे बी आपणेम भेसकायन एक सारका हय जाय काहाकी ईनी कळीन माणसे तीनुक देखीन असु भुरसु कर लेय की ईसुत भगवानेन मकेलन्यु छुड़ावन्यु मसी छे। 22 ने जु सेक-सींगार तु मेसेक आप्यु, चु सेक-सींगार मे तीनुक आप देदलु छे, काहाकी चे आखा एक मन हयन एक सारका हय जाय जसा आपणु एक सारका छे। 23 मे तींद्रेम र्यु, ने तु मारेम रहे ने चे आखा ने आखा एक सारका हय जाय ने ईनी कळीन माणसे ज जाण लेय की ईसु भगवानेन मकेल्लु मसी छे, ने जसु तु मार सी परम कर्यु तसु तु बी तीनुक परम करे।” 24 “ए भगवान बास! जी कळी नी घडाय ने पेहलुत मारे सी परम राखलु छे, ने सेक-सींगार आपलु छे। जे माणसे तु मेसेक आपलु छे, चे बी मे जां रहो चां रहणु चाहजे काहाकी चे बी मारु सेक-सींगार देखे। 25 ए धरमी भगवान बास! ईनी कळीन माणसे तुसे नी जाणता बाकुन मे तुसेक जाणो ने मारा चेला जाण लेदला छे, ईसु भगवानेन मकेल्लु मसी छे। 26 मे तारो नाव ईनुक बताइ देदु ने बताइतु

रय्स, काहाकी जसु तु मेसेक मारे सी परम करलु, चु परम हींद्रेम रव ने मे हींद्रेम रहो।”

18 ईसु आपसा भगवान बास धड़े दुवा करीन नवराय गुयु, ने तेरा चेला पुठ्ये एक खुदराक एणकीन एक वाड़ी मां गुयु। तीना खुदरान नाव कीदरोन हतलो। 2 ईसु आपसा चेला पुठ्ये ईनी वाड़ी मां एकदम जाया करतेलु। ने ईसुक धुकुदीन धराइने वाळु चेलु यहुदा, बी ईनी वाड़ीक देख रवलु। 3 अळतेन यहुदा, रोमी सीपायडान टुळा काजे लीन, ने मंदीरेन डाहला पुजारा ने फरीसी माणसेन साहरे मकेल्ला मंदीरेन राखवाळ्या सीपायडा काजे लीन तीनी वाड़ी मां आय गुयु। चे कंदल्या, बेर्या ने हतयार लीन आवला। 4 मारे पर काय-काय वीतसे च आखो जाणीन ईसु अघु गुयु। ने तीनु काजे कह्यु, “तुहुं कुणीक हेर र्या?” 5 चे तीनाक जपाप आप्या “ईसु नासरी काजे, ईसु तीनुक कह्यु मे छे।” तीनाक धराइने वाळु यहुदा बी तींद्रे धड़े उबु हय रवलु। 6 जतयार ईसु कह्यु की, “मेत छे” ती चे पछास हयन धरती पर हीट पड्या। 7 ईसु तीनुक अळी पुळ्यु, “तुहुं कुणीक हेर र्या?” चे कह्या, “नासरत सहर वाळा ईसु नासरी काजे हेर र्या।” 8 ईसु जपाप आप्यु मे तुहुं काजे पेहलुत कय देदु की चु मे हयुत छे, “कदी तुहुं मेसेक हेर र्या ती तुहुं मारा ईनु चेला काजे जाणी देवु।” 9 ज असो काहा हयो की ज चु कह्यु पुरो हवणु चाहजे, “तीनुक चु मारे सुपरुत करलु छे, मे तीनु मायन एक काजे बी खुवायणी नी दम।” 10 ततयार सीमोन पतरस आपसी तलवार मीयान मां सी नीकाळीन मंदीरेन डाहला पुजारा मुख्यान पावर्यान देदु। ने तेरो जेवड्यु कानटु काट नाख्यु तीना पावर्यान नाव मलखुस हतलो। 11 ने ईसु पतरस काजे कह्यु, “तलवार मीयान मां पछी भर ले। ज दुखेन पीयालु भगवान बास मेसेक पीणे करीन आप्लु छे च दुखेन पीयालु मां पीये करीन तु अडचन काहा नाख र्यु?” 12 अळतेन रोमी सीपायडान टुळु, ने तींदरु सुबेदार, ने यहुदी डाहला सी मकेल्लु मंदीरेन राखवाळ्या सीपायडा ईसु काजे धरीन बांद लेदा। 13 ने ईसु काजे धरीन पेहेल मेहेल ते हनना धड़े लीजा, जु मंदीरेन डाहला पुजारा मुख्या पुजारु हतलु, काहाकी चु हनना, काइफान सेसरुस हतलु, चु काइफा तीने साल मंदीरेन डाहला पुजारा मुखी हतलु। 14 जु हयुत काइफा हतलु, चु यहुदी मुख्याक असु कयन अगवाय करलु की आपणा माणसे भीणी एक माणुस मरनु वारु छे। 15 सीमोन पतरस ने एक अळी दीसरु चेलु ईसुन पछळ-पछळ चाल पड्यु, चु दीसरु चेलु डाहला पुजारा मुख्यु हननान उळखायतु हतलु, ने चु चेलु ईसु पुठ्ये मंदीरेन डाहला पुजारा मुखीन घरेन आंगणाम लग गुयु, हीनाक कुय बी नी रुक्यो। 16 बाकुन पतरस झपले उबु रय गुयु, ने डाहला पुजारा उळखायतु, चु दीसरु चेलु तीने आंगणे सी पळु खयडे जायन झपलान राखवाळ्या काजे पुछीन पतरस काजे माहें आंगणाम ली आयु। 17 ची झपलान राखवाळी पावरनी पतरस काजे कह्यी, “तु बी तीनु ईसुन चेला मायन नी

हय काय?” पतरस कह्यु, “नी हय।” 18 सीगेन दाहडा हतला, ने घरेन पावर्या ने मंदीरेन राखवाळ्या सीपायडा आकठे तापणे बाजी रवला ने पतरस बी तींद्रे पुठ्ये तापतेलु। 19 अळतेन मंदीरेन डाहला पुजारा मुखी हनना ईसु काजे चेलान बारामां ने तेरी सीकाइली वातेन बारामां पुळ्यु। 20 ईसु जपाप आप्यु, “मे मनेन काय बी, नी सीकाइयु, मे माणसे अगळ उजेंतु कळी मां सीकाइलु छे; ने मे जलम तुंदरा भक्तीन घर मां ने मंदीर मां जां आखा यहुदी भेळा हया करे चां सीकाइतु र्यु। 21 ती तु मेसेक काहा पुळ र्यु? सामळनयाक असु पुळु की, हयु तुहुं क काय सीकाइलु छे मे तीनुक काय कहंलु तीनुक मालुम छे।” 22 जतयार ईसु जी वात कह्यु ती चां उबा हय रवला मंदीरेन राखवाळ्या सीपायडा मायन एक जणु ईसुन एक थापड देदु। ने कह्यु, “तु ते मंदीरेन मुखी पुजारा काजे असु जपाप काहा दी र्यु?” 23 ईसु तीनाक जपाप आप्यु, “कदी मे काय गलत वात कह्यु हय, ती पुरावु दीन देखाड; बाकुन छाचली वात कह्यु हय ती मारे काहा देय?” 24 अळतेन हनना ईसु काजे असुत बांदायलुत मंदीरेन डाहला पुजारा मुखी काइफानचां मकली देदु। 25 तीने टेमे सीमोन पतरस, आकठा धड़े उबु-उबु तापणे बाजी रवलु। ततयार थुडाक माणसे पतरस काजे कह्या, “तु बी तेरा चेला मायन एक छे काय?” पतरस ईसुन नीकारु करतु जायन कह्यु मे नी हय। 26 मंदीरेन मुखी पुजारा एक पावर्यु, चु तीना पावर्यान दुसती बी हतली, तेरु कानटु पतरस काट नाखलु, “चु पतरस काजे कह्यु मे तुसेक तीना ईसु पुठ्ये वाड़ी मां देखलु?” 27 पतरस ईसुन अळी नीकारु करतु जायन कह्यु, “मे नी हय” ने ततयारुत कुकडु वास देदु। 28 अळतेन यहुदी मुख्या ने डाहला पुजारा ईसु काजे काइफान घर मां सी रोमी सरकारेन यरुसलेम राजवाडान हवेली वाळा कीलान आंगणाम ली गुया, ने तीने टेमे काय संदारो हय वाग्लो ईना रोमी राजवाडान राज करन्यु पीलातुस नी भुरसु वाळा यहुदी आइजात्या बी हतला, ने यहुदी मुख्या ने पुजारा वीच्यार कर्या की हामु ईना आइजात्या पीलातुसेन हवेली मां भरायसु ती हामु वीटळी जासुन। ने हामुक हामरा फसह तीहवारेन खाणो नी खावाये करीन चे यहुदी मुख्या ने पुजारा तीनी हवेली मां नी भराय। 29 ने राज करन्यु पीलातुस हवेलीम सी बाहर नीकळीन तींद्रे अगळ आयु ने कह्यु, “तुहुं ईना माणुस पर काहनु गुनु लागाड र्या?” 30 चे जपाप आप्या, “कदी जु गुनाळु नी रहतु, ती हामु हीनाक तारेन चां नी लावता।” 31 पीलातुस तीनुक कह्यु, “तुहुंत ईनाक ली जावु, ने तुंदरा कायदान अनसारे हेरु नीयाव करजु।” यहुदी मुख्या कह्या “हामुक हक नी हय की काहनाकेन जीव लेणु।” 32 मारी मोत कसी हवसे करीन ईसु पेहलुत तेरा चेला काजे कहंलु। ने ईसुन कहला बुलेन अनसारे आखो हयो ने तेरेत अनसारे हय बी यहुदी मुख्या तीनाक मुतेन डंड आपाडने करीन पीलातुस साते वात कर्या। 33 अळतेन पीलातुस अळी पळु हवेली मां जात र्यु, ने ईसु काजे बुलायु ने

तीनाक पुछ्यु, “तु यहूदी माणसेन राजु छे काय?” 34 ईसु आंगणाम ली जायन तीनाक पुछ्यु, “तु कां सी आवलु छे?” पीलातुस काजे जपाप आप्यु, “जी वात तु आपसे आवड़तेत कय र्यु की मार बारामां काहना दीसरा तुसेक कहंला छे?” 35 पीलातुस ईसुक जपाप आप्यु, “मे यहूदी छे काय? तारीत जातीन माणसे, मंदीरेन डाहला पुजारा भेळा भेसकायन तुसेक धरायन मारे सुपरुत करला छे। तु काहनु गुनु करलु छे?” 36 ईसु कह्यु, “मारो राज ईनी कळीन राजान तसों नी हय। कदी मारो राज, ईनी कळीन राजा तसों रहतो, ती मारा राखवाळ्या सीपायडा मारे वाटे लड़ाय करता, ने मे यहूदी माणसेन हातेम नी धरायतु। बाकुन मारो राज ईनी कळीन राजान तसों नी हय।” 37 ज सामळीन पीलातुस ईसुक कह्यु, “ती, तु छाचलीन राजा छे काय?” ईसु पीलातुस काजे जपाप आप्यु, “तु वारुत कय र्यु काहाकी मे राजा छे ने मे छाचली वात ने गवा पुरावा आपणे करीन ईनी कळी मां पयदा हयन आवलु छे ने जीत छाचली छे चु मारी वात सामळीन पाळे।” 38 “पीलातुस ईसु काजे पुछ्यु छाचली काय छे?” ज पुछीन पीलातुस अळी हवेलीम सी बाहर नीकळीन यहूदी मुख्या अगळ आवीन कह्यु, मेसेक ते हीना माणुस मां काय बी गुनु नी देखायतु। 39 बाकुन तुंद्री रीतीन अनसारे मे तुंद्रे वाटे फसह तीहवारेन टेमे एक केदड़ा काजे जेल मां सी छुड़तेलु, “ने तुंद्री मरजी हय ती तुंद्रे वाटे यहूदीन राजाक छुड़ दम?” 40 ज सामळीन चे एक कावा अळी आयडीन कह्या, “हीनाक मां छुड़े, बाकुन बरअब्बा काजे छुड़ दे।” ने चु बरअब्बा एक डाकु हतलु।

19 अळतेन पीलातुस ईसु काजे लीजायन सुटा देवाड्यु।

2 ने सीपायडा काटाळ्या वेळान मुळ्यो गुथीन ईसुन मुणका पर मेक देदा ने जामण्यो झगल्यो पेहराया। 3 ने ईसु थड़े आवीन ईसुक हास्ता जायन कहणे बाजी गुया, “ए यहूदी माणसेन राजा, वारु छे की!” ने चे तीनाक थापड़ाया। 4 पीलातुस अळी बाहर जायन माणसेक कह्यु, “देखु, मारी नींगा मां हेरेम काय बी खुड़ नी देखाव पड़तु, ज तुहुं बी जाननु चाहजे, करीन मे तीनाक अळी बाहर लावलु।” 5 तीने टेमे ईसुन मुणका पर काटाळ्या वेळान मुळ्यो मेकलोट हतलो, ने तीनाक जामण्यो झगल्यो पेहरावलोन हतलो, तसुत चु बाहर आयु ने पीलातुस माणसेक कह्यु देख, “हयुत छे चु माणुस!” 6 मंदीरेन डाहला पुजारा ने मंदीरेन राखवाळ्या सीपायडा ईसु काजे देखीन, पीलातुस अगळ असा आयडी पड्या की, “हीनाक कुरुस पर टांगीन खीळा ठुकीन मार देवु!” हीनाक कुरुस पर टांगीन खीळा ठुकीन मार देवु! पीलातुस तीनुक कह्यु, “मारी नींगा मां हेरेम काय बी खुड़ नी देखाव पड़तु ने ईनाक तुहुंत ली जावु ने तुहुंत ईनाक कुरुस पर टांगीन खीळा ठुकीन मार देवु!” 7 यहूदी मुख्या कह्या, “हामरे थड़े मुसान लिखला नीयम छे, तेरे अनसारे ईनाक मुतेन डंड जड़नु चाहजे, काहाकी आपसुत भगवानेन पुर्यु हवणेन दावु करलु छे।” 8 पीलातुस तींद्री जी वात सामळीन अळी बी बीही गुयु। 9 चु अळी हवेलीन

चे ईसुन पुथल्यान चार वाटा पाड्या एक-एक सीपायडा वाटे एकेक वाटु पाड्या बाकुन ईसुन झगल्यो सीवीन बणावलो नी हतलो, बाकुन आखो की आखो गुथीन बणावलो हतलो। 24 ने चे वीच्यार करीन कह्या, आपणु हीना पुथल्याक नी फाडता, बाकुन चिट्ठी नाखीन देख लेता की ज कुणीक जडसे ज असो काहा कर्या की खरला सासतुर मां लिखली वात ची पुरी हवे: “चे वेरी माणसे मारा पुथल्याक वाट लेदा, ने चे मारा पुथल्या वाटे चिट्ठी बी नाख्या।” ने छाचलीन सीपायडा असा की असा कर्या। 25 ईसुन कुरुस थडे ईसुन माय ने ईसुन मायन बहणीस ने काडफान घरवाळी मरीयम मगदलनी मरीयम उभी हय रवली। 26 जतयार ईसु चां आपसी माय काजे देख्यु ने तीना चेलाक बी देख्यु, जु ईसुन लाटेकलु चेलु कहवायतेलु, ती चु आपसी माय काजे कह्यु, “ओ माया! देख, हयु तारु बेटु छे।” 27 अळतेन तीना चेलाक कह्यु, हयी तारी माय छे ने तीने टेम सी चु चेलु ईसुन माय काजे आपसी माय मान लेदु। ने आपसे घर ली जायन तेरी सेवा चाकरी करने बाजी गुयु। 28 अळतेन ईसु ज जाण गुयु की, हय आखो काय पुरो हय गुयलो छे ने खरला सासतुर मां पेहलुत सी लिखलो हतलो, च पुरो करने करीन कह्यु, “मे तीसलु छे।” 29 चां एक ठारु हतलु तीना ठाहरा मां अंगुरेन कडवलु रस भर रवला ने चे सीपायडा कडवला रस मां एक पुतो डुवाडीन तीना पुताक जुफा नावेन झाडकान एक सुट्ये झेलाडीन ईसुन मुंहडे टेकी देदा। 30 ततयार ईसु अंगुरेन कडवलु रस चाख्यु ती कह्यु, “पुरो हय गुयो।” ने आपसो मुणको हेदु वाळु लेदु ने आपसु जीव-आत्मा भगवान काजे आप देदु। 31 चु दाहडु फसह तीहवारेन हाप्तान वाळान खास आरामेन दाहडान तीयारीन दाहडु हतलु। आरामेन दाहडे ईसुन ने दीसरा गुना वाळा थडे कुरुस पर टांगलो नी रहणु चाहजे करीन यहूदी माणसे पीलातुस सी आवीन वीनती कर्या की कुरुस पर टांगीन खीळा ठुकला माणसेन पायेन हाटका तुडाय दे। ने तींद्रो थड कुरुस पर सी उतार मांग। 32 सीपायडा आवीन ईसुन आडे-थडे कुरुस पर टांगीन खीळा ठुकला माणसेन पायेन हाटका टुकडा-टुकडा कर देदा। 33 बाकुन अळतेन चे ईसु थडे आवीन देख्या ती तीनुक मालम पड्यो की चु मर गुयु ने चे तेरा पाय नी तुड्या। 34 बाकुन तीना सीपायडा मायन एक सीपायडु ईसुन काखे भालु घुदलयु ने कुखेम सी तत्यारुत लुही ने पाणी नीकळ्यो। 35 जतरा बी ज देख्या, चे गवाय देदा, ने तींद्री गवाय संय छे ने चु जाणे की चे संय कवे की तुहुं बी भुरसु करु। 36 जी वात तेरेमां हय की चुखला सासतुर मां ज कहलो छे, च पुरो हवसे, “तेरा कुय हाटका बी नी तुडे।” 37 पछेन एक अळी जागा पर ज लिखलो छे, “तीनाक चे गुपला छे, तीना पर चे नींगा करसे।” 38 ज आखो हय गुयो ने अळतेन अरीमतीया सहर वाळु युसुफ चु ईसुन चेलु हतलु, बाकुन यहूदी माणसेन धाके काहनाक बी नी कहतेलु की मे ईसुन चेलु छे, बाकुन हय चु चेलु पीलातुस वीनती कर्यु की मेसेक ईसुन थड काजे

गाडने ली जान दे, ने पीलातुस तेरी सामळी लेदु। ने चु युसुफ आवीन ईसुन थड ली जात र्यु। 39 नीकुदेमुस चु एक दाहडु राती वेळाय, ईसु काजे भेळु हवणे आवलु, चु बी चां एक सोव ने पंद्रे कीलु ईततर ने एलवो लीन आयु। 40 ने यहूदी माणसे जसा मरला माणसेन थड काजे गाडने ली गुया तसात चे ईसुन थड काजे वारु गंदायण्यु मसालु चुपड्या ने धवळा पुथल्या मां गुचवी देदा। 41 तीना जागा मां ईसु काजे कुरुस पर टांगीन खीळा ठुकला तीनात जागा थडे वाडी हतली, ने तीनी वाडीन खंगराम एक नवलो बीडो खुदलो हतलो, तीना बीडा मां हय लग कुय काजे गाड्या नी। 42 हय यहूदी माणसेन आरामेन तीयारीन दाहडु खततम हवणे वाळु हतलु, ने आरामेन दाहडु सुरु हवणे वाळु हतलु। ने जो मसाण्या थडेत हतलो, करीन नीकुदेमुस ने युसुफ ईसुन थड काजे तीनात मसाण्या मां मेल देदा।

20 हाप्तान पेहेले दाहडे संदारे एगीत, मरीयम मगदलनी मसाण थडे आवी, ने ची मसाण पर सी चापर्यु दगडु छेते करलो देखी। 2 ची सीमोन ने पतरसेनचां ने दीसरा चेलान चां दवडीन आवी, चु ईसुन लाटेकलु चेलु कहवायतेलु। ने ची तीनुक कही काहनाक माणसे मालीक ईसुन थड काजे मसाण सी नीकाळीन ली जात र्या। ने हामुक मालम नी हय की चे तीना थड काजे कां मेक र्या। 3 ततयार पतरस ने ईसुन दीसरु चेलु मसाण भीणी दवडी पड्या। 4 चे दुय भेळा दवड्या बाकुन दीसरु चेलु पतरस काजे पछळ नाख दीन पेहलुत मसाण थडे पुग गुयु। 5 चु ढंगु अळीन लेफड्या पुथल्यान देख्यु बाकुन मसाणेन खंगरा मां माहें नी भरायु। 6 सीमोन पतरस तेरे पछळ-पछळ आयु, ने अळतेन मसाण थडे गुयु मसाण खंगरा मां माहें गुयु, ने चु लेफड्या पुथल्यान पड रवलु देख्यु। 7 ईसुन मुंहडा पर फेटको बांदलो हतलो च फेटको लेफड्या पुथल्यान भेळतो हतलो, बाकुन दीसरे जागे दुर करीन मेल्लो देखाव पड्यो। 8 ती चु दीसरु चेलु जु मसाण थडे पेहलुत पुगी गुयलु, चु बी मसाणेन खंगरा मां माहें गुयु ने पुथल्यो देख्यु ने चु चेलु असु भुरसु कर्यु की ईसु पळु जीवतु हयन बठु हय गुयु। 9 ज हवणेन पेहेल तीनुक जी वात समज मां नी आवी की, खरला-सासतुरेन अनसारे ईसुन मर्या-सरयाम सी जीवतु हयन बठु हवसे। 10 ने चे दुय चेला आपसा-आपसा जागा पर जात र्या। 11 मरीयम मगदलनी मसाण थडे खयडे रडतेली, ने ची रडती-रडती ढंगी अळीन मसाण मां माहें नींगा करी। 12 ने तीना जागा पर ईसुन थड मेलायलो हतलो, चां ची उजळा पुथल्या पेहर रवला दुय सरग वाळा चाकर्या काजे देखी एक काय मुणका भीणी ने एक पायाता भीणी बस रवला देखी। 13 चे दुय सरग वाळा खबर लावण्या तीनी काजे कह्या, “ओ बायर जात! तु काहा रड रय?” ची कय “चे मारा मालीक काजे हाकली ली गुयला छे ने मेसेक नी मालम हय की चे तीनाक कां मेल र्या!” 14 ज कयदीन ची पछी फीरीन भाळी ने ची ईसु काजे उबु हय रवलु देखीम, बाकुन तीनीक जु ईसु छे करीन उळखायो नी।

15 ईसु तीनी काजे कह्यु, “ओ बायर जात तु काहा रड़ रय कुणीक हेर रय?” ची मरीयम तीनाक वाड़ीम काम करन्यु पावर समजीन तीनाक कय, “ए दादा! कदी तु तीना काजे ली गुयु हय ती मेसेक कय दे की तु तीनाक कां मेल र्यु ने तीनाक ली आवीस।” 16 ज सामळीन ईसु तीनीक कह्यु, “ओ मरीयम!” ची पछी फीरीन ईसुक उळखीन तीनाक ईब्रानी मां कय, “रबी।” यहूदी माणसेन बुली मां ईना बुलेन मतलब ए गुरु हतलो। 17 ईसु तीनी काजे कह्यु, “मे हय लग भगवान बासेन चां उपर सरग मां नी गुयु। ने मेसेक छीमीन मां रुके, बाकुन मारा भायसेन चां जायन तीनु काजे ज कय दे, की ईसु कय र्यु की, मे मारा भगवान बासेनचां जाणे हींड र्यु, हयु हय सी तुदरू बी भगवान बास छे।” 18 मरीयम मगदलनीं जायन जी वात चेला काजे कय की “मे मालीक काजे देखली छे, ने चु मेसेक बी वात कय मकल्यु।” 19 तीने दाहडे, हापतान पेहले दाहडे सांती वेळाय ईसुन चेला यहूदी माणसेन धाके आपसात बारनो दीलीन घरमां कुंडाय रवला। ने ईसु तींदरे ईचमां आयन उबु हय गुयु, ने चेला काजे कह्यु “तुहुंक सांती जड़े!” 20 ज कयदीन ईसु आपसा हातेन घाव, ने आपसी कुखेम घाव देखाइयु, ती तेरा चेला मालीक ईसु काजे देखीन खुस हय गुया। 21 ने ईसु तीनुक अळी कह्यु, “तुहुंक सांती जड़े! असु भगवान बास मेसेक मकेललु छे तसतु मे बी तुहुंक मकलो।” 22 ज कयदीन ईसु तीनु पर फुक्यु ने तीनुक कह्यु, “लेवु, जी चुखली-आत्मा, तुंदरा जीवन मां ली लेवु। 23 तुहुं जीनु माणसेक पापेन माफी आपसु, तीनु माणसेक पापेन माफी जड़ जासे, ने तीनुक माणसेक तुहुं पापेन माफी नी आपु तीनु माणसेक पापेन माफी नी जड़े।” 24 जतयार ईसु चेला धडे आयु ती थोमा तींदरे भेळु नी हतलु चु बी बारे चेला मायन एक हतलु, चु दीदमुस कहवाये। 25 दीसरा चेला तीनाक कह्या, “हामु मालीक ईसु काजे देखला छे।” ती चु कह्यु, “जतयार लग मे तेरा हातेम खीळान घाव नी देख लम ने खीळा सी पड़लो घावेम मारी आंगळी नी नाख दम ने तेरा कुखेम पड़ला घाव मां मारु हात नी नाख दम ततयार लग मे भुरसु नी करो।” 26 आंठ दाहड़ा हय गुया, ने अळतेन ईसुन चेलान अळी घरमां हतला, ने थोमु बी तींदरे भेळु हतलु तीने टेमे घरेन बारनो देदलो हतलो, तेबी ईसु तींदरे ईचमां आवीन उबु रय गुयु ने कह्यु, “तुहुंक सांती जड़े!” 27 ती ईसु थोमा काजे हेरा हात देखाडीन कह्यु, “तारी आंगळी ईनु हातेन घाव मां नाख ने आपसु हात उरु कर ने मारा कुखेम वाळा घाव मां तारु हात नाख। ने तु नी भुरसु वाळु मां बणे बाकुन मारे पर भुरसु कर।” 28 थोमा ईसु काजे जपाप आप्यु, “ए मारा मालीक! ए मारा भगवान!” 29 ती ईसु थोमा काजे कह्यु तु ते मेसेक देखीन मारे पर भुरसु करलु छे। बरकतवाळु चे छे, जे मेसेक नी देख्या बाकुन मार पर भुरसु करे। 30 ईसु आपसा चेला अगळ अळी बेसका मटा कामेन सहलाणी देखाइयु बाकुन तीनु मटा कामेन सहलाणीन बारामां ईनी किताप मां लिखलो नी हय। 31 बाकुन

जी वात जां असो करीन लिखली छे की तुहुं जु भुरसु करु की ईसुत भगवानेन पुर्यु मसी छे, ने तेरे पर भुरसु करीन तेरे नावे सी अमर जीवन हात कर लेय।

21 तीबीरीयास दरीया धडे ईसु अळी आपसा चेला काजे ईनी रीती अळी उजेंतु देखाव पड़्यु, 2 एक दाहडे, सीमोन पतरस, ने थोमा, चु दीदमुस कहवाये नतनएल चु गलील जीलान काना सहर वाळु हतलु ने जबदीन दुय पुर्या ने ईसुन दुय दीसरा चेला, जे आखा भेळात हतला। 3 सीमोन पतरस तीनु काजे कह्यु, “मे ते माछा मारने जाम। ने चे दीसरा चेला काजे कह्या।” “हामु बी तारे पुठ्ये आवजे।” ने चे तेरे पुठ्ये चाल पड़्या, ने ढंड्या मां चहडीन बठ गुया, बाकुन तीने राते एक बी माछी हात नी लागी। 4 संदारे हवतात ईसु दरीया धडे आयन उबु रय गुयु, बाकुन चेला काजे ईसु नी उळख्यु। 5 ततयार ईसु तीना चेला काजे कह्यु, “ए पुर्या! तुहुं काजे खाणे करीन एक बी माछी नी धराय काय?” चे चेला जपाप आप्या, “एक बी नी धराय!” 6 ततयार ईसु तीनु काजे कह्यु, “ढंडयान जेवड्ये आंग्ये जाळ नाखु ने तुहुंक माछा हात लागसे।” चे जाळ नाख्या ने अतरा माछा जाळेम आया की तीनुक जाळ नी हाकलाय। 7 ततयार चु चेलु, जु ईसुन लाटेकलु चेलु, “कहवायतेलु, पतरस काजे कह्यु, जु ते आपणु मालीक ईसुत छे।” जतयार सीमोन पतरस सामळ्यु की जु आपणु मालीक ईसुत छे ती चु नांगरलु हतलु करीन आपसो झगल्यो पेहरी लेदु ने ईसुक भेळु हवणे करीन दरीया मां मामार कुद पड़्यु। 8 बाकुन दीसरा चेला, माछा भरायली जाळ काजे हाकलता जायन ढंड्या काजे दरीया धडे लाया। काहाकी चे दरीया धडे सी जादा छेटा नी हतला। चे दरीया धडे सी दुयेक सोव हात छेटा हतला। 9 जतयार चे ढंड्याम सी उतरनी धडे भुयमां आया, ती तीनुक चां रुटा ने धपतेला कुयलान ईगाळा पर माछा मेकला देखाव पड़्या। 10 ईसु तीनु काजे कह्यु, “तुहुं हींताळ जे माछा धरला छे, तीनु मायन थुडाक ली आवु।” 11 सीमोन पतरस पछु ढंड्या मां गुयु, ने जाळ धडे हाकली लायु। तीनु जाळेम डेड सोव ने तीन मटला माछा पड़ला हतला, ने अतरा माछा जाळेम पड़्या तेबी जाळ नी फाटी। 12 ईसु तीनु काजे कह्यु, “आवु, ईतरोक खाय लेवु।” चेला जाण लेदा की जु मालीक ईसुत छे। ने “तु कुण छे।” करीन ईसु काजे पुछणे, तीनु मायन कुय काजे बी हिममत नी कर्या। 13 ईसु धडे आयु, ने खाणे करीन चु रुटु हातेम लीन तीनुक आप्यु, ने ईनी रीते माछा आप्यु। 14 असु करीन मर्या-सरयाम सी जीवतु हयन ईसु तीसरी कावा आपसा खास चेला अगळ उजेंतु देखाव पड़लु। 15 खायलीन नवरायन ईसु, सीमोन पतरस काजे पुछ्यु, “ए सीमोन, युहननान पुर्या! तु छाचलीन, हींदरे सी जादा मेसेक परम करे काय?” पतरस ईसुक कह्यु, हव, “मालीक! तु जाणे की मे तारे सी परम करो।” ईसु सीमोन पतरस काजे कह्यु, “मारा गाडरा चार।” 16 ईसु दीसरी कावा अळी सीमोन पतरस काजे कह्यु, “ए सीमोन, युहननान पुर्या!

तु छाचलीन मारे सी परम करे काय?” पतरस ईसु काजे जपाप आप्यु, “हव, मालीक! तु जाणे की मे तारे सी परम करो।” ईसु पतरस काजे कह्यु, “मारा गाडरान गुवाळी कर।” 17 ईसु अळी तीसरी कावा, पतरस काजे कह्यु, “ए सीमोन, युहन्नान पुर्या! तु छाचलीन मेसेक परम करे काय?” ईसु पतरस काजे तीसरी कावा ज पुछ्यु की तु छाचलीन मारे सी परम करे काय? करीन तीनाक बेसको दुख लाग्यो। ने पतरस ईसु काजे कह्यु, “मालीक! तुसेक आखी वात मालम छे, तु जाणे की मे तारे सी छाचलीन परम करो।” ईसु पतरस काजे कह्यु, “मारा गाडरा काजे चार।” 18 मे तुसेक छाचलीन कही की जतयार तु जुवान हतलु, ती आपसान कमर बांदीन जाहां बी चाहतेलु चां फीरतेलु, बाकुन जतयार डुकुरु हवसी ती आपसा हात फेलावसी ने दीसरा तारी कमर बांदीन जाहां तु नी चाहसी चां तुसे ली जासे। 19 ह्यु ईनी वात सी सहलाणी देदु, की पतरस कसु मरनेन सी भगवानेन सेक-सींगार करसे। ने ततयार ह्यु तीनाक कह्यु, “मार कहयाम चाल।” 20 पतरस पछु फीरीन ईसुन तीना दीसरा चेला काजे पछळ-पछळ आवतेलु देख्यु, चु ईसुन लाटेकलु चेलु कहंवायतेलु। ह्यु चु की चु हतलु, जु तीहवारेन दाहड़े सांती वेळाय खाणेन टेमे ईसुन छाती भीणी वळीन, “ए मालीक! तुसेक धरावण्यु कुण छे?” करीन पुछलु। 21 अळतेन पतरस तीना चेलाक देखीन ईसु काजे पुछ्यु, “मालीक! एरे पर काय वीतणे वाळो छे?” 22 ईसु कह्यु, “कदी मेसेक पछु आवता लग ह्यु जीवतेलु रय जाय, ती ईनी वात सी तारो काय लेण देणु छे? तु ते मरता लग मारा कहयाम चालतु रव।” 23 ने ईसु पर भुरसु करन्या भायसे मां जी हुकवाय फीर गुय की ह्यु चेलु नी मरे, “बाकुन ईसु असु नी कह्यु की ह्यु नी मरे बाकुन ज कहंलु की कदी मेसेक पछु आवता लग ह्यु जीवतेलु रय जाय ती, ईनी वात तारो काय लेण देन छे?” 24 ह्यु चु की चु चेलु छे, जु ईनी वातेन गवा देणे करीन जी किताप लिखलु छे। हामु जाणजे की हेरी गवाय छाचली छे। 25 ईसु अळी बी बेसका काम कर्यु, कदी एकेक करीन तीनु कामेन बारामां लिखता ती, ती मे समजो की जे किताप लिखायता, चे किताप अतरा जादा हय जाता की ईनी कळी मां बी नी समाय्ता।

नेवताळा

1 थियुफीलुस मारु लाटेकुलु! मे मारी पेहली कितापेन तीनुक आखा कामेन बारामां लिखलु छे, च ईसु सुरु कर्यु ने आयन सीकाइतु रयु। 2 ने जीने दाहडे लग सरग मां नी हाकलायु तेर सी पेहले दाहडे लग ईसु चुखली-आत्मा सी आपसानेवाइला नेवताळा काजे जी वात सीकाइतु रयु। 3 ने ईसु कुरुस पर दुख हाकलीन मर गुयु ने मर्या-सरयाम सी पळु जीवतु हयन आपसा नेवताळाक बेसका पुरावा सी देखाव पड्यु की चु जीवतेलु छे। असुत चु चाळीस दाहडा लग तीनुक देखाव पडतु रयु, ने तींद्रे पुठ्ये भगवानेन राजेन बारामां वात करतु रयु। 4 ने चु तीनुक भेळु हयन तीनुक हुकुम आप्यु की, “बास जु वायदु करलु छे चु वायदु पुरु हवणे लग तुहुं यरुसलेम सहर सी घुण जावु, ने तुहुं चु वायदु पुरु हवणे लग वाट देखता रवजु। मे तुहुं काजे तीना वायदान बारामां देखाइ देदलु छे। 5 काहाकी युहनुनु ते पाणी सी बपतीसमा देदु, बाकुन थुडाक दाहडान पछेन तुहुं चुखली-आत्मा मां बपतीसमा लेसु।” 6 चे नेवताळा बयडे भेळा हयन ईसु सी पुछ्या, “ए मालीक, काय तु ईनेत टेमे ईस्रायल देसेन राज काजे बदली देसी काय?” 7 ईसु तीनुक कह्यु, “तीनी टेम काजे जाणनेन तुंदरो काम नी हय तीनाक भगवान खुद आपसा हक सी ठहरावलु छे। 8 बाकुन जतयार चुखली-आत्मा तुंदरे पर उतरसे, ती तुहुं ताकत हात करसु; ने तुहुं यरुसलेम सहर ने आखा यहुदीया जीलाम, ने सामर्या सहरेंम ने धरतीन ईनी धडे सी पली धडे लग मारा गवा बणसु।” 9 ज कय देदु ने अळी ईसु तींद्रे देखते-देखते उपर सरगे मां हाकलाय गुयु, ने वादळो तीनाक ढाक लेदो। 10 ईसुक जातलु देखीन चेला सरगे भीणी एक हेट्या देख रवला, ततयार धवळा पुथल्या पेहरला दुय अदमी तींद्रे धडे आवीन उबा हय गुया, 11 ने तीनुक कह्या, “ए गलील मां रहण्या माणसे, तुहुं काहा उबा हयन सरगे भीणी देख रया? हीयुत ईसु, जु तुंद्रे ईचमां सी सरगे मां हाकलाय गुयलु छे, ईनेत रीते अळी पळु आवसे, जसा तुहुं हीनाक जातलु देखला छे।” 12 ततयार चेला जेतुन नावेन बयडे सी यरुसलेम पछा आया, चु बयडु यरुसलेम सहर सी धडेत एक कीलुमीटर लांबे हतलु। 13 जतयार चे पुगीन घरेन उपरी कमरा पर गुया, जाहां चे थुबी रवला, चे पतरस ने, युहनुनु ने, याकुप ने, अन्दीरीयास ने, फीलीपुस ने, थोमास ने, बरतुल्मे ने, मत्ती ने हलफाईन पुरयु याकुप ने सीमोन ने, याकुपेन पुरयु यहुदा चां हतला। 14 हींद्रे पुठ्ये थुडाक बायरा ने ईसुन माय मरीयम ने, ईसुन भाय बी हतलु। चे आखा एक मन हयन दुवा करने बाजी रवला। 15 थुडाक दाहडा पछेन पतरस ने भुरसु करने वाळा भायसेन मतलब एक सोव वीसेक जणान टुळा मां पतरस उबु हयन कवणे लाग्यु। 16 “ए भायस्यो,” चुखला सासतुर मां चुखली-आत्मा दावुदेन मुंहडा सी ज काय यहुदान बारामां पेहेल सीत कवलु हतलु, ची वात पुरी हवणुत हतलो। चु

यहुदा, ईसुक धरन्यान अगवाय करन्यु हतलु। 17 काहाकी यहुदा ते आपणात टुळा मायन हतलु ने हेरु आपणी सेवान काम मां हीससु बनलु। 18 चु पापेन कमाय सी एक खेत मुल लेदु, ने चु तीना खेतेंन झाइके जायन टांगाय गुयु, ने मुंहडान भुरसे पड्यु, तेरो पेट फाट गुयो, ने तेरा आखा आतडा बाहर नीकळी गुया। 19 जी वात यरुसलेम सहर मां आखा रवण्या काजे पतु हय गुयु, तीना खेतेंन नाव हकळदमा मतलब लुहीन खेत पड गुयो। 20 भजनेन किताप मां बी लिखलो छे की, तेरो घर उजडी जाणु चाहे ने; तेरेमां रहण्या एक बी नी बचणु चाहेजे। ने तीना माणसेन, सेवा कामेन आवजी काहनु दीसर ली लेय। 21 तेरेमां ज जरुडी छे की जतयार मालीक ईसु हामरे ईचमां हतलु ततयार जे माणसे जलम हामरा हतला, तींद्रेम सी काहनाक एक काजे नेवाडे। मतलब तीनी टेम सी लागाडीन जतयार सी युहनुनु माणसे काजे बपतीसमा देणु चालु करलु ने जतयार लग ईसु काजे हामरे ईचमां मां सी हाकलाय गुयलु। ईनु माणसे मां सी काहनाक एक काजे तीनाक मर्या-सरयाम सी जीवतु हवणेन हामरे साते गवा बणनु चाहेजे। 23 तेरेसी चे दुय अदमी काजे सांबा लाया युसुफ काजे, जु बरसबबास कवायतेलु ने तेरो नावठ्यो नाव युस्तुस हतलो, दीसर मत्तीयास काजे, 24 ने जे भगवान धडे असी दुवा कर्या, “ए मालीक! तु आखान मन काजे जाणे। हामुक ज देखाइ, की तु ईनु दुय मायन कुणी काजे नेवाड्लु छे, 25 ने चु एक ईसुन नेवताळान रुप मां यहुदान आवजी पर ईनी सेवा-चाकरीन जाणु हात करे तसा। तीना जागा काजे छुडीन यहुदा आपसे जागे जाती रयु।” 26 ततयार चे तेरा बारामां चिट्ठी नाख्या ने चिट्ठी ईछा ती ची चिट्ठी मत्तीयासेन नावेन नीकळी। अळतेन चु मत्तीयास ईसुन ग्यारे नेवताळा मां भेसकाय गुयु।

2 जतयार पेन्तेकुस्तेन दाहडु आयु, ती ईसुन आखा नेवताळा एक जागे भेळा हय रवला। 2 ती उचकाणुन आधीन तसलु घुळ्लु सरगे सी आयु, ने तीना घर मां चे बसी रवला च आखो घर तीना घुळ्ला सी भराय गुयो। 3 ने आकठान खळायती लपटेन तसी जीप्या चां अगळ देखायणे लागी। चे आकठा सी जीपे मां तींद्रेम सी हरेक पर आयुन उभी रय गुया। 4 चे आखा चुखली-आत्मा मां भराय गुया, ने भगवानेन चुखली-आत्मा तीनु काजे बुलनेन ताकत आपी, ने चे भाती-भातीन बुली बुलने बाजी गुया। 5 सरगेन नेचा ने यरुसलेम मां आखा देसेन आवला यहुदी नीयम काजे मानने वाळा माणसे रय रवला। 6 ने चे ईसुन नेवताळा काजे जतयार चे अवाज सामळ्या ततयार माणसेन एक मटलु टुळु भेळु हय गुयु, जे माणसे ज सामळीन घाबरायणे लाग्या काहाकी चे भुरसु करने वाळा माणसे काजे आपणी खुदेन बुली मां बुलतेला सामळ्या। 7 चे आखान-आखा बेसका वीच्यारेम पड गुया, ने चकरायन कहणे बाजी गुया, “सामळु जे बुलने वाळा आखान-आखा गलील देस मां रहण्या नी हय काय! 8 ती पछेन काहा आपणे मायेन हर एक जणु ईनु काजे

आपणी-आपणी देसेन बुली बुलतेला कसा सामळने बाजी रया? 26 तेरेसी मारो हीयो मन बी बेसको खुस छे, ने आस छे, मारी 9 हामु ते पारथी ने मेदी ने एलामी ने, मेसोपोटामीया, मां रवण्या चुखली-आत्मा बी बेसकी खुस छे; ने मारा डीलेन नुकसाण बी छे, ने यहूदीया ने कपपुदुक्या, पुनतुस ने आसीया, 10 फुरगीया नी हये। 27 काहाकी तु मार जीव काजे मोतेन कळ मां नी नाखे। ने नी ते तु तारा चुखला भगत काजे सड़ने देय। (HadEs g86) 28 तु मेसेक जीवायन छाचली वाट देखाइयु; तारी हजरी मां रवणे सी मेसेक वारु खुसी जड़े।” 29 ए मारा भायसे, मे कुळधेणी राजु दावुदेन बारामां तंद्रु धाक राखे बीगुर ज कय सकी की चु मर गुयु ने तीनाक गाड़ बी देदा। ने तेरो मसाण आज लग हामरे ईचमां छे। 30 दावुद भगवानेन अघली वात बताइने वाळु माणुस हतलु, तेरेसी चु जी वात जाण तेलु, की भगवान सगुन खायन मेसेक ज कह्यु की मे तारीत कुळी मां सी एक जणा काजे तारी राजगादी पर बठाड़ीस। 31 तेरेसी जो काय अघो हवणे वाळो हतलो च देखीन दावुद ज कवलु; ने मारा डीलेन बी नुकसाण नी हये। काहाकी तु मारा जीव काजे मोतेन कळ मां नी नाखे। ने नी ते तु तारा छाचला पावर्या काजे सड़ने देय। जी वात दावुद, ईसु मसीन बारामां कवलु की चु मर्या-सर्याम सी पछु जीवतु हयन बठु हवसे। (HadEs g86) 32 ईनात ईसु काजे भगवान मर्या-सर्याम सी पछु जीवतु करीन बठु कर देदलु छे ने हामु ईनी वातेन गवा छे। 33 ने ईना ईसु काजे भगवान आखी कळजुगेन हकदार्यु बणावीन आपसे जेवइये आन्गे बठाड़ देदु, ने जु ईसु वायदु करला चुखली-आत्मा काजे भगवान सी आपलु छे, तीना काजे तुहुं देख रया, ने सामळी रया। 34 दावुद आपसु डील भेळु सरगे मां नी गुयु, बाकुन चु आपसुत कहे, मालीक भगवान मारा मालीक भगवान काजे कह्यु, “तु मारे जेवइये आन्गे बठ, 35 जत्तार लग मे मारा वेरीक, तारा पाय तळेन जागु नी बणाय दम। 36 “ईस्रायली जातीन आखी कुळीन ज जाण लेणु चाहे की भगवान ईसु काजे मालीक बी, ने मसी बी ठेहराय देदलु छे तीना काजे तुहुं कुरुस पर चड़ाय देदला।” 37 ज सामळीन चे आपसान गलती काजे समजणे बाजी गुया ने चे पतरस काजे ने ईसुन दीसरा नेवताळाक पुछणे बाजी गुया, “ए भायस्यो! हामुक काय करनु चाहजे?” 38 पतरस तीनुक कह्यु, “तुहुं पाप भीणी सी मन फेरवीन भगवान भीणी वळु, ने तुंदरे मायन एकेक जणु आपणा-आपणा पापेन माफी वाटे ईसु मसीन नावेन बपतीस्मा लेवु। ती तुहुं भगवानेन चुखली-आत्मान वाटु हात करसु, 39 काहाकी भगवानेन चुखली-आत्मान वाटु आपणेन वायदु तुंदरे वाटे, ने तुंदरी अवल्यात वाटे छे, ने तीनु आखा वाटे छे, जे हीताळ छेदा छे ने तीनुक हामरु मालीक भगवान बुलावणे वाळु छे।” 40 पतरस अळी बेसका वातेन साहरे गवाय देदु, ने ज कवतु जायन तींदरे धड़े रवणे करीन कह्यु, “तुहुं आपसा काजे ईनी पीडीन एक हेट्या माणसे सी बचाडु।” 41 जे पतरसेन वात पर भुरसु कर्या, चे बपतीस्मा ली लेदा; ने तीनेत दाहड़े तीनेक हजार माणसे ईसुन नेवताळा पुठ्ये भेसकाय गुया। 42 ने चे ईसुन नेवताळा धड़े सीकणे मां सात-संगात मां, ने ईसुन खातरीन पंगतेम खाणे मां ने ईसु धड़े दुवा करने मां साते रया।

43 ईसुन नेवताळान साहरे बेसको वारु कामेन सहलाणी हवतेली ती आखा माणसे बीहीन सीयारी ली लेदा। 44 ने आखा ईसु पर भुरसु करन्या भेळात रवतेला, ने तींदरे धडे जो काय बी हतलो तेरेमां आखान साजु हतलु। 45 चे आपणो-आपणो माल-धन ने खेत एच देद्ला, जे पयस्या-टका आवे, चे पयस्या-टका तीनाक चाहजे, तीनाक आप देदला। 46 चे आखा एक मन्या हयन दाहडीन मंदीर मां भेळा हवतेला, ने आखान घर-घर जायन मालीकेन खातरीन पंगत मां भेसकायतेला ने सुदले मने भेळा हयन खाणो खातला। 47 ने चे भगवानेन गुण गाया करतेला, ने आखा माणसे तींदरे सी खुस हतला। ने जे-जे पाप सी छुटकारु हात करतेला, तीनुक मालीक ईसु दाहडीन तींदरे पुठ्ये भेसकी देदलु।

3 पतरस ने युहनुन मांजणीक वेळाय, दुवा करने मंदीर मां जाणे बाजी रवला। 2 ने तीनी टेमे माणसे एक माणुस काजे ली जाणे बाजी रवला, चु जलम सीत लंगडु हतलु। चे तीनाक दाहडीन लावीन मंदीरेन घाटाळ्ळा नावेन झपलान्चां बठाड देदला। ने चु मंदीर मां आवण्या-जाण्या धडे भीक मांग्या करतेलु। 3 जत्थार चु पतरस ने युहनुना काजे मंदीर मां भरायतेला देख्यु, ती तींदरे धडे जायन भीक मांग्यु। 4 पतरस ने युहनुना तीना भीणी एक-हेट्या देख्या, ने पतरस कह्यु, “हामरे भीणी देख।” 5 ने चु काय जडसे करीन तींदरे भीणी एक हेट्यु देख्यु। 6 बाकुन पतरस तीनाक कह्यु, “मार धडे चांदी ने, नीते सनो हय बाकुन मार धडे ज छे, च तुसेक आपो ईसु मसी नासरीन नाव सी चाल ने हींड-फीर।” 7 ने पतरस तेरु जेवड्यु हात धरीन तीनाक उठाड्यु, ने तत्थारुत लंगडान पायेम ने मांडाम ताकत आय गुय। 8 ने चु उळ्ळीन मामार उबु हय गुयु, ने हींडणे-फीरने बाजी गुयु, ने भगवानेन गुण गावतु जायन, उच्यु कुदतु-कुदतु, पतरस ने युहनुना पुठ्ये मंदीर मां जाती रयु। 9 आखा माणसे तीनाक हींडतेलु-फीरतेलु ने भगवानेन गुण गावतेलु देख्या, 10 माणसे तीनाक उळ्ळीन कह्या, जु ते हयुत छे, जु मंदीरेन घाटाळ्ळा नावेन झपला पर भीक मांग्या करतेलु। तीना लंगडा साते ज काय बी हवलो, तीनाक देखीन चे चकराय गुया। 11 जत्थार चु माणुस पतरस ने युहनुनान हात धरीन पुठ्ये जाणे बाजी रवलु। तत्थार आखा माणसे चकरायन सुलेमानेन खपडा मां तींदरेन्चां दवडता आया। 12 पतरस तीनुक आवतेला देखीन कह्यु, ए ईस्रायली माणसे! तुहुं ईना माणसेक देखीन काहा चकराय रया, ने हामरे भीणी एक-हेट्या काहा देख रया। तुहुंक असो लाग रयो की हामुक हामरे जुरे ने हामरी भक्तीन जुरे ईनाक हींडतु-फीरतु करला छे, बाकुन असो नी हय। 13 अब्राहमेन, इसाकेन ने याकुपेन भगवान, हामरा डाहा भगवान आपसा चाकर्या ईसु काजे सेक-सींगार भरलु छे। तुहुं ईना ईसु काजे सीपायडान हातेम धरायन पीलातुसेन हात लगु कर देदा ने जत्थार पीलातुस तेरु नीयाव करीन छुडनेन वीच्यार कर्यु, ती तुहुं हीनाक मां छुडे करीन नीकारु कर देदा।

14 तुहुं चुखला ने वारलु माणसेक मां छुडे करीन तेरु नीकारु कर देदा, ने आपसान करता हत्थाराक छुड दे करीन कह्या। 15 ने असु करीन तुहुं जीवाय आपण्या काजे माराय नाख्या, बाकुन भगवान तीनाक मर्या-सर्याम सी जीवतु करीन बठु कर देदु; ने हामु ईनी वातेन गवा छे। 16 काहाकी हामु ईसु नाव पर भुरसु कर्या, ने ईनात नावेन जुरे ईना माणुस काजे, तीनाक तुहुं देखु, ने जाणु की जुर जडलु छे। छाचलीन हयुत भुरसु जु ईसुन साहरे छे, ईनाक तुहुं आखा अगळ वारु करलु छे। 17 ने हय ए भायस्यो! मे जाणो की तुहुं ने तुंदरा मुखी अनजाण्या हतला, एरेन करीन चे ईसु काजे कुरुस पर चड्ढावीन माराड नाख्या। 18 बाकुन भगवान आपसा अघी सी आवणे वाळी वात देखाडन्या माणसेन साहरे पेहले सीत कय देदलु की आवणे बाजी रयु तीना मसी काजे दुख झेलनु पडसे। असु करीन भगवान आपसान कवलो पुरो कर्यु। 19 तेरेसी तुहुं पाप भीणी सी मन फेरवीन भगवान भीणी वळु; ती तुहुं काजे भगवान माफ करसे। 20 तुहुं मालीकेन हजरी मां वारु जीव जीवणेन टेम जडसे। तत्थार भगवान तुंदरे वाटे पेहले सी ठेहरावला ईसु मसी काजे तुंदरेन्चां मकलसे। 21 जु मसी तीने टेमे लग सरगे मां रवसे, जत्थार लग चु आखी चीज काजे पेहल हतली तसीत नी बणावे; ईनी टेमेन ने वातेन बारामां, भगवानेन चुखलु अघी सी हवणे वाळी वात देखाडन्या माणसेन कळी घडायी ती सीत कवता आय रया। (aiōn g165) 22 जसु मुसु कहलु, मालीक-भगवान तुंदरे वाटे तुंदरा भाय-बेटाम सी एक भगवानेन चुखला अघी सी आवणे वाळी वात देखाडन्या काजे उबजाडसे, ने चु चुखलु अघी सी आवणे वाळी वात देखाडन्यान ज काय तुहुं काजे कहें, चत सामळीन तुहुं तेरी वात मांजु। 23 बाकुन काहनु बी तीना चुखला अघी सी आवणे वाळी वात देखाडन्यान वात सामळीन नी माने, चु तीना काजे चु आपसा असामी मां सी अलग करीन मार देसे। 24 ने समुएल ने तेरे सी अळी आवला आखा भगवानेन अघी सी आवणे वाळी वात बताडने वाळा मसीन आवणेन बारामां ईनु दाहडान बारामां पेहले सीत कवला हतला। 25 तुहुं ते भगवानेन अघी सी आवणे वाळी वात देखाडन्यान अवल्यात छे, ने तीना वायदान साजेल्या छे, तीना वायदाक भगवान तुंदरा डाहा-डाहा वाटे तीनी टेमे ठेहरायु, जत्थार चु अब्राहम काजे कह्यु, तारी अवल्यातेन साहरे धरती पर रवण्या आखी कळीन माणसे संयबरकत हात करसे। 26 भगवान तुंदरे मायन एकेक जणा काजे कुहराय सी छुडावीन संयबरकत आपणे करीन, आपसा पावर्या काजे पेहले तुंदरेन्चां मकेल्लु छे।

4 पतरस ने युहनुन माणसेक कवणे बाजी रवला, ती पुजारु, मंदीर मां राखवाळी करन्या सीपायडान मुखी, ने सदुकी पंथवाळा माणसे तींदरेन्चां जुर करीन आय गुया। 2 पतरस ने युहनुन ईसु मर्या-सर्याम सी जीवतु हय गुयु करीन मर्या-सर्याम सी जीवतु हयन बठु हवणेन बारामां ईसुन दाखलु देखाडीन परचार करीन सीकाडतेला। तेरेसी चे बेसका रीसाय

रवला। 3 अळी चे तीनु काजे धरीन दीसरे दाहडे लग जेलेम ती हामुक नी जमे।” 21 तत्प्यार चे पतरस ने युहन्ना काजे कुंड देदा, काहाकी सांतो हय गुयलो। 4 बाकुन जे तींद्री वात अळी बेसका चेतावीन छुड देदा, काहाकी तीनुक डंड आपणेन सामळी रवला, तीनु मायन बेसका जणा ईसु पर भुरसु कर्या, तीनुक काय बी बाहनो नी जड्यो, काहाकी ज वारु काम हयो ने ईसु पर भुरसु करन्या बायराक-पुर्याक छुडीन अदमी-अदमी हतलो तीना कामेन साहरे आखा माणसे भगवानेन बडाय करणे पांचेक हजार हय गुया। 5 दीसरे दाहडे यरुसलेम सहर मां बाजी रवला। 22 काहाकी तीना वारु कामेन सहलाणीन साहरे च माणुस वारु, तेरी उमर चाळीस साल सी वदु हतली। 23 मासूतूर्यान बठक हय। 6 ने चां भगवानेन डाहलु पुजारु हन्ना, जत्प्यार चे पतरस ने युहन्ना काजे छुड देदा, ती पतरस ने युहन्नु ने काइफा, ने युहन्नु, ने सीकनदर ने मुखी पुजारान घरन्या बी आपसा सातीन्चां आया, ने ज काय पुडारी ने भगवानेन मुख्या भेळा हतला। 7 चे पतरस ने युहन्ना काजे ईचमां उबा करदीन पुजारा कवला, च आखो तीनुक कय देदा। 24 ज सामळीन ज पुछणे बाजी गुया, “तुहं कुणीन ताकत ने नावे ज काम करला पतरस ने युहन्नु तींद्रा साती आखा मेळीन भगवान सी एक छे?” 8 तत्प्यार चुखली-आत्मा पतरस मां पुरु भरायन कबजा जसी वीन्ती कर्या, ए मालीक, तुत सरगे ने धरतीक, ने समुदर मां कर लेदु, ने ती पतरस तीनुक कह्यु, ए माणसेन मुखी ने समुदर मां ज काय छे, च आखो बणावलु छे। 25 तु चुखली-पुडारी! 9 एक लंगडा माणसेन भलो हवलो छे, एरे बारामां आज आत्मान साहरे आपसा पावर्या दावुदेन मुहंडे ज कवलु हतलु, हामु काजे तुहं पुछणे बाजी रया की जु कसु वारु हवलु छे। 10 नी-यहुदी माणसे असलात काहा आयडे? आखा देसेन माणसे ती तुहं आखा काजे ने ईसरायली जातीन माणसे काजे मालुम फालतु वीच्यार काहा कर रया? 26 धरतीन राजा, ने देस देसेन हय जाणु चाहजे, की जु लंगडु माणुस ईसु मसी नासरीन नाव राज करन्या आखा भेळा हवे; चे मालीक भगवान भीणी ने सी वारु हय्न्, तुंद्रे अगळ उबु हय रयु। तुहं तीना ईसु मसी तेरा नेवाडला राजा भीणी जुर करे। 27 काहाकी चे छाचलीन, काजे कुरुस पर चडाय़ा, बाकुन भगवान तीना ईसु मसी काजे चुखलु चाकर्या ईसुन वीरुद मां हय्न् जाळसांदी बणाय रया, मर्या-सर्याम सी पछु जीवाडीन बठु कर देदलु छे। 11 जु ईसु तीना काजे तु नेवाडलु छे, हेरोदेस ने पुंतीयुस पीलातुस, ने नी-हयुत छे, तीना दगडाक “मीसतूर्या” बेकार समजीन बाहर यहुदी ईसरायली जातीन माणसे सहर मां भेळा हय रया। 28 नाख देदा, चु दगडुत घरेन नेहान, खुणे वाळु दगडु बण गुयु। हव, चे एरेन करीन भेळा हय रया की ज काय तारी ताकत ने 12 तेरेसी ईसुक छुडीन काहना बी दीसरा माणसेन साहरे पाप मरजी सी पेहले सीत ठहरावलो छे, ज पुरो हय सके। 29 ए सी छुटकारु नी जडे, काहाकी सरगेन नेचो ईनी आखी कळी मालीक! हय, हींद्री धमकी काजे देख, की तारा पावर्या काजे मां ईसु नाव छुडीन दीसरो नाव नी हय, तीने नावे आपणुक ज़ु वाटु आप की चे तारा बुल काजे बीहे बीगुर पुरी हिम्मत सी पापेम सी छुटकारु जडतु हय। 13 जत्प्यार यहुदी मुखी पतरस सामळावे। 30 ने तु माणसेक वारु करणे करीन आपसुत हात ने युहन्नान हिम्मत देखीन चकराय गुया काहाकी जे ते अनपड अगु कर; ने तारा चुखला चाकर्या ईसुन नावे, सहलाणी ने ने सुदला माणसे छे; बाकुन अळतेन मालुम पड्यो की जे ते भाती-भातीन वारु काम देखाड? 31 जत्प्यार चे भगवान थडे ईसु पुट्ये रवला हतला; 14 बाकुन वारु हवला माणसे काजे दुवा करीन नवराय गुया, ती चु जागु, जां चे भेळा हय रवला, तींद्रे भेळतु उबु हय रवलु देखीन, तीनुक जपाप मां काय नी हाल पड्यु, ने चुखली-आत्मा तींद्रेम पुरु-पुरु भरायन तीनुक कहवायो। 15 बाकुन चे पतरस ने युहन्ना काजे बठक सी बाहर कब्जाम कर लेदु, ने चे हिम्मत सी भगवानेन बुल माणसे काजे मकली देदा ने आपसा-आपसा जु वीच्यार कर्या, 16 “हामु सामळावणे बाजी गुया। 32 ईसु पर भुरसु करन्या माणसेन हीनुक काय करजे ने काय नी? काहाकी यरुसलेम मां रवण्या एक टुळु ने एक मन्या ने एक जसा हयन रवतेला। कुय बी आपसा धन काजे आपसो नी समजतेला। ज काय तींद्रे थडे आखा माणसे काजे जु पतु हय गुयलु छे, की जु एक बेसका रवतेलो, तेरेमां आखान साजु हतलो। 33 ईसुन नेवताळा पर जुर वारु कामेन सहलाणी देखाडला छे; ने आपणुक हीना कामेन लागाडीन मालीक ईसुन मर्या-सर्याम सी जीवतु हय्न् बठु नीकारु करता नी बणे। 17 बाकुन तेबी ईनी वातेन वदु परचार हवणेन गवा देदला, ने तीनु आखा पर भगवानेन मट्ठी गीण-माणसे मां नी हवणु चाहजे, करीन आपणु ईनुक धमकी देदा, दया हतली। 34 ने तींद्रेम कुय बी गरीब नी हतलो, काहाकी की तुहं ईना ईसुन नाव लीन कुय साते अगा वात मां करु।” 18 तींद्रे थडे खेती नीते घर हतलो, तीनुक चे एच देदला, अळी चे पतरस ने युहन्ना काजे अळी बुलावणे मकल्या ने तींद्रे दाम लावीन ईसुन नेवताळान पायेन्चां लायन मेल देदला; तीनुक हुकुम आपीन कहया, की तुहं ईसुन नाव लीन कुय साते तींदरु दाम लावीन ईसुन नेवताळान पायेन्चां लायन मेल देदला; वात बी घुण करु, ने कुय काजे सीकाडु बी घुण। 19 बाकुन ने तीनुक ज चाहतेलो च तीनुक वाट देदला। 36 युसुफ नावेन पतरस ने युहन्ना तीनु काजे ज जपाप आप्या, “तुहंतु नीयाव एक सायपरसेन लेवी कुळी मायन हतलु, जु कुपरुस मां पयदा करीन कहं; हामु काजे भगवानेन नींगा मां, भगवानेन सामळने हवलु हतलु, तेरो नाव ईसुन नेवताळा बरनाबास पाडला हतलो। छुडदीन तुंद्री सामळनु वारु रवसे काय? 20 काहाकी हामु ज बरनाबास मतलब दीलासु आपण्यान पुर्यु। 37 तेरु एक जागु देखला ने सामेळला छे, तेरा बारामां नी कवे, ने हुगात हय रया

हतलु, तीना जागा काजे चु वेचलु हतलु, ने चु जागान रुप्या लावीन ईसुन नेवताळान पाय मां मेल देदु।

5 हनन्या नावेन एक अदमी ने आपसी घरवाळी सफीरा खेत वेचणेन बारामां वीच्यार कर्या अळतेन एक खेत वेच देदु। 2 चु खेतने दामेन एक वाटु आपसु राख लेदु जी वात तेरी घरवाळीक बी मालुम हतली, ने चु दीसरु हीससु लावीन नेवताळान पाय मां मेक देदु। 3 अतरा मां पतरस कह्यु, “हनन्या! तु भुतडा काजे तारा मन पर काहा राज करने देदु, ने भुतडान जी वात काहा मान लेदु की तु चुखली-आत्मा काजे लुच्याय मेल ने खेत वेचलु तीना दामेन सी ईतराक रुप्या बचाडीन मेल ले? 4 वेचायणेन पेहले च खेत तारो नी हतलो काय? ने तीना वेचायला खेतने दाम पर तारु हक नी हतलु काय? तु आपसा मन मां असलु वीच्यार काहा आवणे देदु? तु माणसेक नी, बाकुन भगवानेक झुट मेकलु छे।” 5 हनन्या ची वात सामळ्युत ने हीट पड्यु ने तेरु जीव नीकळी गुयु। ने जे बी एरे बारामां सामळ्या, चे बेसका बीही गुया। 6 अळतेन थुडाक जुवान्या उठीन हनन्या धडेक हाकलीन सीवडीन पुथल्या मां वेलट्या, ने बाहर ली जायन वोगे कर देदा। 7 ज हयो, तीनी वातेन बारामां हनन्यान घरवाळी काजे मालुम नी हतलो, तीनेक घंटा हय गुया ने अळतेन ची पतरस हतलु तीना घरमां आवी। 8 तत्तयार पतरस तीनीक जु सवाल पुछ्यु, “मेसेक बताड, तुहुं च खेत अतरात पयस्या मां वेचला काय?” ची जपाप आपी, “हव, अतरात पयस्या मां वेचला।” 9 तेरु जपाप सामळीन पतरस तीनी काजे कह्यु, “तुहुं दुय जणा मालीक भगवानेन चुखली-आत्मा काजे पारखणे करीन एक मन्या हयन काहा राजी हय गुया सामळु। जे माणसे तारा धेणी काजे अळावीन वगे करने गुयला, चे पछा आवीन झपले उबा हय रया, ने हय चे तुसेक बी वगे करने बाहर ली जासे।” 10 जी वात सामळतेत ची पतरसेन पायेम हीट पडी, ने मर गुय, ने चे जुवान्या घरमां आवीन तीनीक मरली देख्या, ने चे तीनीक बी ईछीन बाहर ली जायन तेरा धेणीन मसाण धडेत अळावीन वगे कर देदा। 11 तेरेसी आखी मंडळीन माणसे ने जी वात सामळीन बीही गुया। 12 ईसुन नेवताळान साहरे बेसका वारु कामेन सहलाणी ने मटा-मटा काम माणसे मां देखाव पाड्यु, ने आखा ईसुन नेवताळा एक मन्या हयन सुलेमानेन खपडीं मां भेळा हवतेला। 13 बाकुन दीसरा माणसे काजे ईसुन नेवताळा पुठ्ये भेसकायणे वारु नी लागतेलो बाकुन चे ईसुन नेवताळा काजे चे बेसका वारु छे करीन कवतेला। 14 बाकुन ईसु पर भुरसु करन्या बेसका अदमी ने बायरा आवीन मालीक ईसुन मां जादास-जादा अदु हवता गुया। 15 जत्तयार पतरस जां मायन नीकळीन गुयु ती मांदला माणसे पर पतरसेन साहळु काहना ने काहनाक पर पडसे ने पडसे करीन माणसे, मांदला काजे सयडक धडे लावीन खाटली पर ने झुळना मां टुपाडीन मेल देदला 16 ने यरुसलेम सहेरेन आडे-धडेन सहर वाळा बी मांदला काजे भुतडा आत्मा

लागला माणसे काजे लावतेला ने चे आखा वारु हय जातला। 17 ज आखे देखीन भगवानेन डाहलु पुजारु, ने सदुकी पंथवाळा तेरा आखा सात-संगात वाळा बेसका कुहरायणे बाजी गुया। 18 ने चे ईसुन नेवताळा काजे धरीन जेल मां कुंडी देदा। 19 बाकुन मालीक भगवानेन एक सरग वाळु भगवानेन अघली वात बताडने वाळु, जेलेन झपलु उगाड देदु, ने चु तीनाक बाहर ली जायन कह्यु, 20 “जावु, ने मंदीरिम उबा हयन ईनी नवली जीवायन बारामां आखी वात माणसेक सामळायु।” 21 ने ईसुन नेवताळा सरग वाळा भगवानेन अघली वात बताडने वाळान वात सामळीन संदारो हवतात मंदीर मां जायन नवली जीवायन वात सामळावणे बाजी-गुया। तत्तयार भगवानेन डाहलु पुजारु, ने सदुकी पंथवाळा तेरा आखा सात-संगात वाळा आवीन यहुदी माणसेन बसक ने ईस्रायली जातीन आखा पुडारी काजे भेळा कर्या, ने सीपायडाक कय मकल्या की तुहुं जेल सी ईसुन नेवताळा काजे ली आवु। 22 बाकुन जत्तयार सीपायडा चां पुग्या, ती चे ईसुन नेवताळा तीनुक जेल मां नी जड्या। ती चे सीपायडा पछा आवीन भगवानेन डाहला पुजारा ने सदुकी पंथवाळा ज कह्या, 23 “हामु जायन देख्या ती जेलेम वारु छत करीन बंद कर मेकलो हतलो, ने झपले परु देण्या झपले परु देदा जायन उबा हय रवला; बाकुन जत्तयार हामु मांही गुया, ती चां सारा काहना नी हतलो।” 24 ची वात सामळीन मंदीरेन राखवाळ्या डखी ने भगवानेन डाहला पुजारी फीकुर मां पड गुया, ने ची वीच्यार करने बाजी गुया, “हय आपणु काय करजे।” 25 तीनेत टेमे काहनुक आवीन तीनुक जी खबर आप्यु, “देख, तीनु माणसे काजे तुहुं जेल मां कुंडी देदला, चेत माणसे मंदीर मां उबा हयन माणसेक नवली जीवायन बारामां सीकाडने बाजी रया।” 26 तत्तयार मंदीरेन राखवाळ्या सीपायडान डखी, आपसा सीपायडा काजे लीन गुयु ने ईसुन नेवताळा काजे धर लायु। बाकुन माणसे हामुक दगाडट देसे, करीन तीनुक जबरान धरीन नी लायु, काहाकी चे माणसेक देखीन बीहतेला। 27 चे ईसुन नेवताळा काजे लावीन मटली बठक अगळ उबा कर देदा; ने भगवानेन डाहलु पुजारु ईसुन नेवताळा सी सवाल पुछ्यु, 28 “हामु तुहुं काजे बेसका कयडा चेताडीन हुकुम आपला की ‘तुहुं ईसुन नाव लीन माणसेक घुण सीकाडजु?’ तेबी तुहुं आखा यरुसलेम सहर मां ईसुन नाव लीन सीकाडने बाजी गुया, ने ईसुन लुहीन गुनु हामरे मुणका पर पाडने हींड रया।” 29 पतरस ने ईसुन नेवताळान ज चपाप आप्या, “माणसेन हुकुम सी भगवानेन हुकुम पाळनु बेसको वारु छे। 30 तीना ईसु काजे तुहुं कुरुस पर चडावीन खीळा ठुकीन मार नाख्ला, तीना ईसु काजे आपणा डाहा-डाहान भगवान मर्या-सर्याम सी जीवाड देदु। 31 ईनात ईसु काजे भगवान मालीक ने पापेम सी छुडावणे वाळु ठेहरावीन, आपसे जेवड्ये आन्गे बठाडीन मटलु हक आप देदु, ने चु ईस्रायली जातीन माणसे काजे पापे भीणी सी मन फेरवीन, भगवान भीणी वळनेन ताकत

ने पापेन माफी आपे। 32 ईनी आखी वातेन गवा हामु छे, ने चुखली-आत्मा बी छे, ने चु चुखली-आत्मा, भगवान तीनु माणसेक आपलु छे, जे भगवानेन हुकुम काजे पाळे।” 33 जी वात सामळीन चे बेसका रीसाय गुया, ने ईसुन नेवताळा काजे मार नाखणेन वीच्यार कर्या। 34 यहूदी माणसेन मटली बसक मां गमलीयेल नावेन एक फरीसी माणुस हतलु, चु मुसान साहरे लिखली सास्तुरेन कायदा सीकाइन्यु मास्तार हतलु, ने तेरी ईजजत आखा करतला। चु यहूदी माणसेन बसक उबु हयने हुकुम आप्यु की “ईनु ईसुन नेवताळाक ईतरीक वार लग बाहर ली जावु।” 35 ने अळी चु बसक मायन ईस्रायली माणसेक कह्यु, “ए ईस्रायली जातीन माणसे, तुहुं ईनु माणसे साते ज काय करने हींड रया, च वारु वीच्यार करीन करजु। 36 काहाकी ईनु दाहडा सी पेहले थीयुदास नावेन एक माणुस ज कवतु जायन उबु हयु, ‘मे काही छे’ ने च्यारेक सोव माणसे तेरे पर भुरसु करीन तेरे पुट्ये चाल पड्या, बाकुन तीनाक काहनुक मार नाख्यु; ने दत्रा बी माणसे तेरे पुट्ये हतला, चे आखा रावण्या-तीवण्या हयन सर गुया। 37 अळतेन माणसेन गिन्तीन टेम आवी, तीने टेमे गलील जीला मां रवण्यु यहूदा उजेंतु हयु। चु ईतराक माणसे काजे तेरे भीणी कर लेदु, बाकुन तीनाक बी काहनुक मार नाख्यु। ने तेरे पर भुरसु करन्या बी रावण्या-तीवण्या हय गुया 38 तेरेसी मे तुहुं काजे कहं की तुहुं ईनु ईसुन नेवताळा सी छेटा रवणु, ने हींद्रा काम मां आडा मां देवायु, काहाकी हींद्री युजना ने काम माणसे वगे सी हसे ती ची आपसीत सर जासे। 39 बाकुन कदी जी युजना भगवान सुदी सी हसे, ती तुहुं हीनुक कदी सारी नी सकु; ने तुहुं भगवानेन वीरुद हयन तेरे साते लडायण्या बी गीणायसु।” तत्त्यार चे बसक मायन ईस्रायली माणसे गमलीयेलन वात मान लेदा। 40 ने चे, ईसुन नेवताळा काजे बुलावणे मकल्या ने जत्त्यार तीनुक ली आया ती तीनुक ठुक्या; ने तीनुक जु हुकुम आपीन कह्या, “ईसुन नाव लीन कुय साते वात धुण करु।” ने अळतेन तीनुक छुड देदा। 41 ने ईसुन नेवताळा जी वात सामळीन ज कवता जायन खुस हयन मटली सभा मां सी जाती रया, “कम सी कम हामरी ईसुन नावे नाव-बद्दी ते हपी।” 42 चे दाहडीत मंदीर मां, ने घर-घर जायन ईसुन वात सामळावता रया, ने ईसुन ची खुस-खबर सामळावता गुया की “ईसुत मसी छे।”

6 तीनु दाहडाम जत्त्यार माणसे जादात ईसुन चेला बणीन ईसु मां भेसकाया। ती युनानी बुली बुलन्या, ज कहीन कुर-कुर करने बाजी गुया, “दाहडीन खाणाम ने समान वाटे, ती हामरा रांडायला बायरा काजे टाळ देय ने तीनुक काय नी आपे।” 2 तत्त्यार ईसुन बारे नेवताळा, चेलान बसक बुलावीन कह्या, ज वारु नी हय की हामु खाणु वाटणेन करता वारती बणीन भगवानेन बुल छुड देजे। 3 तेरेसी ए भायस्यो, तुहुं आपसा मां सी वारलु गुण वाळा अदमी काजे नेवाड लेवु, तींद्रेम चुखली-आत्मा पुरु-पुरु भरायलु छे, ने चे अक्कल वाळा ने ईमानदार

छे, ने हामु तीनुक खाणु ने समान वाटणेन हक आप देसु। 4 बाकुन हामु भगवान धडे दुवा करता रवसु ने भगवानेन बुलेक वाटणेन चाकरी करता रवसु। 5 जी वात सामळीन आखा माणसे खुस हय गुया। ने चे स्तीफनुस काजे नेवाड लेदा तेरेमां चुखली-आत्मा पुरु-पुरु भरायलु हतलु, ने चु ईसु पर पाक्कु भुरसु करन्यु हतलु। ने चे फीलीपुस काजे, ने पुरखुरुस काजे, ने नीकानोर काजे, ने तीमोन काजे, ने परमीनास काजे, ने अनताकीया वाळा नीकुलानुस काजे जु यहूदी धरम काजे मानने बाजी गुयलु हतलु, नेवाड्या। 6 ने चे तीनुक ईसुन नेवताळा अगळ उबा कर देदा ने ईसुन नेवताळा तीनु नेवाडला वाटे भगवान धडे दुवा कर्या ने अळी तींदरे पर आपसा हात मेल्या। 7 भगवानेन वात फेलायती गुय, ने यरुसलेम मां बेसका ईसु पर भुरसु करीन चेला बण गुया; ने भगवानेन डाहला पुजारान मटलु टुळु ईना ईसुन भुरसा काजे मान लेदा। 8 स्तीफनुस भगवानेन गीण-दया ने भगवानेन जुरे सी भरायन माणसे मां सहलाणीन वारु काम देखाडतेलु। 9 तीनी टेमे छुट्ला-माणसे नावेन यहूदी माणसेन भक्तीन घरे मायन हतला, कुरेनी ने सीकेन्दर्या ने कीलक्या ने आसीयान माणसे मां सी एक-एक जणु उठीन बेसका जणा स्तीफनुस साते वातेम जखडी पडने बाजी गुयला 10 बाकुन स्तीफनुस भगवानेन चुखली-आत्मान अगवाय मां ने भगवानेन अकलेन अगवाय मां बुलतेलु तेरेसी तीनुक स्तीफनुसेन वात काटायी नी सकी। 11 तेरेसी चे पयस्या आपीन थुडाक अदमीक जी झुटी गवा देवाड्या, “हामु ईना स्तीफनुस काजे मुसान ने भगवानेन नाव-बद्दी करतलु सामेळला छे।” 12 असा करीन चे माणसे काजे, ने पुडारी काजे ने यहूदी-धरम सीकाइन्या मास्तार्या काजे भडकावीन उचकाणुन स्तीफनुसनां आय लाग्या ने तीनाक धरीन मटली बसक अगळ ली गुया। 13 ने चां चे झुटा गवा उबा कर्या, ने चे झुटा गवा देण्या कह्या “जु अदमी दाहडीत ईना चुखला मंदीरेन ने मुसान साहरे लिखली सास्तुरेन नाव-बद्दी करे।” 14 काहाकी हामु ईनाक ज कवतेलु सामेळला छे, “ईसु नासरी ईना मंदीर काजे उदार देसे, ने मुसान साहरे आपली रीती-भातीक बदली देसे।” 15 मटली बसक मां बसला आखा माणसे स्तीफनुस भीणी एक हेट्या देख रवला, ती तीनुक, स्तीफनुसन मुंहडान सीकु सरग काहावाळ्यान तसु देखाय देदु।

7 भगवानेन डाहलु पुजारु पुछ्यु, “जे माणसे तारे पर जु गुनु लागड रया, चु गुनु सय छे काय?” 2 तत्त्यार स्तीफनुस कह्यु, ए डाहा-डाहा ने भायस्यो! मारी वात सामळु। जत्त्यार हामरु बास अब्राहम, हारान मां बसणेन पेहले मेसोपोटामीया मां रवतेलु, ती तीनी टेमे सेक-सींगार भर्यु भगवान तीनाक देखाव पड्यु, 3 ने कह्यु, आपसो देस ने आपसा घर काजे छुड दे, ने तीने देस जां, ज देस मे तुसेक देखाडीस। 4 तत्त्यार अब्राहम कसदयान देस हारान सहर मां बस गुयु। तेरु बास मर गुयु ने अळी भगवान तीनाक चां सी ईना देस मां लायु, जां

तुहं हींताळ रय र्या। 5 ईना देसेम भगवान तीनाक जागरी रीते काहनी जागा नी आप्यु, चां लग की पाय मेकणे करीन बी जागा नी आप्यु। बाकुन चु वायदु कर्यु की मे ज देस तुसेक ने अळी तारी अवल्यात काजे आपीस तीनी टेमे अब्राहमेन एक बी पुर्यु नी हतलु। 6 भगवान अब्राहम काजे ज बी कह्यु, तारी अवल्यातेन अवल्यात दीसरा देस मां परदेसीन तसा रवसे। ने चां आखा माणसे तीनुक गुलाम बणायन जुर जबरान काठो काम करावीन चार सोव साल लग वेला पाडसे। 7 अळी भगवान कह्यु, जुर जबरान काठो काम करावीन वेला पाडन्या नी-यहुदी माणसे काजे, मे नीयाव करीन डंड आपीस, ने अळी काठो काम करन्या तीना देसेम सी नीकाळ लावीस ने ईनीत जागे मारी सेवा करसे। 8 ने भगवान ईब्राहीम वाटे फतरी काटणेन बुली कर्यु, ने असु करीन चु इसाकेन बास बण्यु ने आठवे दाहडे तेरी फतरी काटायी। इसाक, याकुपेन बास बण्यु, ने याकुप बारे कुळेन डाहलु बास बण्यु। 9 कुळ धेणया, युसुफ मां परदेसी चे युसुफ काजे मीसरे देस जाण्या वेपारी काजे वेच देदा; बाकुन भगवान युसुफ पुठ्ये हतलु। 10 चु आखी गरा सी युसुफ काजे बचाड्यु। भगवान युसुफ काजे मीसरेन राजा फीरोन अगळ गीण-दया ने अक्कल आप्यु; ने चु राजा युसुफ काजे आपसा घरबारेन हकदार्यु बणाय देदु। 11 तीनी टेमे आखा मीसर देसेम ने कनान देसेम काळ पड्यु; ने भारी गरा आवी, ने आपणा आडा-बुडा काजे खाणे करीन काय नी जड्यो। 12 जतयार याकुप ज सामळ्यु की मीसर देस मां अन जडे, ती चु हामरा आडा-बुडा काजे चां पेहली कावा मकलयु। 13 ने चे दीसरी कावा चां मीसर मां गुया, ती युसुफ आपसा भायस्यो काजे आपसी उळखाण कराड्यु, ने फीरोन राजा काजे युसुफेन घरनयान पतु चाल्यु। 14 ततयार युसुफ आपसा याकुप ने तेरा आखा घरबार्या काजे बुलाय मांग्यु। चे आखा मेळीन पांच कम च्यार वीसु माणसे हतला। 15 याकुप मीसर देस गुयु। ने आपणा आडा-बुडा बी मरीन सर गुया। 16 अळी तींद्रा धडेक सकेम मां लाया, ने तीना मसाण्या मां अगे कर्या, जां अब्राहम सकेम मां हामरेन पुर्या धडे चांदी आपीन मुल लेदलु। 17 बाकुन जतयार भगवान अब्राहम साते जु वायदु कर्यु, चु वायदु पुरु हवणेन टेम धडे आय रवली, ती आपणा माणसे मीसर देस मां बेसका हय गुया। 18 ततयार मीसर मां एक नवलु राजा पयदा हयु, जु युसुफेन बारामां काय बी नी जाणतेलु। 19 चु आपणा जातीन माणसे साते काट राखीन वेला पाड्यु। तेरेसी आपणा आडा-बुडा काजे आपसा पुर्या काजे मरने करीन बाहर नाखणु पड्यो। 20 तीनी टेमे मुसु पयदा हयु। भगवानेन नींगा मां चु बेसकु वारु हतलु, ने तीन महना लग आपसा बासेन घर मां पुसायु। 21 ने जतयार पुर्या काजे बाहर नदी मां नाख देदा, ती फीरोन राजान पुरे तीना पुर्या काजे ईछ लेदी, ने तीनाक आपसा पुर्यान तसी पाळी-पुरसी। 22 ने मुसा काजे मीसर देसेन आखी वीद्या भणाय। ने मुसु वातेम ने काम मां जुर भर्यु बण गुयु। 23 जतयार मुसु चाळीस सालेन हय गुयु, ती तेरा मन मां वीच्यार आयु की मे मारा ईस्रायेली भाय-बेटाक भेळु हव। 24 तींद्रे मायन एक जणा काजे वेला पाडतेला देखीन मुसु तेरे वळ्यु नी हयु, ने मीसर देस वाळा काजे मारीन वेला पाडनेन बद्लु लेदु। 25 मुसान वीच्यार जु हतलु की मारा भायस समजी जासे की भगवान एरे साहरे हामुक छुटकारु आपसे बाकुन चे तसा नी समज्या। 26 दीसरे दाहडे मुसु दुय ईस्रायेली भाय-बेटा काजे लडायतेला देख्यु, ती चु तींद्रेनचां आवीन तीनुक मेळ करावणे करीन तीनुक कह्यु, ए भायस्यो, तुहं काहा आंबा-सांबा लडायन एक दीसरान नुकसाण कर रया? 27 बाकुन जु अदमी आपसा भाय-बेटा साते लडायन तेरो नुकसाण करी रवलु चु, मुसा काजे धकली देदु, ने कह्यु, कुण तुसे काजे हामरु मुखी ने नीयाव करन्यु बणावलु छे? 28 काल ते, तु तीना मीसर देस वाळा काजे मार नाख्यु। तसुत मेसे काजे बी मारने हींड रयु काय? 29 जी वात सामळीन मुसु चां सी ढास गुयु ने मीदयान देस मां परदेसी बणीन रवणे बाजी गुयु। ने तीना मीदयान देसेम तेरा दुय पुर्या हया। 30 जतयार चां रवते-रवते चाळीस साल हय गुया, ती एक भगवानेन सरग वाळु काहवाळ्यु, सीनाय बयडा पर एक धपतेला काटाळ्ळा झाडका मां देखाव पड्यु। 31 ज देखीन मुसु चकराय गुयु, ने धपतेला झाडका काजे देखणे करीन धडेस गुयु, ती चु मालीक भगवान काजे ज कवतेलु सामळ्यु, 32 मे तारा आडा-बुडान भगवान छे, अब्राहमेन, ने इसाकेन, ने याकुपेन भगवान छे। ज सामळीन मुसु थर-थर कापणे बाजी गुयु ने तीनाक धपतेलो झाडको अळी देखणे हिममत नी चाली। 33 ततयार मालीक मुसा काजे ज कह्यु, तु तारा पायेम पेहरला चीपलया नीकाळ दे, काहाकी तु जां उबु हय रयु, ची जागा चुखली छे। 34 मे मीसर देस मां रवण्या मारा माणसेन वेला काजे देखलु छे; ने तींदरो कासणु ने रडनु सामेळ्लु छे; तेरेसी मे तीनुक छुडावणे करीन आवलु छे। हय तीयार हय जां। मे तुसेक मीसर देस मां मकलीस। 35 तीना मुसा काजे ज कवता जायन तेरु नीकारु करला, कुण तुसे काजे हामरु मुखी ने नीयाव करन्यु बणावीन तीना सरग वाळा भगवानेन काहवाळ्यान साहरे तींद्रेनचां मकलयु, जु तीनाक धपतेला काटाळ्ळा झाडका मां देखाव पडलु। 36 हयुत मुसु तीनुक मीसर देस मां ने रातला समुदर मां ने जंगल मां चाळीस साल लग मटो-मटो वारु काम ने सहलाणी देखाडीन तीनुक नीकाळ लायु। 37 जु हयुत मुसु छे, जु ईस्रायेली माणसे काजे ज कहलु, भगवान तुंदरात भायस्यो मां सी तुंदरे वाटे मारेन तसु एक धरमी भगवानेन अघली वात बताडने वाळु उबु करसे। 38 मुसु जंगल मां आपणा माणसे मां उबु हयन आपणा आडा-बुडा ने तीना सरगदुतेन ईचमां भानगड्यु बण्यु, जु सीनाय बयडा पर तेरे साते वाते लाग्यु। तीनाक जीवतेला भगवानेन बुली जडी, तेरेसी चु जी भगवानेन बुली आपणुक सामळावे। 39 बाकुन आपणा आडा-बुडा तेरी वात मानने नी हींडया; बाकुन

चे मुसान वात काजे टाळ देदा। ने मीसर देस भीणी आपसो मन लागाड्या। 40 ने चे हारुन काजे कह्या, हामरे वाटे असु देवता बणाव, जु हामरे अगळ-अगळ चाल तसु; काहाकी जु मुसु हामु काजे मीसर देस सी लावल, तेरो काय हयो ने काय नी जाणे हामुक मालुम नी हय। 41 तीनु दाहडाम चे केवडान मुरती बणायन तेरे अगळ जनवार्या मारीन चडाय्या; ने तेरी पुजा-पाट कर्या; ने चे हाते बणावली मुरतीन तीहवार वाळीन खुस हय गुया। 42 तेरेसी भगवान तींदरे सी आडु देख लेदु, ने चु तीनु काजे सरगेन तारान पुजा करने करीन रवणे देदु; जसु भगवानेन अघली वात बताइने वाळा माणसेन किताप मां बी लिखलो छे: ए ईस्रायेली माणसेन घरना, तुहुं चाळीस साल लग जंगल मां, मारी पुजा-पाट करने करीन जनवार्याक मारीन बली चडायला ने रुटा करीन चडाय्या करतैला काय। 43 तुहुं मेलेक देवतान तमबु काजे, ने रेफान देवतान तारा काजे आपसा खांदा पर हाकलीन ली गुयला, ने तुहुं तीनु मुरत्या काजे बी पुट्ये ली गुयला तीनु काजे पुजणे ने आंधणे करीन बणावला हतला। तेरेसी मे तुहुं काजे बेबीलोन ईलाका सी बी लांबे मकली दीस। 44 जंगल मां हामरा आडा-बुडा धडे गवान तमबु हतलु। भगवान मुसा काजे ईना तमबुन बारामां ज हुकुम आप्यु हतलु, मे तीना तमबुन सहलाणी तुसे काजे देखाडलु छे, तीनी सहलाणीन अनुसार तमबु बणावजी। 45 पछेन चु तमबु अगली पीडीन आपणा आडा-बुडा यहेसुन अगवाय मां जां ली आया; तीने टेमे चे नी-यहुदी धडे जी धरती हापकी लेदला, काहाकी भगवान नी-यहुदी काजे आपणा आडा-बुडा अगळ सी नीकाळ देदलु; ने असु करीन चु तमबु दावुदेन टेम लग आपणा आडा-बुडान हातेम रयु। 46 ईना दावुद पर भगवान गीण-दया कर्यु, ने दावुद जी हेर कर्यु की मे याकुपेन भगवान वाटे एक मंदीर बणावीस। 47 बाकुन सुलेमान याकुपेन भगवान वाटे मंदीर बणायु। 48 तेबी आखाम उचु रवण्यु भगवान माणसेन साहरे बणावला घर मां नी रयु, जसु भगवानेन अघली वात बताइने वाळु माणुस कवे, 49 सरग मारी राजगादी छे, ने धरती मारी पायेन पयडी छे, तुहुं मार वाटे काहनु मंदीर बणावसु? मालीक पुछे, मार वाटे आराम करनेन असु काहनु जागु छे, जां मे आराम करो? 50 काय ज आखो मार हात सी बणावलो नी हय काय? 51 ए काठला, ने मन ने कान्टान नी फतरी काटाडला माणसे! तुहुं जलम चुखली-आत्मान वीरुद कर्या करे। तुहुं तुंद्रा आडा-बुडान तसा छे। 52 तुंद्रा आडा-बुडा काहना भगवानेन अघली वात बताइने वाळु माणुस काजे वेला नी पाड्या? चेतें तीनु भगवानेन अघली वात बताइने वाळु माणुस काजे मार नाख्या, जे पेहेले सी तीना वारलु माणसेन बारामां कवला, जु आवणे वाळु हतलु। 53 तुहुं काजे सरग वाळा भगवानेन अघली वात बताइने वाळान साहरे कायदु ते जड्यु, बाकुन तीना कायदा काजे तुहुं पाळ्या नी। 54 जे स्तीफनुसेन वात सामळीन बेसका जबर रीसाय गुया, ने तेरे पर दात ककडावणे बाजी गुया। 55 बाकुन चुखली-आत्मा

स्तीफनुस मां पुरु-पुरु भरायन कब्जा मां कर लेदु ने चु सरगे भीणी एक हेट्यु देख्यु, ने भगवानेन सेक-सींगार काजे ने ईसु मसी काजे भगवानेन जेवड्ये आनगे उबु हय रवलु देख्यु। 56 ने चु कय पड्यु, “सामळु! मे सरगे काजे उघडलो, ने माणसेन पुर्या काजे भगवानेन जेवड्ये आनगे बसी रवलु देख र्यु।” 57 तेरी वात सामळीन चे आपसा कान्टा बुज लेदा, ने आखा एक वळा हयन तेरे भीणी हुडदीन आया। 58 ने तीनाक सहरे सी घीसडीन बाहर ली गुया, ने गवा देण्या माणसे आपसा पुथलया नीकाळीन सावुल नावेन एक जुवान माणुस अगळ मेल देदा। 59 ने चे माणसे स्तीफनुस काजे दगडटातात रया, ने चु असु वीनती कर्यु, “मालीक ईसु! मारा जीव काजे आवरी ले।” 60 ती चु मुंहडान भुरसे हीट पड्यु ने जुर सी आयडीन कह्यु, “मालीक! ईना पाप-गुनान डंड ईनुक घुण आपे।” ने ज कयदीन चु मर गुयु।

8 सावुल स्तीफनुसेन हत्याम राजी हतलु। तीने दाहडे सी माणसे यरुसलेमेन मंडळी काजे बेसका वेला पाडनु सुरु कर देदा, ने ईसुन नेवताळा काजे छुडीन आखान-आखा यहुदीया जीला मां ने सामर्या जीला मां रावण्या-तीवण्या हय गुया। 2 ईसुन भगत माणसे स्तीफनुसेन लास काजे बेसका रडता जायन वगे कर देदा। 3 सावुल तीनी टेमे ईसुन मंडळी काजे वेला पाडी रवला; ने चु ईसुन आखा माणसेन घर-घर जायन अदमीक ने बायराक घीसडी-घीसडीन लायन जेल मां नाखतेलु। 4 जे माणसे अथा-अथान रावण्या-तीवण्या हय गुयला चे हींडी-हींडीन ईसुन खुस-खबर सामळावणे बाजी गुया। 5 ने फीलीपुस, सामर्या जीलान एक सहर मां जायन चां ईसु मसीन बमदीन परचार करने बाजी गुया। 6 जतयार माणसे फीलीपुसेन वात सामळीन ने तेरे हाते हवतेली वारु कामेन सहलाणी देखीन, एक मन्या हयन बेसका मन लागाड्या। 7 काहाकी बेसका जणाम सी वीटेळ्ळा भुतडा आयडीन नीकळी गुयला, ने बेसका लखवान मांदवाड वाळा ने लंगडा वारका हय गुयला। 8 अळी तीना सहर मां खुसी आय गुई। 9 सीमोन नावेन एक अदमी फीलीप सी पेहेलेत ईना सहेरम आय रवलु। चु जादुन खेल देखाडीन सामर्या सहर वाळाक चकराड रवलु, ने आपसा काजे मे बेसकु-भारी माणुस छे, करीन आपसा काजे बेसकु मटु समजतेलु। 10 नानला सी मटला लग आखा माणसे तेरी वात मान्ता हतला, ने कवतेला, “जु माणुस भगवानेन ची ताकत छे, जी बेसकी-भारी कवाये।” 11 चु बेसका दाहडा सी जादुन खेल-खेलीन आखाक चकराड रयु, आखा माणसे तीनाक बेसका मानतेला। 12 बाकुन जतयार चे माणसे फीलीपुसेन साहरे भगवानेन राजेन खुस-खबर ने ईसु मसीन नाव सामळ्या, ईसु पर भुरसु कर्या ने बायरा ने अदमी बपतीस्मा लेणे बाजी-गुया। 13 ने सीमोन बी ईसु पर भुरसु कर्यु ने बपतीस्मा ली लेदु ने अळी फीलीपुस पुट्ये रवणे बाजी गुया। ने फीलीपन साहरे वारु कामेन सहलाणी ने मटा-मटा बेसका वारु कामे देख्यु,

ती चकराय गुया। 14 जत्तयार यरुसलेम मां रवण्या ईसुन पर चडावीन बठाड़ लेदु। 32 खरला सासतुरेन ज पाठ चु भन्ने नेवताळा ज सामळ्या की सामर्या वाळा भगवानेन बुल काजे मान लेदा, ती चे पतरस ने युहन्ना काजे तींदरेन्चां मकलया। 15 चे जायन सामर्यान भुरसु करणे वाळा वाटे भगवान धडे दुवा कर्या की ईनुक चुखली-आत्मा जडनु चाहजे। 16 काहाकी हय लग तीनु काजे चुखली-आत्मा नी जड्यु, तीनुक मालीक ईसुन नावे बपतीस्मा अतरोत आप्ला हतला। 17 अतरे पतरस ने युहन्नु तींदरे पर हात मेक्या ने तीनुक चुखली-आत्मा जड गुया। 18 सीमोन ज देख्यु की ईसुन नेवताळा माणसे पर हात मेके अतरात ने तीनुक चुखली-आत्मा जड जाय। तेरेसी चु तींदरेन्चां रुप्या लावीन कह्यु। 19 “मे तेरे पर बी हात मेको तीनाक चुखली-आत्मा जड जाणु चाहजे, असु हक मेसेक बी आपु।” 20 बाकुन पतरस तीनाक जपाप आप्यु, “तारे पुठ्ये तारा रुप्या बी सर जाणु चाहे, काहाकी तु भगवानेन वाटा काजे रुप्या आपीन हात करणेन हेर कर्यु। 21 ईनी वातेम तारु हीससु बी नी हय, ने हक बी नी हय। काहाकी भगवान अगळ तारो मन सुदो नी हय। 22 हेरे सी तु तारा ईना भुंडा मन सी फीरीन भगवान सुदु वळ ने मालीक ईसु सी वीन्ती कर। कांखुर मायन भगवान तारा मनेन वीच्यारेन माफी आप देय ते आप देय। 23 काहाकी मेसेक चुखोझण देखाव पड रयो की तु आखी भातीन पाप मां फांदायलु छे।” 24 जी वात सामळीन सीमोन जपाप देदु, “तु जी बी वात कवलु छे, तसों मार धडे नी हवणु चाहे, करीन तुहुं मालीक भगवान धडे मारे वाटे वीन्ती करु!” 25 अळतेन चे ईसुन नेवताळा, मालीक ईसुन गवाय दीन ने भगवानेन बुल सामळावीन यरुसलेम पळा जात रया, ने वाट्ये-वाट्ये बेसका सामर्या जीलान गांव मां ईसुन खुस-खबर सामळावता गुया। 26 अळतेन मालीक भगवानेन एक सरग वाळु काहावाळ्यु फीलीपपुस काजे कह्यु, “उठ यरुसलेम सी गाजा सहर भीणी जाणे वाळी वाट पर दाखणाव जां।” जी वाट उजाडी बयडा मां छे। 27 सरग वाळा भगवानेन अघली वात बताडने वाळान वात सामळीन फीलीपपुस उठीन चाल पड्यु। चां वाट्येत कुस देसेन एक माणुस जाणे बाजी रव्लु, चु गतराडु हतलु ने कुस देसेन कंदाके राणीन एक मंतरी ने पयस्या टकान हीसाब राखण्यु हतलु, ने चु भगवानेन पुजा-पाट करणे करीन यरुसलेम आवलु हतलु, ने पुजा-पाट करीन पछु जाणे बाजी रव्लु। 28 चु आपसी घुडागाडी पर बस रव्लु, ने भगवानेन अघली वात बताडने वाळु यसायान किताप भन्ने बाजी रव्लु। 29 भगवानेन चुखली-आत्मा फीलीपपुस काजे कह्यु, “अगु जां, ने घुडागाडी पुठ्ये चाल पड।” 30 फीलीपपुस दवडीन तेरेन्चां गुयु ने चु तीनाक भगवानेन अघली वात बताडने वाळु यसायान किताप भणतेलु सामळ्यु, ने तीनाक पुछ्यु, “तु जी वात भन्ने बाजी रयु, जी वात समजी रयु काय?” 31 चु अधीकारी जपाप आप्यु, “जत्तयार लग कुय मेसेक नी समाजडे, ती लग मे कसु समजो?” ज कयदीन चु फीलीपपुस काजे आपसी घुडागाडी

पर चडावीन बठाड़ लेदु। 32 खरला सासतुरेन ज पाठ चु भन्ने बाजी रव्लु, च पाठ ज हतलो तीना काजे गाडरान तसा मारने करीन ली गुया, ने जसों गाडरो तेरा कान्या काटणेन टेमे हुगो हय रवे, तसतु तु हुगु हय रयु, ने आपसो मुंहडो लग नी उगाड्यु। 33 चु भुळु बणीन रयु, बाकुन ईने टेमे तेरु नीयाव नी हयु, ने तीनी टेमेन माणसेन बारामां कुण कवसे, काहाकी धरती पर सी तेरी जीवाय हाकलाय गुया। 34 ईनी टेमे गतराडु फीलीपपुस काजे पुछ्यु, “तु मेसेक दया करीन देखाड की भगवानेन अघली वात बताडने वाळु माणुस जी वात कुणीन बारामां कय रयु, आपसा बारामां कय रयु की काहना दीसरान बारामां कय रयु?” 35 ती फीलीपपुस ईनी खरली सासतुरेम सी सुरु करीन ईसुन खुस-खबर सामळायु। 36 वाटे चालता-चालता चे पाणी हतलो चां आखा पुग गुया। पाणीक देखीन गतराडु कह्यु, “देख, पलो हयो पाणी। हय मेसेक बपतीस्मा लेणेम काय रुक छे?” 37 फीलीपपुस कह्यु, कदी तु पुरो-पुरो मन लागाडीन भुरसु करे, ती ली सके। चु जपाप आप्यु, “हव, मे भुरसु करो की ईसु मसी भगवानेन पुर्यु छे।” 38 तत्तयार गतराडु घुडागाडी चालाडन्याक घुडागाडीक उबराक दे कह्यु, ने फीलीपपुस ने गतराडु दुय जणा पाणी मां भराया ने फीलीपपुस तीनाक पाणी मां बपतीस्मा आप्यु। 39 जत्तयार चे पाणीम सी बाहर आया, ती मालीक चुखली-आत्मा फीलीपपुस काजे ईछ ली गुया। गतराडु, तीना फीलीपपुस काजे अळी नी देख्यु; ने चु गतराडु खुस हयन आपसे वाटे-वाटे अगु चाल पड्यु। 40 ने फीलीपपुस असदोद मां देखाव पड्यु, ने चु जत्तयार लग केसर्या नी पुग्यु, ती लग सहरे सहरेम ईसुन खुस-खबर सामळावतु गुयु।

9 सावुल, भगवानेन डाहला पुजारान्चां गुयु, सावुल हय बी मालीक ईसुन चेला काजे धमकी दीन तीनुक माराडने हींडी रवला। 2 ने चु भगवानेन वाट देखान्या अगवाय करन्यान चां जायन, दमीस्क सहरेन यहूदी माणसेन भक्तीन धरेन नावे ईसुक मान्या अदमीक ने बायराक बांदीन यरुसलेम लावणेन हक मांग लायु। 3 बाकुन चालते-चालते सावुल दमीस्क सहर धडे पुग्यु, ती उचकाणुन सरगे सी तेरे चारेमेर वीजाळो हय गुयो। 4 चु सावुल भुयमां हीट पड्यु, ने तीनुक असु कवतेलु एक बुल सामळायु, “सावुल! ए सावुल! तु मेसेक काहा वेला पाडे?” 5 सावुल कह्यु, “मालीक! तु कुण छे?” सावुल काजे पछु सामळायु। “मे ईसु छे, तीनाक तु वेला पाड रयु। 6 बाकुन हय तु उठीन सहरेम जां, ने तुसेक ज करनु चाहे च, मे तुसेक देखाड दीस।” 7 जे माणसे सावुल भेळा हतला, चे तसात उबा हयन देखतात रया; काहाकी चे बुल ते सामळतेला बाकुन तीनुक कुय बी देखाव नी पड्यो। 8 अळी सावुल भुयमां सी उठ्यु, ने डुळा उगाड्यु बाकुन तीनाक ईतरोक बी नी देखायो। अळी तेरा साती तेरु हात धरीन तीनाक दमीस्क सहर ली गुया। 9 ने तीनाक तीन दाहडा लग काय बी नी देखायो, ने तीने टेमे चु खाणो बी नी खादु ने पाणी बी नी पीदु। 10 दमीस्क सहर मां हनन्या नावेन

एक भुरसु करने वाळु चेलु रवतेलु। मालीक ईसु तीनाक देखीन कह्यु, “ए हनन्या!” चु हनन्यु कह्यु, “हव, मालीक मे सामळी र्यु।” 11 ती मालीक तीना हनन्या काजे कह्यु, “उठीन, ‘सुदी’ नावेन गळी मां जां, ने यहदुधन घर मां जायून तरसुस मां रवण्या सावुलेन बारामां पतु लागगड ले; काहाकी चु भगवान धडे वीन्ती करने बाजी र्यु। 12 ने चु दाखलु छे की ‘जु अळी पछु देखणे बाजी जाणु चाहे’ करीन हनन्या नावेन एक अदमी माहीं आवीन मार मुणका पर हात मेल र्यु।” 13 हनन्या वात टाळतु जायून जपाप आप्यु, “ए मालीक! मे जाहान माणसे धडे सी एरे बारामां सामळी र्यु की चु अदमी यरुसलेम मां तारा चुखला माणसे काजे बेसकु वेला पाडीन नुकसाण करलु छे। 14 ने ‘जे माणसे तार नाव पर भुरसु करे, तीनु आखा काजे बांदीन ली आवणु चाहे।’ करीन हीनाक भगवानेन डाहला पुजारा धडे सी हक जडलु छे।” 15 बाकुन मालीक ईसु, हनन्या काजे कह्यु, तु जात रव! काहाकी मे हीना काजे आखा नी-यहुदी माणसे अगळ, ने राजा अगळ, ने ईस्रायली जातीन माणसेन अगळ मारो नाव उजेंतो करने करीन नेवाडलु छे। 16 ने मार नावे हीनाक कसा दुख झेलनु पडसे, ची वात मे देखाडीस। 17 ती हनन्या चां सी उठीन सावुल हतलु, चां गुयु, ने घर मां जायून सावुल पर हात मेकीन कह्यु, “ए भाय सावुल, तु पछु देखणे बाजी जाणु चाहे करीन ने चुखली-आत्मा तारे मां पुरी भराय जाणु चाहे करीन, मालीक मतलब ईसु, मेसे काजे तारेन चां मकेल्लु छे, जु तुसे काजे वाटे देखाव पडलु।” 18 ने तत्यारुत सावुलेन डुळा मां सी छलटान तसा काहीग पड्यो, ने चु पछु देखणे बाजी गुयु ने उठीन पाणीम बपतीसमा लेदु; 19 अळी खाणु खायून टणकु हय गुयु। ने चु सावुल दमीस्क मां रवण्या ईसुन चेला पुठ्ये थुडाक दाहडा र्यु। 20 ने अळी चु मामार यहूदी माणसेन भक्तीन घर मां जायून जुर सी ईसुन परचार ज कयून करने बाजी गुयु की “ईसुत भगवानेन पुर्यु छे।” 21 ने आखा सामळन्या चकरायून कवणे बाजी गुया, “जु चु माणुस नी हय काय, जु यरुसलेम मां ईसुन नाव लीन वीन्ती करन्या काजे जनम सीत सारनेन कुसीत करतेलु? ने हयु जां बी एरेन करीन आवलु हतलु, की तीनुक धरीन भगवानेन पुजारान्चां ली जाय।” 22 बाकुन सावुलेन जुर अळी बी वदतु गुयु, ने चु पुरावु दी-दीन ज कवतेलु की “ईसुत मसी छे।” असु करीन चु दमीस्क मां रवण्या यहूदी माणसेन बुलती बंद करतु र्यु। 23 जत्यार बेसका दाहडा हय गुया, ती यहूदी माणसे तीनुक मुजगी करीन मार नाखणेन जाळसांदी बणाया। 24 बाकुन सावुल काजे तींद्री जाळसांदीन बारामां पतु चाल गुयु। चे ते सावुल काजे रात दाहडु मारने करीन सहेरेन झपला पर डेंगु लीन काठु पररु दी रवला। 25 बाकुन राते सावुलेन चेला सावुलेक ली जायून चार्या मां बठाड्या, ने सहेरेन चारेमेर भीतडा पर सी चार्यो टांगीन नेचा उतारीन ढासाड देदा। 26 जत्यार सावुल यरुसलेम पुग्यु, ती चु ईसुन चेलान टुळा मां भेसकायणे कर्यु, बाकुन चे

आखा तीनाक देखीन बीहतेला, काहाकी तीनुक भुरसु नी हयु की जु बी छाचलीन चेलु बण गुयलु छे। 27 बाकुन बरनाबास, सावुल काजे ईसुन नेवताळान्चां ली जायून तीनुक कह्यु की “सावुल काजे मालीक वाटे देखाव पड्यु ने तरे साते वार करलु छे, ने जु सावुल दमीस्क सहेरेम बीहे बीगुर ईसुन नावेन परचार करलु छे।” 28 अळी सावुल यरुसलेम मां चेलान्चां आवतु-जातु र्यु। ने चु बीहे बीगुर मालीकेन नावेन परचार करतु र्यु। 29 ने चु युनानी बुली बुलन्या यहूदी साते वातेम जखडी र्यु; बाकुन चे तीनाक मार नाखणेन कुसीत कर्या। 30 जत्यार सावुलेन भाय बंद्या काजे पतु चाल्यु ती चे तीनाक केसर्या सहर मां ली जात रया ने अळी तीनाक तरसुस मकली देदा। 31 तीनी टेमे आखा यहूदीया जीला मां, ने गलील जीला मां, ने सामर्या जीला मां ईसुन मंडळी काजे सुक-सांती जडी, ने ईसुन मां नवला माणसे जुडायता गुया; ने तीनी काजे मालीक ईसुन डर सी ने दीलासु आपणया चुखला चुखली-आत्मा मां वदती जातली। 32 पतरस तीना आखा परगाणाम फीरी-फीरीन, लीद्दा मां ईसुन चुखला माणसेक भेळु हवणे गुयु। 33 चां तीनाक एनीयास नावेन एक माणुस भेळु हयु, चु आठ साल लग गुदडा मां पडी रवलु। काहाकी तरे लखवु दुख हात लाग रवलो। 34 पतरस तीना काजे कह्यु, “ए एनीयास! ईसु मसी तुसेक वारु करे। उठ ने तारो गुदडो सय करीन मेल।” ने चु तत्यारुत उठीन उबु हय गुयु। 35 तत्यार लीद्दा ने सारोन मां रवण्या माणसे तीना वारु हवला माणसेक देख्या ने चे मालीक ईसु पर भुरसु करीन मान लेदा। 36 याफा मां तबीता मतलब दोरकास नावेन ईसुन एक चेली रवतेली। ची बेसकी दीसरान भलाय करतेली ने गरीबेक दान आप्या करतेली। 37 तीनु दाहडाम ची मांदी पडी ने मर गुय; ने माणसे तेरी लास काजे उघळावीन घरेन उपरी कमरा मां ली जायून मेल देदा। 38 लीद्दा याफा सहर सी लांबे नी हतली, ने चेला ज सामळ्या की पतरस लीद्दा मां छे ती दुय अदमी काजे मकलीन तीनाक जी वीन्ती कर्या, की “तु मामार हामरेन्चां आव, ने वार मां लागगडे।” 39 पतरस तत्यारुत तींद्रे पुठ्ये चाल पड्यु ने जत्यार चु याफा मां पुग्यु, ती माणसे तीनाक उपरी पर ली गुया; ने आखा रांडायला बायरा रडता जायून आवीन तरे चारेमेर उबा हय गुया; ने कुरतो ने पुथल्या दोरकास तींद्रे पुठ्ये रयून बणावली हतली, चे कुरता ने पुथल्या देखाडने बाजी गुया। 40 ती पतरस आखाक बाहर मकली देदु, ने मांडा टेकीन भगवान धडे दुवा कर्यु; ने लास भीणी देखीन कह्यु, “ए तबीता! उठ।” तत्यार ची आपसा डुळा उगाड देदी, ने पतरस काजे देखीन उठीन बठ गुय। 41 पतरस तीनीक हात धरीन उठाड्यु, ने चुखला माणसेक ने रांडायला बायरा काजे बुलावीन तीनीक जीवती-जागती तींद्रे अगळ उबी कर देदु। 42 जी वात आखा याफा सहर मां फेलाय गुय, ने बेसका माणसे मालीक ईसु पर भुरसु कर्या। 43 ने पतरस थुडाक दाहडा लग याफा सहर मां सीमोन नावेन एक चमारटान्चां र्यु।

10 केसर्वा सहर मां कुरनेलीयुस नावेन एक माणुस रहतेलु, पुर्ये जात रव; काहाकी हीनुक मेत मकेल्लु छे।” 21 तत्पार चु ईताल्या नावेन सीपायडान टुळान सुबेदार हतलु। पतरस नेचु उतरीन तीनु माणसेक कह्यु, “देखु, तीनाक तुहुं हेरता-हेरता आय रया, चु मेत छे। तुहुं काय कामे आय रया?” 22 चे माणसे कहया, “टुळान सुबेदार कुरनेलीयुस धरमी ने भगवानेक बीहीन जीवतेलु, ने यहुदी गरीब माणसेक भगवानेक बीहीन जीवण्यु छे आखा यहुदी जाती मां वारलु आव-भाव वाळु माणुस छे, चुखलु सरग वाळु भगवानेन अघली वात बताइने वाळु कवलु छे की तु पतरस काजे तारे घर बुलाय लाव ने जो काय चु कवसे तेरी वात सामळजी।” 23 तत्पार पतरस तीनुक घर मां माहें बुलायु ने आव-भाव करीन तींद्री मेजवानी कर्यु, ने चे चांहान रात रया। ने दीसरे दाहडे पतरस तींद्रे पुठ्ये तीयार हयन जाती रयु, ने तीना याफा सहर मां रवण्या ईसुक मान्या भाय-बेटा बी तेरे साते गुया। 24 दीसरे दाहडे चे केसर्वा पुण्या, ने कुरनेलीयुस तेरा भाय-बेटा काजे ने अळी थुडाक साथी काजे भेळा करीन तींद्री वाट देख तेलु। 25 जत्पार पतरस कुरनेलीयुसेन घर आयु ने तेरा घर मां भरायणे बाजी रवलु, ती चु कुरनेलीयुस काजे भेळु हयु, ने कुरनेलीयुस पतरसेन पाये पडिन पतरस काजे वारु छे की करीन कह्यु; 26 बाकुन पतरस तीनाक उठाडीन कह्यु, “उबु हय जां, मे बी सीरप एक माणुस छे।” 27 ने पतरस कुरनेलीयुस साते वात करतु-करतु घर मां भरायु, ने चां बेसका माणसे काजे भेळा हय रवला काजे देख्यु 28 चु तीनाक ज कह्यु, “तुहुं काजे जी वात मालुम छे की यहुदी माणसे वाटे, नी-यहुदी घर आवणु-जाणु ने तींद्रे पुठ्ये उठणु-बसणु कायदान वीरुद छे। बाकुन भगवान मेसेक कवलु छे की ‘तु काहना बी माणुस काजे मुयळु ने वीटेळुळु मां कवे।’ 29 तेरेसी मेसेक बुलावणे आया, ती मे काय बी पुछे बीगुर जां आय गुयु; हय मे तुसेक पुछो की तु मेसेक काय कामे बुलाय रयु?” 30 कुरनेलीयुस कह्यु, “ईनेत टेमे, आज सी च्यार दाहडा पेहेल मे मारा घर मां मांजणीक दाहडे भगवान थडे दुवा करने बाजी रवलु, ती एक अदमी झळो-झळो करता पुथल्या पेहरीन मार अगळ उचकाणुन आवीन उबु हय गुयु। 31 ने कवणे बाजी गुयु, ए कुरनेलीयुस, जी दुवा तु भगवान सी करे ची दुवा, ने जे तु गरीबेक दान करे चे हेर कराइने करीन भगवानेनचां पुग गुयलो छे। 32 तेरेसी हय तु अदमी काजे याफा मां मकलीन सीमोन काजे जां बुलाय ले, जु पतरस कवाये। चु सीमोन नावेन एक चमारटान घर मेजवान्यु जाय रयु। तीना सीमोन चमारटान घर समुदर धडे छे; 33 ने तेरी वात सामळीन तत्पारुत माणसेक तारेन चां मकली देदु, ने तु जां आवीन वारु करलु छे। हय ज काय मालीक भगवान तुसेक कवणे करीन हुकुम आप्लु छे, च सामळने करीन हामु जां आखा भगवान आळ हजुर छे।” 34 ज आखो सामळीन पतरस कह्यु, “हय मे छाचलीन समजी गुयु, की भगवान काहनान मुंहाडा देखीन छीट नी राखे। 35 बाकुन जु काहनुक तीनाक बीहीन जीवे ने धरमेन काम करे, चु माणुस भगवान काजे गमे, भले चु काहनी बी जातीन माणुस कांखुर नी हय। 36 ने जीत सुक-सांती आपणी

खुस-खबर छे, तीनी काजे भगवान ईसु मसीन साहरे ईस्रायेली जातीन माणसे काजे सामळावलु हतलु। ने हीयुत ईसु मसी आखान मालीक छे। 37 तुहुंके ते, तीनी मटली वीतली वातेन बारामां मालुम छे, जी गलील जीला मां सुरु करयु, ने युहननु बपतीसमा आप्यु ने अळी तरे बारामां खुस-खबरेन परचार हयो। ने ची वात आखा यहूदीया जीला मां पुग गुया। 38 तुहुं नासरेत वाळा ईसुन बारामां जाणु की भगवान तीनाक आपसी ताकत ने चुखली-आत्मा आपीन नेवाड़ लेदु, ने चु ईसु वारलु कामे करतु जायन भलाय करयु, ने जतरा बी भुतडान कब्जा मां हतला, तीनुक चु छुड़ावतु रयु; काहाकी भगवान तरे पुठ्ये हतलु। 39 ने जु ईसु, यहूदीया जीला मां, ने यरुसलेम मां जे बी काम करयु, तीना आखा कामेन हामु गवा छे। बाकुन तीना ईसुक माणसे कुरुस पर मार नाख्या। 40 बाकुन भगवान तीनाक तीसरे दाहड़े मर्या-सर्याम सी जीवाड्यु ने तीनाक उजेंतु देखाव पड़ने देदु। 41 आखा माणसे अगळ देखाव नी, पड़ने देदु, बाकुन तीना गवा देण्या अगळ उजेंतु करयु। तीनुक चु भगवान नेवाड़ लेदलु, मतलब हामरे अगळ उजेंतु करयु। चु मर्या-सर्याम सी जीवतु, हय गुयु ने अळी हामु तरे पुठ्ये खादा-पीदा 42 ने चु भगवान हामुक हुकुम आप्लु छे, की 'तुहुं माणसे मां ईना ईसुन परचार कर; ने गवा देवु, की जु ईसु हयुत छे; तीना काजे भगवान जीवतेलान ने मरलान नीयाव करनयु नकखी करलु छे।' 43 ईना ईसुन बारामां आखा भगवानेन अघली वात बताड़ने वाळा माणसे असी गवा देदला, की जु कुय ईसु पर भुरसु करसे, तीनात काजे ईसुन नावे पापेन माफी जड़से।" 44 पतरस जी वात कवणे बाजी रवलु, ने चुखली-आत्मा तीनु भगवानेन बुल सामळन्या पर सरगे सी उतरीन आय लागयु। 45 नी-यहूदी माणसे काजे बी चुखली-आत्मान वाटु जड़ गुयु करीन पतरस पुठ्ये याफा सी आवला फतरी काटला यहूदी माणसे चकराय गुया, ने यहूदी माणसे बी ईसु पर भुरसु कर लेदला। 46 ने जे यहूदी माणसे नी-यहूदी माणसे काजे भात-भातीन बुली बुलतेला ने भगवानेन बड़ाय करतेला सामळी रवला। ती पतरस कह्यु, 47 "ईनु माणसे काजे हामुक जड़लु चु, चुखली-आत्मा जड़ गुयलु छे, ती हय ईनु काजे पाणी मां बपतीसमा लेणे सी कुण रुक सके?" 48 ने पतरस जु हुकुम आप्यु की, "ईनुक बी ईसु मसीन नावे पाणीम बपतीसमा आप देवु।" तत्यार चे बपतीसमा लेण्या पतरस सी वीनती कर्या की "ईतराक दाहड़ा तु हामरेन्चां रवा।" ने पतरस तीद्री वात मान लेदु।

11 ईसुन नेवताळा ने आखा यहूदीया जीला मां रहण्या ईसु पर भुरसु करन्या भाय-बेटा असा सामळ्या, की नी-यहूदी माणसे बी भगवानेन बुल मान लेदा। 2 जत्यार पतरस यरुसलेम मां आयु, ती फतरी काटणेन बारामां माणसे पतरसेन वात काटीन वाते-वातेम लड़ाय पड़्या। 3 ने कह्या, "तु नी-यहूदी माणसेन घर मां भरायु, ने तीदरे भेळतु खाणु खादलु छे।" 4 ती पतरस, जो काय हयो चो आखो सुरु सी आकरी

लग एकेक करीन समजाड़तु जायन कह्यु, 5 मे याफा सहर मां भगवान धड़े दुवा करने बाजी रवलु, ती मे चुखली जीव-आत्मा हय गुयु ने मारी चेत नी रयु ने मे जागतो-सपनो देख्यु, ने तत्यारुत सरग उघड़ी गुयो, ने चादरान तसों लांबो-चवड़ो काहनीक चीज काजे सरगे सी आथरायन उतरीन मार भीणी आयो, ने तेरा च्यारु खुणा धरती पर मेकाय गुया। 6 मे तीनी चीजेक धीयान सी देख्यु। धरतीम आखी भातीन च्यारपाया जनवार्या, जंगली जनवार्या, ने घीसायन चालन्या जनवार्या ने सरगेन चिरला हतला। 7 ने मेसेक एक बुली सामळ्या की ए पतरस! उठ, ने ईनुक मारीन खा। 8 बाकुन मे कह्यु, ए मालीक! मे ईनुक कदी मारीन नी खाम। काहाकी मे, मुयळ्ळी वीटेळ्ळी चीज आज लग नी खादु। 9 तेबी ची बुली दीसरी कावा अळी सरगे सी मेसेक सामळ्या, भगवान तीनी चीजेक चुखली कवलु छे, तीनी चीजेक तु वीटेळ्ळी घुण कवे। 10 असो तीन कावा हयो; ने अळी चो चादरा साय चीज सरगे मां पछी हाकलाय गुयो। 11 ने अळी तीनु तीन अदमी काजे केसर्या सहरमे सी मारेन्चां मकलयु, चे अदमी तीना घर मां हामु हतला, चां आय लाग्या। 12 तत्यार आत्मा मेसेक हुकुम आप्यु की तु हींदरे पुठ्ये बे फीकर्यु हयन जां। ने जे छव भायस बी मारे पुठ्ये चाल पड़्या; ने हामु तींदरे पुठ्ये केसर्या सहरमे तीना कुरनेलीयुसेन घर गुया। 13 ने चु हामुक देखाड्यु की मेसेक सरग वाळु भगवानेन अघली वात बताड़ने वाळु मार घरमां उबु हय रवलु देखाव पड़्यु, चु मेसेक कह्यु, तु याफा सहर मां तारा माणसेक मकलीन सीमोन काजे बुलाय ले, जु पतरस कवाये। 14 चु असी वात कवसे, तरे साहरे तु ने तारो घराणो छुटकार हात करसे। 15 ने जत्यार मे चां जायन तीनुक वात देखाड़ने बाजी गुयु, ती चुखली-आत्मा तींदरे पर उतर्यु, जसु आपणे पर सुरु मां उतरलु। 16 तीनी टेमे मेसेक मालीकेन जु बुल हेर आयो, युहननु ते पाणी मां बपतीसमा आपतेलु, बाकुन थुड़ाक दाहड़ा वीत जासे, ने अळी तुहुं काजे चुखली-आत्मान बपतीसमा आपसे। 17 जत्यार भगवान तीनु नी-यहूदी काजे बी हयुत वाटु आप्यु जु आपणुक मालीक ईसु मसी पर भुरसु कर्या करीन आप्यु; ती हामु कुण कहवायजे, जे भगवानेन काम काजे रुकजे? 18 जी वात सामळीन चे खुड़ काडण्या माणसे धीरा पड़ गुया, ने चे भगवानेन बड़ाय करने बाजी गुया, "ती ते भगवान नी-यहूदी काजे बी अमर जीवाय आपणे करीन तीनुक पाप भीणी सी मन फेरवीन भगवान भीणी वळ्ळने वाटु आप्लु छे।" 19 सतीफनुसेन बाहने माणसे यरुसलेम मां जबरान ईसुन माणसेक वेला पाड़नु सुरु कर देदा। ने ईसुन माणसे रावण्या-तीवण्या हयन एराय गुया, फीरता-फीरता चे फीनीके ने कुपरस ने अन्ताकीया, सहर मां पुग्या; बाकुन चे ईसुन माणसे ईसुन खुस-खबर यहूदी माणसेक अतरात सामळावतेला। 20 बाकुन तीनु ईसुन चेला मायन थुड़ाक कुपरस मां रवण्या, ने कुरेन मां रवण्या हतला, जे अन्ताकीया आवीन नी-यहूदी माणसे

काजे बी मालीक ईसुन खुस-खबर सामळावणे बाजी गुया। 21 ने मालीक ईसुन ताकत तींद्रे पुठये हतली, ने बेसका माणसे मालीक ईसु पर भुरसु करीन मालीक ईसु भीणी वळ गुया। 22 यरुसलेम मां रवण्या ईसुन मंडळी मां बी जी वात पुग गुय, ने चे बरनाबास काजे अनताकीया सहर मां तींद्रेन्चां मकली देदा। 23 ने बरनाबास चां जायन भगवानेन गीण-दया देखीन बेसकु खुस हय; ने आखाक सीकाड्यु, की तुहं डील ने मन लागाडीन मालीक ईसु पर भुरसु करता रवु। 24 काहाकी बरनाबास एक वारलु माणुस हतलु; ने चुखली-आत्मा तेरेमां उगेळतु भरायलु हतलु ने ईसु पर तेरु भुरसु बी पक्कु हतलु। ने असा बेसका माणसे मालीकेन चेला बणीन तींद्रे पुठये भेसकाय गुया। 25 तत्तार बरनाबास सावुल काजे हेरने करीन तरसुस सहर जात रयु। 26 ने चु तीना सावुल काजे हेरीन अनताकीया सहर मां ली आयु, ने चे एक साल लग ईसुन मंडळी काजे भेळा हवता रया, ने बेसका माणसेक सीकाडता रया, ने अनताकीया मां माणसे आखान पेहेले ईसुन चेला काजे मसी कवणे बाजी गुया। 27 तीनु दाहडाम भगवानेन अघली वात बताइने वाळा माणसे यरुसलेम सी अनताकीया सहर मां आया। 28 तींद्रेम अगबुस नावेन एक जणु उबु हयन भगवानेन चुखली-आत्मान अगवाय मां कह्यु, आखी कळी मां काळ पडने वाळु छे। जु काळ राजान राज क्लोदीयुसेन टेमे पडलु। 29 तत्तार ईसुन चेला जु वीच्यार कर्या की एकेक जणु आपसा-आपसा रुप्या-टकान अनुसार यहुदीया जीलाम रवणेवाळा आपणा भाय-बेटान सेवा चाकरी वाटे ईतराक रुप्या-टका दी मकलसु। 30 ने चे तसा वीच्यार्या तसात कर्या; ने चे पुडार्यान्चां, बरनाबास ने सावुल काजे रुप्या-टका दी मकलया।

12 तीनी टेमे हेरोदेस राजा मंडळीन थुडाक माणसे काजे जबरान वेला पाडनु सुरु कर देदु। 2 जु हेरोदेस राजु यहुननान भायस याकुप काजे तलवार सी झाटकायन माराड नाख्यु। 3 ने जत्तार चु देख्यु की असो करने सी यहुदी माणसे खुस हया, ती चु पतरस काजे धरीन लावणे करीन सीपायडा काजे मकलयु। चे दाहडा अखमीरेन रुटान तीहवार हतलु। 4 चु पतरस काजे धरीन जेल मां बंद कर देदु, ने तेरी राखवाळी करने करीन च्यार-च्यार सीपायडा काजे च्यार पहरा बणावीन मेल देदु। हेरोदेस राजान वीच्यार हतलु की मे ईनु काजे फसह तीहवारेन दाहडे माणसे अगळ लावीस। 5 एरेन करीन चु जेल मां पतरसेन राखवाळी करने करीन पहरु दी रवला; बाकुन ईसुन मंडळीन माणसे अदुस पतरस वाटे भगवान सी असी दुवा करने बाजी रवला। 6 ने हेरोदेस राजा पतरस काजे दीसरे दाहडे माणसे अगळ लावणे हींडतेलु, तीना दाहडान पेहेले रात पतरस दुय हातकड्या मां बांदायलु, दुय सीपायडान ईचमां सुवणे बाजी रवलु, ने झपला अगळ बी पहरु देण्या सीपायडा पहरु दी रवला। 7 एक कपरा मां उचकाणुन मालीकेन सरग वाळु भगवानेन अघली वात बताइने वाळु आवीन उबु हय

गुयु। ने जेलेम वीजाळो हय गुयो; ने भगवानेन अघली वात बताइने वाळु पतरसेन कुख्ये टुचलीन तीनाक जागाड्यु, ने कह्यु, “मामार उठा” अतरा मां हातकड्या आपसात छुटीन हीट पड्या। 8 तत्तार सरगेन भगवानेन अघली वात बताइने वाळु हुकुम आपीन कह्यु, कमर बांद ले ने चीपल्या पेहेर ले। तत्तार तेरी वात सामळीन तसुत कर्यु। ने सरग वाळु भगवानेन अघली वात बताइने वाळु पतरस काजे अळी कह्यु, “पुथल्यो पेहेर ले ने मार पळळ आव।” 9 पतरस जेलेम सी नीकळीन सरग वाळा भगवानेन अघली वात बताइने वाळु पळळ चाल पड्यु। बाकुन जु सरगेन भगवानेन अघली वात बताइने वाळु कर रवलु चो तीनाक पल्ले नी पड्यो, खरलो छे की झुटलो। बाकुन चु ज समजी गुयु की मे सपनो देखणे बाजी रयु। 10 ती चे पेहलु ने दीसरु पहरु छेकीन तीना लुहडान झपले लग आया, जो सहरे भीणी उघेडतेलो। चु झपलु तींद्रे वाटे आपसुत उघडी गुयु, ने चे बाहर नीकळी गुया। ने चे गळी मायन आया अतरात ने सरग वाळु काहवाळ्यु उचकाणुन पतरस काजे चां रहणीदीन जाती रयु। 11 जत्तार पतरस काजे समज आय, गुय चु कह्यु “हय मेसेक छाचलीन पल्ले पड गुयो की ज हयो च खरलो छे। मालीक आपसा सरग वाळा भगवानेन अघली वात बताइने वाळा काजे मारेन्चां मकलीन मेसेक हेरोदेस राजान कबजाम जेलेम सी छुडाय लेदलु छे। ने यहुदी माणसेन आस पर पाणी फेरवी देदलु छे।” 12 जत्तार पतरस काजे जी वात समज मां आय गुय, ती चु यहुननान माय मरीयमेन घर जात रयु। ईना यहुनना काजे मरकुस बी कवे। चां बेसका जणा भेळा हयन भगवान थडे दुवा करने बाजी रवला। 13 पतरस बाहर झपला काजे ठुक्यु, ने कुण छे करीन तीनाक देखणे, रुदे नावेन एक पावरनी तीने झपले लग आवी। 14 ची पावरनी पतरसेन बुली उळखी लेदी, ने झपलु उगाइने रहणीदीन पछी दवडीन गुय ने चां भेळा हवला काजे कह्यो, पतरस झपले उबु हय रयु। 15 चे तीनीक कह्या, “तु गांडी ते नी हया।” बाकुन ची पाक्कु भुरसु करीन कवतीत रय की मे जो कय रय, ची खरली वात छे। तत्तार चे कह्या, “चु पतरसेन राखवाळी करन्यु सरग वाळु काहवाळ्यु हसे।” 16 अतरी वार लग पतरस झपलु ठुकतुत रयु। जत्तार चे झपलु उगाड्या ने पतरस काजे देख्या, ती चे बेसका चकराय गुया। 17 ने पतरस हात पालवीन हुगा राखणेन ईसार कर्यु, ने काहनी रीती सी मालीक मेसेक जेल सी बाहर नीकाळ लायु चो तीनुक कय देदु; ने अळी चु कह्यु “याकुप ने दीसरा भायस्यो काजे ईनी वातेन खबर कर देजु।” ने कयदीन चु तीना घर मां सी नीकळीन चां सी दीसरी जागे जात रयु। 18 पतरस कां जात रयु करीन संदारे एगात सीपायडा कांदराय गुया; काहाकी तीनुक ज नी मालुम हतलो की तेरो काय हयो। 19 जत्तार हेरोदेस राजु दीसरा सीपायडा काजे पतरसेक हेरने करीन आखे दुर मकली देदु, ने तेबी तीनुक पतरस नी जड्यु ती चु पहरु देण्या काजे पुछ्यु, बाकुन चे काय जपाप नी आप्या

तत्तयार हेरोदेस राजु दीसरा सीपायडा काजे हुकुम आप्यु की तुहुं ईनु पेहरु देण्या सीपायडा काजे मार नाखु, ने हेरोदेस राजु यहुदीया जीलान यरुसलेम सहर छुडीन केसरया सहर मां जात रयु। 20 हेरोदेस राजु सुर ने सेदा सहरने माणसे पर कीचवाय रवल्; हेरेसी सुर ने सेदा सहरने रवण्या माणसे एक मन्या हय्न मुजगी करीन आया, ने हेरोदेस राजान पावर्या बलास्तुस काजे मानाडीन तेरी अगवाय मां तेरे साहरे हेरोदेस राजा धडे वीन्ती कर्या की तु हामरे पर रीस मां करे बाकुन सुकुन जीवे रवणे दे। काहाकी तीनु काजे हेरोदेस राजान देस सीत खाणनेन चीजे जड़तेला। 21 एक दाहडु टाकले दाहडे हेरोदेस राजु राजान पुथल्या पेहरीन ठट हय्न आपसी नीयावेन गादी पर बठ्यु, ने माणसेक सीकाइने बाजी गुयु। 22 माणसे आयडीन कह्या, “जे माणसेन बुले नी हय, बाकुन भगवानेन बुल छे।” 23 तीनीत टेमे मालीक भगवानेन एक सरग वाळु काहवाळ्यु हेरोदेस पर आयन घाव कर्यु, ने तेरा डीलेम कीडा पड्या ने मर गुयु, काहाकी चु भगवानेन सेक-सींगारेन बडाय नी कर्यु। 24 भगवानेन बुल बड़तो ने आखीदुर पुग्तो गुयो। 25 जत्तयार बरनाबास ने सावुल यरुसलेम मां आपसो सेवा-चाकरीन काम पुरो कर लेदा, ती चे यरुसलेम सी मरकुस काजे लीन पछा अन्ताकीया सहर आवती रया। जु मरकुस युहनुन कवायतेलु।

13 अन्ताकीया सहरने मंडळी मां थुडाक, भगवानेन अघली वात बताइने वाळा माणसे, ने भगवानेन वात सीकाइन्त्या हतला-जसा, बरनाबास, ने सीमोन जु काळु कहवायतेलु, ने कुरेन सहर मां रवण्यु लुकीयुस, ने गलील जीलाम राज करन्या हेरोदेस राजा पुसेन भाय मनाहेम ने सावुल। 2 जत्तयार चे काहनेस दाहडे उपास करीन मालीक भगवानेन भक्ती करने बाजी रवला, तत्तयार भगवानेन चुखली-आत्मा तीनुक कह्यु, “मे तीना सेवान-काम वाटे बरनाबास ने सावुल काजे बुलावलु छे, तीना सेवान काम वाटे मकलने करीन, बरनाबास ने सावुल काजे अलग कर लेवु।” 3 जत्तयार भगवानेन वात सीकाइन्त्या ने भगवानेन अधी सी आवणे वाळी वात बताइन्त्या माणसे उपास ने दुवा करीन नवराय गुया ने अळी चे बरनाबास ने सावुल पर हात मेकीन तींदरे वाटे दुवा कर्या तीनुक तीना सेवान-काम सुप देदा ने तीनुक वळायन मकली देदा। 4 अळी चे बरनाबास ने सावुल चुखली-आत्मान अगवाय मां भगवानेन सेवान काम वाटे सीलुकीया गुया, ने चां सी मटला ढंड्या मां बसीन कुपरुस नावेन काळापाणी मां जाती रया। 5 ने सलमीस सहर पुगीन, चे यहुदी माणसेन भक्तीन घर मां भगवानेन खुस-खबर सामळाया। मरकुस कहवायण्यु युहनुन बी तींदरे पुठ्ये रयन तींदरी सेवान काम करतेलु। 6 ने चे तीना काळापाणी मां आखी दुर फीरता-फीरता, पाफुस सहर मां पुग्या, चां तीनुक बार-ईसु नावेन एक यहुदी जातीन जादु देखाइन्त्यु भेळु हयु। जु, मे भगवानेन अघली वात बताइन्त्यु माणुस छे करीन ढंगडा करन्यु हतलु। 7 चु जादु करने वाळु बेसकु अकलवाळु हतलु, ने चु सीरग्युस-

पोलुस पुठ्ये-पुठ्ये रवतेलु। जु सीरग्युस-पोलुस, बरनाबास ने सावुल काजे बुलावीन भगवानेन बुल सामळने हींडतेलु। 8 बाकुन जु बार-ईसु तेरो दीसरो नाव ईलीमास-मतलब जादु-देखाइन्त्यु हतलु। जु बरनाबास ने सावुल भीणी जुर कर्यु ने चु सहरने हकदारया सीरग्युसेन भुरसा काजे बीगाइणेन कुसीत कर्यु। 9 बाकुन सावुल, जु पोलुस बी कवायतेलु। चुखली-आत्मान कब्जाम हय्न तीना ईलीमास भीणी एक हेट्यु देखीन कह्यु, 10 तु भुतइन पुर्यु छे, तारेम दीसराक धुकु देणेन वात ने दीसराक ठगणीन वात ठेसी-ठेसीन भरली छे। ने तु आखी भातीन वारुन वेरी छे। तु मालीकेन सुदी वाट काजे वाकी करने सी नी टळे काय? 11 हय देख, मालीक तुसेक डंड आपणे बाजी रयु, तत्तयारुत ईलीमास आंधळु हय्न थुडाक दाहडा लग दीसुन वीजाळो नी देखे। तत्तयारुत तेरे पर आंदारो छावाय गुयो, ने चु लथेइतु जायन कुय मारु हात धरीन ली जासे करीन जां चां सुलेकणे बाजी गुयु। 12 जो हयो चो आखो देखीन सहरने हकदार्यु, ईसु पर भुरसु कर लेडु; ने चु मालीक ईसुन बारामां सामळीन चकराय गुयु। 13 पोलुस ने तेरा साती मटला ढंड्या मां बसीन पाफुस सी पंफुलीया सी पीरगा सहर मां आया; ने चां युहनुन तीनुक चां मेलदीन यरुसलेम पळु जाती रयु। 14 पोलुस ने बरनाबास पीरगा सी अगा जायन पीसदयान अनताकीया मां पुग्या; ने चे आरामेन दाहडे यहुदी माणसेन भक्तीन घर मां जायन बस गुया। 15 मुसान साहरे लिखलु सासतुर ने भगवानेन अघली वात बताइने वाळा माणसेन किताप भणी भणीन अळी यहुदी माणसेन भक्तीन घरेन पुडारी, बरनाबासेनचां ने पोलुसेनचां जी वात कय मकल्या, “ए भायस्यो! कदी माणसेन सांती आपणे वाटे तुंदरे धडे काय बी वात हय ती कवु।” 16 तत्तयार पोलुस उबु हय गुयु, ने हात पालवीन असु कवणे बाजी गुयु; ए ईसरायली माणसे ने भगवानेक बीहीन जीवणे वाळा नी-यहुदी माणसे सामळु। 17 आपणु ईसरायली माणसेन भगवान आपणा डाहा-बुडा काजे नेवाड लेदलु, ने जत्तयार चे मीसर देस मां परदेसी बणीन रहतेला, ती तीनुक अगु बडावीन ने मटा बणायु, ने चु आपसा हातेन ताकत साहरे तीनुक चां सी नीकाळ लायु। 18 चु चाळीस साल लग उजाड्या बयडाम तींदरी राखवाळी कर्यु। 19 ने हीयुत भगवान कनान देस मां सात जाती काजे सार देदु, ने चो देस आपणा डाहा-डाहान हक मां कर देदु। 20 हव असु करीन आपणा डाहा-डाहान डाहाला बास मीसरे देस मां पारका बणीन रय गुयला ती सी तींदरी अवल्यात साडे चार सोव साल मां कनान देस मां अवल्यात। पछी आय गुय ने अळी जु भगवानेन अघली वात बताइने वाळु समुएल टेम लग नीयाव करन्या पुडारीक एकेक करीन उबु कर्यु। 21 अळी आपणा डाहा-डाहा आपसा वाटे भगवान धडे एक राजान मांग कर्या, ती भगवान तींदरे धडे बीन्यामीन कुळीम सी कीसन पुर्यु सावुल काजे राजा बणाय देदु, ने चु राजु चाळीस साल लग राज कर्यु। 22 ने अळी भगवान सावुल काजे राज गादी पर

सी छेद करीन दावुद काजे तींदरू राजा बणायु; ईना दावुदेन बारामां भगवान जी गवा देदु की “मेसेक एक माणुस मारा मनेन अनसारे जड़ गुयलु छे, जु यीसेन पुर्यु दावुद छे। चु दावुद मारी आखी मरजी पुरी करसे।” 23 ईना दावुदेन अवल्यात मां सी भगवान आपसा वायदान अनसारे ईस्रायेली माणसेन चां एक छुड़ावणे वाळा मसी काजे मकलयु। तेरो नाव ईसु हतलो। 24 ईसुन आवणेन पेहले, युहनुनु आखा ईस्रायेली माणसे काजे, पापे भीणी सी मन फेरवीन भगवान भीणी वळनेन बपतीसमान परचार करलु। 25 ने युहनुनु भगवानेन काम पुरो करनेत वाळु हतलु, ती चु कवलु, तुहुं मेसेक जु छुड़ावणे वाळु मसी समजी रया हसे, चु आवणेवाळु हतलु, बाकुन मे, चु नी हय। बाकुन चु ते हय आवणेवाळु छे। ने मे ते, तेरा चीपल्यान बंद छुड़ने लायक बी नी हय। 26 ए मारा ईस्रायेली भायस्यो, अब्राहमेन अवल्यात! आखा भगवानेन भक्ती करने वाळा नी-यहुदी माणसे छुटकारान खुस-खबर आपणु आखा काजे आपली छे। 27 यरुसलेम मां रवणेवाळा ने चां नीयाव करन्या मुखी ईसु काजे नी उळख्या, ने चे भगवानेन अघली वात बताड़ने वाळा माणसेन किताप मां लिखली वात काजे नी समज्या; जे आरामेन दाहड़ा डीट भणतेला। जाणी बुजीन तीनाक गुनाळु ठेहरावीन लिखली वातेक पुरी कर्या। 28 भले तेरेमां डंड आपे असु गुनु, तीनुक देखाव नी पड़्यु तेबी चे, पीलातुस सी लीलघायन कह्या की हीनाक माराड़ नाख। 29 ने ईसुन बारामां जो काय लिखलो हतलो, चो आखो पुरो कर लेदा, ती चे ईसुन धड़ कुरुस पर सी उतार लेदा, ने एक मसाण मां वगे कर देदा। 30 बाकुन भगवान तीना ईसुक मर्या-सर्याम सी पछु जीवतु करीन बठु कर देदु। 31 ने चु बेसका दाहड़ा लग तीनु माणसे काजे देखाव पड़तु रयु, जे तेरे पुठ्ये गलील जीलाम सी यरुसलेम मां आवला। हय चेत माणसे, दीसरा माणसे अगळ ईसुन गवा छे। 32 ने हामु तुहुं काजे तीना वायदान खुस-खबर सामळावजे, जु वायदु भगवान आपणा डाहा-बुड़ा साते करलु। 33 भगवान ईसु मसी काजे मर्या-सर्याम सी जीवतु करीन चु वायदु तींदरी अवल्यात वाटे मतलब आपणु आखा वाटे पुरु करलु छे, जसों भजनेन किताप दुय मां बी लिखलो छे, तु मारु पुर्यु छे; ने मे आज सी तारु बास बण गुयलु छे। 34 भगवान आपणे वाटे, ईसुक मर्या-सर्याम सी पछु जीवाड़ने बारामां कहयु, चु ईसु कदी नी सड़े। काहाकी भगवान तीनाक कवतेलु, मे तुसेक ची चुखली ने जलेमकी संयबरकत आपीस, जी संयबरकत मे दावुद काजे आपणेन बुली करलु हतलु। 35 हेरेसी चु एक अळी दीसरा भजन मां कवलु; तु तारा चुखला भगत काजे सड़ने नी देय। 36 पछेन दावुद तेरे टेम मां भगवानेन मरजी अनसारे तेरो सेवान काम पुरो करीन मर गुयु ने तीनाक तेरा डाहा-डाहा साते गाड़ देदा ने हेरो डील मसाण मां सड़ गुयो। 37 बाकुन भगवान तीनाक मर्या-सर्याम सी जीवाड़िन पछु बठु करयु, तेरो डील नी सड़यो। 38 ती तुहुं आखा ईस्राएली भायस्यो तुहुं काजे जाण लेणु चाहजे

की ईसुन साहरे पापेन माफीन खबर तुहुं आप देदला छे ने हेरेत साहरे जु कुय आखा जणा जे भुरसु करन्या छे हीनु पाप सी छुटकारु जड़ सकसे। तेरे सी तुहुंक मुसान लिखलु कायदु छुटकारु नी आपड़ सके। 40 हेरेसी चैतीन रवु, कांखुर मायन भगवानेन अघली वात बताड़ने वाळा माणसेन किताप मां पुरी नी हय जाय: 41 ए वात काड़ण्या, चकरायन छेटे हय जावु! काहाकी मे तुंदरा जमाना मां एक वारु काम करने वाळु छे, एक असो काम, कदी तुंदरे मायन कुय बी एरे बारामां वात बी करसे, तेबी कुय काजे ईनी वात पर भुरसु नी आवे! 42 जत्थार पोलुस ने बरनाबास यहुदी माणसेन भक्तीन घर मां सी नीकळीन जाणे बाजी रवला ती माणसे तींदरे धड़े वीनूती कर्या, तुहुं आवते आरामेन दाहड़े ईनी वातेन बारामां कवजु। 43 ने जत्थार तींदरी भक्तीन बसक हय गुय, ती यहुदी माणसे ने नी-यहुदी धरम मान्या नवला चेला, पोलुस ने बरनाबासेन वात मान्ने बाजी गुया। पोलुस ने बरनाबास तीनुक समजाडीन कह्या, भगवानेन गीण-दया मां बनला रवु। 44 आवते आरामेन दाहड़े सहरेन आखा माणसे मालीक भगवानेन बुल सामळने करीन भेळा हय गुया। 45 बाकुन बेसका माणसे आवतेला देखीन यहुदी माणसे पोलुसेन नाव-बददी करने बाजी गुया, ने वीरुद करीन वात काटणे बाजी गुया। 46 पोलुस ने बरनाबास बीहे बीगुरु कह्या, जरुडी हतलो की पेहेले तुहुं काजे भगवानेन बुल सामळावणु हतलो, बाकुन तुहुं भगवानेन बुल नीकारु करीन सामळने नी हींडतेला, ने तुहुं आपसा काजे अमरकायान जलमेन जीवायन लायेक नी समजता; हेरेसी हामु हय नी-यहुदी माणसेन चां भगवानेन बुल ली जाजे। (aiōnios g166) 47 काहाकी मालीक भगवान हामुक ज हुकुम आपलु छे, मे तुहुंक नी-यहुदी माणसे वाटे वीजाळो बणावलु छे, एरेन करीन की तारे साहरे धरतीन खुणे-कुपरे लग माणसे छुटकारु हात करसे। 48 ने नी-यहुदी माणसे पोलुसेन ने बरनाबासेन वात सामळीन बेसका खुस हया ने चे मालीक भगवानेन बुलेन ईज्जत कर्या। जतरा माणसे अमरकायान जीवाय वाटे नेवाड़ला हतला, चे ईसु पर भुरसु कर लेदा। (aiōnios g166) 49 ने तत्थार आखा सहर मां मालीकेन बुल फेल गुयो। 50 बाकुन यहुदी माणसे, मट्टली कुळीन भक्त माणसेन ने सहरेन बायारान जुर चड़ाय देदा, ने पोलुस ने बरनाबासेन वीरुद करावणे हुड़दीन आय लाग्या, ने तीनुक आपसान सहर मां सी नीकाळ देदा। 51 ने अळी पोलुस ने बरनाबास तींदरे वीरुद मां आपसा पायेन धुळु झाटकीन ईकुनीयुम सहरे मां जात रया। 52 अनंतकीया सहर वाळा भुरसु करने वाळा चेला बेसका खुस हया ने पुरा-पुरा चुखला जीव-आत्मा सी भराय गुया।

14 असी वीतली वात ईकुनीयुम सहरेन यहुदी माणसेन भक्तीन घर मां पोलुस ने बरनाबास भेळात गुया, ने चे तीनुक समज आवी असो ईसुन बारामां देखाड़्या। ने तींदरी वात सामळीन यहुदी माणसे मायन ने युनानी माणसे मायन

बेसका जणा ईसु पर भुरसु कर लेदा। 2 बाकुन ईसु पर भुरसु नी करन्या यहूदी माणसे, नी-यहुदी माणसेक वीखराड़ी देदा, ने भायस्योन वीरुद मां तींद्रा जीवेम काट करनेन वीच्यार नाख देदा। 3 पोलुस ने बरनाबास बेसका दाहडा चां रया, ने मालीक पर भुरसु करीन बीहे बीगुर ईसु भगवानेन बारामां वात करता रया, ने मालीक ईसु तींद्रे साहरे वारु काम ने सहलाणी देखाडीन आपसी गीण-दयान बुलेन गवा देदलु। 4 बाकुन तीना सहरेन माणसे मां लड़ाय हय गुय ने अलग-अलग हय गुया; ने असु करीन थुडाक यहूदी माणसे भीणी ने थुडाक ईसुन नेवताळा भीणी जाणे बाजी गुया। 5 बाकुन जत्त्यार यहूदी माणसे ने नी-यहुदी माणसे आपसा मुखी साते भेसकायन पोलुस ने बरनाबास साते खुटु वेहवार करने करीन तीनुक दगडाटणे करीन वीच्यार कर्या। 6 ती पोलुस ने बरनाबास तींद्री मुजगी जाण गुया, ने चे लुकावन्या जीलान लुसत्रा सहर मां, ने दीरबे सहर मां ढास पड्या। 7 ने चे चां जायन बी खुस-खबर सामळावणे बाजी गुया। 8 लुसत्रा मां एक माणुस बस रवलु, तेरा पाय लुल्ला हतला चु पयदा हवलु ती सीत लंगडु हतलु, ने चु आज लग चाल्यु नी। 9 चु पोलुस काजे वात करतेलु सामळी रवलु, ने चु पोलुस भीणी एक हेट्यु देख रवलु, ने तीना लंगडा मां वारु हवणेन भुरसु हतलु। 10 अळी पोलुस जुर सी आयडीन कह्यु, “आपसा पायेन भुरसे उबु हय जां!” ने चु पोलुसेन वात सामळीन उबु हय गुयु ने चालने-फीरने बाजी गुयु। 11 पोलुसेन साहरे हवला वारु कामेक देखीन माणसे लुकावन्या बुली मां जुर सी आयडीन कह्या, “माणसेन रुप लीन देवता हामरे ईचमां उतरीन आवला छे।” 12 ने चे बरनाबास काजे गुयुस देवता ने पोलुस काजे हीरमेस देवता कवणे बाजी गुया, काहाकी पोलुस वात करने मां पुडारी हतलु। 13 ने गुयुस देवतान मंदीर सहरेन झपला अगळ हतलु। ने तीना मंदीर वाळु पुजारी बेल ने फुलेन माळा लीन चां आय लाग्यु। चु माणसे भेळु पोलुस ने बरनाबास वाटे बेल मारीन बादा चडावणे हींडतेलु। 14 बाकुन जत्त्यार नेवताळा बरनाबास ने पोलुस, चे ज सामळ्या, ती चे हींद्रा पुथल्या फाड देदा ने जुर सी आयडीन ज कवता जायन माणसेन टुळा मां भराय गुया, 15 “ए माणसे! हामु बी ते असात माणसे, छे जसा तुहुं छे जां हामु तुहुं काजे खुस-खबर सामळावणे आवला छे, काहाकी तुहुं हीनी फालतु वात काजे पछा फीरीन हीना जीवतेला भगवान भीणी आवती रहु जु सरगा, धरती, समुदर ने तींद्रेम ज काय बी छे तीनाक बणायु। 16 वीत्या जमाना मां भगवान आखी जातीन माणसे काजे आपणे-आपणे दथा-तथा देवतान पुजा-पाट करीन जीवणे देदु, काहाकी चे तीनाक नी उळख्या। 17 बाकुन तेरा भला कामेन, सरगे सी पाणी पाडतु रयु, ने टेम-टेम पर मेर पाकाडतु रयु खाणेन सादन आपतु रयु, ने तींद्रा मनेक खुस करतु रयु।” 18 असो कयदीन पोलुस कायस करीन तीनु माणसेक तुहुं बेल काजे मारीन बादा चडावीन मारी पुजा-पाट मां करु करीन रुक्यु। 19 बाकुन ईतराक यहूदी माणसे अन्ताकीया

सहरेम सी ने ईकुनीयुम सी आवीन माणसे काजे आपसा सुदा कर लेदा ने पोलुस काजे दगडाट्या, ने मर गुयु समजीन तीनाक घीसीन सहर सी बाहर ली गुया; ने चांहान नाखीन जात रया। 20 बाकुन जत्त्यार चेला पोलुसेन चारेमेर आवीन भेळा हय गुया, ती चु उठीन उबु हय गुयु, ती चु उठीन सहरेम गुयु ने दीसरे दाहडे बरनाबास पुठ्ये दीरबे सहरेम जात रयु। 21 पोलुस ने बरनाबास दीरबे सहरेन माणसे काजे खुस-खबर सामळ्या, ने बेसका चेला बणाया, ने लुसत्रा ने ईकुनीयुम ने अन्ताकीया पछा जात रया। 22 ने चे, चेला काजे हिंमत देवडावता जायन तीनुक भुरसा मां काठा रवणे करीन जी वात सीकाडता रया, “आपणु काजे बेसका वेला करीन भगवानेन राजेम भरायणु छे।” 23 ने चे मंडळीन पुडारी बणावणे करीन माणसेक नेवाड्या ने तीनुक पुडारी ठेराया, ने उपास भेळा भगवान धडे वीन्ती करीन, तीनुक मालीकेन हातेम आप देदा; तीना मालीक ईसु पर चे भुरसु कर्या। 24 तत्त्यार पोलुस ने बरनाबास पीसदया जीलाक वेणकीन, दखणाव पंफुलीया जीला मां पुग्या। 25 ने पीरगा सहरेम भगवानेन खुस-खबर सामळावीन अताल्या सहरेम आया। 26 अळी चां सी चे भगवानेन गीण-दयान अनसारे सुपलो काम पुरो करीन मटला ढंड्याम बसीन अन्ताकीया सहरेम चाहात रया, जां सी चे काम सुरु करला। 27 जत्त्यार चे अन्ताकीया मां पुगीन, चे मंडळीन भुरसु करन्या माणसे काजे भेळा कर्या, ने ज काय हयो तत्त्यार भगवान तींद्रे पुठ्ये हतलु ने कसु नी-यहुदी वाळा माणसे वाटे बारनो उघाड देदु 28 चे बेसका दाहडा लग चां आखा चेला पुठ्ये रया।

15 थुडाक ईसु पर भुरसु करन्या यहूदी जातीन माणसे यहूदीया जीला सी अन्ताकीया आया, ने भायस्यो काजे ज सीकाडने बाजी गुया की “कदी तुहुं मुसान लिखला कायदान अनसारे फतरी नी काटाडु, ती तुहुंक पापेम सी छुटकारु नी जडे।” 2 पोलुस ने बरनाबास तींद्री वात सी राजी नी हतला, हींद्रे मां लड़ाय हय गुयु, तत्त्यार पोलुस ने बरनाबास हींद्रा थुडाक दुस्तीदार काजे ईनी परेसानी मां सी छेटे करने वाटे नेवताळा ने मुख्या धडे यरुसलेम मां मकलनेन वीच्यार कर्या। 3 तेरेसी मंडळीन साहरे तीना काजे ईतराक अगास मेकणे गुया; ने फीनीके ने सामर्या मायन गुया ने चां वाळा आखा ईसु पर भुरसु करन्या ज कवता गुया की नी-यहुदी माणसे बी खुस-खबर पर भुरसु करीन भगवान भीणी हींद्रो मन फेरवी लेदा। ने आखा भाय जी वात सामळीन बेसका खुस हय गुया। 4 ने जत्त्यार चे यरुसलेम पुग्या, ती ईसुन, ने ईसुन मंडळी ने नेवताळा ने पुडारी तीनुक खुस हयन भेळा हया, ने जे गुयला चे तीनुक कह्या की भगवान तींद्रे पुठ्ये रयन कसा-कसा वारु काम कर्यु। 5 बाकुन फरीसी माणसेन टुळा मां जे ईसु पर भुरसु करला, तींद्रे मायन ईतराक उबा हयन कह्या, “हीनु नी-यहुदी काजे फतरी काटणेन ने मुसान कायदा पाळनेन हुकुम आपणु चाहजे।” 6 तत्त्यार ईसुन नेवताळा ने पुडारी फतरी

काटणेने मुसान कायदा पाळनेन वात पर वीच्यार करने मां सी थुडाक माणसे नेवाडजे। ने चे यहुदा काजे नेवाड्या, करीन भेळा हया। 7 जतयार बेसकी वार लग ईनी वात पर जु बरसबबास कवाये। ने सीलास काजे नेवाड्या, जु तीनु माथा-पचची हय गुय ने अळी पतरस उबु हयन कह्यु, “ए भाय भायस्यो मां मुख्यु हतलु; ने तीनुक पोलुस ने बरनाबास पुठ्ये बेता! तुहुं काजे मालुम छे की नी-यहुदी माणसे मां ईसुन खुस-अन्ताकीया सहर मां मकली देदा। 23 ने तींद्रे हाते जी चिट्ठी खबर सामळावणे ने तीनुक ईसुन भुरसा मां लावणे करीन मकल्या, तेरेमां लिखलो हतलो: “ए अन्ताकीया मां, ने सीरीया बेसका दाहडा पेहले भगवान मेसे काजे तुंद्रे मां सी नेवाड लेदु। मां, ने कीलक्या मां रवण्या नी-यहुदी भायस्यो, तुहुं काजे 8 ने मन काजे पारखणे वाळु भगवान तीनु काजे बी चुखली-ईसुन नेवताळा भीणी सी ने पुडारी भीणी सी आवीस ने आवजी आत्मा आपयु, जसु आपणु काजे चुखली-आत्मा आपलु। ने कवजे! 24 हामु सामेळला छे की हामरेनचां सी थुडाक माणसे ईनी वातेन गवा देदु की भगवान हीनुक बी पापेम सी छुटकारा तुंद्रेनचां आवीन दत-तथी वात कयन भटकाड देदला छे; ने हात करनेन भुरसु आपलु छे। 9 ने ईसु पर भुरसान साहरे तींद्रो वात कयनेन हुकुम नी आप्या 25 हेरे सी हामु आखान-आखा मन चुखो कर देदु ने हय तींद्रेम ने आपणेम काय बी छीट एक मन्या हयन वीच्यार करला छे की हामु हामरेम सी तीनु नी रया। 10 ती हय तुहुं भगवान काजे काहा पारखी रया? ने माणसे काजे नेवाडला छे, तीनु माणसे काजे हामरा लाटेक्ला चेलान बुचाटा मां मुसान कायदान जुडो मेलीन काहा बुडु बणाय बरनाबास ने पोलुस भेळा तुंद्रेनचां मकलजे। 26 जे चेत माणसे रया, तीना जुडा काजे आपणा डाहा-डाहा लग नी हाकल्या? छे, जे मालीक ईसु मसीन नावे तींद्रे जीव आपणे लग तीयार 11 हव, हामु काजे पाक्कु भुरसु छे की तीने रीते चे मालीक हय गुयला। 27 ने हामु हींद्रे पुठ्ये यहुदा ने सीलास काजे ईसुन गीण-दयान साहरे पापेम सी छुटकारा हात करसे; तीनेत मकेल्ला छे, जे तुहुं काजे आपणा मुंहडा सी जी आखी वात रीते आपणु बी मालीक ईसुन गीण-दयान साहरे पापेम सी कय देसे। 28 चुखली-आत्मा काजे ने हामु काजे मालुम पड्यो छुटकारा हात करसु।” 12 चे आखा हुगा हयन बरनाबास ने की ईनी कामकी वातेक छुडीन तुंद्रे पर काहनु अळी भार नी पोलुसेन वात सामळने बाजी रवला। ने चे तीनु सहलाणीन ने मेलनु चाहजे। 29 तुहुं मुरती पर चडावलो खाणो घुण खानु। ने वारु कामेन बारामां वारु कहणे बाजी रवला, जे सहलाणी वारु गळु दडपीन मारला काहना बी जनवार्यान सीकार घुण खानु, ने काहना बी जनवार्या घुण खानु। ने छीनाळो घुण करु। असु काय करीन तुहुं ईनी आखी वात सी छेते रवजु ती तुंद्रो भलो हवसे। वारु रवजु।” 30 असा करीन चे तीनुक मकली देदा ने चिट्ठी लीन अन्ताकीया सहर मां गुया, ने चां जायन चे आखा भुरसु करन्या माणसे काजे भेळा करीन ची चिट्ठी तीनुक आप देदा। 31 ने चे तीनी चिट्ठी मां लिखली वात भणीन बेसका खुस हय गुया। 32 यहुदा ने सीलास जे भगवानेन अघली वात बताडने वाळा माणसे हतला, चे बी बेसकी वात कयन तीनु भायस्यो काजे सांती आप्या। ने तींद्रा भुरसाक काठा कर्या। 33 ने चे काजे थुडाक दाहडा चां रया, ने अळी चे तीनु भायस काजे आवसु ने आवजु कयन, जे तीनुक मकेल्ला चां पछा जाती रया। 34 बाकुन सीलास काजे चांहान रहणु वारु लाग्यो, 35 ने पोलुस ने बरनाबास अन्ताकीया मां ईतराक दाहडा रया, ने बेसका दीसरा माणसे पुठ्ये रयन चे माणसे काजे सीकाडता जायन मालीक ईसुन खुस-खबर सामळाया। 36 ईतराक दाहडा हय गुया ने अळतेन पोलुस बरनाबास काजे कह्यु “चाल, तीना-तीना सहर मां आपणु खुस-खबर सामळावला, तीना-तीना सहर मां जायन मालीक पर भुरसु करन्या भायस काजे देखता की चे काय करने बाजी रया।” 37 ततयार बरनाबासेन हेर जी हतली, की आपणु युहन्ना काजे बी पुठ्ये ली जाता। जु मरकुस बी कवायतेलु। 38 बाकुन पोलुस तीनाक पुठ्ये ली जाणु ताले नी समज्यु, काहाकी चु पेहले पंफुलीया मां संगीत छुड देदलु ने मालीक भगवानेन काम मां सात नी देदु। 39 ने तींद्रे मां माथा-

पच्ची हय गुयः ने बरनाबास, मरकुस काजे लीन मटला ढंड्याम बठीन कुपरुस सहर जाती र्यु। 40 बाकुन पोलुस, सीलास काजे नेवाड्यु, ने भायस तीना वाटे भगवान धडे गीण-दया मांगीन तीनाक मालीकेन हातेम सुप देदा। 41 ने चु फीरतु-फीरतु कीलक्या जीलाम ने सीरीया देसेन ईसुन मंडळी मां जाय्न तीनुक ईसुन भुरसा मां काठा करतु गुयु ने अघु-अघु जाती र्यु।

16 अळतेन पोलुस दीरबे ने लुसत्रा मां बी गुयु चां तीमुथीयुस नावेन एक चेलु हतलु जु ईसु पर भुरसु करनी एक यहूदी जातीन बायरीन पुरयु हतलु बाकुन तेरु बास युनानी हतलु। 2 चु तीमुथीयुस लुसत्रा ने ईकुनीयुम वाळा भाय-बंद मां बी वारलु बुल-चाल हतली। 3 पोलुसेन मरजी हतली की तीमुथीयुस हेरे साते जाय; ने जे यहूदी माणसे हींदरे वजे सी हयु तीमुथीयुस फतरी काट्यु काहाकी चे आखा जाणतेला की तेरु बास युनानी हतलु। 4 ने चे सहरे-सहरे मां गुया ती तीनुक कायदा काजे पाळने करीन कवता गुया। चे कायदा यरुसलेम वाळा ईसुन नेवताळा ने पुडारी देखाइला। 5 हेरेसी ईसुन मंडळी भुरसा मां काठी हवती गुया ने गिनती मां दाहडीन अदु हवता गुया। 6 चे पोलुस ने तेरु साती फुरगीया ने गलातीया परदेस मां सी हयुन गुया काहाकी चुखली-आत्मा हीनु आसीया मां बुल सामळावणे नी कय देदु। 7 अळतेन चे मुस्या काकड़ पर पुगीन बीतुनीयाम ईलाका जाणे करया बाकुन ईसुन आत्मा तीनु काजे बीतुनीया जाणे नी देदी। 8 तेरेसी चे मुस्या नीकळीन तरोआस मां आया। 9 ने चां पोलुस राते एक जागतो सपनो देख्यु की एक मकीदुनीया वाळु माणुस उबु हय र्यु, “ने पोलुस काजे लीलघायुन ज कय र्यु की समुदर एणकीन मकीदुनीया जीला मां आवीन हामरी मदत कर।” 10 पोलुस ज जागतो सपनो देख लेदु ने अळतेन हामु मकीदुनीया मां ज समजीन जाणे हींडतेला की भगवान हामु काजे खुस-खबर सामळावणे करीन मकेलु छे। 11 तरोआस सी हामु मटला ढंड्या मां बठीन सुदा सुमात्रावे आया चांहा सी दीसरे दाहडे नीयापुलीस मां आया 12 ने हामु नीयापुलीस सहर सी, चालीन फीलीपी सहरेम पुग्या, जो मकीदुनीया जीलान खास सहर छे, चां रोमी राजवाडान खास माणसे रवे, ने हामु ईतराक दाहडां चां रया। 13 यहूदी माणसेन आरामेन दाहडे हामु ज समजीन सहरेम बारनो एणकीन सहर सी बाहरा नदी धडे आया की चांहा यहूदी माणसे वाटे काहनो दुवा करनेन घर हसे ने चां पुगीन हामु चां भेळा हय रवला ईतराक बायरा धडे वात करने बाजी गुया। 14 तीनु बायरा भेळी लुदीया नावेन एक थुवातीरा सहरेन एक बायर हतली ची जामण्या पुथल्या वेचणी हतली ने भगवानेन भक्ती करनी हतली पोलुसेन वात मन लागाडीन सामळने बाजी रवली ने मालीक ईसु तेरो मन उधाड़ देदु। 15 ने ची ईसु पर भुरसु करीन आपसा घर बार्या भेळी पाणी मां बपतीस्मा लेदी ने हामु काजे लीलघायुन कय की कदी तुहं मेसे काजे मालीक भगवानेन भक्ती करन्या समजी र्या हय ती मारे घर चालु ने मारे घर रवजु ने ची हामु काजे मानाडीन ली गुय। 16 जतयार

हामु एक दाहडे दुवा करने घर मां जाणे बाजी रवला ती हामु काजे एक जुवान गुलाम पावरनी भेळी हयी तीनी मां हवणे वाळी वात कहण्यु भुतडु भराय रवलु ने ची तीना भुतडान साहरे माणसे काजे हवणे वाळी वात देखाड़ तेली ने तेरा मालक्या वाटे बेसका पयस्या कमाय लेतली। 17 ची पोलुस ने हामरे पछळ-पछळ आवीन आयडती जाय्न कहवी जे माणसे आखा मां रवण्या भगवानेन चाकर्या छे ने तुहं काजे छुटकारान खबर सामळावे। 18 ची बेसका दाहडा लग असीत करती रवी बाकुन पोलुस दुखी हयन पळु फीरीन तीना भुतडा काजे कह्यु मे तुसेक ईसु मसीन नाव सी हुकुम आपो की हेरे मां सी नीकळी जां ने ची तीने टेमे नीकळी गुयु। 19 ततयार तेरा मालक्या देख्या की हामरी कमायन आस जात रय ती चे पोलुस ने सीलास काजे धरीन हाटेन चवराया पर मुख्यान चां घीसडीन ली गुया। 20 अळी पोलुस ने सीलास काजे नीयाव करन्या मुख्यान चां लीन गुया ने तीना काजे कहया ज देख जे अदमी यहूदी छे ने हामरा सहरेम माणसे मां गरबडी कर रया। 21 ने चे असली रीती भातीन बारामां कय र्या जीनी रीती काजे माननु ने पाळनु आपणे वाटे वारु नी हय काहाकी आपणु रोमी माणसे छे। 22 ततयार तींदरे सांबा चां वाळा माणसे हुडडीन आय गुया। ने नीयाव करन्या तींदरा पुथल्या फाडीन डील पर सी छेटा कर देदा ने तीनु काजे ठुकणेन हुकुम आपया। 23 ने चे पोलुस ने सीलास काजे बेसका ठुक्या ने तीनु काजे जेल मां बुजी देदा ने जेल राखवाळ्या काजे कहया ईनु काजे वारु चतराये देखजु। 24 हुकुम सामळीन जेल राखवाळु तीनु काजे लीन माहें वाळी जेल मां बुज देदु ने तींदरा पाये काजे लाकडां मां मेकीन ठुक देदा। 25 आधलीक रातेन हेर फेर मां पोलुस ने सीलास भगवान साते दुवा करीन भगवानेन गुणे गावणे बाजी रवला ने दीसरा केदी बी तींदरी दुवा ने भगवानेन गुण गावतेला सामळी रवला। 26 ने ततयारुत चां उचकाणुन बेसकी जुरे धरती हाली ने जेलेन पाया हाल पड्या ने ततयारुत जेलेन बारना उघडी गुया ने आखा केदीन हात कड्या ने पाय कड्या उघडी गुया। 27 जेलेन राखवाळ्यु जागी गुयु ने जेलेन बारना उगइला देखीन जय समजी गुयु की केदी ठासी गुया तेरेमां चु मीयान मां सी तलवार नीकाळीन आपसा काजे तलवार दीन मारने हींडतेला। 28 बाकुन पोलुस जुर सी आयडीन तीना काजे कह्यु तु आपसा काजे मारीन आपसान ने नुकसाण मां करे काहाकी हामु जात छे। 29 ततयार चु जेलेन राखवाळ्यु दिवु मांगाडीन माहें दवडीन गुयु ने कापतु जाय्न पोलुस ने सीलासेन पाये मां हीट पड्यु। 30 ने चु तीनु काजे बाहार लावीन कह्यु ए मालक्या छुटकारु हात करने करीन मेसेक काय करनु पडसे। 31 चे कहया तु, “मालीक ईसु मसी पर भुरसु कर ती तुसे काजे ने तारा घरन्या काजे छुटकारु जडसे।” 32 ने पोलुस ने सीलास तीना जेलेन राखवाळ्या ने तेरा आखा घरन्यान माणसे काजे मालीक ईसुन बुल सामळ्या। 33 ने चु जेलेन राखवाळ्यु तीनीत राती तीनु

काजे ली जायन तींदरा घाव धुयु ने चु तत्यारुत आपसा घरन्या भेळु पाणी मां बपतीसमा लेदु। 34 तत्यार चु पोलुस ने सीलास काजे आपसान घर लीन गुयु ने तीनु काजे खाणो खावाड्यु ने आपसा आखा घरबार्या पुठ्ये खुसी कर्यु काहाकी चे भगवान पर भुरसु कर्या। 35 संदारे हवतात नीयाव करन्या मुख्या हेरा सीपायडा काजे असी कयन मकल्या की तीनु माणसे काजे छुड देवु। 36 जेलेन राखवाळ्यु पोलुस काजे जी खबर सामळायु की, नीयाव करने वाळु तुहुं काजे छुडनेन हुकुम कय मकेललु छे, तेरेसी हय तुहुं सुकुन सी बाहार नीकळीन जाती रवु। 37 बाकुन पोलुस सीपायडा काजे कह्यु हामु रोमी सहर मां रवणेवाळा छे, तेबी हामरे पर लागाडला गुना जडने पाकुर चे हामु काजे आखा अगळ ठुकला ने जेल मां बुजी देदा ने हय हामु काजे काहा मकली र्या? असा हामु ती जाजे बाकुन चेत आवीन हामु काजे बाहार ली जाणु चाहजे। 38 सीपायडा आयन नीयाव करन्या काजे जी वात सामळ्या ने पोलुस ने सीलास रोमी सहर मां रवणेवाळा छे, करीन बेसका बीही गुया, 39 ने चे नीयाव करन्या आवीन माफी मांग्या ने तीनु काजे जेल मां सी बाहर लीन गुया ने हीना सहर काजे छुडिन जाती रवु करीन वीनती कर्यु। 40 पोलुस ने सीलास जेल मां सी नीकळीन लुदीया बायरीन घर गुया, ने ईसु पर भुरसु करन्या भाय-बंद काजे भेळा हवीन तीनु काजे हिममत आप्या ने चां सी चाल पड्या।

17 पोलुस ने सीलास अमफीपुलीस ने अपुलन्या सहर मायन थीसलुनीकी सहर आया चां एक यहूदी माणसेन भक्तीन घर हतलो। 2 चां पोलुस आपसी टेमेन अनसारे तीनु काजे मेळने गुयु ने तीना आरामेन दाहडे लग तींदरे साते चुखला सासतुरेन सी वात देखाडीन दाखलु दी-दीन वात मां माथा-पच्ची हय गुयु। 3 ने दाखला भेळु सासतुरेन वाते काजे समजाड्यु की ईसु मसी काजे दुख झेलने ने मर्या-सर्या मां सी जीवतो हवणु जरुडी छे, “ने चु ईसुत मसी छे तेरे बारामां परचार करे।” 4 तींदरे मां सी थुडाक माणसे ईसु पर भुरसु कर्या ने भगवानेन भक्ती करन्या युनानी माणसे मां सी बेसका जणा ईसु पर भुरसु कर्या ने बेसकी उची कुळीन बायरा बी ईसु पर भुरसु कर्या ने पोलुस ने सीलास पुठ्ये भेसकाय गुया। 5 बाकुन यहूदी माणसे कुहरायणे बाजी गुया, ने चे थुडाक हाटे मायन गुंडा माणसे काजे भेळा कर्या ने टुळु बणीन दंगु कराड देदा। ने चे दवडीन आया ने यासोनेन घर अगळ भेळा हय गुया। ने चे असा कुसीत करने लाग्या कसा बी करीन पोलुस ने सीलास काजे सहरने माणसे अगळ ली आवजे। 6 बाकुन जत्यार पोलुस ने सीलास यासोनेन घर मां नी जड्या ती चे यासोन ने चां वाळा दीसरा भायस काजे घसडीन सहरने नीयाव करन्या चां ली गुया ने आयडीन कह्या जे माणसे आखी कळी मां परेसान कर देदला छे ने हय चां बी आय गुयला छे। 7 ने यासोन तीनु काजे हेरा घर मां थुबाड रयु, चे आखा मतला राजान हुकुमेन वीरूद करे ने कहवे की एक राजु अळी छे तेरो नाव ईसु छे। 8 जत्यार समजीन सहरने

माणसे टुळु ने सहरने हकदार्या घाबराय गुया। 9 छुडावणे वाटे हकदार्यान लागणे वाळा पयस्या यासोन ने दीसरा माणसे सी लेदा ने तीनुक छुडी देदा। 10 ईसु पर भुरसु करन्या भायस तीनेत राते पोलुस ने सीलास काजे बीरीया सहरें मां मकली देदा ने चे बीरीया सहरें मां पुगीन यहूदी माणसेन भक्तीन घर मां गुया। 11 चे बीरीया सहर वाळा थीसलुनीकी सहर वाळा माणसे सी वदु वारु हतला ने चे बेसका मन लागाडीन भगवानेन बुल सामळ्या ने पोलुस कह्यु ची वात सय हय की नी हय करीन खरला सासतुर मां हेरीन दाहडीन पारखतेला। 12 तींदरे मां बेसका माणसे ईसु पर भुरसु कर्या ने भगवानेन भक्ती करन्या युनानी मां उची कुळीन बायरा बी ईसु पर भुरसु कर्या। 13 बाकुन थीसलुनीकी मां रहणे वाळा यहूदी माणसे काजे मालुम पड गुयो की पोलुस बीरीया मां भगवानेन बुलेन परचार करने बाजी गुयु ती चे चां बी दवडीन आय गुया ने माणसे काजे भडकाया ने तींदरे पर जुर करने बाजी गुया। 14 तेरेसी ईसु पर भुरसु करन्या भायस पोलुस काजे तत्यारुत तु समुदर थडे जात रव करीन कह्या बाकुन सीलास ने तीमुथीयुस चांहान रय गुया। 15 पोलुस काजे मेकणे जाण्या सीलास ने तीमुथीयुस काजे कह्या की तुहुं छाटास आवजु ने चे पोलुस काजे मेकणे करीन तेरे पुठ्ये चाल पड्या ने चे पोलुस काजे मेकणे करीन एथेंस लग गुया। 16 जत्यार पोलुस एथेंस सहर मां तीमुथीयुस ने सीलासेन वाट देख रवला ती तीना एथेंस सहर मां बेसका देवतान मुरत्या देखीन पोलुस काजे आपसा जीवे मां बेसको दुख लाग्यो। 17 तेरेमां चे दाहडीन यहूदी माणसेन भक्तीन घर मां यहूदी ने भगवान काजे बीहणे वाळा युनानी सी वात-वात मां माथा-पच्ची करतेलु अतरोत नी बाकुन दाहडीन हाटे मां काहना बी रवतेला तींदरे सी वात मां माथा-पच्ची करतेलु। 18 चां ईपीकुरी ने स्तोईकी मासतुर्या हतला “चे पोलुस साते वात मां माथा-पच्ची करतेला ने तींदरे मां थुडाक कह्या जु बक-बक करन्यु हामु काजे काय कहणे हींड रयु ने?” दीसरा कह्या जु दीसरा देवतान परचार करन्याक मालुम पडे, काहाकी पोलुस ईसुन बारामां जी सीकाडनेन वात आपतेला की ईसु मर्या-सर्या सी जीवतु हयन बहु हय गुयलु छे। 19 तेरेसी चे तीना काजे धरीन अरीयुपगुस नावेन एक बयडी पर अकलेन बठक मां ली गुया, ने पुछ्या, तु जी नवली सीकाडनेन वात माणसे काजे आपणे बाजी रयु, तीनी सीकाडनेन वात काजे हामु जाणने हींड रया। 20 काहाकी हामु काजे बेसकी घाबराड देय असी वात सामळावे तेरेसी हामु जाणने हींड रया की तेरो मतलब काय छे? 21 चां रहण्या आखा एथेंस सहर मां रहण्या आखा माणसे ने दीसरा देसेन माणसे नवली-नवली वात कवणे ने सामळने मां टेम लागाडतेला ने तीनुक ईनी वाते मां मजा आवतेली। 22 तत्यार पोलुस अरीयुपगुस नावेन बठक मां उबु हयन कह्यु, ए एथेंस वाळा माणसे मे देखणे बाजी रयु, की तुहुं देवता पर बेसका भुरसु करीन तींदरी पुजा-पाट करु। 23

मे जां फीरतु जाय्न् तुंद्री पुजणेन चीज काजे देखणे बाजी रवतु, ती मेसे काजे एक असी बयडी देखाव पडी तीनी बयडी पर ज्य लिखलो हतलो, अज्ञाण्या भगवान वाटे तेरेसी तुहं तीना काजे जाणे पाकुर पुजा-पाट कर रया तेरे बारामां मे तुहं काजे सामळावो। 24 जु भगवान कळी काजे ने तेरेमां जो काय छे, चो आखो बणावलो छे, ने सरग ने धरतीन मालीक छे ने माणसेन हात सी बणावला मंदीर मां नी रवे। 25 तीना काजे काहनी बी चीजेन फीकुर नी हय, तेरेसी तीना काजे काहनी बी चीज नी चाहती काहाकी चु आखा माणसे काजे जीवन ने जीवणेन दम आपे ने जो चाहजे आप्या करे। 26 चु ते एकुत माणुस मां सी आखी जातीन धरती पर रवण्या माणसे काजे बणायु, ने तींद्री रवणेन जागान काकड़ बांद देदु। 27 ज आखो असो करनेन पछळ भगवानेन मरजी जी हतली, की आखी जातीन माणसे भगवान काजे हेरनु चाहजे कांखुर मायन चे हेरता-हेरता तीना भगवान काजे हेर लेय तेबी चु भगवान आपणे मां सी काहाना बी सी छेटु नी हय। 28 काहाकी आपणु तेरेत मां जीवता रवजे, ने तेरेत मां हींडजे-फीरजे ने तेरेत मां टीकला रवजे। जसा तुंदरे मायन थुड़ाक लिखण्या बी कहला छे, की हामु तेरात पुर्या-पारी छे। 29 काहाकी हामु भगवानेन पुर्या-पारी हय्न् आपणु काजे ज नी समजणु चाहजे की भगवान माणसेन वीच्यार सी सनान रुपयान नीते दगडान बणावली मुरतीन तसु छे। 30 वीतला जमाना मां माणसे ज जाणतेला की हामरे वाटे भगवानेन मरजी काय छे, तेरेसी चु तीनुक उचकाणुन डंड आप्यु बाकुन हय भगवान जु हुकुम आपलु छे, की आखे जागे माणसे पाप भीणी सी मन फेरवीन भगवान भीणी वळनु चाहजे। 31 काहाकी भगवान एक दाहडु टाकलु छे, तेरेमां चु एक माणसेन साहरे आखी कळीन माणसेन धरमेन ताकडी लीन नीयाव करसे ने चु तीना नीयाव करन्या माणुस काजे मर्या-सर्या माणसे मां सी जीवतु करीन बठु कर देदलु छे ने आखा काजे आपसान ठेहरावली वातेक उजेंतु करीन सभुत आप देदु। 32 तत्त्यार मर्या-सर्यान सी पछु जीवतु हवणेन वात सामळीन थुड़ाक माणसे हासी उडावणे बाजी गुया, ने थुड़ाक कह्या मर्या-सर्याम सी अळी जीवणेन बारामां हामु कदी नी सामळजे। 33 तत्त्यार पोलुस तीनु काजे छुडदीन जाती रयु। 34 बाकुन तेबी थुड़ाक माणसे पोलुसेन वात पर भुरसु कर्या ने तेरे पुठ्ये चाल पड्या तींदरे मां दीयेनीसीयुस हतलु जु अरीयेपागुस बठकेन एक मेहमर हतलु, ने दमरीस नावेन एक बायरी हतली, ने तींदरे पुठ्ये अळी थुड़ाक माणसे हतला।

18 अळतेन पोलुस एथेंस सहर छुडदीन कुरींथीस मां गुयु।

2 चां तीना काजे अक्वीला नावेन एक यहुदी माणुस भेळु हयु, ने चु पुनतुस मां पयदा हवलु हतलु चु हेरी बायरी परीस्कीला पुठ्ये ईटली सी पेहलुस आवलु हतलु काहाकी क्लोदीयुस राजु आखा यहुदी माणसे काजे रोम सहर मां सी नीकळी जावु करीन हुकुम नीकाळ्यु। तेरेमां पोलुस तीनु माणसे

काजे भेळु हवणे गुयु। 3 काहाकी पोलुसेन ने तींदरु एकुत धंदु हतलु तेरेसी पोलुस तींदरेत पुठ्ये रवीन काम करने बाजी गुयु, ने तींदरो काम धंदु तम्बु बणावणेन हतलो, काहाकी चे तम्बु बणावण्या हतला। 4 पोलुस आरामेन दाहडे यहुदी माणसेन भक्तीन घर मां जाय्न् वाते मां माथा-पचवी करतेलु ने यहुदी ने युनानी माणसे काजे समजाडनेन कुसीत करतेलु। 5 जत्त्यार सीलास ने तीमुथीयुस मकीदुनीया सी आया, ती पोलुस भगवानेन बुलेन परचार करने मां आपसो पुरो मन लागाड रवतु, ने चु यहुदी माणसे अगळ गवाय देतु, रयु की ईसुत मसी छे। 6 बाकुन जत्त्यार चे माणसे पोलुसेन वीरुद करीन नाव-बद्दी करतेला ती पोलुस आपसान झगल्यो फाडिन तीनु काजे कह्यु, “तुंदरु खुन तुंदरा मुणका पर रहे! मे गुनाळु नी हय। मे हय सी नी-यहुदी मां ईसुन परचार करने जायस।” 7 असु कय्न् पोलुस तीनु काजे छुडदीन जात रयु, ने तीतुस युसतुस नावेन एक माणसेन घर गुयु, जु भगवानेन भक्ती करन्यु हतलु ने तेरो घर यहुदी माणसेन भक्तीन घर साते चसटायन बांदलो हतलो। 8 यहुदी माणसेन भक्तीन घरेन मुख्यु कीरसपुस आपसा आखान घरन्या भेळु मालीक ईसु पर भुरसु कर्यु, ने बेसका कुरींथी सहर वाळा माणसे बी पोलुसेन साहरे ईसुन बारामां वात सामळीन ईसु पर भुरसु करीन बपतीसमा लेदा। 9 मालीक ईसु तीनीत राते सपना मां पोलुस काजे कह्यु, बीहे मां बाकुन भगवानेन वात कवतु रव ने हुगु मां रवे। 10 काहाकी मे तारे पुठ्ये छे, ने कुय बी तारो नुकसाण नी करे काहाकी हीना सहर मां मारा माणसे बेसका छे। 11 तेरेसी पोलुस माणसे काजे भगवानेन वात सीकाडतु जाय्न् चां डेड साल लग रयु। 12 जत्त्यार गल्लियो अखाया देसेन राज-करन्यु हतलु, ती यहुदी माणसे मुजगी करीन पोलुस भीणी जुर करीन आया, तीना काजे कुरुट-कचेरी अगळ उबु करीन कह्या। 13 ने कह्या, जु अदमी भगवानेन भक्ती करनेन असु नीयम-कायदु सीकाडे, जु मुसान साहरे लिखला नीयम-कायदा सी अलग छे। 14 पोलुस आपसुत कहणे हींडतेलु ने तीनेत टेमे गल्लियो यहुदी माणसे काजे कह्यु, “ए यहुदी माणसे कदी जु नीयावेन वीरुद मां काय बी गुनु करलु हसे, नीते मटु गुनु कर्यु हय, ती मे तुंद्री वात सामळीन तीयार रवतु। 15 बाकुन जे हीनी वात-वातेम लडायतेला, ती बेसका नावेन बारामां ने मुसान साहरे लिखला कायदान बारामां छे, तेरेसी ईनी वाते मां मे तुंदरेम नीयाव करन्यु नी बणो, तुहंत ईनी वातेन बारामां जाणु।” 16 ने चु गल्लियो पोलुस काजे नीयाव करे तीनी कुरुट-कचेरी मां सी बाहर नीकाळ देदु। 17 ती आखा यहुदी माणसेन भक्तीन घरेन मुख्या सोस्तीनेस काजे नीयाव हवे तीनी कुरुट-कचेरी अगळुत धर पाड्या ने बेसका ठुक्या, बाकुन गल्लियो तीनी वात काजे देखी भाळीन काय बी नी कह्यु। 18 पोलुस बेसका दाहडा लग कुरींथी सहर मां रयु, ने हेरे पछळ चु भायसे काजे आवजु कय्न् परीस्कीला ने अक्वीला पुठ्ये डंड्या मां बसीन

सीरीया भीणी चाल पड्यु, ने चु बादा लेदु करीन कींखराया मां आपसान मुणका काजे बुडायु। 19 अळतेन चे ईफीसुस पुग्या, ती पोलुस परीस्कीला ने अक्वीला काजे चांहान रहणीदीन यहुदी माणसेन भक्तीन घर मां जायन भगवानेन वातेन बारामां माथा-पच्ची करने बाजी गुयु। 20 चां वाळा माणसे लीलघाय्न कह्या थुडाक दाहडा अळी जां रय जां बाकुन पोलुस कह्यु मे नी रवतु कय देदु। 21 ने तीनु काजे छुड दीन जाणेन टेमे कह्यु भगवानेन मरजी रवसे तीते मे अळी तुंदरेनचां पळु आवीस, अळतेन पोलुस ईफीसुस सी डंड्या मां बठीन चाल देदु। 22 ने अळतेन चु केसर्या सहर पुग्यु ने चां सी यरुसलेम सहर गुयु, ने चां वाळी ईसुन मंडळी काजे भेळु हय्न वारु छे की करीन कह्यु, अळतेन चु चांहा सी अन्ताकीया सहर मां जात र्यु। 23 पोलुस थुडाक दाहडा अन्ताकीया सहर मां रयु, ने चु गलातीया ने फुरगीया फीरतु जायन आखा ईसु पर भुरसु करने वाळान भुरसा काजे काठु करतु रयु। 24 तीनी टेमे चां यहुदी माणुस हतलु, तेरो नाव अपुल्लोस हतलो, चु सीकेन्दर्या मां पयदा हवलु, चु अक्कल वाळु माणुस हतलु, खरला सासतुर काजे वारु रीते जाण तेलु, चु ईफीसुस मां आयु। 25 तीना काजे मालीक ईसुन सीकाइने वाळी वात जडली हतली, ने मन लागाडीन ईसुन बारामां सय-सय सीकाइतेलु बाकुन तीना काजे युहननान बपतीस्मान बारामां अतरोत मालुम हतलो। 26 चु भक्तीन घर मां बीहे बीगुर भगवानेन वात कवणे बाजी गुयु, परीस्कीला ने अक्वीला तेरी वात सामळीन तीना काजे चे तींदरेनचां लीन गुया, ने तीना काजे वारु रीते भगवानेन वात समजाड्या। 27 जतयार अपुल्लोस समुदर वेणकीन अखाया जाणे करीन पाक्कु वीच्यार कर्यु, ती दीसरा ईसु पर भुरसु करन्या भायस, तीना काजे हिममत देदा ने अखाया वाळा काजे ज लिख्या की तुहुं पोलुसेन आव-भाव करजु जतयार पोलुस अखाया पुग्यु ती चां वाळा माणसे तेरी बेसकी मदत कर्या जे भगवानेन गीण-दया सी ईसु पर भुरसु करला। 28 काहाकी चु खरला सासतुर मां सी समजाडतु जायन कवतेलु, की ईसुत मसी छे, ने यहुदी माणसे अगळ खरला सासतुर मां सी बेसका वात कयन तींदरी बुलती बंद कर देदलु।

19 तीने टेमे असो हयो की जतयार अपुल्लोस कुरीथीस सहर मां हतलु, तीने टेमे पोलुस ने चां आखा परदेस मायन फीरतु-फीरतु ईफीसुस मां आयु, चां तीनुक थुडाक चेला भेळा हया। 2 तीनु चेला काजे पोलुस पुछ्यु “जतयार तुहुं ईसु पर भुरसु करला ती चुखली-आत्मा हात करला काय चे चेला कह्या?” हामु ते चुखली-आत्मान बारामां सामळ्या लग नी। 3 अतरे पोलुस तीनु काजे पुछ्यु ती तुहुं कुणीन बपतीस्मा लेदला छे? चे जपाप आप्या युहननान बपतीस्मा लेदला छे। 4 पोलुस कह्यु युहननु ज्य कयन मन फीरावणेन बपतीस्मा आपलु की जु मारे पळळ आवणे वाळु छे हेरे पर मतलब ईसु पर भुरसु करजु। 5 ज्य सामळीन चे मालीक ईसुन नाव सी बपतीस्मा

लेदा। 6 जतयार पोलुस तींदरे पर हात मेकीन तींदरे वाटे भगवान सी दुवा कर्यु ती चुखली-आत्मा तींदरे पर उतरीन तींदरे मां भराय गुय ने चे भाती-भातीन बुली बुलने बाजी गुया ने भगवानेन अघे सी वात कहवणे बाजी गुया। 7 चे आखा मेळीन बारे जणा हतला। 8 अळी पोलुस तीन महना लग यहुदी माणसेन भक्तीन घर मां जायन बीहे पाखुर भगवानेन राजेन बारामां यहुदी माणसे साते वाते मां माथा-पच्ची करतेलु ने समजाड्या करतेलु। 9 बाकुन तींदरे मां सी थुडाक माणसे पीटा हतला, ने पोलुसेन वात सामळीन ईसु पर भुरसु नी कर्या ने दीसरा अगळ ईना ईसुन टुळान बारामां वाक नीकाळनी बाजी गुया, अतरे पोलुस तींदरे सी अलग हय गुयु, ने आपसान चेला काजे लीन चां सी जात र्यु, ने चु दाहडीत तुरनुसेन भणावण्या घर मां भगवानेन वाटेन बारामां वात कयन तींदरे साते माथा-पच्ची करतेलु। 10 दुय साल लग चु असुत भगवानेन राजेन बारामां कवतु जायन समजाडतु र्यु, ने तेरी वात सामळीन आसीया मां रहण्या यहुदी माणसेक ने नी-यहुदी माणसेक मालीक ईसुन बारामां बुले सामळीन ईसु पर भुरसु कर्या। 11 भगवान पोलुसेन साहरे बेसका भारी काम देखाडतु र्यु। 12 जतयार माणसे पोलुसेन डीले लागाडीन रुमाल ने फेटको मांदला साते ली जातला ती चे मांदला वारु हय जातला ने भुतडान आत्मा तींदरे मां सी नीकळी जातला। 13 थुडाक यहुदी माणसे जागे-जागे बडवाय करता फीरतेला, ज्य करने लाग्यु की तींदरे मां भुतडान आत्मा रवे तींदरे पर मालीक ईसु नाव ज्य कयन फुक्या तीना ईसुन परचार पोलुस करे मे तुहुं ह्येरीत सगुन आपो। 14 ने सक्कीवा नावेन एक यहुदी मुख्या पुजारान सात पुर्या हतला, चे बी असात बडवाय करीन भुतडा नीकाळतेला। 15 बाकुन भुतडान आत्मा तीनु काजे जपाप आप्यु, मे ईसु काजे जाणो ने पोलुस काजे बी जाणो बाकुन तुहुं कुण छे? 16 अळतेन तीना माणसे मां भुतडान आत्मा हतली, चु माणुस झड दीन तींदरे पर आय गुयु ने तीनुक हाराड देदु, तेरेमां चे नांगेरलात घायल हयन तीना घर सी नीकळीन ढासी गुया। 17 ज्य हयो तेरी खबर ईफीसुस सहर मां रवण्या यहुदी माणसे मां ने नी-यहुदी माणसे मां जात रया ने चे आखा माणसे बीहीन बेसका घाबराय गुया ने हीने रीते मालीक ईसुन नावेन ईज्जत अळी जादा हवणे बाजी गुय। 18 तींदरे मां सी बेसका जणा भुरसु करला, ने गलत काम करला आखा माणसे अगळ मान लेदा ने चां आया। 19 ने चे बडवाय करन्या आपसा आपसान बडवाय करनेन किताप तींदरे चां लावीन भेळा कर देदा ने आखा अगळ तीनु कितापेन दाम चांदीन पचास हजार टका बराबर हतला। 20 असो करीन मालीक ईसुन वात माणसे काजे जादा समज मां आवती गुय ने बेसका माणसे ईसु पर भुरसु करता गुया। 21 जतयार जी वात हय गुय, ती पोलुस आपसान जीवे मां असु वीच्यार कर्यु, की मे मकीदुनीया ने अखाया मायन यरुसलेम जायस चां जायन अळतेन रोम मां बी देखणे जायस। 22 तेरेमां

पोलुस आपसा साती तीमुथीयुस काजे, ने ईरासतुस काजे सेवा करने करीन मकीदुनीया मकली देदु, ने आपसुत आसीया मां थुडीक टेम अळी रयु। 23 तीने टेमे मालीकेन वाटेन वजे सी माणसेन टुळु वीरुद करीन बेसका माणसे दवडीन आया। 24 चां देमेतीरीयुस नावेन एक सनारयु हतलु, ने तेर पुट्ये मुरती बणावण्यु बी हतलु। चु तींद्रे सी, अरतीमीस नावेन एक देवीन मंदीरेन मुरत्या चांदीन बणाय मांगतेलु। ने असु करीन चु ने तेरा मुरती बणावणया बेसका कमायतेला। 25 चु ईनु काम-धंदु करन्या दीसराक बी भेळा करीन कह्यु, ए माणसे तुहुं काजे ते मालुम छे, की ईना काम-धंदा मां आपणी बेसकी कमाय हवे। 26 बाकुन तुहुं देखु ने सामळु की चु पोलुस ईफीसुस ने आखा आसीया मां माणसे काजे ज्य कयन समजाडे ने मुरती लेणे वीचकाडे की हाते सी बणावला मुरत्या देवता नी हय। 27 पोलुस असुत माणसे काजे समजाड्या करसे ती जी डर छे की आपणु मुरती बणावीन वेचणेन काम धंदु बंद हय जासे ने मटली देवी अरतीमीसेन मंदीरेन ईज्जत बी जात रवसे करीन डर छे ने तीनी देवीन पुजा-पाट आखे आसीया ने आखी कळ करे। 28 जी वात सामळीन चे रीसवाय पड्या ने आयडी-आयडीन कह्या, ईफीसुस्या सहर मां रवण्या अरतीमीस देवी बेसकी मटी छे। 29 सहरें दीसरा माणसे बी तींद्रे मां भेसकाय गुया ने मकीदुनीया वाळा गयुस ने अरीस्तारकुस काजे धर लेदा जे पोलुस पुट्ये हींडतेला ने आखान आखा एक मन्या हयन उफरीवाळा मकेळा घर मां दवडी पड्या। 30 जतयार पोलुस तीनु माणसेन टुळान ईधमां जाणे हींड रवलु, बाकुन चेला तीना काजे चां जाणे नी देदा। 31 आसीया जीलान थुडाक हकदार्या पोलुसेन दुस्तीदार हतला चे हकदार्या जी खबर दी मकल्या ने लीलघाय सी कहे की तु उफरीवाळा मकेळा घर मां आवीन दुख मां घुण पडे। 32 तीने टेमे गडदी मां सी काहनास कांखुरुत आयडी रवला, ने काहना काहनाक कांखुरुत आयडी रवला, काहाकी बेसका माणसे काजे ज्य मालुम नी हतलो की काहा भेळा हवला छे। 33 तीनी गडदी मां सी सीकेन्दर्या नावेन एक माणुस हतलु तीना काजे यहुदी माणसे तींद्रे मां सी नेवाडला हतला चे तीनाक समजाडीन गडदी अगळ उबा कर देदा सीकेन्दर्यु हात पालवीन ईसारु करीन आपसा काजे बचाडने हींड रवलु। 34 बाकुन जतयार तीनु काजे पतु चाल्यु की चु एक यहुदी माणुस छे ती चे आखान आखा एक जसा दुय घंटा लग आयडी-आयडीन कह्या ईफीसुस्यान सहरें मां रवण्या देवी अरतीमीस बेसकी मटी छे। 35 ततयार सहरें मंत्री गडदी काजे हुगु राखीन कह्यु, ए ईफीसुस्यान सहरें मां रवण्या माणसे ईफीसुस सहर मां रवण्या माणसे मटली देवी अरतीमीस देवीन मंदीरेन ने सरग भीणी सी पलली मुरतीन राखवाळ्या चे ईनी वाते काजे आखी कळीन माणसे जाणे। 36 अतरे ईनी वाते काजे कुय नी काटी नी सके अतरे ज्य वारु छे की तुहुं हुगा रहु ने वीच्यार नीकाळे पाखुर काय मां करु। 37

काहाकी तुहुं तीनु माणसे काजे लावला छे चे नीते मंदीर मां धडु पाड्या ने नीते आपणी देवीन वाक नीकाळ्या। 38 कदी देमेतीरीयुस काजे ने तेरे साते काम-धंदु करन्यान काहानी वाते मां वाक हय ती नीयाव वाटे कुरुट-कचेरी चालु छे ने चां नीयाव करन्या धेणी बी छे चां जायन एक दीसरान वाक नीकाळ्या करु। 39 बाकुन तुहुं काहीग पुछणे हींड ती ईनी वातेन बारामां जाणने करीन सहरें नेमेन बसक हय चां आवजु चां ईनी वातेन वीच्यार नीकाळु। 40 काहाकी आज जी बी दंगाय हवली छे, ची हामरे माथे पडसे तेरेसी जां हेरे बारामां वीच्यार नीकाळनु वारु नी हय काहाकी ईने टेमे ईनी गडदी मां वाळा माणसे काजे हामरे सी काय बी जपाप नी आपाये। 41 ज्य कयदीन चु सहरें पंचु काजे वळाय देदु।

20 माणसे दवडीन आया ने अळतेन चे सींग पडने बाजी गुयो, ती पोलुस ईसुन चेला काजे बुलावीन समजाड्यु, ने तीनु काजे आवजु कयदीन चां सी मकीदुनीया भीणी चाल पड्यु। 2 ने चु तीना परदेस मां सी हयन ने माणसे काजे बेसकु सांती आप्यु चां सी युनान जीला मां जाती रयु। 3 ने पोलुस चां तीनेक महना रयु काहाकी यहुदी माणसे तीना काजे मारने करीन जाळसांदी नाख रवला, ने अळतेन वीच्यार नीकाळ्यु की मे ढंड्या मां बसीन सीरीया जात रवीस, बाकुन अळतेन चु अळी वीच्यार कर्यु की मे मकीदुनीया पळु जात रवीस ने चाल पड्यु। 4 बीरीया सहर वाळु पुररुसेन पुर्यु सोपतुरुस ने थीसलुनीकीया मां रहणे वाळा अरीस्तारकुस ने सीकुनदुस ने आसीया वाळा तुखीकुस ने तरुफीमुस ने दीरबे वाळु गयुस ने तीमुथीयुस तेरे पुट्ये आसीया लग आया। 5 चे माणसे पेहलुत तरोआस मां जायन हामरी वाट देख रवला। 6 अखमीरी रुतान तीहवार हय गुयु, ने अळी हामु फीलीपी सहर सी मटला ढंड्याम बसीन तरोआस भीणी चाल पड्या। ने पांच दाहडाम हामु तरोआस पुग्या। ने चां हामु सात दाहडा रया। 7 हापतान पेहेले दाहडे हामु रुटु तुडने वाटे भेळा हया, ती पोलुस माणसे सी वात कर्यु, ने चु दीसरे दाहडे जाणे वाळु हतलु, ने तींद्रे सी वात कर्यु, ने आधली रात लग वाते करतुत रयु। 8 हामु तीना घरेन उपरी खुली मां भेळा हय रवला, चांहा बेसका दिवा धपाडीन मेल रवला। 9 ने युतुखुस नावेन एक जुवान पुर्यु खीडकी पर बठ रवलु, ने बेसकी नीद आय रवली जतयार पोलुस बेसकी वार लग वाते करतु रयु, ती चु नीदेन झपकी मां तीसरी मंजील पर सी हीटी पड्यु, ने जतयार हाकलीन लाया ती चु मरी गुयलु। 10 बाकुन पोलुस नेचु उतरीन हेरेसी चस्ताय गुयु, ने गळे लागाडीन कह्यु “घाबरायु मां हयु जीवलुत छे।” 11 बाकुन चु उपर गुयु, ने रुटा काजे तुडीन वाट्यु ने खादु। ने हयु तींद्रे साते बेसकी वार ने तींद्रे सी दाहडु उंगते लग वात करतु रयु, ने पोलुस तीनुक छुडीन जाती रयु। 12 ने चे तीना जुवान पुर्या काजे चे जीवतेलु घर ली आया, ने बेसका सांती ने खुसी मां हय गुया। 13 हामु पेहलुत ढंड्या मां बसीन अससुस भीणी गुया, की चां सी हामु

पोलुस काजे चड़ाय लेसुन, काहाकी हयु ज्य हेरेसी ठेरावळु हतलु की आपसु चालीन जाणे वाळु हतलु। 14 जतयार पोलुस असुसुस मां हामु काजे भेळु हयु, ती हामु तीना काजे ढंड्या पर चहड़ाया ने हामु मीलेतुस भीणी चाल पड्या। 15 चां सी ढंड्या काजे छुडीन हामु दीसरे दाहडे खीयुस गुया ने दीसरे दाहडे सामुस मां जाय पड्या अळतेन दीसरे दाहडे मीलेतुस मां आया। 16 काहाकी पोलुस जाहां लग हय सके पेन्तेकुस्तेन दाहडे लग यरुसलेम मां मामार जाणेन कुसीत कर रवळु, तेरेमां हयु नकखी कर्यु की हयु ईफीसुस मां हबु नी रवे ने अघुत जाती रवसे, काहाकी तीनाक आसीया मां रहणु नी पडे। 17 हयु मीलेतुस सी ईफीसुस मां कय मकलयु ने मंडळीन डाहा-बुडा माणसे काजे आपसा धडे बुलायु। 18 जतयार चे हेरे धडे आया ती तींदरे सी कहयु तुहुं जाणु की पेहलेत दाहडे सी जतयार मे आसीया मां पुग्यु मे आखी टेमे तुंदरे साते काहाली रीत सी रयु। 19 मतलब वारु भाव सी ने आसळा पाडी-पाडीन ने ईनु पारख मां ज्य यहुदीयान माणसेन कुहरायन वजे सी मार पर आय पडी मे मालीकेन चाकरी करतुत रयु। 20 ने जी-जी वाते तुंदरे फायदान हतली तीनुक बताइने ने माणसे अगळ ने घर-घर सीकाइने सी कदी नी पछु हयु। 21 यहुदी ने नी-यहुदी माणसे काजे मे बराबर भाव सी मन फेरवणेन भगवान भीणी फीरु करीन कय रयु ने, आपणा मालीक ईसु मसी मां भुरसु करु करीन तीनुक कवतु रयु। 22 ने हय देखु मे चुखली-आत्मान अगवाय मां बांदायन मे यरुसलेम जाय रयु। मे नी जाणु की चां मार साते काय हवसे। 23 अळतेन ज्य की चुखली-आत्मा आखा सहर मां गवाय दी-दीन मार सी कहवे की बांदायणु ने दुख तारी वाट देख रय। 24 बाकुन मारे वाटे आपणा जीवेन काय बी कीमत नी हय। मे ते बस दवडनु ने तीनी सेवा काजे पुरो करने चाही रयु तीनाक मालीक ईसु सी जडलो छे चो गुयो छे भगवानेन गीण-दयान गवाय देणु। 25 हय देखु मे जाणो की तुहुं, आखा तींदरे मां भगवानेन राजेन परचार करतु रयु, ने मेसे अळी कदी नी देखसु। 26 तेरेमां आज मे तुंदरे अगळ गवाय दीन कहवो की मे तुंदरे मां सी काहनान बी लुहीन गुनाळु नी हय। 27 काहाकी मे भगवानेन आखी मरजी काजे तुंदरे अगळ पुरी रीत सी बताइने मां कदी बी पछु नी पड्या। 28 हेरेसी आपणी ने आखा टुळान देख-भाळ करु तेरेमां चुखली-आत्मा तुहुं काजे मुख्या ठेरावळु छे की तुहुं भगवानेन मंडळीन राखवाळी करु तीना काजे हयु आपणा लुही सी मुल ली लेदलु छे। 29 मेसेक मालुम छे, की मारे जाणेन पछे तुंदरे ईचमां धरन्या लेंड्या आवसे ने चे भुळा-भाळा टुळा काजे नी छुडे। 30 ने अतरो बी की तुंदरे आपणे ईचमां सीत असा माणसे बी उबा हवसे, जे चेला काजे आपसे पछळ चालाइने वाटे वात काजे गलत सलत वात सीकाइसे। 31 हेरेसी जागता रवु ने हेर करु की मे तीन साल लग रात ने दाहडु रडीन-रडीन एकेक काजे चेतावणी देणे नी छुड्यु। 32 ने हय मे तुहुंक भगवान काजे ने हेरी बेसकी वारु दयान बुल काजे

सुपी दम काहाकी तुहुं बडता जावु ने आखा चुखा हवला माणसे मां गवाय देणेन हक आप देसे। 33 मे काहनाक ने चांदीन, सनान नीते पुथलयान हर कर्यु। 34 तुहुं आपसात जाणु की जेत हाते ने मारी ने मारा साते वाळान ज्य-ज्य चीज चाहजे चो पुरो कर्या। 35 मे तुहुं काजे आखो काय करीन देखाड्यु की हीनी रीत सी मेहनत करता जायन लुला काजे समाळजु ने मालीक ईसुन बुल हेर राखणु जरुरी छे। 36 असो कहणेन पछे हयु मांडा टेक्यु ने तींदरे आखा साते दुवा कर्यु। 37 ततयार चे आखा रड्या ने पोलुसेन गळे लागीन गुळा देणे लाग्या। 38 चे खास करीन हीनी वातेन दुखी हतला चो हयु कहलु की तुहुं मारो मुंहडो अळी नी देखसु ततयार चे हीनाक ढंडयानचां पुगाड्या।

21 जतयार हामु तींदरे सी अलग हयन समुदर मां हामरो ढंड्यो छुड लेदा, ने सुदी सट वाटे कुस मां आया ने दीसरे दाहडे रुदुस मां ने चां सी पतरा मां आया। 2 ने पतरा सी हामु एक ढंडयाम बसीन चाल पड्या, चु फीनीके जाणे बाजी रवळु। 3 जतयार सायपरस देखायु ती हामु हीनुक डाखर्ये हात भीणी छुड्या ने सीरीया भीणी जायन सुर मां उतर्या काहाकी चां ढंडयाम सी माल उतारनु हतलो। 4 ईसु पर भुरसु करन्या भेळा हय गुया, ती हामु चां सात दाहडा लग रया चे आत्मान सीकाइला हतला पोलुस सी कह्या की यरुसलेम मां पाय घुण मेले। 5 बाकुन चे दाहडा पुरा हय गुया, ती हामु चां सी चाल देदा ने आखा बायरा ने पुर्या भेळा हामुक सहरेन बाहार लग पुगाड्या ने हामु दर्या धडे मांडा टेकीन दुवा कर्या। 6 ततयार एक दीसरा सी आवजु ने आवसुन कयन हामु ते ढंड्या पर चहड्या ने चे आपसे-आपसे घर जात र्या। 7 ततयार हामु सुर सी पाणी मां हामरी चाल पुरी करीन पतुलीम्या मां पुग्या ने भायसे काजे आवजु ने आवसुन कयन तींदरे साते एक दाहडु रया। 8 दीसरे दाहडे हामु चां सी चालीन केसर्या मां आया ने फीलीपुस खुस-खबरेन परचार करनयान घर मां जु सात मां सी एक हतलु जायन हेरेन चां रया। 9 हेरी चार कुवारी पुरे हतली जी भगवानेन अघे सी वात देखाइनेन वाटु जडलु हतलु। 10 जतयार हामु चां बेसका दाहडा रय लेदा ती अगबुस नावेन एक भगवानेन अघी सी आवणे वाळी वात बताइन्या माणुस यहुदीया सी आयु। 11 हामरे धडे आवीन पोलुसेन फेटको लेहु ने हेरा हात पाय बांदीन कहयु चुखली-आत्मा ज्य कहवे की तीना माणसेन ज्य फेटको छे तीना काजे यरुसलेम मां यहुदी माणसे हीनीत रीत सी बांदसे ने नी-यहुदी हात मां आप देसे। 12 जतयार हामु जी वात सामळ्या ती हामु ने चांहान माणसे हेरेसी दुवा कर्या की पोलुस यरुसलेम मां नी जाणु चाहजे। 13 बाकुन पोलुस जपाप आप्यु तुहुं काय कय र्या की रडी रडीन मारा मन काजे मां तुडु मेसे मालीक ईसुन नाव वाटे यरुसलेम मां नी बाकुन बांदाय जाणे वाटे बाकुन मरने वाटे बी तीयार छे। 14 जतयार चु नी मान्यु ती हामु ज्य कयन हुगा हय गुया की मालीकेन मरजी पुरी हवे। 15 तीनु दाहडान पछे हामु तीयारी

कर्या ने यरुसलेम भीणी चाल देदा। 16 केसर्या सी बी थुड़ाक सहरें माणसे पोलुस भीणी जाय रया। 32 चु सुबेदार तत्यारुत चेला हामरे साते आय गुया। ने हामु काजे मनासोन नावेन सायपरस मां एक पेहला चेलान चां ली आया की हामु हेरेन चां रय रवजे। 17 जत्त्यार हामु यरुसलेम मां पुग्या ती ईसु पर भुरसु करन्या भायस खुस ह्यन हामु काजे भेळा हया ने आव-भाव कर्या। 18 दीसरे दाहडे पोलुस हामरे पुठ्ये याकुप काजे भेळु हवणे गुया, चां आखा डाहा-बुडा भेळा हय रवला। 19 तत्त्यार चु पोलुस हीनु काजे आवजु ने आवीस कयन जे काम भगवान हेरी चाकरीन साहरे नी-यहुदी मां करलु एक-एक करीन आखी वात बताइयु। 20 चे ज्य सामळीन भगवानेन बडाय कर्या अळतेन हीनाक कह्या ए भाय पोलुस देखे की यहुदी मां सी काय हजार माणसे भुरसु कर्या ने आखा मुसान साहरे लिखला कायदाक वाचाइन्या बी छे। 21 ईसुक तारे बारामां सीकाइ गुयलो छे की तु नी-यहुदी मां रवणया यहुदी माणसे काजे मुसा सी छेता हय जावु करीन सीकाडे ने कहवे की नी आपणा पुर्यान चामड़ी काटाडु ने नी रीती रीवाज पर चालु। 22 तौ हय काय करनु चाहजे? माणसे जरूर सामळसे की तु आवलु छे। 23 हेरेसी ज्य हामु तारे सी कवजे चो कर हामरेन चां जां चार माणसे छे चे मान्ता लेदला छे। 24 हीनुक लीन तींदरे साते आपसा काजे चुखु कर ने तींदरे वाटे खरचु आप की चे मुणका काजे बुडावे तत्त्यार आखा जाणी लेसे की जी वाते हीनुक तारे बारामां देखाइली छे तींदरे मां सी थुड़ीक छाचाय नी हय बाकुन तु आपसु बी मुसान साहरे लिखला कायदा काजे मानीन हेरे अनसारे चाले। 25 बाकुन हीयु नी-यहुदीन बारामां चे भुरसु करला छे हामु असा वीच्यार करीन चिट्ठी मकेला छे की चे तुहुं मुरती पर चडावला सीकार सी ने लुही सी ने गळु दइपीन मारला सीकार सी ने छीनाळा सी बचीन रहु। 26 तत्त्यार पोलुस तीनु माणसे काजे लीन ने दीसरे दाहडे तींदरे साते चुखु ह्यन मंदीर मां गुयु ने चां बताइ देदु की चुखु हवणेन दाहडे मतलब तींदरे मां सी एक-एक जणा वाटे चडावु चडावे जांहा लग की दाहडा पुरा नी हवसे। 27 जत्त्यार चे सात दाहडा पुरा हवणे वाळा हतला ती आसीयान यहुदीया पोलुस काजे मंदीर मां आखा माणसे कीचवाड्या ने असा आयडी-आयडीन हीनाक धर लेदा। 28 ए ईस्रायली मदत करु जु ह्युत माणुस छे जु माणसे ने मुसान साहरे लिखला कायदा ने हीना जागान वीरुद मां एक-एक जागा आखा माणसे काजे सीकाडे जां लग की नी-यहुदी काजे बी मंदीर मां लावीन जु हीना चुखला जागा काजे वीटाळ देदु। 29 चे तेरसी पेहल ईफीसुस वाळा तरुफीमुस काजे हेरे साते सहर मां देखलु ने समजाइला की पोलुस हीनाक मंदीर मां ली आवे। 30 तत्त्यार आखा सहर मां माणसे हाय-हाय कर्या ने माणसे दवडीन भेळा हया ने पोलुस काजे धरीन मंदीरेन बाहार घीसडीन लाया ने तत्यारुत बारनो बंद कर देदा। 31 चे पोलुस काजे मार नाखणे हींडी रवला। तीनेत टेमे सीपायडान मुख्यु सुबेदार काजे काहनसुस जी खबर पुग्याड्यु की, की आखा यरुसलेमेन

सहरेन माणसे पोलुस भीणी जाय रया। 32 चु सुबेदार तत्यारुत सीपायडा ने सीपायडान दीसरा मुख्या काजे तेरे पुठ्ये लीन पोलुस काजे मारने हींडतेला तीनु यहुदी माणसे भीणी गुया। चे यहुदी सीपायडान मुख्या सुबेदार काजे ने सीपायडान दीसरा मुख्या काजे देख्या ती चे पोलुस काजे ठुकणे बंद कर देदा। 33 तत्त्यार सीपायडान मुख्या सुबेदार आवीन पोलुस काजे धर लेदु ने दीसरा सीपायडान मुख्या काजे कह्यु की “हेरे हातकड्या लागाइ देदु।” अळतेन चु सीपायडान मुख्या सुबेदार गडदीम वाळा माणसेक पुछ्यु, “जु कुण छे ने जु काय गुनु करलु छे?” 34 गडदीम वाळा माणसे मां काहनसुस कार्हींग कय रवलु ने काहनसुस कार्हींग कय रवलु। काहाकी तीना सुबेदार काजे ज मालुम नी पड्यो की संय वात काय छे। तेरेमां चु सुबेदार दीसरा सीपायडान मुखी काजे हुकुम आप्यु की “हीना काजे कीला मां ली जावु।” 35 माणसेन गडदी बेसकी हतली ने गडदीम वाळा माणसे धकलावतेला तेरेमां कीलान फटक्यान चां जातात पोलुस काजे हाकलीन ली जाणु पड्यो। 36 काहाकी माणसेन गडदी ज आयडतात हेरे पछळ पडी रवला की, “हीनाक मार नाखु!” 37 जत्त्यार सीपायडा पोलुस काजे कीला मां ली जाणे वाळा हतला, ती पोलुस सुबेदार काजे कह्यु, “काय मेसेक हुकुम छे काय मे तुसेक काय कहं?” सुबेदार पोलुस काजे जपाप आप्यु, “तुसे युनानी बुली आवडे काय? 38 काय तु चु मीसरी ते नी हय, चु थुड़ाक दाहडा पेहल लडाय करलु, ने चु च्यार हजार माणसे काजे बयडा मां ली गुयलु?” 39 पोलुस कह्यु, मे ते कीलक्यान तरसुस सहर मां रहण्यु यहुदी माणुस छे। चु तेरे सी लीलघायन कह्यु, “तु मेसेक हीनु गडदीन माणसे साते वात करने दे।” 40 जत्त्यार चु हुकुम आप्यु, “पोलुस फटक्या पर उबु रयन हाते सी ईसारु कर्यु। जत्त्यार आखा माणसे हुगा रय गुया। ती चु ईब्रानी बुली मां ज कहणे बाजी गुयु:

22 “ए भायस्यो ने आखा डाहला बास, मेसेक वाचाइने करीन मे जो काय तुंदरे अगळ कय रयु च सामळु।” 2 जत्त्यार माणसे पोलुस काजे ईब्रानी बुली मां बुलतेलु सामळीन अळी हुगा रय गुया। ती पोलुस तीनुक कह्यु, 3 मे ते एक यहुदी माणुस छे, ने मे कीलक्या तरसुस सहरेंम पयदा हवलु। ने मे तरसुस मां मारा आसी-बासया मेसेक पाळ्या-पुसया ने मटु कर्या। ने तरसुस मांत गमलीयेल मासूतर मेसे काजे आपणा आडा-बुडान कायदा पुरान-पुरा सीकाड्यु; ने मे भगवानेन कायदा पाळने मां तुंदरेन तसुत हवस्यु ने उतवाळ्यु हतलु। जसा आज तुहुं आखा हवस्यु ने उतवाळ्या छे। 4 चे माणसे हीनी वाटेन अनसारे चाल रवला मे अदमीक ने बायरा काजे धरी-धरीन बांदिन जेल मां नाखी देदलु। ने बेसकु वेला पाड्यु ने माराडी बी नाख्यु। 5 मे ज बी कर्यु तीनी वातेन गवा आखा मंदीरेन डाहला पुजारा छे। पुजारा ने आखी बसकेन माणसे मारी ईनी वातेन गवा छे। मे माणसे काजे जेल बुजीन वेला

पाड़ने, करीन मे भायस्योन नावे तींद्रे धड़े वेला पाड़नेन चिट्ठी लिखाड़ीन दमीस्क जाणे बाजी रव्लु, की जे वां छे तीनुक बी सजा आपाड़ने करीन बांदीन यरुसलेम लावु। 6 जत्तयार मे चालतु-चालतु दमीस्क धड़े पुग्यु, ती असो हयो की मांजणीक दाहड़े सरगे सी उचकाणुन वीजाळो मारे चारेमेर चमक्यो। 7 ने मे भुयमां हीट पड्यु, ने मेसेक एक बुल सामळायु, ए सावुल, ए सावुल, तु मेसेक काहा वेला पाड़े? 8 मे जपाप आप्यु, “ए ने चु बीना गुना वाळा काजे सपाटा दी रया?” 26 ती सुबेदार ज मालीक! तु कुण छे?” चु मेसेक कह्यु, “मे ईसु नासरी छे। तीनाक तु वेला पाड़े।” 9 मारा साती वीजाळाक ते देख्या ने वात करन्यान बुल घुगवान तसा सामळ्या तेबी चे सामेळ्या ने तेबी चे बुल नी समज्या। 10 तत्तयार मे कह्यु, ए मालीक! मे काय करो? मालीक मेसेक कह्यु, उठीन दमीस्क जाती रव; ने ज काय तारे करने वाटे ठेहरावलो छे च आखो चां देखाड़ दीस। 11 जत्तयार च वीजाळो तेज हतलो ती मेसेक काय बी देखाय नी देदो, ती मारा सातीन हात धरीन दमीस्क मां आयु। 12 ने चां भगवानेन कायदाक पाळन्यु ईसुन एक भगत हतलु। तेरो नाव हनन्या हतलो। चु चां रहणे वाळा आखा यहूदी माणसे मां आव-भाव वाळु हतलु। हीयुत हनन्या नावेन मारेन्चां आवलु 13 ने चु मारे धड़े आयु ने मारे साते उबु हयन कह्यु, “ए भाय सावुल! अळी पळु देखणे बाजी जां।” ने मे तत्तयारुत देखणे बाजी गुयु। 14 तत्तयार चु कह्यु, हामरा डाह-डाहान भगवान तुसेक ठेहरावला छे की तु तेरी मरजी काजे जाणे, ने तीना धरमी काजे देखीन तेरी उजेंती वात सामळावे। 15 काहाकी तु ज देखलु छे ने सामळु छे तीनी वातेन गवा रवसी। 16 हय तु काहा वार लागाड़े, उठ ने बपतीस्मा ले ने तेरो नाव लीन तारा पाप काजे धुय दे। 17 जत्तयार मे पळु यरुसलेम मां आयु ने मंदीर मां भगवान सी दुवा करने बाजी रव्लु, ती चुखला जीव-आत्मान कब्जा मां हय गुयु ने मेसेक काय बी मालुम नी रह्यो। 18 ने मे मालीक काजे देख्यु ने चु मेसेक ज कवणे बाजी रव्लु, उतवाळ करीन यरुसलेम सी मामार बाहर नीकळी जां, काहाकी चे मारा बारामां तारी गवाय नी माने। 19 मे मालीक काजे कह्यु, ए मालीक! कांखुर मायन हया सामळीन मान लेसे, काहाकी हीनुत ते मालुम छे की पेहेल मे तारे भुरसु करन्याक धरीन जेल मां कुंडतेला, ने जागे-जागे यहूदी माणसेन साहरे बणावला भक्तीन घर डीट तीनुक ठुकाइतेलु। 20 ने जत्तयार तारी गवाय देण्या स्तीफनुसेन लुही उहवतेलो ती तत्तयार मे बी तीनी वातेम राजी हतलु ने चां लागु उबु हय रव्लु। ने जे माणसे स्तीफनुस काजे मारने बाजी रवला तींदरा पुथल्यान राखवाळी करने बाजी रव्लु। 21 ने चु मेसेक कह्यु, तु जात रव, काहाकी मे तुसेक नी-यहूदी मां मारी गवा देणे करीन नांबे-नांबे मकलीस। 22 माणसे पोलुसेन जी वात जां लग ते सामळता रया; तत्तयार जुर सी आयड्या, “हीनाक मार नाखु। हीना काजे धरती पर जादा दाहड़ा जीवतेलु रहणु वारु नी हय।” 23 जत्तयार चे आयडता जायन आपसा पुथल्या नीकाळीन उराटतेला, ने वाहळा मां धुळु

उडाड़ तेला, 24 ती सीपायडान मेळान सुबेदार हुकुम आप्यु, “हीनाक कीला मां ली जावु, ने सपाटा दीन पारखु, तेरे सी जो मालम पडसे की माणसे हेरी वीरुद मां असा काहा आयडी रया।” 25 बाकुन जत्तयार चे चापकाटणे करीन तीनाक चामडान पट्टा सी बांदी रवला, ती पोलुस तेरे साते उबु हय रवला सुबेदार काजे पुछ्यु, “काय ज सय छे की तुहुं एक रोमी माणुस काजे, ने चु बीना गुना वाळा काजे सपाटा दी रया?” 26 ती सुबेदार ज सामळीन सीपायडान डाहला मुखी सुबेदार काजे धड़े जायन कह्यु, “तु असो काहा करने बाजी रयु? तुसेक मालुम नी हय काय की जु ते रोमी माणुस छे।” 27 ज सामळीन सीपायडान डाहलु मुखी सुबेदार पोलुस धड़े आवीन पुछ्यु, “मेसेक देखाड़, काय तु रोमी माणुस छे काय?” पोलुस कह्यु, “हव!” 28 ज सामळीन डाहलु मुखी सुबेदार कह्यु, “रोमी राजेम रहणेन हक हात करने करीन मेसेक बेसका पयस्या आपणु पड्यो।” पोलुस कह्यु, “मे ते पयदा हयु ती सीत रोमी राजेम छे।” 29 ज सामळीन चे माणसे पोलुस काजे सपाटा दीन पारखणे हींडी रवला, चे तत्तयारुत पोलुस धड़े सी पछा हय गुया; ने सीपायडान डाहलु मुखी सुबेदार बी असु जाण लेदु की जु रोमी माणुस छे ने हयु पोलुस काजे धरीन बांदाइलु छे, करीन बीही गुयु। 30 दीसरे दाहड़े सीपायडान डाहलु मुखी सुबेदार पोलुसेन हातकडी छुड़ देदु ने मंदीरेन डाहला पुजाराक ने आखी मट्टली बसक काजे भेळा करु करीन सीपायडाक हुकुम आप्यु। ने आखा भेळा हय गुया ने अळतेन चु पोलुस काजे तींद्रे धड़े नेचु ली जायन तींद्रे अगळ उबु कर देदु। काहाकी यहूदी माणसे हेरु वाक काहा नीकाळ रया जी वात चु मालम करने हींडी रव्लु।

23 पोलुस यहूदी माणसेन मट्टली बसक भीणी एक हेट्यु भाळीन कह्यु, “ए मारा भायस्यो! मे आज लग भगवान अगळ वारलु मने जीवाय जीवलु छे।” 2 पोलुसेन वात सामळीन हनान्यु मंदीरेन डाहला पुजारु हतलु तेर साते उबा हय रवला माणसे काजे हुकुम आपीन कह्यु, “पोलुसेन गाले थापड़ दे।” 3 तत्तयार पोलुस तीनाक कह्यु, “ए चुने करीन पुताय करला भीतडा! तु मुसान कायदान अनसारे मारु कसु नीयाव करने बस रयु, बाकुन मुसान कायदा तुड़े घुण ‘पोलुस काजे थापड़ दे’ करीन दीसराक कय रयु। तुसेक ते भगवान देसे।” 4 जे साते उबा हय रवला माणसे पोलुस काजे कह्या, “तु भगवानेन मंदीरेन डाहला पुजारान असु वाक नीकाळीन जपाप काहा आप्यु?” 5 पोलुस कह्यु, “ए भायस्यो! मेसेक नी मालम हतलो, की जु भगवानेन मंदीरेन डाहलु पुजारु छे; काहाकी लिखलो छे की ‘जे माणसे पर राज करे, तीनुक खूटु बुल घुण कवता।’” 6 अळतेन जत्तयार पोलुस काजे मालुम पड्यो की आदा माणसे सटुकी माणसे छे ने आदा माणसे फरीसी माणसे छे। ती चु मट्टली बसक अगळ आयडीन कह्यु, “ए मारा ईस्रायेली भायस्यो! मे फरीसी वाळु छे ने फरीसी माणसेन पुर्यु छे। असी आस करो की मर्या-सर्याम सी पळु जीवतु

हवणेन बारामां मारु नीयाव हवणे बाजी रयु।” 7 पोलुसेन जी वात सामळीन फरीसी माणसे ने सदुकी माणसेन वातेम लड़ाय हवणे लागी। ने बसक मां बीरजु पड़ गुयु। 8 काहाकी सदुकी माणसेन असो कवणु छे की मर्या-सर्याम सी पछा जीवतु हवण्यु नी हय, ने सरग वाळा भगवानेन अघली वात बताइने वाळु बी नी हय। ने काहना बी चुखली-आत्मा नी हय। बाकुन फरीसी कवणु छे की मर्या-सर्याम सी जीवतु हवण्यु छे, ने सरग वाळु भगवानेन अघली वात बताइने वाळु बी छे ने चुखली-आत्मा बी छे। 9 तत्पार चां बेसकु कचाटु हय रवलु। थुडाक यहुदी-धरम सीकाइन्या मासूत्र्या ने फरीसी माणसे उबा हयन ज कवता जायन लड़ाय पड्या, हामुक हीना माणुस मां काहनु बी खुट नी देखायतु। ने कदी कुय आत्मा नीते काहनु सरग वाळु काहवाळ्यु तीनाक कह्यु ती अळी काय? 10 जत्पार बेसकी लड़ाय हय, ती सीपायडान मुखी सुबेदार बीही गुयु काहाकी तीनाक असो लाग्यो कांखरु मायन माणसे मारीन पोलुस काजे टुकड़ा-टुकड़ा नी कर देय। अळतेन जू सीपायडान टुळाक हुकुम आपीन कह्यु, उतारीन हीनाक जबरान हीनाक तींदरे ईघमां सी नीकाळ लावु, ने कीला मां ली जाती रहु। 11 तीनी राती मालीक पोलुस धडे उबु हयन कह्यु, “ए पोलुस, हिममत राख; काहाकी जसु तु यरुसलेम मां गवा देदलु छे, तसत तुसेक रोम सहर मां जायन गवा देणु पड़से।” 12 जत्पार दाहडु नीकळतात यहुदी माणसे पोलुस काजे मारने करीन जाळसांदि बणाया। चे जी सगुन खादा की “जत्पार लगुन हामु पोलुस काजे मारीन नाखजे नी चां लग हामु खाणो बी नी खाजे, ने पाणी बी नी पीजे।” 13 ईनी जाळसांदि मां चाळीस सी बी अदु अदमी हतला। 14 चे मंदीरेन पुजारा ने पुडारी धडे जायन तीनुक कह्या, “जत्पार लग हामु पोलुस काजे मारीन नाखजे नी चां लग हामु खाणो बी नी खाजे, ने पाणी बी नी पीजे। 15 तेरेमां हय तुहुं जायन सीपायडान मुखी सुबेदार काजे समजाडु की चु तुंदरे धडे ली आवे, काहाकी मे हेरा बारामां वारु पारखणे हींड रयु। ने हामु तीना पोलुस काजे पुगणेन पेहलुत मारने करीन तीयार रवसुन।” 16 बाकुन पोलुसेन बहणीसेन पुर्या काजे हीनी जाळसांदिन बारामां सामळ्यु, ती चु कीला मां जायन पोलुस काजे आखी वात देखाइ देदु। 17 पोलुस सीपायडान मुखी सुबेदार मायन एक सुबेदार काजे बुलावीन तीनाक कह्यु “हीना पुर्या काजे डाहला सुबेदार धडे ली जावु; जु डाहला सुबेदारेक काहींग कवणे हीडे।” 18 तेरेमां चु सुबेदार तीना पुर्या काजे डाहला सुबेदार धडे ली जायन तीना डाहला सुबेदारेक कह्यु, “हातकडी लागगडी मेल्लु चु पोलुस मेसेक बुलावीन वीनती कर्यु की जु पुर्यु डाहला सुबेदार काजे काहींग कवणे हींडे; हीना काजे तेरे धडे ली जां।” 19 डाहलु सुबेदार तीना पुर्यान हात धरीन तीनाक अलग ली जायन पुछ्यु, “तु मेसेक काय कवणे हीडे?” 20 चु पुर्यु कह्यु, “यहुदी माणसे एककु करीन जी जाळसांदि बणाय रया की आपणु डाहला सुबेदार काजे जायन असा वीनती

करसुन की ‘तुहुं पोलुस काजे हामरे धडे ली आव, काहाकी मे हीनाक वारु पारखणे हींडी रयु।’ 21 बाकुन तु तींदरी वात घुण माने, काहाकी तींदरेम चाळीस सी बी जादा अदमी पोलुस काजे मारने करीन तकाय रया। ने चे सगुन खादला छे की ‘जत्पार लगुन हामु पोलुस काजे मारी नी नाखजे नी चां लग हामु खाणो बी नी खाजे, ने पाणी बी नी पीजे।’ ने चे हींताळ तीयार छे, ने तारा वायदान वाट देख रया।” 22 तत्पार तीना पुर्यान वात सामळीन डाहलु सुबेदार तीना पुर्या काजे हुकुम आपीन मकलयु “तु जी वात कुय काजे घुण कवे की तु जी वात मेसेक कहलु छे।” 23 तत्पार सोव सीपायडान डाहलु सीपायडु तेरा दुय सीपायडक बुलायन कह्यु, “केसर्या सहर मां जाणे करीन दुय सोव सीपायड, ने सत्तर सीपायड घुल्ला पर बसीन जाण्या, ने दुय सोव भाला वाळा सीपायड तीयार हय जावु। ने रातेन नव बजे लग केसर्या जाणे करीन तीयार रवजु। 24 ने पोलुस काजे नीयाव करन्या फेलीक्स घुल्ला पर बठाडीन अलग ली जाणे करीन तेरे वाटे बी घुल्लु तीयार राखजु।” 25 सुबेदारेन डाहलु सुबेदार चिट्ठी मां ज्य बी लिखीन दी मकलयु: 26 “ए नीयाव करन्या फेलीक्स! वारलु छे की? मे कलदयु लुस्यु छे। 27 हीना अदमी काजे यहुदी माणसे धर लेदला ने हीनाक मारने हींडी रवला; बाकुन जत्पार मेसेक मालुम पड्यो की जु रोमी छे, मे सीपायड भेळु जायन हीना काजे छुडाय लायु। 28 मे जाणतेलु की चे हेरे पर काहनु गुनु लागगडीन वाक नीकाळ रया; तेरेमां मे हीनाक तींदरी मट्ली बसक मां ली गुयु। 29 तत्पार मे जाण लेदु की जे तींदरा कायदान सासूत्रेन बारामां लिखली वात काजे लीन वातेम जखडी पड़ रवला ने तेरे पर गुनु लागगडीन वाक नीकाळ रवला, बाकुन हेरेम असु गुनु नी हय, तेरेसी हीनाक जेल मां बुजणु नी पडे ने नी मारनु पडे। 30 जत्पार मेसेक बताड्या की चे हीना माणुस काजे मारने हींडे ती मे तत्पारुत मे हीना काजे तारे धडे मकली देदु। ने हेरे पर गुनु लागगडन्या काजे हुकुम आप्यु की तुहुं जु बी गुनु हेरे पर नाख रया।” 31 अतरामा सीपायड जसों कह्या तसोत कर्या, ने चे रातेम रात पोलुस काजे अन्तीपातरीस पुगाइ देदा। 32 दीसरे दाहडे चालीन जाण्या सीपायड पछा यरुसलेम कीला मां आवती रया। 33 चे केसर्या पुगीन ची चिट्ठी नीयाव करन्या काजे आप देदा, ने पोलुस तेरे अगळ उबा कर्या। 34 चु नीयाव करन्यु चिट्ठी भणीन पोलुस काजे पुछ्यु, “तु काहना देस वाळु छे?” ने चु सीपायडु कह्यु, कीलक्या जीला वाळु छे, 35 ने चु जाण लेदु की जु कीलक्या वाळु छे ती चु कह्यु, “जत्पार तारे पर गुनु लागगडन्या बी आवसे ती मे तारु नीयाव करीस।” ने चु सीपायड काजे हुकुम आपीन कह्यु, “हीना काजे हेरोदेसेन कीला मां ली जायन पेहर देवु।”

24 पांच दाहडा हय गुया ने पछेन मंदीरेन डाहलु पुजारु हनान्यु थुडाक पुडारी ने तेरतुललुस काजे पुठ्ये लीन केसर्या आयु। जु तेरतुललुस एक वकील हतलु। चे आखा

नीयाव करन्या अगळ पोलुस पर गुनु लागाडीन तेरु वाक नीकाळ्या। 2 जतयार तीनाक बुलाया ती तेरतुल्लुस तरे पर गुनु लागाडीन कवणे लाग्यु, “ए मटला फेलीक्स मालीक! हामु ते तु छे करीन वारु सुकना जीवणे बाजी रया, तु नांवे सी देखीन चाले तरेमां आपणो आखो देस वारु सुदरी गुयलो छे 3 ए आखा सी वारु फेलीक्स! हामु तारे साहरे सुदारली वातेक हामु मांजे ने तुसेक वारु कहजे। 4 बाकुन तरेमां की तुसेक अळी दुख नी देणे चाहतु चु तीनाक लीलघायन कह्यु, दया करीन तु हामरी दुय वात सामळी ले। 5 काहाकी हामु हीना माणुस काजे भडकावण्यु छे। जु आखी कळीन यहूदी माणसे मां लड़ाय कराडन्यु छे, ने आपसा काजे नासरी टुळान मुख्यु कहवे। 6 जु यरुसलेम मंदीर काजे बी वीटाळनेन कुसीत करलु पर हामु हीना काजे धर पाड्या। हामु मुसान कायदान अनसारे हेरु नीयाव करने हींडतेला। 7 बाकुन डाहलु सुबेदार लुस्यु आवीन हीनाक जबरान हामरा हातेम सी हापकी लेदु। 8 ने असु करीन गुनु लागाडन्या काजे बी चु हुकुम आपीन कह्यु की तुहुं हीनी आखी वातेन बारामां जु गुनु हामु हेरे पर लागाड रया। तीनी वातेक तु आपसुत पारखी लेसी।” 9 जी वात सामळीन यहूदी माणसे बी हीनी वातेक हुकारीन कह्या, “हव, जी वात खरली छे।” 10 जतयार नीयाव करन्यु पोलुस काजे बुलनेन ईसारु कर्यु ती पोलुस असु जपाप आप्यु, मे जाणो की तु बेसका साल सी हीनी जातीन माणसेन नीयाव कर रयु, तरेमां मे खुस ह्यन तारी वातेन जपाप आपो। 11 तुसेक ते ज मालुमुत छे की जतयार मे यरुसलेम मां भगवानेन भक्ती-भजन करने आवलु, ती सीत हय लग बरे दाहडा बी नी हया। 12 ने चां कुय बी मेसेक मंदीर मां ने यहूदी माणसेन भक्तीन घर, मां ने सहर मां वातेम नाव-बददी ने माणसेक भेळा करीन भडकावतेलु देख्या, 13 ने नीते जे तीनी वाते मां मारु वाक नीकाळीन गुनु लागाड रया, तीनी वातेक हय बी जे खरली ठेहराय नी सके। 14 बाकुन मे तारे अगळ जी वात मान लम की दीना पंथ काजे जे रददी-पंथ कहवे। तीना पंथन साहरे मे तीना भगवानेन सेवा-भक्ती करो तीना भगवानेन वाट काजे आपणा डाहा-बुडा मान्ता आय रया, ने तेरी सेवा-भक्ती करता आय रया। ने जी वात मुसान साहरे लिखला सासतुर मां ने भगवानेन अघली वात बताइने वाळा माणसेन किताप मां बी लिखली छे, तीनी आखी वात पर मे भुरसु करो। 15 ने जसा चे भगवान मां करे तसुत मे बी भगवान मां आसा करो की भगवान धरमी माणसे काजे ने पापी माणसे काजे मर्या-सर्याम सी जीवतु करीन बठु करसे। 16 तरेमां मे बी भगवान ने माणसे अगळ मारा चुखला मन सी ज छाचली छे, चत करनेन कुसीस करो। 17 बेसका सालेन पछे मे मारा माणसे काजे दान आपणे, ने भेट चड़ावने आवलु। 18 ने चे मेसेक मंदीर मां जनवार्या मारीन बादा चड़ावतेलु ने भेट आपतेलु देख लेदला। मे जो काम चुखले मने दीसरा माणसेक बुलावीन गड्डी करे बीगुर करने बाजी रवलु। तीने टेमे मारे पुठ्ये आसीया वाळा

बेसका यहूदी बी हतला; ने तीनुक जो काम वारु; लाग्यो। 19 दंगु कराडन्या ते चे, आसीया जीला वाळा यहूदी माणसे हतला। कदी तीनुक मारा वीरुद मां काय कवणु हतलो, ती जे यहूदी जां अगळ आवीन मारे पर गुनु लागाडता। तेबी चे जां नी आया। 20 नीते जे माणसे जां छे हीनुत काजे कवणे दे की जतयार मे मटली बसक मां हतलु, ती जे मारे मां काय गुनु देखला? 21 हीनी वात काजे छुड मे तींदरे ईचमां उबु रवीन आयडीन कवलु की मर्या-सर्याम सी पछा जीवता हवणेन बारामां तारे अगळ आज मारु नीयाव हवणे बाजी रयु। 22 फेलीक्स तीनी वाटेन बारामां वारु वात जाणतेलु, चु ज कहवीन तींदरी सुणवाय टाळ देदु, “जतयार डाहलु सुबेदार लुस्यु आवसे, ती तुंदरी वात सामळीस ने तुंदरु फेसलु करीस।” 23 ने सुबेदार काजे हुकुम आप्यु की तु पोलुसेन जेलेन वारु राखवाळी करजी, ने तेरा दुस्तीदार आवे ती तेरी सेवा-चाकरी करने घुण रुके। 24 थुडाक दाहडा मां अळतेन फेलीक्स हेरी घरवाळी दूरुसीला पुठ्ये चां आयु। फेलीक्सेन घरवाळी यहूदी जातीन हतली। फेलीक्सो पोलुस काजे बुलावीन तीना भुरसान बारामां ज मसी ईसु पर छे, तरेसी सामळ्यु। 25 बाकुन जतयार पोलुस नीयावेन बारामां, ने हेरा जीवेक मानाइनेन बारामां, ने आवणे वाळा नीयावेन बारामां वात करतेला। ती फेलीक्स सामळीन बेसकु बीही गुयु ने पोलुस काजे कह्यु “हय तु जात रव, टेम जइसे ती तारी वात सामळने तुसेक अळी बुलावीस।” 26 हीनीत टेमे फेलीक्स जी आस कर रवलु की पोलुस मेसेक रुप्या आपसे। करीन चु पोलुस काजे अळी-अळीन तेरी वात सामळावणे करीन बुलाया करतेलु। 27 बाकुन जतयार दुय साल हय गुया ती पुरकीयुस फेस्तुस, फेलीक्सेन जागा पर आयु; ने फेलीक्स यहूदी माणसे पर दया करनेन मरजी सी पोलुस काजे जेल मात रहणी देदु।

25 फेस्तुस चु तीन दाहडा हय गुया ने अळतेन केसरया सी यरुसलेम मां पुग्यु। 2 ततयार मंदीरेन डाहला पुजारी ने यहूदी माणसेन नेता आवीन पोलुस पर गुनु लागाडीन तेरु वाक नीकाळ्या। 3 ने चे माणसे फेस्तुस काजे दया मां हयन कह्या की तु पोलुस काजे यरुसलेम बुलाय ले। काहाकी चे वाट्येत पोलुस काजे मारनेन जाळसांदी बणाय रवला। 4 फेस्तुस जपाप आप्यु, “पोलुस केसरया सहरेन जेलेम छे। ने सीपायडा तेरु पेहरु दीन राखवाळी कर रया। ने मे छाटुस पछु जायस। 5 पछेन कह्यु, तुहुं तुंदरा मुख्या काजे मारे पुठ्ये केसरया मकली देवु ने कदी चु माणुस काहींग गुनु कर्यु हसे, ती चे चां तेर पर गुनु लागाडीन वाक नीकाळे।” 6 फेस्तुस अळी तींदरे ईचमां आठ-दस दाहडा रहणीदीन पछु केसरया गुयु। ने तेरे पुठ्ये सात यहूदी हकदार्या बी गुया। दीसरे दाहडे फेस्तुस नीयावेन गादी पर बसीन सीपायडाक हुकुम आप्यु की, “पोलुस काजे बुलाय लावु।” 7 जतयार पोलुस आयु, ती यरुसलेम सी आवला यहूदी हकदार्या, तरे चारेमेर उबा ह्यन तेरे पर बेसका गुनु लागाडीन वाक नीकाळ्या। ने तीना गुनान पुरावु चे दी नी सक्या। 8

बाकुन पोलुस जपाप आप्यु, “मे यहूदी कायदान बी वाक नी नीकाळ्यु, ने मंदीरेन बी वाक नी नीकाळ्यु, ने मटला राजान बी वाक नी नीकाळ्यु। असु करीन मे काय बी गुनु नी कर्यु।” 9 बाकुन फेस्तुस यहूदी माणसे पर गीण-दया करने करीन पोलुस काजे कह्यु, “तु यरुसलेम जाणे तीयार छे काय, ने चां मारे अगळ ईनी वातेन बारामां तारो नीयाव करो?” 10 पोलुस कह्यु, “ईनाक मार नाखु। ईना काजे धरती पर जादा दाहड़ा जीवतेलु मे केसरेन नीयावेन गादी अगळ उबु हय रयु, मारु नीयाव जात हवणु चाहजे। जसों तुसेक बी वारु रीती सी मालुम छे की मे यहूदी माणसेन वाक नी नीकाळ्यु। 11 कदी मे गुनाळु हय, ने मरनेन डंड जडे असु गुनु कर्यु हय, ती मे मरने तीयार छे; बाकुन कदी तीनी वातेम जे मारे पर गुनु लागाड़ रया, ची वात खरली नी हय ती, कुय बी मेसेक तींदरे सुपरुत नी कर सके। मे मटला राजा अगळ नीयाव धडे उबु हवणेन वीनती करो। 12 तत्त्यार फेस्तुस बसकेन मंत्री धडे वीच्यार नीकाळीन जपाप आप्यु, “तु मटला राजा अगळ नीयाव धडे उबु हवणेन वीनती करलु छे, तु केसर धडे जासी।” 13 थुड़ाक दाहड़ा हय गुया ने अळतेन धडेवाळा ईलाकान राजा अग्रीपा, तेरी बहणीस बेरनीस पुट्ये यहूदा जीलान नवला राजा फेस्तुसेक वारु छे की? पुछणे ने आव-भाव करने करीन केसरया आया। 14 चे बेसका दाहड़ा रय लेदा ने अळतेन फेस्तुस पोलुसेन बारामां राजा काजे ज कह्यु “एक माणुस छे, तीनाक फेलीकस जेल मां छुड़ गुयु। 15 जत्त्यार मे यरुसलेम मां हतलु, ती मंदीरेन पुजारी ने यहूदी माणसेन पुडारी तेरे पर गुनु लागाड़या; ने कह्या की हीनाक डंड आप। 16 बाकुन मे तीनुक जपाप आप्यु, रोमी माणसेन जी रीती नी हय की गुनु लागाड़न्याक ने गुनु करन्याक आंबा-सांबा उबा करीन तींदरी आंबी-सांबी सुणवाय करे बीगुर गुनु करन्या काजे डंड आप देय। 17 जत्त्यार चे जां भेळा हया, ती जादा वार नी लागाड़्यु, बाकुन दीसरे दाहडे नीयावेन गादी पर बस गुयु, ने सीपायड़ाक कह्यु, “तीना माणसेक लावणेन हुकुम आप्यु।” 18 जत्त्यार गुनु लागाड़न्या उबा हयने तेरे पर गुनु लागाड़या, ती चे, मे समजी रवलु असु काहनु बी गुनु तेरे पर नी लागाड़या। 19 बाकुन चे तींदरा भुरसान धरमेन बारामां ने ईसु नावेन माणसेन बारामां चु मर गुयलु ने पोलुस तीना काजे जीवतु छे करीन बताइलु, ने वातेन जखड़ी मां पड़ रवला। 20 मे चक्कर मां पड़ रवलु की ईनी वातेन पतु कसु लागडो? तेरेमां मे तीनाक पुछ्यु, काय तु यरुसलेम जासी काय, ईनी वातेन तारु नीयाव हवसे? 21 बाकुन पोलुस कह्यु, की “मे मटला राजा अगळ नीयाव उबु हवणेन वीनती करो।” ती मे सीपायड़ाक हुकुम आप्यु की जत्त्यार लग मे ईनाक केसर धडे नी मकलो, ती लग तुहुं जलम हेरी राखवाळी करु।” 22 तत्त्यार अग्रीपा, फेस्तुस काजे कह्यु, “मे बी तीना माणसेन वात सामळने हींडो।” ती फेस्तुस कह्यु, “तु काल हेरी वात सामळी लेजी।” 23 दीसरे दाहड़े राजु अग्रीपा ने तेरी बहणीस बेरनीस सी धुम-धाम सी हेरा सीपायड़ा सुबेदार्या भेळा ने सहरेन मटला माणसे बसक

भेळे चां आय लाग्यु। तीने टेमे फेस्तुस सीपायड़ाक हुकुम आप्यु, “पोलुस काजे जां ली आवु।” 24 फेस्तुस कह्यु, “ए राजा अग्रीपा, ने आखा माणसे, जे जां आय रया चे। तुहुं ईना माणसेक देख रया, तेरे बारामां आखा यहूदी माणसे यरुसलेम सहर मां ने जां बी आयडी-आयडीन मारे धडे लीलघायन कहया, ईनाक मार नाखु। ईना काजे धरती पर जादा दाहड़ा जीवतेलु रहणु वारु नी हय।” 25 बाकुन मे पारखी लेदु की चु मरनेन डंड जडे असु काहनु बी गुनु नी कर्यु; तेबी चु आपसुत असु वीनती कर्यु की “मे मटला राजा अगळ नीयाव वाटे उबु हवणु छे।” ती मे ईनाक मटला राजा धडे मकलेन तजबु कर्यु। 26 बाकुन मे हेरे बारामां लिखीन दी मकेलने मारे धडे काय बी पुरावु नी जड्यु। अतरामा मे तीना काजे तारे अगळ ने खास करीन ए राजा अग्रीपा तारे अगळ लावलु छे। हेरेन करीन की लिखणे करीन काय ने काय पुरावु जडे। 27 मारु वीच्यार छे की तीनाक माणसे गुनाळु समजीन धरीन हात कड़ी लागाड़ला छे, तेरे बारामां जु छाचलीन गुनाळु छे, असु करीन चिट्ठी लिखे बीगुर मटला राजा धडे मकेलनु वारु नी हय।”

26 अग्रीपा राजु पोलुस काजे कह्यु, “तुसेक खुद तारे बारामां कहणेन हक छे।” तत्त्यार पोलुस आपसुत बचणे करीन आपसे भीणी असु कहणे बाजी गुयु। 2 ए राजा अग्रीपा, जतरी वातेन यहूदी माणसे मारे पर गुनु लागाड़े। तीनी वातेन आज तार अगळ जपाप आपणे मां मे वारु समजो। 3 खास करीन जी वात अतरी खरली छे, काहाकी तु यहूदी माणसेन आखी रीती-भाती ने तींदरी वात काजे जाणो। अतरामा चु लीलघायन कह्यु की तु गम खायन मारी वात सामळ। 4 मे नानलु हतलु ती सीत मारा भाय-बेटा मां ने यरुसलेम मां कसु जीव्यु, ची वात देस वाळा ने यरुसलेम वाळा आखा यहूदी जाणे। 5 कदी चे ईनी वातेन गवाय देणे हींडे ती गवाय दी सके, काहाकी मे हामरा धरमेन अनसारे एक हामरा काठला फरीसी माणसेन अनसारे जीवाय जीवलु छे। 6 भगवान हामरा डाहा-डाहा साते मर्या-सर्याम सी पछा जीवता करनेन जु वायदु करलु छे, ने चु वायदु भगवान पुरु करसे असु मे आस करो ने तीनात वायदान वाटे मारु नीयाव हवणे बाजी रयु। 7 हामरी बारे कळीन माणसे मर्या-सर्याम सी पछा जीनदा हवणे जी आस कर रया, तीनीत आसे वाटे भगवानेन रात दाहडु सेवा-भक्ती कर रया। ए राजा। हीनुक मर्या-सर्याम सी पछा जीनदा हवणेन आसेन बारामां यहूदी माणसे मारे पर गुनु लागाड़ रया। 8 जत्त्यार की भगवान मर्या-सर्या माणसे काजे जीनदा करे। असी वात मे कहं ती तुहुं काजे ईनी वात पर भुरसु काहा नी आवतु? 9 मे बी समजतेलु की ईसु नासरी नावेन वीरुद मां मेसेक बेसको काय करनु चाहो। 10 ने मे यरुसलेम मां बी ईसुन माणसेन वीरुद कर्यु; ने मंदीरेन डाहला पुजारा जायन ईसुन माणसेक वेला पाड़नेन हक मांग लेदु ने बेसका ईसुन चुखला माणसेक जेल मां कुंड देदु। तत्त्यार दीसरा तींदरी वीरुद

करीन तीनुक मारतेला ती मे बी तींद्री वातेक हुकारतेलु। 11 ने मे तीनु आखा काजे तींद्रा यहूदी माणसेन भक्तीन घर मां वेला पाडतेलु ने तीनुक जुर करीन कहवतेलु की तुहुं ईसुन वाक नीकाळु, नीते मार नाखीस। ने मे तींद्रे पर अतरु रीसवाय गुयु की दीसरा सहरेम रहण्या ईसुन माणसे काजे बी वेला पाडने बाजी गुयु। 12 ईसु पर भुरसु करन्या माणसेक मारनेन धुन मां मे मंदीरेन डाहला पुजारा धडे हकेन चिट्ठी लीन मे दमीस्क जाणे बाजी रव्लु। 13 ए राजा, मे दीसु माथेक दाहडे, दाहडा सी बी जादा जुरे वीजाळो बी धपीन सरगे सी आवतेलो देख्यु, जो मेसेक ने मारा साती काजे घेर लेदलो। 14 हामु आखा भुयमां हीट पड्या ती मेसेक ईब्रानी बुली मां एक बुल सामळायु, “ए सावुल ए सावुल तु मेसेक काहा वेला पाडे? तारे वाटे कुरहाड पर लात देणु काठो छे।” 15 ने मे कह्यु, “मालीक! तु कुण छे?” मालीक कह्यु, “मे ईसु छे, तीनाक तु वेला पाडे। 16 बाकुन हय तु उबु उठ जां; तारा पाय पर उबु हव; काहाकी मे तुसेक जसु देखलु च आखो माणसेक कवणे करीन मारु पावर्यु ने गवा बणावीन ठेहराव्लु छे, ने अळी आवणे वाळी वात देखाडने करीन तुसेक देखाडीस। 17 मे तुसेक तारा माणसे सी ने नी-यहुदी माणसे सी बचाडीन राखीस, तींद्रे धडे मे तुसेक तेरेमां मकलो। 18 तु हींद्रा जीवेन डुळा उघाडजी। ने तीनुक जीवेन आंदारला मां सी जीवेन वीजाळा भीणी वाळजी। ने भुतडान हक मां सी छुडवीन भगवानेन हक मां लावजी; ने असा करीन चे पापेन माफी हात करीन ईसु पर भुरसु करन्या चुखला माणसे मां भेसकाय जासे।” 19 “ए राजा अग्रीपा! ती सी आज लग मे तीनी सरगेम सी आवली वातेक कदी नी टाळ्यु। 20 बाकुन मे पेहले दमीसकुसेन, यरुसलेमेन, ने ततयार यहूदी आखा देसेन रहणे वाळा ने नी-यहुदी माणसेक ज समजाडतु रयु, की तुहुं पाप भीणी सी मन फेरवीन भगवान भीणी वळु ने भगवान काजे गमे तसों काम करु।” 21 ईनी वातेन वाटे यहूदी माणसे मेसे काजे मंदीर मां धर लेदा, ने मारीन नाख देणेन कुसीत कर्या। 22 बाकुन भगवानेन मदत सी आज लग मर्यु नी ने नानला मटला आखा अगळ गवा दम। ने तीनीत वातेक कहतु रयु जी वात भगवानेन अघली वात बताडने वाळा माणुस ने मुसु कहलु की हवणे वाळी छे। 23 की ईसु मसी काजे दुख झेलनु पडसे ने चु आखा मरला मां सी पेहेल जीवतु हय्न आपणा माणसेक ने नी-यहुदी माणसेक जीवनेन वीजाळान खुस-खबर सामळावसे। 24 जतयार पोलुस हीनी रीती सी जपाप दी रव्लु, ती फेस्तुस जुर सी आयडीन कह्यु, “पोलुस, तु संकाय गुयलु छे! ने तु जादा भणीन गांडु हय गुयु।” 25 बाकुन पोलुस कह्यु, “ए ओबरदार फेस्तुस! गांडु नी हय, बाकुन सय ने अक्कल वाळी वात कहं। 26 ने तीनी वातेक मे बीहे बीगुर राजा अगळ कहणे बाजी रयु, तीनी वातेक राजु जाणे। ने मेसेक भुरसु छे हीनी वात मां सी कुय वात सातायली नी हय, काहाकी ईसु साते जो काय हयो च कांखुर धरतीन खुणे-कुपरे नी हयो। 27 ए

राजा अग्रीपा, तु भगवानेन अघली वात बताडने वाळा माणसेन कहली वात पर भुरसु करे काय? हव, मेसेक मालुम छे की तु भुरसु करे!” 28 हेरेसी अग्रीपा पोलुस काजे कह्यु, “तु कम समजणे सी मेसेक मसी बणावणे हीडे।” 29 पोलुस कह्यु, “मे भगवान सी दुवा करो की भले ईतरीक वात सामळावीन ने भले जादा वात सामळावीन, तु अतरुत नी बाकुन जतरा बी मारी वात सामळी रया, चे आखा मारेन तसा ईसु पर भुरसु करन्या बण जाणो चाहे। बस, तीनुक मारेन तसा हात कड्या अतरा नी लागणु चाहजे।” 30 ततयार राजा अग्रीपा ने राजा अग्रीपान बहणीस बेरनीस ने तेरे धडे बस रवला आखा उबा हय गुया। 31 ने अलग जायन आपसात कहणे लाग्या, जु माणुस जेलेम जाय असु ने मरनेन डंड जडे असु काहानु बी गुनु नी कर्यु। 32 अग्रीपा फेस्तुस काजे कह्यु, “कदी तु असु नी कवतु की ‘केसर राजा अगळ मारु नीयाव हवणु चाहजे’ ती जे तुसेक जेल मां सी बरी कर देदा।”

27 जतयार ज पक्को हय गुयो की हामु ढंड्याम बसीन ईटली देसेम जाजे। ती चु ने पोलुस ने ईतराक दीसरा केदी काजे तीना सीपायडान टुळान हातेम कर देदु, तीना टुळान डाहलु सुबेदार जुलीयुस नावेन हतलु। 2 अतरामा हामु काजे आसीया ईलाकान दर्या धडे जाणे वाळा एक, ढंड्याम बसीन हामु चाल पड्या। ने मकीदुनीया ईलाकान थीसलुनीकीया सहर वाळु अरीस्तारकुस बी हामरे पुठ्ये हतलु। 3 दीसरे दाहडे हामु सीदीन सहर मां पुग्या ने चां ढंड्यान ठेसण पर मटलो ढंड्यो हुबो राक देदा। सुबेदार जुलीयुस पोलुस पर दया कर्यु ने पोलुस काजे तेरा दुस्तीदारेनचां भेळु हवणे करीन जाणे देदु। ने तेरा दुस्तीदारेक बी पोलुसेन सेवा-चाकरी करनेन छुट आप देदा। 4 चां सी आहळी हामरे सांबी आवतेली; करीन कुपरुस नावेन काळापाणी धडे-धडे तेरु आड लीन ढंड्यो चालाडीन ली जातला; 5 ने कीलक्या ने पंफुलीया ईलाका धडे समुदर मायन जातला ने लुस्या ईलाकान मुरा नावेन सहर मां उतर्या। 6 चां एक सुबेदार काजे एक दीसरो मटलो ढंड्यो देखाव पड्यो। च सीकेन्दर्या सहर सी आवीन ईटली ईलाका मां जाणे वाळो हतलो। हेरेसी चु हामुक तीना ढंड्या मां बठाड देदु। 7 जतयार हामु बेसका दाहडा लग धीरा-धीरा चालीन वेला करता जायन कनीदुस सहर धडे अगा पुग्या। काहाकी हवा हामु काजे अघो जाणे नी देदो; अतरामा हामु केरती नावेन काळापाणीन आड लीन सलमोन सहर धडे पुग्या। 8 ने चां मायन बेसका एला करता जायन एक सहरेम पुग्या, तीना सहरेन नाव हतलो ढंड्या उबा करनेन वारु ठेसण। चां सी लसया सहर धडेत हतलो। 9 टेम बेसकी हय गुयली ने तीना ढंड्या काजे बी अगा ली जाणु बी परेसानी हतलो काहाकी ततयार लग उपासेन दाहडा बी हय गुयला। तेरेसी पोलुस तीनु माणसे काजे ज कहतु जायन चेताड्यु। 10 “ए अबरेदार माणसे! मेसेक असो लागे की जां सी आपणु जासु, ती आपणे पर आफत आय पडसे ने बेसको

नुकसाण झेलनु पडसे। ने मटलो ढंड्यो चालाइन्या पर ने मटलो ढंड्यो बी टुट जासे। ने कांखुर मायन आपणुक मरनु बी पडसे।” 11 बाकुन सुबेदार पोलुसेन वातेक छुडीन मटलो ढंड्यो चालाइन्या पर ने मटला ढंड्यान मालीकेन वात काजे बडीन मान्यु। 12 चां सींगेन दाहडा काटणे वाटे वारु नी हतलो तरेमां बेसका माणसे वीच्यार करीन कह्या, “आपणुक जां सी जतरा छाटा जावाये ततरा छाटा जां सी जाती रवसुन, ने ईना देसेन काहनी बी रीती सी फीनीकस सहर मां पुगीन चां सींग काटसुन ती बेसको वारु रवसे।” ज एक केरते टापुन एक ठेसण छे जो ढंड्यान ठेसणे भीणी जो दखण-बुडण ने धुराव-बुडण भीणी उगाडो छे। 13 जत्त्यार ईतरी-ईतरीक दखण सी आहळी आवणे बाजी गुय, ती चे ज समज्या, की जसा चे चाही रवला, तसों तीनुक जड गुयो, ती चे ढंड्यान-मांजरी पाणीम सी नीकाळ लेदा ने केरतीन काळापाणी भीणी चाल पड्या। 14 बाकुन थुडीक वार मां काळापाणी भीणी सी एक मटली आंधी आवी, ची धुराव उगण कहवाये। 15 जत्त्यार आंधी ढंड्ये आपटाय, ती ढंड्या काजे आंधी भीणी सांबो नी जावायो, ती हामु ढंड्या काजे आंधी तींखुर जाय, तींखुर जाणे देदा। 16 तत्त्यार हामु कोदा नावेन काळापाणीन आड मां धीरा-धीरा ढंड्या काजे उहवणी देदा, ने काठी मेहनत करीन दीसरा नानला ढंड्या काजे हात करीन तीनुक कब्जा मां करीन धीरा पाड्या ने मटला ढंड्या मां मेल लेदा। 17 ढंड्या काजे नाडे करीन बांद देदा, ने बीहाणे सी कहें की कांखुर मायन सुरतीसेन काळापाणी थडे उतेळ्ळा पाणीन कादवडा मां मटलो ढंड्यो गाडाय जासे करीन मटला ढंड्यान पाल छुड देदा, ने मटला ढंड्या काजे उहवणी देदा। 18 जत्त्यार हामु आंधी ने झलक मटले ढंड्ये बेसकी आपटाय। ती दीसरे दाहडे चे ढंड्याम सी समान नाखणे बाजी गुया। 19 ने तीसरे दाहडे चे तींद्रे हाते सी ढंड्या मायन समान नाखी देदा। 20 जत्त्यार बेसका दाहडा लग, नीते दाहडु देखाव पड्यु, ने नीते तारा देखाव पड्या, ने बेसकी आंधी चालतीत रय, ने असी हालत हय गुय की हामु बचणेन आसुत छुड देदा। 21 जत्त्यार चे बेसका दाहडा लग काय नी खादा, तत्त्यार पोलुस तींद्रे ईचमां उबु हयन कह्यु, ए माणसे, तुहुं काजे मारी वात मानीन केरती नावेन काळापाणी सी आवता ती नीते तुंदरी जी परेसानी आवती ने नी जी नुकसाण आवती। 22 बाकुन हय मे तुहुं काजे समजाडो की हिम्मत राखु, काहाकी तुंद्रे मायन कुय नी मरे, बाकुन ढंड्यान अतरोत खत्तम हवसे। 23 काहाकी ने तीना भगवान पुठ्ये मे जुडायलु छे, ने तेरी मे सेवा-चाकरी करो, तेरु एक सरग वाळु काहावाळ्यु आज राते मारे थडे आवीन कह्यु, 24 ए पोलुस, बीहे मां! तुसेक केसर राजा अगळ उभो हवणु ने हवणु छे। ने देख, जे तारे पुठ्ये ढंड्या मां छे, तीनु आखा काजे भगवान तारा हातेम आप देदलु छे। 25 तरेमां, ए माणसे, हिम्मत राखु; काहाकी मे भगवान पर जु भुरसु करो, जसों मार सी कह्यु, तसोन तसों हवसे। 26 बाकुन आपणु

ढंड्यो काहनास काळापाणी थडे कादवडा मां उतेळ्ळा जागा मां जायन गाडाय जासे। 27 जत्त्यार चोवदहवी रात हय, ती हामु अंदर्या नावेन समुदर मां भटकायता फीर रवला। ती आधीक रातेन थडे-वडे ढंड्यो चालाइन्या काजे मालुम पड्यो की हामु काहनास जागा थडेत जाय वागला छे। 28 ने चे दुयडो नाखीन समुदर मां उंडो देख्या ती मालुम पड्यो की समुदरेन उंडाण वीस पुरसाव छे। ने अळी थुडाक थडे गुया ती मालुम पड्यो की समुदरेन उंडाण पंद्रे पुरसाव छे। 29 जत्त्यार दगडा वाळी जागा मां हामरो मटलो ढंड्यो अटकी जासे करीन चे बीही गुया ने चे मटला ढंड्यान पछला हीससा भीणी सी ढंड्यो उभो राखणे करीन च्यार मांजरी नाख्या, ने वीजाळो हवणेन वाट देख तेला। 30 बाकुन जत्त्यार ढंड्यो चालाइन्या ढंड्याम सी ढासणे हींडी रवला, ती चे ढंड्यान अगला हीससा भीणी बी ढंड्यो उभो राखणे करीन मांजरी नाखणे हींडी रया असो बाहोनो बणावीन दर्या मां बचणे करीन नानला ढंड्या बी समुदर मां उतार देदा। 31 ती पोलुस सुबेदार ने सीपायडा काजे कह्यु, “कदी जे मटलो ढंड्यो चालाइन्या मटला ढंड्या मां नी रहे ती तुहुं बी नी बचु।” 32 ती सीपायडा दुयडा काटीन नानला ढंड्या काजे बचणे करीन मटला ढंड्याम सी समुदर मां उतार देदा। 33 जत्त्यार वीजाळी हवणे वाळो हतलो, तत्त्यार पोलुस आखा काजे जो कहीन समजाड्यु की “बचणेन आस करीन वाट देखता-देखता चोवदे दाहडा हय गुया ने तुहुं भुकलात रया, ने ईतरोक बी खाणो नी खादा; 34 तरेमां मे तुहुं काजे समजाडो की थुडोक खाय लेवु, तरेसी तुहुं बची रवसु; काहाकी तुंद्रे मां सी कुयन बी मुणकान कान्यो बी नी उखळे।” 35 ने जो कयदीन पोलुस रुटु हातेम लेदु, ने आखा अगळ रुटा वाटे भगवान काजे तु बेसकु वारु छे कह्यु; ने रुटु भांजीन खाणे बाजी गुयु। 36 ती दीसरा आखा बी हिम्मत राखीन खाणो खाणे बाजी गुया। 37 हामु आखा मेळीन ढंड्या मां दुय सोव ने तीन वीसु ने सुवळे जणा हतला। 38 जत्त्यार चे खायलीन आफरी गुया ती ढंड्या काजे फवरो करने करीन ढंड्याम सी गहुं काजे समुदर मां नाखणे बाजी गुया। 39 जत्त्यार दाहडु उंग्यु ती चे तीनी जागा काजे उळख्या नी, बाकुन एक खयडु देख्या, ने चे वीच्यार कर्या की हय सके ती जात ढंड्या काजे उभो राख देजे। 40 तत्त्यार चे ढंड्यो उभो करने करीन ढंड्यान मांजरी काजे समुदर मां नाख देदा, ने डांडे बांद्ला नाडा काजे छुड देदा, ने वाहळो तींखुर सी आवतेलो तींखुर वाळी बरसादी ताणीन समुदर थडे चाल पड्या। 41 चे दुय समुदर भेसकायणेन जागा पर मटलो ढंड्यो उभो राख देदा, ने ढंड्यान अगलु हीससु उतेळ्ळा जागान कादवडा मां गाडाय गुयु, ने ढंड्यान पछलु हीससु समुदरेन झलके आफटाय-आफटायन भागणे बाजी गुयु। 42 तत्त्यार सीपायडा वीच्यार कर्या, की गुलाम माणसे काजे मार नाखता; कांखुर मायन असो नी हय जाय की जे तीरीन नीकळी जाय। 43 बाकुन सुबेदार पोलुस काजे बचाइनेन करीन तींदरा वीच्यार काजे पुरो

करने सी रुक्यु, ने कह्यु की तीनाक तीरता आवड़ी जाय, चे पेहेल कुदीन धड़े जाती रवे। 44 ने तीनुक तीरता नी आवड़े चे ढंड्यान पाट्या पर बसीन जाती रहु। ने असा करीन आखा कुय धरती पर नीकळीन जाती रवे।

28 जत्त्यार हामु बचीन नीकळी जां, ती पतु चाल्यु की ईना काळापाणीक माल्टा कहवे। 2 चां वाळा माणसे हामरे पर गीण कर्या; काहाकी पाणी पडनेन वजे सी सेळो लागतेलो; तेरेमां चे आकठो धपाडून हामुक तापाड्या, ने रहणेन आसरु आप्या। 3 जत्त्यार पोलुस लाकडा भेळा करीन आकठा मां मेल्यु, ती आकठान आच लागणे सी एक जहर वाळु घडसु नीकळ्यु, ने पोलुसेन हातेम गुचवाय गुयु। 4 जत्त्यार चां वाळा माणसे घडसा काजे पोलुसेन हात मां गुचवायलु देख्या, ती आपसा-आपसात कह्या, “छाचलीन जु माणुस हत्यारु छे, भले जु दरिया सी बच गुयु, तेबी नीयाव ईना काजे जीवणे नी देदु।” 5 तत्त्यार पोलुस आपसु हात झेंजडीन घडसा काजे आकठा मां हेड पाड्यु, ने पोलुसेन काय बी नुकसाण नी हयो। 6 बाकुन चे वाट देखता रया की पोलुसेन हात सुज जासे, नीते ह्यु हीट पडसे ने मर जासे, बाकुन जत्त्यार चे बेसकी वार लग देखता रया, हेरो काय बी नुकसाण नी हयो, ती चे तींदरा मन मां दीसरुत वीच्यार आयु ने चे कह्या, “जु ते देवता छे।” 7 तीना जागान आडे-धडे एक टापु पुजारान पुबलीयुसेन खेते हतला, चु पुबलीयुस तीना माल्टा काळापाणीन नावेन खास हतलु; चु हामु काजे हेरे धर ली जायन तीन दाहडा लग मेजवानी कर्यु। 8 तीना पुबलीयुसेन बासेन सेरी आय रवलो, ने चु गुदडा मां पडी रव्लु। अळतेन पोलुस घर मां तेरेन्चां जायन तेरे वाटे मालीक भगवान सी दुवा कर्यु, ने तेरे पर हात मेक्यु ने चु वारु हय गुयु। 9 जत्त्यार असो हयो ती तीना काळापाणीम रहण्या दीसरा मांदला माणसे बी आया; ने चां आवीन वारु हय गुया। 10 ने चे हामरी बेसकी आव-भाव कर्या, ने जत्त्यार हामु सीकेन्द्रया जाणे वाळाक ढंड्या मां बसीन जाणे हींडी रवला ती चे ज बी हामुक चाहतेलो, च ढंड्या मां मेल देदा। 11 तीन महना पछेन हामु सीकेन्द्रया वाळा ढंड्याम बसीन चाल पड्या। जो ढंड्यो ईनात काळापाणीम हतलो ने तेरी सहलाणी टाक मेल्ली हतली। 12 हामु सुरकुसा नावेन काळापाणी मां गुया, ने चां तीन दाहडा रया। 13 चां सी हामु रेगीयुम मां गुया, ने दीसरे दाहडे देखण सी वाहळी चाली, तत्त्यार दीसरे दाहडे पुतीयुली मां गुया। 14 चां हामु काजे थुडाक ईसु पर भुरसु करन्या भायस भेळा हया, ने चे बेसका वीनती कर्या करीन, हामु तींदरेन्चां सात दाहडा लग रया; ने असा करीन चां सी रोम सहर भीणी चाल पड्या। 15 अळतेन चां वाळा ईसु पर भुरसु करन्या भायस काजे मालुम पड्यो की हामु आवणे बाजी रया, ती चे हामुक भेळा हवणे करीन अप्पीयुस हाटेम लग ने तीन धरम साळान्चां लग आया, तीनु ईसु पर भुरसु करन्या भायस काजे देखीन पोलुस भगवान काजे तु बेसकु वारु छे

कह्यु ने हिम्मत राख्यु। 16 जत्त्यार हामु रोम सहेरम पुग्या ती पोलुस काजे एक सीपायडा साते जु तेरी राखवाळी करतेलु, एखेलुत रहणेन हुकुम जड गुय। 17 तीन दाहडा पछेन पोलुस चां वाळा यहूदी माणसेन डाहला काजे बुलायु, ने जत्त्यार चे भेळा हय गुया ती चु तीनुक कह्यु, “ए भायस्यो, मे आपणा माणसेन ने आपणा डाह-डाहान वीरुद मां काय बी कह्यु, तेबी मेसेक यरुसलेम सी धराडीन रोमी सीपायडान हात मां आप देदा। 18 चे पुछी-पाछीन मेसेक छुडने हींडी रवला, काहाकी मे मरनेन डंड जडे असु काहनु बी गुनु नी कर्यु। 19 बाकुन जत्त्यार यहूदी माणसे मारे वीरुद कहणे बाजी गुया, ती मेसेक केसर काजे वीनती करनु पड्यो, जत नी मेसेक मारा माणसे पर गुनु लागाडनु हतलु। 20 तेरेमां मे तुहुं काजे बुलायु की तुहुं भेळु हवो ने वात करो; काहाकी ईसरायेली माणसेन आस वाटे सीपायडा मेसेक धरीन मारे हाते ने पाये साकळ लागाड देदला छे।” 21 चे तीनाक कह्या, “नी हामु तारे बारामां यहूदी माणसे सी चिट्ठी हात कर्या, ने नी ते यहूदी भायस मायन कुय आवीन तारा बारामां कह्यु, ने नी ते गलत कह्या। 22 बाकुन तारु काय वीच्यार छे, चत हामु सामळने हींडी रया, काहाकी हामुक मालुम छे की आखे दुर ईना पंथन वीरुद मां माणसे कहणे बाजी रया।” 23 तत्त्यार चे एक दाहडु पाक्कु कर्या, ने अळतेन चु दाहडु आयु ती बेसका माणसे पोलुसेन्चां भेळा हया, ने पोलुस तीनु काजे ईसुन बारामां मुसान साहरे लिखला सासतुरेम सी ने भगवानेन अघली वात बताडने वाळा सासतुरेम सी संदारे सी सांतु लग समजाडतु रयु, ए भगवानेन राजेन बारामां गवा देतु रयु। 24 ज सामळीन कुय तेरी वात मानीन ईसु पर भुरसु कर्या, बाकुन कुय तेरी वातेक मानीन ईसु पर भुरसु नी कर्या। 25 जत्त्यार चे एक मन्या हयन तेरी वातेक नी मान्या, ती पोलुस तीनुक कह्यु, चुखली-आत्मा भगवानेन अघली वात बताडने वाळा यसायाह साहरे तुंदरा डाहा-डाहाक ज कहलु हतलु, जायन ईनु माणसेक कय दे, 26 तुहुं सामळसु, ने सामळ्यात करसु, बाकुन तुहुं ईतरोक बी नी समजाये; ने तुहुं देखसु, बाकुन तुहुं पल्ले नी पडे। 27 काहाकी जे तींदरो मन काठो कर लेदला छे। ने तींदरा कान्टा बेहरा हय गुयला छे। जे तींदरा डुळा मीच लेदला छे। जे हेरेन करीन असा कर्या काहाकी हीनुक काय बी नी देखायणु चाहजे, ने हीनुक काय बी सामळायणु नी चाहजे, ने तींदरा मनेम काय बी पल्ले नी पडनु चाहजे, ने कदी मारे भीणी नी वळनु चाहजे, काहाकी मे तीनुक वारु कर दीस। 28 हेरेसी तुहुं ज जाण लेवु की भगवानेन जी छुटकारान खुस-खबर नी-यहूदी मां सामळावणे करीन मकली रयु, “चे धीयान सी ईनी खुस-खबर काजे सामळसे।” 29 पोलुस जी वात कय देदु, ने अळतेन यहूदी माणसे वातेम लडाय पड्या ने चां सी जाती रया। 30 ने पोलुस रोम मां पुरा दुय साल लग भाडेन घर मां रयु। 31 ने जे तेरेन्चां आवतेला तीनु आखा काजे चु भेटतु

रयु ने वीनधाके ने वीन रुक-टुक मां भगवानेन राजेन परचार
करतेलु ने अळी मालीक ईसु मसीन वात सीकाडतु रयु।

रोमी

1 पोलुस भीणी सी जु ईसु मसीन पावर्यु छे, ने नेवताळु हवणे करीन बुलावलु छे, ने भगवान तीना खुस-खबर वाटे नेवाड़लु छे। 2 तेरी चु पेहलुत सी आपणी भगवानेन अधी सी आवणे वाळी वात देखाड़न्यान साहरे चुखला सास्तुर मां, वायदु करलु हतलु। 3 गुयु हेरु पुर्या काजे आपणा मालीक ईसु मसीन बारामां आस लागाड्यु; चु डीलेन भाव सी ते दावुदेन खानदानी सी पयदा हयु 4 ने चुखली-आत्मान भाव सी ईसु मरलाम सी जीवतु हवणेन वजे सी ताकुतेन साते भगवानेन पुर्यु ठेहरलु छे। 5 हेरे साहरे आपणु काजे बेसकी वारु दया ने नेवताळा बननेन मुखु जड्यु हेरा नावेन वजे सी आखा नी-यहुदी माणसे भुरसु करीन हेरी माने, 6 तेरेमां तुहुं बी ईसु मसीन हवणे वाटे बुलावला छे। 7 तीनु आखान नाव जे रोम मां भगवानेन लाटेकला छे ने चुखला हवणे वाटे बुलावला छे: आपणु बास भगवान ने मालीक ईसु मसी भीणी सी तुहुं काजे गीण-दया ने सांती जड़ती रवे। 8 पेहेल मे तुहुं आखा वाटे ईसु मसीन साहरे आपणा भगवान काजे तु बेसकु वारु छे करीन कहं, काहाकी तुंद्रा भुरसान वात आखा कळी मां हय रय 9 भगवान तेरी चाकरी मे आपणी आत्मा सी हेरा पुर्यान खुस-खबरेन बारामां करो, हयतु मारु गवा छे की मे तुहुं काजे काहनी रीत सी लगातार हेर करतु रव, 10 ने जलम असु वीनूती करो की भगवानेन मरजी सी काहली-ने-काहली रीत सी मेसे आकरी मां तुंदरे धडे आवणे वारु मुखु जड़े। 11 काहाकी मे तुंदरे सी भेळु हवणेन लालुच करो की मे तुहुं काजे कुय जीव-आत्मान वाटु आपो तेरे सी तुहुं काठा हय जावु; 12 अब्तेन ज की जत्यार मे तुंदरे ईचमां रवो, ती हामु तीना भुरसान साहरे ज हामरे मां, ने तुंदरे मां छे एक दीसरा सी वात वीच्यार जड़े। 13 ए भायसे, मे नी चाहतु की तुहुं हेरे सी अणजाण्या रवु की मे काय कावा तुंदरे धडे आवणे चाह, की जसा मेसे नी-यहुदी नी जाणे तीनी जाती मां फळ जड्यो, असात तुंदरे मां बी जड़से, बाकुन हय लग रुकायलो छे। 14 मारे पर युनानी माणसेन ने नी-यहुदी, ने अककल वाळा ने डेड़-अककल्या माणसेन करजु छे। 15 अब्तेन मे तुहुं बी जे रोम मां रवु, खुस-खबर सामळवणे करीन काहाली बी टेम मां तीयार छे। 16 काहाकी मे खुस-खबर सी नी सरमांयो, हेरे सी की चु आखा जणा जे भुरसु करने वाळा वाटे, पेहेल ते यहुदी अब्तेन नी-यहुदी वाटे, छुटकारान करीन भगवानेन ताकत छे। 17 काहाकी हेरे मां भगवानेन वारलु भुरसा सी ने भुरसा वाटे देखाये; जसों लिखलो छे, “भुरसा सी वारलु माणसे जीवता रवसे।” 18 भगवानेन रीस ते तीनु माणसे आखी नी भक्ती ने पाप पर चाले सरगे सी पड़से ज छाचायन वात काजे पाप करीन चीपदीन राखे। 19 हेरेसी की भगवानेन बारामां अककल हींद्रे मने मां देखायसे, काहाकी भगवान हींद्रे बारामां बताड़लु छे। 20 जत्यार सी कळी बणी हेरी नी-देखाय असली खास जलमेन

ताकत ने भगवानेन गुण साप देखाये काहाकी हीनु चीजे सी पुरी रीती सी जाणी जाय सके जी भगवान बणावलु छे हेरेसी माणसे भीणी काय बाहनेो नी हय। (aidios g126) 21 हेरे वजे सी चे भगवान काजे जाणे तेबी चे भगवानेन जसी बड़ाय करनु चाहजे बाकुन तसी बड़ाय नी कर्या ने जसा भगवान काजे तु बेसकु वारु छे करीन कहंणु चाहजे तसा नी कह्या, बाकुन असलात वीच्यार करने बाजी गुया, जां लग की तींद्रा डेड़-अककल्या मन आंदारलो हय गुयो। 22 चे आपसा काजे अककल वाळा समजीन डेड़-अककल्या बण गुया, 23 ने जलम लग भगवानेन सेक-सींगार काजे माणसेन सीकु, ने चिरलान सीकु, ने चार पाया जनवार्यान सीकु, ने घीसड़ायन्या जनवार्यान सीकु समजीन तींद्री पुजा-पाट करने बाजी गुया। 24 हेरे वजे सी भगवान बी तीनुक हींद्रे मनेन हेरेन अनसारे वीटळने करीन छुड़ देदु की चे एक दीसरान डीलेन अबरु नी करे। 25 काहाकी चे भगवानेन छाचाय काजे झुट साते भेसकी देदा, ने कळीन उपास ने चाकरी, ने पुजा-पाट सुरु कर देदा बाकुन कळ काजे घड़न्या भगवानेन भक्ती ने पुजा-पाट नी कर्या। भगवान जलम बेसका वारु छे! असोत हवतो रवे। (aiōn g165) 26 हेरेसी भगवान बी तीनु काजे गांडा हेरेन हक मां रवणी देदु; जां लग की बायरा साते सवसार करने बाजी गुया। 27 ने अदमी बायरा साते सवसार करने रहणीदीन ने अदमी-अदमी साते सवसार करने ने कराड़ने ने चे चंगलाय ने सवसार करने हायाळ्ळा बण गुया। तीनुक बे सरम्या पापेन डंड, आपसा डील मां जीवतेला काजे भुकेतणु पड्यो। 28 जत्यार चे भगवान काजे उळखणे नी हींडतेला, भगवान बी तीनु काजे हींद्रे भुंडले मनेन वजे सी रवणी देदु की चे जे कामे चे नी करनु चाहजे असला काम करने बाजी गुया। 29 चे आखी तरान वारलु काम नी करन्या ने पाप ने हाय-हाय ने कुहरायन वीच्यार सी भराय गुया, ने मनेन काट खुन ने झगड़ा, ने ठगणे वाळा भुंडला वीच्यार सी भराय गुया ने एक दीसरान चुगली करने बाजी गुया ने चे जलम दीसरान नुकसाण हवणु चाहजे करीन असात वीच्यार कर्या करे, 30 ने चे दीसरान असलात नाव-बददी करन्या, ने भगवान सी रीस करने वाळा, दीसरान अबरु लेणया, ने मटाय कर्या, मटली-मटली आपरन्या, ने कुहरायन वात करने वाळा, आस्या-बास्यान हुकुम नी मान्या, 31 डेड़-अककल्या, धुकु देण्या, दया नी करन्या ने दया करने मां लुला बण गुया। 32 चे ते भगवानेन जी रीती जाणे की असला काम करने वाळा काजे मुतेन डंड जड़से, ने आपसात असलो काम करे ने ज असला कामे करे तीनु काजे तु बेसकु वारु करीन बी कह्या।

2 हेरेसी ए दीसरान वाक नीकाळन्या, तु काहनु बी हय, तुसेक जपाप नी देवाये; काहाकी तु तीनी वात मां दीसरान वाक नीकाळे तीनीत वात मां तारु बी वाक छे, तेरेमां की तु तीनीत वात मां वाक नीकाळे चेत गलत काम करे। 2 काहाकी आपणु काजे मालम छे की छाचला-छाचला गलत काम करने वाळा

पर भगवान भीणी सी छाचला-छाचला टेम मां डंडेन हुकुम जइसे। 3 ए माणुस, तु ज असला-असला गलत कामे करने वाळान वाक नीकाळे ने आपसुत असला गलत काम करे; ती तु ज समजी र्यु काय की मे भगवानेन नीयावेन डंड सी बची जायस? 4 काय तु भगवानेन भलाय, ने तेरो सहणु, तेरी सेण काजे असलुत समजी र्यु काय? ने तुसेक जी वात नी समज मां आवती काय की तेरी मटली दया पाप भीणी सी मन फीरावणे करीन सीकाड़े? 5 बाकुन तु आपणा काठला ने कदी नी पसतावु करने वाळा मनेन वजे सी हेरे रीसेन दाहड़ा वाटे, तेरेमां भगवानेन छाचला नीयाव आवसे, तारे वाटे रीस कमाय र्यु। 6 चु एक-एक काजे तींद्रा कामेन अनसारे बदलु आपसे। 7 जे भगवान काजे वारु गमे असो काम काठु रवीन सेक-सींगार, ने आव-भाव, ने अमरेन जीवन काजे हेरसे, तीनु काजे चु जलमेन जीवन आपसे; (aiōnios g166) 8 बाकुन जे झगड़ा वाळा छे ने छाचाय काजे नी माने बाकुन पाप जाणे हींद्रे पर रीस लागसे। 9 दुख ने गरा एकेक माणसेन जीव पर चे भुंडात काम करे तींद्रे पर आवसे, पेहेल यहूदी पर अळतेन नी-यहुदी पर; 10 बाकुन सेक-सींगार ने आव-भाव ने वारलु सांती एकेक काजे जइसे, जे वारु करसे, पेहेल यहूदी काजे अळतेन नी-यहुदी काजे। 11 काहाकी भगवान काहानान बी छीट राखीन कुयन नीयाव नी करे। 12 हेरेसी जीनु काजे मुसान साहरे लिखलु कायदु नी जइयु, पाप कर्या चे मुसान साहरे लिखला कायदा पाखुर सरी जासे; ने जीनु काजे मुसान कायदु जइयु ने पाप कर्या, तीनु काजे कायदान अनसारे डंड जइसे; 13 काहाकी भगवानेन चां मुसान साहरे लिखला कायदा काजे सामळने वाळा वारलु नी, बाकुन मुसान साहरे लिखला कायदा पर चालने वाळा वारलु ठेहरायसे। 14 अळतेन जत्पार नी-यहुदी तींद्रे धडे मुसान साहरे लिखली सासतुर नी हय, तेबी वारु मन सी मुसान साहरे लिखला सासतुरेन वात पर चाले, ती कायदु हींद्रे धडे नी रवे तेबी चे तींद्रे वाटे आपसान कायदु छे। 15 चे कामेन साहरे ने चां कायदा लिखला देखाड़े ने तींद्रो हीयो मन गवा देय, ने हींद्रा वीच्यार एक दीसरा पर गुनु लागाड़े, नीते हीनुक नी-गुनावळा ठेहरावे; 16 जी खुस-खबर मे सामळावो तीनी खुस-खबरेन अनसारे ईसु मसीन साहरे भगवान तीने दाहड़े माणसेन सातायला वातेन नीयाव करसे। 17 कदी तु आपसा काजे यहूदी कहें, ने कायदा मां भुरसु करे, ने तु तारा भगवानेन बारामां मटाय करे, 18 ने भगवानेन मरजी काजे जाणे ने कायदान सीकाड़नेन वात काजे वारु-वारु वात काजे पाळे; 19 ने आपसा पर भुरसु करे की मे आंदळा काजे वाट देखाड़्यु, ने आंदारला मां भटकी रवला माणसे काजे वीजाळो आपलु छे, 20 ने डेड़-अकलया काजे सीकाड़ने वाळु, ने पुर्या-पारी काजे सीकाड़न्यु छे; ने अकल, ने छाचाय सीकाड़नेन वात, जी कायदा मां छे, ची मेसे काजे जइली छे। 21 हेरेसी वीच्यार कर तु दीसरा काजे सीकाड़े, ती आपसा काजे नी सीकाड़े काय? तु जु चुरी नी करनु करीन

परचार करु, ने आपसात चुरी करे? 22 तु ज कहें, “छीनाळो नी करनु” काय आपसु छीनाळो नी करतु काय? तु जु मुरत्या सी रीस करे, काय आपसुत मंदीरेन धन काजे नी लुटे काय? 23 तु जु मुसान कायदान बारामां मटाय ते करे, कायदा काजे तुडीन भगवानेन बदनामी काहा करे? 24 “काहाकी तुंद्रे वजे सी नी-यहुदी मां भगवानेन नावेन वाक वाळा हय रया।” जसों लिखलो बी छे। 25 कदी तु मुसान साहरे लिखला कायदा पर चाले ती ते फतरी काटाड़ने सी नफु हवसे, बाकुन कदी तु मुसान साहरे लिखला कायदा पर नी चाले, ती फतरी काटाणे सी काय बी नफु नी हवे। 26 हेरेसी कदी फतरी काटे पाखुर माणसे मुसान साहरे लिखला कायदान रीती काजे पाळे ती भले चु फतरी काटाड़न्यु तेबी चु फतरी काटाड़न्या मां नी गीणाये काय? 27 ने चु माणुस डील मां फतरी नी काटाड़न्यु ने मुसान साहरे लिखला कायदु पाळी र्यु, चु तुसे काजे गुनाळु ठेहरावसे भले तारे वाटे मुसान साहरे लिखला कायदा छे, काहाकी तु मुसान साहरे लिखला कायदा पर नी चालतु? 28 जे बाहार सी यहूदी छे, चे छाचलीन यहूदी नी हय ने डीलेन फतरी काटाड़े छाचलीन फतरी काटाड़न्यु नी हय। 29 बाकुन खास यहूदी हयुत छे जु मन मां यहूदी छे, ने फतरी काटाड़लु हयुत छे जु मन मां ने जीव-आत्मा मां छे ने चु लिखली वातेन अनसारे फतरी काजे काटाड़लु बी नी हय, बाकुन असली ईज्जत माणसे काजे माणुस भीणी सी ईज्जत नी जड़े बाकुन भगवान भीणी सी ईज्जत जड़े।

3 अळतेन यहूदी बनने सी काय फायदु ने नीते फतरी काटणे सी काय नफु? 2 आखे आन्गे सी बेसकु फायदु पेहेल ते ज की भगवानेन बुल तीनु काजे सुपलु हतलु। 3 कदी हींद्रे मां भुरसु नी करे असला बी नीकळी जाय ती काय हय गुयो? काय हींद्रे भुरसा मां धुकु देणे सी भगवानेन छाचाय फालतु हय जासे काय? 4 कदी नी बाकुन भगवान छाचलु रवसे ने आखा माणसे लुच्या रवसे, जसों लिखलो छे, “तेरी तु आपणी वात मां वारलु छे ने नीयाव करनेन टेम मां तु छाचलु छे।” 5 हेरेसी कदी आपणु जे भुंडो काम करजे चे भगवानेन धरम काजे पाकको करे, ती आपणु काय कहंजे? काय ज की भगवान जु रीस करे नीयाव नी करन्यु छे काय? ज ते माणसेन रीत पर कय र्यु। 6 कदी नी नीते भगवान कसु कळीन नीयाव करसे? 7 कदी मारा झुटेन वजे सी भगवानेन छाचाय हेरे सेक-सींगार वाटे, जादा करीन उजेंतु हवे ती पेहेल काहा तु पापी छे करीन मारु नीयाव हवे? 8 “हामु काहा नाव-बददी नी करजे की भलाय नीकळे?” जसों हामरे पर जु वाक नीकाळी बी रया, ने काहानाक कहें की हींद्रो जत कहणु छे। बाकुन असलात गुनु लागाड़नु वारु छे? 9 ती पछेन काय हयो? काय आपणु हींद्रे सी वारलु छे? कदी नी; काहाकी आपणु यहूदी ने नी-यहुदी दुयु पर गुनु गुनु लागाड़ी देदला छे की चे आखा ने आखा पापेन हक मां छे। 10 जसों लिखलो छे: “कुय बी वारलु नी हय, एक बी नी हय। 11 कुय बी समजदार नी हय; कुय बी भगवान काजे

हेरने वाळू नी हय। 12 आखा भटकी गुयला छे, आखान आखा बीगड़ी गुयला छे; कुय बी भलाय करने वाळू नी हय, एक बी नी हय। 13 तींदरू गळू मसाणेन तसु छे, चे आपणा जीप्या सी झगड़ा करे, हींदरा हुटडा मां घडसान जहर भरलु छे। 14 हींदरो मुंहडो रीस ने कड़वान सी भरायलो छे। 15 हींदरा पाय माणसे काजे मारीन खुन करने उतवाळा रवे, 16 हींदरे वाट मां नुकसाण ने दुख छे, 17 चे सांतीन वाट नी जाणे। 18 हींदरा डुळा अगळ भगवान काजे देखीन बी नी बीहे।” 19 हामुक मालम छे की मुसान कायदु जु काय कहें तींदरे सी कहें, जे मुसान कायदान हक मां छे; हेरेसी एकेक जणान मुंहडो बन्द हय जाणु चाहजे ने आखी कळी भगवानेन डंडेन वाटे रवे; 20 काहाकी मुसान कायदान काम सी कुय जीव बी हेरे अगळ वारलु नी गीणाये, हेरेसी की मुसान कायदान साहरे पापेन उळखान हवे। 21 बाकुन हय मुसान कायदा सी अलग भगवानेन चु वारलु उजेंतु हयु, की तेरी गवाय मुसान कायदु ने भगवानेन अधी सी आवणे वाळी वात देखाड़न्यान देय, 22 ने भगवानेन चु धरम ज्य ईसु मसी पर भुरसु करने सी आखा भुरसु करने वाळा वाटे छे। काहाकी काय बी छीट नी हय; 23 हेरेसी की आखान ने आखा पाप कर्या ने भगवानेन सेक-सींगार सी छेटे हय गुया, 24 बाकुन भगवानेन गीण-दया सी तीना छुटकारान साहरे ज ईसु मसी मां छे, फेरी मां वारलु ठेहरावलु छे। 25 ईसु मसी काजे भगवान लुही सी पापेन डंड भरनयु बणाय देदु, ने ईसु पर भुरसु करने सीत आपणु काजे छुटकारु जड़े, जे माणसे पाप पेहेल करला ने भगवान तींदरा पाप काजे सेण करतु र्यु ने तींदरा चु ईसुन साहरे आपसान धरम उजेंतु कर्यु। 26 बाकुन ईनेत टेमे तेरु धरम उजेंतु हवे तेरेसी चु आपसुत वारलु गीणायसे, ने जे ईसु पर भुरसु करे तीनु काजे बी वारलु बणावसे। 27 ती मटाय करनु काहा र्यो? हेरी ते जागा नी हय। काहानी मुसान कायदान वजे सी? काय वारलु करने मुसान कायदा सी? नी बाकुन भुरसान कायदान वजे सी। 28 हेरेसी कुय माणस मुसान कायदान कामेन अनसारे चालीन नी, बाकुन भुरसान साहरे धरमी बण सके। 29 काय भगवान यहूदीयान अतरुत छे काय? काय नी-यहुदीन नी हय? हव नी-यहुदीन बी छे। 30 काहाकी एकुत भगवान छे, जु फतरी काटाण्या काजे भुरसा सी ने नी फतरी काटण्या काजे बी भुरसान साहरे वारलु ठेहरावे। 31 ती काय आपणु मुसान साहरे लिखला कायदा काजे भुरसान साहरे फालतु ठेहरावजे? कदी नी बाकुन मुसान साहरे लिखला कायदा काजे जादा ताकतवाळु बणावे।

4 तेरेमां हामु अब्राहमेन बारामां काय कहंजे जु डीलेन अनसारे हामरु डाहालु हतलु तीनाक काय जड़यो? 2 काहाकी कदी अब्राहमेन काम सी धरमी गीणायतु, ती तीनाक मटाय करनेन जागु रवतु, बाकुन भगवान अगळ तीनाक मटाय करनेन गाळू नी हय। 3 चुखलो सासतुर काय कहें? ज्य की, “अब्राहम भगवान पर भुरसु कर्यु, ने जु भुरसु तेरे वाटे वारलु गीणायु।”

4 काम करने वाळान दाहड़की आपणु दान नी, बाकुन हक गीणाये। 5 बाकुन जु काम करनु रवणी दीन तीना भगवान पर भुरसु करे, चु पापी काजे वारलु गीणे, ती तेरु भुरसुत तेरे वाटे वारलु गीणायसे। 6 ईनी भाती दावुद हीना माणुस काजे वारु कहवे, तीनाक भगवान काम करे पाखुर वारलु बणावे: 7 “वारु छे चु, तेरु पाप माफ हय गुयु, ने तेरा पाप ढाकाय गुया। 8 वारु छे चु माणुस तीनाक भगवान पापी नी कहें!” 9 ती ज्य वारु बुल, काय फतरी काटाड़न्या नीते फतरी नी काटाड़्या हींदरे वाटे बी? हामु ज्य कहंजे, “अब्राहम हेरा भुरसान साहरे खरलु धरमी गीणायु।” 10 ती चु वारलु कसु गीणायु? फतरी काटाड़लु ती, की फतरी नी काटाड़्यु ती वारलु गीणायु; बाकुन चु ते फतरी काटे पाखुर वारलु गीणायलु। 11 ने अळतेन चु भुरसान साहरे धरमी गीणायलु छे ज्य देखणे करीन सहलाणी वाटे फतरी काटाड़्यु, पेहेल चु फतरी काटे पाखुर भगवान पर भुरसु करलु हतलु। ने असु करीन चु अब्राहम तीनु आखान बास गीणाये; 12 ने असु करीन चु फतरी नी काटाड़े तींदरु बास गीणायु, जे अब्राहमेन तसा भगवान पर भुरसु करीन जीवे, तसु अब्राहम बी फतरी काटाड़े पाखुर पेहेल भगवान पर भुरसु करतेलु। 13 काहाकी भगवान अब्राहम ने अब्राहमेन अवलयात काजे वायदु करलु की चे कळीन हकदार्या बणसे। अब्राहम कायदाक मान्यु करीन भगवान असु वायदु नी कर्यु, बाकुन चु भुरसु कर्यु करीन भगवान हीनाक धरमी गीणायु। 14 काहाकी कदी मुसान कायदा पाळन्यात वायदान जागु हात मां करसे, ती ते भुरसु करने सी काय फायदु नी हय ने भगवानेन वायदु करली वात बी फालतु हय गुय। 15 मुसान कायदु ते भगवानेन रीस काजे उबजाड़े ने चां कायदु नी हय, चां कायदु तुडनेन वात नी आवे। 16 भगवानेन वायदु भुरसान फळ छे ने ज असोत जड़े। तीने रीते तेरा बुले अब्राहमेन आखा वाटे ते चेत, ने जे नीयम काजे माने तींदरे वाटे नी बाकुन तीनु आखा वाटे बी जे अब्राहमेन तसा भुरसु राखजे। चु हामरु आखान भगवान बास छे। तेरेमां ज पाक्को छे 17 जसों की लिखलो छे, “मे तुसे काजे बेसका माणसेन बास ठेरावलु छे।” भगवानेन नींगा मां अब्राहम हामरु बास छे। अब्राहम भगवान पर भुरसु कर्यु, जु भगवान मरला काजे जीवाड़े ने जे हय नी तीनु काजे बी घड़ीन उबजाड़े। 18 अब्राहम नीरासेन दाहड़म बी आस राखीन भुरसु कर्यु ने चु बेसकी जातीन माणसेन बास बण गुयु, जसों तीनाक कहंलो हतलो की तारा गीणाये नी अतरा माणसेन बास हवसी। 19 अब्राहम भुरसा मां पाक्कु बणीन र्यु ने असु जाणतेलु तेबी की हेरो डील सोव सालेन हय गुयली छे ने सारान पुर्या नी हवतेला। 20 भगवानेन वायदा पर भुरसु बणायन राख्यु अतरुत नी भुरसा काजे काठु करतु जायन भगवानेन सेक-सींगार कर्यु। 21 तीनाक पाक्कु भुरसु हतलु की भगवान तीनी वातेन वायदु करलु छे, चु तीनाक पुरु करीन छुड़से। 22 हेरे वजे सी भगवान अब्राहम काजे खरलु धरमी। 23 ने गुयु

बुल की भुरसुत तेरे वाटे धरम गीणायु, तेरे वाटे अतरुत नी 24 बाकुन आपणे वाटे बी लिखलो छे। आपणु बी भुरसा सी वारलु गीणायसुन। काहाकी आपणु तीना भगवान पर भुरसु करजे, जु मालीक ईसु काजे मरलाम सी जीवाइलु छे। 25 हयुत ईसु आपणात पाप गुनान करता मरणे करीन धराय गुयु ने आपणुक वारलु बणावणे करीन मरलाम सी जीवतु हयन बठु बी हय गुयु।

5 जतयार आपणु भुरसा सी वारलु बणया, ती आपणा मालीक ईसु मसीन वजे सी भगवान साते आपणु सांती मां हय गुयला छे, 2 ईसु मसी आपणे वाटे तीनी गीण-दयान बरानो उघाइ देदलु छे जी आपणुक जड़ गुयलो छे, आपणु ईनी वात पर मटाय करजे की आपणुक भगवानेन सेक-सींगारेन आस पर मटाय करजे। 3 अतरोत नी, आपणु दुख पर बी खुस हवजे, काहाकी आपणु जाणजे की दुखत आपणुक गम खणया बणावे, 4 ने दम धरीन खरा नीकळनु, ने खरा नीकळने, सी आस उबजे। 5 ने आस सी लाज नी आवे, काहाकी भगवान आपणुक चुखली-आत्मा आपलु छे ने हेरेत वाटे भगवान परम आपणा मन मां भरलु छे। 6 काहाकी जतयार आपणु लुला हतला, ततयार तीनेत टेमे ईसु मसी आपणे वाटे मर गुयलु। 7 कुय वारलु माणुस वाटे जीव आपणे तीयार हय जाय, तेबी काय जाणु कुय वारलु माणुस वाटे मरने तीयार हय जाय ती हय जाय। 8 बाकुन जतयार आपणु पापीत हतला ततयार ईसु मसी आपणे वाटे मर्यु, असु करीन भगवान आपसान परम उजेंती कर्यु। 9 ततयार आपणु ईसुन लुहीन वजे सी वारलु गीणायु; ती आपणु छाचलीन मसीन वजे सी भगवानेन रीस सी बची जासुन। 10 काहाकी जतयार आपणु वेरी हतला ततयार ईसु आपसान मुतेन साहरे भगवान साते आपणु मेळ कराइ देदु, ती हय ते आपणु मेळ भगवान साते हय गुयु। ती तेरा पुरयान जीवन वाटे आपणुक छुटकारु नी जड़े काय? छुटकारु जड़से ने जड़से। 11 अतरोत नी, बाकुन हय ते आपणा ईसु मसीन साहरे भगवान साते आपणु मेळ हय गुयलु छे, अतरा मां आपणु हेरे साहरे भगवान पर भुरसु राखीन खुस छे। 12 तेरेमां एकुत अदमीन वजे सी कळी मां पाप आयु, ने पापेन वजे सी मुत आवी। ईनी वजे सी मुत आखा माणसे मां फेली गुय, काहाकी आखात पाप करला छे। 13 भगवान मुसा काजे कायदु नी आप्यु तेरेसी पेहेल सी पाप ईनी कळी मां हतलु बाकुन कायदु नी हतलु अतरे कायदान कसर मां पापेन हीसाब नी लेवायतेलु। 14 तेबी आदम सी मुसा लग मुत तीनु माणसे पर बी राज करती रय जे आदमेन तसा काहनाक हुकुम तुड़नेन साहरे पाप नी करला। आदम आवणे वाळा छुटकारु आपणया ईसुन सहलाणी हतलु। 15 बाकुन जसों गुनान नेम छे असीत गीण-दया वाटु नी हय काहाकी जतयार एक माणुसेन गुना सी बेसका माणसे मरे ती भगवानेन गीण-दया ने तेरो ज्य दान एक माणसेन मतलब ईसु मसीन गीण-दया सी हयो बेसका माणसे पर हयो ने वारु हयो 16 ने जु फुटक्यु वाटु एकुत माणसेन पाप

गुनान मुतेन फळेन तसु नी हय काहाकी एकुत जणु पाप कर्यु ने पापेन डंडेन दाहडु टाकाय गुयु बाकुन बेसका पाप करने सी असु फुटक्यु वाटु पयदा हयु की बेसका माणसे धरमी बण जासे। 17 काहाकी कदी एकुत माणसेन पापेन वजे सी मुत राज करने झुम गुय ती जे माणसे गीण-दया ने धरमेन फुटक्यु वाटु बेसकु हात करे चे एकुत माणसेन मतलब ईसु मसीन साहरे छाचलीन जलमेन जीवाय मां राज करसे। 18 तेरेमां जसों एकुत जणान पापेन वजे सी आखा गुनाळा गीणायु तसोत एकुत जणान धरमेन कामेन वजे सी आखा काजे अमरकाय जीवन आपणयु धरमेन वाटु जड़ गुयु। 19 काहाकी जसु एक माणुस हुकुम नी पाळने सी आखा पापी बण गुया तसात एक माणसेन हुकुम पाळने सी आखा धरमी बण जासे। 20 ने मुसा साहरे लिखलु कायदु ईचमां आय गुयु ने माणसेम पाप जादात हवणे बाजी गुयु। बाकुन चां गुनु जादा हयु ती गीण-दया बी जादात वदती गुयु। 21 जसु पाप मुत लावतु जायन राज कर्यु तसोत आपणा मालीक ईसु मसीन साहरे गीण-दया बी जलमेन जीवन वाटे माणसेक वारलु ठहरावीन राज करती जाय। (aiōnios 9.166)

6 आपणु काय कहजे? आपणु पाप करतात रवजे काय? की भगवानेन गीण-दया आपणे पर हवतीत जासे। 2 कदी नी हामु जे पाप वाटे मर गुयला छे ती पाप मां कसा जीवसुन? 3 काय तुहुं नी जाणु काय की ईसु मसीन ज बपतीसमा आपणु आखा काजे जड़लो छे चो बपतीसमा तेरे जाण देनेन बपतीसमा छे। 4 अतरामा आपणु ईसुन मुतेन बपतीसमा लीन ईसु साते तेरेमां गाड़ाय गुया की जसों ईसु मसी बासेन सेक-सींगारेन ताकत साते मरलाम सी जीवतु हयन बठु हय गुयला छे। तसात आपणु बी एक नवली जीवन जीवजे। 5 काहाकी कदी आपणु हेरे मरनेन तसात हेरे साते एक हय गुयला छे, ती छाचलीन हीनाक मरलाम सी जीवतु हवणेन तसात एक हय जासुन। 6 आपणुक मालम छे की आपणी जुनडलो जीवन ईसु साते कुरुस पर चड़ाय गुयलो हतलो काहाकी पाप सी भरायलो आपणो डील खततम हय जाय ने आपणु अगा वाटे पापेन गुलाम नी बणजे। 7 काहाकी जु मर गुयलु छे, चु पापेन गुलामी सी छुटीन धरमी बण गुयलु छे। 8 तेरेमां कदी आपणु ईसु मसी साते मर गुयला छे, ती आपणुक भुरसु छे तेरे साते नवली जीवन बी जीवसुन। 9 काहाकी आपणु जाणजे की ईसु मसी मरलाम सी जीवतु हवीन पछु कदी नी मरे। ने तेरे पर मुतेन हक नी चाले। 10 काहाकी चु मर गुयु ती पापेन करता एकुत कावा मर गुयु; बाकुन हय चु भगवान साते जीवणे करीन जीवतेलु छे। 11 असात तुहुं बी आपणा जीव काजे पाप वाटे मरला समजु बाकुन भगवान वाटे ईसु मसी मां जीवतेला समजु। 12 तेरेमां तुंदरे मरला डीलें उपर पापेन, राज नी चाले काहाकी तुहुं पापेन मरजी पर कदी नी चाल सकु। 13 ने तुहुं तुंदरा डील काजे धरमेन काम नी करन्यान हतयार बणावीन पाप काजे मां आपु, बाकुन आपणु काजे मर्या-सरयाम सी जीवता हयन बठा

हय गुया समजीन भगवानेन हातेम सुप देवु, ने आपणा डील काजे धरमेन काम करनेन हत्यार समजीन भगवान काजे सुप देवु। 14 तत्तयार तुंदरे पर पाप राज नी करे काहाकी तुहुं मुसान कायदान हक मां नी हय, बाकुन गीण-दया हक मां छे। 15 ती काय हय गुयो? आपणु अतरामा पाप करता रहणु चाहजे, की आपणु मुसान लिखला कायदान हक मां नी हय, बाकुन गीण-दया हक मां छे? नी कदी बी पाप नी करनु चाहजे। 16 तुहुंक जी वात मालम नी हय काय, की तेरी तुहुं हुकुम मान्ने करीन तेरा हातेम खुद काजे सुप देवु तुहुं तेरात गुलाम पावर्या बण जाय, भले पापेन हातेम आपीन पापेन गुलाम बणु, तेरो फळ मुत छे भले भगवानेन हुकुम मानीन तेरा हातेम सुप देवु, तेरो फळ अमरकाय धरम छे। 17 बाकुन भगवान काजे तु बेसकु वारु छे कहं की तुहुं पेहेल पापेन गुलाम हतला तुहुं आपणा मन सी हीनु सीकाइनेन रीती काजे मान्या जी तुहुं काजे आपली हतली। 18 हुकुम ने हय तुहुं पापेन गुलामी मां सी छुटीन धरमेन गुलाम बण गुयला छे। 19 तुंदरी डीलेन लुलायन वजे सी माणसेन रीत पर कहं। जसा तुहुं आपणे भाग काजे वीटळो धरने पापेन गुलाम करीन सुपलु हतलु, असात हय आपणे भाग काजे चुखला वाटे धरमेन गुलाम करीन सुप देवु। 20 जत्तयार तुहुं पापेन गुलाम हतला, ती भगवानेन धरम भीणी सी तुहुं छुटला हतला। 21 तीनी वात सी तुहुं लाजवाय रया, ती पेहेल तुहुंक तीनी वात सी काय फायदु हवतेलु? काहाकी तेरो आकरी फळ ते मरनु छे। 22 बाकुन हय पाप सी छुटीन भगवानेन गुलाम पावर्या बणीन तुहुंक ज फळ जड़लो छे की तुहुं चुखला बणु, ने आकरी मां जलमेन जीवन हात करनु छे। (aiōnios g166) 23 काहाकी पापेन दाहड़की ते मरनु छे, बाकुन भगवानेन दानेन वाटु आपणा मालीक ईसु मसी मां जलमेन जीवन छे। (aiōnios g166)

7 ए भायसे, मे मुसान लिखला कायदा काजे जाणन्या काजे कहं, की जत्तयार लगुन माणुस जीवतेलु रवे, तत्तयार लगुन तेरे पर मुसान लिखला कायदान कबजु रवे। 2 काहाकी ईयाव करली बायरी मुसान साहरे लिखला कायदान अनसारे धेणी जत्तयार लगुन जीवतेलु रवे, तत्तयार लगुन ईयावेन नेम मां बांदायली रवे। बाकुन जत्तयार धेणी मर जाय ती ची आपणा धेणीन हक मां सी छुट जाय। 3 तेरेमां कदी चु अदमी जीवतेलु रवे ने अळी ची दीसर अदमी कर लेय, ती छीनाळी कहंवायसे; बाकुन कदी तेरु धेणी मर जाय, ती ची ईयावेन कायदा सी छुट जाय, जां लग की ची कदी दीसर अदमी बी कर लेय, तेबी छीनाळी नी कहवाये। 4 असात ए मारा भायस्यो ने बहणीस्या, तुहुं बी ईसु मसीन डीलेन वाटे मुसान कायदान वाटे मरला तसा हय गुयला छे, ने भगवान वाटे फळ लावणे करीन तुहुं तीना दीसरान बण गुयला छे, चु मरलाम सी जीवतु हयन बटु हय गुयलु छे। 5 काहाकी जत्तयार आपणु डीलेन अनसारे जीवतेला ती पापेन हर कायदान वीरुद मां आपणा जीवे मां काम करतेली, ने आपणा डील पर कबजु कर रवली। तेरेसी आपणु दाहड़ीन

मुत भीणी जातला। 6 बाकुन तेरा कबजा मां आपणु हतला, तेरे वाटे आपणु मर गुयला छे, हय आपणु पाप काजे उजेंती करन्या मुसान साहरे लिखला कायदा सी छुट गुया, जे मुसान कायदा ते जुनुडली रीत छे, आपणु ईनी जुनुडली रीतीन अनसारे नी, बाकुन चुखला आत्मान नवली रीतीन अनसारे भगवानेन सेवा करजे। 7 काय हेरो मतलब ज्य छे की कायदु पाप छे? कदी नी तेबी कायदान साहरेत पापेन पतु चाल्यु कदी कायदु नी कवतु लालुच घुण करे ती मे ज्य नी समजतु की लालुच काय छे। 8 बाकुन पाप मुखु देखीन कायदान हुकुमेन साहरे मारा जीवे मां आखी भातीन लालुच उबजाइयु काहाकी पेहेले मुसान कायदा पाखुर पाप मरलु हतलु। 9 मे ते मुसान कायदु जड़ने सी पेहेले जीवतेलु बाकुन जत्तयार मुसान कायदान हुकुम आयु, ती पाप जीवतु हय गुयु, ने मे मर गुयु। 10 ने असु करीन जु कायदान हुकुम मारे धड़े जीवाय आपणयु हतलु; हयुत कायदु हुकुम मारे धड़े मरनेन वजे बण गुयु। 11 काहाकी पाप मुखु देखीन कायदान हुकुमेन साहरे मेसेक भंगलाइ देदु ने हीना कायदान हुकुमेन साहरे मेसेक मार बी नाख्यु। 12 तेरेमां मुसान कायदु ते चुखलु छे, ने हुकुम बी चुखलु छे, वारु छे। 13 ती काय जु मुसान कायदु मारे वाटे वारु हतलु, चु मारे वाटे मरनेन वजे बण गुयु काय? कदी नी। बाकुन पाप तीना वारलु चीजेन साहरे मारे वाटे मुत काजे उबजाइने वाळु बण गुयु, तेरे सी पाप ते पापुत छे करीन जादास उजेंतु हय गुयु तेरेमां ईनु हुकुम सी पाप जादात पापी हय गुयु। 14 आपणुक मालम छे की मुसान कायदु ते जीव-आत्मा वाटे फायदु आपे असु छे बाकुन, ने डीलेन बणलु माणुस छे, जु पापेन गुलामी करने पापेन हातेम वेचायलु छे। 15 ने मारा डील मां मे ज करो, चत मेसेक मालम नी हय, काहाकी ज करनेन मारी हर छे, च मे नी करो, बाकुन तेरे सी मे छीट करो चत काम कर्या करो। 16 ने कदी मेसे ज नी गमे चत करो ती मे जी वात मान लम की मुसान कायदु बेसकु वारु छे। 17 ती असो गलत करन्यु मे नी हय, बाकुन पाप छे जु मारा डीलेम बस र्यु। 18 काहाकी मेसेक मालम छे की मारेम मतलब मारा डील मां काहनी बी वात वारु नी हय, वारलु करनेन मारी हर ते छे, बाकुन भलो काम मारे सी नी बणे। 19 काहाकी ज वारलु काम करनेन हर करे, च ते नी करु, बाकुन जी कुहराय मे नी करने हींडे, चीत कुहराय मे कर्या करो। 20 बाकुन कदी मे चत करो, ज करनेन मे हर नी करो, ती च करने वाळु मे नी हय, बाकुन पाप छे जु मार डील मां बस र्यु। 21 अतरा मां मे मारा डील मां जु मुसान साहरे लिखला कायदान देखु, की मे जी भलाय करनेन हर कर र्यु, ती कुहराय मार धड़े आवे। 22 काहाकी मे मारा जीव मां ते मुसान साहरे लिखला भगवानेन कायदा सी बेसकु खुस रवे। 23 बाकुन मेसेक मारा डील मां एक दीसर भातयु कायदु देखाव पड़ र्यु, जु मारी अकलेन कायदा साते लड़ाय करे, ने मेसेक पापेन कायदान कबजा मां करने हींडे जु मारा डीलेम छे। 24 मे बेसकु दुखी माणुस छे! ईना मुतेन हक मां रवणेवाळा डील सी

मेसेक कुण छुड़ावसे 25 मे आपणा मालीक ईसु मसीन साहरे मे भगवान काजे तु बेसकु वारु छे करीन कहवो! असु करीन मे आपसुत ते अक्कल वाटे भगवानेन कायदाक पाळ, बाकुन डीलेन नीयमेन अनसारे पापेन कायदान सेवा कर र्यु।

8 हेरेसी हय जे ईसु मसी मां छे, तींद्रे पर गुनान डंडेन हुकुम नी हय। काहाकी चे डीलेन अनसारे नी बाकुन आत्मान अनसारे चाले। 2 काहाकी जीवनेन आत्मान कायदु ईसु मसी मां पाप भीणी सी ने मुतेन कायदा मां सी छुड़ाय देदलु छे। 3 काहाकी ज काम कायदु डीलेन वजे सी हय नी कर सक्यु, तीना काजे भगवान पुरो कर्यु, मतलब आपणा पुर्या काजे पापेन डीलेन तसु ने पापेन बादान सीका मां मकल्यु, डील मां पाप पर डंडेन हुकुम आप्यु। 4 हेरेसी मुसान साहरे लिखला कायदान रीती काजे आपणे मां सी जे डीलेन अनसारे नी बाकुन आत्मान अनसारे चाले, ची पुरी करसे। 5 काहाकी डीलेन अनसारे चालन्यु माणुस डीलेन वात पर मन लागाडे; बाकुन चुखला आत्मान अनसारे जीवण्यु माणुस आत्मा वात पर मन लागाडे। 6 डील पर मन लागाडनु ते मुत छे, बाकुन आत्मा पर मन लागाडनु जीवन ने सांती छे; 7 काहाकी डील पर मन लागाडनु ते भगवान सी नाव-बददी राखणु छे, काहाकी नीते चु भगवानेन कायदान कबजा मां छे ने नी हय सके; 8 ने जे माणसे डीलेन अनसारे जीवन जीवे, चे भगवान काजे खुस नी कर सके। 9 बाकुन जतयार भगवानेन आत्मा तुंद्रे मां बसली छे, ती तुहुं डीलेन अनसारे चालु बाकुन आत्मान हक मां चालन्या बणु। कदी काहनाक मां मसीन आत्मा नी हय ती चु मसी मां नी हय। 10 कदी मसी तुंद्रे मां छे, ती डील पापेन वजे सी मरलो छे, बाकुन आत्मा धरमेन वजे सी जीवतेलु छे। 11 कदी हेरीत आत्मा ज ईसु काजे मरलाम सी जीवाड्यु, तुंद्रे मां बसलु छे; ती जु मसी काजे मरला मां सी जीवाड्यु, चु तुंदरो मरन्या डील काजे बी आपणी आत्मान साहरे ज तुंद्रे मां बसलु छे, च जीवाडसे। 12 हेरेसी ए भायसे, आपणु डीलेन करजा वाळा नी हय की हामु डीलेन अनसारे जीवन नी जीवणु चाहजे, 13 काहाकी कदी तुहुं डीलेन अनसारे जीवन जीवसु ती मरी जासु, कदी आत्मा सी डीलेन हर काजे मारसु ती जीवतेला रवसु। 14 हेरेसी जतरा माणसे भगवान आत्मान साहरे चालसे, चे भगवानेन पुर्या छे। 15 काहाकी तुहुं काजे गुलामी कराडने वाळी आत्मा नी जड़ी की तुहुं अळी बीहणे बाजी जावु, बाकुन खुळे-लेणी आत्मा जड़ली छे, तेरी सी आपणु भगवान काजे ए बास, कहवीन आयडजे। 16 आत्मा आपसीत हामरी आत्मा साते गवाय देय, की आपणु भगवानेन अवल्यात छे; 17 ने कदी अवल्यात छे ती जागरीन हकदर्या बी छे, बाकुन भगवानेन जागरी ने मसी साते ने तेरी जागरीन हकदर्या छे, जतयार आपणु मसी साते दुख झेलसुन ती तेरे साते सेक-सींगार मां हयन जासु। 18 काहाकी मे समजो की ईनी टेमे दुख ने वेला आवणे वाळी टेमे हामरे पर उजेंता हवणे वाळा सेक-सींगार

अगळ, फीका छे। 19 काहाकी जी कळी बेसकी मटी आस करीन भगवानेन पुर्यान उजेंता हवणेन वाट देख रय। 20 काहाकी कळी आपणी मरजी सी नी बाकुन गुलाम बणावणे वाळा भीणी सी, बेकार मां गुलाम ने ईनी आस सी करली छे। 21 की जी कळी बी आपसीत खत्तम कराडने वाळी गुलामी मां सी छुटकार लीन, भगवानेन अवल्यातेन सेक-सींगारेन छुटकारु बी हात करसे। 22 काहाकी आपणु काजे मालम छे की आखी कळी हय लग कासे ने वेला करीन फपड़ी रय; 23 ने कळी अतरीत वेला करीन नी फपड़ी रय बाकुन आपणु बी वेला कर रया जीनु काजे आत्मान फळ जड़लो छे, जे आपसात कास र्या; ने खुळे लेदला पुर्या बन्नने, मतलब आपणा डीलेन छुटकारान वाट देख र्या। 24 ईनी आसेन साहरे आपणु छुटकारु हवलु छे; बाकुन जीनी चीजेन आपणु आस करजे, ने ची चीज देखणे मां आवे ती ची आस नी रय, काहाकी जीनी चीज काजे कुय देखणे बाजी रयो हय ती चु तीनी चीजेन आस काहा करसे? 25 बाकुन जीनी चीज काजे हामु नी देखजे, कदी हेरीत आस राखजे, ती दम धरीन वाट बी देखजे। 26 ईनी रीत सी आत्मा बी आपणी लुलगाय मां सात देय; काहाकी आपणु काजे नी मालम की दुवा काहनी रीत सी करनु चाहजे, बाकुन आत्मा आपसीत उसकी-उसकीन, जी आपणी समज सी बाहर हय, हामरे वाटे भगवान सी लीलघाय करे; 27 ने आपणा मन काजे पारखणे वाळु जाणे की आत्मान मरजी काय छे; काहाकी चु चुखला माणसे वाटे भगवानेन मरजीन अनसारे लीलघाय करे। 28 आपणु काजे मालम छे की जे माणसे भगवान सी परम करे, तींद्रे वाटे आखी वात मेळीन भलाय काजे उबजाडे; मतलब हींद्रे वाटे जे भगवानेन अनसारे बुलावला छे। 29 जीनुक भगवान पेहलुत सी नेवाडी की हीनुक पेहलुत सी आपणा पुर्यान रुप मां ठेरावे काहाकी बेसका भायस मां चु आखा सी मट्लु भायस बण सके। 30 अळतेन तीनु काजे भगवान पेहलुत सी ठेहरावलु छे, तीनु काजे बुलायु बी; ने तीनु काजे बुलायु, तीनु काजे वारलु ठेहरायु, तीनु काजे वारलु ठेरायु तीनु काजे सेक-सींगार बी आप्यु। 31 अळतेन आपणु एक वातेन बारामां काय कहजे? कदी भगवान हामरे भीणी छे, ती हामरे वीरुद कुण रवसे? 32 तेरेसी भगवान आपणा खुडेन पुर्या काजे बी नी छुड्यु, ने आपणे वाटे मरणे करीन आप देदु, ती तेरे साते आपणु काजे अळी आखो काय नी आपे? 33 भगवानेन नेवाडला पर गुनु कुण लागाडसे? भगवानुत हीनु काजे नी-गुनाळा ठेहरावसे! 34 पछेन कुण छे जु डंडेन हुकुम आपसे? मसी ईसु छे चु मर गुनु मतलब मरलाम सी जीवतु बी हय गुनु, ने भगवानेन जेवडे आनगे छे, ने हामरे वाटे दुवा बी करे। 35 कुण आपणु काजे मसीन परम सी आनगे करसे? काय दुख, नीते वेला, नीते काडकी, नीते काळ; नीते उघाल्ला नीते आफत, नीते तलवार? 36 जसों खरला सासतुर मां लिखलो छे, “तारे वाटे हामु दाहडीन मुतेन हात मां आपाय जाजे; हामु ते तीनु गाडरान तसा गीणाय

जाजे।” 37 बाकुन ईनुक आखी वात मां हामु भगवानेन साहरे जु आपणे सी परम कर्यु, जीत सी बी अघु छेकीन छे। 38 काहाकी मे छाचलीन जाणी लेदु की नी मुत, नी जीवन, नी सरग वाळा काहवाळ्या, नी हकदार, नी हयन टेम, नी आवणे वाळी टेम, नी ताकत, नी उचाय, 39 नी उंडाय, ने नी कुय अळी कळी आपणु काजे भगवानेन परम सी जे आपणा मालीक ईसु मसी मां छे, आन्गे नी कर सके।

9 मे ईसु मसी मां छाचलीन कहवो, मे झुट नी मेलतु ने मारो मन बी चुखली-आत्मा मां गवा देय 2 की मे बेसकु दुखी छे, ने मारो मन जलम दुखतोत रवे, 3 काहाकी मारी जां लग हर हतली की आपणा भायसे वाटे जे डीलेन अनसारे मारा भाय-बेटा छे, मे खुद मसी सी सराप वाळु हय जातु। 4 चे ईस्रायली छे, ने खुळे लेवायणेन हक ने सेक-सींगार ने वायदु ने कायदु ने बडाय ने आसेन वाट देखणु हींद्रोत छे। 5 डाहा-डाहा बी हींद्रात छे, ने मसी बी डीलेन भावना सी हींद्रेत मां सी पयदा हयु। चु आखान भगवान छे ने जलम बेसकु वारु छे, असोत हवे। (aiōn g165) 6 बाकुन ज नी की भगवानेन बुल टळ गुयो, हेरेसी ईस्रायली अवल्यात छे, चे आखा ईस्रायली नी हय; 7 ने नी अब्राहमेन कुळी मां पयदा हवणेन वजे सी आखा हेरी अवल्यात ठेहरे, बाकुन लिखलो छे “इसाक सीत तारी अवल्यात कहंवायसे।” 8 मतलब डीलेन अवल्यात भगवानेन अवल्यात नी, बाकुन वायदान अवल्यातेन खानदानी गीणाय जाय। 9 काहाकी वायदान बुल जत छे: “मे टाकली टेमेन अनसारे आवीस, ने तीनी टेमे सारान एक पुर्यु हवसे।” 10 ते अतरोत नी, बाकुन जत्यार रीबका एक सी मतलब आपणा बास इसाक सी भारीस हतली, 11 ते हय लग नीते ते पुर्या पयदा हतला, नीते चे काय भलो ने भुंडो कर्या हेरेसी की भगवानेन मरजी जी छे की हेरे नेवाडला अनसारे छे, वारु कामेन वजे सी नी बाकुन बुलावणेन वजे सी, बणी रवे। 12 चु कहयु, “मट्लु पुर्यु नानला पुर्यान चाकरी करसे।” 13 जसों लिखलो छे, “मे याकुप सी परम कर्यु, बाकुन एसाव सी खुसी नी हयु।” 14 हेरेसी हामु काय कहंजे, काय भगवानेन चां भुंडो छे काय? नीयाव नी हवे काय? कदी नी सय मां नीयाव हवे। 15 काहाकी चु मुसा सी कहें, “मे तीना काहना पर बी दया करने लागो ती तेरे पर दया करीस, ने तीना काहना उपर वारु दया करने लागे ती तीना पर वारु दया करीस।” 16 अळतेन जी वात नी हर करने वाळान, नी दवडने वाळान बाकुन दया करने वाळा भगवानेन वात छे। 17 काहाकी चुखला सासतुर मां लिखलो छे फीरोन सी कहंलो हतलो, “मे तुसे हेरे वाटे उबु करलु छे की तुसे मे मारी ताकत देखाडो, ने मारे नाव सी परचार आखी कळी पर हवे।” 18 हेरेसी भगवान तीना काजे हर करे हेरेत पर दया करे, ने तीना काजे चाहत करे तीनात काजे कयडावाळु कर देय। 19 तुहुं मारे सी कहंवसु, ती भगवान माणसे पर काहा गुनु लागाडे? भगवान मरजीन वीरुद कुण कर सके? 20 ए माणुस,

तु कुण छे जे भगवान काजे उलटु फीरीन जपाप देय? घडायली चीज घडन्या काजे ज कय सके काय, “तु मेसे काजे असु काहा घड्यु?” 21 काय कुमाहरटा काजे थुळा पर हक नी हय एक थुळान गुळा मां सी एक ठाहरु ईजजत करे असु बणावे, ने दीसरा थुळान गुळा सी ईजजत नी करे असु बणावे? 22 की भगवान आपसुत रीस देखाडे ने आपणी ताकत आवणेन मरजी सी रीसेन ठाहरा, ज खत्तम करने वाटे तीयार करलो हतलो, बेसकु दम धरीन सेण कर्यु; 23 ने दयान ठाहरा पर तीनु काजे भगवान सेक-सींगार वाटे भगवान पेहलुत सी तीयार कर्यु आपसान सेक-सींगारेन धन देखाडनेन मरजी पुरी कर्यु? 24 मतलब हामु जीनुक भगवान नी सीरप यहूदी माणसे मां सी नी, बाकुन नी-यहुदी मां सी बी बुलायु। 25 जसों भगवान होसेन किताप मां सी कहें, “जे मारा माणसे नी हतला तीनु काजे, मे मारा माणसे कहीन ने जे लाटेकला। नी हतला तीनु काजे लाटेकला मां छे कहीन। 26 ने असो हवसे की तीना जागा मां तीनु काजे कहंलो हतलो की तुहुं मारा माणसे नी हय, तीनीत जागा पर चे जीवता भगवानेन अवल्यात कहंवायसे।” 27 यसायु ईस्रायली माणसेन बारामां आयडीन कहें, “चाहजे ईस्रायलेन अवल्यातेन गिन्ती समुदरेन रेतळा बराबर हवणु चाहजे, तेबी हींद्रे मां सी थुडाक बची जासे।” 28 काहाकी मालीक हेरो बुल कळी पर पुरो करसे धरमी सी छाटात चुखु करसे। 29 जसों यसायु पेहलुत सी कहंलु हतलु, “कदी टुळान मालीक आपणे वाटे काय खानदानी नी छुडतु, ती आपणु सदोमेन तसा हय जाता, ने अमोरान सहलाणी रवता।” 30 ती आपणु काय कहंजे, ज की नी-यहुदी धरमेन हेर नी करतेला, तीना काजे धरम जड़ी गुयलो मतलब ईनी धरम काजे ज भुरसा सी छे; 31 बाकुन ईस्रायली, जय धरमेन मुसान साहरे लिखला कायदा काजे हेर तेला तीना कायदा लग नी पुग्या। 32 काय वाटे? हेरेसी चे भुरसा सी नी, बाकुन वारलु काम करने सी हेरी हेर करतेला। चे तीनाक ठुकरायला दगडा पर ठुकर खादा, 33 जसों लिखलो छे: “देखु, मे सीयोन मां एक दगडु, मेक र्यु ने जु ठुकर देवाडे ने एक चापर्यु जु गुनु कराडे, बाकुन चु जु हीना मां भुरसु करे। तीनाक कदी बी लाजवायणु नी पडे।”

10 ए भायसे, मारा मनेन मरजी ने मे भगवान सी हींद्रे आखा वाटे दुवा करो की हीनुक छुटकारु जडे। 2 काहाकी मे हींद्री गवाय दम की तीनु काजे भगवानेन धुन मां रवे, बाकुन अकलेन साते नी। 3 काहाकी चे भगवानेन धरमेन काम सी अणजाणया हयन, ने आपणो वारलु बणावणे करीन छाटात, भगवानेन वारलु हक मां नी हया। 4 मसी कायदा काजे सार देदु काहाकी जु कुय भुरसु करे भगवान वाटे धरम वाळु हवे। 5 काहाकी मुसु ज लिखलु छे की जु माणुस ईना धरम पर ज कायदा सी छे, चाले, चु हेरे वजे सी जीवतु रवसे। 6 बाकुन ज वारलु भुरसा सी छे, च असु कहें, “तु आपणा मन मां ज घुण कहें की सरग पर कुण चडसे?” मतलब मसी काजे उतारीन

अक्कल वाळा समजी लेवु; हेरेसी मे नी चाहतु की तुहुं ईनी वात सी अणजाणया रवु की जतयार लग नी-यहुदी माणसे पुरा नी भराये, ततयार लग ईसरायली माणसेन एक हीससु काठु रवसे। 26 ने ईनी रीत सी आखा ईसरायल काजे छुटकारु जडसे। ने असो लिखलो छे, “छुड़ावने वाळु सीयोन सी आवसे, ने नी भक्ती करन्या काजे याकुप सी छेटा करसे; 27 ने तींदरे साते जु मारु वायदु रवसे, जतयार की मे तींदरा पाप काजे छेदु कर दीस।” 28 खुस-खबरेन भाव सी ती तुंदरे वाटे चे भगवानेन वेरी छे, बाकुन नेवाइला भाव सी चे बास डुकरान वजे सी लाटेक्ला छे। 29 काहाकी भगवानेन वाटु ने बुलावणु जलम एक तसो छे। 30 काहाकी जसा तुहुं पेहेल भगवानेन हुकुम नी मान्या, बाकुन हय तेरी हुकुम नी मान्ने सी तुंदरे पर दया हवे हेरेसी हींदरे पर बी दया हवे; 31 असात चे बी हय हुकुम नी मान्या, की तुंदरे पर दया हवे हेरेसी हींदरे पर बी दया हवे। 32 काहाकी भगवान आखा काजे हुकुम नी माननेन मन बणाय देदु, की चु तींदरे पर बी दया कर सके। (eleese g1653) 33 भगवानेन दया, डीमाक ने अक्कल कतरा उंडो छे हेरो नीयावेन कतरी पुहुच छे हेरी वाट कतरी सातायली छे। 34 मालीकेन अक्कल काजे, कुण जाण्यो? नीते हेरु मंत्री कुण हयु? 35 नीते कुण भगवान काजे काय आपलु छे तेरु बदलु तीना काजे आप देय? 36 काहाकी हेरेत भीणी सी, ने हेरेत साहरे, ने हेरेत वाटे आखो काय छे। हेरो सेक-सींगार जलम-जलम हवतो रवे। असोत हवे। (aiōn g165)

12 तेरेमां ए भायस्यो ने बहणीस्या, भगवानेन दया हेर कराडीन लीलघाय करे की तुहुं तुंदरा डील काजे जीवता जीव भेळे, ने चुखलो, ने भगवान काजे गमे असो बादान सारकु भेट चड़ावु। जीत तुंदरी जीव-आत्मा मां भगवानेन सेवा-भक्ती छे। 2 तुहुं ईनी कळीन माणसेन तसा मां बणु; बाकुन तुहुंक नवली अक्कल जड गुय करीन आपसो वीच्यार ने वेहवार बदली लेवु, असो करसु ती तुहुं भगवानेन वारु, ने गमे तसी, ने पाक्की मरजी सय रीते पारखीन जाण जासु। (aiōn g165) 3 काहाकी मेसेक जडली गीण-दया ज तुंदरे मांयन आखा काजे कहं की जसो आपसा काजे समजणु चाहजे तसात आपसा काजे समजु हेरे सी जादा मां समजु बाकुन हेरे वजे सी आपणी वीच्यार मां वारु जसु भगवान आखा काजे वाटु आप देदलु छे तेरेत अनसारे वारलु अकलेन अनुसार आपसा काजे समजु। 4 काहाकी जसो आपणा डील मां बेसका डील छे, ने आखा डीलेन एक तसो काम नी हय, 5 तसात आपणु बी बेसका हयन बी ईसु मसी मां एकुत डील मां भेसकायन एक दीसरु डील छे। 6 ने आपणु काजे भगवानेन अगे सी जडली गीण-दया अनसारे आंग्ये-आंग्ये वाटु जडलु छे अतरे तीना काजे आवणे वाळी वात कहंणेन वाटु जडलु छे जु भुरसान मापे आवणे वाळी वात कहंणु चाहजे; 7 कदी सेवा चाकरी करनेन वाटु जडलु हय ती तीनाक सेवा चाकरी करतु रहणु चाहजे, ने कदी काहनाक सीकाइनेन वाटु जडलु हय ती तीनाक सीकाइतु रहणु चाहजे।

8 कदी काहाना काजे सीकाइनेन वाटु जडलु हय चु सीकाइतु रहणु चाहजे; ने तीनाक भेट आपणेन वाटु जडलु हय, चु भेट आपणो चाहजे ने तीनाक अगवाय करनेन वाटु जडलु हय चु खुस हयन अगवाय करतु रहणु चाहजे तीनाक दया करनेन वाटु जडलु हय चु खुसी सी दया करतु रहणु चाहजे। 9 तुंदरु परम खरलु हवणु चाहजे कुहराय सी छीट राखु; ने भलाय मां लागी रवु। 10 भाय-भलाय परम सी एक दीसरा पर परम करु; एक दीसरान ईज्जत सी आव-भाव करने करीन आंबा-सांबा जावु। 11 काठली मेहनत करु आळसी मां बणु; जतयार बी मालीक ईसुन सेवा करु ततयार जीव-आत्मा मां खुसी सी सेवा करु। 12 आस मां खुस रवु; दुख मां काठु रवु; ने एक रंग्या दुवा करता रवु। 13 चुखला माणसे काजे ज काय चाहजे तीनु काजे च आपीन तींदरी मदत करु; तींदरी मेजवानी करता रवु। 14 जे तुहुं काजे वेला पाइने वाळा; तीनु काजे तुहुं संयबरकत आपु। 15 खुस हवण्या साते खुस हयु; ने रडने वाळा साते रडु। 16 तुहुं एक वीच्यार मां हयन मेळीन रवु; मटाय मां करु बाकुन नीचळा माणसे सात संगात करु; आपणा नींगा मां अक्कल वाळा मां बणु। 17 कुहरायन बदला मां कुहराय मां करु। आखान नींगा मां ज वारु छे चत करनेन वीच्यार करु। 18 तत्रो बणे तत्रा आखा माणसे साते सांती मां रवु। 19 ए लाटेक्ला, तुहुं बदलु घुण लेता बाकुन भगवानेन रीस काजे मुखु आपजु; काहाकी खरली सासतुर मां लिखलो छे, बदलु लेणु मारो काम छे, मालीक कहं मेत बदलु लीस। 20 बाकुन कदी तारु वेरी भुकलु हय ती तीनाक खावाड ने कदी पीसलु हय ती तीनाक पाणी पीयाड; काहाकी असु करसी ती तु तेरा मुणका पर आकठान ईगाळान ढीक लागुडीस। 21 कुहराय देखीन हिममत मां हारु बाकुन वारलु काम वाटे कुहराय जीत लेवु।

13 आखा माणसे काजे सरकारी आफसरयान हक मां रहणु चाहजे, काहाकी सरकारेन हक भगवान भीणी सी छे; ने जे हक हय छे हीनुक भगवान नेवाइलु छे। 2 हेरेसी जु कुय सरकारी हकेन वीरुद करे, जु भगवानेन कायदान वीरुद करे, ने जे भगवानेन हुकुमेन वीरुद करे, तीनु काजे डंड जडसे। 3 काहाकी हक करन्या वारलु कामे सी नी, बाकुन भुंडला कामे सी बीहणे वजे छे; हेरेसी कदी तुसे काजे हक करन्या नेता सी बीहे पाखुर रहणु हय, ती वारलु काम कर, ती हक करन्यु नेतु तुसे काजे बेसकु वारु करयु करीन कहंसे; 4 काहाकी राज करन्यु नेतु तारी भलाय वाटे भगवानेन चाकर्यु छे। बाकुन कदी तु कुहराय करे, ती बीहीन रवजी, काहाकी चु फालतु तलवार लीन उबु नी रवे; बाकुन चु भगवानेन चाकरी करन्यु छे काहाकी चु भगवानेन रीसेन अनसारे कुहरया काजे डंड आपे। 5 हेरेसी हक मां रहणु भगवानेन रीसेन मार्यु अतरुत नी, बाकुन बीहीन बी हक मां रहणु चाहजे बाकुन आपणो मन बी हक मां रहणु चाहजे। 6 हेरसी फाळु बी आपु काहाकी भगवानेन चाकर्या छे ने चे जलम ईनात काम मां लागला रवे। 7 हेरेसी आखान हक

काजे पुरो करे; तीना काजे फाळु आपणु चाहजे, तीना काजे फाळु आपु; तीना काजे वसोली चाहजे, तीना काजे वसोली आपु; तीना सी बीहणु चाहजे तेरे सी बीहु, तेरी ईज्जत करनु चाहजे, तेरी ईज्जत कर। 8 आंबा-सांबा परम करनु छुडीन दीसरी काहली बी वातेन करजा वाळा नी हवणु चाहजे; काहाकी जु दीसरा काजे परम करे, चु मुसान कायदा काजे पाळी लेदलु छे। 9 काहाकी ज्य की “छीनाळो घुण करे, खुन घुण करे, चुरी घुण करे, लालुच घुण करे।” ने काहनु बी हुकुम हय तीना हुकुमेन जु जीत साहरु छे, “आपणे साते वाळा काजे आपणेन तसा परम कर।” 10 परम धडे वाळान काय बी कुहराय नी करे, हेरे सी परम करनु मुसान कायदा काजे पुरो करनु छे। 11 ने तुहुं टेम काजे उळखीन असात कर, तुहुं जाणु की नीद मां सी जागणेन टेम आय गुयली छे; काहाकी जीनी टेमे आपणु ईसु पर भुरसु करला, तीने टेमेन वीच्यार सी हय आपणु छुटकारु धडेत आय गुयलु छे। 12 रात बेसकी हय गुयली छे, दाहडु उंगणेत वाळु छे; हेरेसी आपणु आंदारलान काम छुडीन आपणु वीजाळान हत्यार धर लेता। 13 हेरेसी हामु असात वारु रीती सी रहणु चाहजे जसा दीसुन टेमे रवजे, बेसका जादा पाल्टी मां जायन पी खायन छाकी घुण जावु। लुचचाय गुना छीनाळा मां घुण पडु। 14 बाकुन मालीक ईसु मसी काजे पुथल्यान तसु पेहरी लेजु ने डीलेन पाप पुरो करनेन वीच्यार नी करनु चाहजे।

14 जु भुरसा मां लुलु छे, तीना काजे सात संगता मां ली लेवु, बाकुन संक्यान वात पर कीच-कीच घुण करु। 2 काहाकी एक भुरसु करे, की आखो काय खाणु चाहजे बाकुन जु भुरसा मां लुलु छे चु सब्जी-भाजी अतरुत खाय। 3 खाणे वाळु नी खाणे वाळा काजे भुंडुत नी समजणु चाहजे, ने नी खाणे वाळु खाणे वाळा पर गुनु नी लागाडुन चाहजे; काहाकी भगवान तीना काजे आवरी लेदलु छे। 4 तु कुण छे दीसरा पावर्या पर गुनु लागाडे? तेरा भुरसा मां टेकलु रहणु टेकलु नी रहणु तेरो मालीक साते काम छे; ने मालीक तीना काजे भुरसा मां पाक्कु कर देसे, काहाकी मालीक तीना काजे भुरसा मां टेकलु राख्से। 5 काहनुक ते एक दाहडा काजे दीसरा दाहडा सी जादा वारु समजे, ने काहनुक ते आखा दाहडा काजे एक सारकु समजे। आखा आपसान मन मां ठान लेवु की काहनी वात ताले छे। 6 चु काहना दाहडा काजे वारु माने, चु मालीक वाटे माने। जु खाय, चु बी मालीक वाटे खाय, काहाकी चु भगवान काजे तु बेसकु वारु छे करीन कहें, जु नी खाय, चु मालीक वाटे नी खाय, ने भगवान काजे तु बेसकु वारु छे कहें। 7 काहाकी आपणे मां सी नीते कुय आपसान वाटे जीवे ने नी कुय आपसान वाटे मरे। 8 कदी आपणु जीवतेला रवजे, ती मालीकेन वाटे जीवता रवजे; ने कदी आपणु मर जाजे, ती मालीकेन वाटे मर जाजे; हेरेसी भले आपणु जीवता रवजे नीते मर जाजे, आपणु मालीकेन वाटे छे। 9 काहाकी मसी हेरेसी मर्यु ने मरला मां सी जीवतु हयन बठु हय गुयु की चु मरला ने जीवतेला दुय जणान

मालीक छे। 10 तु आपणा भायस पर गुनु काहा लागाडे? नीते तु आपणा भायस काजे छीट काहा राखे? आपणु आखा ने आखा काजे भगवानेन नीयावेन अगळ उबा रवणु पडसे। 11 काहाकी लिखलो छे, “मालीक कहें, मारी जीवणेन आण आखा, माणसे मारे अगळ मांडा टेकसे, ने आखा माणसे भगवान काजे हुकार लेसे।” 12 हेरेसी आपणु आपणे मां सी आखा ने आखा भगवान काजे आपणु लेखु देणु पडसे। 13 हेरेसी हय सी हेरे पर गुनु मां लागाडु, बाकुन तुहुं ज ठाणी लेवु की कुय आपणा भायस अगळ अडचन पयदा करीन ठुकर खाणेन वजे घुण बणु। 14 मे जाणो की मालीक ईसु मसीन साहरे पाक्की वात मालम हय गुयली छे की काहानी बी चीज वीटळ्ली नी हय, बाकुन जे कुय तीनी चीज काजे वीटळ्ली समजे तेरे वाटे ची चीज वीटळ्ली छे। 15 कदी तारु भायस खाणान वजे सी नीरास हवे, ती तु परम सी नी चाल र्यु; तेरे वाटे ईसु मसी मर गुयलु छे, तीना काजे तु खाणान वजे सी सारे मां। 16 हेरेसी तारी भलाय वाटे कुय बी तारु वाक नी नीकाळनु चाहजे। 17 काहाकी भगवानेन राज खाणे पीणेन नी हय, बाकुन धरमेन साहरे ने सांती ने ची खुसी छे ज्य चुखली-आत्मा सी हवे। 18 ने जु कुय ईनी रीत सी जीवे चु ईसु मसीन चाकरी करे ने असु करे, ती भगवान काजे गमे ने माणसे मां बी तेरु अबरु रय जाय। 19 हेरेसी आपणु हीनी वातेन हेर करनु चाहजे तेरसी सांती मां रवजे ने एक दीसरा काजे सुदार हवणु चाहजे। 20 खाणा सी भगवानेन काम मां बीगाडे। आखो काय चुखो ते छे, बाकुन ज तीना माणसे वाटे भुंडो छे। ज खाणो दीसरा भायस काजे ठुकर खावाडे। 21 भलो ते ईनी वात मां छे की सीकार घुण खाय ने अंगुरेन रस बी घुण पीये, ने काहानो बी असो काम घुण करे तीनी वात सी तारु भायस ठुकर खाय। 22 ईनी चीजेन बारामां जु बी तारु भुरसु छे, तीना भुरसा काजे भगवानेन ने तारे ईचमां रवणी दे। बेसकु वारु छे चु जु ईनी वात मां, आपसा काजे तालेत समजे, ने आपसा काजे गुनाळु नी ठेहरावे। 23 बाकुन जु कुय संका करीन खाय चु आपसात पर डंड लावे, काहाकी चु पाक्का भुरसा भेळु नी खाय; ने जु कुय पाक्का भुरसा भेळु नी खाय, चु पाप करे।

15 हेरेसी आपणु ताकतवाळा छे करीन तेरेसी आपणु काजे जे लुला माणसेन लुलाय मां मदत करनु चाहजे, ने आपसात काजे खुस नी करनु चाहजे। 2 आपणे मां सी जतरा बी जणा छे आपणे धडे वाळा काजे हेरी भलाय वाटे खुसी करे की चु अगु बडे। 3 काहाकी मसी बी आपसा काजे खुस नी कर्यु, बाकुन जसों लिखलो छे, “चे जसात तारी वाक नीकाळे तसात मारी वाक बी नीकाळी र्या।” 4 जतरी वाते पेहेलुत सी खरला सासतुर मां लिखलो हतलो, च आपणु काजे सीकाडने वाटे लिखली हतली की आपणु दम धरीन ने चुखला सासतुरेन सांतीन साहरे आस राखजे। 5 दम धरीन ने सांती आपण्यु भगवान तुहुं काजे जु वाटु आपे की मसी ईसुन अनसारे आपसा-आपसा मां एक वीच्यार मां हयन रवु। 6 काहाकी तुहुं एक मन

ने एक रंग मां आपणा मालीक ईसु मसीन बास भगवानेन बड़ाय करु। 7 हेरेसी, जसु मसी भगवानेन सेक-सींगार वाटे तुहुं काजे हुकारलु छे, असात तुहुं बी एक दीसरा काजे हुकारी लेवु। 8 हेरेसी मे कहं की जु वायदु डाहा बुड़ा काजे आपलु हतलु तीनु काजे काठा करने वाटे मसी, भगवानेन छाचाय देखाइने वाटे, फतरी काटाण्या यहूदी माणसेन चाकरी करन्यु बण्यु, 9 ने नी-यहूदी बी दयान वजे सी भगवानेन बड़ाय करे; जसों लिखलो छे, “हेरेसी मे जाती-जाती मां तु बेसकु वारु छे करीन कहंवीस, ने तारे नावेन गीत गावीस।” 10 अळतेन कहलो छे, “ए जाती नी-यहूदी आखा माणसे, भगवानेन भेळा खुस रवु।” 11 ने पछेन, “ए जाती नी-यहूदी आखा माणसे, मालीकेन बड़ाय करु; ने राज राजेन आखा माणसे तीना काजे तु बेसकु वारु छे करीन कहं।” 12 ने पछेन यसायु कहें, “यीसेन एक मुळ उजेंतु हवसे, ने नी-यहूदी जातीन माणसे मां राज करने वाटे उजेंतु हवसे, हेरे पर नी-यहूदी आस राखसे।” 13 भगवान जु आस काजे आपण्यु छे तुहुं काजे भुरसु करने मां आखी खुसी ने सांती मां भर देय की चुखली-आत्मान ताकत सी तुंद्री आस मटी हवती जाय। 14 ए मारा भायसे, मे खुद तुंद्रे बारामां जाणो की तुहुं बी आपसा भगवानेन भलाय ने भगवानेन अक्कल सी पुरा ने पुरा भरायला छे, ने एक दीसरा काजे सीकाइ सकु। 15 तेबी मे कांखुर-कांखुर हेर कराइने वाटे तुहुं ज बेसका हिममत करीन लिखया। ज ईनी गीण-दयान वजे सी हयो ज भगवान मेसे काजे आप्यु। 16 की नी-यहूदी वाटे मसी ईसुन चाकरी करन्यु हयन भगवानेन खुस-खबरेन चाकरी पुजारान तसु करो, तेरसी नी-यहूदी भगवान अगळ गमे असी भेट बण जाय, ने चुखली-आत्मान सी भगवान वाटे पुरा ने पुरा चुखला बण जाय। 17 हेरेसी हीनी वातेन बारामां ज भगवान सी नातो राखसे, ने ईसु मसी मां बड़ाय कर सको। 18 काहाकी हीनी वात काजे छुडीन मेसेक अळी काहनीक वात कहंणेन बारामां हिममत नी हय, जु मसी नी-यहूदीन हकेन वाटे बुल, ने काम, 19 ने सहलाणी, ने छेल-भात्या कामेन ताकत, सी ने चुखली-आत्मान ताकत सी मारे साहरे कर्यु; जां लग की मे यरुसलेम सी लीन चारे मेर इल्लुरकुम लग मसीन खुस-खबर पुरो-पुरो परचार कर्यु। 20 बाकुन मारी हर जी छे की जां-जां मसीन नाव नी लेदा, चां-चां खुस-खबर सामळावो असो नी हवे की दीसरान नेहा पर घर बणावो। 21 बाकुन जसों लिखलो छे तसोत हवे, “जीनु काजे तेरो खुस-खबर नी पुग्यो, चेत देखसे ने जे नी सामळ्या चेत सामळसे।” 22 हेरेसी मे तुंद्रेनचां अळी-अळीन आवणे नी हींड रवलु। 23 बाकुन हय ईनु देस मां मारे काम वाटे कुय जागा नी रवी, ने बेसका साल मां तुंद्रे धड़े आवणेन हर कर र्यु। 24 हेरेसी जत्यार ईस्पेन जायस ती तुंद्रेनचां मांयन जायस, काहाकी मे जी आस कर र्यु की तीने टेमे मे तुहुं काजे मेळीस, ने मे तुहुं काजे मेळीन खुस हय जायस ने अळतेन तुहुं ईतराक अगास मेसे मेली आवजु। 25 बाकुन मे हय ते चुखला माणसेन चाकरी करने करीन यरुसलेम सहर मां

जाणे बाजी र्यु। 26 काहाकी मकीदुनीया ने अखायान माणसे काजे ज वारु लाग्यो की यरुसलेम चुखला माणसे मां गरीब वाटे चंदु भेळु करीन आपे। 27 वारु ते लाग्यो बाकुन चे हींदरा करजा वाळा बी छे, काहाकी नी-यहूदी ईसुन माणसे आत्मान काम मां यहूदी माणसे साते साजलया बणी गुयलु छे, हेरेसी नी-यहूदी काजे बी यहूदी माणसे वाटे डीलेंन वात मां हींद्री सेवा करनु चाहजे। 28 हेरेसी ज काम खततम करीन ने तीनु काजे भेळु करलु चंदु आपीन तुंद्रेनचां मांयन ईस्पेन जायस। 29 ने मेसे काजे मालम छे जत्यार मे तुंद्रे भीणी आवीस, ती मसीन पुरी संयबरकत लीन आवीस। 30 ए भायसे, आपणा मालीक ईसु मसी काजे ने चुखला आत्मान परम काजे अटकळ कराडीन लीलघायो, की मारे वाटे भगवान धड़े दुवा करने मां मारे साते भेसकायन डींग पडीन दुवा करता रवु। 31 की मे यहूदी माणसे जे भुरसु नी करे तींद्रे सी बचीन रव, ने मारी चाकरी जी यरुसलेम वाळा माणसे वाटे छे, ची चुखला माणसे काजे गमणु चाहजे; 32 ने मे भगवानेन मरजी सी तुंद्रे ईचमां खुस हय आवीन तुंद्रे साते ईतरीक वार आराम करीस। 33 सांती आपण्यु भगवान तुंद्रे आखा साते रवे, असोत हवे।

16 मे तुंद्रे सी फीबे वाटे जी आपणी बहणीस ने कींखरायान मंडळीन चाकरी करने वाळी छे, लीलघायो। 2 की तुहुं, जे चुखला माणसे छे, ने जसों तुहुं करनु चाहजे तसात तुहुं मालीक ईसु मां हयन तीनीन आव-भाव करु; ने जी वाते मां तीनी काजे तुंद्रे साहरे मदत चाहजे, तीनी वात मां तुहुं तेरी मदत करो, काहाकी की हीयी बी बेसका माणसेन भलाय करने वाळी छे। मारी बी करने वाळी छे। 3 परीसुका ने अक्वीला काजे ईसु मसी मां आवजी करीन कय र्यु, जे मारे साते खुस-खबरेन काम करन्या साजलया छे। 4 हीये दुय माणसे मारु जीव बचाइने वाटे आपसान जीव बी खुवणे तीयार हय गुयला; हेरेसी मे हीनु काजे बेसका वारु छे कहं, ने नी-यहूदी ईसुन मंडळी मां वाळा बी हीनु काजे बेसका वारु छे करीन कहें। 5 हीनु मंडळीन माणसे काजे बी ने आवीस ने आवजी कहं जे हींद्रे घर मां छे। ने मारु बेसकु वारु लाटेक्ला इपेनीतुस काजे जु मसी मां आवीस ने आवजी कहं जु आसीया पेहेल भुरसु करलु छे। 6 मरीयम बी तुंद्रे वाटे, जी काठो काम करली छे, आवीस ने आवजी कहं। 7 अनदुरनीकुस ने युनीयास काजे बी आवीस ने आवजी कहं जे मारा भाय-बेटा छे, ने जे मारे साते जेल मां हतला ने नेवताळा मां नाव-सादीन छे, जे मार सी पेहेल ईसु मसी पर भुरसु करला छे, आवीस ने आवजी कहवो। 8 अम्पलीयातुस काजे, जु मालीक मां मारु लाटेक्लु छे, आवीस ने आवजी कहं, 9 उरबानुस काजे, बी मे आवीस ने आवजी कहं, जु ईसु मसी मां हामरे साते काम करन्यु साजल्यु छे, ने मारा लाटेक्ला ईस्तुखुस काजे बी आवीस ने आवजी कहं। 10 अपील्लेस काजे आवीस ने आवजी। कहं जु ईसु मसी मां खरलु छे, ने मे अरीसतुसन घराणा काजे बी आवीस ने आवजी कहं। 11 मारा भाय-बेटा हेरोदीयो

काजे बी आवीस ने आवजी कहं। नरकीखुसेन घराणा काजे बी आवीस ने आवजी कहं, जे मालीक ईसु पर भुरसु करे। 12 तीरुफेना ने तीरुफेसा काजे बी आवीस ने आवजी कहं। जे मालीक ईसु मां काठो काम करे, ने लाटेकला पीरसीस काजे, बी आवीस ने आवजी कहं। जु मालीक ईसु मां बेसको काठो काम करे। 13 मालीक ईसु मां नेवाड़ला रुफुस काजे ने तेरी आयस काजे, मे आवीस ने आवजी कहं। 14 असुनक्रीतुस काजे मे फीलगेन काजे ने हीरमेस काजे मे पुतुरुबास काजे ने हर्मास काजे मे तींदरे साते रवण्या भायस काजे आवीस ने आवजी कहं। 15 फिलोलुगुस काजे मे युलीया काजे मे नेरयुस काजे मे तेरी बहणीस काजे, मे उलीम्पास काजे मे तेरी साते रवण्या आखा चुखला माणसे काजे आवीस ने आवजी कहं। 16 तुहुं सांबा आंबा-चुखला गुळा दीन वारलु छे करीन पुछु। ने आवीस ने आवजी करीन कहुं तुहुं आखा काजे ईसु मसी मां मंडळी माणसे भीणी सी आवीस ने आवजी कहं। 17 हय ए भायस्यो, मे तुंदरे सी लीलघायो करो, की जे माणसे हीनी सीकाइनेन वात सी आन्गे, जड़ली छे, बेरजु पाइने ने ठुकर खावइनेन वजे बणे, हींदरे सी नातो तुड़ लेवु ने हींदरे सी छेटा रवु। 18 काहाकी असला माणसे आपणा मालीक ईसु मसीन सेवा भक्ती नी करे, बाकुन आपसान पेट वाटे सेवा भक्ती करे; ने सुवाळी-सुवाळी वात कहंवीन सुदला मन वाळा ने भुळा माणसे काजे ठगी लेय। 19 तुंदरी हुकुम माननेन वात आखे दुर पुग गुयली छे, हेरेसी मे तुंदरे बारामां खुस छे, बाकुन मारी जी मरजी छे की तु भलाय करने करीन अक्कल वाळा बणी जावु ने कुहराय वाटे डेड़-अकल्या मां बणु। 20 सांती आपण्यु भगवान भुतड़ा काजे तुंदरे पाय तळे छाटुस कुचरी देसे। आपणा मालीक ईसुन गीण-दया तुहुं काजे जड़ती रवणु चाहजे। 21 मारे साते काम करन्यु साजलयु तीमुथीयुस, ने लुकीयुस जु मारु भाय-बेटु छे ने यासोन ने सोसीपतरस तुहुं काजे आवीस ने आवजी कहं। 22 मारी चिट्ठी काजे लिखण्यु तीरतीयुस, मालीक ईसु मां तुहुं काजे आवीस ने आवजी कहं। 23 गयुस बी तुहुं काजे आवीस ने आवजी कहं जु मारी ने ईसुन माणसेन जे मंडळी मां बठण्यान मेजवानी करन्यु, छे ईरास्तुस तुहुं काजे आवीस ने आवजी कहं जु सहरेन देख-भाळ करन्यु, पयस्या टकान देख-भाळ राखण्यु पावर्यु छे ने भायस क्वारतुस बी तुहुं काजे आवीस ने आवजी कहं। 24 हामरा ईसु मसीन दया तुहुं आखा पर रवे। आमीन। 25 हय जु तुहुं काजे मारी खुस-खबरेन मतलब ईसु मसीन खुस-खबरेन परचारेन साहरे तुहुं काजे टणका कर सके, भगवानेन सातयलो वीजाळो जलम सातयली हतली, (aiōnios g166) 26 बाकुन हय ज जलमेन भगवानेन हुकुम सी भगवानेन अधी सी आवणे वाळी वात देखान्यान साहरे लिखली चुखली सास्तुरेन साहरे आखा माणसे पर उजेंतु हय गुयलो छे ने असात करीन चे ईसु पर भुरसु करीन भगवानेन हुकुम मान्या बण गुया, (aiōnios g166) 27 एकुत अक्कल वाळा भगवानेन

1 कुरींथी

1 पोलुस भीणी सी जु भगवानेन मरजी सी ईसु मसीन नेवताळु हवणे वाटे बुलाय गुयलु छे, ने भायस सोस्थीनेस भीणी सी बुलाय गुयलु छे, 2 भगवानेन ईनी मंडळीन नाव जे कुरींथीस मां छे, मतलब हींदरो नाव जे ईसु मसी मां चुखला करला, ने चुखला हवणे वाटे बुलाय गुयला छे; ने हीनु आखान बी जे आखी जागा हामरे ने आपणा मालीक ईसु मसीन नाव सी दुवा करजे। 3 आपणा भगवान बास ने मालीक ईसु मसीन गीण-दया ने सुक-सांती तुहुं आखा काजे जडती रहणु चाहजे। 4 भगवानेन गीण-दया तुहुं काजे ईसु मसीन साहरे जडली छे, हेरेसी मे तुंदरे वाटे आपणा भगवान काजे जलम बेसकु वारु कह्या करो। 5 की हेरे मां हयन तुहुं आखी वात मां, मतलब आखा ने आखी अक्कल मां मालदार बणावलु छे 6 की मसीन गवाय तुंदरे मां पाक्की नीकळी 7 जां लंग की काहाला बी भगवानेन वाटा मां कमी नी हय, ने तुहुं हामरा मालीक ईसु मसीन देखायणेन वाट देखता रवु। 8 चु तुहुं काजे आकरी लग काठा बी करसे की तुहुं हामरा मालीक ईसु मसीन दाहड़ा मां नी-गुनाळा रवु 9 भगवान भुरसा वाळु छे, चु तुहुं काजे आपणा पुर्या ने हामरा मालीक ईसु मसीन साजेदारी मां बुलावलु छे। 10 ए मारा भाय, बहणस्या मे तुंदरे सी हामरा मालीक ईसु मसीन नाव सी लीलघाये की तुहुं आखा एकुत वात कहजु, ने तुंदरे मां झगड़ा नी हवणु चाहजे, बाकुन एकुत मन ने एकुत हीया मां हयन मेळीन रवु। 11 काहाकी ए मारा भाय-बहणस्या, खलोयेन घरेन माणसे मेसे तुंदरे बारामां बताइला छे की तुंदरे मां झगड़ा हय रया। 12 मारो कवणेन जय मतलब छे की तुंदरे मां सी कुय ते आपसा काजे “पोलुसेन कहवे” ने कुय अपुल्लोस कहवे, कुय “केफान कहवे” ती कुय-कुय “मसीन” कहवे। 13 काय मसी आटाय गुयु? काय पोलुस तुंदरे वाटे कुरुस पर चड़ायु गुयु काय? नीते तुहुं काजे पोलुसेन नाव सी बपतीसमा जडलो छे काय? 14 मे भगवान काजे तु बेसकु वारु छे करीन कहवो की कीरस्पुस ने गयुस काजे छुडीन मे तुंदरे मां सी काहाला काजे बी बपतीसमा नी आप्यु। 15 नीते असो नी हवे की कुय कहवे की तुहुं काजे माणसे नाव पर बपतीसमा जडलो छे। 16 ने हव, मे स्तीफनासेन घरन्या काजे बी बपतीसमा देदलु छे; ईनु काजे छुडीन मे नी जानतु की मे अळी काहालाक काजे बपतीसमा देदु। 17 काहाकी मसी मेसे बपतीसमा आपणे करीन नी, बाकुन खुस-खबर सामळणे करीन मकेल्लु छे, ने गुयो बी बुलेन अकलेन अनसारे नी, असो नी हवे की मसीन कुरुस फालतु रवे। 18 काहाकी कुरुस सी खत्तम हवणेवाळा वाटे बेकार छे, बाकुन हीयु छुटकारु जडने वाळा वाटे भगवानेन ताकत छे। 19 काहाकी लिखलो छे, “मे अक्कल वाळान अक्कल काजे खत्तम करीस, ने समज वाळान समज काजे बेकार कर दीस।” 20 काहा रया अक्कल वाळा? काहा रया यहूदी धरम सीकाइन्या मास्तर्या?

काहा रया ईनी कळीन माणसे वात मां जखड़ी पन्या? काय भगवान कळीन अक्कल काजे बेकार नी कर्यु? (aiōn g165) 21 काहाकी जत्यार भगवानेन अकलेन अनसारे कळीन अक्कल सी भगवान काजे नी जाण्णया, ती भगवान काजे ज्य वारु लाग्यो की ईनी परचारेन डेड-अकल्लयान साहरे भुरसु करने वाळा काजे छुटकारु देय। 22 यहूदी माणसे ते सहलाणी चाहावे, ने युनानी माणसे अकलेन हेर मां रवे, 23 बाकुन हामु ते हीना कुरुस पर चड़ाय गुयला मसीन परचार करजे, जे यहूदीया वाटे तुक्रेन वजे बणे ने नी-यहूदी वाटे डेड-अकल्लया छे; 24 बाकुन जे बुलाय गुयला छे, काय यहूदी काय नी-यहूदी, हींदरे साते मसी भगवानेन ताकत ने भगवानेन अक्कल छे। 25 काहाकी भगवानेन डेड अक्कल माणसेन अक्कल सी अक्कल वाळा छे, ने भगवान लुल्ला माणसेन जुर सी बेस ताकतवाळु छे। 26 ए भायसे ने भणस्या, आपणे बुलाये जाणेन ते सुचु की नी डीलेन अनसारे बेसका अकलवाळा, ने नी बेसका ताकत, ने नी बेसका नावसादया बुलाय गुया। 27 बाकुन भगवान कळीन डेड-अकल्लया काजे नेवाड लेदु की अकलवाळा काजे सरमाडे, ने भगवान ईनी कळीन ताकतवाळा माणसेक लाजवाडे करीन तीनु माणसेक नेवाड लेदु, तीनु काजे ईनी कळीन माणसे लुल्ला समजे। 28 ने भगवान कळीन लुल्ला माणसे काजे ने बेकार काजे, बाकुन जे छे बी नी हीनु काजे बी नेवाड लेदु की हीनुक जे छे, फालतु बणाय देय। 29 काहाकी कुय जीव भगवान अगळ मटाय नी करनु चाहजे। 30 बाकुन हेरेत भीणी सी तुहुं ईसु मसी मां छे, जे भगवान भीणी सी हामरे वाटे अक्कल ठेहरे, मतलब धरम, ने चुखला, ने छुटकारु; 31 काहाकी जसों लिखलो छे, असोत हवे, “जु मटाय करे चु मालीक मां मटाय करे।”

2 ए भायसे-भणस्या, जत्यार मे भगवानेन सातायली वात सामळीन तुंदरे धडे आयु, ती बुल नीते अकलेन मटली वात साते नी आयु। 2 काहाकी मे जय नक्खी कर लेदलु छे की तुंदरे ईचमां ईसु मसी ने कुरुस पर चड़ाय गुयला मसी काजे छुडीन काहाली बी वात काजे नी जाणो। 3 मे लुलु ने बीही जायन, ने बेसकु कापतु जायन तुंदरे साते रयु; 4 ने मारो बुल ने मारो परचार मे अकलेन पटावणे वाळी वात नी, बाकुन आत्मान ने ताकुतेन सबुत हतलु, 5 हेरेसी की तुंदरु भुरसु माणसेन अक्कल पर नी, बाकुन भगवानेन ताकत पर आसरु रवणु चाहजे। 6 ती बी चुखला पाक्का माणसे मां हामु अकलेन वात सामळावजे, बाकुन हीनी कळीन ने हीनी कळीन खत्तम हवणे वाळा हकदारीन अक्कल काजे नी; (aiōn g165) 7 बाकुन हामु भगवानेन चु सातायलु अकल, काजे जे हाल लग उजेंती नी हवी तीनी अक्कल काजे उजेंती करजे तीनाक भगवान कळी बणावणे सी पेहलुत हामरा सेक-सींगार वाटे ठेरावलु। (aiōn g165) 8 तेरेसी हीनी कळीन हकदार्या मां सी कुय बी नी जाण्यो, काहाकी कदी चे जाणता बी ती बेसकु उजाळा मालीक काजे कुरुस पर नी चड़ावता। (aiōn g165) 9 बाकुन जसों

लिखलो छे, “जी वात डुळा नी देख्या ने कान्टा नी सामळ्या, ने जी वात माणसेन मन मां नी चडी, चीत छे जु भगवान आपणा परम राखणेवाळा वाटे तीयार छे।” 10 बाकुन भगवान हीनुक आपणी आत्मान साहरे हामरे पर उजेंतु कर्यु, काहाकी आत्मा आखी वातो मां, बाकुन भगवानेन सातायली वात बी पारखे। 11 माणसे मां सी कुण काहाली माणसेन वात जाणे, सीरप माणसेन आत्मा जी हींदरे मां छे; असुत भगवानेन वात बी कुय नी जाणे, सीरप भगवानेन आत्मा जाणे। 12 बाकुन हामु कळीन आत्मा नी, बाकुन ची आत्मा जडली छे जी भगवान भीणी सी छे की हामु हीनुत वात काजे जाणजे ज्य भगवान हामु काजे आपलु छे। 13 जीनु काजे हामु माणसेन अकलेन सीकाइली वातो मां नी, बाकुन आत्मान सीकाइली वातो मां, आत्मा मां भरायला वातो सी भेळा करी करीन समजाडे। 14 बाकुन डीलेन माणुस भगवानेन आत्मान वात काजे हुकारु नी भरे काहाकी चे हेरे देखणे मां डेइ-अकल्या वात छे, ने नी चु हीनुक जाण सके काहाकी हींदरी पारख आत्मा मां भरायला रीत सी हवे। 15 आत्मा मां भरायला माणुस आखो काय पारखे, बाकुन आपसा काजे कुय बी नी पारख सके। 16 “काहाकी मालीकेन “मन मां कुण जाण्यो? की हीनाक सीकाडे?” बाकुन हामरे मां मसीन मन छे।

3 ए भायसे ने भणस्या, मे तुंदरे सी हीनी रीत सी वात नी कर सक्यु, जसों आत्मा मां भरायला माणसे सी, बाकुन जसों डीलेन माणसे सी, ने हींदरे सी जे ईसु मसी मां पुर्या छे। 2 मे तुहुंक दुत पीवाड्यु, अन नी खावाड्यु; काहाकी तुहुं हीनाक नी खाय सकतेला; बाकुन हय लग बी नी खाय सकता, 3 काहाकी हय लग डीलेन छे। हेरेसी की जत्यार तुंदरे मां रीस ने झगडा छे, ती काय तुहुं डीलेन नी हय। ने काय माणसेन रीत पर नी चालु? 4 काहाकी जत्यार एक कहवे, “मे पोलुसेन छे,” ने दीसर कहवे, “मे अपुल्लोस छे,” ती काय तुहुं डीलेन माणुस नी हय? 5 अपुल्लोस कुण छे? ने पोलुस कुण छे? सीरप चाकरी करन्यु छे, जेरे साहरे तुहुं भुरसु कर्या, जसा आखा एकेक काजे मालीक आपलु छे। 6 मे लाग्गाड्यु, अपुल्लोस देख-भाळ कर्यु, बाकुन भगवान अदाड्यु। 7 हेरेसी नी ते लाग्गाडने वाळु कायबी नी हय ने नी अदाडने वाळु, बाकुन भगवान आखो काय छे जु अदाडने वाळु छे। 8 लाग्गाडने वाळु ने अदाडने वाळा दुयु एकुत छे; बाकुन आखा एक अदमी आपणात मेहनेतेन अनसारे आपणीत दाहडकी जडली छे। 9 काहाकी हामु भगवानेन साजल्यु छे। तुहुं भगवानेन खेत ने भगवानेन घर रवे। 10 भगवान हीना गीण-दयान अनसारे ज्य मेसे आपलो हतलो, मे अकलवाळु ने मीसूतरीन सारकु खुदीन नेवु नाखलु छे, बाकुन हीना पाया पर भीतडो ते दीसरात बांदे बाकुन आखा एक माणसे हुसीयार रवु की हेरे पर भीतडो कसों बांदणु चाहजे। 11 काहाकी हीना नेहा काजे छुडीन जी पडली छे, ने चु ईसु मसी छे, कुय दीसरु नेवु नी नाख सकतु। 12 कदी कुय हीना नेहा पर

सनो नीते चांदी नीते बेसकु महंगु दगडु नीते लाकडो नीते खड नीते सुकलु चारान भीतडो बांदे, 13 ती आखा एक जणान काम उजेंतो हय जासे; काहाकी चु दाहडु हीनाक बताडसे, हेरेसी की आकठा साते उजेंतु हवणे ने चो आकठो आखा एक-एक जणान काम पारखसे की कसु छे। 14 जेरो काम हेरे पर बणीन रवसे, तीनाक ईनाम जडसे। 15 कदी काहानाक ने काम धपी जासे, ती चु दुख हाकलसे; बाकुन चु आपसुत धपते-धपते बची जासे। 16 काय तुहुं नी जाणता की तुहुं भगवानेन मंदीर छे, ने भगवानेन आत्मा तुंदरे मां वसे? 17 कदी कुय भगवानेन मंदीर काजे खत्तम करसे, ती भगवान बी हीनाक खत्तम कर देसे; काहाकी भगवानेन मंदीर चुखलु छे, ने चे तुहुं छे। 18 कुय आपसात काजे धुकु नी देय। कदी तुंदरे मां सी कुय हीनी कळी मां आपसा काजे अक्कल वाळु समजे, ती डेइ अकलयु बणे की चु भगवान अगळ अकलवाळु बण जाय। (aiōn g165) 19 काहाकी हीनी कळीन अक्कल भगवान धडे डेइ-अकल्या छे, जसों चुखला सासतुर मां लिखलो छे, “चु अकलवाळा काजे हींदरी हुसारी मां फसाइ देय” 20 ने अळी, “मालीक अकलवाळान वीच्यार काजे जाणे की चे फालतु छे।” 21 हेरेसी माणसे पर कुय बी मटाय नी करे, काहाकी आखो काय तुंदरोत छे: 22 काय पोलुस, काय अपुल्लोस, काय केफा, काय कळी, काय जीवन, काय मरनु, काय हयन घडी, काय आवणे वाळी वात, आखो तुंदरोत छे, 23 ने तुहुं मसीन छे, ने मसी भगवानेन छे।

4 माणसे हामुक कम सी कम मसीन पावर्या ने भगवानेन सातायली वातेन हीसाब-किताप करन्यु समजे। 2 पछेन जां हीसाब-किताप करन्या मां ज्य वात देखी जाय की चु भुरसा वाळु हवे। 3 बाकुन मारे देखणे मां जी बेसकी नानली वात छे की तुहुं नीते माणसेन कुय नीयाव करन्यु मेसे पारखे, बाकुन मे खुद आपणे आप काजे नी पारखतु। 4 काहाकी मारो मन मेसे काजे काहाली बी वात मां गुनाळु नी ठेरावे, बाकुन हेरेसी मे नी-गुनाळु नी ठेरावतु, काहाकी मेसे पारखणे वाळु मालीक छे। 5 हेरेसी जत्यार लग मालीक नी आवे, टेम सी पेहल काहाली बी वातेन नीयाव मां करु; हयुत आंदारला मां डुकायली वात उजाळा मां देखाडसे, ने मनेन इरादा काजे उजेंतु करे तत्यार भगवान एक-एक काजे तु बेसकु वारु छे करीन कहवे। 6 ए भायसे, मे हीनु वाते मां तुंदरे वाटे आपणी ने अपुल्लोस खबर दाखलान रीत पर कर्यु, हेरेसी की तुहुं हामरे साहरे गुयो सीकु की लिखला सी अगा घुण हवु, ने एकुन एळु ने दीसरान वीरुद मां खुस घुण हवे। 7 काहाकी तारे मां ने दीसरा मां कुण संका कर सके? ने तारे धडे काय छे जु तुसे दीसरा सी नी जड्यो? ने जत्यार की तुसे दीसरा सी जड्यो, ती असु मटाय काहा करे की मानु की नी जड्यु? 8 तुहुं ते आफरी गुया, तुहुं पयस्या वाळा हय गुया, तुहुं हामरे पाखुर राज कर्या, बाकुन वारु हवतो की तुहुं राज करता की हामु बी तुंदरे साते राज करता। 9 मारी समज

मां भगवान हामु नेवताळा काजे आखान पछे हीनु माणसेन तसा ठेरायु, की तींद्री मरनेन हुकुम हय गुयो; हव काहाकी हामु कळीन ने सरग वाळा काहवाळ्यान ने माणसे वाटे एक तमासु बण गुया। 10 हामु मसी वाटे डेड-अकल्या छे, बाकुन तुहुं ईसु मसी मां अकलवाळा छे; हामु लुल्ला छे, बाकुन तुहुं ताकत वाळा छे। तुहुं काजे माणसे आव-भाव करे, बाकुन हामु काजे कुय नी आव-भाव करे। 11 हामु हीनी टेम लग भुकला पीसला ने नांगरला छे, ने मार खाजे ने मार्या-मार्या फीरजे; 12 ने आपणात हात सी काम करीन मेहनत करजे। माणसे हामु काजे भुंडात कहवे, हामु बरकत आपजे; ने चे एला-पाडे, हामु सेण करजे। 13 चे नाव-बददी करे, हामु लीलघायजे हामु आज लग कळीन कुहडु ने आखी चीजेन खुरचणेन तसा ठेहर्या। 14 मे तुहुं काजे सरमाणने वाटे जी वात नी लिखतु, बाकुन आपणु लाटेकलु पुर्यु जाणीन तुहुंक चेतनी रहु करीन लिख रयु। 15 काहाकी कदी मसी मां तुंद्रा सीकाङने वाळा दस हजार बी हवता, ती बी तुंद्रा बास बेसका नी हय; हेरेसी की ईसु मसी मां खुस-खबरेन साहरे मे तुंदरु बास छे। 16 हेरेसी मे तुंदरे सी लीलघायन कहवो की तुहुं मारेन तसा चाल चालु। 17 हेरेसी मे तीमुथीयुस काजे जु मालीक मां मारु लाटेकलु ने भुरसा मां काठु पुर्यु छे, तुंदरे धडे मकलयु। चु तुहुं काजे ईसु मसी मां मारा वेहवारेन बारामां हेर कराङसे, जसों की मे आखी जागा आखी एक मंडळी मां परचार करो। 18 काहानाक ते असा फुगी गुया, की जाणु की मे तुंदरे धडे आवतु नी। 19 बाकुन मालीक चाह्यु ती मे तुंदरे धडे छाटु आवीस, ने हीनु फुगलान वात काजे नी, बाकुन हींद्री ताकत काजे जाणी लीस। 20 काहाकी भगवानेन राज वात मां नी बाकुन ताकत मां छे। 21 तुहुं काय चाहवु? काय मे लाकडी लीन तुंदरे धडे आवो, नीते परम ने नमरेन आत्मा साते आवो?

5 जां लग सामळने मां आवे की तुंदरे मां छीनाळो हवे, बाकुन असो छीनाळो की ज्य नी-यहुदी मां बी नी हवे की एक माणुस आपणा बासेन बायरी काजे राखे। 2 ने तुहुं दुख ते नी करु, जेरेसी असा काम करने वाळा तुंदरे ईचमां मां सी नीकळी जाय, बाकुन तुहुं मटाय करु। 3 मे ते डीलेन भाव सी छेटु हतलु, बाकुन आत्मान भाव सी तुंदरे साते हयन मानु की जागे हबु हवणेन टेम मां असा काम करने वाळान बारामां ज्य फेसलु आप देदु, 4 की जत्प्यार तुहुं ने मारी आत्मा, हामरा मालीक ईसुन ताकत साते भेळा हवु, ती असा माणसे हामरा मालीक ईसुन नाव सी, 5 डीलेन नासेन वाटे भुतडा काजे आप देय, काहाकी हेरी आत्मा मालीक ईसुन दाहडा मां छुटकारु जडे। 6 तुंदरो मटाय करनु वारु नी हय; काय तुहुं नी जाणु की ईतरोक खाण्यु-सुडु आखा गुंदला पीठा काजे आथुड कर देय। 7 जुनडला आथुड काजे नीकाळीन आपणे खुद काजे खुसा करु की नवल गुंदलु पीठु बणी जावु; काहाकी तुहुं आथुड वाळा नी हय। काहाकी हामरु बी तीहवार, जु मसी छे, बादान रुप मां चड

गुयु। 8 हेरेसी आवु, हामु खुसी मां खुसी मनावजे, नीते जुनडला आथुड सी ने नी कुहराय ने भुंडला आथुड सी, बाकुन सय ने छाचायन आथुड पाकर बननला रुटा सी। 9 मे मारी चिट्ठी मां तुहुंक लिखलु छे की छीनाळ्यान संगत घुण करे। 10 ज्य नी की तुहुं सय मां हीनी कळीन छीनाळ्यान, नीते लालच्यान, नीते आंदारलो करने वाळान, नीते मुरती पुजणे वाळान संगत नी करनु चाहजे; काहाकी हीनी टेम मां ते तुहुं काजे कळी मां सी नीकळीन जाणु पड़तो। 11 बाकुन मारो कहवणु ज्य छे की कदी कुय भायस कहवाय, ने छीनाळ्यु, नीते लालच्यु, नीते मुरती पुजण्यु, नीते गाळी देण्यु, नीते दारु पीण्यु, नीते आंदारलो करने वाळु, ती तेरी संगत घुण करे; बाकुन असा माणुस साते रुटा बी घुण खाय। 12 काहाकी मेसे बाहार वाळान नीयाव करने सी काय काम? काय तुहुं माहें वाळान नीयाव नी करु? 13 बाकुन बाहार वाळान नीयाव भगवान करे। हेरेसी हीना पापी काजे आपणे ईचमां सी नीकाळ देवु।

6 काय तुंदरे मां सी काहालाक काजे जी हिममत छे की जत्प्यार दीसरा साते लड़ाय हय जाय ती नीयाव वाटे नी-भुरसु करने वाळा धडे जाय, ने चुखला माणसे धडे नी जाय? 2 काय तुहुं नी जाणु की चुखला माणसे कळीन नीयाव करसे? हेरेसी जत्प्यार तुहुंक कळीन नीयाव करनु छे, ती काय तुहुं नानला सी नानला बी झगडा नी सरे काय? 3 काय तुहुं नी जाणता की हामु सरग वाळा काहवाळ्यान नीयाव करसुन ती ईनी कळी मां हवणे वाळु नानुस झगडु भांगता नी आवडे काय? 4 कदी तुहुंक कळीन वात काजे नीयाव करसे नीते सारनु हय, ती काय हीनुत काजे बटाङसु काय जे मंडळी मां काय बी नी समजी जाय? 5 मे तुहुंक लाजवाङने करीन जी वात कहवो। काय छाचलीन तुंदरे मां एक बी अकलवाळु नी जडे, जु तुंदरु भायस्यान झगडु भागे असु नी हय काय? 6 तुंदरे मां भायस-भायसेन ईचमां दावु हवे, ने चे बी नी भुरसु करन्यान अगळ। 7 बाकुन छाचलीन तुंदरे मां मटुत वाक ते ज्य छे की आंबा-सांबा लड़ाय करु। बयमानी काजे काहानी सेण करता? आपणा दुख काजे काहानी सेण करता? 8 बाकुन तुहुं ते खुद बयमानी ने दुख पुगाडु, ने चे बी भायस्यो काजे। 9 भुंडला माणसे सरग राजेन हकदार्या नी रवे, जी वात तुहुंक मालुम नी हय काय? खुद काजे थुकु मां खावु नी। छीनाळ्या, नी मुरती पुजण्यु, नी रंडी ने रंडीक राखण्यु, नी लुचचा नी अदमी साते गलत काम करन्या माणसे, 10 चुट्टा, हीजेरला, दारुकट्या, गाळी देण्यु, थुकु देण्यु माणसे सरग राजेन हकदार्या नी रवे। 11 ने तुंदरे मां सी कतरा असात हतला, बाकुन तुहुं मालीक ईसु मसीन नाव सी ने आपणा भगवानेन आत्मा सी धुवायला छे, ने चुखला हया ने धरमी ठहर्या। 12 आखी चीजे मारे वाटे सय ते छे, बाकुन आखी चीजे फायदान नी हय; आखी चीजे मारे वाटे वारु ते छे, बाकुन मे काहली बी वातेन हक मां नी हवे। 13 खाणो पेट वाटे छे, ने पेट खाणा वाटे छे, बाकुन भगवान हीनी काजे ने हीना

काजे दुयु काजे खततम करसे। बाकुन डील छीनाळा करने वाटे नी हय, बाकुन मालीक वाटे छे, ने मालीक डील वाटे छे। 14 भगवान आपणी ताकत सी मालीक काजे मरलाम सी जीवाड्यु, ने हामुक बी जीवाड्यु। 15 काय तुहुं नी समजता की तुंदरु डील मसीन भाग छे? ती काय मे मसीन भाग लीन छीनाळान भाग बणावो? कदी नी। 16 काय तुहुं नी जानता की जे कुय माणुस छीनाळ्या सी संगत करे, चु हेरे साते एक जसु बणी जाय? काहाकी लिखलो छे, “चे दुयु एक डील हय जासे।” 17 ने जे मालीकेन संगत मां रवे, चु तेरे साते एक आत्मा हय जाय। 18 छीनाळा सी बचीन रवु। जतरा आंग्ये-आंग्ये माणसे पाप करे चे डीलेन सी बाहार करे, बाकुन छीनाळो करने वाळु आपणात डीलेन वीरुद पाप करे। 19 काय तुहुं नी जाणु की तुंदरु डील चुखली-आत्मान मंदीर छे, जु तुंदरे मां बसलु छे ने तुहुं भगवान भीणी सी जडलु छे; ने तुहुं आपणा नी हय? 20 काहाकी कीमत दीन मुल ली लेदला छे, हेरेसी आपणा डीलेन अनसारे भगवानेन सेक-सींगार करु।

7 हीनु वातेन बारामां ज्य तुहुं लिख्या, ज्य वारु छे, की अदमी बायरी काजे नी धरे। 2 बाकुन छीनाळान धाक सी आखा अदमीन बायरी हवणु चाहजे, ने आखी बायरीन अदमी रवणु चाहजे। 3 अदमी आपणी बायरीन हक पुरु करे; ने असोत बायरी बी आपणा अदमीन हक पुरु करे। 4 बायरी काजे आपणा डील पर हक नी बाकुन हेरा अदमीन हक छे; असात अदमी काजे बी आपणा डील पर हक नी, बाकुन बायरीन छे। 5 तुहुं एक दीसरा सी आंग्ये मां रह; बाकुन सीरप थुडीक टेम लग दुय जणान राजी मरजी सी की दुवा वाटे छुट्टी जडे, ने अळतेन एक साते रह; असो नी हवे की तुहुं खुद नी हवणेन वजे सी भुतडु तुहुं काजे पारखे। 6 बाकुन मे गुयो कहवो चो माननेन छे नी की हुकुम। 7 मे ज्य चाहो की जसु मे छे, असुत आखा माणसे हवे; बाकुन आखा एक काजे भगवान भीणी सी खासकरीन वाटु जडला छे काहालाक काजे काहलाक रीती सी, ने; काहालाक काजे काहालीक रीत सी जडलो छे। 8 बाकुन मे नी-ईयाव करला ने रांडायलान बारामां कहवो की हींदरे वाटे असोत रहवणु वारु छे, जसु मे छे। 9 बाकुन कदी चे खुद नी कर सके, ती ईयाव करे; काहाकी ईयाव करनु मन मां तरसायणे सी वारु छे। 10 तींदरु ईयाव हय गुयु, हीनुक मे नी, बाकुन मालीक हुकुम आपे की बायरी आपणा अदमी सी छेटी नी रवणु चाहजे; 11 ने कदी छेटा बी हय जाय, ती अळी दीसरा सी ईयाव घुण करु; नीते आपणा अदमी सी अळी मेळी जावु ने नी अदमी आपणी बायरी काजे छुडे। 12 दीसरा सी मालीक नी बाकुन मेत कय र्यु, कदी काहानाक भायसेन बायरी भुरसु नी राखे ने तेरे साते रहवणे सी खुसी हवे, ती चु हीनीक नी छुडे। 13 जीनी बायरीन अदमी भुरसु नी राखे, ने हेरे साते रवणे सी खुसी हवे; ची अदमी काजे नी छुडनु चाहजे। 14 काहाकी असु अदमी जु भुरसु नी राखतु हय, चु बायरीन वजे सी चुखलु रवे; ने असी बायरी जी भुरसु नी राखे,

अदमीन वजे सी चुखली रवसे; नी ते तुंदरा पुर्या-पारी वीटेळ्ळा हवता, बाकुन हय चे चुखला छे। 15 बाकुन जु अदमी भुरसु नी राखे, कदी चु आंग्ये हवे ती आंग्ये हवणी दे, असी टेम मां कुय भायस नीते बहणीस गुलाम नी हय। भगवान हामुक सांती मां रवणे करीन बुलावलु छे। 16 काहाकी ए बायरी, तु काय जाणे की तु आपणा अदमीन छुटकार कराइ लेसी? ने ए अदमी, तु काय जाणे की तु आपणी बायरीन छुटकार कराइ लेसी? 17 जसु मालीक आखा एक जणा काजे आटलु छे, ने जसु भगवान आखा एक काजे बुलावलु छे, असात चे चाले। मे आखी मंडळी मां असुत ठेरावो। 18 जु चामड़ी काटलु बुलाय गुयलु छे, चु पछु चामड़ी वाळु मां बणे। जु चामड़ी नी काटलु बुलाय गुयलु छे, चु चामड़ी मां काटाडे। 19 नी फतरी काटाडन्यु काय छे ने नी फतरी काटाडन्यु काय छे, बाकुन भगवानेन हुकुम काजे माननु आखो काय छे। 20 आखा एक जणा जीनी टेमे बुलाय गुयला छे, हेरेन मां रवे। 21 कदी तु पावर्यान टेम मां बुलाय गुयलु छे ती फीकुर मां करे; बाकुन कदी तु गुलामी मां सी छुटी जाय ती असुत काम करे। 22 काहाकी जु पावर्यान घड़ी मां मालीक मां बुलाय गुयलु छे, चु मालीकेन गुलाम मां सी छुडावलु छे। असात जु गुलाम मां सी छुडावणेन घड़ी मां बुलाय गुयलु छे, चु मसीन पावर्यु छे। 23 तुहुं कीमत दीन मुल ली लेदला छे; माणसेन पावर्या मां बणु। 24 ए भायस्यो ने बहणस्य्या, जे कुय जीनी घड़ी मां बुलाय गुयला छे, चु हेरेत मां भगवान साते रवे। 25 कुवारलीन बारामां मालीकेन कुय हुकुम मेसे नी जड्यु, बाकुन भुरसा मां पाक्कु हवणे वाटे जसी दया मालीक मारे पर कर्यु, हेरेत अनसारे वात आपो। 26 हेरेसी मारी समज मां ज्य वारु छे की आज काल दुखेन वजे सी, माणुस जसु छे असुत रवे। 27 हेरेसी कदी तारी बायरी छे, ती छेटु हवणेन वीच्यार मां करे; ने कदी तारी बायरी नी हय, ती बायरीन हेर मां करे। 28 बाकुन कदी तु ईयाव बी करे, ती पाप नी हय; ने कदी कुवारली साते ईयाव हय जाय ती कुय पाप नी। बाकुन असला काजे डीलेन दुख हवसे, ने मे बचाइने चाहो। 29 ए भायसे, मे ज्य कहवो की टेम कम कर देदलो छे, हेरेसी चाहजे की तींदरी बायरी रवे, चे असा हवे मानु की हींदरी बायरी नी हय; 30 ने रडने वाळा असा हवे, की मानु रडे नी; ने खुसी करने वाळा असा हवे, की मानु खुसी नी करे; ने मुल लेणे वाळा असा हवे, की मानु हींदरे धडे काय नी हय। 31 ने हीनी कळी साते एहवार करने वाळा असो हवे, की कळीन ने ती हय जाय; काहाकी हीनी कळीन रीती ने एहवार बदलता जाय। 32 अळतेन मे ज्य चाहो की तुहुं फीकुर नी हवे। नी ईयाव करलु अदमी मालीकेन वातेन फीकुर मां रवे की मालीक काजे कसु खुस राखे। 33 बाकुन ईयाव करलु माणुस कळीन वातेन फीकुर मां रवे की आपणी बायरी काजे काहाली रीत सी खुसी करे। 34 ईयाव करला ने कुवारली मां बी छीट छे; कुवारली मालीकेन फीकुर मां रवे की चु डील ने आत्मा दुयु मां चुखला रवे, बाकुन ईयाव करली कळीन फीकुर

मां रवे की आपणा अदमी काजे कसी खुस राखे। 35 मे जी वात तुंदरेत फायदान वाटे कहवो, नी की तुहुंक फसाड़ने वाटे, बाकुन हेरेसी की जसु सुभु देय असो कर्यो जाय की, तुहुं एक मन हयन मालीकेन सेवा मां लागी रवु। 36 कदी कुय ज्य समजे की मे आपणी हेनी कुवारीन हक काजे मारी र्यु, ती जेरो जुवानी ढळी रय, ने जरुडी बी छे, ती जसों चाहे असात करे, तेरेमां पाप नी हय, चु हेरु ईयाव हवणी देय। 37 बाकुन जो मन मां नक्खी कर लेय, ने हीनाक जरुडी नी हय, बाकुन आपणी मरजी पर हक राखो, ने आपणा मन मां जी वात ठाणी ले की चु आपणी कुवारी पुरे काजे ईयाव नी हवणी देय, चु वारु करे। 38 हेरेसी जु आपणी कुवारीन ईयाव कर देय, चु वारु करे, ने जे ईयाव नी करे, चु अळी बी वारु करे। 39 जत्थार लग काहालीक बाथरीन अदमी जीवतु रवे, तत्थार लग चु हेरेसी बांदायली छे; बाकुन कदी तेरे अदमी मर जाय, ती जेरेसी चाहे ईयाव कर सके बाकुन सीरप मालीक मां। 40 बाकुन जसी छे कदी असीत रवे, ती मारे वीच्यार मां अळी बी बेसकु वारु छे; ने मे समजो की भगवानेन आत्मा मारे मां बी छे।

8 हय मुरती अगळ बादा देदली चीजेन बारामां हामु जाणजे की हामु आखा काजे अक्कल छे। अक्कल मटाय काजे पयदा करे, बाकुन परम सी अगा बड़े। 2 कदी कुय समजे की मे काय जाणो, ती जसों जाननु चाहजे असो हय लग नी जाणता। 3 बाकुन कदी कुय भगवान सी परम करे ती भगवान तीनाक उळखे। 4 अळतेन मुरती लग बादा करली चीजेन खाणेन बारामां हामु जाणजे की मुरती कळी मां कुय चीज नी हय, ने एक काजे छुडीन ने कुय भगवान नी हय। 5 तेबी सरगे मां ने कळी मां बेसका भगवान कहवाये जसों की बेसका भगवान ने बेसका मालीक छे। 6 तेबी हामरे वाटे ते एकुत भगवान छे; मतलब बास जेरे भीणी सी आखी चीजे छे, ने हामु हेरेत वाटे छे। ने एकुत मालीक छे, मतलब ईसु मसी जेरे साहरे आखी चीजे हवी, ने हामु बी हेरेत साहरे छे। 7 बाकुन आखा काजे गुयु अक्कल नी हय, बाकुन ईतराक ते हय लग मुरती काजे काय समजणेन वजे सी मुरतीन अगळ बादा चड़ावली चीज काजे काय समजोन खाय, ने हींद्रो मन लुलो हवणेन वजे सी वीटळी जाय। 8 खाणो हामुक भगवान धड़े नी पुगाड़े। कदी हामु नी खाजे ती आपणो काय नुकसाण नी हय, ने कदी खाय ती काय फायदु नी। 9 बाकुन हुस्यार असो नी हवे की तुंदरी जी गुलाम मां सी छुटणेन काय लुला वाटे ठुकरेन वजे हय जाय। 10 काहाकी कदी कुय तुसे अक्कल वाळा काजे मुरतीन मंदीर मां खाणो खातला देखे ने चु भुरसा मां लुलु माणुस हयती, काय हेरे जीव काजे मुरती अगळ बादा चड़ावली चीज खाणेन हिममत नी हय जाय? 11 हीनी रीत सी तारा अकलेन वजे सी चु भुरसा मां लुलु भायस जेरे वाटे मसी मर्यु, खत्तम हय जासे। 12 हीनी रीत सी भायस्यान वीरुद पाप करने सी ने हींद्रे लुलु मन काजे घाव पुगाड़ने सी, तुहुं मसीन वीरुद पाप करु। 13 हीनी वजे सी कदी

खाणो, मारा भायस काजे ठुकर खावाड़े, ती मे कदी बी कसु बी सीकार नी खाम। असो नी हवे की मे आपणा भायस वाटे ठुकरेन वजे बणो। (aiōn g165)

9 काय मे गुलाम मां सी नी छुट्यु काय? काय मे नेवताळु नी हय? काय मे ईसु काजे जु आपणु मालीक छे, नी देख्या? काय तुहुं मालीक मां मारा भणावला नी? 2 कदी मे दीसरा वाटे नेवताळु नी हय, ती बी तुंद्रे वाटे ते छे; काहाकी तुहुं मालीक मां मारा नेवताळान कामेन छाप छे। 3 जे मेसे पारखे, हींद्रे वाटे ज्य मारु जपाप छे। 4 काय हामुक खाणे-पीणेन हक नी हय काय? 5 काय हामुक ज्य हक नी हय, की काहालीक मसी बहणीस साते ईयाव करीन हीनीक लीन फीरे, जसों दीसरा नेवताळा ने मालीकेन भायस ने केफा करे? 6 नीते सीरप मेसे ने बरनाबास काजे हक नी हय की कमाय करनु छुड़े? 7 कुण कदी आपणी कमाय मां सी खायन सीपायडान काम करे? कुण अंगुरेन वाड़ी लागगडीन हेरो फळ नी खातु हय? कुण गाडरान राखवाळी करीन हींद्रो दुत नी पीये? 8 काय मे जी वात माणसेन रीत पर बुलो? 9 काय मुसान लिखला सास्तुर मां बी ज्य नी कहवे? काहाकी मुसान साहरे लिखला कायदा मां छे, “दावण गेरनेन टेम मां चालतेला बेलेन मुंहडो घुण बांदे।” काय भगवान बेलेन ने फीकुर करे? 10 नीते हेरेसी हामरे वाटे कहवे। हव, हामरे वाटे लिखी गुयलो छे, काहाकी सय छे की जुपणे वाळु आस सी जुपे ने दावण गेरनेवाळा साजल्ल्या हवणेन आस सी दावणी गेरने वाळु हवणु चाहजे। 11 अळतेन जत्थार की हामु तुंद्रे वाटे आत्मा मां भरायला चीजे एर्या, ती काय जी मटी वात छे की तुंदरी डीलेन चीजेन फसल काटे। 12 जत्थार दीसरान तुंद्रे पर ज्य हक छे, ती काय हेरेसी अदुस नी हवे? बाकुन हामु ज्य हकेन काम मां नी लाया बाकुन आखो काय सेण करजे की हामरे साहरे मसीन खुस-खबर मां थुडीक रुकावट नी हवे। 13 काय तुहुं नी जाणु की जे मंदीर मां चाकरी करे, चे मंदीर मां सी खाय; ने जे वेदीन चाकरी करे, चे वेदी साते साजल्ल्या हवे? 14 हीनीत रीत सी मालीक बी ठेरायु की जे माणसे खुस-खबर सामळावे, हींद्रो जीवणेन सादन खुस-खबर सी हवे। 15 बाकुन मे हींद्रेम सी कायबी वात काम मां नी लायु, ने मे जी वात हेरेसी नी लिख्यु की मारे वाटे असो करे, काहाकी हेरेसी ते मारो मरनुत वारु छे की कुय मारी मटाय काजे फालतु नी ठेरावे। 16 कदी मे खुस-खबर सामळावो, ती मारे वाटे काय बी मटायन वात नी; काहाकी जो ते मारे वाटे जरुडी छे। कदी मे खुस-खबर नी सामळो, ती मारे पर हाय। 17 काहाकी कदी आपणी मरजी सी ज्य करो ती दाहडकी मेसे जडती, ने कदी आपणी मरजी सी नी करो ती बी हीसाब-किताप करन्यु मेसे सुपी देदला छे। 18 ती मारी काहली दाहडकी छे? ज्य की खुस-खबर सामळाणे मां मे मसीन खुस-खबर मुफत मां कर दम, जां लग की खुस-खबर मां जु मारु हक छे हीनाक बी मे पुरी रीत सी काम मां नी लावो। 19 काहाकी आखा सी आजाद हवणे पर बी

मे आपणे आप काजे आखान गुलाम बणाय देदु की जादास माणसे काजे खेचीन लावो। 20 मे यहूदीया वाटे यहूदी बण्यु की यहूदीया काजे खेचीन लावो जे माणसे मुसान लिखला कायदान हक मां नी रवणे सी बी मुसान लिखला कायदान हक मां बण्यु की हीनुक जे मुसान कायदान हक मां छे, खेचीन लावो। 21 मुसान कायदाक नी जाणे हींद्रे वाटे मे जे भगवानेन कायदा सी दुर नी बाकुन मसीन कायदान हक मां छे मुसान साहरे लिखला कायदा नी माने हींद्रेन तसु बण्यु की मुसान कायदाक नी माने तीनु काजे खेची लावो। 22 मे लुला वाटे लुलान तसु बण्यु की लुला काजे खेची लावो। मे आखा माणसे वाटे आखो काय बण्यु काहाला ने काहाली रीत सी काय एकेन छुटकार कराडो। 23 मे ज्य आखो काय खुस-खबर वाटे करो की दीसरा साते हेरु साजल्यु बणी जाम। 24 काय तुहुं नी जाणु की दवडणे मां ते आखा दवडे, बाकुन ईनाम एकुत लीन जाय? तुहुं असात दवडु ने की जीतु। 25 एक ताकतवाळु आखो काय खुद करे; चे ते एक खतम हवणे वाळा मुकुट काजे हात करने वाटे ज्य आखो करे बाकुन हामु ते हीना मुकुट करीन करजे जु जलम रवे। 26 हेरेसी मे हीनी रीत सी दवडो, बाकुन रवलो काम करने वाळु नी, मे बी हीनीत रीत सी धुमा सी लडायो, बाकुन हेरेन तसु नी जे वाहळा मां ठुक्ता जायन लडायो 27 बाकुन मे आपणा डील काजे धुमाटीन मारा हक मां लावो, असो नी हवे की दीसरा काजे परचार करीन मे खुद काहालीक रीत सी पापी ठेहरो।

10 ए भायसे, मे नी चाहतु की तुहुं हीनी वात सी अनजाण्या रवु की हामरा आखा डाहा बुडा वादळान नेचा हतला, ने आखा की आखा दरीयान ईचमां सी पार हयन गुया; 2 ने आखा वादळा मां ने दरीया मां, मुसान बपतीसमा लेदा। 3 ने आखा एकुत आत्मा मां भरायला खाणो खादा; 4 ने आखा एकुत आत्मा मां भरायला पाणी पीदा, काहाकी चे तीना आत्मा मां भरायला झीरा सी पाणी पीदला जे तेरे साते चालतेली, ने चु झीरु मसी हतलु। 5 बाकुन भगवान हींद्रे मां सी बेसका माणसे सी खुस नी हयु, हेरेसी बयडा मां ढीक हय गुया। 6 जी वात हामरे वाटे एक दाखलु ठेर्यु, की जसा चे लालुच कर्या, असात आपणु बी भुंडली चीजेन लालुच मां करु; 7 ने नी तुहुं मुरती पुजण्या बणु, जसा की हींद्रे मां सी कतरा ते बणी गुया, जसां लिखलो छे, “माणसे खाणे पीणे बठ्या, ने खेलने कुदणे उठ्या।” 8 ने नी आपणु छीनाळो करजे, जसा हींद्रे मां सी कतरा कर्या; ने एकुत दाहडाम बीस ने तीन हजार माणसे मर गुया। 9 ने नी आपणु मालीक काजे पारखे, जसा हींद्रे मां सी कतरा, माणसे कर्या ने घडसान साहरे खतम हय गुया। 10 ने नी तुहुं कुड़-कुड़ कर्या, जीनी रीत सी हींद्रे मां सी कतरा कुड़-कुड़ ने खतम करने वाळान साहरे खतम हय गुया। 11 बाकुन जी आखी वात, जी हींद्रे पर पडी दाखलान रीत पर हतली; ने चे हामरी चेतावणी वाटे जे कळीन आकरी टेम रवे लिखाय गुयली छे। (aiōn g165) 12 हेरेसी जु समजे, मे टणकु छे, चु

चेतीन रवे की काय हीटी नी पडे। 13 तुहुं काहाली असी पारख मां नी पड्या, जे माणसेन सेण सी बाहार छे। ने भगवान भुरसा वाळु छे ने चु तुहुं काजे ताकत सी बाहार पारख मां नी पडनी देय, बाकुन पारखणेन साते नीकास बी करसे की तुहुं सेण कर सकु। 14 एरे वजे सी, ए मारा लाटेक्ला, मुरतीन पुजा-पाट करने सी बची रवु। 15 मे अकलवाळा जाणीन तुंद्रे सी कहवो; जो मे कहवो, हीनाक तुहुं पारखु। 16 चु तु बेसकु वारुन कटवरु, जेरे पर हामु तु बेसकु वारु छे करीन कवजे; काय मसीन खुनेन साजेदारी नी हय? चु रुटु हामु तीनाक हामु तुडजे, काय चु मसीन डीलेन साजेदारी नी हय? 17 हेरेसी की एकुत रुटु छे, ती हामु बी जे बेसका छे एकुत डील छे, काहाकी हामु आखा ईनात मां साजल्या हवजे। 18 जे डील भाव सी ईसपयेली छे, हीनुक देखु; काय बादा चडावला खाणे वाळा वेदीन साजलया नी हय। 19 अळतेन मे काय कहवो? काय ज्य की मुरती पर चडाय गुयला बादा काय छे, नीते मुरती काय छे? 20 नी, बाकुन ज्य की नी-यहुदी जे बादा देय; चे भगवान वाटे नी बाकुन भुतडान आत्मा वाटे बादा देय ने मे नी चाहतु की तु भुतडान आत्मान साजलया हवे। 21 तुहुं मालीकेन कटेरु ने भुतडान आत्मान कटेरा दुयु मां सी नी पी सकु। तुहुं मालीकेन भेसकायन ने भुतडान आत्मान भेसकायन दुयुन साजलया नी हय सकु। 22 काय हामुक मालीक काजे रीस देवाडु? काय हामु हेरसी जुर वाळा छे? 23 “आखी चीजे मारे वाटे सय ते छे, बाकुन आखी फायदान नी हय,” आखी चीजे मारे वाटे सय ते छे, बाकुन आखी चीजे सी अगो बडाये नी। 24 कुय बी आपणीत भलाय काजे नी, बाकुन दीसरान भलाय काजे हेर बी करु। 25 ज्य काय हाटेम वेचाये, चो खावु ने मनेन वजे सी काय बी मां पुछु ने पारखु? 26 “काहाकी कळी ने हेरी भरपाय मालीकेन छे।” 27 कदी जे ईसु काजे नी जाणे असला मां सी कुय तुहुं काजे नेवता देय, ने तुहुं जाणे ने पारखणे चाहु, ती ज्य काय तुंद्रे अगळ मेक देय चोन खावु; ने मन वजेसी कुय मां पुछु। 28 बाकुन कदी कुय तुंद्रे सी कहवे, “ज्य ते मुरती काजे बादा करली चीज छे,” ती तीना बताइने वाळान वजे सी ने मनेन वजेसी घुण खावु। 29 मारो मतलब तारु मन नी, बाकुन तीना दीसरान। भलो, मारु छुटकार दीसरान वीच्यार सी काहा पारखी जाय? 30 कदी मे तु बेसकु वारु छे करीन साजल्यु हवो ती जेरे पर मे तु बेसकु वारु छे करीन कहवो, ती हेरे वजे सी मारी वाक नीकाळे? 31 हेरेसी तुहुं चाहे खावु, चाहे पीयु, चाहे जो काय करु, आखो काय भगवानेन सेक-सींगार वाटे करु। 32 तुहुं नीते यहूदीया, नीते नी-यहुदी, ने नी भगवानेन मंडळी वाटे ठुकरेन वजे बणु। 33 जसु मे बी आखी वातो मां आखा काजे खुस राखो, ने आपणा नी बाकुन बेसकान फायदु हेरो की तीनुक छुटकारु जडसे।

11 तुहुं मारेन तसा चाल-चालो जसु मे मसीन तसु चाल-चालो। 2 ए भायसे, मे तुहुंक भुरसु देवाडो की आखी वातो मां तुहुं मेसे हेर करो; ने जे जुनडली रीती मां तुहुंक सुपलु

छे, हीनुक राखवाळी करु। 3 बाकुन मे चाहो की तुहुं ज्य जाण लेवु की एक अदमीन मुणको मसी छे, ने बायरीन मुणको अदमी छे, ने मसीन मुणको भगवान छे। 4 जु अदमी मुणको ढाकलु दुवा नीते भगवानेन अधी सी आवणे वाळी वात देखाड़े, चु आपणा मुणकान वाक नीकाळे। 5 बाकुन जी बायरी उगाल्ला मुणकान दुवा नीते भगवानेन अधी सी आवणे वाळी वात देखाड़े ची आपणा मुणकान वाक नीकाळे, काहाकी ची भुमळी हवणे बराबर छे। 6 कदी बायरी उंडणी नी पांगरे ती कान्या बी काटाइ लेय; कदी बायरी वाटे कान्या काटान्यु नीते भुमळी कराननु सरमेन वात छे, ती उंडणी पांगरे। 7 हव, अदमी काजे आपणा मुणका काजे ढाकणु वारु नी हय, काहाकी चु भगवानेन सीकु ने सेक-सींगार छे; बाकुन बायरी अदमीन सेक-सींगार छे। 8 काहाकी अदमी बायरी सी नी हय, बाकुन बायरी अदमी सी हयी। 9 ने अदमी बायरी वाटे नी बणाय गुयु, बाकुन बायरी अदमी वाटे बणाय गुयलु छे। 10 हेरेसी सरग वाळा काहवाळयान वजे सी बायरी काजे सय छे की हकदार मां आपणा मुणका काजे ढाकणु वारु छे। 11 ती बी मालीक मां नी ते बायरी पाखुर अदमी, ने नी अदमी पाखुर बायरी छे। 12 काहाकी जसी बायरी अदमी सी छे, असुत अदमी बायरीन साहरे छे; बाकुन आखी चीजे भगवान सी छे। 13 तुहुं आपसात वीच्यार करु, काय बायरी काजे उघालले मुणको लीन भगवान सी दुवा करु सुभा देय? 14 काय सभावेन रीत सी बी तुहुं नी जाणु की कदी अदमी लांबला कान्या राखे, ती हेरे वाटे लाजेन वात छे। 15 बाकुन कदी बायरी लांबला कान्या राखे ती हेरे वाटे सुभा देय, काहाकी कान्या हीनी काजे उडणी वाटे देदला छे। 16 बाकुन कदी कुय बी वातेम जखड़ी पडने हींढे, ती ज्य जाणी लेय की नी हामरी ने नी भगवानेन मंडळी असी रीती छे। 17 बाकुन ज्य हुकुम आपतु जाय्न्, मे तुहुं क नी भुरसु देवाइतु, हेरेसी की तुंदरे भेळा हवणे सी भलाय नी, बाकुन नुकसाण हवे। 18 काहाकी पेहल ती मे ज्य सामळो, की जत्पार तुहुं मंडळी मां भेळा हवु ती तुंदरे मां झगडा हवे, ने मे हेरे पर काय-काय भुरसु बी करो। 19 काहाकी कुहरायला बी तुंदरे मां जरुड़ हवसे, हेरेसी की जे माणसे तुंदरे मां खरला छे चे देखता हय जाय। 20 अळतेन तुहुं जे एक जागा मां भेळा हवु, ती ज्य मालीकेन खाणो खाणे वाटे नी हय। 21 काहाकी खाणेन टेम मां एक दीसरा सी पेहल आपणो खाणो खाय लेय, हीनी तरा कुय ते भुकलु रवे ने कुय छाकी जाय। 22 काय खाणे पीणे वाटे तुंदरो घर नी हय? नीते भगवानेन मंडळी काजे कायनी जाणु, ने तींदरे थडे नी हय हीनुक सरमाणनु? मे तुंदरे सी काय कहवो? काय हीनी वात मां तुंदरी बडाय करो? नी मे बडाय नी करो। 23 काहाकी जी वात मेसेक मालीक सी जड़ी, ने मे तुहुं क बी बताइ देदु। की मालीक ईसु तीनीन राते धरायणे वाळु हतलु, तीनीत राते रुटु धर्यु। 24 ने तु बेसकु वारु छे करीन रुटाक तुड्या ने कह्यु, “जु मारु डील छे, जु तुंदरे वाटे छे। मारे हेर करने वाटे चत कर्या करु।” 25 ने अळतेन ईसु

हाते मां पीयालु धर्यु ने असु कह्यु, “जो पीयालो मारा लुहीन नवलु पीयालु छे। ने जत्पार बी तुहुं पीयालु पीयु, ती मेसेक हेर करने करीन मारेन तसात कर्या करजु।” 26 काहाकी जत्पार कदी तुहुं ज्य रुटु खावु ने हीना कटेरा मां सी पीयु, ती मालीकेन मुत काजे जत्पार लग चु नी आवे, तत्पार लग परचार करता रवु। 27 हेरेसी जे कुय गलत रीत सी मालीकेन रुटु खाय नीते हेरा कटवरा मां सी पीये, चु मालीकेन डीलेन ने लुहीन गुना वाळु रवसे। 28 हेरेसी माणुस आपणे आप काजे पारखी लेय, ने हीनी रीत सी हीना रुटा मां सी खाय ने हीना कटेरा मां सी पीये। 29 काहाकी जे खाय ने पीये घड़ी मालीकेन डील काजे नी उळखे, चु हीना खाण सी ने पीणे सी आपणे उपर डंड लावे। 30 हेरे वजे सी तुंदरे मां बेसका माणसे लुला ने मांदा छे, ने थुड़ाक मरी बी गुया। 31 कदी हामु आपणे आप काजे पारखजे ती डंड नी जड़तो। 32 बाकुन मालीक हामुक डंड आपीन हामुक झीचकारतु रवसे, हेरेसी की हामु कळी साते गुनाळा नी ठेरजे। 33 हेरेसी, ए मारा भायसे, ने बहणस्या जत्पार तुहुं खाणे वाटे भेळा हवु ती एक दीसरा वाटे ठेर्या करु। 34 कदी कुय भुकलु हसे ती आपणा घर मां खाय लेय, जेरे सी तुंदरो भेळो हवणे डंडेन वजे नी हवे। रवली वात काजे मे आवीन सय करीस।

12 ए भायसे, बहणस्या मे नी चाहतु की तुहुं आत्मा मां भरायला। भगवानेन वाटान बारांमं अनजाणया रवु। 2 तुहुं जाणु की जत्पार तुहुं नी-यहुदी हतला, ती बुबड़ी मुरतीन पछळ जसा कवला असा चालतेला। गलाती 4:8 3 हेरेसी मे तुहुं क चेतावणी आपो की जे कुय भगवानेन आत्मान अगवाय सी बुले, चु नी कहवे की ईसु गरा वाळु छे; ने नी कुय चुखली-आत्मान पाखुर कुय कय सके की ईसु मालीक छे। 4 भगवानेन वाटा ते काय तरेन छे, बाकुन आत्मा एकुत छे; 5 ने चाकरी बी काय तरेन छे, बाकुन मालीक एकुत छे; 6 ताकतवाळा काम ते काय तरेन छे, बाकुन भगवान एकुत छे, जु आखा मां एक एकेन हिम्मत पयदा करे। 7 बाकुन आखान फायदु पुगाइने वाटे एक आत्मान वीजाळो आप देय। 8 काहाकी एक काजे आत्मान साहरे डीमाकेन वात आप देय, ने दीसरा काजे हीनीत आत्मान अनसारे अकलेन वात आप देय। 9 काहालाक काजे हीनीत आत्मा सी भुरसु छे, ने काहालाक काजे हीनीत एक आत्मा सी वारु करनेन भगवानेन वाटु आप देय। 10 पछेन काहानाक काजे ताकत काम करनेन जुरेन, ने काहानाक काजे भगवानेन अधी सी आवणे वाळी वात बताइ, ने काहानाक काजे आत्मान पारख करने, ने काहानाक काजे काय तरेन बुली, ने काहालाक काजे बुलीन मतलब बताइने ताकत आप्यु। 11 बाकुन जे आखा ताकत वाळा काम चीत एक आत्मा कराइ, ने तीनाक जो चाहजे चो वाटी देय। 12 काहाकी जीने तरा डील ते एक छे ने हेरा भाक बेसका छे, ने हीना एक डीलेन आखा भाक बेसका रवणे पर आखा मेळीन एकुत डील छे, हीनीत तरा मसी बी एकुत छे। 13 काहाकी हामु आखा काय यहुदी हवे

काय नी-यहुदी, काय पावर्यु हवे काय आजाद, एकुत आत्मान साहरे एक डील हवणे वाटे बपतीसमा लेदा, ने हामु आखा काजे एकुत आत्मा पीवाड़ देदली छे। 14 हेरसी की डील मां एकुत भाक नी बाकुन बेसका भाक छे। 15 कदी पाय कहवे, “मे हात नी हय, हेरेसी डीलेन नी हय,” ती काय चु हेरे वजे सी डीलेन नी। 16 ने कदी कान्टा कहवे, “मे डुळु नी हय, हेरेसी डील नी हय,” ती काय चु हेनी वजे सी डीलेन नी हय? 17 कदी आखो डील डुळात रवता ती सामळनु काहा रवतो? कदी आखो डील कान्टात रवता, ती सुंगणु काहा रवतो? 18 बाकुन छाचलीन भगवान भाक काजे आपणी मरजीन अनसारे एक करीन डील मां मेक्यु। 19 कदी चे आखा एकुत भाक रवता, ती डील काहा हवतो? 20 बाकुन हय भाक ते बेसका छे, बाकुन डील एकुत छे। 21 डुळा हात सी नी कय सके, “मेसे तारी जरुवत नी हय” ने नी मुणको पाय सी कय सके, “मेसे तुंदरी जरुवत नी हय।” 22 बाकुन डीलेन चे भाक जेत दीसरा सी लुला लागे, बेसको जरुवत छे; 23 ने डील जीनु भाके काजे हामु आव-भाव लायेक नी समजे हीनु काजे हामु जादास आव-भाव देजे; ने हामरे सुभे नी देय असला भाक अळी बी बेसका सुभु देय असा हय जाय, 24 अळतेन बी आपणो सुभे असा भाके काजे हेरी जरुवत नी बाकुन भगवान डील काजे असु बणाय देदु की तीना भाक काजे आव-भाव मां कमी हतली हीना काजे अळी बी बेसका आव-भाव जड्यो। 25 काहाकी डील मां बेरजु नी पडनु, चाहजे बाकुन भाक एक दीसरान बराबर फीकुर करे। 26 हेरेसी कदी एक भाक काजे दुख जडे, ती आखा भाक हेरेसी ते जडे; ने कदी एक भाकन बड़ाय हवे, ती हेरे साते आखा भाक खुसी मनावे। 27 असात तुहुं आखा मेळीन मसीन डील छे, ने आंग्ये-आंग्ये हेरा भाक छे; 28 ने भगवान मंडळी मां आंग्ये-आंग्ये माणसे ठेरावला छे; पेहलु नेवताळु, दीसरु भगवानेन अधी सी आवणे वाळी वात देखाड़नुयु, तीसरु मास्तर, अळतेन ताकुतेन काम करने वाळु, अळतेन वारु करने वाळा, ने भलाय करने वाळा, ने देख-भाळ करने वाळा, ने काय तरेन बुली बुलने वाळा। 29 काय आखा नेवताळा छे? काय आखा भगवानेन अधी सी आवणे वाळी वात देखान्या छे? काय आखा परचार करन्या छे? काय आखा ताकुतेन काम करने वाळा छे? 30 काय आखा काजे वारु करनेन भगवानेन वाटु जडलु छे? काय आखा काय तरान बुली बुले? 31 काय आखा बुल बदलेन काम करे काय? तुहुं मटा सी मटा भगवानेन वाटु धुन मां रवु, बाकुन मे तुहुंक अळी बी आखा सी वारु वाट देखाड़े।

13 कदी मे माणसेन ने सरग वाळा काहवाळयान बुले बुलो ने परम नी राखो, ती मे ठण-ठणावती पीतळ, ने झणझणो करती झांझ छे। 2 ने कदी मे भगवानेन अधी सी आवणे वाळी वात देखाड़ सको, ने आखा सातायली वातेन ने आखा तरान अक्कल काजे समजो, ने मेसे जां लग पुरु भुरसु हवे की मे बयड़ा काजे छेटु करदम, बाकुन परम नी राखो, ती मे काय बी

नी हय। 3 कदी मे आपणो पुरो धन तींद्रे झुणी कायनी हय तीनु काजे खावड़ दम, नीते आपणो डील धपाड़ने वाटे आप दम, ने परम नी राखो, ती मेसे काय बी फायदु नी हय। 4 परम दमधरे, ने कीरपाळु छे; परम डाहवाय नी करे; परम आपणी बड़ाय नी करे, ने मटकाळु नी हय, 5 चु गलत रीत सी नी चाले, चु आपणी भलाय नी चाहावे, झुंझलावे नी, बुरो नी माने। 6 पाप सी खुसी नी हवे, बाकुन छाचाय सी खुसी हवे। 7 चु आखी वात सेण कर लेय, आखी वातेन भुरसु करे, आखी वातेन आस राखे, आखी वात मां दमधरे। 8 परम कदी टळे नी; भगवानेन अधी सी आवणे वाळी वात हवसे, ती खत्तम हय जासे; बुली हसे, ती जाती रवसे; अक्कल हसे, ची सर जासे 9 काहाकी हामरु अक्कल आधीत छे, ने हामरी भगवानेन अधी सी आवणे वाळी वात आधी छे; 10 बाकुन जतयार माहान चुखलु आवसे, ती अदेरु सर जासे। 11 जतयार मे पुर्यु हतलु, ती मे पुरयान तसु बुलतेलु, ने पुरयान तसु वीच्यार हतलो, पुरयान तसो मन हतलो, पुरयान तसी समज हतली; बाकुन जतयार मटु हय गुयु ती पुरयान तसी वात छुड़ देदु। 12 हय हामुक आरस्या मां धुंदळान तसो देखाये, बाकुन हेनी टेमे आंबा-सांबा देखसुन; हीनी टेमे मारु अक्कल अदेरु छे, बाकुन हीनी टेमे असु पुरी रीत सी उळखीस, जसु मे उळखाय गुयलु छे। 13 बाकुन हय भुरसु, आस, परम जे तीनु जलमेन छे, बाकुन हींद्रे मां आखा सी मटु परम छे।

14 परमेन हेर करु, ने आत्मा मां भरायलान वाटान झींग मां रवु, खास करीन ज्य की भगवानेन अधी सी आवणे वाळी वात देखाड़नुयु देखाड़ु। 2 काहाकी जे दीसरी बुली मां वात करे चु माणसे सी नी बाकुन भगवान सी वात करे; हेरेसी की हेरी वात कुय नी समजे, काहाकी चु सातायली वात आत्मा मां हयन बुले। 3 बाकुन जे भगवानेन अधी सी आवणे वाळी वात देखाड़े, चु माणसे सी अदु हवणे ने परचार ने सांतीन वात कहवे। 4 जु दीसरी बुली मां वात करे, चु आपणोत अदुस बरकत हात करे; बाकुन जु भगवानेन अधी सी आवणे वाळी वात कहवे, चु मंडळीन भलो करसे। 5 मे चाहो की तुहुं आखाक दीसरी बुली मां वात करो; बाकुन हेरे सी अदुस ज चाहो की भगवानेन अधी सी आवणे वाळी वात कहं, काहाकी कदी दीसरी बुली बुलने वाळी मंडळी अदुस हवणे वाटे बुली बदली नी करे, ती भगवानेन आवणे वाळी वात कहणे वाळाक तेरे सी बडीन छे। 6 हेरेसी ए भायस्यो, कदी मे तुंद्रे धड़े आवीन दीसरी बुली मां वात करो, ने वीजाळो नेते अक्कल नेते भगवानेन आवणे वाळी वात नीते परचारेन वात तींद्रे सी नी कहं, ती मार सी तुहुंक काय फायदु हवसे? 7 तसोत कदी तेरे मां जीव नी तीनी चीज बी तींद्री आवाज नीकळे, जसा पावळी नीते फेप्या, कदी हींद्रे रेंग मां नी समजाये ती जे फुके नीते आजाड्या, चु कसो उळखाय जासे? 8 ने कदी फेप्यान आवाज चुखी नी नीकळे, ती कुण लड़ाय वाटे तीयार हवसे? 9 असात तुहुं बी कदी जीप सी चुखी-चुखी वात

नी कहं, ती जे काय कहें चो कसों समजायसे? तुहं ते हवा सी वात करने वाळा ठेरावसे। 10 कळी मां कतरी बी तरान बुली काहानी हवे, बाकुन हींदरे मां सी कुय बी बीना मतलबेन नी हवे। 11 हेरेसी कदी मे काहालीक बुलीन मतलब नी समजे, ती बुलेन वाळान नींगा मां दीसरा देसेन रवसे ने बुलेन वाळा मारी नींगा मां दीसरा देसेन ठेरसे। 12 हेरेसी तुहं बी जतयार आत्मा मां भरायला भगवानेन वाटेन धुन मां छे ती असा कुसीस करु की तुंदरे भगवानेन वाटेन अदु हवणे सी मंडळी अदु हवे। 13 हेरे वजे सी जे दीसरी बुली बुले, चु दुवा करे की हेरा बुली बदलनेन वाटु बी जडणु चाहजे। 14 हेरेसी कदी मे दीसरी बुली मां दुवा करो, ती मारी आत्मा दुवा करे बाकुन मारु डीमाक काम नी देय। 15 अळतेन काय करनु चाहजे? मे आत्मा सी बी दुवा करो, ने डीमाक सी बी दुवा करो; मे आत्मा सी बी गावीस, ने डीमाक सी बी गावीस। 16 नी ते कदी तु आत्मा सी तु बेसकु वारु छे करीन कहवीस, ती अळतेन डेड-अकल्या तुसे तु बेसकु वारु छे कवसी ती असोत हवतो रवे करीन कसु कवसे? काहाकी चु तेबी जाणे की तु काय कहवे? 17 तु ते वारु रीती सी तु बेसकु वारु छे करीन कहवे, बाकुन दीसरु अगु नी अदे। 18 मे आपणा भगवान काजे तु बेसकु वारु छे करीन कहवे, की मे तुहं आखा सी जादास दीसरी बुली मां बुलो। 19 बाकुन मंडळी मां दीसरी बुली मां दस हजार वात कहवणे सी ज्य मेसे अळी बी वारु मालुम पडे, की दीसरा काजे सीकाइन्ने वाटे डीमाक सी पांच वात कहवे। 20 ए भायसे, तुहं समज मां पुर्या मां बणु; कुहराय मां ते पुर्या रबु, बाकुन समज मां हुस्यार बणु। 21 चुखला सासतुर मां असो लिखलो छे, की मालीक कहवे, “मे कुय नी जाणे असली बुली बुलेन वाळान साहरे, ने दीसरान मुंहडान साहरे, ईनु माणसे सी वात करीस ती बी चे मारी नी सामळो।” 22 हेरेसी दीसरी बुली ईसु पर भुरसु करन्या वाटे नी, बाकुन नी भुरसु करन्या वाटे सहलाणी छे; ने भगवानेन अधी सी आवणे वाळी वात ईसु पर नी भुरसु करन्या वाटे नी, बाकुन ईसु पर भुरसु करन्यान सहलाणी छे। 23 अळतेन कदी मंडळी एक जागा भेळी हवे, ने आखान आखा दीसरी बुली बुले, ने छेते वाळा नीते ईसु पर नी भुरसु करन्या माणसे माहें जाय ती काय चे तुहं काजे गांडा करीन नी कहवे? 24 बाकुन कदी आखा भगवानेन अधी सी आवणे वाळी वात देखाइन्नु कहवणे लागे, ने कुय ईसु पर नी भुरसु करे नीते छेते वाळा माणसे माहें आय जाय, ती आखा हीनाक आखा गुनाळु ठेराय देसे ने पारखी लेसे; 25 ने हींदरे मनेन सातायली वात देखाय जासे ने ततयार चु मुंहडान भुरसे पडीन भगवान काजे आंधसे ने मान लेसे की छाचलीन भगवान तुंदरे ईचमां छे। 26 हेरेसी ए भायसे, काय करनु चाहजे। जतयार तुहं भेळा हवु, एक जणान मन मां गावता नीते परचार नीते दीसरी बुली नीते उजाळो नीते दीसरी बुलीन मतलब बताइनु रवे। आखा काय आत्मान अदुस भरायला हवणु चाहजे। 27 कदी दीसरी बुली मां

वात करनु हय ती दुय नीते बेसका हवे ती तीन जणा वारी-वारी सी बुले, ने एक माणुस बुली बदल्या करे। 28 बाकुन कदी बुली बदली करने वाळु नी हवे, ती दीसरी बुली बुलेन वाळा मंडळी मां हुगा रवे, ने आपणा मन सी ने भगवान सी वाते करे। 29 भगवानेन अधी सी आवणे वाळी वात देखान्या मां सी दुय नीते तीन जणा बुले, ने बचला माणसे तींद्रा बुल काजे पारखे। 30 बाकुन कदी बसला दीसरा मायन काहनाक पर जु बठलु छे, काय भगवानेन उपर सी आपला वीजाळो हवे ती पेहलु हुगु रय जाय। 31 काहाकी तुहं आखा एक-एक करीन भगवानेन अधी सी आवणे वाळी वात देखाइन्नु देखाइ सको, काहाकी आखा सीके ने आखाक सांती जडे। 32 ने भगवानेन अधी सी आवणे वाळी वात देखान्यान आत्मा भगवानेन अधी सी आवणे वाळी वात देखान्यान हक मां छे। 33 काहाकी भगवान खडळ-वडळ करनु नी हय, बाकुन भगवान सांतीन भगवान छे जसों चुखला माणसेन आखी मंडळी मां छे। 34 बायरा काजे मंडळी मां हुगा रहणु चाहजे, काहाकी हीनुक वात करनेन हुकुम नी हय, बाकुन हक मां रवणेन हुकुम छे, जसों मुसान कायदा मां लिखलो बी छे। 35 कदी चे काय सीकणे चाहये, ती घर मां आपणा-आपणा अदमी सी पुछे, काहाकी बायरी काजे मंडळी मां वात करनु लाजुणेन वात छे। 36 काय भगवानेन बुल तुंदरे मां सी नीकळ्यो काय? नीते सीरप तुंदरेत लग पुगलो छे? 37 कदी कुय माणुस आपणे आप काजे भगवानेन अधी सी आवणे वाळी वात देखाइन्नु नीते आत्मा भरायला जणु समजे, ती जाण लेय की जी वात मे तुहं लिखो, चो मालीकेन हुकुम छे। 38 बाकुन कदी कुय जी वात नी माने, ती हीनाक बी नी माने। 39 अळतेन ए भायसे, भगवानेन अधी सी आवणे वाळी वात देखान्यान धुन मां रबु ने दीसरी बुली सी नी करीन मां कहवु; 40 बाकुन जो आखो काम वारु ने सय सी करनु चाहजे।

15 ए भायसे ने भणस्या, हय मे तुहंक पेहलुत खुस-खबर बताडो जे पेहल सी सामळी लेदला छे, तीनाक तुहं हुकारी बी लेदला ने जेरे मां तुहं काठा बी छे। 2 हेरेत साहरे तुंदरु छुटकारु बी हयु, कदी हीना खुस-खबर काजे जु मे सामळलु हेर राखु, नीते तुंदरु भुरसु करनु फालतु हवसे। 3 हेरे वजे सी मे आखा सी पेहल तुहंक चीत वात पुगाइ देदु, जी मेसेक मालुम हतली की चुखला सासतुरेन बुलेन अनसारे ईसु मसी आपणे पापे वाटे मर गुयु। 4 ने गाडाय गुयु, ने चुखला सासतुरेन अनसारे तीन दाहडाम मरलाम सी जीवतु बी हय गुयु, 5 ने केफा काजे ततयार बारे काजे देखाव पड्यु। 6 अळतेन चु पांच सोव सी अदुस भायसे काजे भेळा हतला देखाव पड्यु, तींदरे मां सी बेसका हय लग जीवतेला छे, बाकुन थुडाक सुय गुया। 7 अळतेन चु याकुप काजे देखाव पड्यु ततयार आखा नेवताळा काजे देखाव पड्यु। 8 आखान पळे मेसे काजे बी देखाव पड्यु, जे मानु अधेरला दाहडान पयदा हवलु। 9 काहाकी मे नेवताळा मां सी आखा सी नानलु छे, बाकुन नेवताळा कहवायणेन लायक

बी नी हय, काहाकी मे भगवानेन मंडळी काजे बेसकु ठुक्यु मां झाड़का दुरे सी लड़ाय करतु ती मेसेक काय फायदु हवतु? मार्यु। 10 बाकुन मे जो काय बी छे, भगवानेन गीण-दया सी छे कदी मरलाम सी जीवता नी हवता, “ती आवु, खाजे ने पीजे हेरु गीण-दया मार पर हयु चु फालतु नी जाय; बाकुन मे हीनु काहाकी काल ते मरी जासुन।” 33 धुकु मां खावु, “भुंडीत आखा सी बड़ीन मेहनत बी कर्यु, ती बी गुयो मारे भीणी सी नी संगगत वारलु चाल-चलन काजे बीगाड़ देय।” 34 धरम वाटे हयो बाकुन भगवानेन गीण-दया सी गुयो मार पर हतलो। 11 जागी जावु ने पाप मां करु; काहाकी काय माणसे असात छे जे हेरेसी चाहे मे छे, चाहे चे रवे हामु गुयो परचार करजे ने हेरे पर भगवान काजे नी जाणे। मे तुहुं काजे सरमाइने करीन ज कव। तुहुं भुरसु बी कर्या। 12 हेरेसी जतयार की मसीन ज्य परचार 35 हय कुय ज कवसे, “मरलाम सी जीवता काहनी रीत सी हय करे की ईसु मरलाम सी जीवतु हय गुयु, ती तुंदरे मायन बेसका जाय, ने काहला डील साते आवे?” 36 ए डेड़-अकल्या ज माणसे काहा कहें, की मरलाम सी पछा जीवता हवे नी? 13 काय तु एरे, जतयार लग च नी मरे जीवतो नी हवे 37 ने ज कदी मरलाम सी जीवता नी हवे, ती मसी बी नी जीवतु हय सके; तु एरे, च डील नी हय ज पयदा हवणे वाळु छे, बाकुन सीरप 14 ने कदी मसी मरलाम सी जीवतु नी हयु, ती हामरो परचार वारलु दाणा छे, चाहे गहुंन रवे चाहे काहलाक अळी अनाजेन करनु बी फालतु छे, ने तुंदरो ईसु पर भुरसु करनु बी फालतु हवे 38 बाकुन भगवान आपणी मरजीन अनसारे हीनाक डील छे। 15 बाकुन हामु भगवानेन बारामां लुचचाय मेकण्या ठेर्या आपे, ने एकेक बीज काजे खास करीन डील आपे। 39 आखो काहाकी हामु भगवानेन बारामां जी गवाय देदला; की हीयु मसी डील एक तसों नी हय; माणसेन डील आन्गे छे, ने दुरेन डील काजे जीवाड़ देदलु, अळतेन नी जीवतु हवतु कदी मरलाम सी आन्गे छे; ने चिरलान डील आन्गे छे; ने माछान डील आन्गे जीवतु नी हवतु। 16 ने कदी मरलाम सी जीवता नी हवता, ती छे। 40 सरगेन डील छे ने कळी सी पयदा हवणु वाळु डील बी मसी बी नी जीवतु हवतु; 17 ने कदी मसी मरलाम सी जीवतु नी छे। बाकुन सरगेन डीलेन सेक-सांगार आन्गे छे, ने कळी मां हवतु, ती तुंदरो भुरसु करनु फालतु छे, ने तुहुं हय लग आपणा वाळु आन्गे छे। 41 दाहड़ान उजाळो आन्गे छे, चांदिन उजाळो पाप मां भरायला छे। 18 बाकुन जे ईसु मसी मां सुय गुया, चे बी आन्गे छे, तारान उजाळो आन्गे छे, काहाकी एक तारा सी खत्तम हय गुया। 19 कदी हामु सीरप ईना जीवन मां ईसु मसी दीसरा तारा मां वीजाळो फरक छे। 42 मरलाम सी जीवतो मां सी आस राखजे ती हामु आखा माणसे सी जादास दुख हवणेन बी असोत छे। डील खत्तम हवणेन रीत मां एराय जाय झेलजे। 20 बाकुन छाचलीन मसी मरलाम सी जीवतु हय गुयु ने कदी खत्तम नी हवणे वाळा सीका मां जीवतो हय जाय। 43 जे सुय गुया तींदरे मां चु पेहलुत फळ हयु 21 काहाकी जतयार चु आव-भाव नी हवे ने एराय जाय, ने तेरे साते जीवतु हय जाय; माणसेण साहरे मरनु आयो, ती माणसेन साहरे मरलाम सी पछा लुला साते एराय जाय, ताकत वाळा साते मरलाम सी जीवता जीवता हया 22 ने जसों आदम मां आखा मरे, ती असात मसी हय जाय 44 माणसेन जीवणु मरनु धड़ काजे धरती मां एराय मां बी आखा जीवता हय गुया, 23 बाकुन एकेक जणु आपणी-जाय, ने आत्मा मां भरायला डील मरलाम सी जीवतो हय आपणी वारी मां सी, पेहलु फळ मसी, पछेन मसीन आवणे पर जाय; असो की धरती पर वाळा डील छे ती आत्मा मां भरायला हेरा माणसे जीवाड़ी जासे। 24 हेरे पछेन खत्तम हवसे। हीने डील बी छे। 45 असोत लिखलो बी छे, की “पेहलो माणुस, टेमे चु आखी हकदारी, ने आखा हक, ताकत खत्तम करीन मतलब आदम जीवतेलु जीव बण्यु” आकरी आदम, जीवेक राज काजे भगवान बासेन हातेम सुप देसे। 25 काहाकी जतयार आपण्यु आत्मा बण्यु। 46 बाकुन पेहेल आत्मा मां भरायला लग चु आपणा दुस्मन काजे आपणा पाय तळे नी लावे, ततयार नी हतलु, बाकुन धरती पर वाळा डीलेन सीकु हतलु, हेरे पछेन लग हेरो राज करनु जरुड़ी छे। 26 आखा सी आकरीम दुस्मन आत्मा मां भरायला हया 47 पेहलो माणुस कळी सी मतलब चु खत्तम कर देसे, च मरलु छे। 27 काहाकी “भगवान हेरे पाय धुळान हतलो; दीसरो माणुस सरगेन छे। 48 जसु चु धुळान तळे कर लेदु” बाकुन जतयार चु कवे की आखो काय हेरे हक हतलु, असात चे बी छे, जे धुळान छे; ने जसु चु सरगेन छे, मां कर लेदलो छे उजेंतो छे, ज आखो काय हेरा हक मां कर असात चे बी छे जे सरगेन छे। 49 ने जसा हामु हेरे सीका काजे देदु, आपसुत आन्गे रयु। 28 ने जतयार आखो काय हेरा हक बदल्या जो धुळान हतलो असात हीना सरगेन सीका काजे बी मां हय जासे ती आपसु बी हेरा हक मां हय जासे ज आखो बदलसुन। 50 ए भायसे ने भणस्या, मे गुयो कहवो की सीकार ने लुही भगवानेन राजेन हकदारी नी हय सके, ने नीते धरती पर वाळा सरन्या डील, हकदार्यु हय सके। 51 सामळु, मे तुंदरे सी सातायली वात कय सके, हामु आखा नी मरजे, बाकुन आखा बदली जासुन, 52 ने जे पापण्या पटकारता वार मां, आकरी मां पड़ता र्वजे? 31 ए भायसे ने भणस्या, मेसे हीनी मटायन फेप्यो फुक्से ती हवसे। काहाकी फेप्यो फुक्से ने मरलाम सी समुन तसों जे हामरा ईसु मसी मां ने मालीक मे तुंदरे बारामां जीवता जलमेन तसा उठाय जासे, ने हामु बदली जासुन। 53 कव की मे दाहड़ान मरो। 32 कदी मे माणसेन रीत पर ईफीसुस काहाकी जरुड़ी छे की ज्य खत्तमेन हवणेन डील कदी नी

खत्तम हवणेन काजे पेहरी लेसे, ने ज्य मरलो डील जलमेन डील काजे पेहरी लेसे। 54 ने जत्तार ज्य खत्तम हवणेन कदी नी खत्तम हवणेन काजे पेहरी लेसे, ने ज्य मरलो जलम काजे पेहरी लेय, ने तत्तार चो बुल जो लिखलो छे पुरो ह्य जासे: “ज्य ने मरण काजे गीळ गुयो।” 55 “ए मरनु, तारी ज्य काहा रय? ए मरनु, तारु टच काहा रयु?” (Hadēs 986) 56 मरनेन घाव पाप छे, ने पापेन ताकत कायदु छे। 57 बाकुन भगवान काजे तु बेसकु वारु छे करीन कहवो जो हामरे मालीक ईसु मसीन साहरे हामुक जीत जड़े। 58 हेरेसी ए मारा लाटेकला भायसे, काठा ने टणका रवु, ने मालीकेन काम मां जलम बड़ता जावु, काहाकी ज्य जाणु की तुंदरी महनोत मालीक मां फालतु नी हय।

16 हय हीना चंदान बारामां जे चुखला माणसे वाटे करलो छे, जसु हुकुम मे गलातीयान मंडळी काजे आपलु, असात तुहुं बी आपो 2 हापतान पेहले दाहड़े तुंदरे मां सी एक-एक जणा आपणी धके तेरे अनसारे थुडाक आपणे धड़े मेकी रवजु की मारे आवणे पर चंदु नी करनु पड़े। 3 ने जत्तार मे आवीस, ती तीनाक तुहुं चाहु हीनुक मे चिट्ठी आपीन मकली दीस की तुंदरो दान यरुसलेम मां पुगाड़ देसे। 4 कदी मारो बी जाणु जरुडी हयो ती चे मारे साते जासे। 5 मे मकीदुनीया हयन तुंदरे धड़े आवीस, काहाकी मेसे मकीदुनीया हयन जाणुत छे। 6 बाकुन अनुमान छे की तुंदरेन चांहान रय जाय ने सरदीन रीतु तुंदरेन चांहान नीकळो, तत्तार जीनु भीणी मारो जाणु हेरसी हेरे भीणी तुहुं मेसे पुगाड़ देजु। 7 काहाकी मे हय वाट मां तुंदरे सी मेळने नी चाहतु; बाकुन मेसे आस छे की कळी मालीक चाहे ती थुडीक टेमी लग तुंदरे साते रवीस। 8 बाकुन मे पेन्तेकुस्तेन लग ईफिसुस मां रवीस, 9 काहाकी मारे वाटे चां एक मटु ने काम मां आवणे वाळो बारनो उघल्लो छे ने वीरुदी बेसका छे। 10 कदी तीमुथीयुस आय जाय, ती देखजु की चु तुंदरेनचां चु नी बीहे रवसे; काहाकी चु मारेन तसु मालीकेन काम करे। 11 हेरेसी कुय हीनाक गलत घुण जाणु, बाकुन हीनाक सांती सी ईनी धड़े पुगाड़ देजु, की मारे धड़े आय जाय काहाकी मे हेरी वाट देख रयु की चु भायसे साते आवे। 12 भायस अपुल्लोस सी मे बेसकु लीलघायु ने कहयु की तुंदरे धड़े भायसे साते जाय; बाकुन हीयु हीनी टेमे जाणेन काय बी मरजी नी करयु, बाकुन जत्तार मुखु जडसे तत्तार आय जासे। 13 जागता रवु, भुरसु मां काठा रवु, हिम्मत राख्जु, ताकत वाळा बणु। 14 जो काय करु चो परम सी करु। 15 ए भायसे, तुहुं स्तीफनासेन घराणा काजे जाणु की चे अखायान पेहलो फळ छे, ने चुखला माणसेन चाकरी वाटे तीयार रवे असु लीलघायो। 16 हेरेसी मे तुंदरे सी लीलघायु करो की असात हक मां रवु, बाकुन एक-एक जणान जे हीना काम मां मेहनत ने साजल्ल्या छे। 17 मे स्तीफनास ने फुरतुनास ने अखयकुसेन आवणे सी बेसकु खुसी हय रयु, काहाकी जे तुंदरी कमी काजे पुरा कर्या। 18 चे मारी ने तुंदरी आत्मा काजे सांती आप देदा, हेरेसी असा काजे मानु। 19

आसीयान मंडळी भीणी सी तुहुं काजे आवजु ने आवीस कहवो; अक्वीला ने परीस्कीला ने हींदरे घरेन मंडळी काजे बी तुहुंक मालीक मां बेसका-बेसका कावा आवजु ने आवीस कहवो 20 आखा भायसे काजे तुहुंक आवजु ने आवीस। चुखला गुळा दीन आंबा-सांबा आवजु ने आवीस कहवो। 21 मे पोलुस काजे आपणे हात काजे लिखलो छे, आवजु ने आवीस। 22 कदी कुय मालीक सी परम नी राखे ती चु सराप वाळु छे। ए हामरा मालीक आव। 23 मालीक ईसुन गीण-दया तुंदरे पर हवती रवे। 24 मारु परम ईसु मसी मां तुंदरे आखा साते रवतु रवे।

2 कुरींथी

1 ए कुरींथीस सहर मां रहणया भगवानेन मंडळीन माणसे, मे पोल्स, ईसु मसी पर भुरसु करनया भाय भेदा तीमथीयुस क भेळे जी चिट्ठी तुहुंक लिखो। भगवान आपसी मरजीन अनसारे, मेसेक नेवाडीन ईसु मसीन नेवताळु बणावलु छे। जी चिट्ठी अखाया जीला मां आखे दुर रहणया भगवानेन आखा चुखला माणसे वाटे बी लिखलु छे, जे ईसु मसी काजे माने। 2 आपणा भगवान बासेन ने मालीक ईसु मसीन गीण-दया ने सुक सांती तुहुं आखा काजे जडती रहणु चाहजे। 3 आपणा मालीक ईसु मसीन भगवान, ने बासेन तु बेसकु वारु छे करीन कहो, जु दयान बास, ने आखी भातीन मां सांतीन भगवान छे। 4 जु हामरे आखी आफोत मां सांती आपे, काहाकी हामु हीनी सांतीन वजे सी जु भगवान हामुक आपे, हीनुक बी सांती आप सके, काहाकी जे आखी आफोत मां पड़ र्या। 5 काहाकी जसा मसीन दुखे मां हामु जादास साजलया हवजे, असात हामु सांती मां बी मसीन साहरे जादास साजलया रवजे। 6 कदी हामु दुख झेलजे, ती जी तींद्री सांती ने छुटकारा वाटे छे, ने कदी सांती जडे, जे तुंद्री सांती वाटे छे; जेरे ताकत सी तुहुं सेण करता जायन हीनु दुखे काजे सेण कर लेय, जीनुक हामु बी सेण करजे। 7 ने हामरी आस तुंदरे बारामां काठी छे, काहाकी हामु जाणजे, की तुहुं जसा हामरा दुखे मां साजलया छे असात सांती मां बी साजलया छे। 8 ए भायसे, हामु नी चाहता की तुहुं हामरे पर आवला हीना दुख सी अनजाणया रवु। ज्य आसीया जीलाम हामरे उपर बेसकी आफोत आय पल्ली, ने ची वेला सेण नी हवे हामरी ताकत सी बाहार हतली अतरी जबर हतली की हामु जीवन सी बी मरने-मरने हय गुयला। 9 बाकुन हामु हामरा मन मां समजी लेदला, छे की हामरे पर मुतेन डंड जडीत गुय। की हामु आपणे पर भुरसु नी राखजे, बाकुन भगवान पर भुरसु राखजे। जु मरलाम सी जीवाड़े। 10 हव जुत भगवान हामुक मुनेम सी बचाड्यु, ने अगु बी मुतेम सी बचाडसे, ने हामरी जी आस छे की चु अगु बी बचाडतु रवसे। 11 तुहुं बी मेळीन दुवान साहरे हामरी मदत करसु, की जु भगवानेन वाटु बेसका माणसेन साहरे हामुक जड़लो छे, हेरे वजे बेसका माणसे हामरे भीणी सी तु बेसकु वारु छे कवे। 12 काहाकी हामु आपणा मन हीनी गवाय पर मटाय करजे, की कळी मां ने खास करीन तुंदरे ईचमां हामरु एहवार भगवान वाटे असो चुखलो ने छाचाय साते हतलु, जे डीलेन अक्कल सी नी, बाकुन भगवानेन गीण-दया साते हतला। 13 हामु तुहुंक काय नी लिखजे, सीरप ज तुहुं भणु ने मानु बी, ने मेसे आस छे, की आकरी लग बी मान्ता रवसु। 14 जसा तुंदरे मां सी कतरा मानी लेदला छे, की हामु तुंदरे मटायन वजे छे; असात तुहुं बी मालीक ईसुन दाहडे हामरे वाटे मटायन वजे ठेरसु। 15 ने हीना भुरसा सी मे चाहतेलु की पेहेल तुंदरे थडे आवो, की तुहुंक दुय कावा संयबरकत जड़नु चाहजे। 16

ने तुंदरेन्चां मायन मकीदुनीया हयन जायस, ने अळतेन पळु मकीदुनीया सी हयन तुंदरेन्चां आवीस ने तुहुं मेसेक यहदीया जीला भीणी थुडीक वार लग पुगाड देजु। 17 हेरेसी मे जी मरजी करलु हतलु ती काय मे हींउणे फीरने वाळु देखाड्यु काय? नीते ज करने चाह काय डीलेन अनसारे करने चाह, की मे वात मां “हव, हव” बी कहं; ने “नी, नी” बी कहं? 18 भगवान भुरसा वाळु गवा छे, की हामरे हीना बुल मां ज तुंदरे सी कह्यु “हव” ने “नी” दुयु नी जडे। 19 काहाकी भगवानेन पुर्यु ईसु मसी जेरो हामरे साहरे मतलब मारे ने सीलवानुस ने तीमथीयुसेन साहरे तुंदरे ईचमां मे परचार हयु; तेरेमां “हव” ने “नी” दुयु नी हतला; बाकुन, हेरे मां “हव” की “हव” हवे। 20 काहाकी भगवानेन वायदा छे, चे आखा हेरेमां “हव” हयन साते छे हेरे सी हेरे साहरे असोत बी हवतो रवे बी हवे, की हामरे साहरे भगवानेन सेक-सींगार हवे। 21 ने ज हामु तुंदरे साते मसी मां काठा करे, ने जु हामुक नेवाड्लु छे जु भगवान छे 22 जु हामरे पर छाप बी कर देदु, ने बचाडने मां आत्मा काजे हामरे मनेम आप्यु। 23 मे भगवान काजे आपणी आत्मा सी गवा करीन कहं, की मे हय लग कुरींथीस मां हेरेसी नी आयु, की मेसे तुंदरे पर दया आवतेली 24 ज नी, की हामु भुरसान बारामां तुंदरे पर राज करीन हक जमाडने हींउजे; बाकुन तुंदरे खुसी मां साजेदारी छे काहाकी तुहुं भुरसात मां पाक्का छे।

2 हेरेसी मे मारा मन मां नक्खी कर लेदलु छे की, मे तुहुंक लडीन वेला पाडने करीन अळी पळु तुंदरेन्चां हय नी आवो। 2 काहाकी कदी मे तुहुंक नीरास करो, ती मेसेक खुसी आपणे वाळु कुण रवसे, सीरप चु तीनाक मे नीरास कर्यु। 3 ने मे जी वात तुहुं काजे हेरेसी लिख र्यु, की काही असो नी हवे, की मारा आवणे पर हींदरे सी मेसे खुसी जड़नु चाहजे, मे हींदरे सी नीरास हय जाम; काहाकी मेसे आखा काजे हीनी वातेन भुरसु छे, की जु मारी खुसी छे, ची तुंदरे आखा मां बी छे। 4 मटी आफोत, ने मनेन थकान सी मे बेसकु आसळा पाडी पाडीन तुहुंक लिखलो हतलो हेरेसी नी, की तुहुं नीरास हवु, बाकुन हेरेसी की तुहुं हीना मटला परम काजे जाणी लेवु, ज मेसे तुंदरे सी छे। 5 ने जु बी पाप करीन मेसेक वेला पाड्लु छे, जु मेसेक अतरात वेला नी पाड्यु, बाकुन एक कहींयाम तुहुं आखाक वेला पाल्ला छे। तेबी हय मे ईनी वात काजे लीन तुहुंक जादा वेला पाडने नी हय र्या। 6 काहाकी पाप करला काजे तुंदरे मायन बेसका जणा मेळीन डंड आप्या। अतरोत घणो। हय ते चु सुदरी गुयु। 7 हेरेसी ज्य वारु छे की हेरा गुना काजे माफ करु; ने सांती आपु, असा नी हवे की असा माणसे बेसका नीरास मां डुबी जाय। 8 हेरे वजे सी मे तुंदरे सी लीलघायो, की हीना काजे आपणा परमेन सबुत आप देवु। 9 काहाकी मे हेरेसी बी लिखलु, की तुहुंक पारखी लम की तुहुं मारी आखी वाते काजे मान्ने वाटे तीयार हवु, की नी। 10 जेरो तुहुं काय माफ करता रवु हीनाक मे बी माफ करीस, काहाकी मे बी जो काय माफ कर्यु, कदी

कर्या ती, तुंद्रे वजे सी मसीन जागा मां हयन माफ कर्या। 11 की भुतडान दाबु हामरे पर नी चाले, काहाकी हामु हेरी सुच सी अनजाणया नी हय। 12 जतयार मे ईसु मसीन खुस-खबर सामळावणे करीन तरोआस मां आयु, ने मालीक मारे वाटे एक बारनो उगाड देदु। 13 ती मारा मन मां सांती नी जडे, हेरेसी की मे आपणा भायस तीतुस काजे नी हेर्यु; हेरेसी हींद्रे सी आवजु ने आवसी करीन मे मकीदुनीया जीला मां जात र्यु। 14 बाकुन भगवान काजे तु बेसकु वारु छे करीन कहवो, जु मसी मां जलम हामुक जीतेन खुसी मां लीन फीरे, ने आपणे अकलेन खुसबु हामरे साहरे आखी दुर फेलावे। 15 काहाकी हामु भगवान धडे छुटकारु जड़ने वाळा, ने खततम हवणे वाळा, दुयु वाटे मसीन खुसबु छे। 16 कतरा वाटे ते मरनेन वजे मरनेन गन्द, ने कतरा वाटे जीवनेन वजे खुसबु, वारु ईनी वातेन लायक कुण छे? 17 काहाकी हामु हीनु बेसकान तसा नी, जे भगवानेन बुल मां भेसकु करे; बाकुन मनेन छाचाय सी, ने भगवान भीणी सी भगवान काजे मारे साते छे करीन जाणीन ईसु मसी मां बुलो।

3 काय हामु अळी पछा आपणी मटाय करने लागजे काय? नीते हामु काजे दीसरा माणसेन तसा दुवा कर्या की चिट्ठीया तुंद्रे धडे लावणु नीते तुंद्रे सी लेणु छे? 2 हामरी चिट्ठी तुहुंत छे, जी हामरे मन मां लिखली छे, ने हीनी चिट्ठी काजे आखा माणसे उळखे ने भणे। 3 ज देखाय, की तुहुं ईसु मसीन चिट्ठी छे, तीनाक हामु चाकर्यान तसा लिखजे; ने जे लिखणेन सांय सी नी, बाकुन जीवतेला भगवानेन आत्मा सी दगडान पट्या पर नी, बाकुन मनेन मास पट्या पर लिखली छे। 4 हामु मसीन साहरे भगवान पर असात भुरसु राखजे। 5 ज नी, की हामु आपणे आप सी ईना लायक छे, की आपणे भीणी सी काहालीक वात काजे सुची समजी सकजे; बाकुन हामरी काबील भगवान भीणी सी छे। 6 चु हामु काजे नवला लिखला वायदान चाकर्या हवणे वाटे बी कर्या, बुलेन चाकर्या नी बाकुन आत्मान; काहाकी बुल मारे, बाकुन आत्मा जीवाड़े। 7 कदी मरनेन वायदु जेरा आकसर दगडा पर खुदी देदला, जां लग झजळन्या ताकत सी भरायला, मुसान मुंहडा परुन उजाळान वजे जो कम बी हवतो, जातलो ईस्रायेल हेरा मुंहडा पर नीगा नी कर सकतेला। 8 ती आत्मान वायदा अळी बी झजळन्या ताकत सी भरायला काहानी हवे? 9 काहाकी जतयार गुनाळु ठेरावणे वाळु वायदु ताकत सी भरायला हतली, ती धरमी ठेरावणे वाळु वायदु ने बी झजळन्या ताकत सी भरायला काहा नी हवे? 10 ने जे झजळन्या सी भरायला हतलु, चु बी हीना उजाळान वजे जे हेरेसी बड़िन वीजाळो हतला, काय बी झजळन्या सी भरायला नी ठेहर्या। 11 काहाकी जतयार चु जे कम हवतो जातलो, ती हयु जु काठु रवसे, ने अळी बी झजळन्या काहानी रवे? 12 हेरेसी असी आस राखीन हामु हिम्मतने साते बुलजे। 13 ने मुसान तसा नी, जेरे आपणा मुंहडा पर पड़दु नाखतेला काहाकी ईस्रायली हीनी कम हवणे वाळा

उजाळान आकरी काजे नी देखे। 14 बाकुन चे डेड-अकल्या हय गुया, काहाकी आज लग जुनडला कायदान नेम भणते टेम हींद्रे मन पर चु पड़दु पडी रवलु; बाकुन चु ईसु मसी मां उठी जाय। 15 आज लग जतयार कदी मुसान किताप भणजे, ती हींद्रे मन पर पड़दु पडी रहे। 16 बाकुन जतयार कदी हींद्रा मन मालीक भीणी सी फीरसे, ततयार चु पड़दु उठी जासे। 17 मालीक ते आत्मा छे, “जांहा मालीक” छे चां छुटकारु छे। 18 बाकुन जतयार हामु आत्मान उगाडला सीका सी मालीकेन उजाळो एरेन तसों देखाव पड़े, जसों आरसया मां, ते मालीकेन साहरे जी आत्मा छे, हामु तीनीत सेक-सींगार सी भरायला सीका मां थुडा-थुडा करीन बदलता जाय रया।

4 हेरेसी जतयार हामरे पर असी दया हवी, की हामु जी चाकरी जड़ी, ती हामुक हिम्मत नी हारजे। 2 बाकुन हामुक सरम आवे असला सातायला काम काजे छुड़ देदा, ने नी चतराय सी चालजे, ने नी भगवानेन बुल मां भेसकु करजे, बाकुन छाचाय काजे उजेंतो करीन, भगवान अगळ हरेक माणसेन मन मां आपणी भलाय देखाडजे। 3 बाकुन कदी हामरे खुस-खबर पर पड़दु पड़लु छे, ती जी खततम हवणे वाळा वाटे पड़ला छे। 4 ने तीनु पर जे भुरसु नी करे हींद्रे वाटे, तींद्री अककल काजे ईनी कळीन देव आंदळा कर देदला छे, काहाकी मसी जु भगवानेन तसु सीकु छे, हेरे झजळन्या खुस-खबरेन उजाळो हींद्रे पर नी भबळे। (aiōn g165) 5 काहाकी हामु आपणे आप काजे नी, बाकुन मसी ईसु काजे परचार करजे, की चु मालीक छे; ने आपणा बारामां असो कहें, की हामु ईसुन वजे सी तुंद्रा पावर्या छे। 6 हेरेसी की, भगवानुत छे, जु कह्यु, “आंदारलान सी वीजाळो, भबळे ने चु हामरे मन मां भबळे की भगवानेन सेक-सींगारेन उळखाण वीजाळो ईसु मसीन सीका सी भबळे।” 7 बाकुन हामरे धडे चो धन थुळान ठाहरा मां मेकलो छे, की जी कदी नी खततम हवणे वाळी ताकत हामरे भीणी सी नी, बाकुन भगवान भीणी सी ठेरे। 8 हामरे चारे मेर सी दुख ते भुकतजे, बाकुन पीडा मां नी पड़जे; घांगवायला ते छे, बाकुन नीरास नी हवजे। 9 माणसे एला ते पाड़े बाकुन भगवान हामुक नी छुड़े, माणसे हामुक पाड़े, बाकुन खततम नी करे। 10 हामु ईसुन मरण काजे आपणा डील मां हर घडी लीन फीरजे; की ईसुन जीवन बी हामरा डील मां उजेंतो हवे। 11 काहाकी हामु जीवते जीव जलम ईसुन वजे सी मुतेन हात मां सुपायजे, की ईसुन जीवन बी हामरे मरला डील मां उजेंतो हवे। 12 हेरेसी मुत ते हामरे पर ताकत लावे ने जीवन तुंद्रे पर। 13 हेरेसी की हामरे मां चीत भुरसान आत्मा छे, “जेरे बारामां लिखलो छे, मे भुरसु कर्यु।” हेरेसी कह्यु अळतेन हामु बी भुरसु करजे, तेरेसी बुलजे। 14 काहाकी हामु जाणजे, की जु मालीक ईसु काजे मरलाम सी जीवाड़े, चु हामुक बी ईसु मां साजलयु जाणीन जीवाड़ेसे, ने तुंद्रे साते आपणे अगळ उबा करसे। 15 काहाकी आखी चीजे तुंद्रे वाटे छे, काहाकी गीण-दयान साहरे अदुस

हयन भगवानेन सेक-सींगार वाटे तु बेसकु वारु छे करीन बी बड़ावे। 16 हेरेसी हामु हिममत नी, हारजे कदी हामरा बाहरलो माणसेन सीकु खत्तम हय जासे तेबी हामरो मारीन माणसेन सीकु दाहड़न-दाहड़न नवलु हवतु जाय। 17 काहाकी हामरु थुड़ाक दाहड़न हळकु दुख हामरे वाटे बेसका खास ने जलमेन सेक-सींगार देवाड़े। (aiōnios g166) 18 ने हामु ते देखली चीज काजे नी बाकुन नी देखाय असली चीज काजे देखता रवजे काहाकी देखली चीज, थुड़ाक दाहड़न छे, बाकुन नी देखली चीज जलम बणीन रवसे। (aiōnios g166)

5 काहाकी हामु जाणजे की जत्तार हामरो धरती परून तसलो घर उदार देसे, ती हामुक भगवान भीणी सी सरगे पर एक असु बंगलु जड़से, जो हाते सी बन्नलो घर नी बाकुन जलम लग बन्नलो रवसे। (aiōnios g166) 2 हेरेमां ते हामु तरसजे ने मटी लालुच राखजे; की आपणा सरगेन घर काजे पेहेरी लेजे। 3 की हीना काजे पेहरने सी हामु नांगरला नी जड़े। 4 ने हामु हीना तमबु मां रवता जायन बुज सी दबला कवता रवजे काहाकी हामु उतारने नी, बाकुन अळी पेहरने चाहजे, काहाकी चु जो मरणहार छे जीवन मां डुब जाय। 5 जु हामुक हीनीत वात वाटे तीयार करला छे, ने चु भगवान छे, चु आपणुक सांय लीन जीव-आत्मा आप देदु, 6 अळतेन हामु जलम हिममत धरीन रवजे ने ज्य जाणजे; की जत्तार लग हामु डील मां रवजे, तत्तार लग मालीक सी छेटा छे। 7 काहाकी हामु सीका काजे देखीन नी, बाकुन भुरसा सी चालजे। 8 हेरेसी हामु हिममत राखीन रवजे, ने डील सी छेटा हयन मालीक साते रवणु अळी बी वारु समजे। 9 हेरे वजे सी हामरे मनेन खुसी जी छे, की चाहे साते रवे, चाहे छेटा-छेटा रवे बाकुन हामु हीनाक बी जादा वारु गमे। 10 काहाकी जरुड़ी छे, की हामु आखान हामु मसीन नीयाव बास अगळ खुली जाय, की आखा एक अदमी आपणे-आपणे वारु भुंदा कामेन बदलु जु हीयु डीलेन साहरे करला छे जड़े। 11 हेरेसी मालीकेन थाक मानीन हामु माणसे काजे समजाड़जे बाकुन भगवान पर हामरु हाल उजेंतु छे; ने मारी आस जी छे, की तुंद्रो मन पर बी उजेंतो हय गुयला छे। 12 हामु तेबी आपणी बड़ाय तुंद्रे अगळ नी करजे बाकुन हामु आपणे बारामां तुहुंक मटाय करनेन मुखु देजे, की तुहुं हीनुक जपाप आप सकु, जे मन पर नी, बाकुन मे कसुक करीन देखाड़ने वाळी वात पर सी मटाय करजे। 13 कदी हामु बेहुस छे, ती भगवान वाटे; ने कदी समजी गुयला छे, ती तुंद्रे वाटे छे। 14 काहाकी मसीन परम हामुक लाचार कर देय; हेरेसी की हामु ज्य समज्जे, की जत्तार एक आखा वाटे मर गुयु ती आखा मर गुया। 15 ने चु हीनी वजे सी आखा वाटे मर्यु, की जे जीवतेला छे, चे अगा जायन आपणे वाटे नी जीवे बाकुन हेरे वाटे जे हींद्रे वाटे मर्या ने पछा मरलाम सी जीवता हय गुया। 16 अळतेन हय सी हामु काहालाक काजे बी डीलेन अनसारे नी समजणु, चाहजे कदी हामु मसी काजे बी डीलेन अनसारे जाणु हतलो, तेबी हय सी

हीनाक असा नी जाणजे। 17 हेरेसी कदी कुय ईसु मसी मां छे ती चु नवलु बननलु छे; जुनडली वात जाती रय; देखु, आखी वात नवली हय गुय। 18 चे आखी वात भगवान भीणी सी छे तीनाक मसीन साहरे आपणे साते हामरो हेळ-मेळ कर लेदा ने हेळ-मेळ कराड़नेन चाकरी हामुक सुप देदु। 19 मतलब भगवान ईसु मसी मां हयन आपणे साते कळीन हेळ-मेळ कर देदा, ने हींद्रे पापेन गुनु हींद्रे पर नी लागाड़्या ने हीयु हेळ-मेळन बुल हामुक सुप देदु। 20 हेरेसी हामु मसीन आवजी पर काम करन्या छे; मानु भगवान हामरे साहरे समजाड़ी र्यु: हामु मसी भीणी सी लीलघायजे की भगवान साते हेळ-मेळ कर लेदा। 21 जे पाप सी अनजाण्या हतला, हीनुत काजे हयु हामरे वाटे पाप ठेहरायु, की हामु हींद्रे मां सी हयन भगवानेन धरमी बणी जाजे।

6 हामु जे भगवानेन साजलया हयन ज्य बी समजाड़जे, की भगवानेन गीण-दया जे तुंद्रे पर हया, फालतु नी जाणे देजे। 2 काहाकी चु ते कहवे, “आपणी खुसीन टेम मे तारी सामळीस, ने छुटकारान दाहड़ु मे तारी, मदत कर्यु।” देखु; हय खुस हवणेन टेम छे; देखु, हय छुटकारान दाहड़ु छे। 3 हामु काहाली बी वात मां ठुकुर खाणेन काय बी जागु नी देजे, काहाकी हामरी चाकरी पर कुय गुनु नी आयु। 4 बाकुन आखी वात सी भगवानेन चाकर्यान तसा आपणे वारलु गुणे काजे उजेंता करजे मटा गमे सी दुखे सी, गरीबी सी, पीड़ा, सी। 5 सपाटान मार खाणे सी, जेल मां बुजायणे हवणे सी माणसेन कचाटा सी काठी मेहनत सी जागला रवणे सी उपास करने सी। 6 चुखला सी, अक्कल सी, गम धरने सी, दया वाळा सी, चुखली-आत्मा ने छाचला परम सी। 7 छाचला रयन ईसुन खरला बुले सी, भगवानेन ताकत सी; धरमेन हत्तार सी, जे जेवड़े ने डाखर्ये हात मां छे, 8 हामरी ईज्जत करे तेबी, ने ईज्जत नी करे तेबी, हामरी नाव-बददी करे, तेबी, हामु नाव साद्या हवजे तेबी भगवानेन सेवा करने तीयार छे। भले हामु दीसराक ठगण्या तसा लागजे तेबी छाचाय काजे उजेंता करजे। 9 हामु ईसुन नेवताळा छे जी वात जे नी समजे तींद्रे अगळ हामु अनजाणयान तसा छे; तेबी जे हामुक समजे तींद्रे अगळ हामु नाव सादीन छे; माणसे हामुक मारीन नाखणे हय र्या, बाकुन तेबी देखु हय लग जीवता छे; हामु दीसरा माणसेन साहरे डंड भुक्ती र्या बाकुन तेबी हामु नी मरजे। 10 दुख करने वाळान तसा छे, बाकुन जलम खुसी करे, गरीबी तसा छे, बाकुन बेसका काजे पयस्या वाळा बणाय देय, असा छे जसा हामरे धड़े काय नी तेबी आखो काय राखजे। 11 ए कुरीथीयो, हामु खुलाम खुलला वात कर्या, हामरो मन तुंद्रे भीणी उगाड़लो छे। 12 तुंद्रे वाटे हामरा मन मां काय खेचा ताण नी हय, बाकुन तुंदरेत मन मां खेचा ताण छे। 13 बाकुन आपणा पुर्या जाणीन तुंद्रे सी कहो, की तुहुं बी हेरे बदला मां आपणा मन काजे उगाड़ देवु। 14 भुरसु नी करे, हींद्रे साते तुंद्रे जुडो नी लागे। हेरेसी हींद्रे भेळा मां साजलया बणु, काहाकी धरम ने पाप मेळ खाय

काय? नीते उजाळो ने आंदारलान काय मेळ? 15 ईसु मसी भुतडा साते दुस्ती करे काय? नीते भुरसु करन्या ने नी भुरसु करन्या सी काय नातो? 16 ने मुरत्या साते भगवानेन मंदीरेन काय नातो? काहाकी हामु ते जीवतेला भगवानेन मंदीर छे; जसु भगवान कह्यु मे हींदरे मां बसीस ने हींदरे मां चालीस फीरीस; ने मे हींदरु भगवान हवीस, ने चे मारा माणसे रवसे। 17 हेरेसी मालीक कवे, हींदरे ईचमां सी नीकळु ने आंग्ये रहु; ने वीटाळ देय असली, चीज काजे मां थरु, ती मे तुहुंक अगु करीस। 18 ने मे तुंदरु बास रवीस, ने तुहुं मारा पुर्या ने पुरे रवसु, जी आखा सी ताकतवाळु मालीक भगवानेन बुल छे।

7 अळतेन ए लाटेकलु भायसे जतयार की जु वायदु हामुक जडलु छे, ती आवु, हामु आपणे आप काजे डील ने आत्मान आखा पापे सी चुखला करे, ने भगवान काजे बीहता जायन चुखला काजे पुरो करु। 2 हामुक आपणा मन मां जागा आपु; हामु ते तुंदरे मायन काहालान बी हामु बयमानी नी कर्या ने काहालाक काजे बीगाड्या, नी काहनाक काजे नी ठग्या 3 ने तुहुं गुना वाळा ठेराइने वाटे ज नी कवतु काहाकी मे पेहेल सी कय देदलु छे, की तुहुं हामरे मन मां असा बसी गुया की हामु तुंदरे साते मरणे जीवणे वाटे बी तीयार छे। 4 मे तुंदरे सी बेसकु हिममतेन साते कय रयु, मेसे तुंदरे पर मटुत घमत छे; मे सांती भराय गुयु; आपणा आखा दुख मां सी ने मे बेसकु कायनी खुस छे। 5 काहाकी जतयार हामु मकीदुनीया मां आया, ततयार बी हामरा डील काजे आराम नी जड्यो, बाकुन हामुक चारे मेर सी दुख जडतेला; बाहार झगडा हतला, माहें बीहणे वाळी वात हतली। 6 तेबी हीनु काजे सांती आपणे वाळु भगवान तीतुसेन आवणे सी हामु काजे सांती आप्यु। 7 ने हेरे आवणे सी अतरुत नी, बाकुन हीनी सांती सी बी, जे हेरो तुंदरे भीणी सी जडली हतली; हयु तुंदरी लालच सी, ने तुंदरो दुख ने मारे वाटे तुंदरी धुन काजे खबर हामुक सामळावे, जेरे सी मेसेक अळी बी खुसी हवे। 8 काहाकी कदी मे आपणी चिट्ठी सी तुहुंक दुखी कर्यु, बाकुन हेरेसी पसतावु नी करतु जसों की पेहेल पसतावु हतलु काहाकी मे देखो की हीनी चिट्ठी सी तुहुं काजे दुख ते हयु। बाकुन च थुडीक वार वाटे हतलो। 9 हय ने खुसी हयु बाकुन हेरेसी नी की तुहुं काजे आफोत आय बाकुन हेरेसी की तुहुं हीना आफोतेन वजे सी मन फीराया, काहाकी तुंदरो आफोत भगवानेन मरजीन अनसारे हतलो, ती हामरे भीणी सी तुहुंक काहनी वात मां नुकसाण नी हवे 10 काहाकी भगवान भक्तीन आफोत असा पसतावु पयदा करे; की जेरो सबुत छुटकारु छे। ने अळतेन हीनाक पसतावु नी हवे! बाकुन कळीन डीलेन दुख मुत काजे पयदा करे। 11 अळतेन देखु, ईनी वात सी की तुहुं भगवानेन भक्तीन आफोत हया; तुंदरे मां कतरो खुसीन, जपाप, ए रीस, बीहणु, ने लालच, ने धुन ने डंड आपणेन वीच्यार पयदा हवे? तुहुं आखी भाती सी ज चुखो करीन देखाड्या, की तुहुं हीनी वात मां नी-गुना वाळा छे। 12 जी चिट्ठी जु पाप कर्यु तेरे वाटे नी

लिख्यु ने जु बयमानी कर्यु तेरे वाटे बी नी लिख्यु, बाकुन तुंदरे वाटे एरेन करीन लिख्यु की तुंदरी खुसी जी हामरे वाटे छे, ची हवस भगवान अगळ उजेंती हय जाय। 13 हेरेसी हामुक सांती जडे। हामरी सांती साते तीतुसेन खुसीन वजे सी अळी बी खुसी हवे, काहाकी हेरा जीव तुहुं आखान वजे सी खुसी मां गद-गद हय गुया! 14 काहाकी कदी मे हेरे अगळ तुंदरे बारामां काय मटाय देखाड्यु, ती लाजवाये नी, बाकुन जसा हामु तुंदरे सी आखी वात छाचली कय देदला, असात हामरी मटाय देखाय तीतुस अगळ बी छाचली नीकळी। 15 जतयार हेरो तुहुं आखान हुकुम मान्या हवणेन हेर आवे, की कसा तुहुं बीहता जायन ने घाबरायता जायन ने भेट कर्या; ती हेरा परम अळी बी बडतो जाय। 16 मे खुसी मां छे, काहाकी मेसेक तुंदरे भीणी सी वात मां पुरु भुरसु छे।

8 हय ए भायसे, हामु तुहुंक भगवानेन हीना गीण-दयान खबर आपजे, जे मकीदुनीयान मंडळी पर हयो। 2 की दुखेन मटली पारख मां हींदरे मटला खुसी ने मटी गरीबी मां हींदरे खुला मन सी बेसकी अदी गुय। 3 हींदरे बारामां मारी जी गवाय छे, की हीनुक आपणी ताकत भरीन बाकुन ताकत सी बी बाहार मन सी आप देदा। 4 ने हीना दान मां ने चुखला माणसेन चाकरी मां साजलया हवणेन गीण-दयान बारामां हामरे सी पछात-पछात बेसका लीलघाया। 5 ने जसा हामु ने आस करला हतला, असात नी, बाकुन चे मालीक काजे, अळतेन भगवानेन मरजी सी हामु काजे बी आपणे आप काजे आप देदा। 6 हेरेसी हामु तीतुस काजे समजाड्या, की जसों हयु पेहेल सुरु करलु हतलु, असात तुंदरे ईचमां हीनी दानेन काम काजे पुरो बी करला। 7 हेरेसी जसा तुहुं आखी वात मां मतलब भुरसु, बुल, अककल ने आखी भातीन खुसी मां, ने हीना परम मां, जे हामरे सी राखे, अदता जावु, असात हीना दानेन काम मां बी अदता जावु। 8 मे हुकुमेन रीत पर ते नी, बाकुन दीसरान खुसी सी तुंदरे परमेन छाचाय काजे पारखणे वाटे कहो। 9 तुहुं हामरा मालीक ईसु मसीन गीण-दया काजे जाणु, की चु पयस्या वाळु हयन बी तुंदरे वाटे खाली हय गुयु काहाकी हेरे खाली हय जाणे सी तुहुं पयस्या वाळा हय जावु। 10 ने हीनी वात मां मारु वीच्यार जु छे। ज्य तुंदरे वाटे वारलु छे जे एक साल सी नी ते सीरप हीना काम काजे करनेत मां, बाकुन हीनी वातेन चाहावणे मां बी पेहेल हतला। 11 हेरेसी हय ज्य काम पुरो करु; की जसी मरजी करने मां तुहुं तीयार हतला, असात आपणी-आपणी कमायन अनसारे पुरा बी करु। 12 काहाकी कदी मनेन तीयारी हय जाय ती दान हेरे अनसारे अगा बी हवे जे हेरे थडे छे असो नी की हेरे अनसारे जो तेरे थडे नी हय। 13 ज्य नी की दीसरा काजे सांती ने तुहुं काजे दुख जडे। 14 बाकुन बराबरेन वीच्यार सी ईनी टेमे तुंदरी बडती ने तुंदरी कमी मां काम आवे, काहाकी तुंदरी अदती बी ने तुंदरी कमी मां काम आवे, की बराबर हय जाय। 15 जसों लिखलो छे, “जु बेसका भेळा कर्यु हेरा काम अदुस नी

नीकळ्या ने जे थुडाक भेळा करयु तेरो कम नी नीकळ्यो।” 16 भगवान काजे तु बेसकु वारु छे करीन कहवो, जु तुंद्रे वाटे जीत खुसी तीतुसेन मन मां भर देदु। 17 की हयु हामरो समजाइनु मान लेदु ने बेसकु खुसी हयन चु आपणी मरजी सी तुंद्रे धडे गुयु। 18 हामु हेरे धडे हीना भायस काजे बी मकेल्ला जेरो नाव खुस-खबरेन बारामां आखी मंडळी मां फेलाय देदा; 19 ने अतरात नी, बाकुन चु मंडळीन साहरे ठेराया बी गुया की हीना दानेन काम वाटे हामरे भेळा जाय हामु जी चाकरी हेरेसी करजे, की मालीकेन सेक-सींगार ने हामरे मनेन तीयारी देखाव पड़ जाय। 20 हामु हीनी वात मां चेतीन रवु, की हीनी खुला मन सी कामेन बारामां तींद्री चाकरी हामु करजे, कुय बी हामरे पर गुना नी लागाइनु चाहजे। 21 काहाकी जी वात मालीक धडे अतरोत नी, बाकुन माणसेन धडे बी वारु छे हामु हींद्री फीकुर करजे। 22 हामु हेरे भेळा आपणा भायस काजे बी मकेल्ला छे, तीना काजे हामु अळी अळीन पारख्या, बेसकी वात मां खुसी हवला देख्या; बाकुन हय तुंद्रे पर हेरु मटलु भुरसु छे, हीनी वजे सी चु अळी बी जादास खुसी छे। 23 कदी कुय तीतुसेन बारामां पुछे, ती चु मारु साती, ने तुंद्रे वाटे मारु साजलयु छे। ने कदी हामरा भायसेन बारामां पुछे ती चे मंडळीन नेवताळा ने मसीन सेक-सींगार छे। 24 अळतेन आपणा परम ने हामरु चु मटाय जे तुंद्रे बारामां छे मंडळी अगळ पुरो करीन हीनुक देखाडे।

9 हय तीनी चाकरीन बारामां जे चुखला माणसे वाटे कर र्या, मेसे तुहुं काजे लिखणु जरुडी नी हय। 2 काहाकी मे तुंद्रे मनेन तीयारी काजे जाणो, जेरे वजे सी मे तुंद्रे बारामां मकीदुनीयाम रवण्यान अगळ मटाय देखाडो, की अखायान माणसे एक साल सी तीयार हवला छे, ने तुंद्री खुसी बेसका काजे उभाऱ्या बी। 3 बाकुन मे भायसे काजे हेरेसी मकेल्लु छे, की हामु जे मटाय तुंद्रे बारामां देखाडजे, चु ईनी वात मां फालतु नी ठेहरे; बाकुन जसों की मे कहं; असात तुहुं बी तीयार रहु 4 असो नी हवे, की कदी कुय मकीदुनीया वाळा मारे धडे आया, ने तुहुं तीयार नी रवु, की हय सके की हीना भुरसान वजे सी हामु ज नी कवता की तुहुंक सरमायु! 5 हेरेसी मे भायसे सी जी लीलघायान करनु जरुडी समजी गुयु की जे पेहेल सी तुंद्रे धडे आया, ने तुंद्रा खुल्ला मन सी फळ तींद्रे बारामां पेहलुत सी बुल आपला हतला, तीयार करीन राखु, की ज दबाव सी नी बाकुन खुले मनेन फळने तसा तीयार रवु। 6 बाकुन वात जी छे, जे ईतरोक वेरे चु ईतरोक काटे बी, ने जे बेसको वेरे, चु बेसको काटसे। 7 आखा माणुस जसों मन मां ठाणी लेय असोत दान करे; नी कुड़-कुड़ सी, ने नी दबाव सी, काहाकी भगवान खुसी सी आपणे वाळा सी परम राखे। 8 भगवान आखी भातीन गीण-दया सी बेसकु बड़िन आप सके जेरे सी आखी वात मां ने आखी टेमे, आखो काय, जो तुहुंक जरुडी रवे, तुंद्रे धडे रवे, आखो वारु काम वाटे तुंद्रे धडे हवे। 9 जसों लिखलो छे, “हयु आरवी देदु, ने खाली काजे दान आप्यु, हेरो

धरम जलम बणीन रवसे।” (aiōn g165) 10 अळतेन जे एरने वाळा काजे बीज, ने खाणे वाटे रुटा आपे, चु तुहुंक बीज आपसे ने हीनाक फळ वाळु करसे; ने तुंद्रे धरमेन फळे काजे बड़ावसे। 11 तुहुं आखी वात मां आखी भातीन खुला वाटे जे हामरे साहरे भगवान काजे तु बेसकु वारु छे करीन कहवाडे, पयस्या वाळा हय जावु। 12 काहाकी हीनी चाकरीन पुरो करने सी, चुखला माणसेन मांगे अतरी पुरी नी हवसे, बाकुन माणसे भीणी सी भगवानेन बी बेसकु वारु छे करीन कहवायसे। 13 काहाकी हीनी चाकरी काजे सबुत काजे माने जे भगवानेन सेक-सींगार देखाडे करे, की तुहुं मसीन खुस-खबर काजे मानीन हेरे हक मां रवे, ने हींद्री, ने आखी मदत करने मां उदार देखाडता रवे। 14 ने चे तुंद्रे वाटे दुवा करे, ने हेरेसी की तुंद्रे पर भगवानेन मटली गीण-दया सी, तुंद्री लालच करती रवे। 15 भगवानेन तीना दानेन वाटे जे समज सी बाहार छे, तु बेसकु वारु छे।

10 मे चु पोलुस जे तुंद्रे अगळ लीलघाये, बाकुन आसा पछळ तुंद्री अळी हिम्मत करो; तुहुं काजे मसीन नरम, ने लाड़-परम सी समजाडो, 2 मे जी लीलघाया करो, की तुंद्रे अगळ मेसे ताकत वाळु हयन हिम्मत करनु नी पड़े; जसु मे काय माणसे पर जे हामु काजे डीलेन अनसारे चालने वाळा समजे, हिम्मत देखाडने वीच्यार करो। 3 जय सय छे की कदी हामु डील मां चालजे ने फीरजे, तेबी डीलेन अनसारे नी लड़ायजे। 4 काहाकी हामरी लड़ाय हत्यार कळीन तसी नी, बाकुन गड़ काजे उदार नाखणे वाटे भगवानेन साहरे ताकत वाळा छे। 5 हेरेसी हामु मनेन उपजाव काजे, ने हरीक एक उचली वात काजे, जी भगवानेन उवखाणेन वीरुद मां उठे, आंग्ये-आंग्ये करजे; ने मसीन हरीक एक हुकुम मान्या बणाय देय। 6 ने तीयार रवे की जतयार तुंद्रा हुकुम पाळनेन दाहडा पुरा हय जाय, ती हरीक भातीन हुकुम नी मान्या काजे डंड आपे। 7 तुहुं ईनीत वात काजे देखु, जे डुळा अगळ छे, ती काहालाक काजे आपणे पर जु भुरसु छे, की मे मसीन छे, ती चु ज बी जाणी लेय, चु मसीन छे, असात हामु बी छे। 8 काहाकी कदी मे हीना हकेन बारामां अळी बी मटाय देखाडो, जे मालीक तुंद्रे बीगाडने वाटे नी बाकुन बणावणे वाटे हामुक आपलो छे, ती सरमाये नी। 9 जय मे हेरेसी कवो, की चिट्ठीन साहरे तुहुंक बीहाडने वाळा नी ठेरे। 10 काहाकी चे कवे, “हेरी चिट्ठीया ते बेसका ताकत वाळा ने हिम्मत देखाडन्या छे; बाकुन जतयार देखे, ती कहें की चु डीलेन लुलु ने कहणे मां हळकु जाणी पड़े।” 11 जु असु कहें, चु ज समज राखे, की जसा आसा पछळ चिट्ठीया मां हामरा बुल छे, असात तुंद्रे अगळ हामरे काम बी हवसे। 12 काहाकी हामु जी हिम्मत नी की हामु आपणे आप काजे हींद्रे मां सी असा काय साते गीणे, नीते तीनुक आपणु काजे भेळा करे, जे आपणी बड़ाय आपसु करे, ने आपणे आप काजे आंवा-सांवा नापीन तुलीन एक दीसरा सी भेळा करीन डेड़-अकल्या ठेरजे। 13 हामु ते काकड़ सी बाहार मटाय कदी नी करे, बाकुन हीना

काकड़ लग जे भगवान हमरे वाटे ठेराय देदला छे, ने हेरे मां तुहुं बी आय गुयला छे। ने हेरे अनसारे मटाय बी करसुन। 14 काहाकी हामु आपणा काकड़ सी बाहार आपणे आप काजे बड़ावु नी चाहतु, जसा की तुंद्रे लग नी पुगणेन दसा मां हवे, बाकुन मसीन खुस-खबर सामळावता जायन तुंद्रे धड़े लग आय गुयला छे। 15 हामु काकड़ सी बाहार दीसरान मेहनत पर मटाय नी करजे; बाकुन हामुक आस छे, की जसु-जसु तुंदरु भुरसु बड़तु जासे असात-असात हामु बी आपणा-आपणा काकड़ेन अनसारे तुंद्रे वजे सी अळी बी बड़ता जासुन। 16 काहाकी हामु तुंदरा काकड़ सी अगा बडीन खुस-खबर सामळ्या, ने ज्य नी, की हामु दीसरान काकड़ेन माहें बणावला काम पर मटाय करजे। 17 बाकुन जो मटाय करे, चु मालीक पर मटाय करे 18 काहाकी जो आपणी बड़ाय करे, चु नी, बाकुन जेरी बड़ाय मालीक करे, हयुत अगु हवसे।

11 कदी तुहुं मारी थुडीक डेड़ अक्कल सेण कर लेता ती काय वारु रवतो; हव, मारी सेण बी कर लेवु। 2 काहाकी मे तुंद्रे बारामां भगवानेन धुन लागाड़ रवो हेरेसी की मे एक अदमी सी तुंदरी वात लागाड़लु छे, की तुहुं चुखली कुवारली पुरेन तसा मसी काजे सुप दम। 3 बाकुन मे बीहु की जसु घड़सु आपणी चालाकी सी हववा काजे बेहकाड़्यु, असात तुंद्रे मन मां सुदा ने चुखला पण सी जे मसीन साती हवणु चाहजे काय खत्तम नी हय जाय। 4 कदी कुय तुंद्रे धड़े आवीन, काहालाक दीसरा ईसुन परचार करे, जेरो परचार हामु नी कर्या नीते कुय अळी आत्मा तुहुंक जड़ी; जे पेहल नी जड़लो हतलो; नीते अळी कुय खुस-खबर सामळी तीनाक तुहुं पेहल नी मानतेला, ती तुहुं हीनाक सेण करनु वारु रवतो। 5 मे ते समजो, की मे काहाली वात मां मटा सी मटा नेवताळा सी कम नी हय। 6 कदी तुहुंक असो लागे की मारे वाटे तींद्रेन तसों वारु बुलनेन हुसारी नी हय, तेबी अक्कल मां नी; बाकुन हामु हीनाक आखी वातेन तरा सी तुंद्रे वाटे देखाव पाड़ देय। 7 काय हेरेमां मे काय पाप कर्यु; की मे तुहुंक भगवानेन खुस-खबर पयस्या लेय पाखुर सामळावो; ने आपणे आप काजे नेचु कर्यु, की तुहुं उचा हय जावु? 8 मे दीसरी मंडळी काजे लुट्यु मतलब मे हींद्री दाहड़की लेदु, काहाकी तुंदरी चाकरी करो। 9 ने जत्तयार मे तुंद्रे साते हतलु, मे मेसे कमी हवी, ती मे काहाला पर बी भार नी नाख्यु, काहाकी भायसे, मकीदुनीया सी आवीन मारी कमी काजे पुरा कर्या; ने मे हरीक वात मां आपणे आप काजे तुंद्रे पर भार बनने सी रुक्यु, ने रुकीन रवीस। 10 कदी मसीन छाचाय मारे मां छे, ती अखाया नावेन देस मां कुय मेसे हीनी मटाय सी नी रुकसे। 11 असो काहा? काय असु करीन की मे तुंद्रे सी परम नी राखो? भगवान ज जाणे की मे परम राखो। 12 बाकुन जो मे करो, चोन करतु रवीस; की जे माणसे दावु हेरे, हीनुक मे दावु नी जड़ने दम, काहाकी जीनी वात मां चे मटाय करजे हेरे मां जे हामरेन तसा ठेरे। 13 काहाकी असा माणसे लुच्चा नेवताळा छे,

ने धुका सी काम करने वाळा छे, ने मसीन नेवताळान सीकु धरणे वाळा छे। 14 जी काय उसकारनेन वात नी काहाकी भुतडु आपसु बी बेसकु जबर वीजाळो सरग वाळा काहवाळ्यान सीकु धरे। 15 हेरेसी कदी हेरा पावर्या बी धरमेन चाकर्यान सीकु धरे, ती कुय मटी वात नी हय, बाकुन हींद्रो आकरी हींद्रे कामेन अनसारे हवसे। 16 मे अळी कवो, की मेसे डेड़-अकल्या नी समजे; नीते डेड़ अकल्यु समजीन मारी वात सेण कर लेवु, काहाकी थुडीक मे बी मटाय कर सको। 17 ईनी गांडान तसों मटाय मां जो काय मे कहो चो मालीकेन हुकुमेन अनसारे नी बाकुन मानु डेड़ अक्कल सी कवो। 18 जत्तयार की बेसका माणसेन डीलेन अनसारे मटाय करजे, ती मे बी मटाय करीस। 19 तुहुं ते समजदार हयन खुसी सी डेड़-अकल्यान सेण कर लेवु। 20 काहाकी जत्तयार तुहुंक कुय पावर्यु बणाय लेय, नीते खाय जाय, नीते फसाण देय, नीते आपणे आप काजे मटलु बणावे। नीते तुंद्रे मुंहडा पर थापड़ देय, ती तुहुं सेण कर लेवु। 21 हामु तुंद्रे साते तींद्रेन तसा वेहवार नी कर्या ने, कमजुर बण्या करीन सरमायणु चाहजे काय? कदी नी। बाकुन चे माणसे ते मटाय करने मां हिम्मत कर र्या; हेरसी मे बी मटाय करने मां हिम्मत करो, भले मारी मटाय करने गांडाय लागे। 22 काय चे ईब्रानी छे? मे बी छे; काय चे ईसरायली छे? मे बी छे काय चे अब्राहमेन खानदानी छे? मे बी छे। 23 काय चेत मसीन चाकर्यु छे? मे गांडान तसु कवे मे बी छे मे हींद्रे सी बडीन छे जादास मेहनत करने मां; अळीन अळी जेल मां; सड़ापान मार खाणे मां; अळी-अळी मरतु बचणे मां। 24 पांच कावा मे यहुदीयान हात सी उंचालीस-उंचालीस सड़ापा खादु। 25 तीन कावा मेसे सुट्ये करीन देदा; एक कावा मेसे दगड़ाट्या; तीन कावा ढंड्या तींद्रे पर मेसे चड़ावला हतला, टुटी गुयु; एक रात ने एक दाहड़ु मे समुदर मां काट्यु। 26 मे अळी-अळी चालने मां; नदीन खतरा मां; चुट्टान खतरा मां; आपणे जातीवाळान खतरा मां; नी-यहुदीयान खतरा मां; जंगलेन खतरा मां; समुदरेन खतरा मां; लुच्चा भायसेन ईचमां खतरा मां रवु; 27 मेहनत ने थकान मां; अळी-अळी जागतु रवणे मां; भुक-पीस मां; अळी-अळीन उपास करने मां; सेळा मां; उघाडु रहणे मां। 28 दीसरी वात काजे छुडीन जेरो नाप मे नी करतु आखी मंडळीन फीकुर दाहड़िन मेसे दड़पे। 29 कुणीन लुलगाय सी मे लुलु नी हवो, कुणीन पाप मां पड़ने सी मारु जीव नी दुखे। 30 कदी मटाय करनु जरुडी छे, ती मे आपणी लुलगायपन वात पर मटाय करो। 31 मालीक ईसुन भगवानेन ने बास जु जलम बेसको वारु छे, जाणो, की मे लुच्चाय नी मेलो। (aiōn g165) 32 दमीस्क मां अरीतास राजा भीणी सी जे हकदार्या हतला, हयु मेसे धरने करीन दमीस्क वाळा सहर पर राखवाळ्यु बठाड़ी रवला। 33 ने मेसे चारली मां बठाडीन खीड़की मां सी भीतड़ा पर सी उतार देदा, ने हेरे हात सी बची गुयु।

12 तेबी मटाय करनु मारे वाटे वारु नी, तेबी करनु पड़े; बाकुन साते हीना भाय काजे मकल्या, ती काय तीतुस जुर करीन तुंदरे मे मालीकेन आपला सपना ने वीजाळान वात वीच्यार सी काय लेदु? काय हामु एक आतमान चाल मां नी चालजे? करीस। 2 मे ईसु मसी मां एक माणुस काजे जाणो, चवदा साल काय एकुत वाट पर नी चालजे? 19 तुहुं हय लग समजी रया हया की नी जाणे डील समोत नी जाणे डील पाखुर, भगवान हसे की हामु तुंदरे अगळ जपाप दी रया, हामु ते भगवान काजे जाणे, की असु माणुस तीसरा सरग लग उठाय गुयलु छे। 3 मे आय रवलु जाणीन ईसु मसी मां बुलजे, ने ए लाटेक्ला, आखी असा माणुस काजे जाणो जु नी जाणे डील समोत नी जाणे डील वात तुंदरे वाटे अदुस हवणे करीन कवजे। 20 काहाकी मेसे पाखुर, भगवानुत जाणे 4 की सरग लुक पर उठाय ली गुयु, ने धाक छे, काय असो नी हवे, की मे आवीन जसु चाहो, असु असी वात सामळ्या जी कवणेन नी हय; ने जींदरा मुंहडा पर तुहुंक नी जडो; ने मेसे बी जसा नी चाहजे असात जडो, ने लावणु माणुस काजे सय नी हय। 5 असा माणुस पर ते मे तुहुं तुंदरे मां झगडा हय रया, जळन कर रया, रीसवाय रया, आपणस ने भलो हवणेन वीच्यार कर्या, दीसरान वाक नीकाळ रया, चुगली कर रया, मटाय कर रया, ने बीरजु पाड़ी रया। 21 आपणे बारामां मटाय नी करो। 6 काहाकी कदी मे मटाय करने ने कांखुर मायन असो नी हवे की जत्त्यार मे पछु आवीस, ने चाहो बी ती डेड अकल्यु नी हवो, काहाकी छाचलीन कहवो; मारु भगवान मारी नाव-बद्दी करे ने मेसे बेसका वाटे अळी ती बी हुबु हय जाम, असो नी हवे की असो नी हवे की असा दुख करनु पड़े, जे पेहल पाप करला हतला, ने भुंडला काम, ने कुय मेसे देखला छे, नीते मारे सी सामळे, मेसे हेरसी बडीन छीनाळो, ने लुच्याय सी, जो चे कर्या, मन नी फीराया। समजे। 7 हेरेसी की मे वीजाळान अदती सी फुगी नी जाम, मारा 13 हय तीसरी कावा मे तुंदरे धडे आवो, “दुय नीते तीन डील मां काटु भाक गुयु मतलब भुतझान एक काहवाळ्यु की गवान मुंहडा सी हरीक एक वात ठेहरावसे।” 2 जसु मे मारे घुधावे काहाकी मे फुगी नी जाम। 8 हेरे बारामां मे मालीक जत्त्यार दीसरी कावा तुंदरे साते हतलु, असुत हय छेटा रवते सी तीन कावा लीलघायु, की मारे सी गुयो छेटो हय जाय। 9 जाय हीनु माणसे सी जे पेहल पाप कर्या, ने दीसरा आखा ने चु मार सी कह्यु, “मारा गीण-दया तारे वाटे बेसकी छे।” माणसे सी हय पेहल सी कय दम, की कदी मे अळी आवीस, काहाकी मारी ताकत लुलगाय मां पुरी हवे। हेरेसी मे मटी खुसी ती नी छुडो, 3 काहाकी तुहुं ते हेरो सबुत चाहु, की मसी मारे मां सी आपणी लुलगाय पर मटाय करीस, की मसीन ताकत मारे बुले, जे तुंदरे वाटे लुला नी; बाकुन तुंदरे मां ताकत छे। 4 चु पर साहळु करती रवे। 10 हेरे वजे सी मे मसी वाटे, ने लुलाय, लुलान वजे कुरुस पर चडाय ते गुयु, तेबी भगवानेन ताकत छे; काहाकी जत्त्यार मे लुलु हतलु, तेबी ताकत वाळु हवो। जीवतेलु छे, हामु बी हेरेमां लुलु छे; बाकुन भगवानेन ताकत 11 मे डेड अकल्यु ते बणयु, बाकुन तुहुंत मेसे गुयो करने वाटे सी जे तुंदरे वाटे छे, हेरे साते। 5 आपणे आप काजे पारखु, लाचार कर्या। तुहुं ते मारी बडाय करनु चाहजे, काहाकी कदी की भुरसा मां छे की नी; आपणे आप काजे पारखु, काय तुहुं मे काय बी नी, ती बी हींदरे मां सी मटा सी मटा नेवताळा सी आपणे बारामां जय नी जाणे, की ईसु मसी तुंदरे मां छे। नीते काहली बी वात मां कम नी हय। 12 नेवताळान आसार बी तुंदरे तुहुं पारख मां पापी नीकळे। 6 बाकुन मारी आस छे, की तुहुं ईचमां आखी भातीन सेण समोत सहलाणी, ने मटा-मटा काम जाणी लेसु, की हामु पापी नी हय। 7 हामु आपणा भगवान असा कामेन ताकुतेन काम देखाइला छे। 13 तुहुं काहली वात सी जी दुवा करजे, की तुहुं काय बी कुहराय नी करु; हेरेसी मां डेड अकल्यु ते बणयु, बाकुन तुहुंत मेसे गुयो करने वाटे मारी नाखे जी मारे सी भुल हय गुय तीती नी कुहराय काजे मेसे माफ करु। 8 काहाकी हामु छाचायन वीरुद मां 14 देखु, मे तीसरी कावा तुंदरे काय बी नी कर सकजे, बाकुन सय वाटे कर सकजे। 9 जत्त्यार धडे आवणे तीयार छे, ने मे तुंदरु पर भार नी राखो; काहाकी हामु लुला छे, ने तुहुं जुर वाळा छे, ती हामु खुसी हवजे, ने जी आपणे आप काजे पारखु, काय तुहुं मारी आस छे, की तुहुं सय हय जावु। 10 एरे वजे सी मे तुंदरे आसा पछळ जी वात लिखो, की तुंदरे अगळ उबु हयन मेसे हीना हकेन अनसारे तीनाक मालीक बीगाडने वाटे नी बाकुन बणावणे वाटे मेसे आपलु छे, काठा एहवार सी मेसे काय करनु नी पड़े। 11 अळतेन ए भायसे, खुसी मां रवु; सय बणी जावु; हिम्मत राखु; एकुत मन रवु; मेळीन रवु, ने परम ने सांतीन दातान भगवान तुंदरे साते रवसे। 12 एक दीसरा काजे चुखला 15 मे तुंदरी आत्मा वाटे बेसकी खुसी सी खरचु हय जायस, बाकुन गुळु दीन आवजु ने आवीस कवो। 13 मालीक ईसु मसीन दया, आपसात बी खरचु हय जासे काय जतरा बडीन मे तुंदरे सी परम ने भगवानेन परम आखा चुखली-आत्मान साजेदारी बणीन रवे। राखो, अतरा कम हयन तुंदरे सी परम राखसु? 16 असा हय सके, की मे तुंदरे पर बुज नी नाखो, बाकुन चतराय सी तुहुंक धुकु दीन फसाइ लेदु। 17 बाकुन, जीनुक मे तुंदरे धडे मकल्यु, काय हींदरे मां सी काहालाकेन साहरे मे जुर करीन तुंदरे सी काय ली देदा? 18 मे तीतुस काजे लीलघायन ने समजाडीन हेरे

साते हीना भाय काजे मकल्या, ती काय तीतुस जुर करीन तुंदरे सी काय लेदु? काय हामु एक आतमान चाल मां नी चालजे? काय एकुत वाट पर नी चालजे? 19 तुहुं हय लग समजी रया हसे की हामु तुंदरे अगळ जपाप दी रया, हामु ते भगवान काजे जाणे, की असु माणुस तीसरा सरग लग उठाय गुयलु छे। 3 मे आय रवलु जाणीन ईसु मसी मां बुलजे, ने ए लाटेक्ला, आखी असा माणुस काजे जाणो जु नी जाणे डील समोत नी जाणे डील वात तुंदरे वाटे अदुस हवणे करीन कवजे। 20 काहाकी मेसे पाखुर, भगवानुत जाणे 4 की सरग लुक पर उठाय ली गुयु, ने धाक छे, काय असो नी हवे, की मे आवीन जसु चाहो, असु असी वात सामळ्या जी कवणेन नी हय; ने जींदरा मुंहडा पर तुहुंक नी जडो; ने मेसे बी जसा नी चाहजे असात जडो, ने लावणु माणुस काजे सय नी हय। 5 असा माणुस पर ते मे तुहुं तुंदरे मां झगडा हय रया, जळन कर रया, रीसवाय रया, आपणस ने भलो हवणेन वीच्यार कर्या, दीसरान वाक नीकाळ रया, चुगली कर रया, मटाय कर रया, ने बीरजु पाड़ी रया। 21 आपणे बारामां मटाय नी करो। 6 काहाकी कदी मे मटाय करने ने कांखुर मायन असो नी हवे की जत्त्यार मे पछु आवीस, ने चाहो बी ती डेड अकल्यु नी हवो, काहाकी छाचलीन कहवो; मारु भगवान मारी नाव-बद्दी करे ने मेसे बेसका वाटे अळी दुख करनु पड़े, जे पेहल पाप करला हतला, ने भुंडला काम, ने छीनाळो, ने लुच्याय सी, जो चे कर्या, मन नी फीराया।

13 हय तीसरी कावा मे तुंदरे धडे आवो, “दुय नीते तीन गवान मुंहडा सी हरीक एक वात ठेहरावसे।” 2 जसु मे जत्त्यार दीसरी कावा तुंदरे साते हतलु, असुत हय छेटा रवते जाय हीनु माणसे सी जे पेहल पाप कर्या, ने दीसरा आखा माणसे सी हय पेहल सी कय दम, की कदी मे अळी आवीस, ती नी छुडो, 3 काहाकी तुहुं ते हेरो सबुत चाहु, की मसी मारे मां बुले, जे तुंदरे वाटे लुला नी; बाकुन तुंदरे मां ताकत छे। 4 चु लुलान वजे कुरुस पर चडाय ते गुयु, तेबी भगवानेन ताकत सी जीवतेलु छे, हामु बी हेरेमां लुलु छे; बाकुन भगवानेन ताकत सी जे तुंदरे वाटे छे, हेरे साते। 5 आपणे आप काजे पारखु, की भुरसा मां छे की नी; आपणे आप काजे पारखु, काय तुहुं आपणे बारामां जय नी जाणे, की ईसु मसी तुंदरे मां छे। नीते तुहुं पारख मां पापी नीकळे। 6 बाकुन मारी आस छे, की तुहुं जाणी लेसु, की हामु पापी नी हय। 7 हामु आपणा भगवान सी जी दुवा करजे, की तुहुं काय बी कुहराय नी करु; हेरेसी नी, की हामु खरला देखाव पड़े, बाकुन हेरेसी की तुहुं भलाय करु, चाहे हामु पापी रवजे। 8 काहाकी हामु छाचायन वीरुद मां काय बी नी कर सकजे, बाकुन सय वाटे कर सकजे। 9 जत्त्यार हामु लुला छे, ने तुहुं जुर वाळा छे, ती हामु खुसी हवजे, ने जी दुवा बी करजे, की तुहुं सय हय जावु। 10 एरे वजे सी मे तुंदरे आसा पछळ जी वात लिखो, की तुंदरे अगळ उबु हयन मेसे हीना हकेन अनसारे तीनाक मालीक बीगाडने वाटे नी बाकुन बणावणे वाटे मेसे आपलु छे, काठा एहवार सी मेसे काय करनु नी पड़े। 11 अळतेन ए भायसे, खुसी मां रवु; सय बणी जावु; हिम्मत राखु; एकुत मन रवु; मेळीन रवु, ने परम ने सांतीन दातान भगवान तुंदरे साते रवसे। 12 एक दीसरा काजे चुखला गुळु दीन आवजु ने आवीस कवो। 13 मालीक ईसु मसीन दया, ने भगवानेन परम आखा चुखली-आत्मान साजेदारी बणीन रवे।

14 मालीक ईसु मसीन गीण-दया ने भगवानेन परम ने चुखली-
आत्मान साजी तुहुं आखा साते हवती रवे।

गलाती

1 पोल्सेन, जी चिट्ठी नीते माणसे भीणी सी, ने नी माणसे सी, बाकुन ईसु मसीन ने भगवान बास भीणी सी छे, जु तीनाक मर्या-सर्याम सी जीवाड्यु, चु नेवताळु छे। 2 ने आखा भायस भीणी सी जे मार साथी छे; गलातीन मंडळ्यान नाव। 3 मे तुंदरे सी असी आस करो की आपणा भगवान बास अगु सी, ने तीना मालीक ईसु मसीन अगु सी, तुहुं काजे गीण-दया ने सुक सांती जड़ती रहणु चाहजे। 4 जु ईसु, आपणा भगवान बासेन मरजीन अनसारे, आपसा जीव काजे आपणा पापेन बादो छुटणे करीन आपी देदु, ने चु असु करीन आपसा काजे आपी देदु की आपणु हय ईनी कळी मां रय र्या, ईनीत पापी कळीम सी आपणुक छुड़ाय लेय। (aiōn g165) 5 ने तेरी सेक-सींगार सदा हवती रहे। आमीन। (aiōn g165) 6 मे चकराय गुयु की जु तुहुं ईसु मसीन गीण-दया सी बुलावलु चां सी अररा छाटा पछा वळीन दीसरी भातीन खुस-खबर भीणी वळने लाग गुया। 7 बाकुन दीसरी खुस-खबर हयत नी, बाकुन वात जी छे की बेसका असा छे, चे तुहुंका घाबराड़ी देय, ने ईसु मसीन खुस-खबर काजे बीगाइने हीडे। 8 बाकुन ईसुन जी खुस-खबर, हामु तुहुं काजे सामळावला छे, तीनी खुस-खबर काजे छुडीन, काहनु बी तुहुं काजे दीसरीत खुस-खबर सामळावे, तीना पर जलम की गरा आय पड़नु चाहे, भले चे, हामु हय ते ने, भगवानेन सरग वाळा काहवाळ्या हय ते। 9 जसा हामु तुहुंका पेहलुत कय देदला, तसुत मे हय अळी कहो की, कदी तीनी खुस-खबर काजे छुडीन कुय बी, दीसरीत खुस-खबर सामळावे, ती तेरे पर गरा आय पड़नु चाहजे। 10 हय मे माणसेक मानाइने करीन हेर कर रयु की भगवानेक काय? मे माणसेक खुस करनेन हेर कर रयु? कदी मे आज लग माणसेत काजे, खुस करनेन हेर करतु, ती ईसु मसीन पावर्यु नी रवतु। 11 ए भायस ने बहणस्या, मे तुहुंका बताड़ी दम की जी खुस-खबर मे सामळावलु छे, ची खुस-खबर माणसे सी नी हय। 12 काहाकी जी खुस-खबर मेसेक काहना माणसे सी नी जड़ी। ने काहनु बी दीसरु ईनी खुस-खबरेन बारामां मेसेक नी सीकाड्यु। बाकुन ईसु मसी मेसेक देखाव पड़्यु, ने सुदु सट मारे पर ईनी खबर काजे उजेंतु करलु छे। 13 तुहुं मारा वेहवारेन ने वीच्यारेन बारामां सामळी रया, की मे ते पेहेले यहूदी धरमेन बेसकु पाळनी पाळतेलु, की ईसु वाळान मंडळी काजे, ने भगवानेन मंडळी काजे वेला पाड़तेलु, ने तीनी मंडळी काजे ठायकी मारीन सारने हींडतेलु। 14 मे ते मार पाळीन बेसका यहूदी माणसे सी बी पेहेल सीत यहूदी धरमेन नीयम पाळतेलु, काहाकी जी धरमेन रीती मेसेक डाहा-डाहा सी जड़ली, ने ईनी रीतीक पाळने मां बी मे बेसकु हवस्यु हतलु। 15 बाकुन भगवान मेसेक मारी आयसीन कुखेम सीत मेसेक नेवाड़ लेदलु, ने आपसी गीण-दयान अनसारे मार पर भुरसु करने ने आपसी सेवा करने बुलायु। 16 जतयार मरजी हय की

मेसेक ने आपणा पुर्याक उजेंतु करे की मे आड़जात्या मां तेरो खुस-खबर सामळावो, ती नीते मे डील ने लुही सी पुछ्यु; 17 ने नीते यरुसलेम मां तींदरे धडे गुयु जु मारे सी पेहल नेवताळु हतलु, बाकुन ततयारुत अरब देस मां जाती रयु। ने अळी चां सी दमीस्क सहर मां पछु आवती रयु। 18 तीन साल हय गुया ने अळतेन मे ईसुन नेवताळा केफा काजे भेळु हवणे करीन यहूदीया जीलान यरुसलेम सहर मां गुयु, ने तींदरेन्चां पंदरे दाहड़ा रयु। 19 ने मालीक ईसुन संगं भायस याकुप काजे भेळु हयु, ईनुक छुडीन दीसरा काहना बी ईसुन नेवताळा काजे नी भेळु हयु। 20 जी वात मे तुहुंका लिखणे बाजी रयु, ची वात मे भगवान काजे मारेन्चां हजुर जाणीन लिखणे बाजी रयु, ने मे झुट नी मेलतु। 21 अळतेन मे सीरीया ने कीलक्या ईलाका मां बेसके लांबे जात रयु। 22 ने यहूदीया जीला मां रहण्या जे माणसे मसीन मां छे, चे मेसेक हय लग नी देख्या। 23 बाकुन तीनु मंडळ्यान माणसे मारे बारामां जी वात सामळ्या करतेला, की पेहेले जु माणसु हामुक वेला पाड़तेलु, ने हामुक भुरसाम सी छुड़ावणे हींडतेलु ने ईना पंथन भुरसा काजे ठायकुत सारने हींडतेलु, चु हय ईसु पर भुरसु करनेन बारामां खुस-खबर सामळावणे बाजी रयु। 24 ने असा करीन यहूदीया जीला मां रहण्या ईसुन मंडळ्यान माणसे मारा बारामां सामळीन भगवानेन बड़ाय करतेला।

2 दस ने चार साल हय गुया, ने अळतेन मे अळी यरुसलेम मां गुयु। ततयार बरनाबास बी मारे पुठ्ये हतलु, ने मे तीतुस काजे बी पुठ्ये ली गुयलु। 2 भगवान मेसे काजे यरुसलेम जाणे करीन चुखो झण कहलु, ने मे चां गुयलु। ने मे चां आड़जात्या माणसे काजे जी खुस-खबर सामळावो, तीनी खुस-खबरेन वात मे चां वाळी ईसुन मंडळीन मुख्याक बी समजाडीन कह्यु; बाकुन मंडळीवाळा दीसरा माणसे अगळ उजेंतु नी कह्यु, कांखुर मायन मारी खुस-खबर बमदीन परचार करनेन पेहली ने हयन मेहनत, झुटी सीकापण सी फालतु नी हवणु चाहजे, करीन मे जी वात मंडळीन आखा मुख्या काजे कय देदु। 3 बाकुन तीतुस काजे बी जु मारे साते हतलु, ने जु युनानी आड़जात्यु हतलु। तेरेमां तीनाक पेहेरवोटन अघली चामड़ी काट करीन नी कह्यु। 4 असो तीनु लुचचा भायसेन वजे सी हयो जे चुरी सी भराय गुयला, की तीना छुटला हवणे करीन जो मसी ईसु मां हामुक जड़ी, समज लीन हामुक सेवा करने वाळा बणावे। 5 एक कावु बी तींदरे हक मां हामु नी हया, काहाकी खुस-खबरेन छाचलो तुंदरेम बनलो रहे। 6 भगवान ते काहानन मुंहडो देखीन तेरे अगु वळन्यु नी हय, ने ईनी वातेन मारी फीकुर नी हय की माणसे मार सी यरुसलेम वाळी ईसुन मंडळीन तीनु मुख्यान अदु ईज्जत करता आय र्या, ने तीनुक अदु मटा समजे, बाकुन तेबी जी खुस-खबर तु सामळावे तेरे साते थुडीक दीसरी वात भेसकीन सामळावणु चाहजे करीन चे मुख्या माणसे मेसेक नी कह्या। 7 बाकुन तेरो उलटो जतयार चे देख्या, की फतरी

काटण्या माणसे वाटे खुस-खबरेन काम पतरस काजे सुपायलो तसोत, नी फतरी काटण्या माणसे वाटे मेसेक खुस-खबर सामळावणे करीन सुपलो छे। 8 काहाकी जु पतरस सी फतरी काटण्या करतेलु मां नेवताळान काम मटुत असर पड़े तसु कराड्यु, ने हयुत मार सी बी आडजात्या मां मटु असर सात मां काम कराड्यु। 9 ने मुख्यान डाहला मुख्या याकुप, केफा ने युहनुन मारे पर भगवानेन गीण-दयान सी हवला तीना सेवान काम काजे खामबा मान लेदा, ने चे मेसेक ने बरनाबास काजे आपसा साजलया समजीन सात संगगत मां ली लेदा। ने चे असी बुली देदा की तुहुं नी-यहुदी मां खुस-खबर सामळावता रवजु, ने हामु फतरी काटण्या यहुदी माणसे मां सामळावता रवजु। 10 चे हामुक अतरोत कहीं अगवाय कर्या की तुहुं गरीब माणसेन हेर करीन तींद्री मदत करु। ने असला कामेक करने करीन मे पेहलुत तीयार हतलु। 11 बाकुन जतयार केफा अन्ताकीया मां आयु, ती मेसेक तीनाक उजेंतु लडनु पड्यो, काहाकी चु वारु काम करनु छुड देदलु। 12 अन्ताकीया मां थुडाक दाहडा लग ईसुक मान्या आडजात्या माणसे भेळु बसीन खाया करतेलु, बाकुन एक दाहडु यरुसलेम सी थुडाक यहुदी माणसे डाहला मुख्या याकुपेन नाव लीन आय लाग्या। ततयार चु तींद्री सामळीन असु वीच्यार करीन बीही गुयु की बाहरला फतरी काटाडण्या यहुदी माणसे हय काय करसे? ने चु ईसुक मान्या आडजात्या माणसेन सात संगगत छुडीन एक धडे हय गुयु। 13 ने ज देखीन ईसुक मान्या चां वाळा यहुदी माणसे पतरसेन तसा ढंगडा करने बाजी गुया ने बरनाबास बी। 14 बाकुन मे ज देख्यु की केफा ने दीसरा, खुस-खबरेन छाचली वात पर हय नी चालता, ती मे आखा अगळ पतरस काजे उजेंतु लडीन कह्यु, “तु यहुदी माणुस हयन बी, यहुदी माणसेन नीयम तुडीन आडजात्या माणसे भेळु खातलु, ती हय तु आडजात्या काजे यहुदी माणसेन तसा जीवु करीन कसु जु र कर सके?” 15 “आपणु ते पयदावारी सीत यहुदी माणसे छे,” ने आडजात्या माणसे मायन नी हय, तीनुक दीसरा यहुदी माणसे पापी कहवे। 16 तेबी आपणु जाण लेदा की मुसा सी लिखला नीयम पाळनेन वजे सी कुय बी माणुस धरमी नी बणे, बाकुन ईसु मसी पर भुरसु करने सी माणसे पापेन कबज्जाम सी छुटीन भगवानेन नींगा मां धरमी बण जाय। ने आपणु बी पाप सी छुटकार हात करने करीन मुसा सी लिखला नीयम काजे पाळने छुडीन ईसु मसी पर भुरसु कर्या। खरला कायदा पाळने सी कुय काजे पाप सी छुटकार नी जडे। 17 आपणु ते ईसु मसी मां भुरसु करने सी धरमी गीणायणेन हेर कर र्या, बाकुन थुडाक माणसे आपणुक देखीन असु वीच्यार करे की जे ते मुसान नीयम कायदाक पाळनु छुड देदा ने चे पापी छे; असो हय ती ईसु मसी आपणुक पाप करान्यु गुनाळु चाकर्यु गीणाये काय? कदी नी। 18 कदी मे ईनी वातेक छुड देदु तीनी वातेक हय अळी पछु पाळने बाजी जाम, असो हय ती ते मे आपसात काजे मे गुनाळु छे करीन गवा

दी रयु। बाकुन मे ईनी वातेम गुनाळु नी हय। 19 मे ते मुसा सी लिखला नीयम अनसारे नीयम वाटे मर गुयु, काहाकी भगवान वाटे जीवो ने समजो की मे भगवान भेळु जीवो करीन ईसु मसी पुठ्ये आपसा काजे कुरुस पर चडाय देदलु छे, ने मर गुयलु छे। 20 ने हय मे जीवतेलु नी हय बाकुन ईसु मसी मारेम जीवतेलु छे। ने मे हय बी डीलेम जीवतेलु रय रयु, बाकुन मे भगवानेन बेटास ईसु पर भुरसु करने सी जीवतेलु रय रयु, जु मेसेक परम कर्यु, ने मारे वाटे आपसा जीव काजे कुरुस पर चडाय देदु। 21 कदी मुसान लिखला नीयम पाळने सी धरमी बण जाता ती ईसु मसीन मरनु फालतु हय जातो; करीन मे मारे पर हवली भगवानेन ईनी गीण-दया काजे कदी बी फालतु हवणी नी दम।

3 ए गलाती वाळा, तुंद्री अक्कल नी आवती काय? तुहुंक कुण मोहवी लेदो? तुहुं काजे ते हामु खुल्लाम कय देदला, की ईसु मसी काजे कुरुस पर चडावीन कसा खीळा ठुकला हतला। 2 मे तुंदरे सी एक वात जाणने हींडी र्यु, की तुहुं भगवानेन जीव-आत्मा काजे मुसान लिखला नीयम पाळीन हात करला, की ईसुन खुस-खबर पर भुरसु करीन हात करला? 3 तुहुं अतरा डेड-अकल्या हय गुया काय? की तुहुं ज जीवन भगवानेन जीव-आत्मा सी सुरु कर्या, तीनी जीवन काजे डीलेन मरजी सी पुरी करने हींड र्या काय? 4 तुहुं अतरो जादा दुख फालतुत झेल्या काय? मारु भुरसु छे की तुहुं फालतु दुख नी झेल्या। 5 तुहुं मुसान नीयम काजे भुरसा सी पाळ र्या करीन भगवान तुहुंक आपसु चुखलु जीव-आत्मा आपीन तुंदरे मां ताकुतेन मटा काम कर र्यु। 6 आखा यहुदी माणसेन डाहलु बास अब्राहमेन बारामां वीच्यार करु, तेरे बारामां असो लिखलो छे; अब्राहम ते भगवान पर भुरसु कर्यु, ने भगवान तीना भुरसाक देखीन तीनाक धरमी गीण्यु। 7 जी वात हेर राखु की जे भगवान पर भुरसु करे, तीनात हीसाबे अब्राहमेन खरली अवल्यात छे। 8 चुखला सासतुरेन अनसारे पेहेल सीत अब्राहम काजे खुस-खबर सामळाय देदु की तारे सी आखी जातीन माणसे संयबरकत हात करसे। ने आपणुक बी जी वात समज मां आवे की भगवान आडजात्या माणसे काजे भुरसु करने सी धरमी गीणीन तीनुक छुटकार आपसे ईनी खुस-खबरेन वातेन बारामां, अब्राहम काजे भगवान पेहलुत सी देखाड देदलु। 9 ने चे भगवान पर भुरसु करे, चेत भगवान पर भुरसु करन्या अब्राहम पुठ्ये छुटकारान संयबरकत हात करे। 10 मुसान नीयम मां असो बी लिखलो छे, जु काहनुक ईना नीयमेन किताप मां लिखली वात काजे पुरो की पुरो नी पाळे तेरे पर गरा छे। ने जे नीयम कायदा पाळीन धरमी बणनेन हर करे, चे आखा गरात मां छे। 11 मुसान नीयम मां असो बी लिखलो छे, “माणुस भुरसु राखीन धरमी बणीन जलम जीवतेलु रवसे।” ने जी वात छाची छे, की मुसान नीयम पाळने सी भगवान अगळ कुय बी धरमी नी बणे। 12 मुसान नीयम मां असो लिखलो छे, “जु ईनी लिखली आखी वात काजे पाळे, चु की चु जी

आखी वात पाळनेन वजे सी जलम जीवतेलु रवसे।” बाकुन देदा। ने भगवानेन वायदान नेहु, ईसु मसी पर भुरसु करनेन छे, असु आखा नीयम पाळनयु एक बी माणुस नी हय। ने जी वात ने जे ईसु पर भुरसु करे, तीनुत काजे भगवानेन नीयमेन अनसारे छाची छे की नीयम, भगवानेन खुस-खबर पर भुरसु करनेन वात छुटकारान संयबरकत जड़े। 23 तेबी ईसुन आवणेन पेहेल ने पर टेकायली नी हय। 13 मुसान नीयम मां असो बी लिखलो छे, ईसु पर भुरसु करनेन पेहेल, आपणु काजे भुरसान वाट देखाव “तीनाक बी लाकड़ा पर टांगीन मार देय, चु गरा वाळु छे।” ईने पड़ता लग, मुसान नीयम सी आपणी गुवाळी हवतेली। 24 रीते ईसु काजे बी माणसे लाकड़ान कुरुस पर खीळा ठुकीन आपणु ईसु पर भुरसु करीन धरमी बननु चाहे करीन आपणुक टांग देदा ने तीनाक मार नाख्या। मुसान नीयम पुरा की पुरा नी ईसु मसी धड़े लावणे करीन, मुसान नीयम पुर्या राखवाळ्यान पाळने सी जी गरा आपणे पर आवे, छाचीन तीनी गरा काजे ईसु तसा आपणी राखवाळी करतेला। 25 बाकुन हय ते भुरसान मसी आपसा पर झेलीन, गरा वाळु बण गुयु, ने तीनी गराम सी वाट देखाव पड़ गुई, ती हय आपणु पुर्या राखवाळ्यान कबजा आपणुक छुड़ाय लेदु। 14 असु ईसु काहा गरा वाळु बण गुयु। मां नी हय। 26 तुहुं बी आखा ने आखा मसी ईसु पर भुरसु करने अब्राहम काजे जी संयबरकत भगवान आपलु, ची संयबरकत वाटे, भगवानेन बेटास बण गुयला छे, भले यहुदी हय, ते ने मसी ईसु सी आखा आड़जात्या बी जड़नु चाहजे ने मसी ईसु भले नी-यहुदी आड़जात्या हय। 27 ने ईसु मसी मां एक हवणे पर भुरसु करने सी, आपणुक बी भगवान सी वायदु करलु करीन, तुहुं आखा ने आखा बपतीसमा लीन, ईसु मसी काजे चुखलु जीव-आत्मा जड़नु चाहजे, असु वीच्यार करीन ईसु नवला पुथल्यान तसा पेहेर लेदला छे। 28 तुहुं हय एक घरन्या आपणी गरा झेलयु। 15 ए भायस्यो ने बहणस्या, मे तीनुक बण गुयला छे, ने हय तुंदुरेम काय बी छीट नी रय, भले तुहुं समजाइने करीन माणसे जीवनेन एक दाखलु देखाडु। कदी दुय यहुदी माणसे हय नीते युनानी माणसे हय नीते आड़जात्या हय, माणसेन ईचमां वायदु हय जाय ती अळतेन चे बुली कुय बी टाळ भले गुलाम पावर्यु हय नीते मालीक हय, भले अदमी नीते नी सके, ने तेरेमां नी बड़े ने नी घटे। भगवान अब्राहम साते जी बायर हय, तुहुं आखा ईसु मसी मां एक हय गुयला छे। 29 बुली कर्यु ची बी असीत छे। 16 भगवानेन बुली करला वायदु ते असा करीन हय तुहुं ईसु मसीन माणसे छे, ने तुहुं बी अब्राहमेन अब्राहम ने तेरी अवल्यात मायन एकुत जणा भीणी हवली छे। अवल्यात ने वायदान अनसारे हकदार्या बी छे। भगवान असु नी कह्यु की “आखी अवल्यात काजे,” बाकुन 4 मान लेवु की एक मालदारेन एकुत पुर्यु हय, ने चु तेरा तेरी अवल्यात मायन एकुत जणा काजे असु वायदु करलु छे, आखा धनेन हकदार्यु हय। तेरा बंगला मां पुर्या राखवाळ्या ने चु अवल्यात ईसु मसी छे। 17 ईनी वात पर वीच्यार करु, ने पावर्या ने गुलाम पावर्या बी हय। तेबी जतयार लग चु भगवान अब्राहम साते वायदु कर्यु ने चार सोव तीस साल हय हकदार्यु पुर्यु हुस्यार नी हवे, चां लग आखी चीजेन मालीक गुया ने अळतेन भगवान मुसान लिखला नीयम आपलु। मारो हय्न बी चु आपसा धरेन गुलाम पावर्या सी मटु नी हय। 2 कहणेन मतलब छे की जी बुली भगवान अब्राहम साते पेहेल 2 तीना पुर्याक ते बासेन टाकली टेम लग, पुर्या राखवाळ्यान ने करलु, तीनी बुली काजे अळतेन मुसा सी लिखला नीयम फालतु ने सामाळन्या पावर्यान कबजाम रहणु पड़े, ने तीनाक आपसी नी कर सके। 18 काहाकी संयबरकतेन हक मुसा सी लिखला मरजीन अनसारे नी जीवाये। 3 ईसु मसी पर भुरसु करनेन पेहेले नीयम पर टेकलु रवतु, ती बुली करलु वायदु काय कामको नी आपणु बी, ईना पुर्यान तसा रवता। आपणु ईनी कळीन रीती- रवतो, बाकुन हसो नी हवे, भगवान ते अब्राहम पर गीण करीन भातीन ने नीयमेन कबजाम रवीन गुलामी करतेला। 4 बाकुन संयबरकतेन हक वायदा सी पेहलुत आपी देदु। 19 असो हय जतयार भगवान बासेन टाकली टेम पुरी हय गुय, ती चु आपसा ती मुसान नीयम काय कामको? भगवान अब्राहम साते बुली बेटा ईसु काजे ईनी धरती पर मकलयु। चु एक बायर सी पयदा हय, ने मुसा सी लिखला नीयमेन कबजाम मां रवीन चे आखा नीयम फालतु जायन जीयु, 5 तेरे सी चु ईसु, मुसा सी लिखला नीयमेन कबजा मां रहणे वाळा आपणु आखा काजे छुड़ावे, ने आपणु काजे भगवानेन खुळे लेदला बेटा-बेटी बणावे। 6 हय हामु ने तुहुं आखा भगवानेन बेटा-बेटी बण गुयला छे, ने भगवान आपणु काजे भगवानेन खुळे लेदला बेटा-बेटी बणावे। 7 हय तुहुं आपणा मन मां आपसा बेटासेन चुखली-आत्मा काजे मकेल्लु छे, जु चुखलु जीव-आत्मा आपणे भेळु भेसकायन भगवान काजे असु आयडीन बुलावे, “ए अबबा, ए बास।” 7 हय तुहुं नीयमेन गुलाम पावर्या नी हय, बाकुन भगवानेन बेटा-बेटी छे, ने हय तुहुं भगवानेन मरजी सी वारीस बण गुयला छे। 8 पेहेल ते तुहुं भगवानेक नी उळख्या ने तेरु गुलाम हतला जु छाचलीन भगवान नी हय, 9 बाकुन हय ते तुहुं खरला भगवान काजे

उळखी लेदा, नीते असा कहणु चाहजे, की भगवान तुहुं काजे आपसान उळखाण कराड्यु, ने हय तुहुं ईनी कळीन लुलली ने रीकामी रीती-भातीन ने नीयम भीणी काहा जाय र्या। तुहुं अळी ईनी सुरु वाळी वातेन गुलाम मां काहा हवणे हींडी र्या? 10 ने आपसाक धरमी बणावणेन हर करीन, तुहुं खास दाहडान पाळनी ने खास महानान, ने खास तीहवारेन, ने खास सालेन पाळनी काहा पाळने बाजी गुया। 11 तुंदरे बारामां मे बीही र्यु, कांखुर मायन असो ते नी हय जाय, की जी मेहनत मे तुंदरे वाटे करलु छे, ची फालतु हय जाय। 12 ए भायस्यो, मे तुंदरे सी लीलघायन कहो, तुहुं मारेन तसा हय जावु, काहाकी मे बी तुंदरेन तसु हय गुयु, तुहुं मारो काय बी नी बीगाड्या। 13 बाकुन तुहुं जाणु की पेहेलुत मे डीलेन कमजुरीन वजे सी तुहुंक खुस-खबर सामळायु। 14 ने मारा डीलेन लुलगाय वाटे तुहुंक एला करनु ते पड्यो, तेबी तुहुं मेसेक हेटु समजीन फालतु नी जाणया। बाकुन तुहुं मेसेक सरग काहवाळ्यु जु भगवानेन समजीन, एर सी बी जादा मेसेक ईसु मसी समजीन, मारी आव-भाव कर्या। 15 ती ची तुंदरी खुसी कां गुई? मे तुंदरु गवा छे, की तुंदरु अतरु परम हतलु, की कदी मारे वाटे डुळा नीकाळीन आपणु पडतो तेबी तुहुं डुळा लग नीकाळीन आप देदा। 16 मे छाचली वात कय देदु करीन तुंदरु दुसमन बण गुयु काय? 17 मे जाणो की थुडाक माणसे ईनु दाहडाम तुहुंक दुस्तीदार बणावणेन हर कर र्या, बाकुन भला वीच्यार करीन दुस्तीदार बणावणे नी हींडता, तुहुं हींदरीत हर करनु चाहजे करीन जे माणसे झुटी सीकापण आपीन तुहुं काजे मार सी आंग्ये कर र्या। 18 भली वाते वाटे हर करनु, घणो वारु छे, ने च मे ईतरीक वार नी बाकुन जलम भली वाते वाटे हर करनु चाहजे। 19 ए मारा पुर्या-पारी, हय लग तुहुं नानलात छे काय? मे तुंदरे वाटे तीनी फवरी हवणेवाळी बायरीन तसु दुख सेण कर र्यु, ने जत्थार लग तुहुं ईसु मसी मां पुरा पाक्का नी हवे, ती लग मारो मन दुख्या करे। 20 नांबे रवीन तुहुंक कसु समजाडो, ज मेसेक समज मां नी आवतो। मारी हर ते जी छे, की मे तुंदरेन्चां आवीन आंबु-सांबु धीरु रयन वात करो, बाकुन हय ते लिखणुत पड रहयो। 21 तुंदरे मायन थुडाक मुसान नीयमेन कब्जा मां ते रहणेन हर ते कर र्या तीनु काजे मे एक वात पुछो, तुहुं मुसा सी लिखली नीयम मां जी वात नी सामळ्या काय? 22 अब्राहमेन दुय पुर्या हतला, एक पुर्यु ते आपसी लाडी सारा सी पयदा हयु, ने दीसरु पुर्यु ते गुलाम पावरनी हाजीरा सी पयदा हयु। 23 जु पुर्यु गुलाम पावरनी सी हयु, चु डीलेन मनेन अनसारे पयदा हयु। ने इसाक जु अब्राहमेन लाडी सी पयदा हयु, चु ते भगवानेन वायदान अनसारे पयदा हयु। 24 ईनी वाते मां दाखलु छे, जे बायरा मानु की दुय वायदा छे, एक ते सीनाय उचु बयडान, तेरेमां सी गुलाम्यात पयदा हवे; ने ची हाजीरा छे। 25 ने हाजीरा मानु अरबेन सीनाय उचु बयडु छे, ने हयन यरुसलेम तेरेन तसों छे, काहाकी हयी आपसा पुर्या समोत गुलाम मां छे। 26 बाकुन उपरनी यरुसलेम सहर

बांदायली नी हय, ने ची आपणी माय छे। 27 काहाकी लिखलो छे, ए आंडी, तु भारीस हयन फवरी नी हवे, तेबी खुस हय जां, फवरी हवणे करीन, तारा दुखेन पीडा नी हवती, तेबी आयडी आयडीन खुसीन गीत गांव, काहाकी छुडली बायरीन अवल्यात सी जादा हवसे, तेरु धेणी छे। 28 ए भायस्यो ने बहणस्या, आपणु इसाकेन तसा वायदान अवल्यात छे। 29 जसु डीलेन मनेन अनसारे पयदा हवण्यु इसमायेल तीने टेमे, भगवानेन जीव-आत्मान जुरेन अनसारे पयदा हवणया इसाक काजे एला पाडतेलु, तसोत हय बी हवे। 30 बाकुन वीच्यार करु, चुखला सासतुर मां काय कहे? “गुलाम पावरनीन पुर्या काजे, खास बायरीन पुर्या भेळतु नी रहे ने गुलाम पावरनीक ने तेरा पुर्या काजे बाहर नीकाळ देवु!” 31 ए भायस्यो ने बहणस्या, आपणु तीनी गुलाम पावरनीन अवल्यात नी हय, बाकुन तीनी खास बायरीन अवल्यात छे, जी गुलाम नी हवती, ने मुसान नीयमेन गुलामी मां सी आपणुक छुटकारु जडलु छे।

5 ईसु मसी आपणु काजे नीयमेन कब्जाम सी छुडावलु छे, ने हय तुहुं छुटकारु हात करलान तसा जीवु, ने अळी पछा नीयमेन जुडा मां जुपायन गुलामी मां करु। 2 सामळु मे पोलुस तुहुं काजे खुल्लाम कहे की तुहुं आपसा पेहेरवटेन अगली चामडी काटाडसु, ती तुहुं काजे ईसु मसीन मोत सी काय बी फायदु नी हय। 3 मे तुहुंक अळी चेतायन कहे, जतरा बी धरमी गीणायणे करीन पेहेरवटेन अगली चामडी काटाडे तीनुक मुसान नीयम मां सी आखात नीयम बीगुर नी पाळाये। 4 तुहुं नीयम सी धरमी ठहरायणे चाही र्या, मसी सी अलग ने गीण-दया सी छेटा हय गुया। 5 काहाकी आत्मान वजे हामु भुरसा सी, आसा करीन धरमीन काम करनेन वाट देख्जे। 6 मसी ईसु मां नीते फतरी काटणु बी नीते अघली चामडी नी काटाड्ला कामका छे, बाकुन भुरसु अतरुत, जु परमेन वजे जुर दी सके। 7 तुहुं ते ईसु मसी पर भुरसु करीन बेसका वारु जीवणे बाजी रवला। हय छाचली काजे मानीन जीवणे मां कुण रूकावट बण रहयो? 8 जु भगवान तुहुं काजे बुलावलु छे, चु ते तुहुं काजे असु नी सीकाड्यु। 9 ईतरोक खटाणो आखा कुसण्ला पीठा काजे खटाणो बणाय देय। झुटी सीकापण बी असोत छे। 10 तेबी तुंदरे बारामां मेसेक मालीक ईसु पर भुरसु छे, की तुंदरु दीसरु वीच्यार नी रवसे, बाकुन जे तुहुं काजे भुरसा सी छेटा करनेन कर र्या, भले चो कुय बी हय, तीनाक भगवान डंड आपसे की आपसे। 11 ए भायस ने बहणस्या, कदी मे हय लग पेहेरवटेन अगली चामडी काटाडनेन परचार कर र्यु हय, ती फतरी काटडन्या मेसेक काहा एला पाडे? कदी मे असु अगली चामडी काटाडनेन परचार करतु, ती कुरुस पर टांगायला ईसुन खुस-खबरेन कुय बी रूकावट नी करतु। 12 तुहुं काजे जे एला पाड र्या, चे पेहेरवटेन अगली चामडी काटाडनेन अतरी हर कर र्या, ती चे आपसान ने पेहेरवट काटाड लेता ती वारलु रवतो। 13 भायस ने बहणस्या, तुहुं जाणु की भगवान तुहुंक नीयमेन

गुलाम रहे बीगुर छुटला रहणे करीन बुलावलु छे, बाकुन आपसा डीलें हर पुरी करता जायन पाप करने करीन छुटला नी छुड्यु। ने परम सी एक दीसरान सेवा करु। 14 काहाकी मुसान नीयमेन सास्तुर मां बी असोत लिखलो छे “तुहू आपसा धड़ेवाळाक आपसान तसु परम कर।” तुहू एरेत अनसारे आखा पर परम करु, ती ईना परम सीत आखा नीयम पुरा हय जासे। 15 बाकुन तुहू ते हय जंगली जनवार्यान तसा आंबा-सांबा चावणे ने नुकसाण करने बाजी रया, असा करता रवसु, ती तुंदरु मेळ सर जासे। ने चैतीन रहु। 16 बाकुन मे कहे, आत्मान अनसारे चालु ती तुहू डीलेन मरजी काहनी रीती सी पुरी नी करसु। 17 काहाकी डील आत्मान वीरुद मां नी हय ने आत्मा डीलेन वीरुद मां नी हवणेन मरजी करे, ने जे एक दीसरान वीरुद मां नी हय, असो काहा छे की जो तुहू करने हींटे, चो कराये नी। 18 ने कदी तुहू आत्मान कहयाम चालता हय ती नीयम मां नी रया। 19 हय डीलेन कामे ते उजेंता छे, मतलब छीनाळो करनु, भुंडा कामे, ने लुचचायन काम करनु, 20 दगडा पुजणु, बड़वाय करनु, झगडु करनु, जखड़ी पड़नु, कुहरायणु, रीस करनु, आपसान वाटे भलो हवणेन वीच्यार करनु, टुळाम सी अलग हवणु, ने कुहराय करनु, 21 दीसरान चीजेन हाय करनु, दारुड्यु बणनु, छाकी पड़नु ने छीनाळा मां मुजा लेणु ने असला बेसका गलत काम छे, ईनु गलत कामेन बारामां जसु पेहेल बी मे कय देदलु, मे हय बी कय दम की असा-असा कामे कर्या करे, चे भगवानेन राज मां भरायणेन हकदार्या कदी नी बणे। 22 बाकुन भगवान जीव-आत्मा आपसा कहयाम जीवणयान जीवन मां आपसा फळेन जे गुणे उजेंतु करे; परम करनु, खुस रहणु, सांती सी हेळी-मेळीन रहणु, गम खाणु, दीसरान भलाय करनु, भुरसाम रहणु, 23 दीसरा साते भुळा बणीन रहणु, ने आपसाक कबजाम राखणु, असला वारला कामेन काहना बी कायदान वीरुद नी करे। 24 जे ईसु मसीन छे, चे आपसा डीलेन पापेन हाय ने हर काजे कुरुस पर चड़ावीन खीळा ठुक देदला छे। 25 आपणुक भगवानेन जीव-आत्मा सी असली नवली जीवन जड़ली छे, ती छाचलीन भगवानेन जीव-आत्मान अनसारे जीवणु बी चाहजे। 26 ने आंबा-सांबा जखड़ी पड़ता जायन कुहराये मटाय घुण करु।

6 ए भायस्या ने बहणस्या, कदी तुहू, तुंदरे मायन काहनाक काजे पाप करता देख लेवु, ती तुहू भगवानेन जीव-आत्मान कहयाम जीवणया छे, तुहू सुवाळा बणीन तीनाक समजाडु ने ईसुत सात संगत मां पछा लावु, ती तुहू आपसान बी चुकसी कर, कांखुर मायन असो नी जाय की तुहू पापेन पारख मां पड़ जावु। 2 असु करीन तुहू एक दीसरान काहनु बी बुजु हाकलीन सात देवु, ने ईने रीते तुहू ईसु मसीन परमेन नीयम पुरो करे। 3 काहाकी काहनुक काय बी नी हय तेबी आपसा काजे दीसरा सी मटु समजे, ने ईनी रीते दीसरान भार नी हाकले, चु आपसा काजे धुकु देय। 4 बाकुन हर एक आपणात काम काजे जांच लेय, ने

तत्थार दीसरान बारामां नी बाकुन आपणात बारामां तीनाक घमट करनेन टेम रवसे। 5 काहाकी हर एक माणुस आपसान ने बुज हाकलसे। 6 जु काहनुक तुहूक भगवानेन बुले सीकाडे, तीना काजे तुहू तुंदरी आखी वारलु चीजेम साजु करु। 7 आपसा काजे धुकु मां देवु, भगवानेन ठट्टा नी उडाड़े, काहाकी माणुस ज वेरे चत काटसे। 8 जु डीलेन हर काजे खुस करीन जीवसे, तीनाक डीलेन हेरेन अनसारे डंड जड़से, ने जु भगवानेन जीव-आत्मा काजे खुस करीन जीवसे तेरा जीवन मां भगवानेन जीव-आत्मान फळ मतलब तेरो गुण देखाव पड़से ने चु सदान जीवन काजे हात करसे। (aiōnios g166) 9 आपणु काजे भलाय करता-करता हिम्मत नी हारनु चाहजे, आपणु जाणजे की भलाय करता जायन वारु टणका रवसु, ती आपणुक टेम आवसे ती मालीक भीणी सी ईनाम बी जड़से की जड़से। 10 ने मुखु जड़तात आखान वारु करनु चाहजे, खास करीन जे ईसु पर भुरसु करे, तींद्री भलाय ते करनुत चाहजे। 11 देखु, मे कसुक तुहू काजे आपसान हाते करीन मोटा-मोटा आकड़ा मां लिखलु छे। 12 जे माणसे डीलेन दीखावु चाहे चेत तुंदरी फतरी काटाड़ने वाटे दबाव बणावे, सीरप हेरेसी की चे मसीन कुरुसेन वजे सी सताय नी जाय। 13 जे आपसात पेहेरवटेन अघली चामड़ी काटाड़ला ते खरा, बाकुन जे बी मुसान नीयम पुरु नी पाळतेला, तेबी चे दीसरा यहूदी माणसे अगळ हामु हींद्रा पेहेरवटेन अघली चामड़ी काटाड़्या करीन तुंदरे पर मटाय करने करीन तुंदरी पेहेरवटेन अघली चामड़ी काटाड़ने हींडी रया। 14 मे ते असली वातेन फीकुर नी करो, मारी हर जी छे की मे आपणा मालीक ईसु मसीन कुरुस पर अतरुत मटाय करो। ने मारी नींगा मां ईनी कळी काजे कुरुस पर चड़ावीन खीळा ठुकला छे, ने ईनी कळीन माणसेन नींगा मां मे कुरुस पर चड़ावीन खीळा ठुकाडलु छे। 15 काहाकी हय फतरी काटणु बी कामको नी हय, बाकुन खास कामकी वात जी छे, की आपणु काजे पुरा की पुरा ईसुन तसा नवला बणता जाणु चाहजे। 16 जतरा बी ईना नीयम मां चाले, चे की चे भगवानेन खास ईस्रायली माणसे छे, तीनु आखा काजे भगवान सुक-सांती ने दया आप्या करे, असु मे भगवान सी दुवा करो। 17 अगा कुय मेसे काजे दमणु नी चाहजे, काहाकी मे ईसुन घाव काजे आपणा डील मां लीन फीरो। 18 ए भायस ने बहणस्या, आपणा मालीक ईसु मसीन गीण-दया तुंदरी जीव-आत्मा साते रया करे असु मे भगवान सी मांग करो, आमीन।

ईफीसी

1 मे पोलस भगवानेन मरजीन अनसारे ईसु मसीन नेवताळु छे। मे जी चिट्ठी ईसु मसी पर भुरसु करन्या, भगवानेन चुखला माणसे काजे लिखो, जे ईफीसुस सह्र मां रहे। 2 तुहुं काजे आपणा भगवान बास सी ने मालीक ईसु मसी सी गीण-दया ने सुक-सांती जडती रहे। 3 आपणा मालीक ईसु मसीन भगवानेन ने बासेन बड़ाय हवे, काहाकी हयु हामुक मसी मां सरग वाळा जागा मां आखी भातीन संयबरकत देदु। 4 ची संयबरकत काय छे? ची जी छे हयु हामुक कळी घड़ायणे सी पेहलुत ईसु मसी मां नेवाड़ लेदु, काहाकी हामु तेरे धडे परम मां चुखला ने नी-गुना वाळा रवजे। 5 ने भगवान आपणु काजे ईसु मसी सी तेरा खुळे लेदला पुर्या-पारी बणावणे करीन पेहेल सीत नकखी करलु। ने जीत भगवानेन मरजी हतली, ने तीनी वातेम चु बेसकु खुस हतलु। 6 ने तेरेत अनसारे चु आपसा लाटेक्ला पुर्या ईसुन साहरे आपणे पर गीण-दया देखाड़लु छे, काहाकी आपणु भगवानेन ईनी गीण-दया सी जलम तेरी सेक-सींगारेन बड़ाय करता रवजे। 7 हामुक तेरा लुही सी छुटकारु मतलब पापेन माफी, तेरा गीण-दयान धन सी जड्यो। 8 तीनुक चु बेसकी आखी वातेन ने समजेन अक्कल आप्यु। 9 हव भगवान आपसी मरजीन सातायली युजना, आपसी अकलेन ने समजेन अनसारे हामु काजे बताड्यु, ने चु पेहेल सीत ईनी युजान वात काजे आपसा मन मां नकखी कर लेदलु। 10 भगवानेन जी युजना हतली की नकखी करली टेम आवसे ती आखा घड़न्याक भेळा करीन ईसु मसीन हक मां कर दीस भले ची सरगेम हय, तीनी धरती पर हय तीनी नवली कळजुग बणावीस। 11 भगवान ते आखो काय आपसी मरजीन अनसारेत करतेलु। चु आपसी मरजीन अनसारे पेहेल सीत आपणु काजे आपसा वाटे मारु वाटु करीन ईसु मां नेवाड़ लेदु। 12 काहाकी हामु जे तुंदरे सी पेहेल ईसु मसी भीणी आस कर रवला, हामु भगवान बासेन सेक-सींगारेन गुण गावायणेन उत्तर बण जाय। 13 तुहुं बी ईसुन बारामां छाचली बुले सामळ्या, जी तुंदरा छुटकारान खुस-खबर छे, ने ईनी खुस-खबरेन वात पर तुहुं भुरसु बी कर्या। तत्पार भगवान आपसा वायदान अनसारे तुंदरा जीवेम बी आपसा चुखली-आत्मा काजे बठाडीन तुंदरे पर आपसा जीव-आत्मान छाप लागाड़लु छे। 14 भगवान आपणे वाटे पेहेल सीत जु चुखलु जीव-आत्मा आप देदु, जु सायन तसु छे। ने जी वात पाक्की छे की भगवान आपणुक जे तीनाक मान्या छे, पुरु की पुरु छुटकारु देसे ने तत्पार भगवान जु हक आपणुक आपणेन वायदु करलु छे, चु हक आपणुक जडसे ने जडसे। असु करीन आखा आपणुक भगवान बासेन सेक-सींगार ने गुणे गावणेन उत्तर बण जासुन। 15 ने जत्पार मे मालीक ईसु पर तुंदरा भुरसान बारामां, ने ईसु पर भुरसु करन्या भगवानेन आखा चुखला माणसे पर तुंदरा परमेन बारामां सामळ्यु ती मे बेसकु

खुस हयु। 16 ने ती सी मे बी जत्पार भगवान सी दुवा करने करीन बठ्या करो, तत्पार मे तुहुंक हेर करतु जायन, तुहुंक भगवान अगळ बेसका वारु कवतु आय र्यु। 17 ने आपणा मालीक ईसु मसीन भगवान सी दुवा कर्या करो की चु भगवान तुहुं काजे, ईसुक वारु जाणने करीन अक्कल ने समजेन आत्मा आपे करीन, जु भगवान बास बेसकु मटु सेकवाळु छे। 18 मे जी बी दुवा करो की तीनी आस वाटे भगवान तुहुंक बुलावलु छे, तीनी आस काजे तुहुं मन मां वारु जाण लेवु। ने ज बी पाक्का जाण लेणु चाहजे, की भगवानेन नेवाड़ला माणसेक, चुखला माणसेम सी जडन्या हकेन सेक धन बेसकु छे। 19 मे जी बी दुवा करो की, तुहुं ज बी जाण लेवु की, जे ईसु पर भुरसु करे तींदरे मां काम करने वाळान भगवानेन ताकत, रुकाये नी असी बेसकी मटी छे। 20 ने ईनी ताकत सी भगवान ईसु मसी काजे मर्या-सरयाम सी जीवतु करीन बठु कर देदु ने तीना काजे सरगेन राजगादी पर आपसे जेवड्ये आंग्ये बठाड़ लेदु। 21 ने तीना ईसु काजे आखी भातीन राज-करन्या, पर ने हक-जमाड़न्या पर मुख्या ने ताकत पर, ने आखा मनार्या पर ने तीनु आखा पर तीनुक माणसे नेवतीन पुजे ने जे आखा रया खया पर हक आप देदु, ने ईनी कळी मां बी, ने आवणेवाळी नवली कळी मां बी ईसु बराबर कुय नी रहे। (aiōn g165) 22 ने भगवान आखी कळ काजे ईसुन पांय तळे मेल देदु, एक कहयाम भगवान ईसु पर भुरसु करन्या मंडळीन फायदा वाटे ईसु काजे आखान मुखी बणायु। ने ईसुन हक ते मंडळीन बी हक छे। ईसु आपसी मंडळीन, मुणकान तसु मुखी छे। 23 ने जी मंडळी ईसुन डील छे, ईना ईसु मां भगवानेन आखा गुणे वसला छे, ने भगवानेन आखा मां आखा गुणे भरे।

2 एक टेम हतली जत्पार तुहुं माणसे हीनु अपराद ने पापे वाटे आत्मान रुप मां मरला हतला। 2 पेहेले तुहुं ईनी कळीन दीसरा माणसेन तसा गलत जीवन जीवतेला, ने चु भुतडु सीकाड़तेलु तीनी वात काजे मानीन जीवतेला, जु वाहळा मां रहण्या कुहर्या भुतडान मुखीन छे। हय जुत भुतडु भगवानेन हुकुम नी माने तीनु माणसे पर हक जमाडीन राज कर र्यु। (aiōn g165) 3 आपणु बी पेहेले भगवानेन हुकुम नी माने तींदरेन तसा डीलेन ने मनेन भुंडली हेर करीन जीवतेला। ने दीसरा माणसेन चाल-चालनेन तसात आपणु भगवानेक रीस लाग्यो तसा जीया, ने हामरे पर भगवानेन डंड आवण्यो हतलो। 4 बाकुन भगवान हयु बेसकु दयाळु छे, आपसा बेसका परम सी आपणु काजे परम कर्यु। 5 आपणु पेहेले पापेत मां मरला हतला, बाकुन भगवान आपणु काजे ईसु मसी भेळ जीवेम जीव वाळीन जीवता कर्यु; भगवानेन गीण-दया सीत आपणुक पापेन डंडेम सी छुटकारु जडलु छे, 6 ने भगवान आपणु काजे ईसु मसी मां तेर भेळु जीवाड्यु ने सरगेन राजगादी पर ईसु पुट्ये बठाड़ देदु। 7 भगवान आपसी गीण-दया आवणेवाळी कळ वाटे जलमेन भलाय आखाक देखाड़ने करीन आपणु काजे

परम करे, सरगेन राजगादी पर ईसु मसी पुढ्ये बठणेन हक आपे। (aiōn g165) 8 काहाकी ईसु पर भुरसु करने सी तेरी गीण-दया सी पापेन डंड सी आपणुक छुटकारु जडलु छे। आपणु, जु छुटकारु आपणे जुरे हात नी कर्या, बाकुन जु छुटकारु भगवान भीणी सी फुकट मांत आपलु दान छे। 9 ने कुय बी माणुस मटाय नी करनु चाहजे, करीन जु छुटकारु आपणा भला कामे सी नी जड्यु। 10 काहाकी आपणु ते भगवान सीत ईसु मसी मां एक नवला सीका मां घड़ायला छे; ने चु, आपणु काजे तीना भला कामे काजे करता जायन जीवणे करीन घड़लु छे, तीनु भला कामे काजे चु पेहले सीत पाकुकी करलु छे। 11 ने तुहुं जे पयदावारीत सी नी-यहुदी छे, ईनी वातेक हेर करु, जे यहुदी माणसे डील मां पेहेरवटेन अगली फतरी काटाड़ रया, चे तुहुं काजे नी फतरी काटा नी-यहुदी कयन छीट राखतेला। 12 तीनी टेमे तुहुं ईसु मसी सी छेते हतला, ने ईस्रायेली जातीन माणसे मां भेसकायला नी हतला, ने भगवानेन बुली करला वायदान साजलया नी हतला। हेरेसी ईनी कळी मां भगवान बीगुर ने आस करे बीगुर जीवन जीवतेला। 13 आस करीन तुहुं मसी ईसु सी ने हामरे, सी बेसका छेते हतला, बाकुन हय ईसु मसीन लुही सी ईसु मां मेळीन तुहुं भगवान साते ने हामरे साते आय लागला छे। 14 काहाकी हयुत हामरु मेळ कराड़नु छे, जु दुयु यहुदी ने नी-यहुदी काजे एक कर देदु, ने अलग करने वाळा भीतड़ा काजे जो ईचमां हतलो तीना काजे उदारी देदु। 15 ने आपणा डील सी दुसमनी मतलब तीना यहुदी नीयम तेरी हुकुम नीयमेन रीती मां हतली, तीनीक मीटाड़ी देदु काहाकी दुयुम सी आपणे मां एक नवली जाती बणायन मेळ कराड़ देय। 16 छाचलीन ईसु दुय टुळान लड़ाय काजे कुरुस पर दुसमनी सार देदु ने असुत यहुदी माणसे काजे ने नी-यहुदी माणसे काजे एक डील बणायन भगवान सी मीलाड़ देदु। 17 ने चु आयन तुहुं काजे जे छेते हतला, ने तीनु काजे जे साते हतला, दुय टुळा काजे भगवान सी मेळ कराड़नेन खुस-खबर सामळायु। 18 असु करीन की आपणु दुय टुळा, यहुदी ने नी-यहुदी माणसे ईसु मां भुरसु करीन भगवानेन आपला आपसा चुखला-जीव-आत्मान मदत सी भगवान बासेन्चां पुग जाजे। 19 ने हय तुहुं पेहलेन तसा दीसरा ने अन्जाणया नी हय, बाकुन भगवानेन चुखला माणसे पुढ्ये भेसकायन उळखायता हयन आखी वातेम साजलया बण गुया। ने खरान हय तुहुं भगवानेन घराणाम मां भेसकाय गुयला छे। 20 ने ईसुन नेवताळा ने भगवानेन अघली वात बताड़ने वाळा माणसे ईना घराणा वाटे घरेन नेहान पाया साय छे, ने ईसु मसीत ईना नेहान खुणान दगड़ा साय छे। 21 ने तेरेमां आखो काय एकतु हयन मालीक मां एक चुखलु मंदीर बणतु जाय। 22 तेरेमां तुहुं बी आत्मा सी भगवानेन रहणेन घर हवणे करीन भेळात बणता जाय।

3 हेरे वजे सी मे पोलुस जे तुहुं नी-यहुदीया वाटे मसी ईसुन बांदायलु छे। 2 तुहुं छाचलीन सामळी रया, की तुंद्री भलाय

करतात, भगवान गीण-दया भेळ ज कामे मेसेक सुप देदलु। 3 भगवान आपसी युजनान सातायली वात काजे डुळा अगळ देखाड़ीन मारे पर उजनतु करलु छे, तीनी वातेन बारामां मे तुंद्रे वाटे पेहलेत उपर लिख देदलु छे। 4 जी वात भणीन तुहुंक मालम पड़ जासे, की मे पोलुस खरान ईसु मसीन बारामां सातायली युजनान काजे जाणो। 5 जी सातायली युजना गुया जमाना मां जे माणसे जीवतेला, तींद्रे पर उजेंती नी हवली हतली, जसो हय भगवान आपसा जीव-आत्मा सी आपसा नेवाड़ला चुखला नेवताळा पर, ने भगवानेन अघली वात बताड़ने वाळा माणसे पर उजेंती करलु छे। 6 ची सातायली युजना जी छे, की ईसु मसीन खुस-खबर पर भुरसु करने सी हय ईसु मसी मां नी-यहुदी वाळा माणसे बी, यहुदी माणसे साते भगवानेन वायदु करला एकुत वाटान साजलया ने हकदाय्या छे, ने एकुत डीलें भाग छे। 7 मे ते भगवान मेसेक गीण-दया सी तेरी खुस-खबर सामळावणे करीन तेरु चाकर्यु बणयु। जी ताकुतेन साहरे काम मारे मां काम कर रय, ची ताकत मारी नी हय, बाकुन भगवानेन ताकत छे। 8 भले, मे भगवानेन चुखला माणसे मां आखा सी नानु छे, बाकुन तेबी ईसु मसीन खुस-खबर नी-यहुदी माणसे मां सामळावणे करीन भगवान मारे पर गीण-दया करलु छे, ने ईसु मसीन खुस-खबर गीणये नी अतरी बेसकी बरकतेन खजानो छे। 9 ईनी खुस-खबरेन सातायली युजना काजे आखा अगळ उजेंती करने करीन भगवान मेसेक नेवाड़लु छे, जी युजना आखी चीज घड़नया भगवान मां सुरु सीत सातायली हतली। (aiōn g165) 10 तेरेमां हय ईसुन मंडळी सी भगवानेन आखी भातीन अकल, सरग वाळा जागा मां राज करनया मुख्याक ने हकवाळा पर उजेंती हय रय। 11 भगवान आखा घड़त्या काजे घड़नेन सुरु सीत जी जलेमकी युजना बणावलु हतलु, तीनीत युजना काजे भगवान आपणा मालीक ईसु मसी मां पुरी करलु छे। (aiōn g165) 12 ने ईना ईसु मसी पर पुरु-पुरु भुरसु करीन आपणु बीहे पाखुर, ने हिम्मत करीन हक सी भगवान बासेन्चां जाय सकजे। 13 ने मे तुंद्रे सी लीलघायन कहवो की तुंदरेत वाटे दुख झेल र्यु करीन तुहुं हळका मां हवु; छाचलीन जु दुख मे तुंद्रे वाटे झेल र्यु, ईना दुखे वाटे, तुहुं हय अबरुदार बण गुयला छे। 14 ती मे तीना भगवान बासे अगळ मांडा टेकीन लीलघायु। 15 जु सरग वाळान ने धरती वाळा आखा काजे आपसात घराणा मां भेळा हवणे करीन बुलावे। 16 मे भगवान बास सी लीलघायन कहं की चु तुंदरा जीवेम असु हवणी देय, की तुहुं तेरा सेक वाळान ताकत सी मतलब तेरा जीव-आत्मान ताकत सी, आपसा जीव मां ताकत हात करता जावु, ने काठा हवता जावु। 17 ने ईसु पर भुरसु करने सी, ईसु मसी तुंदरा मन मां रय सके, ने तुहुं तेरा परम मां उंडा जड़ मुळे नाखीन अदु, ने परम मांत नेहु नाखीन काठा रहु करीन। 18 ने आखा चुखला माणसे भेळा ज समज्णेन ताकत हात करे, काहाकी मसीन परम चवड़ो, नांबो, उंचो ने उंडो छे। 19 ईसु मसीन ज परम

आपणी समज सी बी बाहर छे, मे भगवान सी बी लीलघायून कहां की, चु तुहं क ईना परम मां पुरुत घुळायणेन ताकत आपे करीन, ने असा करीन की तुंद्री जीवेम भगवानेन आखा गुणे पुरात उजेंता हय जाय। 20 आपणु भगवान ते बेसकु जबर ताकत वाळु छे, ने आपणु जतरी बी दुवा करजे, ने जतरु बी वीच्यार करजे तेरे सी बी बेसका आपणा जीवे मां चु काम कर सके। 21 मे ईना भगवानेन बड़ाय करो; ने ईसु मसीन साहरे, ने तेरी मंडळीन साहरे पीड़ीडीट, भगवानेन सेक-सींगारेन जलम बड़ाय हवती रहे। आमीन। (aiōn g165)

4 मे ते मालीक ईसु वाटे जेल मां कुंडाय रयु; ने तुहं काजे ते, भगवान आपसा पुर्या-पारी बणावणे करीन बुलावलु छे, हेरेसी मे ईना जेल मां रयन तुंद्रे धड़े लीलघाया करो की, तुहं ईनात बुलावान साहरे जीवु 2 तुहं आखी मटाय छुडु, दीसरा माणसे साते डाहवाय मां करु, ने परम मां गम खाता जायून ने परम सी एक दीसरा सी दयाळा, नीचळा बणीन वेहवार सेहण कर लेवु। 3 भगवान आपणुक मेळ कराड्यु, ने आपसान चुखली-आत्मा सी एकुत मंडळी वाळा बणाय देदु, ती अगा बी एक मन्या हयन भेळा रवजु। 4 ईसुन एकुत डील छे, जी तेरी मंडळी छे, ने भगवानेन चुखलु जीव-आत्मा एकुत छे, तसात आपणु एकुत आस वाटे बुलाय छांड्या। 5 एकुत मालीक छे, एकुत भुरसु, ने एकुत बपतीस्मा छे, 6 आपणु एकुत भगवान छे, जु आखा पर राज करन्यु आखान बास छे। चु आपणु आखा मां काम करन्यु छे, ने आपणु आखा सी काम करन्यु छे। 7 बाकुन जसु ईसु मसीन आपणी गीण-दया सी नक्खी कर्यु, तसुत चु आखा काजे आंग्ये वाटु आपलु छे। 8 जसु खरला सासतुरे मां लिखलो छे, चु जीत हात करीन उपर गुयु; चु वेरी माणसे काजे बांदीन पठ्ये ली गुयु; ने आपसा माणसे काजे वाटु वाट देदु। 9 चु उपर गुयु तेरो मतलब छे की चु धरतीन उंडला जागा मां बी उतरीन गुयलु। 10 ने जु नेचली धरती मां उतरीन गुयु, चु की चु आखा सरगे सी उपर जात रयु, असु करीन चु आखान मालीक बण जाय। 11 ने ईसु उपर सरग मां चहड़ीन मंडळी वाटे जे आटा आप देदु, काहनास काजे नेवताळु, ने काहनास काजे भगवानेन अधली वात बताडने वाळा माणसे, ने काहनास काजे खुस-खबर सामळावन्या बणायु, ने काहनास काजे राखवाळी करन्या ने सीकापण आपण्या बणावीन मंडळी काजे आप देदु। 12 चुखला माणसे काजे सेवा करनेन तीयारी करने करीन ने चुखली मंडळीन ईसु मसीन डीलेन तसी ची वारु अधणु चाहजे करीन, ईसु मसी जे वाटा मंडळी काजे आप्यु। 13 असु करीन आपणु आखा की आखा काजे, भगवानेन बेटा ईसुन अक्कल मां, ने तेरे पर भुरसा मां, एक माणुस बणीन पुरा की पुरा पाक्कात बण जासु, जसु ईसु मसी पुरु की पुरु पाक्कु छे, जीत भगवानेन युजना छे। 14 असा करसु ती आपणु अगा नानला पुर्या नी रवजे, ठगण्या माणसेन ठग वीद्या सी ठगायजे नी, ने गलत सीकाडने सी,

अथा ने अथा नी भटकायजे; 15 बाकुन परम सी छाचली वात देखाडता जायन ईसु मसीन तसा, आखी वाते मां अदता जासु, जु मंडळीन मुणको छे। 16 ने ज मुणको आखा डीलेक चालाडने ने ज डील आखा नसुटा सी, ने हाटका सी जुडायलो रहे, ने डीलेन आखा हीसुसा आपणा-आपणा काम करता जाय ने आखी डील अधीन आपसोत पुसाये। तसा मंडळीन माणसे एक दीसराक परम करता जायन आपसु-आपसु काम करे ने असु करीन मंडळी बी अधीन पुसाये। 17 ने मे तुहं काजे मालीक ईसु नावे चेताय दम की हय सी नी-यहुदी माणसेन तसा पछा चाल मां धरु, जे भगवान काजे नी जाणे ने फालतुत वात काजे लीन चाले; 18 काहाकी तींद्रे अकलेन डुळा आंदळा हय गुयला छे, चे आपसे मनेक काठो कर लेदा, ने चे बी नी-यहुदी वाळा हय गुयला छे, ने भगवानेन जीवन सी छेटा हय गुयला छे। 19 ने चे बे सरमया हयन छीनाळा मां मन लागाडीन मुजा ली रया, ने आखी भातीन भुंडला काम कर्या करे। 20 बाकुन तुहं काजे ईसु मसीन बारामां असी सीकापण नी जड्यो। 21 छाचलीन तुहं ईसुन बारामां सामळ्या ततयार तीनी छाचाय सी सीकापण काजे सीकला छे; जी ईसुन जीवेम उजेंती हय। 22 ती तुहं काजे तुंद्री जुन्ली चाल-चलण ने जुनली टेव छुड देणु चाहजे, काहाकी चो जीवन ते भटकाडने वाळा भुंडला वीच्यारे सी बीगडती जाय रय। 23 तुंदरा मनेन वीच्यार नवला करने करीन, आत्मा काजे तुंद्रे मां काम करनी देवु। 24 ने एक नवला जीवनेन टेव धरु, जी भगवानेन सीके घड़ायली छे, ने छाचलीन धरमी ने चुखली छे। 25 आपणु एक दीसरान डील छे, ने तुहं झुट मेलनु छुड देवु, ने एक दीसराक छाचली वात कहं। 26 कदी तुहं रीसवाय जावु, ती पाप घुण करु, दाहडु बुडणेन पेहले आपसी रीस सेळवी लेजु; 27 ने भुतडा काजे मुखु घुण आपता। 28 तुंदरे मायन कानुकु चुरी करता हय, ती चु चुरी करनु छुड देणु चाहजे, ने ईमानदारी सी वारलु काम करीन कमायणु चाहजे; ने असो काम करसे ती तेरे भीणी बी कसराय्ला माणसे वाटे देणे करीन बी रवसे। 29 तुंदरा मुंहडाम सी फालतु वात नी नीकळनु चाहजे, बाकुन तीनी टेमे वारलु काम मां अथे तसली सुवाळी वात नीकळनु चाहजे, तेरेसी सामळने वाळा पर बी गीण-दया हवे। 30 ने भगवानेन जीव-आत्मा काजे दुखी मां करु, ईना चुखली-आत्मा सी तुंद्रे पर छुटकारान छाप छे। 31 तुहं जीवनेन आखी कडवान, रीस, जखडी पडनु, दीसरान नाव-बद्दी करनु, ने आखी भातीन कुहराय, तुहं ईनुक ईचमां सी छेते कर देवु। 32 बाकुन एक दीसरा पर गीण करु, ने परम करु, जसु भगवानेन, ईसु मसी वाटे, तुहं काजे माफ कर देदलु छे, तसात तुहं बी एक दीसरा काजे बी माफ कर देवु।

5 तुहं ते भगवानेन लाटेक्ला पुर्या-पारी छे, ने भगवानेन चाल धरु, 2 ईसु मसी आपणे सी परम करलु छे, आपणे वाटे आपसा काजे भगवान अगळ वारु गमे असो गंदायण्या भेटेन तसु बादान रुप मां चड़ावलु छे। ईसुन तसात तुहं बी

दीसरा सी परम करता जायन जीवु। 3 भगवानेन चुखला माणसे काजे तालेत रहणु चाहजे, ने तुंदरे ईचमां छीनाळ्या, चंगला ने हायाळ्या नी हवणु चाहजे। ईनी वातेन बारामां दीसरा माणसेक वाक काटणेन मुखु आपतात घुण। 4 भुंडी वातेक ने चंगली वातेक लीन हासी मजाक घुण करता। असली वातेन मुंहडाम सी भाप लग नी नीकाळनु चाहजे। असली वात करनु सुभा नी देय, बाकुन भगवान काजे बेसकु वारु कहुया करनुत सुप देय। 5 काहाकी तुहुं ते जी वात वारु जाणी रया की काहनु बी छीनाळ्यु, नीते भुंडलु माणसु नीते चंगलु नीते हायळु हय, ती चु मुरती पुजणया बराबर छे, ने चु ईसु मसीन ने भगवानेन राजेन हकदार्यु नी बणे। 6 जसो गमे तसों करु करीन सीकाङन्यान फालतु वातेन वाये लागीन धुकु घुण खाता, असला हुकुम नी मान्या माणसे पर भगवान रीसवाये, ने तींदरे पर भगवानेन डंड आवण्यु छे। 7 ने असला माणसेन सात संगत मां करु। 8 काहाकी तुहुं ते पेहेले आंदारला मां हतला, बाकुन हय मालीक ईसु मां वीजाळा मां छे, तेरेमां वीजाळान पुर्यान तसा चालु। 9 काहाकी वीजाळान फळ आखी भातीन भलाय, ने धरमेन काम, ने खरली छे, 10 तुहुं जी वात पारखीन देखु की मालीक काजे काहनी वात गमे। 11 आंदारलान नी फळ लावणे वाळान कामे मां साजेल्या मां बणु, बाकुन तीनु काजे छुड देवु। 12 काहाकी तींदरा सातायला कामेन वाते बी लाजवायणेन वात छे। 13 वीजाळो तींदरा आखा गलत कामेक उजेंता करे ने चे आपसी गलती समजीन मान लेय, ने बदलीन आपसात वीजाळो बण जाय, ने दीसराक बी वीजाळो आपे। 14 ने आपणु बी असा हवता आय रया, ए सुवणे वाळा जाग जावु, ने मर्या-सर्याम सी जीवता हय जावु, ती मसी ईसुन वीजाळो तुंदरे पर भबळसे। 15 ने आपसा उठणु बसणु पुरु की पुरु धीयान राखु। नी अकल्यान तसा नी, बाकुन अककल वाळा बणीन जीवु, 16 ने आपणु ते खुल्ला दाहड़ा मां जीवी रया। ने जतयार बी मुखु जड़ जाय, मुखा काजे महंगलु समजीन भगवानेन वारलु काम करता रवजु। 17 ने तुहुं तुंदरा जीव मां मालीक भगवानेन मरजी काजे समजु, ने तेरेत अनसारे काम करु, बाकुन नी अककल वाळा मां बणु। 18 अंगुरेन रस पीन छाकता घुण, काहाकी एरे सी पापी वीच्यार उब्जे; बाकुन चुखली-आत्मा काजे तुंदरा जीवेम पुरात भरायन काम करनी देवु। 19 ने भगवान मालीकेन अबरा मां हेळी मेळीन भगवानेन वातरा कवता जायन भगवानेन गीते, गायणो, ने भजन गाया करु, आखे तीना मालीकेन अबरा मां मन मां गावता गुंगणायता रहु। 20 ने हामरा मालीक ईसु मसीक नावलीन आखे टेमे, आखी वात वाटे बास भगवान काजे बेसकु वारु, कवता रहु। 21 ने तुहुं ईसु मसी सी बीही रया, करीन आपसा काजे एक दीसरान हक मां कर देवु। 22 ए, लाड्या, जसा तुहुं आपसा काजे मालीक ईसुन हाते मां सुप रया, तसात तुहुं आपसा काजे आपणा-आपणा धेणीन हातेम सुप देवु। 23 काहाकी लाडु आपसी लाडीन मुणको छे जसु मसी मंडळ्यान मुणको छे,

मतलब मुखी छे। चु आपसी मंडळीन ने आपसा डीलेन छुटकारा करन्यु बी छे। तेबी चु मंडळी पर जबरान हक नी जमाडे। 24 बाकुन मंडळी काजे ईसु मसीन हक मां रहणुत छे। तसात ए लाड्या तुहुं आखी वाते मां आपणा-आपणा धेणीन हक मां रहु। 25 ए, घरवाळा, तसात, तुहुं जाणु की ईसु मसी आपसी मंडळी काजे अतरा जादा परम कर्यु की चु आपसी मंडळी वाटे आपसु जीव लग आप देवु, तसात तुहुं आपणी-आपणी घरवाळी काजे परम करु। 26 की हीनाक बुलेन साहरे पाणी सी उंगळायान चुखु झण करीन चुखलु बणावे। 27 हय चु आपसी मंडळी काजे एक नवली लाडीन तसी सींगार करीन ने घाटाळी बणावीन आपसा अगळ उबी करने करीन चु असु कर्यु। जसु नवली लाडी काय बी दाग नी रहे, ने चामडो चीमाम्यलो नी रहे, ने असली काहनी बी दीसरी कसर नी रहे, तसीत ईसुन मंडळी बी नी-गुना वाळी ने चुखली रवसे। 28 तसोत जत वारु छे की अदमी आपणी-आपणी लाडी सी आपसा डीलेन तसु परम राखे। जु आपसी लाडी सी परम राखणु चाहजे, मतलब चु आपसा सी बी परम राखे। 29 काहाकी काहनु बी कदी आपसा डील सी दुसमनी नी राखे, बाकुन तीनाक पाळे पुसे, जसु मसी ईसु बी मंडळीन साते करे। 30 काहाकी हामु तेरा डीलेन भाग छे। 31 “खरला सासतुर मां ज बी लिखलो छे; माणस आपसा आसया बासया काजे छुडीन आपसी लाडी साते भेसकायन रवसे, ने चे द्यु जणा एक डील कहुवासे।” 32 जी वात बेसकी मटी छे, ने पेहेल सातायली हतली, बाकुन हय मे उजेंतु देखाडो, जी वात ते ईसु मसीन ने तेरी मंडळीन मेळान सहलाणी छे। 33 बाकुन जी वात तुहुं लाडा लाडीन मेळ काजे आपसान चुखोझण देखाडे। ने तुंदरे मायन हरेक जणु आपसी लाडी काजे आपसान तसा परम करनु चाहजे, ने हरेक जणी आपसा लाडान कहुयाम चालीन ईज्जत करनु चाहजे।

6 ए पुर्या-पारी, मालीक ईसु पर भुरसु करता जायन आसया बास्यान हुकुम मानु, काहाकी ज तालेत छे। 2 “ने भगवानेन बुल बी असा कहे” तारा बाबान ने तारी आयसीन ईज्जत करीन अबरु राखु जी पेहली हुकुम छे, तेर भेळे वायदु बी छे। 3 “असु करसी ती तारो भलो हवसे, ने तु धरती पर बेसका दाहड़ा लग जीवतेलु रवसी।” 4 ए आसया बासया तुहुं आपणा-आपणा पुर्या-पारी काजे मालीक भगवानेन सीकाङने सी वारु टेवाइता जायन, तीनुक पाळु पुसु। बाकुन सुदारनेन टेमे तीनुक फालतु घुण कीचवाइता। 5 ए गुलाम पावर्या, जसा तुहुं ईसु मसीन हुकुम मन मां मानु, तसात छे धरती पर वाळा तुंदरा मालीक छे, तींदरे सी बी बीहता ने कापता जायन गमते रवते तींदरु हुकुम मानु। 6 काहनाक माणसेक खुस करने वाळान तसा देखाङने वाटे करीन सेवा चाकरी करनेन ढंगड़ा मां करु, बाकुन ईसु मसीन गुलाम पावर्यान तसा खरले मने भगवानेन ईनी मरजीन अनसारे हर घडी तींदरी सेवा करु। 7 ने माणसेन सेवा चाकरी कर रया, असा समजीन सेवा चाकरी मां करु, बाकुन

मालीक ईसु मसीन सेवा चाकरी कर र्या, समजीन वारला मन सी तींदरी सेवा चाकरी करु। 8 हेर करु की वारलु काम करन्याक ईनाम आपण्यु भगवान मालीक छे, भले चु काम करन्यु गुलाम पावर्यु हय, भले चु आजाद, मालीक हय। 9 ए गुलाम पावर्यान मालीक्या, ईनेत रीते तुहुं बी तुंद्रा गुलाम पावर्या साते भुळा रहु। कुय काजे बीहाडु मां, काहाकी तुहुं काजे मालम छे, की तींदरु ने तुंदरु दुयुन एकुत मालीक भगवान सरग मां छे। हीसाब लेणेन घड़ी, चु ते काहनाक बी छाटीन, नानला मटान नेवाडु नी करे। 10 हेरेसी मालीक ईसु मां तेरी ताकत सी तुहुं बी ताकतवाळा बणु। 11 ठगण्या भुतडान कदर सी बचणे ने तेरे साते गड़दीने करीन भगवानेन आखा हत्यार काजे हात कर लेवु, जे सीपायडान आखा हत्यारेन तसा छे। 12 काहाकी आपणी लड़ाय डील ने लुही साते नी हय, बाकुन तीनु राज करन्या ने हक जमाइन्या साते छे, जे भुतडान जमेन मेळा छे, जे वाहळाम रवीन ईनी आंदारली कळीन माणसेक पाप कराडूने करीन पटाडीन राज करे। (aiōn g165) 13 ने काठला दाहड़ा मां बी काठा रवीन, आखी वातेम जीत हात करीन टेकला रहणे करीन भगवानेन आखा हत्यार पुठ्ये ली लेवु। 14 काहाकी छाचली सी आपणी कमर बांदीन, ने धरमेन कामेन टुपु पेहेरीन, 15 ने पाय मां हेळ-मेळ कराडूनेन खुस-खबरेन तीयारीन खासड़ा पेहेरीन, 16 ने ईनु आखा साते भुरसान ढाळ लीन काठ रहु, काहाकी तुहुं तीना वेरीन आखा धपतेला बीलखा काजे उलवी देवु। 17 ने छुटकारान टुपु, ने आत्मान तलवार, ज भगवानेन बुल छे, ली लेवु। 18 ने चुखली-आत्मान अगवाय सी हर घड़ी ने आखी भात्ये भगवान सी लीलघायता ने दुवा करता रहु, ने भगवानेन आखा चुखला माणसे वाटे बी जागला रवीन एक मन्या हयून लीलघायता ने दुवा करता रहु। 19 ने मारे वाटे बी की मेसेक बुलनेन घड़ी असा वारु बुले देणु चाहजे, की मे हिमतेन साते खुस-खबरेन मतलब काजे बताड़ सको, 20 जसु मे साकळ सी फांदायलु राजान राजु छे, ने असु बी की मे तीनी वात मां जसो मेसेक चाहजे, तसु हिमतेन सी बुलो। 21 तुखीकुस, जु लाटेकलु भायस ने मालीक ईसु मां भुरसा लायक सेवक छे, हयु तुहुंका बताड़से की तुहुं बी मारी हाल जाणु की मे कसु रव। 22 तीनाक मे तुंदरे धड़े असु करीन मकलयु, की तुहुं हामरा हाल काजे जाणु, ने हयु तुंद्रा मन मां सांती देय। 23 ए भायस्यो ने बहणस्या, मे भगवान सी लीलघायून असु कही, की भगवान बास सी ने मालीक ईसु मसी सी तुहुं आखा काजे सुक-सांती जड़ती रहे, ने तुहुं भुरसा मां ने एक दीसरान परम मां बड़ता जावु। 24 ने जे आपणा मालीक ईसु मसी काजे अमर परम करे, तीनु आखा काजे भगवानेन गीण-दया जलम जड़ती रहे।

फीलीपी

1 जी चिट्ठी ईसु मसीन गुलाम पावर्यु पोलुस ने तीमुथीयुस लिखला छे। जी चिट्ठी फीलीपी सहर मां रहणया, ने ईसु मसी काजे मान्या भगवानेन आखा चुखला माणसेक, मंडळीन मुख्या ने मंडळीन खास पावर्या काजे लिख रया। 2 आपणा भगवान बासेन ने मालीक ईसु मसीन गीण-दया ने सुक-सांती तुहुं आखा काजे जइती रहणु चाहजे। 3 मे जत्यार बी तुहुं हेर करो, तत्यार तुंद्रा बारामां आपणा भगवान काजे बेसकु वारु कहवो; 4 ने जत्यार बी मे दुवा करो, ती खुस हयन जलम तुंद्रे आखा वाटे दुवा करो। 5 काहाकी तुहुं पेहले दाहड़े सी लागीन आज लग खुस-खबर सामळावणे करीन तुहुं मारी सात देदा। 6 मे मेसेक ईनी वात पर पाक्कु भुरसु छे की, जु भगवान तुंद्रे ईचमां वारलु काम सुरु करलु छे, हयुत तीना कामेक ईसु मसीक पछु आवता लग पुरो करसे। 7 तुंद्रे बारामां असोत वीच्यार करनु मारे वाटे वारु छे, काहाकी पेहले बी ने हय बी मे जेल मां छे, तेबी आखा अगळ खुस-खबरेन छाचाय काजे गवा-पुरावाक लीन सामळावणेन काम मां तुहुं आखा मारा साजल्या बणता आय रया। ज काम मेसेक भगवानेन गीण-दया सी जइलो छे। ने तुहुं मारा मन मां वसी गुयला छे। 8 भगवान ईनी वातेन गवा छे की, मे ईसु मसीन परम सी तुहुं आखाक भेळु हवणे करीन तुंद्री बेसकी हेर करो। 9 मे तुंद्रे वाटे भगवान धड़े असी दुवा करो की, तुंद्रु परम, छाचली अक्कल ने समज सी अदु-अदुस बइतु जाय; 10 ने तुहुं भलाय ने कुहरायन फरक पाइनि आखाम सी वारु वात जाणीन, तीनीक मान लेवु; काहाकी ईसु मसीक पछा आवणे लग पुरा-पुरा खरला ने नी-गुनाळा बणीन रहु। 11 ने ईसु मसीन साहरे जइन्या वारलु गुण काजे आपसा जीवो मां वारु उतारीन तीनु गुणेक कामे लावु, तेरेसी भगवानेन नावेन बड़ाय हवती जाय ने तेरात गुण गावायता रवे। 12 ए मारा भायस बहणस्या, तुहुं ज मालुम हवणु चाहजे की, जो काय मारे साते हयो, तेरेसी ईसुन खुस-खबरेन खबर, आड़े-धड़े बी पुग गुय। 13 जां लग की, कीला मां केसर राजान राजा ने तेरी राखवाळी करन्या सीपायडाक ने दीसरा आखा माणसेक बी ज मालुम हय गुयो, की हयु पोलुस, ईसु मसीन परचार कर र्यु करीन, तीनाक जेलेम कुंड देदा। 14 ने मे जेलेम कुंडाय र्यु करीन, बेसका माणसे ईसुक मान्या ईसु मां हिममत करीन, अळी बी अदुस भगवानेन बुले बे फीकर्या हयन, बीहे बीगुर सामळावणे बाजी गुया। 15 काहनाक ते कुहराये ने टठाये ईसु मसीन परचार करे, बाकुन काहनाक ते वारलु वीच्यार लीन ईसु मसीन परचार करे। 16 जे माणसे ते परम सी परचार करे, काहाकी चे जाणे की भगवानेन खुस-खबरेन राखवाळी करने करीन पोलुस काजे राख रया। 17 बाकुन काहनाक दीसरा माणसे ते, वारलु वीच्यार नी, बाकुन पोलुस काजे जेल मां अदुस वेला हवणु चाहजे करीन कुहराये ईसुन परचार करे। 18 बाकुन हेरेसी काय फरक नी पड़े।

वारलु वात ते जी छे की, भले कुहराये, भले छाचाये, ईसु मसीन परचार ते हय र्यो ने माणसे ईसुन खुस-खबर सामळावणे बाजी रया तेरेसी मे खुस छे; ने खुस बी रयस। 19 काहाकी मेसेक मालुम छे की, तुंद्री दुवान साहरे, ने ईसु मसीन जीव-आत्मान मदत सी, मारु छुटकारु हवसे। 20 ने मारा मन मां जी मरजी ने आस छे, की मे काहनी बी वातेम नी लाजवायो; बाकुन मेसेक पाक्कु भुरसु छे की, मारी जीवाय सी ईसु मसी काजे ईज्जत जइने बाजी रय, असीत अघी बी जइसे, भले मे जीवतेलु रहो, नी ते मर जाम। 21 काहाकी मे ईसु मसी वाटे मरने बी ने जीवणे बी तीयार छे; मार वाटे जीवतु रहणु ते ईसु मसी छे, ने मरनु फायदु छे। 22 बाकुन मार वाटे ते, डीलो मां जीवतेलु रहणु, खुस-खबर सामळावणेन काम वाटे नफु लावणी वात छे; बाकुन मे काहनी वातेक नेवाडो, जीवणु की मरनु? मेसेक समज मां नी आवतो। 23 मे ईनी दुय वातेन ईचमां पड़ र्यु काय करो ने काय नी? मारी हेर ते जी छे की मे मर जाम, ने जायन ईसु मसी पुठ्ये रव, काहाकी ज ते छाचली बेसको वारु छे। 24 बाकुन तुंद्रेन तसों मेसेक डीलो मां जीवतु रहणु, मरने सी बी अदु जरुड़ी छे। 25 ने मेसेक पाक्कु भुरसु छे की, मे जीवतु रयस, ने तुहुं आखा पुठ्ये रयस, ती तुहुं आखा भुरसा मां पक्का हवता जासु ने ईसु मां खुस रवसु। 26 असु करीन मे तुंद्रेनचां पछु आयन रयस ती, जी बड़ाय तुहुं मारा बारामां कर रया, ची बड़ाय अळी अदुस ईसु मसी मां अदी जासे। 27 हय बस अतरोत करु की, तुंद्रु वेहवार ईसु मसीन खुस-खबर कहवे तसोत रवे, तेरेसी भले मे आयन तुहुं देखो, ने नी ते नी आवाये, तेबी मे तुंद्रे बारामां असोत सामळो की, तुहुं आखा एक जसा बणीन टीकला रय रया, ने काहनी बी वातेन, वीरुद करन्या सी नी बीहता ने खुस-खबरेन भुरसान राखवाळी करने करीन एक मन्या, भेळा हयन काठी मेहनत कर रया। 28 असा करसुन ती, वीरुद करन्या तुंद्री जी हिममत देखसे, ने तींद्रे धड़े जी हिममत ते तींद्रो बरबाद हवणेन चुखु-झण पुरावु छे। ने जीत हिममत तुंद्रे धड़े तुंद्रा छुटकारान चुखु झण पुरावु बी छे, ने तुंद्रे सी भगवानेन जीत मरजी छे। 29 काहाकी तुहुं भगवानेन गीण-दयान वाटु हेरेन करीन जइलु छे की, तुहुं ईसु मसी पर भुरसु करु; ने भुरसा सी तेरे वाटे ने तेरी खुस-खबर वाटे दुख झेलीन वेला करनेन बी खास हक देदलु छे। 30 ने दुख झेलने मां तुहुं एखला नी हय; पेहले तुहुं मेसेक बी खुस-खबर वाटे असु दुख झेलतु देख रया, ने हय बी असा सामळु, की मे खुस-खबर वाटे वेला कर रयु।

2 ईसु मसी काजे मानीन तुंद्रे धड़े हिममत, ने तेरा परमेन सांती, ने भगवानेन जीव-आत्मान सात-संगात, ने तुंद्रा मन मां दया छे, 2 ती मारी खुसी पुरी करने करीन एक मने, ने एकुत परम सी, ने एकुत वीच्यार मां रहु, ने अलग-अलग नी बाकुन हेळी-मेळीन परम सी रहु। 3 दीसरा माणसे मारी बड़ाय करनु चाहजे करीन, ने टठाये, काय बी काम, मां करु, बाकुन नीचळा हयन आपसा सी दीसरा काजे अदुस वारु समजु। 4

तुंदरे मायन एकेक जणु आपसीत फीकुर अतरी नी, बाकुन दीस्रान भलायन फीकुर बी करु। 5 जसु ईसु मसीन वीचयार ने वेहवार हतलु, तसुत वीचयार ने वेहवार तुंदरु बी रहणु चाहजे। 6 चु ईसु, भगवान हयन बी, भगवान बराबर हवणेन हक काजे छुड़ देदु। 7 ने आपसा काजे अतरु नानु ने हेदु कर देदु, की माणसेन अवतार लीन माणसेन तसु बण गुयु, ने तींदरे अगळ पावर्यान तसु बण गुयु। 8 ने चु खुद काजे अतरु नानु ने हेदु समजीन अतरु जबर नीचळु बण गुयु, की भगवान बासेन हुकुम मानीन मोत, ने चु बी कुरुसेन काठली मोत काजे बी सेण कर लेदु। 9 तेरेसी भगवान बी तीनाक अतरु मटु बणाय देदु, ने तीनाक च नाव आपयु ज आखा नाव सी बेसको वारु ने उपर छे। 10 काहाकी जे सरगे मां ने धरती पर ने धरतीन नेचा छे; चे आखा ईसुन नाव सामळीन, तेरे अगळ मांडा टेके। 11 ने भगवान बासेन सेक-सींगार वाटे आखा माणसे असा कयन मान लेय की, “ईसु मसीत आखान मालीक छे।” 12 तेरेमां मारा लाटेकला, जसा तुहुं जलम भगवानेन हुकुम मान्ता आय रया, तसात हय बी मारी हजुरी मां अतरात नी बाकुन मारी बीना हजुरी मां बी अळी अदुस बीहता ने कापता जायन भगवानेन हुकुम मान्ता जावु ने असा करीन आपसा छुटकारा काजे आपसा काम मां पुरो-पुरो उजेंतु हवणे देवु। 13 काहाकी हयु भगवानुत छे, जु खुद आपसी वारलु मरजी साहरे ईनाक कामेक पुरो करने तुंदरी हेर ने काम करने बाजी रयु। 14 आखो काम बीना कुड़-कुड़ ने बीना वाते-वातेम जखड़ी पड़े बीगुर करु। 15 काहाकी तुहुं नी-गुना वाळा ने बयमान ने पाप मां चालने वाळा माणसे अगळ बी भगवानेन चुखला पुर्या-पारी बणीन रहु, ने तींदरे ईचमां तुहुं भगवानेन जीवतेला बुले लीन दुनीया मां भबळता तारान तसा देखायु। 16 काहाकी ईसु मसीन आवणेन दाहडे मां घमंड कर सकीस, ने ते असो नी हय जाय की मारो दवडनु ने मारी मेहनत करनु फालतु हय जाय। 17 ने ईसु पर भुरसु करीन तुहुं जी सेवा कर रया, ची सेवा भगवान अगळ चड़ावली बादान तसी छे; कदी मेसेक तीनी सेवान बादा पर, तुंदरे वाटे मारो लुही बी उवहाडनु पड़े, तेबी मे खुस छे, ने तुहुं आखा साते बी खुस छे। 18 तसात तुहुं बी मारेन तसा खुसी मां रहु, ने मारे पुठ्ये खुसी मनावु। 19 मालीक ईसुन मरजी हय ती, मे मामार मारा सात-देण्या तीमुथी काजे तुंदरेनचां खबर्यु मकली दीस। जत्तयार चु पछु आवसे, ने मे तुंदरे बारामां सामळीन खुस हय्स, ने मेसेक सांती जडसे। 20 काहाकी मारे साते हेरेन तसु दीसरु काहनु माणुस नी हय, जु चुखला मने तुंदरी भलायन फीकुर करतु हय। 21 काहाकी दीसरा आपसी भलायन फीकुर कर रया, ईसु मसीन भलायन फीकुर नी करता। 22 तुहुंक असो मालुम छे की, तीमुथीयु खुस-खबर सामळावणे मां काठी मेहनत करीन मारी असी सात देदु, जसु एक पुर्यु आपसा बासेक काठी मेहनत करीन सात देय। 23 हेरेसी मे आस करो, की जसों मेसेक मारे बारामां पतु चाल जासे की, मारो काय हवणे वाळो छे, ती मे हीनाक

तुंदरेनचां मकली दीस। 24 मालीक ईसु मां मारु पाक्कु भुरसु छे की, तुहुंक भेळु हवणे करीन मे बी मामार आयस। 25 बाकुन हय एप्रादीतया काजे तुंदरेनचां पछु मकेलनुत पड़ रयो, जु मारु भाय बराबर छे, ने खुस-खबरेन काम मां सीपायडान तसु काठु जीव करन्यु मारु साजल्यु छे, ने तुहुंत तीनाक मारी सेवा चाकरी करने करीन तीनाक मारेनचां मकेल्ला। 26 काहाकी चु ईसुन सेवा करतु-करतु मांदु पड़ गुयु, ने अळी तीनाक जो बी पतु चाल्यु की तुहुं बी तेरी मांदवाडेन बारामां सामळी लेदा। जो जाणीन चु तुहुंक भेळु हवणे करीन बेसकु हेर करीन घाबराय रयु। तेरेसी मे तीनाक तुंदरेनचां मकलो। 27 छाचली मां चु मांदलु ते हतलु ने मरनेत वाळु हतलु। बाकुन भगवान तेरे पर दया कर्यु। मारे पर दुख पर दुख नी पड़े करीन तेरे पर अतरुत नी बाकुन मारे पर बी दया कर्यु। 28 तेरेमां एप्रादीतया काजे मकलने करीन मे बी तीयार हय गुयु। काहाकी तुहुं तीनाक अळी देखीन खुस हय जावु, ने मारी फीकुर बी कम हय जाय। 29 ने तुहुं तीनाक मालीक ईसुन नावे बेसका खुस हयन भेळा हवजु, ने आव-भाव करजु। ने असला माणसेन अदुस ईज्जत कर्या करजु। 30 काहाकी चु ईसु मसीन काम करतु जायन आपसा जीव काजे हेतळी पर लीन मरनेत वाळु हतलु। ने तीना काम मां चु आपसु जीव आपणे बी तीयार हय गुयु। छेटा रवीन मारे पुठ्ये तुहुं काजे ज काम नी बण्यो, च काम चु पुरो कर देदु।

3 ती मारा भायस ने बहणसया भगवानेन पुर्या-पारी बण गुया, करीन मालीक ईसु मसी मां खुस रहु। गलत सीकाइन्यान बारामां जी वात अळी-अळीन लिखणे सी मेसेक दुख नी लागतो काहाकी हेरे मां तुंदरीत राखवाळी ने भलो छे। 2 कुतरान तसा कुहर्या माणसे सी, ने भुंडो काम करने वाळा सी चेतनी रहु। ने तीनु फतरी काटाडने वाळा माणसे सी चेतनी रहु। 3 काहाकी फतरी-काटणया ते आपणुत छे। जे भगवानेन चुखली-आत्मान साहरे भगवानेन भक्ती करने करीन, ने ईसु मसी पर अतरीत मटाय करजे, ने आपणा डीलेन उपरनी रीती भाती पर भुरसु नी करजे। 4 मे ते डील पर भुरसु कर सको, कदी काहनाक डील पर भुरसु करनेन वीचयार हय, ती मे हेरे सी बी जादा डीलो पर भुरसु कर सको। 5 काहाकी आठवे दाहडे मारा पेरवोटोन अगली फतरी काट्या। मे ईसुरायेली माणसेन अवल्यात छे, ने मारा आडा-बुडा आखान आखा ईब्रानी जातीन छे। मे बीन्यामीन कुळी मायन छे, ने कायदा पाळनेन हीसाबे मे फरीसी माणसेन टुळीन हतलु, ने असुत कायदा पाळतेलु। 6 हिममतेन हीसाबे मे ईसुन मंडळीक वेला पाडन्यु हतलु, ने कायदा पाळीन जडनया धरमेन हीसाब, मे माणसेन नींगा मां नी-गुनाळु हतलु। 7 बाकुन जी-जी वात पेहेले मारु फायदु करती तीनी-तीनी वातेक, ईसु मसीन अनसारे नुकसाण देणे समजी लेदु। 8 अतरोत नी बाकुन, ईसु मसी काजे; मारु मालीक छे करीन जाणनो आखाम सी वारुत समजीन, मे आखी दीसरी वातेक हेटी ने नेची समजी लेदु। तेरे सी मे आखी चीजेन नुकसाण झेल्यु। ईसु मसी काजे

हात करने करीन, मे तीनी चीजेन नुकसाण झेल्यु, तीनी आखी चीजेक कचरु समजो; 9 ने मे ईसु मसी साते एक हीयु बणीन रहो। ने कायदा पाळने सी जड़ने वाळा धरम भेळ मे नी रहो। बाकुन तीना धरम भेळ, ईसु मसी साते एक हीयु बणीन रहो, जु ईसु मसी पर भुरसु करने सी मेसेक जड़े। जु धरम नीसतु ईसु पर भुरसु करने सीत भगवान वगे सी जड़े। 10 तरेसी मे ईसु मसीक ने तेरु पछु जीवतु करनी ताकत काजे जाणीन, ने तेरे साते दुख ने मोत मां एक हयन 11 मे बी काहींग करीन मरलाम सी पछु जीवतु हवणेन हात कर सको। 12 ज नी हय की मे पछु जीवतो हवणु हात कर लेदु, नी ते पुरु-पुरु पाक्कु हय जु, बाकुन पछो जीवतो हवणु हात करने करीन अगु-अगु जाणे बाजी रयु। ईनात ठीयान साहरे ईसु मसी मेसेक नेवाड़लु हतलु। 13 ए भायस्यो ने बहणस्या, मारु जु वीच्यार नी हय की मे पछु जीवतो हवणु हात कर लेदु, बाकुन जो एक काम करो, की जी वात पछळ रय गुय तीनी वातेक ईसरीन अगु-अगु जाय रयु 14 पछु जीवतु हवणेन ठीया भीणी दवडीन जाणे बाजी रयु, की चो ईनाम हात करो, तीना ईनाम वाटे भगवान, मेसेक ईसु मसी मां उपर सरगे मां पछु बुलावलु छे। 15 आपणे मां जतरा बी आपसाक पुरा-पुरा पाक्का समजे, तीनुक मारेन तसुत वीच्यार करनु चाहजे ने कदी ईनी वात मां वीरुद हये, ती भगवान ईनी वातेक बी तींदरे अगळ उजेंती कर देसे। 16 हेरेसी भगवानेन कह्याम चालता जायन जां लग आपणु पुग गुयला छे, तेरेत अनसारे वेहवार करीन जीवणु चाहजे। 17 ए भायस्यो ने बहणस्या, तुहुं आखा जणा मारेन तसा जीवु, ने तीनुक धीयान लागाडीन उळखी लेवु, जे ईनेत हीसाबे जीवे जसा तुहुं हामुक जीवतेला देख रया। 18 काहाकी मे तुहुंके पेहले बेसका कावा कय देदलु, ने हय बी रडतु जायन कय रयु की, तुंदरे ईचमां थुडाक असा बी छे, जे आपसा गलत वेहवार ने जीवायन साहरे ईसु मसीन वेरी बण रया, जु तींदरा पाप धडे पेहले कुरुस पर मरलु। 19 चे ते आपसी लाजवायन वात पर मटाय करे। तींदरु भगवान ते पेटुत छे, ने ईनी कळीन चीज पर मन लागाड्या करे; ने चे आकरी मां बरबाद हय जासे। 20 बाकुन आपणो असली घर ते सरगे मां छे। चां सी आपणुक छुडावणे वाळु मालीक ईसु मसी आवणे वाळु छे। ने आपणु हेर करीन तेरी वाट देख रया। 21 चु तेरा चुखली-आत्मान ताकतेन साहरे कळीन आखी चीजेक आपसा कब्जा मां करन्यु छे, ने चु तीनाक चुखली-आत्मान साहरे, आपणा कमजुर डीलेन सीकाक बदलीन, आपणा सेक-सींगार भर्या डीलेन सीका मां बदली देसे।

4 ए मारा लाटेकला भायस्यो ने बहणस्या, मारु जीव तुंदरी हेर कर रयु, ने तुहुंके देखणे करीन कलपी रयु। तुहुं मारी खुसी ने ईज्जत आपणी पागड़ी साय छे; ने जसु मे तुहुंके सीकाडलु तसात तुहुं मालीक ईसु मां टणका रहु। 2 मे युवोदी ने सुंतुकी दुयु बायरा काजे समजाडतु जायन कहवो की, तुहुं वातेम लड़ाय बीगुर मालीक मां एक मन्या रहु। 3 ने मारा छाचला

सात देण्या भाय, मे तुसेक बी लीलघायन कहो की ईनु बायरान मदत कर, जे मार साते ने केलमेनस्या भाय साते ने मारा दीसरा सात देण्या साते, खुस-खबर सामळावणे मां, वेला करीन काठी मेहनत कर्या। हीनु आखान नाव अमर जीवायन किताप मां लिखलो छे। 4 मालीक ईसु मां जलम लग खुस रहु। मे अळी कहो की खुस रहु। 5 तुहुं आखा माणसे अगळ भुळा-भाळा बणु। काहाकी मालीक ईसुन पछो आवणु धडेते छे। 6 काहनी बी वातेन फीकुर मां करु, बाकुन हरेक वातेम भगवान काजे, बेसकु वारु कवता जायन दुवा ने लीलघायन भगवान अगळ आवु। 7 तत्त्यार भगवानेन सांती, जी हामरी आखी समज सी बाहर छे, ची तुंदरा मन ने, वीच्यार काजे ईसु मसी मां राखवाळी करसे। 8 तेरेमां मे कहो की भायस ने बहणस्या, भगवानेन नीगा मां, ने माणसेन नीगा मां, जो काय छाचलो छे, ने जो काय ईज्जतेन लायक छे, ने जो काय वारलु छे, ने जो काय चुखलो छे, ने जो काय मनेक भावे तसों छे। ने जो काय बड़ायन लायक छे, ने जे काय वारलु गुणे छे, ईनुत वाते पर मन लागाड्या करु। 9 ने जी वात तुहुं मार सी सीक्या। ने मान्या, ने सामळ्या, ने मारेम देख्या, तीनुत वात पर तुहुं बी चालता रवजु, तत्त्यार भगवान, जु सांतीन झोर छे। 10 मे मालीक ईसु मां बेसकु खुस छे, काहाकी थुडाक दाहडा हय गुया ने अळी तुहुं मारी फीकुर अळी कर्या, ने छाचली मां पेहले बी तुहुं मारी फीकुर करला बाकुन, तीनी फीकुर काजे देखाडनेन मुखु तुहुंके नी जड्यु। 11 मार धडे काय नी हय, असु सुचीन मे असु नी कवतु, काहाकी जसु बी मे रहो, तेरेत मां खुस रहणु सीकलु छे। 12 कमुत हय ती कसों रहणु? ने बेसको हय ती कसों रहणु? ने गरीब बणीन जीवणु ने मालदार बणीन जीवणु, भुकलु ने आफरीन रहणु, आखी वात ने आखी हालत मां खुस रहणु, जो आखो मे सीक लेदु। 13 जु मेसेक ताकत आपे, तेरी मदत सी मे आखो-काय कर सको। 14 कसा बी तुहुं मारी कडकी मां मारी सात दीन मारो भलो कर्या। 15 ए फीलीपी मंडळी वाळा जसा की तुहुं खुदुत काजे मालम छे, की जत्त्यार खुस-खबर सामळावणे करीन मे तुंदरेनचां आयन तुंदरा मकीदुनीया जीलाम सी नीकळीन दीसरे जागे गुयलु, तीनु सुरु वाळा दाहडाम तुहुंके छुडीन दीसरी काहनी बी ईसुन मंडळी, लेण-देण मां मारी सात नी देदा। 16 तुंदरा मकीदुनीया जीलाम सी नीकळनेन पेहले बी, जत्त्यार मे थीसलुनीकी सहर मां हतलु, तत्त्यार बी तुहुं मारी मदत करने करीन, ईनीत रीते दुयेक कावा मार वाटे दान करला पयस्या भेळा करीन दी मकल्या। 17 जी वात नी हय, की मे तुंदरा दान करला पयस्यान मरजी राखु; बाकुन मारी मरजी जी छे की, तुहुं पयस्या दान करता आय रया करीन, भगवान तुहुंके बरकत आपी आपीन तुंदरु नफु अदुस बड़ावतु जाय। 18 हय मेसेक जो चाहजे चो आखो मार धडे छे, ने अदु बी छे; तुहुं एप्रादीत्यान हाते जे दान करला पयस्या दी मकल्या, तीनु दान करला पयस्या काजे लीन मे बेसकु खुस हय गुयु ने आफरी गुयु। चे

दान करला पयस्या ते तीनी सुहरी-सुहरी ने सवादी-सवादी गंदायणी बादा साय छे, जी बादा भगवान काजे चाहजे ने माने असी छे। 19 ने मारु भगवान बी धन मां सी जी सेक-सींगार भेली मसी ईसु मां छे, चां सी तुहुंक जो काय चाहजे चो आखो देसे। 20 आपणा भगवान बासेन सेक-सींगार जलम पीड़ीडीट हवती रहणु चाहजे! आमीन। (aiōn g165) 21 जे ईसु मसी मां छे तीनु आखा चुखला माणसेक, मे ने जे भायस मार साते छे, चे वारु छे की करीन पुछ रया, ने आवजु बी कय रया। 22 जां रहणे वाळा भगवानेन आखा चुखला माणसे ने खास करीन राजान-राजा केसर्यान घर मां रयन तेरा काम करन्या बी तुहुंक वारु छे की करीन पुछ रया ने आवजु कय रया। 23 ने आपणा मालीक ईसु मसीन गीण-दया तुंद्री आत्मा पुठ्ये रहणु चाहजे।

कुलुसी

1 मे पोलुस भगवानेन मरजीन अनसारे ईसु मसीन नेवताळु छे। जी चिट्ठी मे पोलुस ने तीमुथीयुस लिखला छे; ने जु तीमुथीयुस ईसु पर भुरसु करेनेन साहरे आपणु भाय छे, 2 जी चिट्ठी कुलुसया सहर मां रहण्या, भगवानेन चुखला माणसे वाटे लिखली छे, जे ईसु मसी पर भुरसु करे। आपणा भगवान बास भीणी सी तुहुं काजे गीण-दया ने सुक-सांती जडती रहणु चाहजे। 3 हामु तुंद्रे वाटे भगवान धडे दुवा करजे ती, आपणा मालीक ईसु मसीन बास भगवान काजे बेसकु वारु कह्या करजे। 4 काहाकी ईसु मसी पर तुंदरा भुरसान बारामां ने भगवानेन आखा चुखला माणसे पर तुंदरा परमेन बारामां हामु सामळी रया। 5 जतयार तुहुं खुस-खबरेन खरला बुल सामळ्या ती सीत भगवानेन बरकतेन बारामां बी, सामळता आय रया, तीनी बरकत काजे भगवान तुहुंका आपणे करीन सरगेम जापताये मेल रयु। ईनी वातेन तुहुं पाक्की आस कर रया; हेरेसी तुंदरु भुरसु ने परम नाव सादयु हय रयु। 6 जी खुस-खबर आखी कळी मां पुगती जाय, ने हेरे साहरे माणसेन जीवाय बदलीन फळ लावती जाय, ने अदतीत जाय; ने तीने दाहडे तुहुं ईनी खुस-खबर काजे सामळ्या, ने भगवानेन गीण-दया काजे छचलीन उळख्या, ती सीत खुस-खबर तुंदरे मां बी तसीत काम करती जाय। 7 ईसुन खुस-खबरेन सीकापण तुहुं काजे हामरा लाटेक्ला भाय ईपरफास धडे सी जडली छे, जु हामरु साती गुलाम पावर्यु हतलु, ने हामरे धडे सी ईसु मसीन ईमानदार पावर्यु बणीन आय रयु। 8 जु ईपरास्यु हामुक तुंदरा परमेन बारामां खबर कर्यु, जु परम भगवानेन जीव-आत्मा तुहुं काजे दीसराक परम करेने करीन आपलु छे। 9 हेरेसी तीने दाहडे सी हामु ज सामळ्या, हामु बी तुंदरे वाटे भगवान धडे लीलघायन असी दुवा करनु नी छुड्या; एरेन करीन की तुहुं आखा चुखली-आत्मान अकलेन ने समजेन साहरे तुंदरे वाटे भगवानेन मरजी काजे पुरा-पुरा जाण लेवु। 10 काहाकी तुंदरु वेहवार मालीक ईसु काजे गमे असु रहणु चाहजे, तेरे सी मालीक ईसु आखे भात्ये खुस हये, ने तुहुं आखा भला कामे करता रहु, ने भगवानेन उळखाण मां बडता जावु। 11 ने तुहुं भगवानेन सेक-सींगारेन ताकतेन अनसारे आखी भातीन ताकत सी ताकतवाळा हवता जावु, जां लग की खुसी भेळ आखी वातेम गम खाता जायन सेण कर सकु। 12 ने भगवान बास काजे बेसकु वारु कवता रहु, ने भगवान बास आपसा नेवाडला चुखला माणसेक तीना वीजाळा राज मां आटु आपणे करीन मेल रयु। ने चु तीना आटान साजल्यु बणने करीन तुहुंका बी हक आप देदलु छे। 13 जु भगवान आपणुक भुतडान आंदारला राज मां सी छुडायन आपसा लाटेक्ला पुरयान राज मां ली आवलु छे। 14 ने ईना पुरयान साहरे आपणुक आपणा पापेन माफी जडली छे, आपणुक छुटकारु जडलु छे। 15 जु ईसु मसी बीन

देख्या भगवानेन खरलु सीकु छे, हय जु ईसु कळ घडायणेन पेहलेन हतलु, ने आखा घडायणयान मालीक छे। 16 काहाकी तेरेत साहरे भगवान आखी चीजेक घडयु। सरगे वाळी चीज बी, धरती पर छे ची चीज बी देखणी चीज बी, ने, बीन देखणी चीज बी, ने राजगादी, राजान हक बी, सरगे वाळा खबर लावणयान हक बी, राज करनयान हक बी, ने पुडारयान हक बी ज आखो तेरेत साहरे ने तेरेत वाटे घडायलो छे। 17 ने जुत ईसु आखी चीजेक घडायणेन पेहलेन हतलु, ने आखी चीज तेरेत साहरे टेकीन चाल रय। 18 ने जु ईसु आपसा डीलेन मतलब आपसी मंडळीन मुणको छे, ज सुरु बी छे हव जुत मरया-सरयाम सी जीवता हयन बठा हवण्या मायन पेहलु छे; हेरेसी जुत आखी वातेन मुख्यु छे। 19 काहाकी भगवान बास आपसा आखा गुण भेळ ईसु मसीत मां पुरु-पुरु वसणेन नक्खी कर्यु। 20 ने ईसुन जो लुही कुरुस पर उहयो, तीना खुनेन साहरे मेळ करीन, आखी चीजेक ईसुन साहरे आपसा साते मेळ कर ले, भले ची चीज धरती परुन हय चाहे सरगे परुन हय। आपसा साते मेळ कर लेया। 21 पेहले तुहुं आपसा कुहरायन कामेन, ने वीच्यारेन साहरे भगवान सी छेटा हतला, ने तेरा वेरी हतला। 22 बाकुन भगवान तुहुं काजे चुखला ने नी-गुनाळा, हव चुखोझण बणायन आपसा अगळ हजुर करेने करीन नक्खी कर्यु तेरेत अनसारे ईसु मसी ईनी कळीम माणुस बणीन आयु, ने आपसा डीलेन मोत झेल्यु ने ईनात ईसुन साहरे हय भगवान तुहुं काजे आपसा साते मेळ कर लेदु छे। 23 ईसुन खुस-खबरेन परचार सरगेन नेचो आखी धरती पर हय रयो। जी खुस-खबर सामळीन तुहुं ईसु पर भुरसु कर्या। तेरे सी तुहुं खुस-खबरेन आस काजे घुण छुडु, बाकुन भुरसान पाया पर टेक्ला रवजु। असा करसु ती तुहुं भगवान अगळ चुखो झण हजुर हवसु। ईनी खुस-खबरेन बमदीन परचार करेने करीन मे पोलुस तेरु पावर्यु बनलु छे। 24 जे दुख मां हय तुंदरे वाटे झेल रयु, तीनु दुखेन साहरे मे ते खुस छे। आपसा डीलेन मतलब आपसी मंडळी वाटे बेसकी वेला कर्यु; आपणुक बी तेरी आवजी पर तेरेन तसा दुख झेलीन तेरा दुखेन साजल्यु बणनु छे। अतरे मे ते ईनी वातेन अनसारे ईसुन आवजी पर तीनु दुखेन कसर मारा डील मां दुख झेलीन पुरी करेने बाजी रयु। 25 भगवान मेसेक आपसी मंडळीन पावर्यु बणावलु छे, ने आपसा बुल तुहुं नी-यहुदी माणसे वाटे पुरो-पुरो उजेंतो करेनेन काम मारा मुणका पर मेल देदलु छे। 26 भगवानेन खुस-खबरेन जी सातायली युजना बेसकी टेमे ने, बेसकी पीडी लग सातायली रय, बाकुन हय तेरा चुखला माणसे पर उजेंती हय गुय। (aiōn g165) 27 ने भगवानेन हय आपसी सातायली युजना काजे बेसकी वारु रीते उजेंतु करलु छे, की आपणु जे तेरा नेवाडला चुखला माणसे छे, ईनी युजनान सेक-सींगार देखीन चकरायजे खास करीन, तुंदरे तसा नी-यहुदी आडजात्या माणसे मां ईसु मसी बसलु छे, ने आपसी जीव-आत्मान साहरे घणो वारु काम करेने बाजी रयु भगवानेन जी युजना बेसकी सेकवाळी ने

कामकी छे, ज देखीन आपणु चकराय जाजे। जी वात तीनी आवणे वाळी आपणी आसान संय बी छे की एक दाहडु आपणु आखा ईसु मसी पुठ्ये सेक-सींगार भर्या सरगेम रवसु। 28 तेरु खुस-खबर अतरे एक-एक माणसे काजे ईसु मसी मां पाक्का करीन भगवान अगळ हजुर करने करीन, हामु आखी अक्कल भेळा आखा माणसेक चेतावता जायन ने सीकाइता जायन, ईना ईसु मसीन परचार करजे। 29 हेरेन करीन मे ईसुन ताकुतेन साहरे जुरभर्यु हयन आखो डील ने मन लगाडीन सीकाइने बाजी रयु।

2 तुहुंक ज समजणु चाहजे की मे तुंदरे वाटे ने लोदीकीया सहर वाळी ईसुन मंडळी वाटे ने तीनु दीसरा आखा वाटे बी जे मेसेक हय लग नी देख्या, मे बेसकी काठी मेहनत करने बाजी रयु। 2 मे एरेन करीन बेसकु काठो काम करने बाजी रयु, की तुहुं आखा परम मां एक मन्या हय जावु, ने भगवानेन सातायली युजनान मतलब ईसु मसीन बारामां पुरी-पुरी अक्कल ने समज मां एक मन्या हयन हिममत वाळा बण जावु। 3 काहाकी ईना ईसु मसी मां आखी अकलेन ने समजेन खजानो सातायलो छे। 4 ज मे हेरेसी कहो की, काहनुक माणुस तुहुं काजे कदरे-कदरे पटाडीन धुकु नी देणु चाहजे। 5 भले मे तुंदरे सी छेते छे, तेबी मे मारा मनोम तुहुंक हेर कर्या करो, करीन मे तुहुंक हेर करो, ने हय तुहुं ईसु मसी पर भुरसु करीन टेक्ला रय रया ने एक जसा नवली जीवायन पाळनी पाळ रया; ज जाणीन मे बी बेसकु खुस छे। 6 जसा तुहुं ईसु काजे आपसु छुड़ावणे वाळु मसी ने मालीक मानीन भुरसु कर लेदला छे, तसात भुरसु करता जायन तेरीत कह्याम चालता रहु। 7 ने तेरेत मां जड्या उंडा करता जावु, ने तेरेत मां वदता जावु; ने जसों तुहुंक सीकाइलो छे, तसात भुरसा मां पाक्का हवता जावु, ने भगवान काजे अळी-अळीन बेसकु वारु कवता रहु। 8 कांखुर मायन काहनुक जाणी बुजीन कहवायण्यु ईनी कळीम वाळी अकलेन साहरे, ने फालतु ने पारकी वातेन अनसारे धुकु दीन तुहुंक पटाडी नी लेय। तेरेसी तुहुं चेतीन रहु; काहाकी जी वात ईसु मसीन अनसारे नी हय, बाकुन आडा-बुडान रीकामी रीती-भाती छे, तेरे पछळ कळ घडायणेन भक्तीन बारामां भुतडान जमेन साहरे बणावला मनघड्या छे। 9 काहाकी ईसु मसी मां भगवानेन आखा गुण पुरा-पुरा वसला छे, ने आपणु तेरो डील मतलब तेरी मंडळी छे, ने आपणु तेरी सीकापणेन साहरे, तेरे साते जुडायला रहणेन साहरे पुरा-पुरा पाक्का हय गुयला छे। अतरे आपणुक काहनी बी वातेन कसर नी हय। 10 आपणु ईसु, ते कळी भीणी आखा राज करन्या पर, ने हकदार्या पर राज करन्यु मालीक छे। 11 ईसु मसी मां तुंदरी फतरी बी काटायली छे! मे माणसेन हात करीन पेहरवोटन अगली फतरी काटाइनेन वातेन बारामां नी कहतु! ईसु मसीत भगवानेन मटा कामेन ताकुतेन साहरे, तुंदरी फतरी मतलब तुंदरी पाप करने वाळी डीलेन हेर काजे डीलेम सी उतारीन नाख देदलु, ने तुंदरा पापेन जुनली जीवाय

मर गुयली। 12 तुहुं ईसु पर भुरसु करीन बपतीसमान रीत लेदला छे, ने बपतीसमा ईनी वातेन सहलाणी छे, छाचलीन तुंदरा पापेन जुनली जीवाय ईसु पुठ्ये बपतीसमा मां गाडाय गुय ने ईसु काजे मर्या-सरयाम सी जीवता करनेन भगवानेन ताकत पर भुरसु करनेन साहरे, तुहुं ईसु मसी पुठ्ये पछा जीवता हयन बठा हय गुयला छे। 13 तुहुं पेहले तुंदरा पाप मां मरला हतला, ने तुहुंक तुंदरी पाप करन्यान डीलेन हेर डीलेम सी उतारीन नी नाखायी। हय भगवान तुहुं काजे बी तीना ईसु पुठ्ये मर्या-सरयाम सी जीवतु कर देतु। 14 ने आपणु आखा नेम तुडीन बेसका गुना करला हतला, चे करजान तसा हतला। आपणा गुना गुनान करजान किताप मां लिखला हतला। जी किताप आपणे वीरुद मां हयन आपणी वात काटतेलु, बाकुन तीनु आखा पापेन साहरे भगवान आपणुक माफी आप देतु; खरीन चु आपणु आपणा करजान किताप काजे ईसु पुठ्ये कुरुस पर खीळा ठुकीन खतम कर देतु। 15 असा करीन भगवान आपणा जीव-आत्मा पर हक जमाडीन राज करन्या भुतडा काजे जीत लेतु, ने तीनुक आखा अगळ गुलाम पावर्यान तसा पछळ-पछळ चालाड्यु। कांखुर मायन काहनुक धुकु दीन तुहुंक पटाडी नी लेय, तेरेसी चेतीन रहु। 16 हेरेसी खाणे-पीणेन चीजेन पाळनीन बारामां नीते तीहवारेन पाळनीन बारामां भले ची पाळनी नवला चांदेन तीहवारेन बारामां हय नीते आरामेन दाहडान पाळनीन बारामां हय, काहनुक तुहुंक पुछे की तुहुं ज काहा नी पाळता ती तुहुं तींदरी घुण सामळु। 17 काहाकी जी आखी पाळनी ते आवणे वाळा ईना ईसु मसीन सहलाणी अतरीत हतली, बाकुन ज ईसु मसीत खरलु छे। 18 हव जु काहनुक माणुस ते आपसा मनेम भुंडला वीच्यारे मां, देखली चीजे पर फालतु मटाय करतु रहे। अतरे कदी चु तुहुंक सरग वाळा खबर लावण्यान पुजा कराइने हीडे, नी ते आपसाक जबरान वेला पाडनेन वातेक मानाडने हीडे, ती तेरे वाये घुण लागु। तुहुं तेरे वाये लागसु ती तुंदरा सरग वाळान ईनाम खुय देसु। 19 जु ईसु मसीत आपणो मुणको छे, ईना साते तेरो डील मतलब हेरी जुडायली छे ईनात साहरे आखो डील हाटकान साहरे जुडायन ने मास सी ने नस सी पुसाये, ने भगवानेन मरजीन अनसारे वदतो जाय। कदी कानुक मुणका साते जुडायलु नी हय, ने चु कहणे बाजी जाय की। मे ते सरगेन बारामां बेसका जागता सपना देखलु छे। ती तीना सी चेतीन रहु। 20 तुंदरी जुनली जीवाय ते ईसु मसी भेळीत मर गुयली छे, ती तुहुं ईनी कळीन माणसेन तसा काहा जी रया? असो लागे की तुहुं ईनी पापी कळीन छे, ने ईनी कळीन पाळनी पाळ रया। 21 ईनी कळीन पाळनी असी छे; ज घुण धरु पलो घुण खातु, ने ईनी चीजेक हात घुण लागतु। 22 कळीन जी आखी चीज काम लावते-लावते कळीत मां सर जासे। ती ईनी कळीन माणसेन वाये लागीन तींदरे साहरे बणावली पाळनी ने रीती भाती काहा पाळु। 23 दीसरा माणसेक जी पाळनी अक्कल वाळी ने बेसकी भक्ती वाळी लागे; काहाकी ईनी पाळनी मां बेसकी भक्तीन

रीती छे; ने आपसा डीलेक जबरान वेला पाड़नेन रीती छे, ने आपसी जीवायुन हेर काजे जबरान रुकणेन रीती छे। बाकुन छाचली मां डीलेन ईनी पापी हेर काजे रुकणे मां ईनी रीती सी काय फायदु नी हये।

3 तुहं ईसु मसी भेळा जीवता हवला छे, जु हय सरगे मां भगवानेन जेवड्ये आगे बठी र्यु ने चां वाळी उपरवाळी वात, हेर करीन हेरता रहु। 2 तुहं धरती पर वाळी वात पर मन घुण लागगु बाकुन भगवानेनचां वाळी उपरनी वात पर मन लागगु। 3 तुंदरी जुनली जीवाय ते मरीन सर गुयली छे, ने तुंदरी नवली जीवाय ईसु मसी पुठ्ये भगवान मालीक मां सातायली छे। 4 जतयार ईसु मसी जु हामरी जीवाय छे उजेंतु हवसे ततयार तुहं बी ईसु साते सेक-सींगार भेळ उजेंतो हवसे। 5 हेरेसी तुहं धरती पर आपसी जीवाय मां, ईनु पापेक अळी पछा घुण आवणे देवु; छीनाळो, चंगलु वीचयार, भुंडली हेर, कुहर्यु वीचयार, ने हाय करनु। भगवानेन नींगा मां देवधाणी पुजणे सीगी आवे असु पाप छे, तसोन हाय करनु बी सीगी आवे असु पाप छे। हेरेसी काहने बी भात्ये हायाळ्ळा घुण बणु। 6 असली वातेन साहरे हुकुम नी मान्या माणसे पर भगवान रीसवाये, ने तींदरे पर भगवानेन डंड आवण्यु छे। 7 ने तुहं बी पेहले असली वातेन अनसारेत जीवतेला। 8 बाकुन हय, तुहं तुंदरे ईचमां सी जी आखी वात बी छेटी कर देवु; जसों रीसवायणु, खचरायणु, खर करनु, दीसरान नाव-बददी करनु, ने लड़नु देणु। 9 ने एक दीसरा काजे लुचचाय करनु बी छुड़ देवु। हेर करु की तुहं जुनली पापेन जीवाय काजे तेरा भंडात काम भेळ आपसा डील पर सी हेडीन नाख देदला छे; 10 ने तुहं नवली जीवाय हात कर लेदला छे; जी जीवाय पुरी अक्कल हात करती जायन आपसा घडनयान सीका मां उपर-चापर नवली बणती जाय रय। 11 ईनी नवली जीवाय मां आपणु आखा एक जसा बण गुयला छे; हव फतरी काटण्या ने, वीन फतरी काटण्या ने, यहूदी जातीन माणसे ने, युनानी जातीन माणसे ने, आड़जात्या ने, सहर मां ने बयडाम रहण्या ने, गुलामी करन्या ने, जे गुलामी नी करे चे ने आखा ईसु मसी मां एक हय गुयला छे, हाय हींदरेम काय बी छीट नी रय। बाकुन ज आखो काय ईसुत छे, ने जु आपसा आखा माणसेम बसलु छे। 12 हेरेसी भगवान तुहंक आपसा चुखला ने लाटेक्ला असामी बणावणे करीन नेवाड़ लेदलु छे। अतरे तुहं गीणाका दयाळा, नीचळा, सेळुजीव राखण्या ने गम खाण्या बणु। 13 तुंदरे ईचमां काहनी बी वातेन लड़ाय हय जाय, ती एक दीसरान वात काजे वेठ लेजु, ने एक दीसराक माफ कर देजु; जसु मालीक ईसु आपणु गुनु माफ कर्यु तसात तुहं बी दीसराक माफी आपु। 14 ने जी आखी वात मानीन आंबा-सांबा दयाळु वेहवार करु, काहाकी परम आखाम एककु लावीन आखाक पुरा-पुरा पाक्का करे। 15 तुहं आखा एकुत डीलेन भाग छे, ज ईसुन डील छे; ने एक दीसरा पुठ्ये हेळी-मेळीन सांती मां जीवणे करीन भगवान तुहंक बुलावलु छे। ने ईसुन सी

जड़नी सुक-सांतीन साहरे तुंदरा मनेन वीचयार काजे कब्जाम राखीन भेळा रहु। ने तुहं भगवान काजे बेसकु वारु छे कहता रहु। 16 ईसुन आखा सीकाड़ला काजे तुंदरा मन मां ने जीवाय मां पुरी-पुरी बसणे देवु। तुहं वारु समज राखीन एक दीसरा काजे सीकाड़ु ने चेतावु, ने भगवानेन नींगा मां हेळी-मेळीन आखे हीये भगवानेन वातरा कहता जायन भगवानेन गीते, गावु ने भजन गाया करु। 17 ज काय बी तुहं करु, भले बुलने मां नी ते दीसरा काम मां च आखो काय मालीक ईसु मसीन नावलीन करु, हव तेरे वगे हयन भगवान बाबान गुणे गावता जायन च आखो काम करु। 18 ओ बायर, तुहं आपसा काजे आपसा-आपसा घरवाळाक सुपरुत करीन जीवु, जसों मालीक ईसुक मान्या धडे तालेत छे। 19 ए अदमी, तुहं आपणी-आपणी बायर काजे परम करता रहु, ने तींदरे साते काठो वेहवार घुण करु। 20 ए पुर्या-पारी आखी वातेम आपणा-आपणा आसी बासेन हुकुम मानु, काहाकी असा करसु ती भगवान मालीक खुस हवसे। 21 ए आसी बास तुहं आपणा-आपणा पुर्या-पारी काजे फालतु घुण कीचवाड़जु; नी ते तींदरो मन ढास जासे। 22 ए पावर्या, जे धरती पर वाळा तुंदरा मालीक छे, आखी वात मां तींदरु बी हुकुम मान्ता रवजु। आपणा-आपणा मालीक काजे देखाड़ने करीन अतरात सेवा चाकरी करनेन ढंगड़ा घुण करजु; बाकुन भगवानेन सीक मानीन तींदरी वात मान्ता रवजु। 23 माणसेन सेवा चाकरी कर रया; असो समजीन आपसा-आपसा मालीकेन सेवा चाकरी घुण करु; बाकुन मालीक ईसुन सेवा चाकरी कर रया समजीन तींदरी सेवा चाकरी करजु, असो करीन ज काय बी करे च, खरलो मने, पुरु जीव ने डील लागगु करजु। 24 हेर करु तुहं मालीक ईसु मसीन सेवा कर रया करीन तुहं काजे मालीक ईसु वगे सी वायदु करला हकेन हीसाबे ईनाम जड़से। 25 जु काहनुक आपणा-आपणा मालीकेन कुहराय करे, तीना काजे तेरीत कुहराय नड़से; तीने टेमे नीयाव करन्यु काहनुक अगु नी आवे।

4 ए मालक्या सरगे मां तुंदरु बी एक मालीक छे, असो समजीन तुहं आपणा-आपणा गुलाम पावर्या साते वारु नीयाव ने वेहवार करु। 2 पहरु देणयान तसा चेतनी रहु ने भगवान धड़े दुवा करु, ने भगवान काजे बेसकु वारु कहता जायन मन लागगुनी वीनती कर्या करु। 3 मे ते हय ईसु मसीन बारामां भगवानेन सातायली युजना उजेंती कर देदु करीन मेसेक जेल मां कुंड मेल्यु; तेबी मेसेक ईसुन ज काम करनु छे; अतरे हामरे वाटे बी भगवान धड़े वीनती करता रहु, की भगवान हामुक ईनी सातायली वातेन खुस-खबर दीसराक बी सामळावणे करीन अळी बी मुखु आपे। 4 भगवान वाटे वीनती करु की मे भगवानेन ईनी सातायली वात काजे जसी मेसेक उजेंती करनु चाहजे तसीत चुखी झण उजेंती करो। 5 तुहं बी खुस-खबर सामळावणेन मुखु हेरता रहु; ईसु काजे माने तींदरे साते अक्कल सी वेहवार करु; जतयार बी मुखु जड़ जाय ती,

मुखा काजे महंगलु समजीन तीनुक खुस-खबर सामळु। 6 ने तींद्रे धडे तुंद्री वात जलम गीण-दया वाळी ने सुवाळी रहणु चाहजे, ने तुहुं काजे वारु रीते आखाक जपाप देदा आवडी जाणु चाहजे। 7 मे तुखीकुस काजे तुंद्रेन्चां मकली रयु जु, मालीक ईसु मां मारु लाटेकलु भाय ने साती गुलाम पावर्यु छे, ने ईसुन ईमानदार पावर्यु छे। 8 मे हीनाक हेरेन करीन मकली रयु की तुहुं, हेरे साहरे हामरे बारामां जाणु लेवु, ने जु तुंद्रा हीया मन काजे हिममत आपे। 9 ने मे हेरे पुठ्ये उनेसीमुस काजे बी मकली रयु, हयु ईसु मसी मां हामरु लाटेकलु ने ईमानदार भाय छे, ने जु तुंद्रे मायन एक जणु छे; ने हया तुहुं काजे जां वाळी आखी वात कय देसे। 10 अरीसतारकुस ते मार पुठ्ये जेल मां कुंडायलु छे। मरकुस ते बरनाबासेन सगु भाय छे; तेरे बारामां तुहुं काजे ज हुकुम जडलो हतलो की हयु जतयार बी तुंद्रेन्चां आवे ती हेरु वारु आव-भाव करजु। 11 ने ईसु काजे बी जु युस्तुस कहवाये, जे तुहुं काजे वारलु छे की करीन पुछ रया, ने यहूदी माणसे मायन जे अतरात भगवानेन राजेन वाटे मार साते काम करन्या साजल्या छे; ने जे मेसेक सांती आपण्या छे। 12 ईपर्फास बी तुहुं काजे वारलु छे की करीन पुछ रयु। हयु तुंद्रेत मायन एक जणु छे, ने ईसु मसीन गुलाम पावर्यु बण रयु। हयु ते तुंद्रे वाटे जलम भगवान धडे जीव ने डील लागाडीन दुवा कर्या करे, हयु हेरेन करीन की तुहुं आखी वातेम भगवानेन मरजी पुरी करता जायन पुरा-पुरा पाक्का हय जावु। 13 मे ईनी वातेन गवा छे की, हयु तुंद्रे वाटे ने लोदीकीया सहर ने हीयारापुलीस सहर मां रहणे वाळा ईसुन माणसे वाटे बेसको काठो काम करो। 14 परमवाळु डाक्टर लुकु तुहुं काजे आवीस ने आवजु कय रयु ने देमास बी आवीस ने आवजु कय रयु। 15 लोदीकीया सहरने ईसुन माणसे काजे ने नुमफास काजे ने तेरा घर मां बसणे वाळी मंडळी ने माणसे काजे बी मारे अगळ हयन वारलु छे करीन कय देजु। 16 ने जतयार जी चिट्ठी तुंद्रेन्चां भणु लेवु, ती लोदीकीया सहरे मां रहण्या ईसुन मंडळी काजे बी जी चिट्ठी भणाय देजु, ने जी चिट्ठी मे लोदीकीया वाळी मंडळीन नावे मकेल्लु जी चिट्ठी तुंद्रेन्चां आवे ती तुहुं बी भणजु। 17 ने अरखीपपुस काजे कहजु की ज सेवान काम मालीक ईसु तुसे काजे आपलु छे, तीना कामेक समळीन पुरो कर लेजु। 18 मे पोलुस खुद आपसे हाते करीन तुहुं काजे वारलु छे करीन लिख रयु। मेसेक ते जेल मां कुंड मेल्यो; मेसेक घुणु ईसेरु। तुंद्रे पर गीण-दया हवती रहणु चाहजे! असु मे भगवान धडे वीनती करो; आमीन।

1 थीसलुनीकी

1 पोलुस ने सीलवानुस तीमुथीयुस, भीणी सी थीसलुनीकीया सहर मां रहणे वाळी ईसुन मंडळीन माणसेक लिख रयु, तुहुं जे भगवान बास मां ने मालीक ईसु मसी मां भुरसु करीन रवे। तुहुं आखा काजे भगवानेन गीण-दया ने सुक-सांती तुंद्रे पुठ्ये रवे। 2 हामु तुहुं आखा वाटे जलम भगवान काजे बेसकु वारु कवता रवजे। ने हामरी दुवा मां हामु तुंदरी हेर करता रवजे। 3 तुहुं ते भगवान बास पर भुरसु करीन वारलु काम कर रया, ने परम सी काठो काम कर रया, ने आपणु मालीक ईसु मसी आपणुक वाचाडने करीन सरगे सी पळु आवसे करीन तुहुं आस कर रया, ने ईनी आसेन गम खायन वाट देख रया। ईनी वातेक आपणा भगवान बास अगळ अळी अळीन हेर करीन हामु तुंद्रे वाटे भगवान काजे बेसकु वारु कहया करजे। 4 भगवानेन परमवाळा मारा भायस्यो ने बहणस्या हामु जाणजे की तुहुं तेरा नेवाडला छे। 5 काहाकी हामु जी खुस-खबर तुहुं काजे सामळावला, तीनी खुस-खबर मां बुले अतरात नी हतला, बाकुन हामरा बुल भेळा, भगवानेन चुखली-आत्मान ताकत बी उजेंती हवली। तुंद्रे वाटे, हामु तुंद्रे ईचमां कसा जीया, जी वात तुहुं देख लेदा; हामरे सी सामळावली खुस-खबर पर तुंदरु पाककु भुरसु हय गुयु। 6 ने माणसे तुहुंक बेसका वेला पाड्या; तेबी भगवानेन चुखली-आत्मा सी जडली खुसी भेळा, तुहुं हामरा ने मालीक ईसुन चाल धरन्या बण गुयला। 7 ने तेरेमां मकीदुनीया जीलाम ने अखाया जीलाम रहण्या, ईसुक मान्या आखा माणसेन चाल धरने करीन एक वारलु दाखलु बण गुया। 8 काहाकी तुंद्रेनचां सी अतरात नी मकीदुनीया ने अखाया मां मालीकेन बुल सामळाया, बाकुन तुंदरु भुरसु जु भगवान पर छे, ची वात आखे दुर जाती रय, की हामुक कहणेन जरुवत बी नी पडी। 9 काहाकी चे आफरतात हामरा बारामां बताडे, की तुहुं कसा मुरती पुजा छुडीन भगवान भीणी फीर्या, काहाकी जीवला ने छाचला भगवानेन सेवा करे, 10 ने तेरा पुर्यान सरग सी आवणेन वाट देखता रहु तीनाक चु मर्या-सरया मां सी जीवतु करयु, मतलब ईसु, जु हामुक आवणे वाळी गरा सी बचाडे।

2 ए भायस्यो ने बहणस्या हामरो तुंद्रेनचां आवणु फालतु नी हय, जी वात ते तुहुं काजे मालुम छे। 2 तुहुं जाणु की फीलीपी सहर मां ईसुन खुस-खबर सामळावणे गुयला, ती माणसे खुस-खबरेन बेसका वीरुद करया, ने हामुक बेसका वेला पाड्या, तेबी हामु भगवानेन भुरसे, बीहे बीगुर तुंद्रेनचां आया, ने तुहुं काजे ईसुन खुस-खबर सामळाया। जी वात बी तुहुं काजे मालुम छे। 3 काहाकी हिम्मत सी तुहुंक सीकाडनु ने नी भरम सी छे ने नी वीटेळा सी छे, ने नी धुका सी छे। 4 बाकुन जसु भगवान हामुक कामका समजीन खुस-खबर सुपलु, हामु तसात बताडजे; ने हामु माणसे काजे खुस करनेन कुसीस नी करजे बाकुन हामु ते तीना भगवान काजे खुस करजे चु

हामरा मनेन वात काजे पारखे। 5 हामु तुंद्रे थडे सी फायदु लेणे करीन, तुहुं बेसका वारु छे कयन तुंद्रेनचां कदी नी आया। ने हाय करीन हामु कदी ढंगडा नी करया। जी वात बी तुहुं जाण रया ने भगवान बी ईनी वातेन गवा छे। 6 हामु काजे माणसे भीणी सी ईज्जत नी चाहती, हव तुंद्रे भीणी सी बी, नी ने दीसरा भीणी सी बी ईज्जत नी चाहती। 7 हामु ते ईसु मसीन नेवताळा छे असा कयन तुंद्रे पर हक जमाड सकजे; बाकुन तेबी हामु तुंद्रे साते असु दया करयु, जसी माय आपसा पुरया काजे दुत पीयाडीन पाळे पुसे। 8 हामु तुंदरी बेसकी हेर करीन परम करया। तुहुं हामरे वाटे लाटेकला छे; तेरेमां हामु तुहुं काजे भगवानेन खुस-खबर सामळावणे अतरात नी, बाकुन हामरु जीव आपणे बी तीयार हय गुयला। 9 ए भायस्यो ने बहणस्या, तुहुंक हामरी काठी मेहनत ने हरबड हेर हसे। तीनु दाहडाम, तुंद्रे पर बुजु नी आवणु चाहजे, करीन हामु रात-दाहडु मेहनत करीन कमाय बी करया, ने खरचु करीन तुहुं काजे भगवानेन खुस-खबर सामळाया। 10 तुहुं गवा छे, ने भगवान बी गवा छे, की तुहुं भुरसु करने वाळान ईचमां हामरु वेवहार कसु चुखलु ने धरमेन ने नी-गुनाळु रयु। 11 जसु बास तेरा पुरया साते वेवहार करे, तसात हामु बी तुंद्रे साते वेवहार करला। 12 जसात हामु तुहुंक भात-भातये समजाडीन सीकाडता रया; हामु कहया भगवान तुहुंक हेरा राज मां, ने राजेन सेक-सींगार मां, साजलया बणने करीन तुहुंक बुलावलु छे; तेरेमां तुहुं भगवानेक गमे तसों जीवन जीवु। 13 ने तेरेमां हामु भगवानेक वारु छे करीन जलम कवता रवजे, काहाकी हामरे सी जत्थार तुहुं भगवानेन खरला बुले समजीन आवर्या ने छाचलीन हयु वचन भगवानेन छे, ने तुहुं जे भुरसु करया, तुंदरा जे बुले बेसको काम करे। अतरामा ईनी वातेन करता हामु भगवान काजे बेसकु वारु कहया करजे। 14 मेसेक यहुदीया जीलान, भगवानेन मंडळीन माणसे हेर आय रय। चे यहुदी माणसेम सी ईसु मसी पर भुरसु करया। तत्थार यहुदी दीसरा माणसे तीनुक वेला पाड्या, तेबी चे ची वेला ने दुख वेठी लेदा। तींद्रेन तसात, जत्थार तुंदरा माणसे तुहुंक वेला पाड्या, तत्थार तुहुं बी ची वेला ने दुख वेठी लेदा। तेरेमां ए भायस्यो ने बहणस्या, तुहुं यहुदी ईसु वाळान चाल धरन्या बण गुयला छे। 15 चे मालीक ईसु काजे ने भगवानेन अघली वात बताडने वाळा माणसे काजे बी मार नाख्या ने हामुक तळ्या, ने भगवान तींद्रे सी खुस नी हय, ने चे आखा माणसे पर रुक लागाडे, 16 ने चे नी-यहुदीया सी तींदरा छुटकारा वाटे वाते करने सी हामुक रुके, काहाकी जलम आपणा पापेन गुळा भरता रहे; बाकुन तीनु पर भगवानेन रीसेन गरा आयत पडली छे। 17 ए भायस्यो ने बहणस्या हामु थुडीक वार लग तुंद्रे सी छेते हय गुयला, मन मां छेते नी हया, बाकुन डील मां छेते हय गुयला। तेरेमां हामु तुंदरा मुंहडा देखणे करीन बेसका हेर कर रवला। 18 तेरेमां हामु तुंद्रेनचां पछा आवणे कर रवला, खास करीन मे पोलुस, एक कावा नी बाकुन दुयेक कावा आवणे करलु, बाकुन भुतडु रुक

लेदलु। 19 आपणु मालीक ईसु पछु आवसे तीने टेमे, तेरे धड़े सी हामुक ईनाम जड़नेन आस, ने खुसी ने ईज्जत आपणी पागड़ी कुण रवसे? तीने टेमे, तेरे अगळ हामुक मटाय करनेन उत्तर तुहुंत बणसु; नी की? 20 हामरी बड़ाय ने खुसी तुहुंत छे।

3 काहाकी जत्तयार हामरे सी नी रहवायो, ती हामु वीच्यार कर्या की एथेंस सहर मां रय जाजे, 2 ने हामु तीमुथीयुस काजे, जु मसीन खुस-खबर मां मदत करने वाळु हामरु भाय ने भगवानेन सेवक छे, असा करीन मकलया की चु तुहुंक मजबुत करे ने तुंदरो भुरसान बारामां तुहुंक समजाड़े, 3 काहाकी कुय दुख तकलीप वजे सी कमजुर नी हवे, काहाकी तुहुं आपसाक जाणु की हामु हींदरेत वाटे नक्खी करलो छे। 4 काहाकी पेहलुत, जत्तयार हामु तुंदरेनचां हतला ती तुहुंक कह्या करतेला की हामुक दुख तकलीप हाकलनु पड़से, ने असोत हवलो छे, जसा की तुहुं जाणु बी। 5 हेरे वजे सी जत्तयार मारे सी नी रहवायो, ती तुंदरा भुरसान हाल जाणने करीन मकलया, की कांखुर असो नी हय जाय की पारखणे वाळु तुंदरी पारख करयु, ने हामरी मेहनत फालतुत हय जाय। 6 बाकुन ह्यस ते तीमुथीयुस तुंदरेनचां सी पछु आवीन तुंदरे बारामां हामुक असु सामळाया, थीसलुनीकी मंडळीन माणसे वारु ईसु पर भुरसु कर र्या, ने चे परमेन खुस-खबर सामळाया ने ईनी वातेक बी सामळाया की तुहुं जलम परम सी हेर करे। ने जसा आपणु तीनुक देखणेन हेर कर्या, तसात चे बे आपणु काजे देखणेन बेसका हेर करे। 7 तेरेसी ए भायस ने बहणस्या, हामु हामरा आखा दुख ने तकलीप मां तुंदरा भुरसा सी तुंदरे बारामां सांती जड़ी। 8 काहाकी हय कदी तुहुं मालीक मां काठा रहु ती हामु जीवला छे। 9 तुंदरा बारामां सामळीन, तुंदरे सी जी खुसी जड़ रय, तीनी खुसी सी हामु भगवान काजे कसा कहीन बेसकु वारु कवजे, जी वात हामुक समज मां नी आवती। 10 तुहुंक भेळा हवणे करीन ने तुंदरा भुरसा सी सीकणे मां जी बी कसर छे, ची कसर पुरी करने करीन हामु रात दाहड़ु भगवान सी दुवा कर्या करजे। 11 हामरी हेर असी छे, तुंदरेनचां आवणे करीन भगवान बास ने मालीक ईसु मसी, तुंदरेनचां आवणे करीन अगवाय करे! 12 ने मालीक असु करे की जसा हामु तुंदरे सी परम कर्या तसात तुंदरा परम बी तुंदरे मां ने आखा माणसे साते अधे, ने बड़तो जाय, 13 काहाकी हयु तुंदरा मन काजे काठो करे, काहाकी जत्तयार हामरु मालीक ईसु आपसा आखा चुखला माणसे भेळु आवे, ती चे हामरा भगवान बास अगळ चुखला ने छाचला बणावे।

4 ए भायस्यो ने बहणस्या, भगवानेन मरजीन अनसारे कसों जीवणु छे, ने तीनाक कसों खुस करनु छे; ईनी वातेन सीकणु तुहुं हामरे धड़े सी सीक लेदा, ने ईनी सीकणेन अनसारे तुहुं जीवता आय रया। हय हामु मालीक ईसुन नावे तुंदरे धड़े लीलघाय करीन तुहुंक ज समजाड़जे, भगवानेक खुस करता जायन जीवणे मां तुहुं अगा बड़ता जावु। 2 काहाकी तुहुं जाणु

की हामु मालीक ईसु भीणी सी तुहुंक काहनी-काहनी हुकुम बताइया। 3 तुहुं चुखला रहणु चाहजे; जीत भगवानेन मरजी छे; मतलब छीनाळा सी छेते रहु। 4 ने तुंदरे मां सी हर एक जणु चुखलु ने ईज्जत करीन आपणी लाडी साते रहणे जाणे। 5 छीनाळ्या ने चंगली हेर सी छेते रवजु। भगवान काजे नी जाणे, असला नी-यहुदीया माणसेत असी हेर करे। 6 की हीनी वात मां कुय बी आपसान भाय काजे नी ठगे ने अळी नी तेरे पर दावु लागाड़े, काहाकी मालीक असली आखी वातेन हीसाब लेण्यु छे। जी वात हामु पेहेल बी कहीन तुहुं काजे चेतावला। 7 काहाकी भगवान आपणु काजे वीटाळने करीन नी बुलायु, बाकुन तेरी नींगाम चुखला रहणे करीन बुलावलु छे। 8 हेरे वजे सी जु कुय हीनाक नानु जाणे तीना माणुस काजे नी बाकुन भगवान काजे नानु जाणे चु तेरी चुखली-आत्मा तुसेक आपे। 9 मंडळीन भाय-बहणस्यान परमेन बारामां तुहुं काजे लिखणु जरुडी नी हय, काहाकी तुहुं काजे आंबा-सांबा परम करनेन वात भगवान सी सीकला छे। 10 ने आखा मकीदुनीया जीलान आखा मंडळीन आखा भाय-बहणस्या काजे परम कर रया। तेबी अतरोत घुण कहं। ए भायस्यो ने बहणस्या, हामु तुहुं काजे समजाड़जे की तुहुं आंबा-सांबा बी जादा परम करता जावु। 11 ने जसा हामु तुहुं काजे पेहेल हुकुम आपीन कहला तसात हय बी कवजे की दीसरान काम-धंदा मां अड़चन मां नाखु। आपसोत काम करता रवु, ने खुदेन हातेन कमाय सी खावु। 12 तत्तयार तुहुंक कसरायला माणसेन तसा दीसरान भुरसे रहणु नी पड़े, ने मंडळीन बाहरना माणसे बी तुंदरी जीवाय देखीन तुहुंक वारु कवसे। 13 ए भायस ने बहणस्या, हामु नी चाहता की तुहुं तींदरा बारामां जे सुय गुयला चे तींदरा बारामां अजाण्या रहु, असो नी हवे की तुहुं दीसरान तसा रडु ने कलप्या करु, तीनुक काय बी आस नी रवे। 14 कदी हामु भुरसु करजे की ईसु मर गुयलु, ने पछु जीवतु बी हय गुयु अतरामा जे ईसु पर भुरसु करीन मर गुया, भगवान तीनुक बी पछा जीवता करीन ईसु पुढ्ये ली जासे। 15 काहाकी हामु मालीकेन बुलेन अनसारे ज कहजे जत्तयार ईसु कळीम पछु आवसे, तत्तयार ईसु पर भुरसु करन्या मरला भाय-बहणस्या जीवता हयन ईसुक भेटणे पेहेल जासे। अळतेन आपणु जे जीवतेला छे, ने ईसुक आवता लग जीवतेला रवसु, तींदरे पछळ ईसुक भेळा हवणे जासु। 16 काहाकी तीने दाहड़े, पेहेल मालीक ईसु खुद सरगे सी उतेरतु जायन कुर्रु दीन बुलावसे। तीने टेमे एक मटला सरग वाळा खबर लावण्यान अवाज सामळायसे। एक सरग वाळु खबर लावण्यु, भगवान अगे सी फेप्या वाजाड़से। तत्तयार जे ईसु मसी पर भुरसु करता जायन मर गुया, चे पछा जीवता हवसे। 17 तत्तयार आपणु बी जे जीवतेला रवसु, ने बचला रवसु, ईसुक भेळा हवणे करीन वादळा मां हाकलायन जासु। ईसुक मान्या आपणु आखा, सरगेम ईसु साते भेळा हवसु, ने असा करीन चां

आपणु जलम मालीक ईसु पुठ्ये रवसुन। 18 हेरे वजे सी तुहुं जी वात कहीन एक दीसरा काजे हिममत आप्या करु।

5 ए भायस्यो ने बहणस्या, हेरे बारामां लिखणेन जरुवत नी ह्य की टेमेन ने दाहड़ान बारामां तुंदरे वाटे काहींग लिखजे। 2 काहाकी तुहुं आपसा वारु जाणु की जसु राते चुटटु आवे, तसुत मालीकेन दाहड़ु बी आवणे वाळु छे। 3 जत्पार माणसे कवता हसे, “सांती मां छे ने काय डर नी ह्य,” ती तींदरे पर उचकाणुन नास हवणेन दुख आय पड़से, जसों भार पाये बायर पर पीड़ा दुख ने चे काहनी बी रीती सी नी बचे। 4 बाकुन ए भायस ने बहणस्या, तुहुं आंदारला मां नी ह्य, की चु दाहड़ु तुंदरे पर चुटटान तसु आय पड़े। 5 काहाकी तुहुं आखा वीजाळान अवल्यात ने दाहड़ान अवल्यात छे, हामु नीते रातेन छे, ने नी आंदारलान छे। 6 तेरेमां हामु दीसरान तसा सुवता नी रवजे, पर जागता ने समळीन रवजे। 7 काहाकी जे सुवे चे रातेत सुवे, ने जे दारु पीन छाके चे रात मात छाके। 8 आपणु ते दीसुन छे, तेरेमां भुरसान ने परमेन झीलम पेहरीन, ने छुटकारु हात करनेन आस काजे टुपान तसा पेहरीन, समळीन रहणु चाहजे। 9 काहाकी भगवान आपणु काजे डंड आपणे करीन नी नेवाड्यु, बाकुन आपणा मालीक ईसु मसीन पापेन डंडेम सी छुटकारु जड़े करीन नेवाडलु छे। 10 ईसु हामरे वाटे हेरे वजे सी मर्यु की हामु चाहे जागता रवजे चाहे सुवता रवजे, आखा मेळीन तेरेत साते जीवजे। 11 तेरेमां तुहुं एक दीसरान हिममत बड़ावता रहु, ने एक दीसराक चुखली-आत्मा मां टणका करता रहु, जसा तुहुं करता आय रया। 12 ए भायस्यो, हामु तुहुं काजे लीलघायून कय रया की, जे तुंदरे वाटे काठी मेहनत करने बाजी रया, ने मालीक ईसु मां तुंदरी अगवाय करे, ने जे तुहुं काजे सीकाड़े, तींदरी सामळीन तींदरी ईजजत करु। 13 ने तींदरा काम वाटे, तुहुं परम सी तींदरु वारु आव-भाव करु; ने हेळी-मेळीन रहु। 14 ए भायस्यो, हामु तुंदरे सी जी लीलघाय कवजे की गलत चाल रया, तीनु काजे तुहुं लडीन समजाडु, ने बीहेतेला काजे हिममत आपु, ने लुल्ला काजे संभाळु, ने आखान वेहवार काजे वेठता जायून गम खावु। 15 चेतीन रहु! कुय करु दीसरान कुहरायन बदले कुहराय मां करु; बाकुन तुहुं जलम एक दीसरान ने मंडळीन बाहरनान बी भलो कर्या करजु। 16 जलम खुस रवजु। 17 भगवान धड़े अळी-अळीन दुवा कर्या करजु, 18 हर वात मां, भगवान काजे बेसकु वारु कवता रहु। काहाकी ईसु मसी मां तुंदरे धड़े भगवानेन बी जीत मरजी छे। 19 भगवानेन चुखली-आत्मान अगवाय काजे घुण रुकता। 20 खास करीन, भगवानेन अघी सी आवणे वाळी वात बताड़न्या माणसे वाटे कहली वातेक फालतु घुण समजु। 21 आखी वात काजे पारखीन देखणु चाहजे: जी वारु छे, तीनी वातेक मानीन जीवु। 22 आखी भातीन नाव-बद्दी सी छेटा रहु। 23 सांतीन भगवान आपसुत तुहुं पुरी रीती सी चुखु करे, ने तुंदरी जीव-आत्मा ने मन ने डील हामरा मालीक ईसु मसीन आवणे लग

पुरु-पुरु ने नी-गुनाळा बणीन रवे। 24 तुंदरु बुलावणे वाळु खरलु छे, ने चु असुत करसे। 25 ए भायस्यो, हामरे वाटे दुवा करु। 26 आखा भायस ने बहणस्या काजे ईसुन चुखलु गुळु दीन वारला छे की पुछजु। 27 मे मालीक ईसुन हक सी तुहुं काजे कहवो, जी चिट्ठी आखा भायस्यो काजे भणीन सामळावजु। 28 आपणा मालीक ईसु मसीन गीण-दया तुंदरे पुठ्ये बणीन रहे।

2 थीसलुनीकी

1 ए थीसलुनीकी सहर मां रवण्या ईसुन मंडळीन माणसे, मे पोलस, जी चिट्ठी, सीलवानुस ने तीमूथीयुस भेळ, तुहं आखाक लिख र्यु, तुहं ते आपणा भगवान बासेन ने मालीक ईसु मसीन भुरसे रय रया: 2 तुहं आखा काजे आपणा भगवान बासेन ने मालीक ईसु मसीन गीण-दया ने सुक-सांती जड्ती रहणु चाहजे. 3 ए भायस्यो ने बहणसया, ईसु पर तुंदरु भुरसु बडतुत जाय र्यु, ने तुंदरे मां परम बी बडतुत जाय र्यु, तेरेमां हामु, तुंदरे वाटे आखे टेमे भगवान काजे बेसकु वारु कहणु चाहजे. 4 तुहं काजे माणसे, अळी-अळीन वेला पाड रया, तेबी इनु आखा वेला ने दुख काजे तुहं झेल रया, ने असा करीन तुंदरी गम खाणेन ताकत ने तुंदरु भुरसु उजेंतु हय र्यु, तेरेमां हामु जागे-जागे भगवानेन मंडळी मां तुंदरे बारामां मटाय करजे. 5 जु भगवानेन छाचला नीयावेन दाहडाम धरमीन पुरावु छे, तीने दाहडे चु आखा माणसेन नीयाव करसे। तुहं ते हय भगवानेन राजेन वाटे दुख झेल रया, तेरेमां नीयावेन दाहडे, भगवान तुहंक असु कवसे तुहं मारा राज मां भराये असा छे। 6 काहाकी भगवान डंड आपसे की आपसे काहाकी तेरी नींगा मां असो करनु नीयावेन हीसाबे संय छे। 7 बाकुन तुहं जे हय वेला करने बाजी रया, तुहं काजे ने हामु काजे नीयावेन दाहडे वेला न बदला मां सुक आपणे बी तेरी नींगाम नीयावेन हीसाबे ताले छे। तीने दाहडे, मालीक ईसु आपसा ताकत सी भरला सरग काहवाळ्या पुठ्ये, सरग सी धपतेला आकठा भेळु उजेंतु उतरसे। 8 ने जे भगवानेक नी जाणे ने हामरा मालीक ईसुन खुस-खबरेक नी माने तींदरे सी बदलु लेसे। 9 चे मालीक अगळ सी ने तेरी ताकुतेन सेक-सींगार सी छेटा हयन जलम डंड हात करसे। (aiōnios g166) 10 असो तीने दाहडे हवसे, जतयार चु, भगवान सी ठहरावले दाहडे, सरग सी पछु आवसे। ततयार आपणु जे तेरा चुखला माणसे छे, आपणे वाटे ईसु ज करलु तेरे बदले ईसुन बडाय करसु, ने ईसुक मान्या आपणु आखा तेरु सेक-सींगार देखीन देखतात रयन तेरी बडाय करसु। तीनु भुरसु करन्या मां तुहं बी रवसु, काहाकी तुहं ईसुन तीनी गवाय पर भुरसु कर्या, तीनी गवाय काजे हामु देखाडला। 11 ने हामु तुंदरे वाटे भगवान सी जलम असी दुवा करजे की ए हामरा भगवान, तु इनु काजे जो चुखलो जीवन जीवणे करीन बुलावलु छे, असो जीवन जीवणे करीन जुर आप। ने जे ईसुन भुरसे ज काम करने बाजी रया, तीनु कामेक तु पुरो कर, ने भलाय करनेन जी मरजी छे ची आखी तारी ताकत सी पुरी करनी दे। 12 असा करीन आपणा भगवानेन ने मालीक ईसु मसीन गीण-दया सी तुहं असा करसु ती, तुंदरे अनसारे आपणा मालीक ईसु मसीन नावेन बडाय हवसे। ने तेरे साहरे तुंदरी बी बडाय हवसे।

2 ए भायस्यो ने बहणसया, हय हामु आपणा मालीक ईसु मसीन पछु आवणेन बारामां, ने तीने टेमे आपणुक, तेरे

अगळ भेळा हवणेन बारामां असा लीलघायन कवजे; 2 मालीक ईसुन चु दाहडु आय गुयु करीन कुय बी तुहंक कवसे, ततयार तुहं घाबरायजु घुण, नी ते तीनी वात पर ततयारुत भुरसु करीन खडळ-वडळ घुण हय जावु, भले चु कहण्यु असु दावु करसे की जी वात ते चुखलु जीव-आत्मा मेसेक कहलु, नी ते पोल्लु ईसुन पावर्यु असु कय र्यु, नी ते चिट्ठी मां असोत लिखलो छे, तेबी तींदरी घुण सामळता। 3 कसा बी काहनाक ने वात मां आयन ठगायजु घुण, काहाकी जतयार लग भगवानेन वीरुद नी करे, ने तींदरु डाहलु जु पापेम पुसायलु माणुस उजेंतु नी हवे, तेरो नास हवणे वाळोत छे, ती लग ईसुन आवणेन दाहडु नी आवे। 4 पापेम पुसायलु चु माणुस भगवानेन वेरी बणसे ने चु मटाय करीन देवता कहवायण्या आखा सी ने पुजायणी आखी देवधाणी सी मेत मटु छे करीन हक जमाडसे। ने मेत भगवान छे असु दावु करीन भगवानेन मंदीर मां बसीन राज करने बाजी जासे। 5 जतयार मे तुंदरे पुठ्ये हतलु, ततयार मे तुहं काजे जीत वात कहया करतेलु ची वात तुहंक हेर नी हय काय? 6 ने तुहंक ते, जी वात मालुमुत छे की, पापेम पुसायला तीना माणसेक हय कुणीन जुर रुक र्यु, ने टाकले टेमे चु उजेंतु हवसे। 7 मे जी वात असु करीन कय र्यु, काहाकी भुतडान गरबडी करनी सातायली ताकत हय बी काम करने बाजी रय। बाकुन हय जु रुकणे बाजी र्यु, चु रुकणे वाळु टाकले टेमे छेदु हवणे लग, पापेम पुसायला माणुस काजे उजेंतु हवणे सी रुकी रवसे। 8 जतयार लग रुकणे वाळु छेदु हय जासे, ती नेम नी मान्यु पापेम पुसायलु चु माणुस उजेंतु हवसे। बाकुन जतयार मालीक ईसु आपसे दाहडे, आपसान सेक-सींगार भेळु उजेंतु हवसे, तीने टेमे चु तीना काजे आपसे फुकेत मार नाखसे ने ततयारुत चु गरबडी करन्यु सर जासे। 9 तीना गरबडी करन्या, भुतडान कामे लीन आवसे, जसु भुतडु लुचु छे, चु बी लुचु रवसे ने आखी भातीन ताकत सी भरायलु रवसे ने कदी देख्या नी, तीनु कामेन सहलाणी देखाडसे, 10 ने नास हवणे वाळा वाटे जे धरमेन काम नी करे चे आखी भातीन धुकान साते आवसे, काहाकी चे छाचली वात सी परम नी कर्या तेरेसी तींदरु छुटकारु हवे। 11 तेरेमां भगवान तींदरे मां एक भटकाय देणेवाळी ताकत मकलसे काहाकी चे झुटी वात पर भुरसु करे। 12 काहाकी जतरा माणसे छाचली वात पर भुरसु नी करे, ने जे धरमेन काम नी हय तीनु कामे सी खुस हवे, तीनु आखा काजे डंड जडे। 13 ए भायस ने बहणसया, तुहं मालीक ईसुन लाटेक्ला छे। भगवानेन जीव-आत्मा सी चुखला बणीन, ने ईसुन खुस-खबरेन छाचली वात पर भुरसु करीन छुटकारु हात करनु चाहजे, करीन भगवान तुहं काजे सुरु सीत नेवाडु लेदु, ने हामु भगवान सी तुंदरे वाटे हर घडी बेसका वारु कहजे। 14 ने हेरेन करीन हामु तुहं काजे छुटकारान बारामां सीकाडजे, ने तेरे सी भगवान तुहं काजे बुलायु हेरेसी की, तुहं बी हामरा मालीक ईसु मसीन सेक-सींगार, पुथल्यान तसु पेहेर लेवु। 15 तेरेमां हामरा भायस ने बहणसया, टणका रुड; जी-जी

वात हामु तुंद्रेन्चां रयन सीकाइला ने अळी चिट्ठीन अनसारे सीकाइला, तीनीत पाळनी पर टेकला रहु। 16 हामरु मालीक ईसु मसी तुत, ने हामरु बास भगवान, जु हामरे सी परम राख्यु ने गीण-दया सी जलमकी सांती ने मट्टली वारु आस आप्यु। (aiōnios g166) 17 तुंद्रा मन मां सांती देय ने तुहुं हरेक वारु काम ने बुले मां टणका करे।

3 आकरी मां, हामरा भायस ने बहणस्या, हामरे वाटे दुवा कर्या करजु की मालीकेन बुले असा मामार वाटाये ने सेक-सींगार काजे हात कर लेय, जसों तुंद्रे मां हयो, 2 दुवा करता रवु की आपणु भटकायला माणसे ने भुंडात माणसे सी छेते रवु काहाकी आखा माणसेन मालीक पर भुरसु नी रवे। 3 बाकुन मालीक ते भुरसा मां पाक्कु छे, चु तुंद्री ताकत काजे बड़ावसे ने तुहुं काजे तीना वेरी सी बचाडीन राखसे। 4 हामुक मालीक मां रयन तुंद्रे पर भुरसु छे, की जी-जी हुकुम तुहुंक देजे, तीनुक तुहुं मानु, ने मान्ता बी रवसु। 5 भगवानेन परम ने मसीन गम भीणी मालीक तुंद्रा मन काजे मनवी लेणु चाहजे। 6 हामरा भायस ने बहणस्या, हामु तुहुंक आपणा मालीक ईसु मसीन नाव सी हुकुम देजे की, तुहुं तीनु भायस्योन चाल मां धरु, जे उजगाये हींडी फीरीन जीवे। जी सीकापण तुहुंक हामरे धड़े सी जड़ली छे, तीनी सीकाइली वातेन अनसारे ते, चे जीवे। 7 काहाकी तुहुं आपसात जाणु, की काहनी ढंग सी हामरेन तसी चाल-चालनु चाहजे, काहाकी हामु तुंद्रे ईचमां उजगाय नी कर्या। 8 ने काहनाक ने रुट फुकट मां नी खादा; बाकुन काठलो काम ने मेहनत सी रात दाहडु काम धंदु करतेला, काहाकी तुंद्रे मायन काहनाक पर बुजु नी आवे। 9 असो नी, की हामुक हक नी हय; बाकुन हेरेसी की हामु तुंद्रे वाटे दाखलु ठेरजे, ने तुहुं हामरेन तसी चाल चालु। 10 ने जतयार हामु तुंद्रेन्चां हतला, ततयार बी जी हुकुम तुहुंक देदला, की कदी काहनुक काम करने नी हींडे, ती खाणु बी नी चाहजे। 11 हामु सामळजे, की कतरा माणसे तुंद्रे ईचमां उजगायन चाल चाले, ने काय काम नी करे, बाकुन दीसरा काजे खुटी कर्या करे। 12 असला काजे हामु मालीक ईसु मसी मां हुकुम देजे ने समजाइजे, की हुगा-हुगा काम करीन खाया करु। 13 ने तुहुं ए भायस्यो ने बहणस्या, भलो करने मां हिममत मां छुडु। 14 कदी काहनुक हामरी ईनी चिट्ठीन वात काजे नी माने, ती तीना माणसेन बारामां मंडळी मां खबर करजु, ने तेरी सात संगीत मां घुण रहु, ने ततयार हयु ज देखीन लाजवाय जासे। 15 तेबी तीना काजे तुहुं आपसान वेरी समजीन, वेहवार घुण करु; बाकुन भायस समजीन समजाइ देवु। 16 मालीक ईसु जु सुक-सांतीन झीर छे, हयु खुद, तुहुं आखा पुठ्ये रवीन तुहुं काजे आखी भातीन सुक-सांती आप्या करनु चाहजे। 17 मे पोलुस, मारे हाते सी तुहुं काजे आवीस ने आवजी कहीं लिखी रयु; मारा आखा चिट्ठीया मां मे असुत लिखो ने मारी लिखणेन जीत सहलाणी छे। 18 आपणा मालीक ईसु मसीन गीण-दया तुंद्रे आखा पुठ्ये रया करे।

1 तीमूथी

1 पोलुस भीणी सी जु आपणुक छुड़ावणे वाळु भगवान ने हामरी आसेन साहरु मसी ईसुन हुकुम सी ईसु मसीन नेवतावाळु छे। 2 तीमूथीन नाव जु भुरसा मां मारु छाचलु पुरयु छे: बास भगवान ने हामरु मालीक ईसु मसीन दया ने गीण-दया ने सुक सांती तुसेक जइती रहणु चाहजे। 3 जसु मे मकीदुनीया जीला मां जाणेन टेमे तुसेक समजाइलु, की ईफीसुस सहर मां रवीन थुड़ाक माणसे काजे हुकुम आप की तुहुं भाती-भातीन झुटी वात मां सीकाडु। 4 ने तीनु मनघड्या काहाण्यान बारामां, ने गीणाये नी असला खानदानीन बारामां सीकाडी-सीकाडीन माणसेक खुटी मां करु। असली मनघडया वात ते भगवानेन चुखला माणसेक, भुरसान साहरे भगवानेन कहयाम जीवणे नी सीकाडे, बाकुन लड़ाय कराडे; झुटी वात सीकाइन्याक रुकणेन बारामां, जु हुकुम मे तुसेक आपलु, चु हुकुम पुरु करजी। 5 हुकुमेन सार जु छे की चुखला मन ने वारलु समज ने खरला भुरसा सी परम उबजणु। 6 झुटी वात सीकाइन्या थुड़ाक माणसे ते हीना वारलु गुनाक छुड़ीन भटकी गुया ने फालतु वात मां जखडी पड़ने बाजी गुया। 7 ने चे मटला भगवानेन नीयमेन मास्तर्या ते बनने ते हींडे पर जी वात कवे चे जी वात हिममत सी कवे तीनी वातेक चे आपसात नी समजे। 8 पर आपणु जाणजे की कदी कुय मुसान लिखलु कायदु ते वारलु छे बाकुन जसु भगवान गवा तरेत अनसारे तीनु कायदाक समजीन सीकाइने सीत चे नफावाळा छे। 9 ज जाणीन की भगवान जे कायदा मुसा वाटे आपलु चे धरमी माणसेक डंड आपणु करीन नी पर कायदान बीगुर जीवण्या पापी माणसेक तींदरा पापेन बारामां ने डंडेन बारामां समजाइने करीन आपलु जे माणसे भगवानेन भक्ती नी करे, जे आस्य-बासेन ने डाहलान वात नी माने, माणसेन ईज्जत नी करे; जे कुहराय ने पाप करे जे आयस ने बासेक लग मार नाखे, 10 जे छीनाळो करे, जे अदमी। अदमी साते सोवसार करे, ने जे बायरा, बायरा साते सोवसार करे, जे माणसेक कबुजाम करीन दीसराक वेचे, जे सगुन खाणेन टेमे लुचचाय मेले, तीनु आखा वाटे तींदरा पापेन बारामां ने डंडेन बारामां समजाइने करीन ठेहरावलु छे। 11 जुत आखा सी वारु भगवानेन सेक-सींगार तीना खुस-खबरेन अनसारे छे च मेसेक आपलु छे। 12 मे आपणा मालीक मसी ईसुन चु मेसेक ताकत आपलु छे, वारु छे कहवो की चु मेसेक ईमानदार समजीन आपसान सेवान काम वाटे नेवाइ लेदलु छे। 13 मे ते पेहेल ईसु पर भुरसु करन्यान नाव-बद्दी करतेलु तीनुक वेला पाइतेलु ने तींदरे पर दया नी कर तेलु तेबी मार पर ईसु दया कर्यु काहाकी मे पेहेल ईसु पर भुरसु नी करतेलु ने तीने टेमे बीना समजे जे काम करलु छे। 14 ने आपणु भगवान मालीक मार पर बेसकु गीण-दया देखाइयु ने मारा हीया मन मां भुरसु ने परम ईसु मसीन साहरे भर देदलु छे। 15 जी वात संय छे ने आखी भातीन

भुरसु करे असी छे की मसी ईसु पापी माणसेक छुड़ावणे करीन ईनी कळी मां आवलु छे, ने मे असु मानो की तीनु आखा सी मटु पापी मे छे। 16 बाकुन मारे पर तेरेमां दया हवी की आखा सी मटु पापी मेत छे तेबी ईसु मारा आखा पाप झेलतु जायन मेसेक माफ कर्यु की जे पापी माणसे अमर जीवाय हात करने करीन ईसु मसी पर भुरसु करसे तींदरे वाटे मे ईसु पछळ चालनेन एक सहलाणी ने जपाप बण जाम। (aiōnios g166) 17 ने असु करीन एकुत खरला भगवानेन ईज्जत ने बड़ाय पीडीडीट जलम हवती रवे जु नी देख्यु अमरकाय, ने जलमेन राजु छे! आमीन। (aiōn g165) 18 ए पुर्या तीमूथीयस भगवानेन अधी सी आवणे वाळी वात बताइन्या माणसे जे बुल तारा बारामां पेहेल सीत तुसेक कवला मे तुसेक जु हुकुम आपो की तु तींदरे अनसारे वारलु लड़ाय काजे लड़तु रव, 19 ने भुरसान वात पर ने समजदार रवीन जी लड़ायन काम पुरो कर तीनाक छेते करने वाटे कतरा जणा भुरसा सी छेते हय गुया। 20 हींदरे मां सी हमनयुस ने सीकनदर छे तीनुक मे भुतड़ाक आप देदलु छे की चे भगवानेन नाव-बद्दी करनु नी सीके।

2 अतरे ए तीमूथी, मे जी वात कहीन पेहली अगवाय करो, जतयार बी ईसुक मान्या, भगवानेन भक्ती करने करीन भेळा हया, तीने टेमे आपसान करता अतरात नी, बाकुन आखा माणसेन करता भगवान धड़े रवण्या, वीनती ने दुवा करनु चाहजे, ने आखान करता भगवान काजे बेसकु वारु कहणु चाहजे। 2 राजा ने सरकारी आफसर वाटे बी भगवान धड़े दुवा करनु चाहजे तेरेमां की आपणु भक्तीन जीवाय ने ईज्जत भेळा सांती मां मेळीन रवणेन मुखु जइसे। 3 जु भगवान आपणु काजे पापेम सी छुड़ावने तीना काजे बी जी वात वारु लागे। 4 भगवानेन मरजी जी छे की आखा माणसेन भलो हवणु चाहजे ने चे छाचाय काजे वारु रीते जाण लेणु चाहजे। 5 काहाकी भगवान एकुत छे, ने भगवानेन ने माणसेन ईचमां बी मेळ करावण्यु बी एकुत छे, ने जु मेळ कराइन्यु ते, ईसु मसी छे, जु माणसेक बचावणे करीन माणुस बणीन आवलु। 6 ईसु आपसा काजे आखा माणसेन पापेम सी छुड़ावने करीन आपसा काजे भगवान अगळ बादान तसु चड़ाय देदु ने हेरी गवाय सय टेम पर देदलु। 7 ने भगवान मेसेक हीनी छाचायन बारामां हय ईसुन गवा देणे करीन ईसुन नेवताळु ने परचार करन्यु बणावलु छे खास करीन आइजातया नी-यहुदी माणसेक ईनी छाचायन अनसारे भुरसु करनेन बारामां सीकाइन्यु बणावलु छे। तेबी थुड़ाक माणसे मेसेक ईसुन नेवताळु नी मान्ता। बाकुन मे जी वात कहलु छे ची वात सय छे। 8 तेरेमां मे चाहो की जागे-जागे ईसुन आखी मां बीना झगड़ा मां चुखला हात काजे उचा करीन दुवा करता रहणु चाहजे। 9 असात बायरा बी समळीन रहणु चाहजे, ने जचे असा पुथल्या पेहरीन जीवणु चाहजे ने कान्या भाती-भातीन नी गुथणु चाहजे ने सनान गावणो, नीते मोती नी पेहरनु चाहजे, ने बेसका मंहगला पुथल्या नी पेहरनु चाहजे, 10 बाकुन भला

काम सी काहाकी भगवान भक्ती करने वाळा बायरा काजे ज सय छे। 11 बायरा काजे मां सीकाइन्या काजे हुगा रयन पुरो मन लागाडीन सीकणु चाहजे। 12 मे कहो की बायरा नी अदमी काजे सीकाइनु चाहजे ने नी अदमी पर हक जमाइनु चाहजे बाकुन हुगा हय रवणु चाहजे। 13 काहाकी भगवान आदम अदमी काजे पेहेल घड्यु ने पछेन हव्वा बायर काजे घड्यु। 14 ने आदम अदमी नी ठगायु, बाकुन हव्वा बायर भुतडान आहे लागीन ठगाय गुय, ने भगवानेन हुकुम काजे पेहेल तुडी। 15 तेबी बायरी पुर्या-पारीक पयदा करी ने तीनुक वारु भुरसा मां परम मां ने चुखा काम मां सीकाइती जायन भगवानेन काम मां साजेली बणासे ने चे छुटकार हात करसे।

3 जी वात संय छे की जु बी नी पुडारी बणनने हेर करे ती चु भलो काम करनेन हेर करे। 2 डाहलु असली जीवाय जीवण्यु हवणु चाहजे तेरी जीवाय मां काय बी वाक नी हय पुडारी एकुत लाडीवाळु हवणु चाहजे ने तेरी लाडी तेरे पर नी अदराय करे असी जीवाय जीवण्यु हवणु चाहजे; दसो पेट असो करन्यु नी बाकुन आपसान जीव काजे कब्जाम राखीन दीसरा साते वारु वेहवार राखण्यु हवणु चाहजे चु असु माणुस हवणु चाहजे तेरी दीसरा ईज्जत करता हय ने चु आपसान घर आवण्यान आव-भाव करीन तींद्री खातरी करने वाळु हवणु चाहजे, ने वाळाक खरली वात हुनर सी सीकाइने वाळु हवणु चाहजे। 3 नी पुडारी दारु पीणेवाळु ते नी लड़ाय करने वाळु नी हवणु बाकुन चु भुळु रहणु चाहजे, ने नी लड़ाय ने नी धनेन लालच्यु हवणु चाहजे। 4 चु आपसान घरनाक अतरुत वारु अगवाय करन्यु, ने तेरा पुर्या-पारी जलम तेरु अबरु राखता हय, ने आखी वातेम तेरु हुकुम मानीन तेरा कब्जाम रहता हय। 5 कदी तीनाक आपसा घरन्यान वारु अगवाय ने राखवाळी करता नी आवडे, ती चु भगवानेन मंडळीन आखा माणसेन राखवाळी कसु करसे? 6 पछेन ज की ईसु पर भुरसु करला नवला चेलाक, नी ते चु असु कयन मटाय करने बाजी जासे की, मे मामार पुडारी बण गुयु; ने असु करीन चु भुतडान तसु मटाय करीन नीयावेन डंड हात कर लेसे। असो नी हवणु चाहजे। 7 ने बाहार वाळा माणसे बी तेरी वाक नी-नीकाळनु चाहजे, असो नी हवे की भुतडु तीनाक तेरा गुनान फांदेम फांद लेसे। 8 असात पावर्या बी वीनगुनाळी जीवाय जीवीन नावसाद्या हवणु चाहजे। चे दारुड्या नी हवणु चाहजे, ने काहने बी भात्ये हायाळ्ळा नी हवणु चाहजे। 9 बाकुन भुरसु करीन सातायली वात काजे चु चुखा मन करीन राखणु। 10 खास पावर्यु बणावणे सी पेहेल पारखीन देखणु चाहजे तत्थार कदी नी-गुनावाळा नीकळे ती पावर्यान काम करनु चाहजे। 11 असात बायरा बी चुरी-चुगली करने वाळा नी हवणु चाहजे, बाकुन आखी वात सामळीन, ने वात मां भुरसु करे असा हवणु चाहजे। 12 पावर्यु एकुत लाडी वाळु हवणु चाहजे ने आपसान पुर्या-पारीन ने आपसान आखा घरन्यान वारु रीते अगवाय करन्या ने राखवाळी करन्या हवणु

चाहजे। 13 काहाकी जु पावर्यान काम वारु रीते सी कर सके, चु तेरे वाटे वारलु नाव वाळा ने तीना भुरसा मां जु मसी ईसु पर जु तींदरु भुरसु छे, तीना भुरसान बारामां दीसराक कहणे मां बी तीनुक अळी जादा हिम्मत जडु जासे। 14 मे तारे धडे छोटस आवणेन आस राख रयु। पर बी जी वात तुसेक तेरेमां लिखो की 15 कदी मेसेक आवणे मां वार लाग जाय, ती तु जाण ले की भगवानेन घरना मां जु जीवतेलु भगवानेन मंडळी छे, ने चु छाचीन खुटु ने नेवु छे कसों वेहवार करनु चाहजे। 16 तीनी छाचाय पर टेकीन आपणु भगवानेन भक्ती कर रया ची छाचाय पेहेल सातायली हतली बाकुन भगवान हय तीनी छाचाय काजे उजेंतु करलु छे हेरेम काय बी सक नी हय जी छाचाय बेसकी उंडी छे ने असी छे: ईसु मसी डील मां उजेंतु हय, चुखली-आत्मा मां धरमी बण्यु, चु सरग वाळा खबर लावण्या काजे देखाव पड्यु। आइजातया नी-यहुदी माणसे मां तेरु परचार हय, ईनी कळी मां माणसे तेरे पर भुरसु कर्या, ने चु सेक-सींगार भेळु सरगे मां हाकलाय गुयु।

4 बाकुन भगवानेन चुखली-आत्मा चुखी झण असी कहे की, आवणे वाळा थुड़ाक दाहड़ा मां लुच्चा माणसे, चे भुतडान जमेन वाये लागीन मंडळीन माणसेक ढंगडा करीन भुतडान जमेन भोंगलाइनी वात सीकणे बाजी जासे, तीनु सीकाइन्यान वात सामळीन थुड़ाक माणसे तींदरे वाये लाग जासे, ने ईसु पर सी भुरसु छुडीन भटकी जासे। 2 ज तीनु लुच्चा माणसेन घमंडीन वजे सी हवसे जसों चामडो तातले लुहडे डामणे सी बेहरो फट हय जाय। 3 चे ईयाव करने सी रुकसे ने खाणो-खाणेन थुडीक चीजे सी छेटा रवणेन हुकुम आपसे तीनुक भगवान हेरेसी बणावलु की भगवान पर भुरसु करन्या ने छाचाय काजे उळखणे वाळा हीनाक तु बेसकु वारु करीन कयन खाणो खासे। 4 काहाकी भगवानेन बणावली आखी एकेक चीज वारु छे ने कुय चीज बेकार नी हय बाकुन ज की तु बेसकु वारु करीन कयन खाणु चाहजे। 5 काहाकी भगवानेन वायदु करला बुलेन अनसारे दुवा करने सी आखो काय चुखो हय जाय। 6 कदी तु भायस्यो ने बहणस्या काजे हीनी वातेन हेर कराइतु रवजी, ती ईसु मसीन वारलु पावर्यु बणसी, ने भुरसु ने तीनी वारलु सीकाइली वात सी च तु मान्तु आय रयु तारी चुखली-आत्मा मां वारु पुसायतु आय रयु। 7 बाकुन वीटेळ्ळा ने डाहली बायरीन आस दाखला सी छेते रहु, ने भगवानेन भक्ती करनेन वात पर मन लागाइया कर। 8 एक दाखलान साहरे मे तुसेक जी वात समजाडो, डीलेक मेहनत करीन सीकाइने सी थुडुक नफु जडे। बाकुन भगवानेक गमे असी जीवाय जीवणे करीन आपसाक सीकाइने सीत आखे भात्ये नफु हवे। असो करने सी, धरती पर वाळी जीवाय मां बी, ने सरगेम आवणे वाळी अमरकायान जीवाय मां बी नफु जडसे। भगवान असुत वायदु करलु छे; अतरे भगवानेक गमे असी जीवाय जीवणे करीन आपसाक सीकाइतु रव। 9 जी वात संय छे, ने तुहुं आखी भातीन वातेक मानीन

जीवजु। 10 काहाकी हामु मेहनत ने कुसीस हेरे वाटे करजे की हामरी आस हीना जीवतेला भगवान पर छे जु आखा माणसेन ने खास करीन भुरसु करन्यान छुटकारु छे। 11 तु ईनी आखी वातेन हुकुम आप ने सीकाइतु रव। 12 काहनाक तु जुवान्यु छे करीन तुसेक हेटु नी समजणु चाहजे। बाकुन बुल ने वेहवार ने परम, ने भुरसु ने चुखली जीवाय जीवणे मां बी दाखलु बण जां। 13 जतयार लग मे नी आवो; ततयार लग नी माणसे काजे खरली सासतुर भणीन सामळावतु रव, ने तेरेत अनसारे तीनुक समजाइतु रव, ने सीकाइतु रव। 14 जतयार मुख्या भेळा हयन तारे पर हात मेकला ती जइला, भगवान सी दुवा करला, तीने टेमे भगवानेन अधी सी आवणे वाळी वात बताइन्या माणुस, भगवान पुठ्ये हयन तारे बारामां वात कहलु; तीने टेमे भगवान जु खास वाटु तुसेक आपलु तीना वाटाक रीकामु घुण रहणी देय। 15 हीनी वात काजे हेर करतु रव ने हेरेत मां तारो मन लागाइतु रव, ततयार ते तारी चुखली-आत्मा ताकत ने सेवान हर ने हुनर आखा अगळ उजेंती हय जासे। 16 तु भगवानेन कहयाम जापताये जीवजी ने जापताये सीकाइजी असुत कर्या करजी ततयार ते तु बी छुटकारु हात करसी ने तारी सामळने वाळा बी छुटकारु हात करसे।

5 काहना बी डाहला माणसे काजे लइजी घुण, बाकुन तीनाक बास जाणीन समजाइ देजी, ने जुवान काजे भायस जाणीन समजाइ देजी। 2 ने डाहली बायरा काजे आयस जाणीन समजाइ देजी; ने जुवान बायरा काजे चुखला वीच्यार सी बहणीस जाणीन समजाइ देजी। 3 छाचलीन रांडायला बायरान छे तींद्री ईज्जत करजु। 4 कदी काहना रांडायला बायरान पुर्या-पारी नीते पुर्यान पुर्या हय ती चे पेहल आपसात घराणा मां रांडायलान सेवा चाकरी करीन आपसी भक्तीन उळखाण देणु चाहजे। काहाकी आपणा आस्यु-बास्यु नानला हतला ती चे परम सी आपणी सेवा चाकरी कर्या तीनी सेवा चाकरी काजे पछी वाळनु चाहजे, ती भगवान काजे बी गमे। 5 तीनी रांडायली बायरीन कांखुर बी आसरु नी हय, ने भगवानेन आस करीन जीवे, ने रात-दाहडु भगवान धडे लीलघाय ने दुवा करनेम झींग पइली रवे। 6 बाकुन जी रांडायली बायर वार सुके जीवीन बेसकी मुजा करे ची जीवतेली हयन बी मरला मुजुक छे। 7 ईनी वातेन बी हुकुम आप्या कर की तेरेमां की चे दीसरान वाक नीकाळे। 8 बाकुन कदी काहनस आपसान भायस ने आपसान घरन्यान फीकुर करीन मदत नी करे, ती चु भुरसा मां सी छेटु हय गुयु ने चु भुरसु नी करे, तींद्रे सी बी जादा भुंडुत हय गुयलु छे। 9 तीनी रांडायली बायरीन नाव लिखाय जासे ची सांठ साल सी कम साल वाळी नी रवे, ने एकुत लाडु करली हय। 10 ने भलो काम मन लागाइनि करने मां बी, ने ची पुर्या-पारी काजे पाळी-पुसी हय, ने अनजाण्या माणसेन बी सेवा चाकरी करली हय, ने चुखला माणसे सी पाय धुवली हय, ने दुखी माणसेन मदत करली हय, ने असा भाती-भातीन

काम मां मन लागाइी हय। 11 बाकुन जुवान रांडायला बायरान नाव घुण लिखे, काहाकी जतयार चे ईसु मसीन कुहराय करीन आराम मां पइ जाय ती ईयाव करने हींडे। 12 ने असी करीन ची पेहली बुली काजे तुडीन गुनाळी हय जासे। 13 ने असला जुवान रांडायला बायरा दीसरान घर जाय-जायन उजग्या देवाय जासे ने उजग्या नी बाकुन कारा बी ने चीत वात कही-कहीन फालतु दीसरा काजे खुटी करसे। ने असा करीन चे आधला रुटा पर दाळ झेलन्या बण जासे। 14 तेरेमां मे ज चाहो की जुवान रांडायला बायरा ईयाव करे ने पुर्या वाळा बणीन घर बार समाळे, ने काहनाक वीरुद करने वाळा माणसे काजे मुखु जइसे तीनुक असु मुखु नी जइनु चाहजे। 15 काहाकी थुडाक रांडायला बायरा असा करता जायन भगवानेन वात सी छेते हयन भुतड़ान वात मान्या बण गुयला छे। 16 कदी काहना भुरसु करन्यान रांडायला बायरा हय ती चे तींद्रा घरन्या तीनी रांडायली बायरीन काजे च चाहे आपणु चाहजे मंडळी पर जादा बुझ नी पड़े तेरेमां की चे तींद्री मदत कर सके चे छाचलीन रांडायला बायरा छे। 17 तु माणसेक असु सीकाइजी जे पुडारी ईसुन नी माणसेक वारु अगवाय करन्या ने राखवाळी करन्या छे, तीनु पुडार्यान दुय गुणा ईज्जत करजी। 18 काहाकी खरला सासतुर मां बी लिखलो छे की, “अन मसणे करीन खळाम, जुपला बेलेन मुंहे मसको मां बांडु,” काहाकी “दाहइक्या काजे दाहइकीन हक छे।” 19 कुय बी गुनावाळु, तारे अगळ नी काहना पुडारीन वाक नीकाळे ती, दुय-तीन गवान गवाय सामळे बीगुर वाक नीकाळन्यान घुण सामळे। 20 असु करीन पाप करता रवे, तीनुक आखा माणसे अगळ लइजी, ती दीसरा बी पाप नी करनु चाहजे करीन बीहसे। 21 भगवान ने मसी ईसु ने अळी तेरा नेवाइला सरगदुत अगळ तीनुक हजुर जाणीन मे तुसेक चेताव, की मन लागाइनि ईनी वात काजे मान्या कर, ने काहनास काम काजे काट छट मां करे। 22 काहनाक वारु पंतारजी ने खरला नीकळे तीत तींद्रे पर हात मेलीन तींद्रे मुणके काम मेलजी। नीते तींद्रा पापेन साजल्या बणनेन गुनु तारे पर पइसे आखी हालत मां आपसा काजे चुखलु बणायन राख। 23 आवणे वाळा दाहडा मां पाणी अतरुत घुण पीये, बाकुन पछुत-पछुत मांडु हवणेन वजे सी तु ईतरु-ईतरुक अंगुरेन रस बी पीया करजी। 24 थुडाक माणसेन पाप मां उजेंता हय जाय ने नीयाव करने वाटे पेहलुत जाती रवे, बाकुन थुडाक माणसे पछळ सी आवे। 25 थुडाक माणसे दीसरान देखायता भला काम करे; अतरामा जी वात आखा अगळ उजेंती करे; तेबी तींद्रा भला काम जलम सातायला नी रवे; बाकुन एक दाहडु उजेंता हय जासे।

6 ईसु पर भुरसु करन्या मायन जतरा बी माणसे, दीसरा माणसेन गुलाम बणीन रय र्या ने जुडान नेचा छे, तीनुक असु सीकाइ जी की, तुहुं आपणा-आपणा मालीकेन वारु ईज्जत करजु, नीते दीसरा माणसे ईसुन सीकाइली वात काजे काटणे बाजी जासे, ने भगवानेन नाव-बददी हवसे। 2 तींदरु मालीक

भुरसु करने वालु छे, तीनाक चे भाय हवणेन वजे सी नानलु नी जाणे ने तेरी अळी बी सेवा-चाकरी करनु, काहाकी हेरेसी फायदु लेणे वाळा भुरसा वाळा ने परमवाळा छे। हीनी वातेक सीकाइतु ने समजाइतु रवजी। 3 थुडाक माणसे आपणी वात काजे नी मान्ता। बाकुन जतरी बी वात मे तुसेक सीकाइने करीन कय रयु, ची आखी वात आपणा मालीक ईसु मसीन वातेन अनसारे छे, ने माणसे मां खरली भक्तीन अनसारे पाक्की सीकापण छे। 4 जु काहनूक जी पाक्की सीकापण छुडीन लुच्चाय वात सीकाइ, ती चु मटाय करन्यु बण गुयु। तीनाक ते खरी भक्तीन बारामां काय बी मालुम नी हय; तेबी चु लड़ाय करने बाजी जाय, जां लग की फालतु वात मां लड़ाय पड़े। असो लड़ाय करने सी कुहराय ने बीरजु, ने नाव-बद्दी, ने भुडी-भुडी संक्या, 5 ने तीनु माणसे मां फालतु झगडु उब्जे, तींद्री अक्कल बीगडी गुय, ने चे छाचाय सी छेते हय गुया, ने चे ज समजे की ईसुन भक्ती करनु, पयस्या कमायणु वारलु धंदु छे। 6 अतरे आपणुक जी वीच्यार राखणु चाहजे की आपणे धड़े ज धन छे, तत्रात धनेम नीसरा रवीन ईसुन भक्ती करनुत खरली कमाय छे। 7 आपणु ते ईनी कळी मां काय बी लीन नी आया, ने मरसु ती, ईनी कळीम सी काय बी नी ली जाजे। 8 कदी आपणे धड़े खाणेन ने पेहरनेन पुथलया हय, ती ईनी चीज मां नीसरा रवणु चाहजे। 9 बाकुन जे मालदार हवणे चाहजे, चे भुतडान फांदेम ने भाती-भातीन पारख मां पड़ जाय ने चे असी बेसकी हाय करने बाजी जाय तीनी हाय सी फायदु नी हवे, बाकुन उल्टो नुकसाण हवे ज आखो तीनु माणसेक नडसे ने सार देसे; जसों दर्या मां पडन्या माणसे काजे दर्यान भंवरु मुयडीन सार देय। 10 काहाकी पयस्यान लालच आखी भातीन कुहरायन जड़-मुळ छे, बेसका जणा धनेक हात करनेन हेर करता-करता ईसु पर वाळा भुरसाम सी भटकी गुया ने आपसात भाती-भातीन गरा मां पड़ गुया। 11 बाकुन ए तीमुथी, तु ते भगवानेन माणुस छे, तु ईनी वात सी छेटु रवजी; ने तु धरमेन वातेन, भुरसाम, ने गम खाणेन वातेन, भक्ती, ने परम, ने नरमायन हीनी आखी वातेक पाळतु रव। 12 भुरसान वारलु लड़ाय लड़; ने तीनी अमर जीवाय काजे हात कर ले, तेरे वाटे तु बुलावलु छे ने बेसका माणसे अगळ गवा भरलु छे। (aiōnios g166) 13 आखा काजे जीवाय आपण्यु ते भगवान छे, ने आखा काजे जीवतु राखे, ने मसी ईसु गवा देदु चु पुंतीयुस पीलातुस अगळ आपसान छाचायन गवा देदु। तेरेमां भगवान अगळ ने ईसु मसी अगळ तुसेक जु हुकुम आपो की। 14 की तु आपणा मालीक ईसु मसी काजे पछु उजेंतु आवता लग नी-गुनावळा ने खुखलु रयन हुकुम मान्तु रव। 15 तीनाक चु संय टेम पर देखाइसे ने चु आखा सी वारु ने मटु छे, ने एकुत राज करन्यु छे, चु राजान राजा ने मालीकेन मालीक छे। 16 ने चु अतरुत अमर छे, ने चु ईसु मसी जां कुय नी जाय सके तीना वीजाळा मां रवे अळी नी तीनाक कुय माणुस नी देख्यो। तीनात काजे जलम ईज्जत जड़ती

रवसे ने तेरोत राज जलम रवसे। आमीन। (aiōnios g166) 17 ईनी दुनीया मालदार काजे हुकुम आप की चे ईनी दुनीयान मामार सरन्या धनेन भुरसे मटाय नी करनु चाहजे बाकुन भगवानेन भुरसे जीवणु चाहजे, चु आपणुक खुसी मां सुकेन जीये जीवणे करीन ज चाहजे च आखो नीचळे मने आपतु रवे। (aiōn g165) 18 चे भलाय करता रवणु चाहजे ने चे भला काम मां मालदार बणे ने दीसरान सात देणे मां तीयार रवणु चाहजे ने वारु मने धरम करन्या बननु चाहजे। 19 ने चे असला भला काम मां मालदार बणसे ती भगवानेन नीगाम सरगेन धन भेळा करला मालदार गीणायसे एक दाहडु तीनुक बी तींद्री खरली जीवाय मां जलम जीवणे करीन सरगे जाणु छे, चां भगवान तींद्रे वाटे घर बांद रयु। भगवान तींद्रा हीनु भला कामेक तींद्रे वाटे घर बांदणे सायन तसु गीणसे। 20 ए तीमुथीयुस जी वात मे तुसेक कहलु छे, तीनी वातेक एक खजानान तसु राखवाळी कर। तीनी अक्कल काजे अक्कल कवणु भुल छे, ची छाचलीन भक्तीन वीरुद करन्या, लुच्चाय सीकाइन्या छे। अतरामा तीनी अकलेन वात लीन फालतुत वीरुद करने ने जखड़ी पड़ने तारेन चां काहनास बी आवे ती तींद्रे सी छेटु रव। 21 छाचलीन तींद्री झुटी सीकापण मानीन थुडाक माणसे ईसु पर सी भुरसु छुड़ देदला छे। तुंद्रे पर भगवानेन गीण-दया हवती रवे।

2 तीमूथी

1 मे पोलुस, भगवानेन मरजी सी ईसु मसीन नेवताळु छे।

ईसु मसीन साहरे माणसेक अमर जीवाय आपणेन भगवान वायदु करलु छे, ईनी खबरेन मे नेवताळु छे। 2 ए तीमूथीयुस, मे पोलुस जी चिट्ठी तुसे काजे लिखो। तु ते मार वाटे लाटेक्ला मुजुक छे। आपणा भगवान बासेने ने आपणा मालीक ईसु मसीन दया, ने गीण-दया ने, सुक-सांती तुसेक जडती रहणु चाहजे। 3 ए तीमूथी, तुसेक मे रय रयन हेर करो ने रात दाहडु भगवान सी तार वाटे दुवा करो; ने तार वाटे ते मे भगवान काजे बेसकु वारु कहतु बी रव। आपणा डाहा-डाहा बी ईना भगवानेन सेवा कर्या, तेरी मे चुखला मन सी सेवा करो 4 मेसेक मालुम छे की मेसेक छुडीन तुसेक जाणु पड्यो करीन तु बेसकु दुखी छे। तत्तयार ते तु बेसकु रड्यु। तारो रडनु हेर करतु-करतु मारु जीव बी दुखे। तुसेक भेळु हवणे करीन बेसकु हेर करो; तुसेक भेळु हयस ती मे खुस हय जायस। 5 तु ईसु पर छाचलीन भुरसु करे, ईना भुरसान वातेक मे हेर करो। जुत छाचलु भुरसु तारी आयसीन आयस लोडस मां हतली। ने जुत छाचलु भुरसु तारी आयस युनीके मां बी हतलु छाचलीन, हय जुत छाचलु भुरसु तारे मां बी छे। 6 हेरेसी मे तुसेक हेर कारडतु जायन कहवो; मे तार पर हात मेलीन वीनती कर्यु, तीने टेमे जु वाटु भगवान तुसेक आपलु छे, तीना वाटा काजे वारु रीते कामे लावतु रव। 7 ईनी वातेक घुण इसरु; भगवान आपणु काजे डरेन जीव-आत्मा ते नी आप्यु, बाकुन ताकुतेन, ने परम करनेन ने आपसा जीवेक मानाडनेन जीव-आत्मा आपलु छे। 8 हेरेसी आपणा मालीक ईसुन गवा देणे वाटे, तु घुण लाजवायु, ने मे पोलुस ईसु वाटे जेलेम कुंडाय रयु करीन बी मां लाजवाये; बाकुन भगवान आपे तीना जुर सी ईसुन खुस-खबर सामळावणेन काम वाटे दुख झेलने मां मारु साजल्यु बण। 9 भगवान आपणु छुटकारु आपलु छे, ने आपणुक चुखली जीवाय जीवणे करीन बुलावलु छे। आपणु काहना बी भला कामे कर्या करीन ते नी, बाकुन आपसी मरजीन अनसारे आपसी गीण-दयान साहरे चु आपणुक बचाडन्यु ने बुलायु। आपणे पर ईसु मसीन साहरे गीण-दया देखाडनेन युजना, कळ घडायणेन पेहले सीत भगवान बणावलु। एक कह्याम आपणुक जी गीण-दया कळ घडायणेन पेहले सीत जडली। (aiōnios g166) 10 ने हय भगवान छुडावणे वाळा ईसु मसी काजे धरती पर मकलीन आपसी जी गीण-दया उजेंतु कर देदु, ने आपसुन खुस-खबरेन परचारेन साहरे जीवायन वाट, हय अमर जीवायन वाट उजेंतु कर देदलु छे। 11 भगवान मेसेक ईसुन जी खुस-खबर आखेदुर सामळावणे करीन, ईसुन नेवताळु ने परचार करन्यु, ने सीकाडन्यु बणावलु छे, 12 करीन मे हय ईना जेल मां ईना दुखो काजे झेलने बाजी र्यु। बाकुन तेबी मे नी लाजवायो काहाकी मे तीना पर भुरसु करो, तीनाक जाणो; मे ते मारा जीवेक तेरे भुरसे मेल र्यु; मेसेक पाक्को

मालुम छे, की चु भगवान, ईसुक पछु आवता लग मारा जीवेन राखवाळी करसे, जसा माणसे खजानान राखवाळी करे। 13 ईसु मसी पर भुरसु करनेन बारामां ने तेरे साहरे जडन्या परम भेळ जीवणेन बारामां छाचली सीकापण तुसे काजे मारे साहरे जडली छे। जी सीकापण तार वाटे एक दाखलान तसी छे। हेरेसी ईनी सीकापण काजे ईनेत रीते चतराये पाळ्या कर। 14 जु चुखलु जीव-आत्मा आपणेम रवे तीना चुखला जीव-आत्मान मदतेन साहरे, तुसेक सुपली ईनी सीकापण काजे वारलु खजानो समजीन हेरी राखवाळी कर। 15 तुसेक मालुम छे की आसीया जीलाम सी आवला ईसुक मान्या आखा मारी सात छुड देदा; ने फुगल्यु ने हीरमन्यु लग जात रया। 16 असु करीन चु बेसका कावा मेसेक हिम्मत आपणे आवलु; मे पोलुस जेलेम साकळ्ये करीन बांदाय रयु करीन चु कदी नी लाजवायु। हेरेसी मालीक भगवान धडे मारी वीनती जी छे। की चु उनेसीफीरयान ने तेरा घराणा पर आपसी दया करे। 17 बाकुन उनेसीफीरयु ते दीसरा आसीया देसवाळान तसु नी हय जतयार चु रोम सहर मां आयु, ती चु मेसेक भेटणे करीन काळजी करीन हेर्यु, ने भेट्यु। 18 ईफीसुस सहर मां बी, चाकरीन काम उनेसीलीर्यु करलु छे, तीना चाकरीन कामेक तु बी वारुत जाणे। हय, मालीक भगवान नीयावेन दाहडे तेरे पर बेसकु दया करनु चाहजे।

2 हेरेसी ए मार बेटा तीमूथी, ईसु मसीन साहरे जडली भगवानेन गीण-दया सी तु जीवेम वारु काटु हय जां। 2 ने तु मार धडे सी जी-जी वात बेसका गवा देण्या अगळ सामळीन सीक्लु, ची-ची वात ईमानदार माणसेन सुपरुत कर देजी, जे दीसरा माणसेक सीकाडने मां हुनर वाळा छे। 3 जसु एक वारलु सीपायडु आपसा देसे वाटे दुख झेले तसुत, तु बी ईसु मसी वाटे दुख झेलने मां मारु साजल्यु बण। 4 काहनु बी माणुस जतयार सीपायडान नोकरी करने जाय, ती चु आपसा भरती करन्या मालीक काजे खुस करनेन झींग मां रवे ने चु ईनी कुळीन दीसरा कामे मां झींग नी पाडे तसुत, तु बी आपणा मालीक ईसुक खुस करने करीन तेरा सुपला कामेक झींग पाडीन करता रह। 5 जु काहनुक ईनाम जीतणे करीन खेल मां हुडे पडे, ती कायदान अनुसार हुडे नी पडे, ती चु जीत जाय तेबी तीनाक ईनामेन पागडी नी जडे। 6 कमारला किरसाण काजे मेरेन पेहला फळन वाटु जडनु चाहजे। कमारला किरसाण काजे वारलु फळ हात करने करीन भगवानेन आस कर। 7 जी-जी वात मे दाखलान साहरे हय कह्यु, तीनी आखी वात पर वीच्यार कर, ने मालीक भगवान तुसेक आखी वातो मां समज आपसे। 8 मे जी खुस-खबर सामळावो, ची खुस-खबर तीना ईसुन छे, जु दावुद राजान कुळी मां पयदा हयु, ने मर्या-सर्याम सी पछु जीवतु हयन बटु हय गुसु। ईना ईसुक बराबर हेर करता रहु जु छुडावन्यु मसी छे। 9 ईनी खुस-खबर वाटे मे दुख झेलो। जां लग की, एक गुनु करन्यान तसु जेलेम साकळ सी बांदाय रयु। बाकुन भगवानेन बुल बांदायलु नी हय। तेरी खुस-खबरेन परचार ते

हवतो रवे। 10 मे ते भगवाने नेवाडला माणसे वाटे जो आखी
दुख झेल लम। जे आज लग ईसुन खुस-खबर नी सामळ्या;
ऐरेन करीन की चे ईसु मसी पर भुरसु करीन छुटकार हात करे,
ने सरगेम जलम सेक-सींगार हात करे। (aiōnios g166) 11 जी
वात छाचली छे की; आपणु ते भुरसु करीन पाप साते ईसु पुठ्ये
मर गुयला छे, तत्पार ते तीना भुरसान साहरे ईसु पुठ्ये जीवसु
बी; 12 कदी आपणु ईसु वाटे हय गम खायन दुख झेलसु,
ती सरगेम तेरे पुठ्ये राज बी करसु; कदी आपणु कहसु हामु
ईसुक जाणजेत नी, ती चु बी कवसे, मे तुहुंक जाणोत नी। 13
बाकुन कदी आपणु ईसु वाटे भुरसु करे असा रहणु मां कमजुर
हय जाजे, तेबी चु भुरसु करे असात रवसे; काहाकी चु आपसु
वेहवार बदली नी सके। 14 तीनुक तु नेवाडीन सीकाइन्या
बणाव, तीनुक जी आखी वात हेर करावतु रवजी। ने भगवान
काजे गवा बणायन तीनुक जुरदीन कवजी, की फालतु वातेम
लड़ाय घुण करजु काहाकी असा लड़ाय पड़ने सी काय बी नफु
नी हये, बाकुन सामळने वाळा बीगडी जासे। 15 भगवानेन
छाचला बुल काजे वारु रीते कामे लावणे मां ने भगवानेक चाहजे
असो काम करने मां काळजी कर; तत्पार ते तु भगवानेन
एक वारलु पावर्यु कहवायसी, ने तुसेक सरमायणु नी पड़े।
16 ईनी कळीन माणसेन भुंडली ने फालतु वातेम सी छेदु रव,
काहाकी फालतु वात करन्या माणसे भगवानेन भक्तीन वाटेम
सी अदुस छेते हवता जासे। 17 ने जसु एक सड़लु घाव वदतु
जाय, तसीत तींद्री झुटी सीकापण बी माणसेम फेलायन वदती
जासे, ने सामळन्याक खततम कर देसे। हुमन्यु ने फेलतयु
असलात छे, जे झुटी सीकापण काजे मंडळीम आखेदुर फेलाय
रया। 18 जे दुय जणा भगवानेन छाचाय सी छेटा हय गुया,
तींद्रो कवणु छे की आपणु जतपार ईसु पर भुरसु कर्या,
तत्पारुत आपसा जीवेम मर्या-सर्याम सी जीवतो हयन बठो
हवणु हात कर लेदला, ती हय आपणेम पछो जीवतो हवणेन
काय बी वात नी बची; ने नवला डीलेम, मर्या-सर्याम सी पछो
जीवतो हयन बठो हवणेन वातुत नी हय असा कयन हुमन्यु ने
फेलतयु, थुडाक माणसेक ईसुन भुरसा सी छेटा करने हींड रया,
ने आपणा भुरसान पायुत उळखीन नाखणे हींड रया। 19 भले
काय बी हय रयो हय, बाकुन भगवानेन वातेन पायु पाक्कु
जमलु छे, ने चु पायु काहना सी नी उळखाये। तीना पाया पर
चुखला सासतुरेन दुय वात एक सीलठप्पा मुजुक लिखली छे,
“भगवान मालीक आपसा खरला चेला काजे वारु उळखे।” ने
“जु काहनुक कहवे की ‘मे मालीक ईसु पर भुरसु करो’ तीना
काजे कुहराय सी छेते रहणु चाहजे।” 20 लकपती माणसेन
घर मां सना चांदीन ठाहरा, अतरात नी रवे, बाकुन लाकड़ान
ने धुळान ठाहरा बी रवे। काहना ठाहरा, मालीकेन खास काम
आवे असा ईज्जदार छे, ने काहना ठाहरा, मालीकेन खास
काम नी आवे, हेरेसी चे ईज्जदार नी हय। 21 कदी जु काहनुक
कुहराय सी छेदु रयन चुखु हय जाय, चु मालीक वाटे काम

लावणे करीन तीयार करला ईज्जदार ठाहरान तसु छे। तीनाक
भगवान मालीक, आखा भला काम वाटे वापरसे। 22 जुवानी मां
जी भाती-भातीन भुंडली हेर आवे, तीनी हेर सी तु छेदु रव, ने जे
चुखला मन सी मालीक भगवानेन नाव लेय, तींदरे भेळतु, ईसुन
भुरसान वातेन, ने धरमेन वातेन, ने परम सी रवणेन वातेन, ने
सुकुने जीये मीळीन रहणेन वातेन पछळ, ने ईनी आखी वातेक
काळजी करीन पाळतु रव। 23 बाकुन मे अळी कहवो रीकामी ने
गांडवायली वातेन लड़ाय सी छेटा रहु असली वात करने सी
लड़ाय झगडु हवे। हेरेसी जी वात घुण इसेरजु। 24 मालीक
भगवानेन गुलाम पावर्या काजे झगडु नी करनु चाहजे, बाकुन
गम खातु जायन आखा साते दयाळु वेहवार राखणु चाहजे ने
सीकाइने मां हुनर वाळु हवणु चाहजे। 25 चु वीरुद करन्या
माणसे काजे नीचळु बणीन असो हेर करीन समजाइन्यु हवणु
चाहजे, की भगवान तींदरा मन काजे पाप भीणी सी फेरवीन
आपसे भीणी फेरवी लेसे, ने चे बी छाचाय काजे जाण लेसे। 26
ने तत्पार तींद्री सान आय लागसे ने चे भुतडान फादेम सी छुट
जासे, ने भगवानेन मरजीन अनसारे जीवणे बाजी जासे।

3 जी वात वारु हेर राखजु की आकरी दाहड़ा मां काठली टेम
आवसे। 2 काहाकी तीने टेमे माणसेन पाप बेसकु बड़ जासे।
तत्पार माणसे, पयस्यान हायाळ्ळा, ने आपसान भलो हवणे
चाहजे असी हेर करन्या, ने सोवकारला बणीन मटाय करन्या,
ने भगवानेन नाव-बददी करन्या ने आस्या ने बासेन हुकुम नी
मान्या बण जासे। तीनु माणसेन हीया मन मां भक्तीन वीच्यार
ने भलाय करन्याक वारु कर्यु कवणेन वीच्यार नी रवे; 3 ने
परमेन वीच्यार, ने माफ करनेन वीच्यार बी नी रवे। चुरी-चुगली
करन्या, जसों पटे तसों करन्या, बीन दयाळा, जो बी भलो छे,
तेरी वीरुद करन्या, 4 धुकु देण्या अनड़ाय करन्या ने आपसुन
बड़ाय करन्या बण जासे। ने चे भगवानेक पुजण्या नी बाकुन
मजा लेणेन हेर करन्या बण जासे। 5 भगवानेन भक्ती करनेन
ढंगडा ते करसे, बाकुन भगवानेन भक्ती करने सी जी ताकत
जड़े, तीनी ताकत कदी हात नी करे। असला माणसे सी छेटा
रवजु। 6 हींदरे मां असा बी छे, जे दीसरान घर मां मनेन भराय
जाय, ने भुळा बायरा काजे पटाड़ लेय, जे बायरा पेहले सीत
आखी वातेम बेसका हायाळ्ळा छे, ने पापेन बुझ सी डाबायला
छे। 7 चे बायरा नवली-नवली वात सीकणे करीन नवला-नवला
सीकाइन्यान सामळे ते खरा, बाकुन तेबी तीनुक भगवानेन
खुस-खबरेन छाचायन उळखाण कदी नी हये। 8 जसा येन्नेस
ने यंब्रेस नावेन डाकणा बड़वा मुसान वीरुद करला, तसात जे
सीकाइन्या बी छाचायन वीरुद करे, ईनु माणसेन अक्कल
बीगडी गुय, जे भुरसु करन्या ढंगडा करे, बाकुन हींदरु भुरसु
फालतु छे। 9 बाकुन जादा वार लग चे दीसराक धुकु नी दी सके।
जसी येन्नेसेन ने योमबरेसेन धुकु देण्या भुत वीद्या फालतु
हयन आखा अगळ उजेंती हय गुयली, तसीत ईनु सीकाइन्यान
धुकु देणेन सीकापण बी फालतु हयन आखा अगळ उजेंती हय

जासे। 10 बाकुन तु ते मारी सीकापण वारु जाणे। मारु वेहवार कसु छे, मारा जीवनेन ठीकाणो काय छे, मे कतरु भुरसु करो, मारु परम कसलु छे, ईसु धड़े दुख झेलने मां मे कतरु गम खादु, ने कतरीक धीरपाय राखो; जो आखो तु देख रयु ने वारु जाण रयु। 11 हव, अनताकीया सहर मां ने ईकुनीयुम सहर मां, ने लुसत्रा सहर मां, माणसे मेसेक कसा वेला पाइया, ने मे काय-काय दुख झेल्यु, ज बी तु देखीत रयु ने वारु जाण रयु। बाकुन भगवान मालीक मेसेक तीनु आखा दुखेम सी छुड़ाय लेदु। 12 हय, जतरा बी ईसु मसी पर भुरसु करता जायन ईसुन भक्ती करीन जीवणे हींटे, तीनु आखाक दुख झेलनु पड़से। 13 बाकुन कुहर्या माणसे, ने ठाणया माणसे दीसराक धुकु देदा जासे, ने धुकु खाता जासे, ने अगास बीगड़ता जासे। 14 बाकुन तु तींद्री वातो पर जी तु सीकलु छे, ने भुरसु करलु छे, ज जाणीन काठु बणीन रवजी की तु तीनुक काहना माणसु सी सीकलु छे, 15 तु नानलु हतलु ती सीत चुखला सासतुरेन वात काजे सीकलु आय रयु, ने सासतुरेन वात काजे मानूत आय रयु। हेरेसी तु जाणे की जी सीकापण चुखली छे, चुखला सासतुरेन वात तुसे काजे तीना छुटकारान अक्कल आपी, जु छुटकारु ईसु मसी पर भुरसु करने सी जड़े। 16 आखी चुखली सासतुर भगवानेन अगवाय सीत तेरा लिखंदरा माणसेन साहरे लिखलो छे, ने ज चुखली सासतुर माणसेक सीकाइने करीन, ने समजाइने करीन, ने सुदारने करीन, ने धरमेन वात टेवाइने करीन बेसकी काम की छे। 17 हेरेन करीन की भगवानेन भक्ती करन्यु चुखलो सासतुर हुनर सी वारु कामे लावीन, आखा भला कामे करने करीन तीयार हय जावु।

4 ईसु मसी, मरलान ने जीवतेलान नीयाव करने करीन ने राज करने करीन उजेंतो पछु आवणेवाळु छे। हेरेसी मे भगवान काजे ईना ईसु मसी काजे गवा बणायन तुसेक हुकुम आपो। 2 खुस-खबरेन परचार तु करतु रव; ने टेमे ने बे टेमे बी खुस-खबरेन परचार करने करीन तीयार रव। छाचली सीकापण काजे वारु कामे लावीन ने गम खातु जायन, गलत काम करे तीनुक लडीन समजाइ, ने गलत वातेन वीरुद करीन जाळवीन रहणे सीकाइ, ने वारु काम करनयान हिम्मत दे। 3 काहाकी हीनु दाहड़ाम खुस-खबरेन परचार वारु रीते करनु चाहजे, काहाकी असी टेम बी आवसे तीने टेमे माणसे छाचली वात नी सामळे, ने जुर करसे; ने जे तींद्री कुहेरली हेरेक लडीन सीकाइसे चेत सीकाइन्या तीनुक गमसे, ने असला सीकाइन्या काजे चे आपसे धड़े भेळा कर लेसे। 4 ने तीनुक छाचली वात सामळने नी लागे, बाकुन मन घड़ाय काहनी काजे मन लागाडीन सामळसे। 5 भले काय बी हय जाय, तेबी तु आखी वातेम आपसा काजे जाळवीन राखजी। ने खुस-खबर सामळावणेन कामेक दुख झेलतु जायन करया करजी ने तुसेक सुपलो जो चाकरीन काम पुरो करजी। 6 जसु भगवानेन चेलु आखी बादा चहड़ायलीन, आखी बादा पर अंगुरेन रस छीट देय, तसुत मे मारी आखी

जीवाय, मालीक ईसु वाटे जीवीन मरने वाळु छे। 7 जसु दवइनेन खेल मां एक दवइन्यु आपसी दवइ पुरी करे तसुत मे तेरा सुपला कामेक पुरु करलु छे; हव, मे ईसुन भुरसान वारु रीते पाळनी पाळलु छे। 8 मारु मालीक भगवान धरम सीत नीयाव करन्यु छे। हय, चु भगवान ईनाम मां मेसेक आपणे करीन धरमेन पागड़ी तीयार करीन मेल रयु। ईनी पागड़ी काजे मारु मालीक ईसु नीयावेन दाहड़े मेसेक आपसे चु असली पागड़ी मेसेक अतरुत नी आपे, बाकुन तीनु आखा काजे बी आपसे जे वारु कहें, ने जे ईसु पछळ आवीन उजेंतो हवसे करीन, हेर करीन वाट देख रया। 9 ए तीमुथी, मारेनचां मामार आवणेन काळजी कर। 10 काहाकी ईनी कळीन वातेक परम करीन देमास, मेसेक ने चाकरीन काम छुडीन थीसलुनीकी मां जात रयु, ने चाकरीन काम वाटे कोरेसुकेयु गलाली देसेम जात रयु, ने तीतसु दलमातया जीलाम जात रयु। (aiōn g165) 11 मारा सात देणया मायन, लुकु अतरुत मारे भेळतु छे, मरकुसेनचां जां ने तु आवे ततयार तीनुक बी लेतु आवजी; काहाकी हयु ईसुन काम मां मार वाटे बेसकु कामकु छे। 12 तुखीकुस काजे मे ईफीसुस सहर मां मकली रयु। 13 जु कुट मे तरोआस सहर मां कारपुसेन घर मां भुली आयु, चु कुट तु ली आवजी। ने मारी किताप बी ने खास करीन चामडान कागदा बी ली आवजी, तींद्रेम खास वात लिखली छे। 14 लुहायडु सीकनदर मारे पर बेसकु कुहराय करलु छे। हेरेसी हयु दसु कर्यु तसुत मालीक भगवान हीनाक डंड आपसे। 15 आपणु जी-जी वात सीकाइता आय रया, तीनी-तीनी वातेन हयु बेसकु वीरुद कर्यु, हेरेसी ए तीमुथी, तु जाळवीन रवजी ने हीना सी छेटु रवजी। 16 पेहली कावा जतयार कुरुट मां मेसेक मारी गवा देणु पड़यो, ततयार दीसर कुय बी मारी सात नी देदु, बाकुन आखान आखा मेसेक छुड़दीन जात रया। तेबी भगवान धड़े मारी जी वीनूती छे की ए भगवान हींदरु गुनु माफ कर दे। 17 बाकुन मालीक भगवान ते मार अगु अळी मारी मदत कर्यु, ने एक कहयाम मेसेक नाहरेन डाचाम सी छुड़वी लेदु। चु हेरेन करीन मारी मदत कर्यु की मारे साहरे भगवानेन खुस-खबरेन परचार पुरु-पुरु हवे। ने नी-यहुदी माणसे बी खुस-खबर जाण लेय। 18 ने जु मालीक भगवान मेसेक आखी भातीन कुहराय सी बचाइसे, ने मेसेक छुटकारु आपीन सरगेन राज मां पुगाइ देसे। तीना मालीकेन जलम बड़ाय हवती रहणु चाहजे, आमीन। (aiōn g165) 19 परीसकीला बायर ने तेरा घरवाळा अक्वीला, काजे ने उनेसीफीर्यान घराणा काजे मार भीणी सी वारु छे की करीन पुछजी। 20 ईरास्तुस कुरीथीस सहर मां रय गुयला छे, ने तरुफीमुस काजे मीलेतुस सहर मां मांदलुत रहणीदीन मेसेक आवणु पड़यो। 21 सीगेन दाहड़ा आवणेन पेहले काळजी करीन आवजी। युबुलुस, ने पुंदेस्यु, ने लीनुस्यु ने कुलुदया बायर, ने ईसुक मान्या जां वाळा आखा भायस तुसेक वारु छे की? करीन पुछ रया ने आवीस ने आवजी कय रया। 22 मालीक भगवान तारी जीव-आत्मा पुठये रया

करे, ने तुहुं आखा काजे मालीकेन गीण-दया जइती रहणु चाहजे करीन असी वीन्ती मे भगवान धड़े करो।

तीतुस

1 पोलुस भीणी सी, जु भगवानेन पावर्यु ने ईसु मसीन नेवतावाळु छे, भगवानेन नेवाइला माणसे भुरसा काजे बड़ावणे करीन खरली वात बड़ावणे वाटे तीना काजे मकेलु छे, 2 तीनी अमर जीवनेन आसा पर, भगवान चु वायदु पेहलुन करलु छे, भगवान लुच्चाय मेलन्यु नी हय, (aiōnios g166) 3 बाकुन संय टेम पर आपसा बुलेक तीना परचार सी उजेंतु करलु, जु हामरा मरण सी छुटकारु करने वाळु भगवानेन हुकुमेन अनसारे मेसेक सुप देदलु। 4 तीतुसेन नावेन जु भुरसा भेळु वीच्यार सी मारु खरलु पुर्यु छे। भगवान बास ने हामरु मरण सी छुटकारु करने वाळु मसी ईसु भीणी सी तुसेक गीण-दया ने सुक-सांती जड़ती रवे। 5 मे असु करीन तुसे केरते मां मेलदीन आवती रवलु, की तु बचली वाते काजे सुदारे, ने मारी हुकुमेन अनसारे गांव-गांव मां नी डाहला बणावे। 6 जे नी-गुनावालु ने एकुत बायरीन घरवाळु हय, तींद्रा पुर्या बी भुरसु करन्या हय, ने तींद्रे पर लुच्चाय ने तींद्रे मां नी मान्ने वाळा छे, करीन गुनु नी हय। 7 काहाकी मंडळीन मुख्या काजे भगवानेन पावर्यु नाते नी-गुनावालु रवणु चाहे; नी हुकुम मान्ने वाळु, नी रीस वाळु, नी पीने वाळु, नी लड़ाय करने वाळु, ने नी चुरी करीन खाने वाळु हवणु चाहजे। 8 बाकुन आव-भाव सी मेजवानी करने वाळु, भलाय करने वाळु, हुस्यार, छाचलु, चुखलु ने नीयम पर चालने वाळु हवणु चाहजे; 9 ने भुरसु राखणे लायक बुले पर काठा बणीन रहु; जे धरमेन सीकापणेन अनसारे छे, काहाकी खरली सीक सी दीसरा काजे सीकाइ सके, ने फालतु वात पर बक-बक करने वाळान मुंहडा बी बंद कर सकजे। 10 ज तेरेमां जरुडी छे काहाकी बेसका माणसे खुद पर गम नी राखे ने फालतु वात बणायन दीसरा माणसे काजे बी भटकाइ। मे खास करीन यहूदी माणसे काजे जी वात कय र्यु। 11 हींद्रो मुंहडो बंद करनु चाहे। जे माणसे फालतु कमाय वाटे जी वात फालतु छे, तीनी लुच्ची वात सी सीकाइीन घर की घर बीगाइ देय। 12 तीनुत मां सी एक जणु चु तींद्रुत अघली वात बताइने वाळु छे, चु कहलु छे, “केरती माणसे जलम लुच्चा, उजग्ला जनवार्या ने आपसात ने पेट भरता रहे।” 13 जी गवा छाचली छे, तेरेमां तीनाक वारुस लडीन चेताव की चे भुरसा मां पाक्का हय जाय। 14 ने यहूदीन माणसेन काहानीया ने तीनु माणसेन हुकुम पर मन नी लागाइ, जे छाचली वाट सी भटकी जाय। 15 चुखला माणसे वाटे आखी चीज चुखली छे, बाकुन भुंडात ने नी भुरसु करने वाळा वाटे काय बी चुखलो नी हय नीते तींद्रु डीमाक ने अक्कल दुयु चुखलो नी हय। 16 चे कहें की हामु भगवान काजे जाणजे बाकुन तींद्रा काम सी तीनाक मना करे; काहाकी चे भुंडात काम ने नी हुकुम मान्ने वाळा छे, ने काहना भला काम करे असा नी हय।

2 बाकुन तु असी वात कर र्यु जु खरली अक्कल सीकाइने लायक छे। 2 ने डाहला माणसे सांती ने समजदार ने खुद

काजे हक मां बणायन राखे, ने तींद्रु भुरसु ने परम ने सेण करने मां पाक्का रहु। 3 हेरत वजे सी डाहला बायरान चाल-चालन चुखला बायरान तसा रवे; चे गुनु लागाइने ने नस्यु करनेन गुलाम नी रहे, बाकुन वारलु वात सीकाइने वाळी बणे। 4 काहाकी ची जुवान बायरी काजे सीकाइती रवे की आपसा घर वाळाक ने पुर्या सी परम राखे; 5 ने अक्कल वाळा, चुखली, डाहला माणसेन वात माने, घरेन कारबार करने वाळी, भुळी ने आपणा-आपणा घर वाळान हक मां रहणे वाळी हवणु, काहाकी भगवानेन बुलेन नाव-बददी नी हवे। 6 असोत जुवान अदमी काजे बी समजाइया कर की, चे हुस्यार बणु। 7 आखी वात मां आपणे आप काजे वारलु कामेन दाखलु बणाव; तारे सीकाइने सी चतराय, चे सीकणु चाहजे 8 ने असी खरली वात करु, की तीनी वात सी तुसे कुय भुंडुत नी कय सके काहाकी तु नी बाकुन उलटा चे लाजवाये काहाकी तींद्रे धडे तुसेक भुंडुत कहणेन काय नी रवसे। 9 पावर्या काजे समजाइ की आपणा-आपणा मालीकेन हक मां रहे, ने आखी वात मां तीनुक खुस राखे, ने तींद्रे मुंहडे लागण्या मां बणु। 10 चुरी चालाकी नी करे, बाकुन आखी भाती सी पुर भुरसु करने वाळा नीकळे, काहाकी चे आखी वाते मां हामरा मरण सी छुटकारु करने वाळु भगवानेन सीकाइन्यान सुभा बड़ाय देय। 11 काहाकी भगवानेन गीण-दया उजेंती हवे, जु आखा माणसे मां अमर छुटकारु देखव पड़ गुयलु छे। 12 ने हामुक लडीन सीकाइ, की हामु भक्ती नी करने वाळा ने दुनीयान चीज सी मन फेरवीन ईनी कळी मां हुस्यार ने धरमेन कामे सी ने भक्ती सी जीवन जीवजे; (aiōn g165) 13 ने तीना वारु आसेन नीते आपणा मटला भगवान ने मरण सी छुटकारु करने वाळु ईसु मसीन सेक-सींगार उजेंतु हवणेन वाट देखता रहे। 14 जु खुद काजे हामरे वाटे दी देदलु छे, काहाकी हामुक आखा भातीन जे धरमेन काम नी हय तींद्रे सी छुड़ाय लेय, ने चुखा करीन आपणे वाटे एक असी जाती बणाय लेय जे भला काम करनेन हवस देय। 15 आखे हकेन साते जी वात कव ने समजाइ ने सीकाइतु रव। काहनुक तुसेक नानु नी जानुनु चाहजे।

3 ईसु पर भुरसु करन्या काजे तु असा हेर कराइ, की राज करन्या नेतान ने आखी भातीन मुख्या माणसेन हक मां रहु, ने तींद्रु हुकुम मानु, ने आखा वारलु काम करने वाटे तीयार रहु। 2 कुयन बी नाव-बददी घुण करजु, ने लड़ाय मां करु; बाकुन आखा हेळी-मेळीन रहु, ने आखा माणसे साते नीचळा बणीन वेहवार करु। 3 काहाकी आपणु बी पेहले, डेइ-अकलया हतला। ने हुकुम नी मानने वाळा हतला, ने गलत वात मां पड़ला हतला। छीनाळा मां ने पापेन गुलाम हतला ने असली आखी कुहरली वात करन्या हतला जां लग की माणसे आपणे सी कुहराय करतेला ने आपणु बी एक दीसरा सी रीस करतेला ने हामु बुरफाय ने कुहराय मां जीवतेला। 4 बाकुन जतयार हामरु छुटकारु आपणे वाळु भगवानेन भलाय, ने माणसे पर

तेरु परम उर्जेतु ह्यु, ने आपणु तेरे पर भुरसु कर्या। 5 ती चु आपणु छुटकारु कर्यु; ने ज धरमेन कामेन वजे सी नी, जो हामु आपसात कर्या, बाकुन आपणी दयान अनसारे नवला जनमेन उंघळने सी, ने चुखली-आत्मा सी हामुक नवला बणावणेन वजे सी हयो। 6 तीनाक ह्यु आपणु छुटकारु देणेवाळु ईसु मसी सी आपणे पर अदु सी अदु चुखली-आत्मा रेचव्यु, 7 भगवान तेरेमा आपणुक तेरी दया सी हामु धरमी ठहरीन अमर जीवनेन आसेन अनसारे वारीस बण्या। (aiōnios g166) 8 जी वात संय छे ने मे चाहो की तु हीनी वातेन बारामां पुरा मन सी कहलु काहाकी जे भगवान पर भुरसु कर्या, चे भला काम मां लागला रवे, असला भला काम माणसे वाटे बेसको वारु छे। ने ईसुन भुरसाम लावणे मां नफावाळा छे। 9 बाकुन डेड़-अकल्या बणीन वात मां वात देण्या, ने बाप दादा, ने मन मां रीस राखीन रुकावट, ने तीना झगड़ा सी, जो नीयमेन बारामां छे, तेरेसी बचीन रहु; काहाकी चे काय बी फळ लावण्या नी हय ने फालतु छे। 10 काहनाक ढंगड़ा करने वाळा काजे एक दुय कावा समजाडीन तेरेसी अलग हय जाणु। 11 काहाकी तुहुं जाणु की असा करीन जे माणसे भटकी गुयला छे ने आपणे आप काजे गुनाळु ठहरावीन पाप करता रवे। 12 जतयार मे तारे धड़े अरतीमास नेते तुखीकुस काजे मकलो, ती मारे धड़े नीकुपुलीस आवणेन कुसीत करजी, काहाकी मे चांहान सींगेन दाहड़ा काटणेन पाक्कु वीच्यार करलु छे। 13 जेनास नावेन वकील ने अपुल्लोस तारेन चां आवणे वाळा छे, चां सी बी अगास जाण्या छे, तीनु काजे ज बी चाहजे तेरी पुरती करीन तु तीनुक छाटुस मकली देजी। 14 तु अतरुत नी आपणा मंडळ्यान आखा माणसे जी वात सीकणु चाहजे माणसे ते चारे मेर बेसका कसरायला छे, हेरे सी मंडळीन माणसे काजे तु असु सीकाडजु की, तुहुं बेसका कसरायला माणसे वाटे भला काम करने मां लागला रवु। असा करसु ती तुंद्री जीवाय बेसकी काम की रवसे। 15 जतरा बी साती मारे पुठ्ये छे, चे आखा तुसेक वारलु छे की? पुछ रया ने आवजी कय रया। मेसेक मालुम छे की, करेत वाळा बेसका ईसुन चेला हामु काजे भुरसा मां साजेल्या समजीन परम करे। तीनुक बी मार वाटीन वारलु छे की? करीन पुछ लेजी ने आवजु कय देजी। तुहुं आखा काजे भगवान गीण-दया जड़ती रहणु चाहजे।

फीलेमोन

1 पोलुस भीणी सी जु मसी ईसु मां जेल मां छे, ने भाय तीमुथीयुस भीणी सी, हामरु लाटेकलु साती मदत करने वाळु फीलेमोन, 2 ने बहणीस अपफीया, ने हामरु साती सीपायड़ा अरखीपुस ने फीलेमोनेन घरेन भेळी हवणे वाळी मंडळी काजे: 3 आपणा भगवान बास ने मालीक ईसु मसी भीणी सी गीण-दया ने सुक-सांती आखा काजे जडती रहे। 4 मे जलम भगवान काजे वारु छे करीन कहं, ने मारी दुवा मां तुसे हेर करो। 5 काहाकी मे तारा तीना परम ने भुरसान वात सामळीन, जु मालीक ईसु पर ने आखा चुखला माणसेन साते छे। 6 मे दुवा करो की, भुरसा मां तारु हीसु लेणेन आखी मदतेन समज वाटे असर हवे, जे मसी मां हामरे धड़े छे। 7 ए भायस, मेसे तारा परम सी बेसकी खुसी ने सुक-सांती जड़ी, काहाकी तारे सी चुखला माणसेन मन खुसी सी भर गुयला छे। 8 तेरेमां मसी मां मटीत हिममत छे, काहाकी जी वात वारु छे, ची हुकुम तुसे आपो। 9 तेबी मे डाहलु पोलुस जु हय मसी ईसुन नाव सी जेल मां छे, ने ज अळी बी भलायन वात छे की परम सी लीलघाय करु। 10 मे आपणु पुर्यु उनेसीमुस वाटे जु मारे सी मारी बांदण मां पयदा हवलु छे, तारे सी लीलघायो। 11 हयु ते पेहले तारे काय कामकु नी हतलु, बाकुन हय तारे ने मारे दुयुन बेसकु कामकु छे। 12 तीनात काजे मतलब जु मारा काळजान कटकु छे, मे तीना काजे तारे धड़े मकली देदलु छे। 13 तीनाक मे मारेत धड़े मेकणे हींडी रवलु, काहाकी तार भीणी सी ईना बांदण मां खुस-खबरेन वजे सी छे, ने मारी सेवा कर सके। 14 बाकुन मे तारी मरजी पाखुर काय बी नी करने हींडतेलु की तारी जी दया जबरान मां नी बाकुन खुसी सी रहे। 15 काहाकी कुण जाण्यो की हयु तारे सी ईतराक दाहड़ा लगुन असु करीन छेटे हय गुयलु, जतयार चु तारेन चां पछु आवे, ती जलम तारे पुठ्ये रवे। (aiōnios g166) 16 पावर्यान तसु नी हय, बाकुन पावर्या सी बी अदुस, मतलब भाय बराबर रहे, जु मारु खास लाटेकलु साते ते छे, बाकुन हय डीलेम ने मालीक मां बी, तारु बी खास साती बणे। 17 कदी तु मेसेक हीना काम मां तारु साजेल्यु समजे, ती मारु आव-भाव करे, तसुत हीना उनेसीमुसेन आव-भाव करीन हीना आवरी ले। 18 ने कदी चु तारा वीरुद काय बी गुनु करलु हय, नीते चु तारु करजा वाळु हय ती चे पयस्या मां छुट जायस। 19 मे पोलुस मारा हात सी लिखो, की मेत भर दीस, ने ईनाक कहणेन काय बी जरुडी नी हय, की मारु करजु जु तार पर छे चु तुत छे। 20 ए भाय, जी खुसी मेसेक मालीक तार भीणी सी जड़े, मसी मां उनेसीमुसेन काजे माफी आपीन मारा जीवेक खुस कर देदु। 21 मेसेक पाक्कु भुरसु छे की मे ज काय तुसेक कहलु, तेरे सी जादा तु हेरु आव-भाव करसी। 22 ने ज बी, की मारे वाटे रुकणेन जागु तीयार राख, मेसे आस छे, की तुंदरी दुवा सी मेसे तुंदरेनचां आवाय जासे। 23 ईपरफास जु मसी ईसु मां

मार भेळु जेल मां छे, तीना काजे बी वारु छे की करीन पुछी रयु, आवजी करीन कय रयु। 24 ने मरकुस ने अरीस्तारकुस ने देमास ने लुकु जे मारा काम करने वाळा साती छे, हींद्रे भीणी सी बी तुसेक वारु छे की करीन कहें। 25 तुहुं आखा पर मालीक ईसु मसीन गीण-दया तुंदरी आत्मा साते बणीन रवे। आमीन।

ईब्रानी

1 पेहला युग मां भगवान, टेमे-टेमे ने ईतरीक-ईतरीक करीन, वारु रीते, आपसा बेसका भगवानेन अधली वात बताइनुया माणसेन अनसारे आपणा डाहा-डाहा साते वात करलु। 2 बाकुन हय कळीन ईनु आकरी दाहड़ा मां भगवान आपसा पुर्यान साहरे आपणे साते वात कर रयु। चु ईना पुर्यान साहरे आखी कळजुग घड्यु, ने ईना काजे आपसी आखी कळजुगेन हकदार्यु बी बणायु। (aiōn g165) 3 जु पुर्यु ते भगवानेन खरलु सीकु छे। चु आपसान ताकतवाळा बुलेन साहरे आखी चीजेक सामळे। ने चु हेरा खुन सी आपणा पापे काजे धुय देदु, ने सरगे जायन आखाम ताकतवाळा बास भगवानेन जेवड्ये आंग्ये बठ गुयु। 4 असु करीन भगवान तीनाक आपसी जागा आपीन सरग वाळा काहवाळ्या सी बेसकु मटु बणाय देदु। ने तीनाक तींदरा नाव सी बी मटो नाव आप देदु। 5 काहाकी भगवान काहना बी सरग वाळा काहवाळ्या काजे, कदी असु नी कह्यु, “तु मारु पुर्यु छे, ने हय सी मे, तारुत बास बण गुयलु छे।” ने काहनाक सरग वाळा काहवाळ्या काजे असु बी कह्यु, “मेत तेरु बास बणीस; ने चु मारु पुर्यु बणसे।” 6 ने जतयार भगवान आपसा पेहला खुळ्या काजे ईनी कळी मां लावलु, ती तीनु, सरग वाळा काहवाळ्या काजे कह्यु, “ए मारा आखा सरग वाळा काहवाळ्या, तुहुं आखा हेरी भक्ती करु।” 7 ने भगवानेन सरग वाळा काहवाळ्यान बारामां असो लिखलो छे, जु आपसा आखा सरग वाळा काहवाळ्या काजे वाहळो बणावे, ने आपसा चाकर्या काजे आकठान लवळा बणावे। 8 बाकुन भगवान आपसा पुर्यान बारामां कहवे: “ए भगवान, तारी राजगादी जलम लग टेकली रवसे! तारा राजेन डंड नीयावेन डंड छे।” (aiōn g165) 9 तु नीयाव सी परम कर्यु, ने कुहराय सी रीस करे। तेरेसी भगवान, तुसेक तारा साते वाळा सी जादा खुसीन तेल चुपडीन नेवाड़ लेदलु छे। 10 ने भगवानेन पुर्या काजे काहनुक कहलु, चो खरला सासतुर मां असो लिखलो छे, “ए मालीक, तुत सुरु मां, धरतीक घड्यु, ने सरग बी तारेत हाते घडायलो छे।” 11 चे ते खत्तम हय जासे, बाकुन तु ते, तसुत रवसी; आखी कळजुग पुथल्यान तसी जुनली हय जासे; 12 जसा माणसे जुन्ला पुथल्याक नाख दीन नवला पुथल्या पेहेरे, तसु तु जुनली कळजुग बणावसी। बाकुन तु ते, तसुत छे, कदी नी बदले, ने तु जलम जीवतेलु रवसी। 13 भगवान, आपसा सरगदुत मायन कुय काजे बी असु कदी नी कह्यु: “जतयार लग मे, तारा वेरीक, तारा पाय मेलनेन पयडी नी बणाय दम; ततयार लग, तु मारे जेवड्ये आंग्ये बठ।” 14 वीच्यार करु! आखा सरग वाळा खबर-लावण्या ते, भगवानेन सेवा करन्या जीव-आत्मा अतरात छे। भगवान तीनुक छुटकार हात करने वाळान सेवा-चाकरी करने करीन मकले।

2 तेरेमां आपणु काजे अळी वदु मन लागाडीन ईसुन बारामां सामेळळी आखी वात पर पुरो मन लागाडनु चाहजे, नीते कांखुर मायन आपणु छाचाय सी छेता हयन भटकी जासुन। 2 सरग वाळा काहवाळ्यान साहरे कहवली खबर अतरे जुरे हतली, की तीनी वात काजे काटीन जु काहनुक तीनी वातेक नी पाळतेलु, तीना काजे डंड जडतेलु। 3 वीच्यार करु! कदी आपणु ईसु मसीन साहरे जडला अतरा मटा छुटकारान नीकारु कर देसु, ती आपणु कसा काय बचसु? ईना छुटकारान बारामां आखान पेहले मालीक ईसु कहलु, ने अळी जे सामळ्या चे हेरु पुरावु देदा। 4 ने भगवान बी आपसी मरजीन अनसारे गवा देण्या काजे चुखला जीव-आत्मान वाटु आपीन, तींदरे साहरे सहलाणी, ने चकराडे असा वारु काम, ने भाती-भातीन ताकतवाळा काम देखाडीन आपसी गवाय देतु रयु। 5 आवणे वाळी कळी काजे, तेरे बारामां आपणु वात करने बाजी रया, तीनी नवली कळजुग काजे भगवान, आपसा सरग वाळा चाकर्यान कबजा मां करने करीन नक्खी नी कर्यु। 6 हेरे बारामां चुखला सासतुर मां काहनेस जागे काहनुक असी गवा देदु, “माणुस कुण कहवाये ने तीनाक तु हेर करे? ने माणसेन पुर्यु कुण छे, तेरी तु फीकुर करे? 7 भगवानेन सरग वाळा चाकर्या सी थुडुक नानु छे। तु तेरा मुणका पर हकेन ने ईज्जतेन पागडी बांदीन, राजान आव-भाव करे, तसोत तेरो आव-भाव करलु छे। 8 तु तारे अनसारे घडायली आखी चीजेक तेरा हक मां कर देदु।” आखो काय माणसेन हक मां कर देदु, तेरो मतलब जो छे की भगवान, असी काहनी बी चीज तेरा हक मां करे पाखुर नी छुड्यु, बाकुन आपणु काजे हय लग आखो काय माणसेन हक मां देखाव नी पड़े। 9 बाकुन हामु ज देखजे की सरगदुत सी नानु बणावलु छे, काहाकी भगवान आखो काय घडलु छे, ने तेरे वाटे आखो काय घडायलो छे। करीन तीनाक जत वारु लागे की तेरु पुर्यु ईसु मसी, जु छुटकारु आपण्यु छे, चु माणुस बणीन ईनी कळी मां आवे ने भगवानेन दया सी बेसका पुर्या काजे सेक-सींगार मां लावणे करीन कुरुस पर मरनेन दुख झेले। 10 असु करीन भगवान, ईसु मसी काजे ईतरीक वार लग सरग वाळा काहवाळ्या सी नानुस बणाय देदु, ने चु ईसु, भगवानेन गीण-दया सी आखा माणसे वाटे मुतेन दुख झेल्लु। ने असु करीन भगवान तीना काजे सेक-सींगारेन ने ईज्जतेन पागडी पेहराय देदु। 11 काहाकी चुखु करन्यु ईसु, ने चुखा हणण्या आपणु एकुत कळीम सी छे। ने ईनी कळीन मुखी भगवान बास छे। हेरेसी ईसु आपणु भायस कहवायणे नी लाजवाये। 12 हेरेसी ईसु भगवानेक कह्यु: “ए भगवान, मारा भायस्यो मां, हव मारा जाती भाय मां मे तारा नाव काजे सामळ्या करीस, हव तुसेक मान्या माणसेन टुळा मां तारीत बडाय कर्या करीस।” 13 ने ईसु अळी कह्यु, “मे भगवान मालीक पर भुरसु करीस।” ने ईसु, अळी कह्यु, “मे अतरुत नी, बाकुन जे पुर्या-पारी भगवान मालीक मेसेक आपलु, चे बी मारे भेळता छे।” 14 जसा भगवानेन पुर्या-पारी

मास ने लुही मां भेसकाय रया, ती ईसु आपसुत बी तींदरेन तसु हींदरु साजल्यु बण गुयु, काहाकी मुनेन साहरे हीनाक मुत पर ताकत जडली मतलब भुतडा काजे रीकामु कर देदु। 15 ने जतरा मुतेन डर सी जीवन भर गुलामी मां फसला छे, हीनुक छुड़ाय ले। 16 आपणु जाणजे की, ईसु, भगवानेन सरग वाळा चाकर्या काजे नी समाळे, बाकुन अब्राहमेन अवल्यात काजे समाळे। 17 हेरेसी असो हवणु हतलो की, ईसु आखी वातो मां आपसा मनख्या भायसेन तसु बणे; पापेन बाद छुटीन पापी माणसेक भगवान धडे मेळ कराडे ने असो करीन भगवान वगे सी एक दयाळु ने ईमानदार डाहलु मुखी पुजारु बणे। 18 काहाकी जतयार पारख मां रयन बी दुख झेले; ती चु तींदरी मदत कर सके तींदरी पारख हवे।

3 अळतेन आपणु ईसु काजे भगवानेन वगे सी मकेल्लु नेवताळु ने मुखी पुजारु करीन मानजे ने हुकारजे। ए मारा भाय बहणसया, भगवान तुहुंक सरगेन हकदार्या बणने करीन बुलावलु छे; ने तुहुं बी भगवानेन चुखला माणसे बण गुयला छे। हेरेसी ईना ईसु पर तुहुं पुरो मन लागाडु। 2 आपणु जाणजे की, जसु भगवानेन अघली वात बताडन्यु मुसु भगवानेन घरना आखा माणसेन नफा वाटे, भगवान अगळ ईमानवाळु रयन काम कर्यु, तसुत ईसु बी जु भगवान तीनाक नेवाडलु, तेरे वाटे ईमानवाळु रयन आपणेन करता काम करने बाजी रयु। 3 काहाकी ईसु मुसा सी अतरु बडीन सेक-सींगार लायक समजी गुयु की जतरु घर बणावणे वाळु घर सी बडीन ईज्जत राखे। 4 काहाकी हेरेक घर काजे बणावणे वाळु रवे, बाकुन चु आखो काय बणायु चु भगवानुत छे 5 मुसु ते भगवानेन आखा घरना चाकर्यान तसु भुरसु करे असु रयु, की जीनी वात काजे समजाडेन वाळु हतलु तीनी वातेन गवाय आपयु। 6 बाकुन ईसु मसी ते भगवानेन पुरयान रुप मां भगवानेन घरनान हकदार्यु छे, ने कदी आपणु हिम्मत राखीन भगवानेन साहरे आपली आस पर टेकला रवसु, ती आपणुत भगवानेन घरना माणसे छे। 7 तेरेमां चुखली जीव-आत्मा कहवे, “कदी आज तुहुं भगवानेन बुल सामळु, 8 ती आपणा मन काजे काठो मां करु। जसा तुंदरा डाहा-डाहा उजाड्या बयडा मां करला। 9 तीनी टेमे तुंदरा डाहा-डाहा मेसेक पारेखला, ने चे चाळीस साल लग मारा वारु कामेक देखला। 10 हेरेसी मे रीसवायन तीनी पीडीन माणसेन बारामां असु कहलु, जे ते मारी वाट काजे उळखीन बी, मारे वाट्ये नी चाल्या, ‘ईनु माणसेन भटकायण्यो मन छे।’ 11 ततयार मे मारी रीस मां आयन सगुन खायन कह्यु, ‘छाचलीन चे मारा आरामेन जागा मां नी भराय सके।’” 12 ए भायस्यो ने बहणसया, तुहुं चेतनी रवु, नीते तुंदरो मन कुहरयो ने भुरसु नी करने वाळो हय जासे, ने तुहुं जीवतेला भगवान सी छेटा हय जासु। 13 बाकुन तुहुं, जतयार लग आजुन दाहडु छे, ततयार लग एक दीसराक हिम्मत आपीन समजाडता रहु, नीते कांखुर तुंदरे मायन काहनुक पाप मां पडीन डेड अकलयु बण जासे। 14

काहाकी हामु ईसु मसीन हकेन हीससु लेसु। ती हामु आपणा पेहला भुरसा पर जलम लग बणीन टेकला रवसु। 15 जसों लिखलो छे; “कदी आज तुहुं भगवानेन बुल सामळु, ती आपणा मन काजे काठो मां करु, जसा तुंदरा डाहा-डाहा उजाड्या बयडा मां आपसान मन काठो करला।” 16 भगवानेन बुल सामळीन बी भगवानेन वीरुद करीन काहना माणसे तीना काजे रीसवाड्या? हेर राखजु की, तीनु माणसे काजे भगवान मुसान साहरे, मीसरे देस मां सी छुडायन लावलु चेत माणसे भगवानेन वीरुद करीन तीनाक रीसवाडला। हेरेसी तुहुं ईनी वात काजे कमजुर घुण समजु 17 ने भगवान चाळीस साल लग कुणी पर रीसवायलु? चु तीनु माणसे पर अतरुत रीसवायलु, जे माणसे पाप करला, तींदरे पर भगवानेन डंड आयु, ने चे मरीन उजाड्या बयडा मां पडी रया। 18 ने भगवान कुणीन सगुन खायन असु कहलु की, जे मारा आरामेन जागा मां नी भराय सके? भगवान तींदरेत बारामां असु कहलु, जे तेरु हुकुम नी मान्या। 19 हेरेसी आपणु ज देखजे की, जे भगवान पर भुरसु नी कर्या, चेत आरामेन जागा मां नी भराया सके।

4 हेरेसी भगवानेन साहरे आरामेन जागा मां भरायणेन वायदु हय बी पुरु नी हयु, अतरे चेतनी रहु। नीते तीना आरामेन जागा मां भरायणु रय जासु। 2 काहाकी हामुक तींदरेन तसा खुस-खबर सामळावलो हतलो। बाकुन चे तीनी खुस-खबर काजे सामळीन भुरसु नी कर्या, हेरेसी तीनुक सामळाळा बुले सी काय बी नफु नी हयु; काहाकी आरामेन जागाम भरायणेन जीत खुस-खबर आपणुक बी सामळावलो छे। 3 बाकुन हामु भुरसु कर्या, हेरेसी आपणु काजे तीना आरामेन जागा मां भरायणेन मुखु जड गुयलु छे, “बाकुन जे भुरसु नी कर्या तींदरे बारामां चु असु कहवलु: मे कीचवायन जी सगुन खादु, की चे मारा आरामेन जागा मां भराय नी सके!” हेरेसी आपणुक ज मालुम पडे की भगवान ते कळी घडायली ती सीत ईना आरामेन बारामां कह्यु। 4 काहाकी सातवा दाहडान बारामां ज कह्यु की “भगवान आपसो आखो काम पुरो करीन सातवे दाहडे आराम कर्यु।” 5 ने उपर वाळा दाखला मां आपणु असा भणजे, “चे मारा आरामेन जागा मां नी भराय सके।” 6 तीनु माणसेक पेहले आरामेन जागान खुस-खबर सामळावलो, जे हुकुम नी मान्या करीन तीना आरामेन जागा मां नी भराय सक्या। 7 हेरेसी बेसका दाहडा हय गुया, ने अळी भगवान दावुदेन अनसारे असु कहलु की, आज तुहुंक भगवानेन बुल सामळनेन अळी मुखु जड रयु, हेरेसी तुंदरेन तसा तुहुं आपणी छाती काठो मां करु। 8 यहीसु कदी ईसुरायेली माणसेक आरामेन जागा मां पुगाड देतु, ती भगवान पछला दाहडाम दीसरा आरामेन दाहडान वात नी करतु। 9 अतरे आपणु ज जाणजे की, भगवानेन असामी धडे आरामेन जागा मां भरायणेन दाहडु हय बी टाकायलुत रय रयु। 10 जु तीना आरामेन जागा मां भराये, चु आपसो काम पुरो करीन तीना आरामेन जागा मां भराये, जसु भगवान बी हेरा

काम काजे पुरो करीन आराम कर्यु। 11 ईसरायेली माणसे हुकुम नी मान्ने सी सर गुया, तसा आपणुक नी हवणु चाहजे। नी ते आपणु आरामेन जागाम भरायणे रय जासु। हेरेसी आपणु काजे बी तीना आरामेन जागा मां जुंर सी भरायणु चाहजे। 12 काहाकी भगवानेन बुले जीवतेला, ने ताकतवाळा, ने काहनी बी पाणी पावली दुय धारी तलवार सी बी अदु धारवाळा चर-चर छे। चे बुले हामरा जीवन उंडारा मां उतरी जाय, ने जीव-आत्मा मां भराय जाय, ने हाटकान गाठो मां भराय जाय, ने हाटकान गीर मां बी भराय जाय; ने माणसेन मनेन वाळी वात काजे ने वीच्यार काजे पारखी लेय। 13 ने भगवानेन साहरे घडायली ईनी कळी मां काहनी बी चीज भगवान सी सातायली नी हय, तेरे अगळ आखी चीज उगाडली छे। ईना भगवान अगळ आपणुक लेखु देणु पडसे। 14 हेरेसी आपणु एक डाहलु मुखी पुजारु छे, मतलब भगवानेन पुर्यु ईसु, सगरे काजे वेणकीन गुयलु छे, अतरे ए भायस्यो ने बहणस्यो! आतु, आपणु तीना भुरसा पर वारु टेकला रवजे। 15 आपणु मुखी पुजारु ईसु ते आपणी लुलखाय मां आपणे साते दुखी हये। चु ते आपणेन तसु पापेन साहरे पारखायलु ते खरु, बाकुन तेबी चु गुनाळु नी नीकळ्यु। 16 हेरेसी आवु, आपणु भुरसा भेळा गीण-दयान राजगादी अगळ जाजे, काहाकी आपणे पर गीण-दया हवे, ने गीण-दया जडे, ने तीनी गीण-दयान साहरे आपणु काजे मदत जडे।

5 हामु जाणजे की, भगवान एकेक मुखी पुजारा काजे हारुन्या पुजारान घराणाम सी नेवाडे ने भगवानेन ने माणसेन ईचमां रयन माणसे वाटे भगवानेन सेवा करने करीन तीनाक कामे लागाडे। चु भगवान अगळ अळी-अळीन माणसेन पापेन माफी वाटे भगवान अगळ भाती-भातीन बादा चडावे। 2 ने चु डाहलु पुजारु आपसुत लुलगाय सी घेरवायलु रवे, हेरेसी चु डेड-अकल्ल्या ने भुल्ल्या भटक्या माणसे साते नीचळु वेहवार कर सके। 3 हेरेसी तीनाक ते आपसान पापेन माफी वाटे जनवार्या मारीन पापेन माफी वाटे बादा चडावणु पडे। 4 मुखी पुजारु बणनेन वाटु ईज्जतेन वात छे, बाकुन कुय बी जु वाटु आपणे आप नी लेय; बाकुन भगवानुत एकेक जणा काजे डाहलु पुजारु बणावणे करीन नेवाडे। जसु भगवान आपसुत, हारुन्या काजे मुखी पुजारु बणावणे वाटे नेवाड्यु। 5 हेरेसी ईसु मसी बी आपसा मन सी डाहलु मुखी पुजारु बणीन ईज्जत हात नी कर्यु, बाकुन भगवानुत तीना काजे पुजारु बणायु, ने तीनाक कह्यु, “तु मारु पुर्यु छे, ने मे आज सी तारु बास बण गुयलु छे।” 6 हेरेसी दीसरे जागे बी कहलो छे, “तु मलीकीसीदेक्यान तसु, जलम भगवानेन पुजारु बणीन रवसी।” (aiōn g165) 7 ईसु मसी ईनी धरती पर डील मां रवणेन टेमे, आयडी-आयडीन ने रडी-रडीन ने आसा पाडी-पाडीन, मरने सी बचाडन्या भगवान धडे लीलघाय ने दुवा करतेलु। ने चु आपसा काजे भगवानेन मरजी पुरी करने करीन तेरा हातेम सुपीन, आपसी खरली भक्ती देखाड्यु। हेरेसी भगवान तेरी दुवा सामळी लेदु। 8 चु भगवानेन

पुर्यु हतलु, तेबी चु दुख झेल्यु ने दुख झेलीन हुकुम मान्ने सीक्यु। 9 ने चु हुकुम मानीन पाककु हय गुयु, असु करीन ईसु मसी हुकुम मान्ने वाळा वाटे जलमेन छुटकान वजे बण गुयु। (aiōnios g166) 10 ने भगवान तीना काजे मलीकीसीदेक्यान तसु मुखी पुजारान वाटु आप्यु। 11 हेरे बारामां मेसेक बेसकी वात कहणु छे। बाकुन ची वात समजणु काठो छे, काहाकी तुंदरा कान्टा बेहरा हय गुया। 12 हय लग ते, तुहुं सीकाडन्या बण जाणु हतलो, बाकुन आज लग ते, तुहुं काजे भगवानेन बुलेन सुरु वाळी वातुत, अळी सीकाडनु पड रयो। असो लागे की आज लग तुहुं काजे नानला पुर्यान तसों दुत चाहजे, बाकुन खाणु नी चाहतो। 13 जो आज लग दुत पीया करे, च हाल पुर्योत छे, ने तीनाक धरमेन वचनेन बारामां कम समज मां आवे। 14 बाकुन वारलु खाणो ते तीनु मटला माणसे वाटे छे, चे तींदरा जीवन मां वारलु भुंडा काजे उळखणे सीक गुया।

6 हेरेसी आवु आपणु ईसु मसीन सुरु वाळी सीकापण काजे पाळता जायन अळी अगा पुरा-पुरा पाक्का हवता जाजे, ने मरला काम सी मन फीरवीन भगवान पर भुरसु करजे, 2 ने अळी-अळीन बपतीसमा लेणेन सीकापण लेणु, ने अळी-अळीन हात मेलीन वीनती करनेन सीकापण लेणु, अळी-अळीन मर्या-सर्याम सी जीवता हवणेन सीकापण लेणु, ने अळी अळीन आकरी नीयाव हवणेन ने अमर जीवनेन बारामां सीकापण लेणु।

(aiōnios g166) 3 ने कदी भगवान चाहे ती हामु चत करजे। 4 काहाकी जे एक कावा भगवानेन वीजाळो हात कर लेदा, ने सरगेन वाटु हात कर लेदा, ने चुखला जीव-आत्मान वाटु हात कर लेदा। 5 ने भगवानेन वारलु बुल हात कर लेदा, ने आवणे वाळी नवली कळीन ताकतेन बारामां जाण लेदा। (aiōn g165) 6 कदी चेत भुरसा सी छेता हयन भटकी जाय, ती तीनुक पाप भीणी सी मन फेरवीन भगवान भीणी वाळनु ने पछा भुरसा मां लावणु, बेसको काठो छे। काहाकी भगवानेन पुर्यु ईसु काजे आपसा वाटे एक कावा अळी कुरुस पर चडावे, ने तेरे पर उजेंतु गुनु लागाडे। 7 एक खेतेन दाखलान साहरे तुहुं जी वात अळी वारु जाण सकसु। धुळु ते वरसातेन पाणी काजे अळी-अळीन चुसे, ने जे किरसाण हळ जुपीन तीना खेतेक सेडे ने वेरे तींदरे वाटे च मेर लावे, असु करीन चो खेत किरसाण्या वाटे भगवानेन वगे सी संयबरकत लावे। 8 बाकुन कदी ची जागा पाणी काजे अळी-अळीन चुसे ने किरसाण्या तीना खेतेम वारु काम करे, तेबी चो खेत तींदरे वाटे काटासळ्या झाडका ने गखर्या उंगाडे, ती चो खेत किरसाण्या वाटे रीकामो ने गरा वाळो छे, ने आकरी कावा तीना खेतेक चे धपाड देसे तसुत ईसुन भुरसु छुडन्या माणसे काजे भगवान नरक आकठा मां डंड आपसे। 9 ए लाटेक्ला, हामरे उपर लिखली वात सामळीन भणीन भळ जीव करसे; तेबी हामु तुंदरे वाटे वारलु आस कर रया। हामुक पाक्कु भुरसु छे की, भगवान तुहुं छुटकारा पुट्ये आवणी आखी, संयबरकत आपसे। 10 काहाकी भगवान बयमान नी हय। तुहुं

ते भगवानेन नावे, भगवानेन चुखला माणसेन मदत करीन परम देखाड्या। ने हय बी परम करने बाजी रया। भगवान ते तुंदरा ईनु कामेक ने दीसरा वारलु काम काजे कदी नी भुले। 11 तेरसी हामरी जी हर छे की, तुंदरे मायन एकेक जणु मरता लग असुत काठी मेहनत करनु चाहजे। ती तुहुं छाचलीन तेरी आस कर रया च तुहुं काजे जड़ जासे। 12 हामरी जी मरजी छे की, तुहुं उजग्या घुण टेवायु। बाकुन तुहुं तीनु माणसेन तसा चालु, जे भगवान पर भुरसु करीन ने गम खायन ची आखी बरकत हात करने वाळा छे, ची बरकत आपणेन वायदु भगवान करलु छे। 13 जतयार भगवान अब्राहम थडे वायदु करलु ततयार भगवान काजे सगुन खाणे वाटे तेरे सी मटु कुय नी जड्यु। चु आपसुत सगुन खायन असु वायदु कर्यु। 14 भगवान कह्यु, “मे छाचलीन तुसेक संयबरकत आपीस, ने तुसेक बेसकी अवल्यात आपीस।” 15 ने अब्राहम बेसकु गम खादु ने अळतेन भगवानेन वायदु आपसान जीवन मां पुरु हवतेलु देख्यु। 16 माणसे ते आपसा सी मटान नावलीन सगुन खाया करतेला, तींदरे मां सगुनेन साहरे वात पाक्की हवे, ने काहनी बी लड़ाय सर जाय। 17 जु वायदु भगवान करलु, तीना वायदाक चु कदी नी बदले। अळतेन भगवान जु वायदु पाक्कु करने करीन अब्राहम साते सगुन बी खादु हेरेन करीन की अब्राहम मर जाय ने अळतेन बी अब्राहमेन अवल्यात, जे भगवानेन वायदान हकदार्या छे, चे बी ईना वायदा पर पाक्कु भुरसु करे। 18 हेरेसी जां आखी दुय वात छे, भगवानेन वायदु ने भगवानेन अनसारे खादली सगुन जे दुयु कदी नी बदले। भगवान लुच्चाय करन्यु नी हय। हेरेन करीन की आपणु जे भगवानेन अनसारे आवला छे, ने जी आस चु आपणुक वायदान साहरे आपलु छे, आपणु तीना वायदा पर पाक्कु भुरसु करजे। 19 जी आस हामरा जीव वाटे ढंड्यान पाक्का ने टेकीन रवण्या हेकड़ान तसी छे, ने जी आस आपणु काजे पड़दा पछळ सरगेन मंदीरेम रहण्या भगवानेनचां लग पुगाड़ देसे। 20 ईना मंदीर मां ईसु मलीकीसीदक्यान तसु जलम लग मुखी पुजारु बणीन आपणे वाटे मेळ करान्यु बणीन भराय गुयु। (aiōn g165)

7 जु मलीकीसीदक्या सालेमन सहरेन राजा हतलु, ने जु आखाम ताकतवाळा भगवानेन पुजारु हतलु, जलम लग पुजारु बणीन रवसे। जतयार अब्राहम राजा काजे मारीन पछु आवती रवे, ती मलीकीसीदक तीनाक भेळु हयन संयबरकत आपयु। 2 ईनात मलीकीसीदक्या काजे अब्राहम आखी चीजेन दसवु वाटु आपयु, ने मलीकीसीदक्या नावेन पेहलो मतलब छे, “धरमेन राजा।” हेरेसी ईना नावेन दुसरो मतलब छे “सालेमन राजु” नीते “सांती आपण्यु राजु।” 3 मलीकीसीदक्यान नीते आयस ने नीते बास ने नीते खानदानी हय, तेरा जीवनेन नीते सुरुवात हय ने नी आकरी हय; बाकुन भगवानेन एक खुळ्या पुर्यान तसुत भगवानेन नींगाम जलम पुजारु बनलु रयु। 4 हय जाराक वीच्यार ते करु! जु मलीकीसीदक्यु कतरु मटु

हतलु, चु बेसकु मटु हतलु, हेरेसी तीना काजे आपणा डाहा-डाहान डाहलु बास अब्राहम लग जो लुटीन लावलु, तीनी चीजे मायन महंगली चीजेन लग दसवु हीससु दान कर्यु। 5 भगवान जे हुकुम कायदा मुसा काजे आपलु, तीनु कायदान अनसारे लेव्या कुळीन माणसे काजे जु हक जडलु की चे आपसा भाय-बेटा थडे दसवु वाटु लेणु चाहजे, भले चे अब्राहमेन कुळी मां पयदा हया हय। 6 बाकुन मलीकीसीदक्या ते लेव्या कुळीन बी नी हतलु, तेबी लेव्या कुळीन पुजारान डाहलु बास अब्राहम मलीकीसीदक्या काजे दसवु हीससु आपयु। ने चु दसवु हीससु लीन अब्राहम काजे संयबरकत आपयु, भले अब्राहम साते भगवान पेहलेन वायदु करलु। 7 ईनी वातेम काय बी संका नी हय की, संयबरकत आपण्यु, चु संयबरकत देण्या सी मटु रवे। 8 लेव्या कुळीन माणसे जे दसवु हीससु लेय, चे ते एक ने एक दाहडु मरन्यात छे। बाकुन तीना मलीकीसीदक्यान बारामां जां तेरी गवा दी छांडी, चु ते जलम लग जीवतेलु रवे। 9 जां आपणु जो बी कय सकजे की लेव्यु जु दसवु वाटु लेण्या छे, चु लयुन जां तेरी अब्राहमेन साहरे दसवु वाटु आप्यु। 10 काहाकी तीनी टेमे जतयार मलीकीसीदक्यु अब्राहम काजे भेळु हवलु, ततयार लेव्यु पयदा बी नी हयु ने पेहलेन अब्राहमेन डीलेम रयुन मलीकीसीदक्या काजे भेळु हवलु। 11 ईनु लेवी कुळीन साहरेत, माणसे काजे भगवानेन साहरे आपला कायदा जडला। कदी भगवान लेव्या कुळीन माणसे काजे पुजारान वाटु आपीन तींदरे अनसारे आपणुक पुरा-पुरा पाक्का बणाय देतु, ती आपणुक दीसरा पुजारु मलीकीसीदक्या रीतीन अनसारे जलम लग पुजारान वाटु हात करीन, ने हारुनेन रीती नी कवाये। 12 काहाकी जतयार मलीकीसीदक्यान अनसारे पुजारान कामेन वाटु बदले, ती कायदा बी बदलनुत चाहजे। 13 काहाकी तीना मलीकीसीदक्यान बारामां वात कहली छे, चु दीसरी कुळीन छे, ने तीनी कुळीन आज लग काहनु चुखली वेदी पर भगवानेन सेवा नी कर्यु। 14 ईनी वात सी जी वात पाक्की हय की मालीक ईसु यहुदीयान कुळी मां पयदा हयन आयु, बाकुन मुसु ईनी यहुदीया कुळीम सी एक पुजारु आवसे असु नी कह्यु। 15 ने मे जो कह्यु ची वात वारु चुखीझण उजेती हय गुय, की मलीकीसीदक्यान तसु एक अळी पुजारु पयदा हय गुयु। 16 भगवान ईना दीसरा पुजारु काजे मुसान साहरे लिखला नेम कायदान अनसारे नी, बाकुन खत्तम नी हवे तीना जीवनेन ताकुतेन अनसारे पुजारु बणायु। 17 काहाकी तेरे बारामां भगवान जी गवाय देदु की “तु मलीकीसीदक्यान तसु जलम लग पुजारु बणीन रवसी।” (aiōn g165) 18 ने तेर अनसारे कुय बी पाक्कु धरमी नी बणे। जे ते, लुल्ला ने फालतु छे। हेरेसी चे कायदा सर गुया। 19 हेरेसी भगवान आपणु काजे एक असी बेसकु वारु आस आप्यु, तेरे साहरे आपणु भगवानेनचां पुग सकजे। 20 भगवान पेहले सगुन खाये पाखुर दीसराक पुजारु बणायन कामे लागाडतेलु। बाकुन ईसु मसी काजे सगुन खायलीन मुखी पुजारु बणायु। 21

ईसु काजे पुजारा बणावणेन टेमे भगवान, सगुन खायलीन हेरे बारामां असु कह्यु, “तु जलम लग मुख्यु पुजारा रवसी। हव असु कयन भगवान मालीक सगुन खादलु; ने चु आपसु वीच्यार नी बदलो।” (aiōn g165) 22 ईनी सगुनेन साहरे आपणु काजे जो मालुम पडे की ईसु मसी भगवानेन ने माणसेन ईचमां एक वारलु ने पाक्का वायदान जामनी देण्यु बण गुयु। 23 तीना पुजारा काजे मुत झेलनेन दाहडा लग जीवणे नी देदली, हेरेसी तीने टेमे बेसका जणा काजे पुजारा बननु पडतेलो। 24 बाकुन जु ईसु मसी जलम लग जीवतेलु रवे; तेरेमां तेरु पुजारान वाटु, थुडाक दाहडान नी रवे बाकुन जलम लग रवसे। (aiōn g165) 25 हेरे वजे सी जु पुजारा माणसे वाटे वीनती करणे करीन जलम लग जीवतेलु छे। अळतेन जे बी माणसे ईना पुजारान साहरे भगवानेन्चां आवे, तीनु माणसेक जु पुजारा पुरु-पुरु छुटकारु आप सके। 26 जु डाहलु मुखी पुजारा चुखलु, ने खरलु, ने नी-गुनाळु हतलु, ने पापी माणसेन तसु नी हतलु, ने सरगे सी बी उचु हाकलायलु हतलु। ने असलुत डाहलु मुखी पुजारा आपणु काजे चाहजे। 27 ने जु पुजारा आपसा डीलेन बादा चहडावीन एकुत कावा मां पापेन माफीन काम पुरो कर देदलु। हेरेसी ईना पुजाराक दाहडीन दीसरा डाहला पुजारान तसों आपसा पापेन माफी वाटे ने दीसरान पापेन माफी वाटे जनवार्या मारीन बादा नी चडावणु पडे। 28 मुसान कायदु ते, लुल्ला माणसे काजे डाहला पुजारान काम सुपे; बाकुन भगवान सगुन खायन जु वायदु कर्यु, चु वायदु तीना पुर्या काजे पुजारान काम सुपे, जु जलमसीत पुरु-पुरु पाक्कु बण गुयु हय। (aiōn g165)

8 हामु जी वात कर र्या ची जी छे की आपणे वाटे एक बेसकु मट्टु पुजारा छे, जु सरगा मां आखान ताकतवाळा भगवानेन राजगादी पर भगवानेन जेवडे आन्गे बठ रयु। 2 ने छाचला तम्बुन चुखला जागान चाकर्यु बण गुयु, जां भगवानेन छाचली भक्ती हवे। ईना तम्बु काजे काहनु बी माणुस उबु नी कर्यु, बाकुन मालीक भगवानुत उबु करलु छे। 3 काहनु बी डाहलु मुखी पुजारा भेट ने जनवार्या मारीन बादा चहडावणे करीन नेवाडलु रवे। तेरेमां ईना डाहला पुजारा धडे बी काहींग चहडावणे वाटे हवणु चाहजे। 4 कदी चु धरती पर रवतु, ती कदी चु पुजारा नी बणतु, काहाकी जी मुसान कायदान अनसारे, ईनी धरती पर बादा चडावण्या पुजारा ते छेत। 5 कदी चु एक असा भक्ती करणेन जागा भक्ती करे चो छाचलीन सरग मां हवणी पुजा-पाटेन सहलाणी छे। जतयार मुसु तम्बु बणावणे हींडतेलु, ती तीनाक भगवान जो कयन चीतायु की “देख, मे बयडा पर तम्बुन जी सहलाणी देखाडलु छे, तैरेत अनसारे तु तम्बु बणावजी।” 6 बाकुन जो सेवान काम ईसु काजे जड्यो, चो तींद्रा सेवान काम सी जादा वारु छे। काहाकी चु तीना नवला कायदान मेळ करावण्यु, चु नवलु कायदु, जुनला कायदा सी वारु छे, ने वारु सी वारु, वायदान अनसारे बांदली छे। 7 कदी पेहली जुनला कायदाम कसर नी हतली, ती दीसरी नवलु

कायदान जरुवत नी पडतो। 8 बाकुन भगवान काजे जुनली बुली पाळन्या माणसे मां कसर देखाव पडी, हेरेसी चु कह्यु; “सामळु! भगवान मालीक जरु सी कह्यु, ची टेम आवसे, तीने टेमे मे ईसुरायेली ने यहुदी माणसे साते, एक नवली बुली करीस। 9 भगवान मालीक अळी कह्यु, “जी बुली तीनी बुलीन तसी नी हय, जी बुली मे ईसुरायेली माणसेन आडा-बुडा साते तीने टेमे करलु, तीने टेमे मे तीनु काजे मीसरे देसो मां सी हात धरीन नीकाळीन लावलु। तेबी चे मारी बुली मां ईमानदार नी रया। हेरेसी मे आडु भाळ लेदु।” 10 अळी भगवान मालीक कह्यु: “मे जी बुली आवणेवाळा दाहडा मां ईसुरायेली माणसे साते करीस, ची जी छे की, मे मारा कायदा काजे तींद्रा मनो मां मेल दीस, ने मे तीनु कायदा काजे तींद्रा छाती मन मां लिख दीस, ने मे तींदरु भगवान कहवायीस, ने चेत मारा माणसे कहवायसे।” 11 ने ततयार काहनाक बी, आपसा सातेवाळा काजे, ने भाय-बहणसया असो सीकाडनु नी पडे की, ‘तु मालीक भगवान काजे उळखी ले।’ काहाकी नानला मटा आखा मेसेक उळखसे। 12 काहाकी मे तींद्रा पापेन माफी आप दीस, ने तींद्रा पापेक कदी हेर नी करो।” 13 भगवान ईनी बुली काजे चु नवली कह्यु, हेरेसी जो मालुम पडे की, पेहली बुली काजे चु जुनली ठेहराय देदु, जो जुनलो हय जाय, चो जीरने बाजी जाय, चो सरने वाळो छे। हेरेसी पेहली बुली काजे सरनुत छे।

9 भगवानेन जुनली बुली मां बी भगवानेन पुजा-पाट करणेन रीतीन नेम हतला, ने तीनी पुजा-पाट वाटे ईनी धरती पर खास जागा बी हतली, चां एक तम्बु तान्लु हतलु। 2 तीना तम्बुन दुय खुणा हतला, ने खुणा काजे अलग करन्यु पडदु बी हतलु। ने तीना तम्बुन पेहला खंगरा मां भीत हतली, ने टेबल हतली, ने टेबल पर भेट चहडावला रुटा हतला। ने ईना खुणा काजे चुखलु जागु कवतेला। 3 पडदा पळळ वाळु दीसरा पडदा पळळ चु तम्बु हतलु चुखलु जागु कहवायतेलु। 4 तीनी जागा मां सनान पेटी थुप देणी वेदी हतली। ने चां सनान झाळ चहडावली पेटी बी हतली। जो बुलीन पेटी कहवायतेली। तीनी पेटी मां भगवानेन बुलीन डायरी हतली, चे दगडान बन्ला हतला, तीनी पेटी मां हारुनेन लाकडी बी हतली, तीनी लाकडी पर एक कावा कोवेळ्ळा डीरा बी फुटी आवला। ने तीनी पेटी मां एक सनान कवड्यु बी हतलु, ने तीना कवड्या मां सरगे सी भगवानेन साहरे आपलो मन्ना नावेन खाणो भरीन मेल्लो हतलो। 5 ने तीनी पेटीन ढाकणान नाव गीण-दयान राजगादी हतलो। ने पेटी पर भगवानेन सेक-सींगारेन सहलाणीन वेस मां करुब नावेन पाखडावाळा दुय सरग वाळा खबर लावणयान मुरत्या जुडायला हतला, जे पसतावान पाखडा फेलायन तीनी गीण-दयान राजगादी पर छावायन साहळु करतेला। बाकुन हय आखा बीडारान बारामां बताडनेन टेम नी हय। 6 जु असु आखु तजबु हतलु, ने अळी भगवानेन पुजारा पेहला, तम्बा मां दाहडीत भरायन, भगवानेन पुजा-पाटेन रीत कर्या करतेला।

7 बाकुन माहीं वाळा कमरा मां मुखी पुजारु अतरुत सालेम एकुत कावा जनवार्यान लुही लीन जातलु। ने चु आपसा ने दीसरान भुल्या-चुक्या गुनान माफी वाटे चां आखो भगवान अगळ ईना लुहीन बादा चहडावतेलु। 8 ईनी वातेन साहरे चुखली जीव-आत्मा जो देखाडे की जतयार लग पेहलु तम्बु उबु छे, ती लग चुखला जागाम भरायणेन वाट उजेंती नी हये। 9 जु तम्बु आजुन टेम वाटे एक सहलाणी छे; तीना तम्बु मां असी भेट ने बादान जनवार्या चहडावतेला। तेरेमां भक्ती करणे वाळान मन चुखो नी हय सके। 10 हेरेसी जे ते खाणे-पीणे ने भाती-भाती तीहवारेन रीतीन डीलें नेम छे, ने भाती-भाती धुवणेन रीती करनु। जे नेम, नवला कायदा जडता लग ठेहरावला छे। 11 बाकुन हय ईसु मसी ते भगवानेन मुखी पुजारु बणीन आवलु। चु अळी जादा वारु ने पुरा-पुरा पाक्का तम्बु मायन भगवानेनचां पुग गुयलु छे। जु तम्बु ईनी कळीन चीजे करीन माणसेन हाते बणावलो नी हतलो। 12 ईसु मसी तीना सरग वाळा तम्बु मां बुकडान ने केवड्यान लुही लीन नी भरायु, बाकुन एकुत कावा आपसा लुहीन जलम लग भेट आपीन, चुखली जागाम भराय गुयु। असु करीन चु आपणे वाटे भगवान धडे जलम लग छुटकारु हात, करीन आपणु काजे आप देदु। (aiōnios g166) 13 जुनुडला कायदान अनसारे, बुकडा ने बेलें लुही ने धपला केवडान रखडु मुळ्या माणसे पर नाखणे सी ने लुही छोटणे सी डीलें मुयळो छेते हय जाय, 14 ती ते तेरे सी बी जादा, ने पुरो पाक्को ईसु मसीन लुही छे। ईसु मसी ईना आपसा लुही काजे भगवानेन जलमेन जीव-आत्मान साहरे एक पाक्की बादान रुप मां भगवान अगळ आपणे वाटे नी-गुनाळा हयन भेट कर देदु। हेरेसी आपणु काजे जीवतेला भगवानेन सेवा भक्ती कराडने करीन ईसु मसीन लुही आपणा मन काजे तीनु कुहर्या काम सी छुडावसे, ने आपणुक चुखा करसे। जे कुहर्या कामे आपणु काजे मुत भीणी ली जाय। (aiōnios g166) 15 हय सामळु, भगवान पेहले वायदु करलु, तीने टेमे बी माणसे पाप कर्या, तीनुक पापेन सी छुडावणे करीन ईसु मसी कुरुस पर मरीन आपसु जीव आप देदु। ने चु ईसु मसी एक नवला वायदान मेळ कराडन्यु बण गुयु हेरेन करीन की चु तीनु काजे बुलावलु छे, चे अमर जीवनेन वारीस हात करे। (aiōnios g166) 16 जतयार जागा नाव पर करनेन वायदान पावती तीयार हये, ती जागा नाव पर करन्यान मुतन बारामां गवा बी हवणु चाहजे। 17 काहाकी असी जागा वायदान पावती, जागा आपण्यु मरे तीत पाक्की हवी, ने जतयार लग जागा नावे करन्यु जीवतेलु रवे, ती लग जागान पावती नी बणे। 18 हेरेसी जुनुडला वायदान पावती बी जनवार्या काजे मारीन भगवान अगळ लुही चहडावे तीत तीयार हवतेली। 19 तीना जमाना मां जतयार मुसा, कायदान आखा हुकुम माणसे काजे सामळाय देदु, ती चु केवडान ने बुकडान लुही ठाहराम झेलीन पाणीम भेसकी देदु, ने रातला गाडरान कान्या ने जुफा झाडकान डाळखे करीन चामडान

बणला कायदान किताप पर ने आखा माणसे पर छोट देदु। 20 ने कहयु, “ज तीना वायदान लुही छे, तीना वायदा काजे पुरो करीन पाळनेन हुकुम भगवान तुहुं काजे आपलु छे।” 21 असु करीन मुसु तम्बु ने पुजा-पाटेन आखी चीज पर लुही छोट्यु। 22 छाचलीन, कायदान अनसारे आखी चीज लुही सी चुखी हवे; ने लुही उहवाडे पाखुर पापेन माफी नी जडे। 23 हेरेसी ज जरुडी छे की ईनी धरती पर जी चीज सरगेन चीजेन सहलाणीन रुप मां छे, तीनी चीज काजे जनवार्यान लुही सी चुखी करनु चाहजे, बाकुन सरगेन चीज काजे ते जनवार्यान लुही सी बी जादा वारु लुही सी चुखी करनु चाहजे। 24 काहाकी ईसु मसी तीना हाते करीन बांदला चुखला जागा मां नी भरायु, बाकुन आपणे वाटे हय सरगे मां भगवान अगळ हजुर हवणे करीन, सरगेत मां भराय गुयु। हात सी बणावलु चुखलु जागु ते छाचला चुखला जागान सहलाणी अतरुत छे। 25 डाहलु मुखी पुजारु हर साल दीसरा जनवार्यान लुही लीन चुखला जागा मां भरायतेलु। बाकुन ईसु तीना मुखी पुजारान तसु अळी अळीन आपसा डीलें बादा चहडावणे करीन चुखला जागा मां नी भरायु। 26 ईसु अळी-अळीन आपसा डीलें बादा चहडावणे करीन चुखला जागा मां भरायतु, ती तीनाक अळी-अळीन दुख झेलनु पडतो; बाकुन चु ईनी कळीन आकरी दाहडा मां आपसा डीलें बादा चहडावीन आपणा पाप छेटा करणे करीन एकुत कावा माणुस बणीन आयु ने उजेंतु हयु। (aiōn g165) 27 जसो माणसे काजे एकुत कावा मरनु ने अळतेन तेरु नीयाव हवणु जरुडी छे, 28 तसुत मसी बी बेसका माणसेन पाप काजे हाकली लेणे वाटे एक कावा बादा चहडी गुयु; ने माणसे हेरी वाट देख र्या हींदरा छुटकारा वाटे दीसरी कावा पाप नी हाकले तेबी देखायसे।

10 मुसान साहरे आपला नेम कायदा आवणेवाळी भलायन साहळु अतरुत छे। भलाय ते खरान आवणे वाळी हतली। ईना नेम कायदान साहरे ते सालो डीट एक सारकी बादा वाटे जनवार्या मारीन चहडाया करे। तेबी बादान जनवार्या चहडावणे सी तीनु भक्ती करन्या काजे पुरा-पुरा चुखा करीन पाक्का नी बणाय सके। 2 कदी नेम-कायदु तीनु काजे पुरा-पुरा चुखा करीन पाक्का बणाय देतु, ती ते, जनवार्या मारीन बादा चहडावणु खततम हय जातो; काहाकी ततयार ते, भक्ती करन्या जलम लग चुखा हय जाता ने तींदरा मनेन सान तीनुक तींदरा पापेन बारामां गुनु नी लागाइती। 3 बाकुन चो सालो डीट तींदरा पापेक हेर कराडीन पापी ठेहरावे। 4 बाकुन हसो नी हवे; बेलें ने बुकडान लुही पाप काजे छेटा नी करे। 5 हेरेसी ईसु मसी कळीम आवणेन टेमे भगवान काजे असु कहयु, तु माणसे धडे तींदरा पापेन बादा छुटणे करीन बादान चहडावु ने भेट नी मांगयु, बाकुन तु माणसे वाटे तींदरा पापेन बादा छुटणे करीन बादान करता मारे धडे एक डील तीयार करलु छे। 6 तु बाळीन होम करली बादा सी बी तु खुस नी हयु, ने पापेन माफी हात करनेन बादा सी बी खुस नी हयु। 7 ततयार मे भगवान

काजे अळी कह्यु, “ए भगवान! मे आय गुयलु छे, जसों तारी डायरी मां मारा बारामां लिखलो छे, तसुत मे तारी मरजी पुरी करने तीयार छे।” 8 ईसु मसी पेहेले भगवान काजे असु कहलु की, “तुसेक भाती-भातीन बादा जसी पापेन बादा ने बाळीन होम करली बादा नी चाही, ने तीनु बादा सी तु खुस बी, नी ह्यु” भले ची आखी बादा मुसान कायदान अनसारेत चहड़ावता आय रवला। 9 अळी ईसु मसी भगवान काजे असो बी कह्यु, “ए भगवान, मे तारी मरजी पुरी करने तीयार छे, ने मे हय जां छे।” असु करीन भगवान पापेन बादा छुटणेन पेहेला कायदा, छेटे करदीन, नवलु कायदु उबु करे। 10 ने भगवानेन मरजीन अनसारे ईसु मसीन डीलेन एकुत कावा बादा चहड़ावणे सीत आपणु चुखा हय गुयला छे। 11 हरेक पुजारा मंदीर मां उबा रयन दाहड़ीत भगवानेन सेवान रीती भाती करे, ने भाती-भातीन जनवारयान बादा एक सारका अळी अळीन चड़ाया करे, जी बादा पाप काजे कदी छेते नी कर सके। 12 बाकुन जु ईसु मसी ते पापेन माफी काजे एकुत कावा आपसा डीलेन जलमेन बादा चहड़ावीन भगवानेन जेवड्ये आंग्ये जायन बस गुयु। 13 ने तीने टेमे सी चां रयन जी वाट देख रयु की तारा वेरी तारा पायेन पयड़ी बण जाणु चाहजे। 14 काहाकी ईसु मसी एकुत कावा आपसा डीलेन जलमेन बादा चहड़ावीन आखा काजे चुखा कर देदु, ने जलमकात पाक्का कर देदु। 15 भगवानेन चुखली जीव-आत्मा बी नवली बुलीन साहरे आपणुक जड़नी बरकतेन गवा छे, सासतुर लिखण्याम रयन चु असु देखाड़े, 16 भगवान, मालीक असु कह्यु, की जे दाहड़ा पुरा हय जासे ने अळी मे तींदरे साते जी बुली करीस, मे मारा कायदा काजे तींदरा मनो मां मेल दीस, ने मे तीनु कायदा काजे तींदरा मन मां लिख दीस। 17 ने चु अळी कह्यु, “मे तींदरा पाप काजे, ने गुना काजे कदी हेर नी करो।” 18 हय आखा काजे ईसुन बादा साहरे पापेन माफी जड़ जाय, ती अळी पापेन माफी वाटे बादा चहड़ावणु जरुड़ी नी हय। 19 ए भायस्यो ने बहणस्या, ने जत्तयार तीना ईसुन लुहीन साहरे आपणे वाटे एक नवली ने जीवतेली वाट तीयार करलु छे, चो आपणे वाटे चुखला जागा मां ली जाणे करीन उघड़ी गुयो, हेरेसी आपणु काजे सरगेन नवली ने जीवतेली वाटे मायन चुखला जागाम भरायणेन हिममत आय गुयली छे। 20 ने ईसुन डील एक पड़दा सांय छे। ईसु आपणे वाटे कुरुस पर दुख झेलीन, आपसा डीलेन बादा चड़ायु, ने आपसो लुही उहवाड्यु, 21 ने हय ईसु आपणे वाटे भगवानेन घराणान हकदार्यु मुखी पुजारु छे। 22 ईसु आपसो लुही आपणे गुनु लागाइन्या मनो पर छाटीन आपणुक चुखा करलु छे। ने आपणु सहलाणीन तार पर चुखले मने बपतीस्मान रीत लीन आपणा डीलेक धुवी बी लेदु। हेरेसी चालु, आपणु पाक्कु भुरसु करीन खरले मने भगवानेन्चां जाजे। 23 वायदु करन्यु भगवान ते, ईमानदार छे, हेरेसी आपणु जी आस कर रया, तीनी आस काजे छुड़नु नी हय, बाकुन आस करीन जुड़ायला रहवणु छे। 24 ने एक

दीसराक परम करने करीन ने एक दीसरान भलो करने करीन एक दीसराक हिममत देवाडु। 25 काहना-काहना ईसु पर भुरसु करीन बी, ईसुन मंडळीन मां जाणु छुड़ देदला छे। तुहुं असला माणसेन चाल मां धरु। बाकुन एक दीसराक समजाडीन सांती आपता रहु। ने जसा-जसा ईसुन आवणेन दाहड़ा धड़े आवता जाय, तसा तुहुं अळी-अळीन भेळा हयन भगवानेन वात सीकता रहु, ने भगवानेन सेवा भक्ती करता रहु। 26 काहाकी खरली वातेन उळखाण हात करनेन पछे कदी हामु जाणी बुजीन पाप करता रवसुन, ती पापे वाटे अळी कुय बादा चड़ावणु नी रय। 27 हव, हसो हय ती ते, असला माणसेक हय बीहाड़े असा नीयावेन दाहड़ान वाट देखणु ने उलाह्ये नी असली आकठीन वाट देखणु अतरोत रय रयो, जी आकठी भगवानेन वीरुद करन्या काजे खाय जासे। 28 जत्तयार काहनुक मुसान कायदाक नी मान रयु हय ती, दुय नीते तीन जणान गवाय पर, पाखुर दया करे मार देय, 29 ती सुची लेवु की चु कतरु अळी बी भारी डंडेन लायक ठेरसे, जु भगवानेन पुरया काजे पाये सी लातायन कुचर्यु ने वायदान लुही काजे, जेरे साहरे चु चुखलु ठेराय गुयलु वीटेळ्ळु समजी गुयु ने गीण-दयान आत्मा काजे अपमान कर्यु। 30 डंड आपण्यु भगवान जो कह्यु, “बदलु लेणु मारो काम छे, मे बदलु लीस।” ने चु अळी ज बी कह्यु, “मालीक भगवान आपसा माणसेन नीयाव करसे।” ईना भगवान काजे आपणु जाणजे बी। 31 जीवतेला भगवानेन हाते डंड भुगतणु ते बेसकु बीहाड़े असो छे। 32 तुहुं तीनु पेहेला दाहड़ाक हेर करु, तीनी टेम मां तुहुं खुस-खबरेन वीजाळो देखीन मान लेदला, ने बेसका दुख मां ने भुरसा मां टीकला रया। 33 तीनी टेमे माणसे, तुंदरे मायन काहनुक आखा अगळ वात नीकाळ्यु ने वेला पाड्या ने तुहुं तींदरी मान लेदा, ने तुंदरे मायन काहनाक तीनु माणसे साते हतला सांती आपणे, तीनुक दीसरा माणसे वेला पाड्या। 34 तुहुं ईसु पर भुरसु करन्या तीनु माणसे पर दया कर्या, तीनु काजे जेलेम कुंड देदला, ने वीरुद करन्या माणसे तुंदरो माल धन हापकीन ली जाती रया, तेबी तुहुं खुस हतला; काहाकी तुहुं वीच्यार करतेला की भगवान हामरे वाटे ईनी धरती पर माल धन सी बी वारलु ने जलम टीकणेवाळो अमर जीवनेन माल धन सरगेम मेल रयु। 35 हेरेसी तुहुं हिममत घुण हारु। काहाकी तेरो काम बेसको मटो छे। 36 तुहुं गम खान भगवानेन मरजी पुरी करसु, ती भगवान, तुहुंक जो आपणेन वायदु करलु छे, चो आपसे ने आपसे। 37 काहाकी चु आवणे वाळु छे, “चु थुडीक टेम मां आवसे, ने चु वार नी लागाड़े। 38 मारो वारु काम करने वाळा माणसे, भुरसा सी जीवन जीवसे, ने जु कुय पळु हवसे तेरे सी मे खुस नी रव।” 39 बाकुन हामु ते भुरसु छुडीन पछा सरेकण्या मायन नी हय, बाकुन हामु तीनु मायन छे, जे भगवानेन भुरसा पर टेकला रयन आपसा जीव-आत्मा काजे बचाड़े।

11 ती भुरसु काय छे? भुरसु जु छे की जो आपणु नी देख्या, ने तेरी आस आपणु कर रया, चत छे, ने भगवान चो

आपणुक आपसे ने आपसे। असो मनेम पाक्को ठाणी लेणुत भुरसु छे। 2 काहाकी आपणा डाहा-बुड़ा भगवान पर पाक्कु भुरसु करला करीन भगवान तींद्रे बारामां वारु बताइयु। 3 भुरसान साहरेत आपणु ज जाणजे की भगवानेन बुलेन साहरे आखी कळजुग घड़ायली छे। ने ज काय देखाये ने मालुम पड़े च आखो देखाये ने मालुम पड़े असली चीजेम सी घड़ायो। (aiōn g165) 4 भुरसु करीन आदमेन नानलु पुर्यु हाबील, आपसा मतला भायस केन्या सी वारु भेट चहड़ायु; ने भगवान तेरी बाद मानी लेदु। असु करीन चु हाबील भुरसान साहरेत भगवान वगे सी वारु गीणायु। हेरेसी चु मरीन बी हय लग आपणुक भगवान पर भुरसान बारामां सीकाइतु रयु। 5 भगवान पर भुरसु कर्यु करीन हनोक मरे पाखुर डील भेळु सरगे मां हाकलाय गुयु; ने चु अळी पछु काहनाक बी देखाव नी पड़्यु, काहाकी भगवान तीनाक हाकलीन ली जाती रवलु। हेरेसी जी वात चुखीझण छे की, भगवान तीनाक हाकलीन ली जाणेन पेहलेत, तेरे बारामां असी गवा देदु की, हयु मेसेक गमे असो काम करे। 6 भगवान पर भुरसु करे बीगुर कुय बी भगवान काजे खुस करनु काठो छे। जु भगवानेनचां जाणेन हेर करे तीना काजे भुरसु करनु चाहजे की भगवान छे, ने चु तीनु आखा माणसेन भलो करे, ने आपणा हेरेने वाळा काजे फळ आपे। 7 भगवान पर भुरसु करीन नुह आवणेवाळी मुसळ धार पाणीन गरान बारामां भगवान धड़े सी खबर सामळीन आपसा घराणा काजे बचाइने करीन चकरायन ढंड्यो बणायु। असलु मुसळ धार पाणी धरती पर कदी नी पड़्यु। तेबी हय लग देखणेम नी आयो तेरे बारामां भगवान कहली वात पर भुरसु कर्यु। नुहान भुरसु देखीन भगवान तीनाक धरमी गीणयु, ने असु करीन चु खरला धरमेन हकदारयु बण गुयु। बाकुन कळीन दीसरा माणसे ढंडयाम भरायन मरीन सर गुया, असु करीन नुह आखी कळीन माणसे काजे गुनाळु ठेहराय देदु। 8 जतयार भगवान अब्राहम काजे अनजाण्या देस भीणी जाणे करीन बुलायु; ती चु, भगवान पर भुरसु करीन तेरु हुकुम मानीन तीना अनजाण्या देस भीणी चाल पड़्यु, जो देस तीनाक हक मां जइने वाळो हतलो, तीनाक जो नी मालुम हतलो की, चु कां जाणे बाजी रयु, तेबी चु भुरसु करीन चाल पड़्यु। 9 वायदु करला देसो मां पुग्यु, ततयार बी चु तीना वायदान देसो मां जबरान हक जमाइयु, ने परदेसी माणसे मां वसी गुयु, ने एकुत वायदान हकदार्या आपसा पुर्या इसाक पुठ्ये ने इसाकेन पुर्या याकुप पुठ्ये खपड़ी बणायन रहणे बाजी गुयु। भगवान पर भुरसु करीन अब्राहम असु करलु। 10 चु ते तीना सरगेम वसला सहरेन वाट देख रवलु, ने तीना सहरेन पायु नाखीन घड़न्यु ने तीना सहरेक बणावणे वाळु भगवानुत छे। 11 भगवान पर भुरसु करीन अब्राहमेन लाडी सारा बायरी डाहवारा मां बी भारपायेन ताकत हात करी; काहाकी ची असी मान लेदली की मे तुसेक पुर्यु आपीस करीन वायदु करन्यु भगवान छाचलु छे। 12 असो करीन मरला साय एकुत माणसेन साहरे

सरगेन तारान तसी ने दर्या धड़ेन रेतळा तसी गीणाये नी असी अवलयात हय गुयु। 13 भुरसु करीन टेकला रयन मर गुया। भगवान तीनुक ईनी कळी मां, जो-जो देखयो ने बीन देखयो आपणेन वायदा करलु, चो पुरो तीनुक नी आप्यु। च मरनेन पेहले छेतेत रयन भुरसु करीन चो देखीन खुस हय गुया, ने मान लेदा की, हामु ईनी कळी मां परदेसी ने वाटे चाला मुसाफीर्या छे; तेबी भगवान आपसा वायदा एक दाहड़े नीते दीसरे पुरा करसे ने करसे। असु करीन च मरनेन पेहले छेतेत रयन भुरसान डुळे भगवानेन वायदा पुरा हवतेला देखया। 14 जे असी वात कहवे, च आपसी जीवाय साहरे ज चुखोझण देखाड़े की च परदेसी देसेम रयन आपसान देस काजे हेरेने बाजी रया। 15 ने तीना देसेन वात सुचता ती, तीना देसेक हेर करीन पछा जाणेन वीच्यार करता, ती तीनुक तीना देसेम पछा जाणेन मुखु हतलु। 16 बाकुन च तीना देसेम जाणेन वीच्यारुत नी कर्या। च ते एक आखाम वारु देसेन, मतलब सरगेन देसेन हेरु पड़ रवला। हेरेसी भगवान, तीनु माणसेन भगवान कहवायणे नी लाजवाये; चु ते तींद्रे वाटे एक सहर बणावलु छे। 17 भगवान पर भुरसु करीन अब्राहम्यु पारखायणेन टेमे भगवानेन वायदा काजे छाचली मान लेदु, ने चु भगवानेन हुकुम मानीन इसाक काजे भगवान अगळ मारीन बाद चहड़ावणे तीयार हय गुयु। 18 हव तीना काजे भगवान असु कहलु “इसाकेन साहरे तारी अवलयात बड़से।” तीना इसाक काजे चु भगवान अगळ मारीन चहड़ावणे करीन तीयार हय गुयु। 19 काहाकी चु अब्राहम, भगवान पर असु पाक्कु भुरसु कर्यु की, भगवान मरला काजे बी मर्या-सर्याम सी जीवता करीन बठा कर सके ने एक कहयाम अब्राहम आपसा पुर्या इसाक काजे मर्या-सर्याम सी जीवतु हवलुत पछु हात कर लेदु। 20 भगवान पर भुरसु करीन इसाक, मरनेन पेहले आपसा पुर्या याकुप ने एसाव काजे आवणेवाळा दाहड़ा वाटे संयबरकत आप्यु। 21 भगवान पर भुरसु करीन याकुप मरने वेळाय युसुफेन दुयु पुर्या काजे एकेक करीन संयबरकत आप्यु, ने लाकडीन टेका लीन बी भगवानेन भक्ती कर्यु। 22 भगवान पर भुरसु करीन युसुफ मरने वेळाय हुकुम आपीन असु कहयु की, आपणा ईस्रायेली माणसे मीसरे देसेम सी छुटकार हात करीन कनान देसेम जाती रवसे। बाकुन मे ते, मीसरे देसेम सी छुटकार हात करे पाखुर मर जायस, हेरेसी तुहुं मारा हाटका लीन जाती रवजु। 23 जतयार मुसु पयदा हवलु, तीन दाहड़ाम मीसर देसेन राजु असु हुकुम नीकाळ्यु की, ईस्रायेली जाती मां पयदा हवण्या आखा पुर्याक मार नाखु। मुसु बेसकु वारु हतलु, ने तेरा आयस बास समजी गुया की, जु एक खास पुर्यु छे हेरेसी मुसान आयस बास भगवान पर भुरसु करीन मीसर देसेन राजा सी बीहे बीगुर मुसा काजे तीन महना लग साताडी-साताडीन मटु कर्या। 24 भगवान पर भुरसु करीन, मुसु हुस्यार हयन जु कय देदु की मे फीरोन राजान पुरेन पुर्यु नी हय। 25 मुसा काजे पाप मां थुड़ाक दाहड़ा लग मुजा

लेणे सी भगवानेन माणसे पुढ्ये वेला करनु वारु लाग्यो। 26 मुसु ते भगवान धडे जलमेन वाटान ईनाम हात करनेन वाट देख रव्लु। हेरेसी तीनाक ते, मीसर देसेन धनेन मुजा लेणे सी भगवानेन मसीन नाव-बद्दी हवणु वारु लागे। 27 मुसु ते वीन देख्या भगवान काजे देख्यु नी, बाकुन तेबी भुरसान साहरे देख रयु समजीन भगवानेन भुरसा पर टेक्लु रयु। हेरेसी भगवान पर भुरसु करीन मुसु राजान रीस काजे देखीन बी नी बीहु, ने मीसरे देस काजे छुडदीन जाती रयु। 28 आखाम पेहले वाळा पासका तीहवारेन दाहडाक हेर करु, जत्तयार माणसेन जीव लेणे आवणयु सरग वाळु चाकर्यु, मीसर देसेम वाळा आखा माणसेन पेहेले खुळ्या पुर्या काजे मारने हींडतेलु। तीने टेमे मुसु भगवान पर भुरसु करीन ईस्रायेली माणसेक जु हुकुम आप्यु, “तुहुं गाडरान पीला काजे मारीन तेरो लुही आपणा-आपणा घरेन बारकस पर चुपडी देवु, ती सरग वाळु तुंदरु जीव नी लेय।” 29 भगवान पर भुरसु करीन मुसान अगवाय मां ईस्रायेली माणसे, जसा सुकली जागाक वेणकीन जाय, तसात रातला दर्या काजे वेणकीन जाती रया। ने जत्तयार मीसरे देसेन सीपायडा बी ईस्रायेली माणसेन तसा दर्या वेणकणे गुया, ती चे डुबीन मर गुया। 30 भगवान पर भुरसु करीन ईस्रायेली जातीन माणसे, यरीहो सहरेन चारेमेर वाळा जाडला भीतडान सात दाहडा फेरा लाग्ग्या, ने च सहरेन चारेमेर वाळो जाडलो भीतडो उदरी गुयो। 31 यरीहो सहरेन राहाब, पेहल रंडी हतली, बाकुन अळी ची यहूदी माणसेन खरला भगवान पर भुरसु करी। ने थुडाक यहूदी माणसे राहाबी रहतेली तीना देसेम भेदु लेणे करीन आया, तत्तयार ची भगवानेन भुरसे तीनु माणसेक आपसा घर मां आव-भाव करीन सात दीन साताड देदी। अळतेन ची आपसा सहरेन दीसरा माणसे भेळती नी सरी, जे भगवान पर भुरसु नी करतेला। 32 हय मे अळी अगु नी देखाडतु। काहाकी मारे धडे भगवान पर भुरसु करनयान भुरसान बारामां एकेक करीन देखाडनेन टेम नी हय। नीते मे गीदयान, ने बाराकान, ने सीमसन, ने यीफत्तयान, ने दावुदेन, ने समुएल ने भगवानेन अघली वात बताडने वाळा माणसेन भुरसान बारामां कय देतु। 33 चे भुरसु करीन बेसका ईलाकान राजा काजे जीत लेदा; ने वारु काम कर्या; भगवान तीनी चीजेक आपणेन वायदु करलु, तीनी चीजेक हात कर लेदा; ने नाहरेन मुंहडो बंद कर देदा; 34 भगवान पर भुरसु करीन आकठो उलवी देदा; तलवारेन धार सी बच गुया; लुल्गाय मां बी ताकतवाळा बण गुया; लडाय मां बी तेज नीकळ्या; वेरी माणसेन सीपायडा काजे रावण्या-तीवण्या कर देदा। 35 भगवान पर भुरसु करीन बायरा आपसा मरला सातेवाळा काजे जीवतेला हात कर लेदा; काहाकी भगवान तीनु काजे पछा जीवता कर देदलु। ने काहाना ते भगवान पर भुरसु करीन दुख ने मुत सी छुटकारु हात करने नी हीड्या; चे हेरेसी असा करला काहाकी चे अमरेन जीवन वाटे, मर्या-सर्याम सी जीवता हवणेन आस कर रवला। 36 काय कतरा हासी

उडाय; ने तीनुक सपाटा देदा; ने तींद्रे हात ने पाय मां कड्या पेहरायन बांद देदा ने तीनुक जेलेम कुंड देदा। 37 काहनाक काजे दगडाय; ने जीवतेलात, लाकडा चीरनी आरी करीन चीरीन दुय टुकडा कर देदा; तीनु काजे पारख्या; असा करीन भगवान पर भुरसु करन्या गरीब हयन, वेला करता जायन हीडा-पीडा झेलता जायन, गाडरान ने बुकडान खालडा पेहरी-पेहरीन अथान-अथा डंडवायता फीर्या। 38 ने चे बयडा मां, ने जंगल मां, ने ढाटान खंगरा मां, ने धरतीन खुबारामां अथान-अथा ढासता ने डंडवायता फीर्या। काहाकी ईनी कळी मां जे भगवान पर भुरसु नी करे, तींद्रे पुढ्ये रहवणु, ईनु भुरसु करन्या वाटे बेसको काठो हतलो। 39 ने चे भगवान पर भुरसु कर्या, करीन भगवान तीनुक बेसकु वारु कयन तींद्रे बारामां गवा देदु, तेबी भगवान तीनु काजे जो आपणेन वायदु करलु, च आज लग नी आप्यु। 40 काहाकी भगवान तीनु काजे आपणे पेहलुत सी पुरा-पुरा पाक्का करनेन एक खास युजना बणावलु।

12 जत्तयार भुरसान गवा पुरावा अतरी जबर आपणु काजे घेरी रया, ती चालु, आपणु भगवानेन वाट्ये रुकण्या आखी चीज काजे हेडीन छेटे कर देदा, ने गुचवाण मां नाखण्या पाप काजे छुड देदा ने तीनी दवड मां आपणु काजे अगा दवडनु छे, तीनी दवड मां गम खायन अगा दवडजे। 2 ईसु ते आपणा भुरसान पायु छे, ने पाक्कु करन्यु छे; हेरेसी तेरे भीणी एक हेट्या भाळीन जी भुरसान दवड दवडजे। ने आपसा अगळ मेल्ली खुसी हात करने करीन लाजवाये पाखुर कुरुसेन दुख झेल्यु; ने दुख झेलीन भगवानेन राजगादी पर जेवड्ये आंग्ये बस गुयो। 3 हेरेसी ईना ईसु पर वीच्यार करु! ने तुंदरु जीव फीकुर करीन हिममत नी हारनु चाहजे करीन चु पापी माणसेन वीरुद काजे वेठ लेदु। 4 बाकुन पाप साते लडाय करीन तुहुं काजे आज लग आपसो लुही उहवाडनु नी पड्यो। 5 तुहुं धरम सासतुरेन जी सीकापण घुणु ईसरेजु, तेरेमां तुहुं क बेटा करीन बुलाडलु छे? “ए मारा बेटा! मालीक तुसे काजे सुदारने करीन डंड आपे, तीनी वातेक कमजुर घुणु समजे, ने जत्तयार चु तुसेक झीचकारे, ती हिममत हारीन हीयाव घुणु छुडे। 6 काहाकी भगवान तीनाक परम करे, तीनाक डंड बी आपे, जसु तीना पुर्याक चु बेसकु जबर परम करे, तसु तीना पुर्याक डंड बी आपे।” 7 तुंद्रे पर दुख आवे ती ज समजीन सेण कर लेजु की भगवान बास सुदारने करीन हामुक डंड आप रयु। काहाकी भगवान तुहुं आपसा पुर्या समजीन तुंद्रे साते असु वेहवार करे। वीच्यार करु! असु काहनु बास हसे, चु आपसा पुर्याक सुदारने करीन डंड नी आप्यु हय? 8 कदी भगवान आपसा दीसरा पुर्याक सुदारने करीन डंड नी आपे, ती तुहुं बासेन खास पुर्यु नी हय, बाकुन दीसरान पुर्या कहवायसु। 9 आपणा धरती पर वाळा बासे आपणुक सुदारने करीन डंड आपतेला, तेबी आपणु तींद्री ईज्जत करतेला, ती वीच्यार करु! धरती पर वाळा बासेन ईज्जत करे, तेरे सी बी जादा आपणा जीव-

आत्मान बासेन, ईज्जत नी करनु चाहजे काय? हेरेन करीन की तीना जीव-आत्मान बासेन हक मां रयन आपणुक अमर जीवन जड़े। 10 ईनी कळीन बास ते दसो समज आवतेलो, तसु ईनी कळीम वाळी आपणा-आपणा जीवन काजे सुदारने करीन डंड आप्या करतेलु, बाकुन भगवान ते, आपणी जलमेन भलाय वाटे आपणुक डंड आपे। हेरेन करीन की आपणु तेरा चुखला साजल्या बण जाजे। 11 आपणुक सुदारने करीन डंड जड़े, तत्पार आपणुक वारु नी लागे, ने बेसको काठो लागे। बाकुन तेबी जे सुदारनेन डंड झेली-झेलीन पाक्का हय गुयला छे, तीनुक पेहली कावा चुखला धरमेन सांती आपण्यो फळ जड़से। 12 हेरेसी अळगा हात, ने कमजुर मांडा काजे काठा कर लेजु; 13 ने आपणा पाय वाटे सुदी वाट बणायन अगा जाता जावु, तेरे सी जे भुरसा मां लंगडा छे, चे डंडवाये नी, बाकुन वारका हय जासे। 14 हेरेसी आखा साते वारु रहु, ने चुखला रवणेन देव पाडु। चुखला हये बीगुर काहनु बी भगवान काजे नी देख सके। 15 कुय बी भगवानेन गीण-दया सी आंग्ये नी रहणु चाहजे; हेरेन करीन चेतीन रहु। तुंद्री जीवाय मां काहना बी कड़वला ने नुकसाण करे असला झाड़कान तसी, कुहराय नी बड़नु चाहजे, जी आखा माणसे काजे बीगाड़ देय। 16 तुंदरे मां कुय बी छीनाळ्यु नी हवणु चाहजे, ने एसावेन तसु भगवान पर भुरसु नी करनयु, असु नी हवणु चाहजे, जु एकुत कावा खाणो खाणे वाटे आपसुत पेहलु हक वेच देदु। 17 तुहुं काजे मालम छे की चु अळी आपसा बास धड़े संयबरकत मांगणे करीन बेसकु हेर कर्यु, बाकुन ची संयबरकत तीनाक नी जड़ी। भले चु रडी-रडीन आपसा बास धड़े मेसेक संयबरकत आप दे कयन वीन्ती कर्यु, तेबी तीना काजे संयबरकत आपणे करीन आपसा बासेन मन नी पीगळ्यो। 18 तुहुं असा बयडा साते नी आया, चु बयडु हाते करीन छीमाय जाय, ने जु आकठा मां हुडु-हुडु धपे, ने तेरे चारेमेर काळ्ळा आदळान बळाहवा रवे, ने तेरे चारेमेर आंदारो ने आंधी रवे, 19 ने जां फेप्यान अवाज रवे, ने जां बुलन्यान असु आकरी बुल रवे तीना बुलेक सामळन्या ईस्रायेली माणसे भगवान धड़े असी वीन्ती करने बाजी गुया की ए भगवान, हय अळी हामरे साते असी आकरी वात मां करे। 20 काहाकी भगवान असु हुकुम आपलु, की “कदी काहानो जनवार्या बी बयडा काजे टुचलसे ती, तीनाक दगड़टीन मार नाखु।” 21 चां अतरो बेसकु बीहाड़े असो देखायतेलो की मुसु क्हणे बाजी गुयु, “मे बेसकु बीही गुयु, मारिम कापणी भराय गुयु।” 22 बाकुन तुहुं सीयोन बयडान्चां, आय रया जु बयडु जीवतेला भगवानेन सरग वाळा यरुसलेम सहर मां छे। ने चां लाखु करुडु सरग वाळा काहवाळ्या छे, चे खुसी मनावे 23 ने भगवान पर भुरसु करीन पेहेल मरन्या, मनार्यान बठक मां, ने ईसुन माणसेन्चां तींद्रा नावे सरगे मां लिखला छे, ने आखान नीयाव करन्या भगवानेन्चां, ने चुखोझण हयन पाक्का हवण्या धरमीन जीव-आत्मान्चां आवला छे। 24 ने तुहुं मेळ कराडन्या ईसुन्चां

आवला छे, जु भगवानेन ने माणसेन ईचमां वायदु करीन मेळ कराडे। ने ईसुन छीतेडला लुहीन्चां आवला छे, चो लुही हाबीलेन लुही सी जादा वारु कहेवे। 25 तुहुं चेतीन रहु। बुलने वाळा भगवानेन बुली काजे सामळीन, मन बेहरा मां बणु। जे धरती पर बुलने वाळान बुली सामळीन बी मन बेहरा हय गुयला, कदी चे नी बच्या, ती आपणु सरग वाळान बुली सामळीन बी मन बेहरा हय जासु, ती कसा काय बचसु, जु आपणु काजे कयन चेतावु करे। 26 तीनी टेमे धरती पर बुलने वाळान बुली, धरती काजे हालाडी देदली; बाकुन चु हय ज बमदीन कह्यु की “एक कावा अळी, मे धरती काजे अतरुत नी; बाकुन सरगे काजे बी हालाडी दीस।” 27 एक कावा अळी ईना बुल सी जु ईसारु जड़े की ईनी कळीन तीनी चीज काजे हालाडसे, ची चीज सर जासे, ने तीनी चीज काजे नी हालाडे ची जलम लग टेकली रवसे। 28 आपणु काजे ज राज जडलो छे, च कदी नी हाले, हेरेसी आपणु भगवान काजे तु बेसकु वारु छे कहतात रवजे, ने तेरी मरजीन अनसारेत भक्ती ने भुरसु करीन तेरी सेवा चाकरी करजे। 29 काहाकी आपणु भगवान ते, धपीन भसम करन्यो आकठो छे।

13 तुहुं ईसु मसी मां भाय-बहणसूया छे, हेरेसी एक दीसरा सी परम करता रहु। 2 जे माणसे तुंदरे घर आवे, तींद्री मेजवानी करनु घुण भुलु; काहाकी थुडाक जणा अंजाण्या माणसेन मेजवानी कर्या, ने अळी तीनुक मालम पड्यो की, हामु ते जाणे बीगुर भगवानेन सरग वाळा चाकर्यान मेजवानी कर देदला। 3 हामु बी जेल मां छे, असो समजीन ईसु पर भुरसु करन्या केदडान मदत करने घुण ईसेरजु। ने हामरो डील बी दुख झेलन्योत छे समजीन ईसु पर भुरसु करन्या काजे, दीसरा माणसे वेला पाडे, ती तींद्री मदत करने घुण ईसेरजु। 4 भगवान, छीनाळ्यान ने दीसरान बायरीक धरन्यान नीयाव करसे, ने डंड आपसे। हेरेसी आखा माणसे मां ईयाव ईज्जत सी हवणु चाहजे। ने दुयु माणसे काजे एक दीसरा पर भुरसु करे असु जीवन, जीवणु चाहजे। 5 धनेन हाय मां करु, ने जो काय तुंदरे धड़े छे तेरेत मां नीसरा रहु; काहाकी भगवान आपसुत कहलु छे, “मे तुसेक कदी नी छुडो, ने कदी नी ईसरो।” 6 हेरेसी हामु बे फीकर्या हयन भगवान पर भुरसु करीन कहजे, “मालीक भगवान मारे अगु छे, मे नी बीहयो। माणसे मारो काय बीगाड़ लेसे?” 7 जे तुहुं काजे भगवानेन खुस-खबर सामळायन तुंद्री अगवाय कर रया, तीनु काजे तुहुं हेर राखु; ने चे कसा भुरसान जीवन बेसकी वारु जीवीन पुरी कर्या; तसात तुहुं बी भगवान पर भुरसु करीन जीवु। 8 ईसु मसी वीतला टेम मां बी एक सारकु हतलु, ने आज बी तसुत छे, पीडीडीट जलम लग एक सारकु रवसे। (aiōn g165) 9 भाती-भातीन नवली सीकापण सामळीन मां बीखरायु; खाणे पीणेन पाळनी पाळनेन भुरसे मां रहु, काहाकी असो करने वाळान काय बी नफु नी हयु। तुंदरो मन पाक्को करीन जीव-आत्मा मां बड़ने करीन, तुहुं भगवानेन दया चाहजे। 10 हामु ईसु पर भुरसु करन्या धड़े एक

असी चुखली वेदी छे, तेरेमां सी खाणेन हक, तम्बु मां पुजा-पाट करन्याक नी हय। 11 जुन्ली बुलीन अनसारे मुखी पुजारु, सालोम एक कावा जनवार्या काजे मारीन, तींद्रो लुही तम्बुन चुखला जागा मां ली जाय्न्, पापेन बादा करीन वेदी पर चड़ावे; तीनु जनवार्यान डील काजे तम्बा सी आंग्ये ली जाय्न् धपाड़ देसे। 12 आपणुक असला पुजारा बणावणे करीन ईसु बी आपसे लुह्ये करीन आपणु काजे चुखा करने करीन यरुसलेम सहरेन बारना सी बाहर दुख झेल्यु। 13 हेरेसी चालु, आपणु ईसुन नाव-बद्दी आपणे पर बी ली लेजे, ने जुन्ली रीती-भातीन डेराक छुड़ीन ईसुन्चां जाजे। 14 ईनी कळी मां आपणे वाटे जलम लग रहवणे वाटे सहर नी हय, बाकुन आपणु एक आवणेवाळा सहरेन वाट देख रया। 15 हेरेसी आपणु भगवान काजे ईसुन साहरे बड़ायन बादा चहड़ाया करजे। मतलब आपणु आपणे मुंहडे करीन तेरा नावेक तेरा गुणे गाया करजे। 16 ने भलाय करनु, ने दया देखाडनु आपणुक नी ईसेरनु चाहजे; काहाकी भगवान काजे ते असलीत बादा सी खुसी हवे। 17 मंडळीन पुडार्या, तुंद्रा जीव वाटे रात दाहडु फीकुर करीन जागली करीन दुवा करता रवे, ने अगवाय करे। तीनुक ते तुंद्रो जीव सुदारनेन जो काम भगवान सुपलु तेरु हीसाब किताप भगवान काजे आपणु पड़से। हेरेसी तींदरी मानु; ने तींदरे अनुसार चालु, ने तीनु काजे ज काम खुसी सी करने देवु, दुखी हय्न् नी काहाकी दुखी हय्न् जो काम करसे ती, तुंद्रा जीव काजे काय बी नफु नी हये। 18 हामरे वाटे भगवान धड़े दुवा करता रहु। हामुक पाक्कु भुरसु छे की, हामरो मन चुखलु छे; ने हामु आखी वातेम वारु काम करनेन हेर करजे। 19 तुहुं सी लीलघाय करीन कहो की, तुहुं मारे वाटे भगवान सी दुवा करु की मे मामार तुंदरेन्चां आय सको। 20 सांती आपण्यु भगवान, मालीक ईसु मसी काजे आपसा जलमेन वायदु करला लुहीन गुणेन साहरे मर्या-सरयाम सी जीवतु करीन बठु कर देदलु छे। जु ईसुत आपसा माणसेन राखवाळी करन्यु छे। तेरा माणसे गाडरा साय छे। (aiōnios g166) 21 जुत सांती आपण्यु भगवान तुहुं काजे आखी भली वात मां बड़ाया करे। तेरे सी तुहुं भगवानेन मरजी पुरी करु, ने ज काय भगवान काजे चाहजे च काम करु। भगवान आपणा जीव मां जो आखो काम ईसु मसीन साहरेत पुरो करे। ने ईना ईसुन बड़ाय जलम पीड़ीडीट हवती रहणु चाहजे। आमीन। (aiōn g165) 22 ए भायस्यो ने बहणस्या, मे तुंद्रे धड़े लीलघाया करो की तुहुं मारी ईनी सांती आपणी वात काजे मान लेवु। काहाकी मे तुहुंक जाराक वात मानने करीन लिखलु छे। 23 मे तुहुंक जी खबर सामळावणु छे की आपणु भायस तीमूथीयुस जेलेम सी छुट गुयलु छे। कदी चु मामार आवसे, ती मे तेरे पुठ्ये तुहुं काजे भेळु हवणे आवीस। 24 आपणा आखा अगवाय करन्या काजे ने चुखला माणसे काजे वारलु छे की पुछु? ईटली देस वाळा तुहुं काजे बी वारलु छे की? करीन पुछ रया। 25 तुहुं आखा काजे भगवानेन गीण-दया जड़ती रहवणु चाहजे। आमीन।

याकुप

1 भगवान ने मालीक ईसु मसीन पावर्यु याकुप भीणी सी तीनु बारे चेला काजे जी रावण्या-तीवण्या हयन रवे: तीनु काजे वारु छे की कहेवे। 2 ए मारा भायस्यो ने बहणस्या, ईसु पर भुरसु करनेन साहरे, तुंदरे, पर कदी भाती-भातीन वेला ने पारख आया करे; तत्तयार ईनी वात काजे तुहुं खुसीन वात समजु। 3 काहाकी तुहुं जाणु की तुंदरु भुरसु जत्तयार ईनी पारख मां जीत जाय, तीत हामु काजे गम खाणेन ताकत जडे। 4 असा करीन तुहुं गम खाणेन ताकत काजे तुंदरी जीवाय मां पुरो-पुरो वदणे देवु; तैरेसी तुहुं भुरसा मां पुरा-पुरा पाक्का हय जावु, ने तुंदरी जीवाय मां काहनी बी वारलु वातेन कसर नी रवणु चाहजे। 5 कदी तुंदरे मायन काहनाक धडे, भगवानेन मरजीन अनसारे जीवणे करीन कम अक्कल हय, ती भगवान धडे दुवा करीन अक्कल मांगु। भगवान ते आखा काजे मटले मने आपण्यु छे; आपणु मांग्या करीन चु आपणुक नी लडे। चु तुहुं अक्कल आपसे ने आपसे। 6 बाकुन तुहुं संक्या करे पाखुर भुरसु करीन अक्कल मांगजु, काहाकी संक्या करतु जायन वीन्ती करन्यु ते दर्याम आवणी झलकेन तसु छे, जी वाहळाम अथीन-अथी उछळ्या करे। 7 असो माणसे काजे कदी बी जी आस नी करनु चाहजे की, भगवान मालीक भीणी सी मेसेक काहींग जडसे। 8 भगवान पर संक्या करन्यु माणुस ते दुय मन वाळु रवे, ने आपसान जीवाय मां आखी वातेम टेक्लु नी रवे। 9 जत्तयार भगवान तीना भाय ने बहणस्या गरीबी मां सी उपर उठाडे ती हीनुक खुसी हवणु चाहजे। 10 ने भगवान तीना काहालाक भाय ने बहणस्या काजे लकपती मां सी गरीबी मां लावे जत्तयार बी हीनाक खुसी हवणु चाहजे काहाकी लकपती जंगली चारान फुलेन तसों सरी जासे। 11 दाहडु उगतेत बेसको सेक लागे, ने चारान फुल झड जाय, ने बेसको वारु देखाय असो रवे चो सर जाय; तसुत अमीर माणुस बी, आपसा वाटे कमायणेन हाय-हरबड करतु-करतु मरीन धुळा मां भेसकाय जासे। 12 वारु छे चु माणुस जु पारख मां काठु रहे, काहाकी चु खरु बणीन जीवनेन पागड़ी जडसे जु वायदु मालीक आपसा सी परम करने वाळा सी करलु छे। 13 जत्तयार बी काहनाक ने पारख आवे, ती चु असु कयन भगवानेक वात नी काटणु चाहजे, काहाकी भगवान भुंटी वातेन नी ते पारख कर सके ने नी चु काहानान ने पारख खुद करे। 14 बाकुन काहना बी माणसे आपसीत हायन साहरे हापकाये ने फांदायन पारख मां पड जाय। 15 बाकुन जीत हाय माणसेन जीवाय मां बड जाय, ने माणसे पाप करने बाजी जाय। ने अळतेन पसतावु करे वीगुर चे असला पाप कर्या करे, ती आकरी टेमे, चे भगवानेन जीवाय सी छेटा हयन जलमकात मर जासे। 16 ए मारा लाटेक्ला भायस्यो ने बहणस्या! आपसा काजे धुकु घुण देवु। 17 काहाकी उपर सीत, आपणुक वारलु चीज ने वारला वाटा आपे, तींदरेम काय बी

कसर नी रवे। ने आखो वीजाळान बास सीत जडे, तैरेमां काय बी बदली नी हय सके, ने नी अदलु-बदलु करने सी तीना पर साहळु पाडे। 18 हव, भगवान आपसीत मरजीन अनसारे, आपसान छांचायन छांचला बुल पर भुरसु कराडीन, आपणुक नवलो जीवाय आप्यु। भगवान एरेन करीन नवलो जीवाय आप्यु, की भगवानेन हाते बणावला आखा माणसे मायन, आपणु, भगवान वाटे पेहला फळ रवजे। 19 ए मारा लाटेक्ला भायस्यो ने बहणस्या! जी वात हेर राखु! की, एकेक माणुस भगवानेन बुल मन लागाडीन सामळनु चाहजे, ने बुले ती वीच्यार करे पाखुर मामार नी बुलनु चाहजे, ने मामार नी रीसायणु चाहजे। 20 काहाकी काहना बी माणसेन रीस, भगवानेन धरमेन काम नी कर सके। 21 आखी भुंटी वेहवार ने कुहराय काजे छेटी कर देवु। ने तुहुं ज भगवानेन छांचला बुल सामळ्या, तीना बुले काजे आपसान जीवाय मां नीचळा हयन आवरी लेवु; काहाकी ज छांचलो बुल तुंदरा जीव-आत्मा काजे छुटकारु आप सके। 22 हेरेसी भगवानेन बुले, सामळने वाळा अतरात नी, बाकुन तीनु बुलेन अनसारे जीवण्या बी बणु। कदी तुहुं भगवानेन बुल सामळीन तैरेत अनसारे नी जीवे, ती तुहुं आपसात काजे धुकु दी र्या। 23 जु भगवानेन बुल ते सामळे, बाकुन भगवानेन बुलेन अनसारे नी जीवे; चु तीना माणसे साय छे, जु आपसो मुंहडो आरस्या मां देखे, 24 काहाकी चु आपसा काजे आरस्याम देखीन जाती रहे ने मामार ईसरी जाय की आपसु कसु हतलु। 25 बाकुन जु माणुस जसों छुड़ावण्या चुखला सासतुर कहे तसु धीयान करतु रहे, तेरा काम मां संयबरकत आवसे काहाकी चु सामळीन ईसरे नी बाकुन तसुत काम बी करे। 26 कदी काहनुक माणुस आपसा काजे मे भगवानेन भक्ती करन्यु छे असु मान लेय, ने आपसान जीप काजे आपसा बस मां नी राखे, ती चु आपसात काजे धुकु देय, हेरेसी तेरी भक्ती करनु वारु नी हय। 27 भगवानेन छांचलु भगत, पुराहयला ने रांडायलान दुखो मां, तींदरी मदत करसे। अतरोत नी बाकुन चु तींदरी मदत करनेन टेमे बी, आपसा काजे ईनी कळीन पाप-धंदा सी छेडु राखसे। आपणा भगवान बासेन नींगा मां चुखलो ने नी-गुनावळी भक्ती जीत छे।

2 ए मारा लाटेक्ला भायस्यो ने बहणस्या! आपणु मालीक ईसु मसी सेक-सींगार भर्यु छे, तैरे पर भुरसु करनेन साहरे आपणु आखा एक छे, हेरेसी काहानान बी वगे वळीन, नानला मटाक नेवाडनु नी चाहजे। 2 मान लेवु, कदी एक माणुस सनान मुंदी ने वारु-वारु पुथल्या पेहरीन ईसुन भक्तीन घर मां आवे, ने एक गरीब तैरे धडे काय बी नी हय, चु बी मुयेळ वाळा, कुचळायला पुथल्या पेहरीन आवे; 3 ने तुहुं तीना वारु-वारु पुथल्या पेहरीन आवण्यान मुंहडो देखीन कहूं की तु जां वारलु जागे बस ने तीना गरीब काजे कहूं की हय उबु रव, नीते मारा पायेनुचां बस, 4 असु वेहवार करीन तुहुं ते एक जणान आव-भाव करीन नानला मटान छीट राख र्या, असलु वीच्यार भुंडुत

छे जी वात तुहुं क मालुम नी हय काय? असु वीच्यार करीन, तुहुं मंडळीन माणसे गरीब ने मालदारने नेवाडु पाड़ र्या। 5 ए मारा लाटेक्ला भायस्यो ने बहणस्या। सामळु। भगवान ईनी कळीन गरीब माणसे काजे भुरसा मां मालदार बणावे ने भगवानेन राजेन हकदार्या बणावणे करीन नेवाडुले छे। जे भगवान काजे परम करे, तीनुक चु आपसा राजेन हकदार्या बणावणे करीन पेहलुत वायदु करलु हतलु। 6 बाकुन तुहुं ते छीट राखीन ईनु गरीब माणसेन हासी उड़ाया। तुहुं क कुरुट-कचेरी मां घीसडी-घीसडीन ली जाणया कुण छे? जे मालदार माणसेत छे, जे तुहुं क वेला पाड़ र्या। 7 तुहुं तीना ईसुक भगवान मानीन, भक्ती कर र्या, तीना ईसुन नाव-बद्दी करन्या असला मालदार माणसेत छे। 8 मुसान नेम मां असो लिखलो छे, तु तार साते वाळाक तारेन तसुत परम कर। जु नेम कायदु आखाम मटु छे करीन आपणु राजा ईसु सीकाडुले छे। कदी तुहुं जु नेम कायदु पाळु ती तुहुं वारलुत कर र्या। 9 बाकुन कदी तुहुं गरीबेन नेवाडु करीन मालदार्याक अतरोत परम कर र्या, ती तुहुं पाप कर र्या, हेरेसी तुहुं भगवानेन कायदान अनसारे कायदु तुहुं क गुनाळु ठेहरावे। 10 जु काहनुक भगवानेन आखा कायदाक पाळे, ने कदी एक कायदु बी पाळनेम चुक जाय, ती चु आखा कायदा पाळनेन नेम चुक गुयु कहवाये। 11 काहाकी असो बी कहलो छे की छीनाळो घुण करजु, चु जु हुकुम बी आपलु छे की खुन घुण करजु। काहाकी तुहुं छीनाळो ते नी कर्या बाकुन खुन अतरोत कर्या, तेबी तुहुं भगवानेन कायदान अनसारे गुनाळा रवसु। 12 तुहुं तीनु माणसे साय बुल कहवु, ने काम बी कर, तींद्रो नीयाव हीना कायदान अनसारे हवसे। 13 जु दयाळु नी हय, हेरे वाटे भगवानेन नीयाव बी दया पाखुर हवसे; काहाकी दया नीयाव पर बडीन रवे। 14 ए भायस ने बहणस्या! कदी काहनुक, कह्वे की मे ईसु पर भुरसु करो। बाकुन चु भुरसान अनसारे भलायन काम नी करे, ती असु भुरसु करने सी काय बी फायदु नी हवे असु भुरसु करन्या माणसेक, भगवान छुटकारु नी आपे। 15 मान लेवु की काहना भायस नीते बहणीस थडे पेहरने वाटे पुथलया नी हय, ने दाहडीन खाणे वाटे खाणो बी नी हय; 16 ने कदी तुंद्रे मायन काहनुक तीनीक नीते तीनाक कहवे, खुस हयन जात रव, “ने वारु हुपवाळा पुथलया पेहरजी ने पेट भरीन खाणो खाजी।” बाकुन चु कहण्यु तीनुक डीलो वाटे ज चाहजे च नी आपे, ती तेरा कवला बुले, तेरा ने सामळन्यान काय बी फायदु नी करे। 17 असु भुरसु बी भलायन कामे वीगुर मरलु छे। 18 कदी काहनुक मेसेक असु पुछे की “भगवान पर तारु भुरसु छे काय?” ती मे तीनाक असु कयस “हव, मे ते भलायन कामेन साहरे भुरसान पुरावु दी रयु। मे ते तुसेक, मारु भुरसु मारी उठ-बस मां भगवानेन नावे करला भलायन कामेन साहरे देखाडीस।” बाकुन मे तीनाक ज बी पुछीस, “भगवानेन नावे भलायन काम करे वीगुर, तु कसु काय कय सके की, मे भगवान पर भुरसु करो।” 19 ए माणसे एकुत भगवान छे, असु

तारु भुरसु छे काय? हसे रे! बाकुन भुतडान आत्मा बी एकुत भगवान छे। करीन भुरसु करे, ने थर-थर कापे। असलु भुरसु काय कामकु? 20 ए डेड-अकलया माणसे कदी तु ईसु पर भुरसु अतरुत करे, ने भुरसु करनेन साहरे देखाव पडन्या भलायन काम नी करे ती तारु भुरसु फालतु छे, ईनी वातेन हुकारु भरने करीन तुसेक पुरावु चाहजे काय? 21 जत्त्यार आपणु बास अब्राहम आपसा पुरयाक इसाक काजे वेदी पर चड़ायु, ती काय चु काम सी धरमी नी बणयु काय? 22 अब्राहमेन ते भगवान पर अतरु जबर भुरसु हतलु, की चु भगवान ज काय बी कह्यु, तीनाक करने करीन तीयार हतलु। हेरेसी जे भलायन काम अब्राहाम्यु कर्यु, तेरेसी आपणे अगळ जी वात उजेंती हय जाय की अब्राहमेन भुरसान काय बी कसर नी रय। 23 चुखला सास्तुर मां असो लिखलो छे, अब्राहम ते भगवान पर भुरसु कर्यु, हेरेसी भगवान तीना भुरसान साहरे तीनाक धरमी बणायु। सास्तुरेन ज बुल अब्राहमेन जीवन मां पुरो हय गुयो। अतरोत नी बाकुन, चु भगवानेन दुस्तीदार कवायणे बाजी गुयो। 24 हेरेसी अब्राहमेन जीवनेन साहरे आपणे अगळ जी वात उजेंती हय जाय की भगवान पर माणसेन पाक्कु भुरसु फालतु नी रवे; चु भुरसु तींद्रे जीवन मां भलायन कामेन साहरे देखाव पडसे ने असला माणसेत काजे भगवान धरमी समजु। 25 तसोत राहाब बायरीन जात रंडी, जत्त्यार हयी आपसा खबर देण्या काजे आपसा घर राखी ने दीसरे वाट्ये सी मकली, ती काय ची काम सी धरमी नी बणी? 26 मे असु काहा कय रयु? मेसेक पाक्को मालुम छे की, जु भगवान पर भुरसु करे, बाकुन भुरसान अनसारे तेरी जीवाय मां भलायन काम देखाव नी पड़े, ती तेरु भुरसु मरलु छे। असलु भुरसु एक मरला माणसेन तसु छे, जु दम नी लेय। तेरो डील ते छे; बाकुन जीव नी हय।

3 ए मारा भायस्यो ने बहणस्या, तुंद्रे मां सी बेसका सीकापण आपण्या मां बणु, काहाकी जाणु की हामु सीकापण आपण्या अळी बी गुना वाळा बणसु। 2 आपणु आखा भगवानेन बुलेन अनसारे जीवणे मां बेसका कावा चुक जाजे। हेरेसी तुंद्रे मां जे चे, भगवानेन बुल सीकाडन्या नी बणनु चाहजे। कदी काहनुक आपसी जीप काजे कबजाम राखीन, सामळ्ये असा बुले बुलया करे, चु माणुस पुरु-पुरु पाक्कु छे, ने चु आपसा आखा डीलेक बी कबजा मां राख सके। 3 जत्त्यार आपणु दाखलान हीसाबे वीच्यार कर; घुल्लाक कबजाम करने करीन तेरा मुंहडा मां लगाम पेहरावणु पड़े। तीत, घुल्लु बदे ने आपणु तीनाक, जां ली जाणु हय चां ली जाय सकजे। 4 ने देखु जाराक वीच्यार करु! दर्याम चालनयो ढंड्यो बी बेसको मटो छे। दर्याम बेसके जुरे चालनी आंधी मां चो ढंड्यो अथोन-अथो फीर जाय। तेबी एक नानलास हेंडलेन साहरे ढंड्यो चालाडन्यु आंधी मां बी ढंड्या काजे, जां ली जाणु चाहजे चांहान ली जात रवे। 5 तसीत जीप बी आपणा डीलेन एक नानोस अंग छे, तेबी मटी-मटी वात करने मां पछी नी पड़े। बाकुन ईनी जीप वाटे बेसकी

मटी नुकसाण झेलनु पड़े। हय आकठान तीणग्यान बारामां वीच्यार करु! ईना तीणग्यान साहरे बयडा मां आकठो लाग जाय, ने हुडु-हुडु बयडु धप जाय ती कतरो नुकसाण हय जाय। 6 तसी जीप बी आपणा डीलेन एक आकठो छे; जी आकठान तीणग्यान तसी छे, आपणुक जतर-कतर नी बुलनु चाहजे, नी ते आपणा हीया मनेम कुहराय काजे उजेंतो करे। जे बुले, आपणा आखा वीच्यार काजे ने काम काजे बी वीटाळ देया जसों आकठीन आच आखी चीजेक धपाडीन सार देय, ने नरक कुंटेन आकठा सी धपती रवे। (Geenna g1067) 7 ईनी कळीन भाती-भातीन जंगली जनवार्या काजे ने पाणीम चालन्या-फीरन्या जीव जनवार्या काजे, ने भाती-भातीन चिरला काजे ने धरती पर धीसडायन चालन्या भाती-भातीन जनवार्या काजे माणसे बदाड सके, ने बेसका जनवार्या काजे बदाड बी लेदला छे। 8 बाकुन माणसेन जीप ते लपळ्ळी छे, हेरेसी काहनु बी माणुस आपसान जु, सी आपसी जीप काजे बदाड नी सके। कुहराय काजे उबजाडे। छाचलीन जीप, जीव ली लेय, असला जहर साय छे। 9 ईनी जीप सीत आपणु मालीक भगवान बासेन बडाय करजे, ने ईनी जीपुत ती भगवानेन रुप मां घडायला माणसे काजे सराप देजे। 10 असु करीन एकुत मुंहाडा सी आपणु सराप बी देजे ने भगवानेक बेसकु वारु कहजे। असो हवणु वारु छे काय? ए मारा भायस्यो ने बहणस्यो! असा घुण कहनु। 11 एकुत झीरिम सी गुळो ने खारलो पाणी नीकळी सके काय? कहुं ते खरा! 12 ए मारा भायस्यो ने बहणस्यो! अंजीरेन झाडका पर जेतुनेन झाडकान फळ लागे काय? ने अंगुरेन रेला मां अंजीरेन फळ लागे काय? तसात खारला पाणीन झीरिम सी गुळो पाणी नी नीकळे। 13 तुंदरे मायन असु कुण छे, चु आपसा काजे अकलवाळु ने जानकार समजे? जु असु हय, चु आपसी छाचली अकलेन साहरे पुरावु देणु चाहजे। ने ईनी छाचली अक्कल काजे दीसरा साते नीचळायन वेहवारेन ने कामेन साहरे उजेंती करनु चाहजे। 14 बाकुन कदी तुहुं आपसा-आपसा मनेम घमंड राखीन कुहराय ने दीसरा सी मटा बणने हींडे, ती तुंदरो ज मटाय करनु झुट छे। तुहुं ते आपसा बारामां जो काय छाचायन वीरुद मां झुट मेक रया की हामु जानकार अकलवाळा छे। हेरेसी तुहुं मटाय करनु ने झुट मेकणु छुड देवु। 15 असली मटाय करनेन अक्कल उपर सरगे सी नी आवे, बाकुन ईनी कळीन माणसे थडे छे। असली अक्कल नी आपे; बाकुन भुतडा थडे सी आवे। असलु अक्कल वाळु डीलेन अतरुत फीकुर करे, बाकुन आपसान जीव-आत्मान फीकुर नी करे। 16 जां आखा माणसे एक दीसरा पर कुहराये, ने दीसरा सी मटा बणनेन हेर करे, चां आखी भातीन कुहरला कामे ने लडाय हवे। 17 बाकुन जी अक्कल भगवान उपर सी आपे, ची अक्कल खास चुखली छे। असला अकलवाळा माणसे, दीसरा साते भेळा रवे, ने सुवाळा रवे, ने दीसरान वात बी मान्ने तीयार रवे। चे बेसका दयाळा छे, ने दीसरान भलाय करता रवे। चे ते ढंगडा नी करे, ने काहनान

छीट राखीन काहनान वगे नी वळे। 18 मेळ कराडने वाळा जे अकलवाळा माणसे दीसरा साते हेळी-मीळीन रवे, चे दीसराक बी मीलाड देय, ने असा करीन चे आखा मेळीन धरमेन काम करीन जीवणे बाजी जाय। जे वारलु वेरे, चे वारलुत काटे।

4 हय तुंदरे ईचमां लडाय-झगडा कां सी आय गुया? तुहुं क जी वात मालुम नी हय काय तुंदरा डीलेम ने मनेम मजा लेण्या छीनाळ्या वीच्यारे, भगवानेक चाहजे असली वातेन वीरुद मां लडाय रया। तीनु वीच्यारेन साहरे तुंदरे ईचमां लडाय-झगडा हय रया। 2 तुहुं हाय ते कर रया, बाकुन ची हाय पुरी नी हवे, हेरेसी तुहुं दीसरान खुन करने हींड रया। ने तुहुं दीसरा पर कुहराये, बाकुन तुहुं काय नी जडे हेरेसी तुहुं लडाय-झगडु कर रया। तुहुं क ज जडनु चाहजे, च नी जडतो काहाकी तुहुं भगवान थडे च नी मांगता 3 तुहुं मांगु ने जडे नी, हेरेसी की भुंडला वीच्यार सी मांगु, काहाकी आपणे पाप-धंदाम मुजा लेणे मां उजाड देवु। 4 सामळु हय तुहुं, तीनी छीनाळी बायर साय छे, जी आपसा घरवाळाक छुडीन दीसरा पुठ्ये छीनाळो करे। तुहुं ते छाचला भगवान काजे छुडीन ईनी कळीन चीजेन हेर कर रया। तुहुं क जी वात मालुम नी हय काय? की ईनी कळीन कुहरायला माणसेन तसा कुहराय करीन तींदरे साते दुस्ती करनु भगवान साते खार करनु छे। हेरेसी जु काहनुक जाणी बुजीन ईनी कळीम दुस्तीदार बणने हींडे, चु भगवानेन वेरी बण जाय। 5 चुखला सासतुर मां सी आपणुक जी सीक जडली छे, की भगवान जत्त्यार माणसेक बणायु, तत्त्यार आपणा जीवो ने डीलो पुठ्ये रहणे करीन जीव-आत्मा काजे बी बठाड्यु। हेरेसी चु आपणा जीव-आत्मान बारामां जी फीकुर करे, की आपणु जीव-आत्मा तेरे वाटे पुरो जीवणु चाहजे। चुखला सासतुरेन ज बुल भुंडला वीच्यार सी। असा तुहुं समजी रया काय? 6 चु भगवान ते आपणे पर बेसका दया देखाडे। हेरेसी सासतुर मां ज बी लिखलो छे की “भगवान मटाय करन्यान वीरुद करे, बाकुन नीचळा माणसे पर दया करे।” 7 हेरेसी तुहुं भगवानेन हक मां हय जावु, ने भुतडान वातेन वीरुद करता जायन भुतडा साते गडदी जावु, ती चु तुंदरेनचां सी ढास जासे। 8 भगवानेनचां आवु, ती भगवान बी तुंदरेनचां आवसे। ए पापी माणसे। पाप करनु छुड देवु, ने तुंदरा संका काजे छुडु, ने चुखला वीच्यार राखु। 9 दुखी हवु ने कलप्या करु, ने रडु तुंदरी हासी दुख मां ने तुंदरी खुसी नुरपाणी मां बदली जासे। 10 हेरेसी तुहुं मालीक अगळ नीचळा बण जावु; ती मालीक तुहुं क नानला सी मटा बणावसे। 11 ए भायस्यो ने बहणस्यो! तुहुं एक दीसरान नाव-बद्दी मां करु। भगवान आपसा कायदाम असु हुकुम आपलु छे की, तुहुं आपसा सातेवाळाक परम करु। हेरेसी कदी तुहुं, ईसु पर भुरसु करन्या आपसा भायस्योन नाव-बद्दी कर रया, ने तेरे पर गुनु लागाड रया हय, ती तुहुं भगवानेन कायदान नाव-बद्दी कर रया, ने तेरे पर गुनु लागाड रया। ने कदी तुहुं भगवानेन कायदा पर गुनु नाख रया, ती तुहुं ते भगवानेन कायदान अनसारे चालने वाळा

नी, बाकुन तेरे पर नीयाव करने वाळा बण रया। 12 कायदु बणावीन आपणे वाळु ते भगवान छे; कायदान अनसारे नीयाव करनयु बी हयुत छे। हेरेसी माणसेन नीयाव करीन तीनाक नीयाव करने वाळु, नी ते तीनाक बचाइनेन हक बी तेरे धड़े छे। बाकुन तु कुण छे, जु आपसा सातेवाळा पर गुनु लागाइ रयु? 13 तुहुं ते ज कय रया, की आज नीते वाहणे हामु काहनाक दीसरा सहर मां जायन, “एक साल लग काम करसु ने वेपार करीन नफु कमायसु। बाकुन मारी वात मन लागाइीन सामळु ते खरा।” 14 तुहुं ज नी जाणु की वाहणे काय हवसे। तुंद्री जीवायन काय ठीकाणो नी हय। तुंद्री जीवाय ते कुळ्ळा साय छे, जी थुड़ीक वार देखाव पड़े ने अंछाप हय जाय। 15 हेरेसी तुहुं असे कहुणु चाहजे की कदी भगवान मालीकेन मरजी हसे, ती वाहणे बी जीवतेलो रवसु ने ज काम नी ते पलो काम करसु। 16 बाकुन तुहुं ते हय बी असा कहता जायन मटाय कर रया की हामु जु वीच्यार करया तसोन-तसों करसु। असी मटाय भगवानेन नींगा मां भुंडी छे। 17 हेरेसी काहनुक भलाय करनु जाणीन बी भलाय नी करे, ती चु पाप कर रयु।

5 ए अमीर माणसे! मारेन्चां आवीन मारी वात सामळु। जत्पार भगवान तुंदरु नीयाव करसे, तत्पार तुहुं बेसका वेला करनु पड़से। तुंदरे वाटे ज वारु रवसे, की तुहुं हय तीनी गरान बारामां वीच्यार करीन रडु ने कल्पु। 2 तुहुं आपसा वाटे घणो माल धन जापताये मेल रया। बाकुन हय देखु, तुंदरा पयस्या टका जीर गुयला छे; ने तुंदरा वारलु-महंगला पुथलया पर वेधु लाग गुयली छे। 3 देखु ते खरा, तुंदरा सनो चांदी पर बी कीटी लाग गुयली छे। जत्पार भगवान तुंदरु नीयाव करसे, ती हयी कीटी तुंदरा गुनान जी गवा देसे की तुहुं बेसका हायाळ्ळा छे। जसी आकठी माणसेक खाय जाय, तसुत भगवान तुहुं डंड आपसे। तुहुं ते खत्तम हवणी ईनी कळीन आकरी दाहड़ा मां बी धन भेळो करीन धीग लागाइ रया। 4 दाहड़क्या तुंदरा खेतने मेर काट्या, ने तुहुं तीनुक दाहड़की नी आप्या। ची दाहड़की तुंदरा गुनान बारामां जुर सी आयडी रय, सामळु ते खरा चे दाहड़क्या बी रडने कल्पणे बाजी रया। ने ताकत वाळु मालीक भगवान तींदरो रडनु सामळी लेदलु छे। 5 तुहुं धरती पर वारु सुक सी जीवीन बेसका मुजा कर लेदला छे; ने तुहुं खससी कराइला बुकडान तसा मातालीस हय रया। 6 जे धरमी तुंद्री मानीन सांबु बुल लग नी कहया, तुहुं तीनु धरमी काजे गुनाळा छे, कयन मार नाख्या। 7 हेरेसी ए भायस्यो ने बहणस्या! मालीक ईसुक पछा आवणे लग दम धरीन रवजु। किरसाण काजे देखीन सीकु, चु ते खेतेम वारु पाकाइने करीन दम धरीन रवे, हव चु पेहलु ने आकरी पाणी आवणेन वाट देखता रवे। 8 मालीक ईसुन पछु आवणेन दाहड़ा धड़ेस आय रया। हेरेसी तुहुं बी दम धरीन रवजु ने हदस मां छुडु। 9 ए भायस्यो ने बहणस्या, आखान नीयाव करनयु भगवान ते धड़ेस आय रयु। हेरेसी एक दीसरान चुरी-चुगली मां करु। तुहुं चुरी-चुगली नी करु ती तुंदरे पर बी भगवान

गुनु नी लागाइ। 10 ए भायस्यो ने बहणस्या! तुहुं जाणु की भगवानेन अघली वात बताइने वाळा माणसे भगवानेन खबर पुगाइया, करीन दीसरा माणसे तीनुक बेसका वेला पाइया, तेबी चे दुख झेलया ने गम खादा तुहुं बी तीनुक हेर राखीन, दुख ने वेला मां बी गम खायन दम धरीन रवजु। 11 आपणु कहजे की जे दुखेम बी गम खाता रहणु, चे बरकतवाळा छे, तुहुं आयुबेन बारामां सामळ्या नी काय? तीनाक ते बेसको दुख झेलनु पड़यो, तेबी चु कतरु वारु गम खायन दम धरीन रयु। आपणु जाणजे की भगवान मालीक आकरी टेमे तीनाक संयबरकत आप्यु, ने तीनाक एक अंजाणयु माणुस बणाय देदु। चु आपणु भगवान मालीक ते बेसकु दयाळु छे। 12 ए भायस्यो ने बहणस्या, हय मे एक खास वात बताइो, सगुन घुण खाजु, नीते सरगेन, नीते धरतीन, नीते काहनीक चीजेन। ज काम तुहुं नी बणे, तीना कामेक मे कर लीस करीन घुण कहजु। ज काम तुहुं बण जाय, तीना कामेक मे कर लीस कहजु। ज काम तुहुं नी बणे, तीना कामेक मेसेक ज नी कराये करीन कहजु। असा कहता रवसु, ती भगवान तुंदरे पर गुनु नी लागाइ। 13 कदी तुंदरे मां कुय वेला कर रयु हय, ती चु भगवान धड़े दुवा करनु चाहजे; ने कदी काहनुक सुकनु हय, ती गीत गावीन भगवानेन गुण गावु। 14 कदी काहनुक मांदु पड़ रयु हय, ती तीनाक असो कहवणु चाहजे, की मार वाटे दुवा करने करीन मंडळीन मुख्या काजे बुलाय लावु, ने चे आवीन मालीक ईसुन नावे तीना मांदलान तेल चुपड़ीन दुवा करसे, 15 ने भुरसा भेळी करली दुवान साहरे मांदलु वारु हय जासे, ने मालीक ईसु तीना मांदला काजे वारु कर देसे, ने चु खाटली मां सी उठी आवसे। ने चु कदी पाप कर्यु हय, ती तीनाक माफी बी जड़ जासे। 16 हेरेसी तुहुं एक दीसरा अगळ आपणा-आपणा पापेक मान लेवु, ने एक दीसरा वाटे दुवा करु, तेरेसी तुहुं डील ने जीव-आत्मा मां वारका हय जावु। छाचलीन धरमी माणसेन दुवा ताकतवाळी ने कामकी रवे। 17 एलीयान बी ते आपणेन तसु सुक-दुख झेलनयु माणुस हतलु। तेबी चु भगवान धड़े मन लागाइीन दुवा कर्यु, की पाणी नी आवणु चाहजे। ने साड़े तीन साल लग धरती पर पाणी नी पड़्यु। 18 अळतेन चु एलीया भगवान धड़े दुवा कर्यु, की पाणी आवणु चाहजे ने सरगे सी पाणी पड़्यु, ती धरती पर मेर पाकी। 19 ए मारा भायस्यो ने बहणस्या, कदी काहनुक भगवानेन छाचले वाट्ये सी छेटु हय जाय, तत्पार तीनाक छाचले वाट्ये अळी पछु लावणे करीन तेरी मदत करु। 20 ती चु असु जान लेणु चाहजे की जु काहनुक काहनाक भटकला पापी काजे पछु ली आवसे, चु जीव-आत्मा काजे जलम लग मुत मां सी बचाइ लेसे। हेरेसी जी वात पाकका जाणीन पापेम खुवायलाक पछु लावणेन काम हासी-खुसी सी करु।

1 पतरस

1 पतरस भीणी सी जु ईसु मसीन नेवताळु छे, हीनु परदेसेन नाव, जे पुनतुस गलातीया, कपपुदुक्या, आसीया, ने बीतुनीया, मां आखे रावण्या-तीवण्या रवे, 2 ने भगवान बासेन आवणे वाळी वातेन अकलेन अनसारे, आत्मान चुखला करनेन साहरे हुकुम मान्ने ने ईसु मसीन लुही छीटणे करीन नेवाड्लु छे। तुहुंक गीण-दया ने सुक-सांती बेसकी जडती रवे। 3 हामरा मालीक ईसु मसीन भगवान ने बासेन बडाय हवे, जु ईसु मसी मरलाम सी जीवतु हवणे सी आपसान मटी दया सी हामुक जीवतेली आस वाटे नवली जीवाय आप्यु। 4 मतलब कदी खत्तम नी हवणे वाळी ने; ने जलम रहणेन भाग वाटे जी तुंद्रे वाटे सरगे मां मेकली छे। 5 ज्य तारे वाटे छे ज्य भुरसान साहरे भगवानेन ताकत सी हीना छुटकारा वाटे समाळीन मेकी जाय, ज्य आकरी टेम मां देखायणे वाटे तीयार छे। 6 हेरे वजे सी तुहुं खुसी हवु, मानु जरुडी छे की हय काय दाहडा लग काय तरान दुख झेलनु पड र्यो; 7 ने जी हेरेसी छे की तुंदरु पारख हवलु भुरसु, जे आकठा सी तय हवलो खत्तम हवण्या सना सी बी काही अदुस बेसको जरुडी छे, ईसु मसी देखता हवणे पर बडाय ने सेक-सींगार ने ईजजतेन वजे बणे। 8 तुहुं ईसु काजे कदी नी देख्या, तेबी तुहुं हेरसी परम राखु। तुहुं हय बी हीनाक नी देखु तेबी हेरे पर भुरसु करु। ने भुरसु करीन असा खुसी हवु ने मुखायु ज्य बीयान सी बाहार ने सेक-सींगार सी भरला छे; 9 ने आपणा भुरसान दाहडीन फळ मतलब आत्मान छुटकारु जडे। 10 हीना छुटकारान बारामां हीनु भगवानेन अघी सी आवणे वाळी वात देखान्यु कवण्या बेसका हेरी भाळ्ने ने पारख कर्या जे हीना गीण-दयान बारामां जे तुंद्रे पर हवणु हतलो भगवानेन अघी सी आवणे वाळी वात देखान्यु करली हतली। 11 चे ईनी वात काजे हेर्या की मसीन आत्मा जो हींदरे मां हतली ने पेहल सी मसीन दुखेन ने हेरे पछेन हवणेवाळी सेक-सींगारेन गवाय आपली हतली चु कुण छे ने कसली घडी भीणी ईसारु करतेलु। 12 हींदरे पर ज्य देखाडी गीला छे की चे आपणी नी बाकुन तुंद्री चाकरी वाटे ची वात कह्या करतेला, तींद्रो खबर हय तुहुं हींदरे साहरे जडलो जीनुक चुखली-आत्मान साहरे, जे सरग सी मकल्या गीला तुहुं खुस-खबर सामळ्या; ने ईनी वात काजे सरग वाळा काहवाळ्या बी धीयान सी देखणेन लालच राखतेला। 13 हेरेसी तुहुं आपणे मनेन ताकत काजे काम करने वाटे तीयार करे ने खुद समळीन रयन तीनी गीण-दया पर पुरी आसा मेकु, जी ईसु मसीन उजेंतो हवणेन टेमे तुहुंक जडने वाळो छे। 14 हुकुम मान्या पुर्यान तसा आपणी डेड अकलेन जुनडली भुंडली लालुच करने वाळान तसा मां बणु। 15 बाकुन जसा तुंदरो बुलावणे वाळु चुखलु छे, असात तुहुं बी आपणा आखा चाल-चलन मां चुखला बणु। 16 काहाकी लिखलो छे, चुखला बणु। काहाकी मे चुखलु छे। 17

ने जत्पार की तुहुं ए बास कवीन हीनाक दुवा करो, जे काट छाट पाखरु आखा एक कामेन अनसारे नीयाव करे, ती आपणे परदेसी हवणेन घडी धाक सी बीतावु। 18 काहाकी तुहुं जाणु की तुंदरा पापी चाल-चालन जो बास डुकरान टेम सी फालतु चाल छे, हेरसी तुंदरु छुटकारु चांदी-सना मतलब खत्तम हवणे वाळी चीजेन साहरे नी हयो; 19 बाकुन ईसु मसीन चुखला ने नी-गुनाळु लुहीन साहरे तुहुंक छुडायु। चु ईसु मसी तीना चुखला गाडरान तसु छे तीना गाडरा काजे पुजारा मंदीरम पापेन माफी वाटे मारीन चहडावतेला। 20 कळी घडायणेन पेहलुत भगवानेन साहरे नेवाडी गुयलु, बाकुन हय तुंद्रे वाटे आकरी दाहडा मां, उजेंतु करलु छे। 21 हेरे साहरे तुहुं हीना भगवान पर भुरसु करजे जु हीनाक मरलाम सी जीवाड्यु ने सेक-सींगार आप्यु की तुंदरु भुरसु ने आस भगवान पर हवे। 22 तुहुं भगवानेन हुकुम मानीन खुस-खबर छाचाय काजे मानी रया, ने असा करीन तुहुं आपसान जीव काजे चुखु कर रया करीन, ईसु पर भुरसु करन्या भाय-बहणस्या वाटे, तुंदरा मन मां चुखला परम वाटे जागु छे। हेरेसी हय तुहुं खरले मने वारु मन लागाडीन एक-दीसराक परम करता रवणु चाहजे। 23 काहाकी तुहुंक जी नवली जीवाय जडली छे, ची ईतराक दाहडा वाटे नी हय तुहुं काजे जी नवली जीवाय खत्तम हवण्या बीजेन तसो नी हय बाकुन अमर जीवन मतलब भगवानेन जीवतेला ने जलम रवणेवाळा बुलेन साहरे हवलु छे। (aiōn g165) 24 काहाकी आखी कळीन माणसे खडेन तसा छे, “ने तींद्री सुभा खडेन फुलेन तसी छे। खड चीमाय जाय, ने फुल सडी जाय, 25 बाकुन मालीकेन बुल जलम पीडीडीट काठी रवसे।” ने जुत खुस-खबरेन बुल छे तुहुंक सामळ्या गीलो हतलो। (aiōn g165)

2 हेरेसी आखी भातीन काट-छाट ने झुट ने ढंगडा ने डाहवाय ने नाव-बददी काजे छेटा करीन, 2 नवलो पयदा हवला पुर्यान तसा वारु जीव-आत्मान दुतेन लालच करु काहाकी हेरे साहरे छुटकारु जडने वाळा वाटे अदता जावु। 3 काहाकी तुहुं मालीकेन दयान सवाद चाखी लेदला छे। 4 हय तुहुं ईसु थडे आवला छे, जु जीवतेलु दगडु छे, तीनाक माणसे फालतु छे करीन छुड देदा बाकुन भगवान वाटे बेसको जरुडी ने नेवाड्लु छे। 5 तुहुं बी आपसात जीवतेला दगडान तसा जीव-आत्मान घर बणावता जावु, तेरसी पुजारान चुखला समाज बणीन असा जीव-आत्मान बाद चडावु जो ईसु मसीन साहरे भगवान काजे गमे। 6 हेरे वजे सी चुखला सास्तुर मां बी आवलो छे; देखु मे सीयोन बयडा मां खुडान सीरेन नेवाडला ने बेसकु जरुडी दगडु मेको; ने जे कुय हेरे पर भुरसु करसे, चु काहानी बी रीत सी नाव-बददी नी हवे। 7 अळतेन तुंद्रे वाटे जे भुरसु करु चु ते बेसको जरुडी छे, बाकुन जे भुरसु नी करे हींद्रे वाटे, तीना दगडा काजे मीस्तर्या फालतु ठेरावला हतला। बाकुन हयुत खुणान खास दगडु हतलु। 8 ने, “ठुकोर लागणेन दगडु ने ठुकर खाणेन चापर्या बण गुया।” काहाकी चे ते बुल काजे नी मानीन

तुकर खाय, ने ज्य डंड हींद्रे वाटे भगवानेन साहरे ठेरावलु छे। 9 बाकुन तुहुं नेवाइला खानदानी छे, ने राज पाट वाळा पुजारा ने चुखला माणसेन टुळु छे, ने भगवानेन वारलु माणसे छे, हेरेसी की भगवान तुहुं काजे आंदारला मां सी बेसका मटा वीजाळा मां बुलावलु छे हेरा गुण देखाडु। 10 तुहुं पेहल ते काय बी नी हतला बाकुन हय भगवानेन माणसे छे तुंद्रे पर दया नी हवली हतली बाकुन हय तुंद्रे पर दया हवी। 11 ए लाटेक्ला भायसे मे तुंद्रे सी लीलघायो की तुहुं आपणे आप काजे दीसरे देस सी आवलु ने आवणे जाणे वाळु जाणीन हीनु कळीन डीलेन भुंडली लालच सी जे आत्मा सी लड़ाय करे बची रवु। 12 आइजात्या मां तुंद्रो चाल-चलन वारु हवणु चाहजे; काहाकी जीनु-जीनु वात मां चे तुहुंका पापी जाणीन नाव-बद्दी करु चे तुंद्रो वारु काम काजे देखीन हयुत वजे सी, भगवानेन आवणे दाहडे चे सेक-सींगार करे। 13 मालीक ईसु वाटे ठहरावला हरेक हक-जमाइन्या आखा हकदार्यान हक मां रहु भले चु कळीन आखा देस पर राज-करन्यु मुख्यु राजु काहनी हय, 14 भले चु एकेक राजवाडानम नीते एकेक जीलाम राज करन्यु हय। भगवान कुहर्त्याक डंड आपणे ने भलाय करन्याक वारु कर्या कहणे करीन तीनु राज करन्याक ठेरावलु छे। 15 काहाकी भगवानेन जी मरजी छे की तुहुं वारु काम करनेन साहरे डेड-अकलया माणसेन मुंहडा काजे बंद करु जे बे फालतु वात करता रवे। 16 जी वात छाचली छे की, तुहुं ईसुन लारे छुटला माणसे बण गुयला छे करीन हीना हक काजे नाव-बद्दी करन्या मां बणु, बाकुन आपसा काजे भगवानेन गुलाम पावर्यु जाणीन पापेम सी छुटला रवीन जीवु। 17 आखान ईज्जत करु, भायस्यो सी परम राखु भगवान सी बीहु, राजान आव-भाव करु। 18 ए पावर्या आखी तरान ईज्जत साते आपणा मालीकेन हक मां रहु नी सीरप हींद्रे जे वारुत ने नीचळा बाकुन भुंडा छे हींद्री बी ईज्जत करु। 19 काहाकी कदी कुय भगवानेन वीच्यार करीन नी-नीयाव सी दुख हाकलीन पीडाक सेण करे ती चु वारु बड़ाय लायक छे। 20 काहाकी कदी तुहुं गुनु करीन सपाटा खादा ने दम धरीन रया तेरेमां काय बड़ायन वाते छे? बाकुन कदी वारु काम करीन दुख हाकलीन ने दम धरीन रवु ती जी भगवानेन बड़ाय लायक छे। 21 ने तुहुं हेरे वाटे बुलाय बी गुयला छे काहाकी मसी बी तुंद्रे वाटे दुख हाकलीन तुहुं एक नमुनु आप देदलु छे की तुहुं बी तेरेन तसा चाल सकु। 22 नीते ईसु पाप कर्यु ने नी हेरे मुंहडा सी धुकान काय वात कर्यु। 23 चु गाल सामळीन गाल नी देदु ने दुख हाकलीन काहना काजे बी धमकी नी देदु बाकुन आपणे आप काजे धरमी नीयाव करन्या भगवानेन हात मां सुपलु हतलु। 24 मसी आपसुत हामरा पाप काजे आपणा डील पर लीन कुरुस पर चड गुयु तीनाक पापे वाटे मारीन धरम वाटे जीवन जीवतु हेरे मार खाणे सी तुहुं वारु हय गुया। 25 बाकुन हय गुवाळ्या ने आत्मान राखवाळी करने वाळा धडैत आया।

3 ए बायरा आपणा-आपणा अदमीन हक मां रवु, जेरेसी की कदी हींद्रे मां सी कुय भगवानेन बुलेन हुकुम नी मानने वाळु हय ती बी तुहुं काय बी नी कहुं तेबी चे आपणी-आपणी बायरीन सभावेन साहरे भुरसा मां आय जासे। 2 काहाकी चे तुंद्री चुखली ने वारलु आव-भाव काजे देखता रवे। 3 तुंद्रो बेसको जीर्ये देखायणु मुणका वाटे नी हवणु चाहजे मतलब कान्या गुथणु ने सनान रकम नीते भाती-भातीन पुथल्या पेहरनु। 4 बाकुन तुंद्रो डुकालो ने सातायलो माणुस नरम ने मनेन नीचळान कदी नी खतम हवणु चाहजे तसों बेसके जुरे देखायणु साप-सुतरो रवे काहाकी भगवानेन नींगा मां हेरी कीमत मटी छे। 5 पेहली टेम मां चुखला बायरा बी ज भगवान पर आस राख तेला आपणे आप काजे ईनी रीत सी सवारे ने हुकुम मान तेली ने हीनाक मालीक कवतेली अळतेन तुहुं बी कदी भलाय करु ने काहनीक तरा धाक सी बीहु नी ती हेरी पुरे बणसु। 7 असात ए अदमी तुहुं अक्कल सी बायरा साते सवसार करु ने बायरी काजे लुली जाणीन हेरु आव-भाव करु ज समजीन की हामु दुयु जीवनेन दयान वाटाम हक मां छे जेरेसी तुंद्री दुवा रुकी नी जाय। 8 अळतेन आखान आखा एक मन ने दयाळा ने भायस-भायस सी परम राखणेवाळा ने गीण-दयाळा ने नरम बणु। 9 कुहरायन बदले कुहराय मां करु ने गाळीन बदले गाळी मां देवु बाकुन हेरे उलटा बरकत आपु काहाकी तुहुं संयबरकत हकदार हवणे वाटे बुलाय गुयला छे 10 काहाकी कुय, जीवनेन मरजी राखे, ने वारलु दाहडा देखणु चाहजे, चु आपणी जीप काजे कुहराय सी, ने आपणा हुटडा काजे धुकान वात करने सी रुकी रवलु। 11 कुहरायन सात छुड देवु ने भलाय करु ने चु तीनी सांती काजे हेरे, ने हेरीत कुसीस मां रवे। 12 काहाकी मालीकेन डुळा धरमी माणसे पर लागला रवे, ने हेरा कान्टा हींद्री लीलघाय भीणी लागला रवे बाकुन मालीक कुहराय करने वाळा नी फीरे। 13 कदी तुहुं भलाय करनेन धुन मां रहु ती तुंद्री कुहराय करने वाळा पछेन कुण छे? 14 कदी तुहुं धरमेन वजे सी दुख बी हाकलु ती बरकतवाळा छे बाकुन माणसेन बीहायने सी मां बीहु ने मां धावरवु। 15 बाकुन मसी काजे मालीक जाणी आपणा-आपणा मन मां चुखला समजु जु कुय तुंद्रे सी तुंद्री आसेन बारामां काय पुछे हीनाक जपाप आपणे वाटे जलम तीयार रवु बाकुन नरम ने धाकेन साते रवु। 16 बाकुन नरम ने ईज्जत साते मन काजे बी चुखो राखु हेरेसी सी की जीनु वातेन बारामां तुंद्री नाव-बद्दी हवे हींद्रे बारामां चे ईसु मसी मां तुंद्रे वारलु चाल चलनेन नाव-बद्दी करे चे लाजवाये। 17 काहाकी कदी भगवानेन जी मरजी हवे की तुहुं भलाय करनेन वजे सी दुख हाकले ती ज कुहराय करनेन वजे सी दुख हाकलने सी वारु छे। 18 हेरेसी की मसी बी मतलब नी-धरम वाळा वाटे ईसु धरमी पापेन वजे सी एक कावा दुख हाकल्यु काहाकी हामु भगवान धडे पुग्या च डीलेन भाव सी ते

मार देदा बाकुन आत्मान भाव सी जीवाड़ी गुयु। 19 आत्मान मां जायन बुजायली आत्मा काजे परचार करयु। 20 चे हीनु माणसेन आत्मा हतली जीनुक भगवानेन हुकुम काजे पाळन नी कर्या, जत्त्यार चु नुहान दाहड़ा मां भगवान दम धरीन वाट देख रवलु ने ढंड्यो बन्ने बाजी रहलो, तीनाम बठीन थुड़ाक माणसे मतलब आठ माणसे पाणीन साहरे बचाड़ी गुया। 21 ईनात पाणी काजे दाखलु बी मतलब बपतीसमा ईसु मसी जीवतु हवणेन साहरे हय तुहुंक बचाड़ने। हेरेसी डीलेन मुयळ काजे छेटे करीन मतलब नी हय, बाकुन वारलु डीमाक सी भगवानेन हक मां हय जाणेन मतलब छे। 22 चु सरग पर जायन भगवानेन जेवडे आन्गे बठी गुयु ने सरगेन वाळा काहवाळ्या ने हकदार्या ने ताकत हेरे हक मां करला छे।

4 जत्त्यार की मसी डील मां हयन दुख हाकल्यु ती तुहुं बी हेना मनसा काजे हत्यारेन तसों धर लेवु, काहाकी जु डील मां दुख हाकलया, चु पाप सी छुट गुयु, 2 काहाकी आवणे वाळी घड़ी मां आपणा बचला डीलेन जीवन माणसेन लालुचेन अनसारे नी बाकुन भगवानेन मरजीन अनसारे जीवन जीवु। 3 काहाकी नी-यहुदी मरजीन अनसारे काम करने, ने लुच्चायन भुंडली हर, दारकुट्या, भुंडलो काम, पीणेवाळा, ने बेकार मुरती पुजण्या मां जां लग हामु पेहल सी टेम जावाड़ देदा, चोन बेसको हयो। 4 हय चे सुसवारे, की तुहुं असा भारी लुच्चाय मां हींद्रो साते नी देतु, ने हेरेसी चे भुंडो वारु कवे। 5 हीनुक जे हय जीवतेला छे ने मरीन सर गुया आपणा कामेन लेखु-जुखु हीना मसी काजे देणु पड़से जु हींद्रो नीयाव करने वाळु छे। 6 काहाकी मरला काजे बी खुस-खबर हेरेसी सामळाय गुयो, की डील मां ते माणसेन अनसारे हींद्रो नीयाव हवे, बाकुन आत्मा मां चे भगवानेन अनसारे जीवता रवे। 7 आखी वातेन खात्मो तत्थारुत हवणे वाळो छे; हेरेसी जानकार हयन दुवा वाटे समळीन रवु। 8 आखाम ती आखा सी वारु वात जी छे की एक दीसारा सी जादा परम राखु; काहाकी परम काय पाप काजे ढाक देय। 9 कुड़-कुड़ करे पाखुर एक दीसरान मेजवानीन-खातरी करु। 10 तीनाक जु वाटु जड़लो छे, चु हीनाक भगवानेन खास गीण-दयान वारु देख-रेख राखणेवाळान तसा एक दीसरान चाकरी मां लाग्गु। 11 कदी कुय कहवे, ती असु कहवे मानु भगवानेन बुल छे; कदी कुय चाकरी करे, ती हीनी ताकत सी करे जु भगवान आपे; जेरो आखी वात मां ईसु मसीन साहरे, भगवानेन सेक-सींगार उजेंती हवे। सेक-सींगार ने ताकत जलम पीड़ीडीट हेरोत छे। असोत हवतो रवे। (aiōn g165) 12 ए लाटेकला, भायस ने बहणसया ज्य दुखेन रुप मां आकठो तुहुंक पारखणे करीन तुंद्रे मां आवसे, हेरेसी ज्य समजीन मां सुसवारु की कुय जसी-वसी वात तुंद्रे पर वीत रय। 13 बाकुन जत्त्यार तुहुं मसीन दुख मां साजलया हवे, ती खुसी मानावु, जेरेसी हेरी सेक-सींगार उजेंती हवते टेमे बी तुहुं खुसी ने धव हवु। 14 अळतेन कदी मसीन नाव वाटे तुंद्री नाव-बद्दी करी जाय, ती बरकतवाळा

छे; काहाकी सेक-सींगारेन आत्मा, जो भगवानेन आत्मा छे, तुंद्रे मां छावायली रहे। 15 तुंद्रे मां सी कुय माणसु हत्या करनयु नीते चुट्टु, नीते पापी हवणे, नीते दीसारा काम मां हात नाखेन वजे सी दुख नी हाकलनु चाहजे। 16 बाकुन कदी मसी मां हवणेन वजे दुख जड़े, ती सरमायु मां, बाकुन हीनी वात वाटे भगवानेन नावेन सेक-सींगार करु। 17 काहाकी ची घड़ी आय गुयलु छे, की पेहल भगवानेन माणसेन नीयाव हवसे, ने जत्त्यार की नीयाव सुरु हामरे सी हवे ती हींद्रो आकरी कसों हवसे जो भगवानेन खुस-खबर काजे नी माने? 18 ने कदी धरमी माणसु काजे काठाय सी छुटकारु जड़से, “ती नी-भक्ती करने वाळा, ने पापी माणसेन काय हवसे?” 19 हेरेसी जी भगवानेन मरजीन अनसारे दुख हाकले, चे भलाय करता जायन आपणा-आपणा जीव काजे भुरसान लायक कळ घडन्यान हात मां सुप देय।

5 तुंद्रे मां जे मंडळीन डाहला छे, तीनु काजे मे समजाडीन जो कहवो की, मे बी हींद्रेन तसु एक डाहलु छे, ने ईसु मसी जो दुख झेल्यु तीना दुखेन गवा छे, ने आवणे वाळा दाहड़ा मां उजेंता हवण्या ईसुन सेक-सींगार मां साजल्यु बी छे। 2 तीनी ईसुन मंडळीन माणसेक भगवान तुंद्रे सुपरुत कर्यु, तीनु माणसेन तुहुं वारु गुवाळी करु, जसा गुवाळ्या आपसा गाडरान राखवाळी करे। ने ज्य काम जबरान सी नी बाकुन भगवानेन मरजीन अनसारे वारु रीते करु। पयसयान हायाळ्या बणी नी, बाकुन वारु खरला मन सी आपणा टुळान राखवाळी करु। 3 ने तीनु माणसे काजे भगवान तुंद्रा हातेम सुप देदलु, तीनु माणसे पर तुहुं जु करीन हक मां करु बाकुन भगवानेन गाडरा साय एक दाखलु बणीन जीवु। 4 ने असा करसु ती मटलु गुवाळ्यु ईसु मसी उजेंतु हवसे, तत्थार तुहुं काजे सेक-सींगारेन पागड़ी आपसे, ची पागड़ी कदी चीमाये नी। 5 हीनी रीते, ए जुवान्या तुहुं बी पेहला माणसेन हक मां रवु। असा करीन आखान आखा, पुडार्या, जुवान्या, ने दीसारा बी, नीचळा हयन एक दीसरान सेवा चाकरी करने करीन तीयार रहु; काहाकी खरला सासतुर मां लिखलो छे, “भगवान मटाय करन्यान वीरुद करतु रवे, बाकुन नीचळा माणसे पर गीण-दया करतु रवे।” 6 हेरेसी तुहुं भगवानेन ताकतवाळा हाते तळे नीचळा रवु, हेरेसी चु तुहुंक सय टेम आवणे पर नानला ती मटा बणाय देसे। 7 आपणी आखी फीकुरेन बुज भगवान पर मेक देवु। काहाकी चु तुंद्री फीकुर करे। 8 तुंदरु वेरी भुतडु दाहड़न वाळा नाहेन तसु, तुहुंक फाडीन खाणे करीन हेर रय; हेरेसी तुहुं जागली करता रवु। 9 ईसु पर भुरसु करन्या तुंद्रा भाय-बहणसया, जे आखी कळी मां पुगला छे, चे बी तुंद्रेन तसा दुख झेल रया, जी वात हेर करीन भुरसा मां काठा रहु ने तीना भुतड़ान बराबरी करु। 10 हय भगवान जु आखा गीण-दयान झोर छे, तीनाक तुहुं ईसु मसी मां आपणी जलमेन सेक-सींगार वाटे बुलावला छे, तुहुंक थुड़ीक वार लग दुख झेलनेन पळे आपसुत तुहुंक पाक्कु ने काठु ने ताकत वाळु करसे। (aiōnios g166) 11 तेरोत ताकतवाळो राज

जलम टेकलो रवे। आमीन। (aiōn g165) 12 मे सीलवानुसेन हाते, तीनाक मे ईमानदार भायस छे करीन समजो, ईतरुक चिट्ठी मां लिखीन तुहुंक समजाइलु छे, ने जी गवाय देदलु छे की भगवान छाचलु गीण-दया जुत छे, हेरेमां काठा रवु। 13 जो बेबीलोन मां तुंद्रे अगळ नेवाइला माणसे छे, चु ने मसी मां मारु पुरयु मरकुस बी तुहुंक आवजु ने आवीस कह्वे। 14 परम सी गुळा दीन एक दीसरा काजे आवजु ने आवीस कहवु। तुहुं आखा काजे जे ईसु मसी मां छे सांती जइती रवे।

2 पतरस

1 सीमोन पतरस भीणी सी, जु ईसु मसीन पावर्यु ने नेवताळु छे, मे जी चिट्ठी तुहुं आखा काजे लिख रयु, तीनुक हामु नेवताळान तसुत ईसु पर भुरसु करने सी महंगलु वाटु जड़लु छे। आपणु भगवान ने ईसु मसी ज़ु बचाइनुयु छे, चु आपसा धरमेन अनसारे चु वाटु आपणुक आपलु छे। 2 तुहुंक आपणा भगवान ने मालीक ईसु मसीन उवखाणेन साहरे गीण-दया ने सुक-सांती तुंदरे मां बेसकी जादा जड़ती रवे। 3 काहाकी सरगेन ताकत ने आखो काय जो जीवन ने भक्ती सी लागाव राखे, हामुक हेरीत उवखाणेन साहरे आपला छे, भगवान हेरीत सेक-सींगार ने वारलु कामेन अनसारे बुलाय गुयला छे। 4 तींदरे साहरे हयु हामुक बेसको जरुडी ने बेसकु मटु वायदु आपलु छे। काहाकी हींदरे साहरे तुहुं हीनी सड़नु सी छुटीन जे कळी मां भुंडी लालुच सी हवे, सरगेन साजलया बणी जावु। 5 हेरे वजे सी तुहुं आखी भातीन कुसीस करीन, आपणा भुरसा पर वारलु कामे, ने वारलु काम पर समज, 6 ने समज पर खुद पर भुरसु, भुरसा पर दमधरीन, ने दमधरीन पर भक्ती। 7 ने खरली भक्ती भेळा भाय-बहणसयान, नातो अदाडु ने तेरे भेळा भाय-बहणयान मां परम अदाइता जावु। 8 काहाकी कदी जी वात तुंदरे मां हीनी टेम मां रवे, ने अदतीत जाय, ती तुहुं हामरा मालीक ईसु मसीन उळखाण मां बेकार ने रवलो नी हवणी देय। 9 काहाकी जेरेमां जी वात नी, हय चु आंधळु छे, ने धुंधळो देखे, ने आपणा पछला पाप सी चुखो हवणे भुली गुयु। 10 हीनी वजे सी ए भायसे आपणे बुलाय जाणेन, ने नेवाड़ लेदा जाणेन पुरावु करनेन भली भाती कुसीस करता जावु, काहाकी कदी असा करसु, ती कदी बी वाटे सी नी भुलवायु। 11 बाकुन हीनी रीत सी तुहुं हामरा मालीक ने छुटकारु आपणया ईसु मसीन जलमेन राज मां वारु ईज्जतेन साते जाती रवसु। (aiōnios g166) 12 हेरेसी कदी तुहुं जी वात जाणु काय, ने जो छाचलो बुल तुहुंक जड़लो छे, हेरेमां बणी रवसु, तेबी मे तुहुंक ईनी वातेन हेर देवाइने करीन जलम तीयार रवीस। 13 मे जो आपणे वाटे सय समजो, की जतयार लग मे ईना पड़ावा मां छे, ततयार लग तुहुंक हेर देवाड़ी-देवाड़ीन अगा बड़ावतु रवीस। 14 काहाकी मे गुयो जाणु, की मारा पड़ावा काजे उदारनेन टेम छाटात आवणे वाळा छे, जसा की हामरा मालीक ईसु मसी, मेसे काजे उजेंतु कर्यु। 15 हेरेसी मे असा तावणी करीस, की दुनीयाक छुडीन जाणेन पछे बी तुहुं ईनु आखा वात काजे जलम हेर करसे। 16 काहाकी जतयार हामु तुहुंक आपणे मालीक ईसु मसीन ताकत काजे, ने आवणे वाळा दाहड़ान खबर आपलु, ती चु चालाकी सी बणावली दाखलान साहरु नी लेदा बाकुन हामु आपसात हेरे सेक काजे देखला हतला। 17 काहाकी हीयु भगवान बास सी ईज्जत, ने सेक-सींगार हात करे ने हीना सरगेन सेक-सींगार सी जी अवाज आवी, “जु मारु लाटेकलु पुर्यु छे, जेरेसी मे खुस छे।” 18

ततयार हामु हेरे साते चुखला बयड़ा पर हतला ने सरग सी जी अवाज आवतेली सामळाय। 19 हामरे धड़े जे भगवानेन अघी सी आवणे वाळी वात देखानयान बुल छे, चु ईनु हालोत सी काठा ठेहरया तुहुं जो वारु करु जे ज्य सामळीन हीना पर हेर करु, की चु एक दिवु छे जे आंदारलान जागा मां हीनी टेम लग उजाळो देतो रवसे जतयार लग की दाहड़ान वीजाळो नी छुड़े ने वीजाळ्यु तारु तुंदरे मन मां नी चमकी पड़े। 20 बाकुन आखा सी पेहल गुयो जाणी लेवु की चुखला सासतुरेन कुय बी आवणे वाळी वात भगवानेन अघी सी आवणे वाळी वात देखानया बी खुद आपणे वीच्यार सी नी कहवे। 21 काहाकी कुय बी भगवानेन अघी सी आवणे वाळी वात देखाइने वाळा बी आपणी मरजी सी कदी नी कहवे बाकुन भक्त जणा चुखली-आत्मान साहरे उभरीन जायन भगवानेन भीणी सी बुल तेला।

2 जीनी तरह हीनु माणसे भगवानेन अघी सी आवणे वाळी वात देखानया मां बी लुचचा हतला तसात तुंदरे मां बी लुचचा सीकाइनया हवसे, जे खततम करने वाळा ढंगेन सुरुवात डुकाय डुकायन करसे, ने हीना मालीक जीनुक हीयु मुल ली लेदलु छे हेरु नीकारु करसे, ने आपणे आप काजे छाटुस खततम कर लेसे। 2 बेसका हींदरेन तसा लुचचाय करसे, जेरे वजे सी छाचायन वाटेन वाक नीकाळे। 3 चे लालच वाटे वात बणायन तुहुंक आपणा फायदान वजे बणावसे, ने जे डंडेन हुकुम हींदरे पर पेहल सी हय गुयलु छे, हेरे आवणे मां काय बी वार नी हय, ने हींदरो नास वाट देख र्यो। 4 काहाकी जतयार भगवान हीनु सरग वाळा काहवाळ्या काजे जे पाप करनु नी छुड्या, बाकुन नरक मां मकलीन आंदारला डहरा मां नाख देदा, काहाकी नीयावेन दाहड़ा लग बंद रवसे। (Tartarog 5020) 5 ने पेहला वारान कळीन आखा माणसे काजे मुसळ धार्यु-पाणी पाड़ीन सारी नाख्यु, तीने टेमे नुह धरमेन परचार कर्या करतेलु, नुहेन घरनया सुदये ढंड्या मां नाखीन बचाइ लेदु, चे आखा मेळीन आठ जणा हतला। 6 ने सदोम ने अमोरान सहर काजे नासेन असु डंड देदु, की हीनुक खततम करीन रखड़ा मां मेळाय देदु काहाकी चे आवणे वाळा भक्ती नी करने वाळा माणसेन सीकापण वाटे एक दाखलु बणु। 7 ने धरमी लुत काजे जे नी-धरम वाळान वीटेळ्ळान चाल-चलन सी बेसका दुखी, हतला ने छुटकारु आप्यु ने बचाइयु। 8 काहाकी चु धरमी हींदरे ईचमां रवतेलु, ने हींदरे नी-धरमेन काम काजे देखी देखीन, ने सामळी सामळीन, दाहड़ीन आपणा छाचला मन काजे दुखाइतेलु। 9 ती मालीक आपसा भगत काजे पारख मां सी बचाइ लेजी ने पापी काजे नीयावेन दाहड़े लग डंडेन दसा मां राखणे बी जाणे। 10 खास करीन हीनुक जे वीटळा लालुचेन पछळ डीलेन अनसारे चाले, ने सरकार काजे बेकार जाणे। चे चामटा, ने नीसवड़ा छे, ने मटला राज करनया काजे वारु-भुंडो कवणे सी नी बीहीये, 11 तेबी सरग वाळा काहवाळ्या जे ताकत ने ताकत मां हींदरे सी मटा छे, मालीकेन अगळ हीनुक वारु भुंडा कयन गुनु नी

लागाडे। 12 बाकुन जे झुट सीकाङन्या तीनु जनवार्यान तसा छे, तींद्री अक्कल नी हय, ने आखी टेमे आपसा डीलेन हेरेन अनसारेत जीवे, ने धरीन ली जाणे वाटे, ने मरने वाटे पयदा हवला छे। जे माणसे जी वात नी जाणे, चीत वात लीन दीसरान नाव-बद्दी करे, बाकुन जे खर करन्या माणसे, जनवार्यान तसात आपसान खेतम करन्या पापेन साहरे मरीन सर जासे। 13 दीसरान बदनामी करनेन बदले हींद्रोत भुंडो हवसे; हीनुक दाहडु मांजणीक मुजा मस्ती करनु वारु लागे; चे बदनावी ने गुना छे। जतयार चे तुंद्रे साते खाय ने पीये, ती आपणे भीणी सी परम खाणो करीन मुजा मस्ती करे। 14 हींद्रा डुळा मां छीनाळो बसलो छे, ने चे पाप करे पाखुर हुबा नी रय सके; चे उतवाळ्या मनवाळा काजे फुसलायन लेय; हींद्रा मन काजे लालच करनेन आदत हय गुयली छे, चे सराप सी पुर्या छे। 15 चे सुदली वाट काजे छुडीन भटकी गुयला छे, ने बवोरेन पुर्या बीलामेन वाट पर हय गुयलु छे, तीनाक नी-धरमेन काम करनेन दाहडुकी काजे वारु समजी गुयु। 16 बाकुन हेरे गुनान बारामां फठकार बी पडी, जां लग की एक गुंगी गदडीक बी माणसेन तसी वात करी हीना भगवानेन अधी सी आवणे वाळी वात देखान्या काजे हेरे गांडाय सी रुक्यु। 17 चे माणसे सुकला कुवान, ने आंधान उडाल्ला वादळा छे; हींद्रे वाटे जलमेन आंदारलो ठेराय गीलो छे। 18 चे बेकार कुहरायन वात करी करीन लुचचयन कामेन साहरे हीनु माणसे काजे डीलेन लालच मां फसाडी लेय जे भुल मां सी हय नीकळी र्या। 19 जे झुट सीकाङन्या असु छुटकार आपणेन वायदु करे, तीना छुटकारा मां आखा नेम सी छुटीन, जसां पटे तसां जीवणेन छुट छे बाकुन चे ते खत्तम करन्या पापेन गुलाम छे ने आपसात छुटकार हात करला नी हय, काहाकी माणुस तेरा कब्जाम हय जाय, तेरुत गुलाम बण जाय। 20 जतयार चे मालीक ने छुटकार आपण्या ईसु मसीन उवखाणेन साहरे कळीन नानलीत तरान वीटळने सी बचीन नीकळे, ने अळी हींद्रे मां फसीन हारी जाय, ती हींद्री पछली दसा पेहली सी बी भुंडीत हय जासे। 21 काहाकी धरमेन वाट काजे नी जाणुत हींद्रे वाटे वारु हवतो, की हीनुक जाणीन हीनी चुखली हुकुम सी फीरी जाणु जो हीनुक सुप गुयलो हतलो। 22 तींद्रे पर चत वीत्यो जसा खरला कवाडा मां लिखलो छे: “कुतरो आपसान उखेळ्ळो चाट लेय” ने एक उंगळावली सुहेरनी पछी धुळा मां लुळायणे जात रवे।

3 ए मारा लाटेक्ला, हय मे तुहुंक जी दीसरी पत्त्री लिखो, ने दुयु मां हेर देवाडीन तुहुंक चुखला मन काजे अदाडनु, चाहो 2 की तुहुं हीनु वात काजे, जे चुखला भगवानेन अधी सी आवणे वाळी वात देखान्यान पेहल सी कय देदला, ने मालीक, ने छुटकार आपण्या हीना हुकुम काजे हेर करु, जे तुंद्रे नेवताळान साहरे आपी गुयली हतली। 3 पेहल गुयो जाणी लेवु, की आकरी दाहडा मां हासी उडावणे वाळा आवसे, जे आपणी लालुचेन अनसारे चालसे। 4 ने कवसे, “हीनाक

आवणेन वायदु काहा गुय? काहाकी जतयार सी डाहा बुडा सुय गुयला छे, आखा काय असात छे, जसां कळीन सुरु सी हतलो?” 5 चे ते जाणी बुजीन जय वीसरी गुया, की भगवानेन बुलेन साहरे सरग काय दाहडा सी पेहल सी हतलो, छे ने धरती बी पाणी मां सी बणी ने पाणी मां टेकली छे। 6 ज्य हीनु हासी उडाङन्यान वजे सी हीनी टेम मां कळी पाणी मां डुबीन सरी गुय। 7 बाकुन हयन टेमेन सरग ने धरती हया बुलेन साहरे हेरेसी मेकी गुयली छे, की धपाडी जाय, ने जे पापी माणसेन नीयाव ने खत्तम हवणेन दाहडा लग असुत राखी रवसे। 8 ए मारा लाटेक्ला, जी वात तुंद्रे सी सातायली नी रवे, की मालीकेन चां एक दाहडु हजार साल बराबर छे, ने हजार साल एक दाहडा बराबर छे। 9 मालीक आपणा वायदान बारामां वार नी करे, जसी वार थुडाक माणसे समजे; बाकुन तुंद्रे बारामां दम धरी रयु, ने नी चाहे की कुय खत्तम हवे; बाकुन गुयो की आखा काजे मन फीरावणेन मुखु जडे। 10 बाकुन मालीकेन दाहडु चुट्टान तसु आय जासे, हीनु दाहडे सरग हुहेडतो गाजतो अंछाप हय जासे, ने सरगेन चीज तातु हयन पीगळी जासे, ने धरती ने हेरे पर आखो काम धपी जासे। 11 जसां की जो आखी चीजे, हीनी रीत सी खत्तम हवणे वाळी छे, ती तुहुं चुखली चाल चलन ने भक्ती मां कसा माणसे हवणु चाहजे, 12 ने भगवान हीना दाहडान वाट काहाली रीत सी देखणु चाहजे ने हेरो छोट आवणे वाटे कसा कुसीस करनु चाहजे, जेरे वजे सी सरग आकठा सी पीगळी जासे, ने सरगेन चीज बेसको तातो हयन गळी जासे। 13 बाकुन हेरी वायदान अनसारे हामु एक नवलु सरग ने नवली धरतीन आस देखजे जां आखा धरमी रवसे। 14 हेरेसी, ए लाटेक्ला, जतयार की तुहुं हीनु वातेन आस देखजे, ती कुसीस करु की तुहुं सांती सी हेरे अगळ नी-दाग ने नी-गुनाळु ठेहरसु। 15 ने हामरे मालीक दम धरी रयु ती छुटकार समजे, जसा हामरा लाटेक्ला भायस पोलुस बी हीना अकलेन अनसारे जे हीनाक जडलो, तुहुंक लिखलु छे। 16 असात हीनु आपणी आखी पत्त्री मां बी हीना वातेन पंचाती करली छे, जेरेमां काय वात असी छे तींद्रो समजणु काठो छे, ने कम-सीकला ने नी-भननला माणसे बीगाड देय जसा की चे दीसरी चुखला सासतुरेन चिट्ठीन दत थता मतलब नीकाळता रवे जेरेसी चे खुद आपणात नास कर लेय। 17 हेरेसी ए लाटेक्ला, तुहुं माणसे पेहल सी हीनु वात काजे जाणीन चेतीन रवजु, काहाकी नी-धरम वाळान भरम मां फसीन आपणी ताकत काजे कयन हात सी खुय मां देय। 18 बाकुन हामरा मालीक, ने छुटकार आपण्या ईसु मसीन गीण-दया ने उळखाण, मां अथा जावु, सेक-सींगार हय बी हवे, ने जलम पीडीडीट हवती रवे! आमीन। (aiōn g165)

1 युहन्ना

1 कळ घड़ायणे सुरु नी हयो, ने पेहलुत सी, बुल नावेन एक जणु हतलु। चु ते भगवान बास साते सरगेम हतलु, ने अळतेन माणसेन अवतार लीन हामरे ईचमां उजेंतु हयु। ने ज्य जीवनेन झर बी छे; हेरेसी हामु तीनाक जीवनेन बुल बी कहजे। हामु जे तेरा नेवताळा छे, तीनाक ते देख लेदला छे, ने तेरा बुले सामळी लेदला छे, जे बुले आखा काजे अमर जीवन आपे। ईनी अमर जीवनेन वाट ते तेरे साहरे देखाव पड़ी; हामु ते धीयान लागाडीन तेरा जीवन काजे पंतार लेदला छे, ने हामरे हाते करीन तीनाक छीमी बी लेदला छे। 2 ने हय हामु तेरीत गवाय देजे, तीनाक हामु डुळे देखला छे। ने तेरे साहरे जड़ली जलमेन जीवनेन परचार बी करजे। जु बचाइनयु ईसु मसीत छे। (aiōnios g166) 3 हव, हामु ईना ईसुक देखला, ने सामेळला छे, तेरीत खुस-खबर हामु तुहुंक देखाइजे। हामु ते बासेन, ने तेरा बेटा ईसु मसीन साजलया रवजे। जी वात हामु एरेन करीन तुहुंक देखाइजे की तुहुं बी हामरे पुठ्ये रवीन तींद्री साजलया बण जावु। 4 ने हामु जी वात तेरेमां तुहुंक लिख रया, की तुंद्रे बारामां हामरी खुसी छे, ची खुसी पुरी हय जाय। 5 ने हामु ईसु मसी सी जी खुस-खबर सामळ्या, ने चीत खबर तुहुंक बी सामळावजे, चो ज्य छे; की भगवान वीजाळो छे, ने तेरेमां काय बी आंदारलो नी हय। 6 कदी आपणे मायन काहनाक कहवे की हामु ते भगवानेन साजलया छे, ने असु दावु करीन बी आंदारला सारकी कुहराय, ने पाप मां जीवे, ती चे झुटा छे, ने चे छाचाय पर चालनया नी हय। 7 बाकुन जसु भगवान बास वीजाळा मां रवे, तसात आपणुक बी वीजाळा मां जीवणु चाहजे मतलब भगवान बासेन तसी चुखली ने खरली जीवाय जीवणु चाहजे। असा आपणु जीवसु, ती एक दीसरान साजलया बणीन रय सक्सु। काहाकी आपणुक आखा पापेम सी चुखा करीन आपणुक चुखला भगवानेन सात-संगात मां भेसकणे करीन भगवान बासेन पुरसु ईसु मसीन लुही कामको छे। 8 थुडाक माणसे कदी असा कहवीन सीकाड़े, की आपणे मां पाप करने हर लग नी हय, ने कदी आपणु बी तींद्रेन तसात कहणे बाजी जाजे, ती आपणु आपसात काजे धुकु दी रया, ने आपणे मां छाचाय नी हय। 9 कदी हामु आपणा-आपणा पाप काजे मान लेजे, ती भगवान बी हामरा पाप काजे माफ करने, ने हामुक आखा भुंडा काम सी चुखा करने मां भुरसा वाळु ने धरमी छे। 10 थुडाक माणसे असा कयन सीकाड़े, की हामु काय पाप नी कर्या, कदी आपणु बी तींद्रेन तसात कहणे बाजी जाजे, ती आपणु आपसात काजे धुकु दी रया, ने आपणे मां छाचाय नी हय। ने हेरो बुल आपणा मन मां नी हय।

2 ए मारा लाटेक्ला पुर्या-पारी, तुहुं पाप घुण करु, हेरेन करीन मे जी आखी वात लिखणे बाजी रयु; बाकुन कांखुर मायन भुल सी कुय पाप कर देय, ती बास अगळ आपणे अगु

हयन आपणुक माफी आपाइनयु धरमी ईसु मसी छे। 2 ने हयुत ईसु मसी आपणा पाप काजे माफ कर्यु; ने आपणा पापेन बाद अतरुत नी, बाकुन आखी कळीन माणसेन पाप काजे माफ कर्यु। 3 आपणु, ईसु मसी काजे जाणया की नी जाणया, ईनी वातेन पुरावु काय छे? कदी आपणु, तेरा हुकुम काजे मानीन जीवसुन, ती ईनी वातेन पुरावु हय जासे, की आपणु, ईसु मसीक छाचलीन जाण लेदा। 4 जु कुय असु कहवे की, “मे भगवान काजे जाणो।” बाकुन तेबी तारा हुकुम काजे मानीन नी जीवे, चु झुट छे; ने तेरेमां छाचाय नी हय। 5 बाकुन जु कुय तारा बुल काजे मानीन जीवे, छाचलीन चु भगवानेन परम मां पुरुन-पुरु घुळाय गुयलु छे। तेरेसी आपणुक गुयो मालुम पड़े, की चु छाचलीन ईसु मसी साते जुड़ायलु छे। 6 जु कुय गुयो कहवे, की मे ते ईसु मसी साते जुड़ायलु रव, ती तीना कवणयाक ते तसीत जीवाय जीवणु चाहजे, जसी जीवाय ईसु ईनी धरती पर जीवतेलु। 7 ए मारा लाटेक्ला साथी, मे तुहुं काजे काय बी नवलु हुकुम नी लिखतु, बाकुन जु जुनलु हुकुम जु सुरु मां तुहुंक जड़लु छे; चो जुनलो हुकुम जु बुल छे, तीनाक तुहुं सामेळला छे। 8 ती बी मे तुहुंक नवलु हुकुम लिखणे बाजी रयु। ने ज्य ते ईसु मां ने तुंद्रे मां छाचाला कवायसे; काहाकी आंदारलो छेते हवतो जाय रयो ने खरलो वीजाळो हय झजळणे बाजी रयो। 9 बाकुन जु कुय जुरदीन ज्य कहवे की मे ते वीजाळाम रय-रवीन चुखु हय गुयु, बाकुन ईसुक मान्या भायस भीणी खर करे, चु हय लग पापेन आंदारलात मां जी रयु। 10 जु कुय, ईसुक मान्या भायस काजे परम करतु हय, चु छाचलीन वीजाळा मां रवे, ने चु कुय भीणी बी पापेन उत्तर नी बणे। 11 बाकुन जु कुय, ईसुक मान्या भायस भीणी खर करे, चु आंदारलात मां छे, ने आंदारलात मां जीवे। ने चु ज्य नी जाणे की मे कां जाणे बाजी रयु, काहाकी पापेन आंदारलो तेरा जीव-आत्मान डुळा काजे आंधळो कर देदो। 12 ए पुर्या-पारी, मे तुहुं काजे तेरेमां लिखणे बाजी रयु, की ईसुन नाव सी तुंद्रा पाप माफ हय गुया। 13 ए आखा बासे, मे तुहुं काजे गुयो लिखणे बाजी रयु की जु ईसु कळ नी घड़ायी, ने पेहलेन छे, तीनाक तुहुं जुत छे, करीन वारु जाण रया। ए जुवान्या, मे तुहुं कुयो लिखणे बाजी रयु की तुहुं ते वेरी भुतड़ा साते लड़ाय करीन तीनाक जीक लेदला छे। ए भगवानेन पुर्या, मे तुहुं कळी गुयो लिखणे बाजी रयु की तुहुं ते सरग वाळा बासेक जाण लेदला छे। 14 ए बासे, मे तुहुं कळी तेरेमां लिखणे बाजी रयु, की जो सुरु सी छे तुहुं हीनाक जाणी गुया। ए जुवान्या, मे तुहुं काजे तेरेमां लिखणे बाजी रयु, की ताकत वाळा हय जावु, ने भगवानेन बुल तुंद्रे मां बणीन रवे, ने तुहुं हीना भुतड़ा सी जीती गुया। 15 तुहुं नीते कळी सी ने नी कळीन चीजो सी परम राखु कदी कुय कळी सी परम राखे, ती तेरेमां बासेन परम नी हय। 16 काहाकी ज्य काय कळी मां छे, मतलब डीलेन लालच, ने डुळान लालच ने जीवणेन चीजेन मटाय, चु बास भीणी सी नी हय, बाकुन कळीत भीणी सी

छे। 17 कळी ने हेरी लालच दुयु सर जासे, बाकुन जे भगवानेन मरजी पर चालसे, चु जलम बणीन रवसे। (aiōn g165) 18 ए काहालाकेन भुलवाडं मां घुण आवु; जु धरमीन काम करे, हयुत मारा लाटेक्ला पुर्या-पारी, जी आकरी टेम छे, ने जसा तुहुं सामेळला छे, की मसीन वीरुदी आवणे वाळा छे, हेरे अनसारे हय बी बेसका मसीन वीरुदी उठसे; हेरसी हामु जाणजे, की जी आकरी टेम छे। 19 चे नीकळ्या ते हामरे मां सी, बाकुन हामरे मां सी नी हतला; काहाकी कदी चे हामरे मां सी रवता, ती हामरे साते रवता, बाकुन नीकळी हेरसी गुया काहाकी ज्य उजेंतो हवे की चे आखा हामरे मां सी नी हय। 20 ने तुहुं काजे भगवानेन चुखली-आत्मा आपली छे, तेरेमां तुहुं आखा छाचाय जाणु। 21 मे तुहुंक हेरसी नी लिख्यु, की तुहुं छाचाय काजे नी जाणु, बाकुन हेरसी, की तुहुं हीनाक जाणु, ने हेरसी की कुय झुट छाचाय भीणी सी नी हय। 22 लुचु कुण छे? चु, जु ईसु मसीन हवणेन नीकारु करे; ने मसीन वीरुदी हयुत छे, जु बासेन ने पुर्याक नीकारु करे। 23 जु कुय पुर्याक नीकारु हेरे धडे बास बी नी हय जु पुर्या काजे मानी लेय, हेरे धडे बास बी छे। 24 ज्य काय तुहुं सुरु सी सामेळला छे हयुत तुंदरे मां बणीन रवसे; ज्य तुहुं सुरु सी सामळ्या, कदी चु तुंदरे मां बणीन रवे, ती तुहुं बी पुर्या मां, ने बास मां बणीन रवसु। 25 ने तेरेसी हयु हामरे सी वायदु कर्यु चु जलम जीवसे। (aiōnios g166) 26 मे जी बात तुहुंक हींदरे बारामां लिख्यु, जे तुहुंक भुलवाडे करीन नी। 27 ने तुंदरे वाटे मसी हेरी चुखली-आत्मा आप देदु, ज्य हेरे भीणी सी करलो छे, ने तुंदरे मां बणीन रवे; ने तुहुंक हेरो मतलब नी हय, की कुय तुहुंक सीकाडे, बाकुन जसां हयु हेरो आत्मा आप देदु ज्य हेरे भीणी सी करलो छे तुहुंक आखी वात सीकाडे, ने ज्य छाचो छे, ने झुटो नी हय ने जसु चु तुहुंक सीकाड्यु असात तुहुं हेरे मां बणीन रवु। 28 अळतेन ए भगवानेन पुर्या, हेरेमां बणीन रवु, की जत्पार चु उजेंतु हवे, ती हामुक हिम्मत हवे, ने हामु हेरे आवणे पर हेरे अगळ सरमायजे नी। 29 कदी तुहुं जाणु, की ईसु भगवान धरमी छे, ती ज्य बी जाणु, की जु कुय धरमीन काम करे, चु भगवानेन पुर्या-पारी बण गुया।

3 देखु, बास हामरे सी कसु परम कर्यु, की हामु भगवानेन अवल्यात कवाया, ने हामु छे बी; हेरे वजे सी कळीन माणसे हामुक नी जाणता, काहाकी कळीन माणसे भगवान काजे बी नी जाणे। 2 ए लाटेक्ला साथी, हय हामु भगवानेन अवल्यात छे, ने हय लग उजेंतो नी हयो, की हामु काय नी हवसुन! अतरो जाणजे, की जत्पार ईसु मसी उजेंतु हवसे ती हामु बी हेरेन तसा रवसुन, काहाकी हामु हेरेन असुत देखसुन जसु चु छे। 3 ने जे कुय हेरे पर जी आस राखे, चु आपणे आप काजे बी असुत चुखु करे, जसु मसी चुखलु छे। 4 जु कुय पाप करे, चु मुसान साहरे लिखला कायदान वीरुद करे; ने पाप ते कायदान वीरुद मां छे। 5 ने तुहुं जाणु, की ईसु मसी हेरसी उजेंतु हयु, की पाप काजे सार देय; ने हेरेमां काय पाप नी हय। 6 जु कुय मसी मां बणीन रवसे, चु पाप नी करे; जु कुय पाप करे, चु नी

ते हीनाक देख्यु, ने नी हीनाक जाण्यु। 7 लाटेक्ला पुर्या, काहालाकेन भुलवाडं मां घुण आवु; जु धरमीन काम करे, हयुत हेरेन तसु धरमी छे। 8 जु कुय पाप करे, चु भुतडा भीणी सी छे, काहाकी भुतडु सुरु सी पाप करतु आवलु छे। भगवानेन पुर्यु हेरसी उजेंतु हयु की भुतडान काम काजे खत्तम कर देय। 9 जु कुय भगवान सी पयदा हयु चु पाप नी करे; काहाकी भगवानेन बीज हेरेमां बणीन रवे; ने चु पाप करी नी सके, काहाकी चु भगवान सी पयदा हयु। 10 हेरसी भगवानेन अवल्यात, ने भुतडान अवल्यात जाणी जाय; जे कुय धरमीन काम नी करे, चु भगवान सी नी, ने नी चु जु आपणा भायस सी परम नी राखे। 11 काहाकी जु खबर तुहुं सुरु सी सामळ्या, चो ज्य छे, की हामु एक दीसरा सी परम राखजे। 12 ने केनेन तसा मां बणु, जु हीना भुतडा सी हतलु, ने चु आपणा भायसेक मार नाखलु। ने हीनाक कसु मारलु? हेरसी की हेरा काम भुंडा हतला, ने हेरु भायसेन काम धरमी हतलो। 13 ए भायस्यो, कदी कळीन माणसे तुंदरे सी कुहराय करे ती चकरायु घुण। 14 हामु जाणजे, की हामु मरलाम सी जीवता हयन जीवन मां पुग्या; काहाकी हामु भायसे सी परम राखजे जु परम नी राखे, चु मरलान तसु रवे। 15 जु कुय आपणा भायस सी कुहराय राखे, चु हत्यारु छे; ने तुहुं जाणु, की काहालाक हत्यारा मां जलमेन जीवन नी रवे। (aiōnios g166) 16 हामु परम हेरेसी जाण्या, की मसी आपणे वाटे आपसान जीव आप देदु; ने हामुक बी भायस्यो वाटे जीव आपणु चाहजे। 17 बाकुन तीना काहानाक धडे कळीन धन रवे ने चु आपणा भायस काजे जरुवत मां देखीन हेरे पर तरस नी खाणे चाहे, ती हेरेमां भगवानेन परम कसु बणीन रय सके? 18 ए मारा लाटेक्ला पुर्या, हामु बुल ने जीप सी नी, बाकुन काम ने छाचायन साहरे बी परम करनु चाहजे। 19 हेरसी हामु जाणसुन, की हामु छाचला छे; ने जीनी बात मां हामरो मन हामुक गुनु आपसे, हेरे बारामां हामु हेरे अगळ आपणा मन मां हिम्मत दी सकजे। 20 ने कदी गलत करजे ती हामुक रुके, काहाकी भगवान हामरे मन सी मटु छे; ने आखी काय जाणे। 21 ए लाटेक्ला, कदी हामरो मन हामुक गुनु नी लागाडे ती हामु भगवान अगळ हामुक हिम्मत बणीन रवे। 22 ने ज्य काय हामु मांगजे, चो हामुक हेरसी जड्यो; काहाकी हामु हेरा हुकुम काजे माने; ने ज्य हीनाक भावे चत करजे। 23 ने हेरु हुकुम ज्य छे की हामु हेरा पुर्या ईसु मसीन नाव पर भुरसु करजे ने जसु हयु हामुक हुकुम आप्यु हेरे अनसारे एक दीसरा सी परम राखे। 24 ने जु भगवानेन हुकुम काजे माने, चु हेरेमां, ने भगवान हींदरे मां बणीन रवे। ने हेरसी, मतलब हयु चुखली-आत्मा सी जु हयु हामुक आपलु छे, हामु जाणजे, की चु हामरे मां बणीन रवसे।

4 ए लाटेक्ला साथी, आखी भातीन आत्मान भुरसु मां करु, बाकुन आत्मा काजे पारखु, की चे भगवान भीणी सी छे की नी हय; काहाकी बेसका लुच्चा अघी सी आवणे वाळी बात देखाइनया ईनी कळी मां नीकळीन आय गुयला छे। 2

भगवानेन आत्मा काजे तुहुं हीनी रीत सी उळखी लेसु, की जी कुय आत्मा मान लेय, की ईसु मसी माणसेन पुर्यु बणीन धरती पर आवलु छे, चु भगवान भीणी सी छे। 3 ने जी कुय आत्मा ईसु काजे नी माने, ची भगवान भीणी सी नी हय; जी मसीन वीरुदी आत्मा छे; जेरी बात वीच्यार तुहुं सामळी लेदला छे, की चु आवणे वाळु छे ने हय बी जागा मां छे। 4 ए लाटेक्ला पुर्या, तुहुं भगवानेन छे ने हीनु आत्मा काजे जीती गुयला छे; काहाकी जु तुंदरे मां छे, चु कळी पर मटु छे। 5 झुटी वात सीकाङ्ग्या, जे माणसे ईनी कळी मायन छे, ने अळी जे भगवानेन वीरुद करन्या ईनी कळीन वीच्यारेन तसा वात करे ने सीकाङ्ग। ने ईनी कळीन वीच्यारेन रहण्या माणसे हींद्री झुटी वाट सामळीन माने। 6 बाकुन हामु ते भगवानेन नेवताळा छे। हेरेसी जतरा बी भगवान काजे जाणे, चे हामरी वात सामळी लेसे; ने मान लेसे, ने जे भगवान काजे बी नी जाणे तीनुक हामरी वात उळखाये बी नी ने मानाये बी नी। हीनी रीती सी आपणु भगवानेन चुखला जीव-आत्मा काजे ने माणसेक भंगलाङ्गने वाळी आत्मा काजे पारखीन उळखी लेसु। 7 ए लाटेक्ला साथी, आपणु एक दीसरा सी परम राखु; काहाकी परम भगवान सी छे ने जु कुय परम करे, चु भगवान सी पयदा हयु, ने भगवान काजे जाणु। 8 जु परम नी राखे चु भगवान काजे नी जाणे, काहाकी भगवान परम छे। 9 भगवान हामरे पर असु परम राख्यु, चु हेरेसी उजेंतो हयो की भगवान आपणा एक खुळ्या पुर्या काजे जागा मां मकेल्लु छे की हामु हेरे साहरे जीवाय जीवसु। 10 भगवानेन परमेन बदले, आपणु बी भगवान काजे परम करजे बाकुन तेबी परम करनेन खरलु दाखलु आपणु जु परम नी हय, खरलु परम असु उजेंतु हयु की भगवान आपसा पुर्या काजे आपणा पापेन माफी वाटे मरीन बादा छुटणे करीन ईनी कळीम मकली देदु। 11 ए मारा लाटेक्ला साथी, जत्यार भगवान हामरे सी असु परम कर्यु, ती हामुक बी एक दीसरा सी परम करनु चाहजे। 12 भगवान काजे कदी कुय नी देख्या, कदी हामु एक दीसरा सी परम राखसुन, ती भगवान हामरे मां बणीन रवे; ने हेरु परम हामरे मां पुरु हवे। 13 हव भगवान आपसा चुखला जीव-आत्मा काजे आपणा जीवेम वसणे करीन मकली देदु, ने भगवानेन जु चुखलु जीव-आत्मा, आपणेम रयन आपणा परमेक पाक्कु करनेन काम करने बाजी रयु। ईना कामेन साहरे आपणुक ईनी वातेन सबुत जडे की, भगवान आपणे मां रवे, ने आपणु भगवान मां रवजे। 14 ने हामु देखी बी लेदा ने गवाय देजे की बास पुर्या काजे कळीन छुटकारु करने करीन मकलयु। 15 जु कुय ज्य मानी लेय, की ईसु भगवानेन पुर्यु छे भगवान हेरेमां बणीन रवे, ने चु भगवान मां। 16 ने ज्य परम भगवान हामरे सी राखे; हीनाक हामु जाणी गुया, ने हामुक हेरे पर भुरसु छे। भगवान परम छे; जे परम मां बणीन रवे चु भगवान मां बणीन रवे; ने भगवान हेरेमां बणीन रवे। 17 हेरसी परम हामरे मां पुरो हयो, की हामु नीयावेन दाहडे हिम्मत राखजे; काहाकी जसु चु छे,

असोत कळी मां बी छे। ने मसीन जीवनेन तसु छे। 18 परम मां डर नी हय, बाकुन पुरु हवलु परम धाक काजे छेदु कर देय, काहाकी बीहणेन नातो डंड सी हवे, ने जु बीही जाय, चु परम मां पुरु नी हवे। 19 हामु हेरसी परम करजे, काहाकी पेहल भगवान हामरे सी परम कर्यु। 20 कदी कुय कवे, “मे भगवान सी परम राखो,” ने आपणे भायस सी कुहराय राख; ती चु लुचु छे; काहाकी जु आपणे सी, तीनाक चु देख्यु, चु परम नी राखे, ती चु भगवान सी बी तीनाक हयु नी देख्यु, परम नी राख सके। 21 ने हेरसी हामुक ज्य हुकुम जड्यु, की जु कुय आपणा भगवान सी परम राखे, चु आपणा भायस सी बी परम राखे।

5 जु कुय भुरसु करे की ईसुत मसी छे, चु भगवान अवल्यात बण जाय ने जु कुय पयदा करने वाळा सी परम राखे, चु हेरसी बी परम राखे, जु हेरसी पयदा हयु। 2 जत्यार हामु भगवान सी परम राखजे, ने हेरा हुकुम काजे मांजे, ती हेरसी हामु ज्य जाणी लेजे, की हामु भगवानेन अवल्यात सी परम राखजे। 3 काहाकी भगवानेन परम ज्य छे, की हामु हेरा हुकुम काजे मानजे; ने हेरा हुकुम भारो नी लागे। 4 काहाकी ज्य काय भगवान सी पयदा हयो, चो कळी सी जीत हात कर लेदा, ने ची जीत तीनाक कळी पर जीत हात हवे ज्य हामरु भुरसु छे। 5 कळी पर जीत हात करने वाळो कुण छे? सीरप चु तेरु भुरसु छे, की ईसु, भगवानेन पुर्यु छे। 6 ज्य हयुत छे, जु पाणी ने लुहीन साहरे आवलु हतलु; मतलब ईसु मसी चु नी सीरप पाणीन साहरे, बाकुन पाणी ने लुही दुयुन साहरे आवलु हतलु। ने जी आत्मा छे ज्य गवाय देय, काहाकी आत्मा छाचली छे। 7 ने असा करीन गवाय देणेवाळा तीन छे। 8 आत्मा, पाणी ने लुही; ने तीनु एकुत वात पर मुजगी छे। 9 जत्यार हामु माणसेन गवाय मानी लेजे, ती भगवानेन गवाय ते हेरसी अदीन छे; ने भगवानेन गवाय जी छे, की हयु आपणा पुर्यान बारामां गवाय देजे। 10 चु भगवानेन पुर्या पर भुरसु करे, चु आपणेत मां गवाय काजे मान लेदलु छे; बाकुन चु भगवान पर भुरसु नी कर्यु, हयु तीनाक झुटु बणायु; काहाकी हयु तीना गवाय देण्या पर भुरसु नी कर्यु, जु भगवान आपणा पुर्यान बारामां आपलु छे। 11 ने ची गवाय जी छे, की भगवान हामुक जलमेन जीवाय आपलु छे, ने ज्य जीवाय हेरा पुर्या मां छे। (aiōnios g166) 12 तेरे धडे पुर्यु छे, तेरे धडे जीवन छे; ने जेरे धडे भगवानेन पुर्यु नी हय, हेरे धडे जीवन बी नी हय। 13 मे तुहुंक, जे भगवानेन पुर्यान नाव पर भुरसु करो, हेरसी लिख्यु की तुहुं जाणु की जलमेन जीवन तुंदरु छे। (aiōnios g166) 14 ने हामरु हीना भगवान पर हिम्मत छे की कदी हामु हेरी मरजीन अनसारे काय बी मांगजे, ती चु हामरी सामळे। 15 ने जत्यार हामु जाणजे, की ज्य काय बी हामु मांगजे चु हामरी सामळे, ती ज्य बी जाणजे, की ज्य काय हामु हेरसी मांगजे, च जड़लो छे। 16 कदी कुय आपणा भायस ने बहणस्या काजे असु पाप करतेलु देखे, तेरो फळ मरनु नी हवे, ती लीलघाये, ने भगवान हीनाक हींद्रे वाटे, जु असु पाप कर्यु

जेरो फळ मरनु नी हवे, जीवन आपसे। पाप असु बी हवे तेरो फळ मरनु हवे हेरे बारामां मे लीलघायणे वाटे नी कवो। 17 आखी भातीन भुंडा काम ते पाप छे, बाकुन असु पाप बी रवे, जु पाप जीव-आत्मान मुत भीणी नी ली जाय। असला पापेन माफी वाटे दुवा करनु भगवानेन मरजी छे। 18 हामु जाणजे, की जु कुय भगवान सी पयदा हयु, चु पाप नी करे; बाकुन जु भगवान सी पयदा हयु, हीनाक चु बचाडीन राखे, ने चु भुतडु हीनाक धरी नी सके। 19 हामु जाणजे, की हामु भगवान सी छे, ने आखी कळी हीना भुतडान हक मां पड़ रय। 20 ने ज्य बी जाणजे, की भगवानेन पुर्यु आय गुयु ने हयु हामुक अक्कल आपलु छे, की हामु हीना छाचला काजे उळखजे, ने हामु हेरेमां ज्य छाचलीन छे, मतलब हेरा पुर्या ईसु मसी मां रवजे। छाचलु भगवान ने जलमेन जीवन हयुत छे। (aiōnios g166) 21 ए पुर्या, आपणे आप काजे मुरत्या सी बचाडु।

2 युहन्ना

1 ओ ईसुन मंडळी, तुसे काजे भगवान नेवाड़लु छे। मे डाहा-बुड़ा, जी चिट्ठी तुसे काजे ने तारा माणसे काजे लिखो। मे तुंदरे सी छाचला मन सी परम करो। **2** भगवानेन जी छाचाय जलम हामरे साते रवसे, ने हय जी छाचाय हामरे साते रवसे: (aiōn g165) **3** आपणु, जे भगवानेन छाचायन अनसारे परम करीन, जीवणे बाजी रया, आपणु काजे भगवान बास अगु सी, ने भगवान बासेन पुरयु ईसु मसी अगु सी, बेसकी वारु गीण-दया, ने सुक-सांती जड़ती रवसे। **4** मे ज्य देखीन बेसकु खुस हयु की चां वाळा मंडळी मायन थुड़ाक माणसे बासेन हुकुमेन अनसारे, तेरी छाचाय पर चाल र्या। **5** हय वो लाटेक्ली ईसुन मंडळी, मे तारे सी लीलघायन कहवो, की मे तुसे काजे काय नवलु हुकुम नी पतु, बाकुन हयुत हुकुम आपो, जु आपणु काजे सुरु सी जड़लु छे, की तुहुं एक दीसरा सी परम कर्या करजु। **6** परमेन मतलब ज्य छे की आपणु भगवान काजे छाचलीन परम करजे। तेरेसी मे तुहुं काजे अळी कहो तुहुं आखा एक दीसरा सी परम करता जायन जीवजु। जु हुकुम तुहुंके पहल सी जड़लु छे। **7** कळी मां असा बेसका माणसे भटकाड़ने वाळा छे, चे असा नी माने की ईसु मसी माणसेन पुरयु बणीन आयु; भटकाड़णे वाळा ने मसीन वीरुद करन्या जेत छे। **8** तुहुं चैतीन रहु, नीते कांखुर मायन तुहुं काठी मेहनतेन ईनाम खुय देसु, बाकुन मारी मरजी जी छे की तुहुं पुरात-पुरा ईनाम हात करनु चाहजे। **9** जु कुय बेसके छेते जाती रवे ने मसीन सीकाड़नेन अनसारे नी जीवे, बाकुन सीकाड़ने सी छेटा हयन अगा जात रवे, तेरे साते भगवान नी रवे, बाकुन जु मसीन सीकाड़नेन अनसारे जीवे, तेरे साते भगवान बास ने तेरु पुरयु ईसु, दुयु रवसे। **10** कदी कुय तुंदरे घर आवीन ईना सीकाड़ने काजे छुड़नी दीसरी रीत सी सीकाड़े, ती तुहुं, तीनाक ईसु पर भुरसु करन्यु समजीन आव-भाव घुण करु, ने तीनाक वारलु छे की? करीन बी घुण पुछु। **11** काहाकी जु माणुस तीना काजे वारलु छे की? करीन पुछे, चु तेरा पाप मां बी साजलयु हवे। **12** मेसेक तुंदरे वाटे बेसको लिखणु छे, बाकुन मे जी वात कागदा पर सांय करीन नी लिखो। मे पाक्की आस करो की मे तुंदरेनचां आवीस ती उजेंतु वात करीस, तेरे सी आपणी खुसी पुरी हय जासे। **13** ईसु पर भुरसु करने वाळी नेवाड़ली बहणीस तुहुं काजे तुहुं वारलु छे की? करीन पुछ रय ने आवीस ने आवजी कय र्या।

3 युहन्ना

1 ए मारा लाटेक्ला गयुस, मे युहन्नु पुडारी, जी चिट्ठी तुसे काजे लिखो, ने मे छाचलीन तुसेक परम करो। **2** ए मारा लाटेक्ला दुस्तीदार, मे तार थड़े जी दुवा करो की, जसु, तु जीव-आत्मा मां बड़ रयु, तसुत आखी वात मां बड़ ने वारु रव। **3** जत्त्यार हामरा सात देण्या भायस तुंदरेन्चां सी पछा आवीन तुंदरा बारामां असी छाचली गवाय देदला छे, “तारा चेला ते छाचायन वाटे वारु चाल रया” तत्त्यार मे बेसकु खुस हयु। ने चे मेसेक ज बी बताइया की तुहुं छाचली वाट पर कसा चाल रया। **4** मार वाटे ते मारा पुर्या-पारीन बारामां गवाय सामळने सी अळी मट्ली खुसी नी हय, की मे सामळो, की मारा पुर्या-पारी छाचायन वाट पर चाले। **5** ए मारा लाटेक्ला दुस्तीदार, तु आपणा भाय बेटान भलाय वाटे ज काय कर सके चो, तु भुरसा भेळ कर रयु, भले चे ईसुन सेवा भक्ती करन्या भाय बेटा, तारे वाटे अंजाण्या छे। **6** ने चे भाय बेटा, जां वाळी मंडळी मां पछा आवीन तारा परमेन बारामां गवा देदला छे। जसु तु, ईनु माणसेक परम सी पेहले आव-भाव करलु, तसुत हय बी अळी ईनुक भगवानेक लागे असो आव-भाव करीन खुसी-खुसी वारु मकलया करजी, ती वारलु रवसे। **7** काहाकी चे ईसु मसी पर भुरसु नी करे तींद्रे थड़े, चे काय बी लेय बीगुर, मालीक ईसु मसीन नावेत नीकळ्ळा छे। **8** तरेमां आपणु आखा काजे बी असला माणसेन फीकुर करीन मदत करनु चाहजे। काहाकी आपणु असा करसु, ती छाचाय वाटे काम करन्यान साजलया बण जासु। **9** मे, ईनी वातेन खबर करीन तुंदरे सातेवाळी, ईसुन मंडळी वाटे एक चिट्ठी लिखलु। बाकुन तीनी चिट्ठी वाळु दीयुतीरफ्यु हामरी वात सामळने नी हींडे; चु ते आखा सी मटु बणने हींडे, ने ईसु काजे हामरी वातेन खबर नी पुगाइयु। **10** तरेमां मे जत्त्यार आवीस, ती तेरा करला कामेन बारामां मे तीनाक हेर कराडीस, हयु हामरी नाव-बद्दी करसे, ने हेरेम बी चु खुस नी रवे; ने जे हामरी भायसेन आव-भाव करने हींडे, तीनुक बी चु मना करे! ने तीनुक भगवानेम सी नीकाळ देय। **11** ए मारा लाटेक्ला दुस्तीदार, असी कुहराय करन्यान तसु, तु कुहराय घुण करजी बाकुन भलाय करन्यान चाल धर, काहाकी जु माणुस भलाय करे, चु माणुस भगवानेन अगे सी छे। बाकुन जु कुहराय करे, चु माणुस भगवानेक नी देख्यु। **12** हाय देमेतर्यान बारामां सामळु, जु जां सी तारेन चां आवणे वाळु छे। देमेतीरियुसेन बारामां आखा वारलु गवाय देदला छे। ने तेरी जीवाय ते, पुरी-पुरी छाचली सीकापण छे, ने हामु बी देमेतीरियुस वारलु गवा देजे। ने तु जाणे की, हामु जी गवाय दी रया ची गवाय छाची छे। हेरेसी देमेतीरियुसेन बी वारु आव-भाव करजी। **13** मार थड़े तार बारामां लिखणे वाटे ते बेसकी वात छे, बाकुन मे, ईनी वातेक हय अगु कागदा पर सांय ने पेन वाटे लिखणे नी हींडतु। **14** बाकुन मे छाटुस

आवीन तुसेक भेळु हवणेन आस कर रयु। ने जत्त्यार मे तारेन चां आवीन तुसेक भेळु हयस, तत्त्यार आपणु आंबा-सांबा वात करसु। भगवानेन अगे सी तुहुंक सुक सांती जडती रहणु चाहजे, ने जां वाळा दुस्तीदार्या तुहुंक वारलु छे की? करीन पुछ रया। अतरे हामरे वाटीन चां वाळा आखा दुस्तीदार्यान नाव धरी-धरीन वारलु छे की? करीन पुछ लेजी।

यहूदा

1 यहूदा भीणी सी जु ईसु मसीन पावर्यु ने याकुपेन भायस छे, जे भगवानेन साहरे बुलावला छे, ने भगवान बासेन लाटेकला पुर्या-पारी छे, ने ईसु मसी धड़े समळीन रवे। 2 दया ने सुक-सांती ने परम तुहुं काजे बेसकी जड्या करे। 3 ए मारा लाटेकला, दुस्तीदारया जतयार मे तुहुं काजे तीना छुटकारान बारामां लिखणे करीन बेसकी काठी मेहनत कर रयु, तीना छुटकारान आपणु आखा साजलया छे। तीने टेमे मेसेक जो समजाइनु वारु लाग्यो की तुहुं तीना भुरसा वाटे पुरा-पुरा काठी मेहनत करु, जु भुरसु चुखला माणसे काजे एकुत कावा सुपलु हतलु। 4 काहाकी बेसका असा माणसे कळ्येन आपणेम आवीन भेसकाय गुयला छे, तींदरा डंडेन बारामां अगला बारामां पेहले सीत लिखलो हतलो जे नी भगत छे, ने आपणा भगवानेन गीण-दया काजे छीनाळा मां बदली देय ने आपणा एकुत मालीक ने आखान मुखी ईसु मसीन नीकारु करे। 5 बाकुन तुहुं आखी वात एक कावा जाणी लेदला छे, तेबी मे तुहुं काजे जी वात हेर कराइने हींडो की मालीक एक कुळीन माणसे काजे मीसर देस सी छुड़ावीन लायु। बाकुन अळी भुरसु नी कर्या करीन मारीन सार देदु। 6 ने जे सरग वाळा काहवाळ्या आपसा ठीया काजे छुड़ देदा ने, आपसा जागा काजे छुड़ देदा भगवान तीनुक, बी नीयावेन दाहड़ा वाटे तीना आंदारला मां बांदीन मेल रयु, ज जलम लग रवसे। (aídios g126) 7 सदोम ने गमोरा ने तीनु सहर धड़े वाळा सहरे सरग वाळा काहवाळ्यान तसात छीनाळ्या बण गुया ने पारका डीलेन हेर करने बाजी गुया ने आकठान जलमेन अमरकायान डंड भुक्तीन आपणे-आपणे वाटे एक दाखलु बण गुया। (aiónios g166) 8 असोत जे सपनो देखण्या बी आपसा-आपसा डीलेक वीटाळे, ने भगवानेन हक काजे नीकारु ने उचा जागा पर बठण्या काजे वारु-भुंडा कहें। 9 बाकुन जतयार सरग वाळा काहवाळ्यान मुखी मीकायेल, भुतड़ा साते मुसान धड़ेन, बारामां वातेम जखड़ी पड़ रयु, ततयार तीना भुतड़ान नाव-बद्दी करीन तेरी वात काटनेन हिममत नी कर्यु, बाकुन तीनाक ज कहयु, “मालीक तुसेक लड़े।” 10 बाकुन जे माणसे ते तीनी वातेक जाणे लग नी, तीनी वातेन बारामां भलो-भुंडो कहवीन वात काटे, ने तीनी वातेक डेड़-अकल्या जनवार्यान तसा सुरु सीत जाणे, तीनी वातेम आपसा काजे सारने बाजी रया। 11 तींदरे वाटे बेसकी दुखेन वात छे काहाकी चे केनेन तसा वेहवार कर्या, ने दाहड़की वाटे बीलामेन तसा बीगड़ी गुया, ने कोरह जातीन माणसेन तसा मुसान वीरुद करीन सर गुयला छे। 12 जे तुंदरी परमेन पंगत मां बठीन खाय पीये, जे दर्या मां सातायला ढाटा सांय छे, जे बे फीकर्या हयन आपसोत पेट भरने करीन तुंदरा गुवाळ्या बण रया। जे ठारला वादळान तसा छे, तीनु काजे आहळी उडाईन ली जाय। जे फालतु झाड़कान तसा छे, जे सड़ी जाय। जे दुय कावा मर गुयला छे, ने जड़ सुदेत

उखळी गुयला छे। 13 जे दर्या समुदरेन झलकेन तसा छे, जे आपसी लाजेन झलके झलकाये। तींदरे वाटे जलम आंदारलो मेल छांड्यो। (aión g165) 14 हनोक बी जु आदमेन सातवी पीड़ी मां पयदा हवलु, चु बी हींदरा डंडेन बारामां, पेहले सीत भगवानेन अघली असी वात कहलु, “देखु भगवान मालीक आपसा हजारु चुखला माणसे साते आयु। 15 आखान नीयाव करने आवणे बाजी रयु, ने चे माणसे ज बी भुंडो काम करला छे, ने भगवानेन वीरुद मां भुंडु बुल कहला छे, तीनुक डंड आपे।” 16 जे माणसे लागाडु ने वात काडण्या छे। जे आपसान मरजी पर चालने वाळा छे, ने आपसान बारामां मटायन वात करे। ने आपसा नफान करतात दीसरान बड़ाय कर्या करे। 17 बाकुन ए लाटेकला दुस्तीदारया, तुहुं, तीनु बुलेक हेर राख्जु, जी वात आपणा मालीक ईसु मसीन नेवताळा पेहले सीत कहला हतला। 18 जे तुहुं कहया करतेला की पेहला दाहड़ा मां भगवानेन वातेन हासी उडाइसे, ने भगवानेन भुक्तीन वीरुद मां हेर करीन जीवसे। 19 जे जे माणसे छे, जे भगवानेन माणसे मां बीरजु पाड़ देय, जे मनेन मरजी पुरी करे, तींदरेम जीव-आत्मा नी हय। 20 बाकुन ए लाटेकला, तुहुं आपसा चुखला भुरसा मां अदता जावु, ने चुखली-आत्मा मां दुवा करता रहु। 21 भगवानेन परम मां रहु; ने अमर जीवन वाटे आपणा मालीक ईसु मसीन दयान वाट देखता रहु। (aiónios g166) 22 ईसुन मंडळीम जे भुरसा मां पाक्का नी हय, तींदरे पर दया करु। 23 झुटी सीकापण मानीन जे भंगलायन खरली वाटे सी छेटा हयन नरक आकठा मां पड़ला दीसरा माणसे काजे अगा जायन नीकाळु, ने पाप मां पड़ला बेसका जणा पर बीहता जायन दया करु; बाकुन तींदरा पुथल्या सी बी कुहराय करु, जे पुथल्या तींदरा पापी डील सी भुंडा हय गुयला छे। 24 जु तुहुं काजे पापेम पड़ने सी बचाइ सके, ने आपसा पुरा-पुरा सेक-सींगार अगळ खुस करीन, ने नी-गुनाळा बणावीन उबु कर सके; 25 तीना एकुत आपणा छुड़ावणे वाळा भगवानेन सेक-सींगार, ने मटाय, ने ताकत, ने हक आपणा मालीक ईसु मसीन साहरे कळ नी घड़ायी ने पेहले सीत देखाव पड़तु आय रयु, तसुत हय बी देखाव पड़्या करे, ने पीड़ीडीट जलम देखाव पड़तु रवणु चाहजे। आमीन। (aión g165)

उजेंता बुले

1 ईसु मसीन उजेंता बुले, च तीनाक भगवान असु करीन देदु की आपसा चाकर्याक चे वात, तीनुक मामार हवणु की हवणु छे, देखाड़े; ने हयु आपसा सरग काहवाळ्या काजे मकलीन आपसा चाकर्या युहन्नाक बताड्यु, 2 जु भगवानेन बुल ने ईसु मसीन गवाय मतलब जो काय हयु देखलु तेरी गवाय देदु। 3 चे वारु छे ची ईनी हवणे वाळी अघली वातेन बुल काजे भणे, ने जे सामळे ने हेरेम लिखली वातेक माने; काहाकी टेम धडेत छे। 4 युहन्ना भीणी सी आसीया देसेन सांतु मंडळ्यान नावे: तेरे भीणी सी जु छे, ने जु हतलु ने जु आवणे वाळु छे: ने तीनु सातु आत्मा भीणी सी जु तेरा बठणेन गादीन अगळ छे। 5 ने ईसु मसी भीणी सी जु भुरसा लायक गवाय ने मरला मां सी जीव उठणे वाळा मां पेहलु पुर्यु ने धरतीन बेसका राजान मालीक छे, तुहुंक गीण-दया ने सांती जडती रहे। हयु हामरे सी परम राखे, ने हयु आपसा लुही सी हामुक पापेम सी छुड़ायु, 6 ने हामुक एक राज ने आपणा बास भगवान वाटे पुजारु बी बणाय देदु; तेरोत सेक-सींगार ने ताकुतेन काम जलम हवतो रहणु चाहजे आमीन। (aiōn g165) 7 देखु ज लिखलो छे की, हयु वादळा भेल्लुत आवणे वाळु छे, ने हेरेक ने डुळा तीनाक देखसे, मतलब जे तीनाक वेला पाडीन मारला चे बी देखसे, ने धरतीन आखा माणसे तेरे वजे सी छाती ठुकसे। हवा आमीन। 8 मालीक भगवान, जु छे ने जु हतलु ने जु आवणेवाळु छे, जु आखाम सी ताकतवाळु छे, चु असु कहवे, “मेत अल्फा ने ओमेगा छे।” 9 मे युहन्ना, जु तुंदरु भाय ने ईसुन दुख ने राज्य ने दम धरने मां तुंदरे भेल्लु भेसकायलु छे, भगवानेन बुले ने ईसुन गवायन वजे सी पतमुस नावेन टापा मां हतलु। 10 मे मालीकेन दाहडे आत्माम आय गुयु, ने आपणे पछळ फेप्यान तसा मटात बुले असो कवता सामळ्यु, 11 “ज काय तु देखे तीनाक किताप मां लिखीन सांतु मंडळ्याक पुगाइ दे, मतलब ईफीसुस, ने समुरना, ने पीरगमुन, ने थुवातीरा, ने सरदीस, ने फीलदीलफीया, ने लोदीकीया काजे।” 12 ततयार मे तीनाक, जु मारे सी बुलतेलु, देखणे वाटे मारो मुंहडो फेरव्यु; ने पछु वळीन मे सनान सात दिवा देख्यु, 13 ने तीनु दिवान ईचमां माणसेन पुरयान तसु एक माणुस काजे देख्यु, जु पाये लगुन पुथल्या पेहरलु, ने छाती पर सनान फेटु बांदलो हतलो। 14 तेरे मुणको ने कान्या धवळा जसा बरफेन तसो उजेळ्ळो हतलो, ने तेरा डुळा आकठान ईगाळान तसा हतला। 15 तेरा पांय वारलु पीतळेन तसा हतला जसा मानु की भाटी मां हळो-हळो तातो करलो हय, ने तेरा बुले बेसका पाणीन आवाजेन तसा हतला। 16 चु आपसा जेवड्या हात मां सात तारा ली रवलु, ने तेरा मुंहडाम सी पाजावली दुयधारी छर-छर तलवार नीकळने बाजी रवली। ने तेरा मुंहडाम सी माथे दाहडे भीबळन्या दाहडान तसो बेसके जुरे भीबळी रहलो। 17 जतयार मे तीनाक देख्यु, ती मे तेरा पाये पर

मरलान तसु हीट पड्यु। ने चु मारे उपर आपसु जेवड्यु हात मेकीन कह्यु, तु बीहे मां; मे पेहलु ने आकरी ने जीवतेलु छे; 18 मे मर गुयलु, ने हय देख मे मर्या-सरयाम सी बठु हयन जलम पीडीडीट जीवतु छे; ने मोतन कुची ने पाताळेन कुची मारेत धडे छे। (aiōn g165, Hadēs g86) 19 तेरेमां जी वात तु देखलु छे ने जी वात हय रय ने जी वात हेरे पछळ हवणे वाळी छे, तीनु आखी काजे लिख ले। 20 मतलब तीनु सांतु तारान सातायली वात जीनुक तु मारे जेवड्ये हात मां देख्यु, ने तीनु सात सनान दिवान सातायली वात: चे सात तारा सांतु मंडळ्यान सरग काहवाळ्या छे, ने चे सात दिवा सात मंडळ्या छे।

2 तु ईफीसुस सहरेन मंडळीन माणसे वाटे तींद्रा चाकर्या काजे असो लिखीन दी मकल: जु सात तारा आपसा जेवड्या हात मां धर रय, ने सनान सात दिवान ईचमां फीरी रय, मे तुहुंक असो कहवो। 2 मे तारा काम काजे, ने तुंद्री मेहनत काजे, ने तुंद्री गम खाणेन ताकत काजे वारु जाणो; की तुहुं तीनु कुहरया माणसेक देख नी सके, ने जे आपसात काजे ईसुन नेवताळु कहवे, ने तुहुंक पारखी लेदा, ने जाण लेदा की, चे ईसुन नेवताळा नी हय, बाकुन लुचचा छे। 3 तुहुं बेसका गम खावु, तुहुं मार नाव सी वेला करी-करीन हारी नी पड्यु। 4 बाकुन तेबी, मेसेक तुंद्रा वीरुद मां जो कहणु छे की, तुहुं पेहलेन तसु परम छुड देदा। 5 तेरेमां वीतला दाहडाक हेर करु, ने तुहुं कां सी पडला, ने मन फेरवीन भगवान भीणी वळु, ने पेहलेन तसा परम सी काम करु; ने कदी तुहुं भगवान भीणी नी वळु, ती मे तुंदरेन्चां आयन तुंद्रा दिवा काजे तुंदरेन्चां सी छेते कर दीस। 6 बाकुन हव, तारेम जी वात ते छे, की तु नीकुलईया पंथवाळान काम तुसेक नी पटे, ने चे मेसेक बी नी पटे। 7 जेरा कानटा हय, चु सामळी लेय की चुखली-आत्मा मंडळ्या सी काय कहें! जु जीती जाय, मे तीनाक पला जीवनेन झाडका मां सी जु भगवानेन सरगेन बगीचा मां छे, फळ खाणेन दीस। 8 “समुरनान मंडळ्यान सरग काहवाळ्या काजे ज लिख: “जु पेहलु ने आकरी छे; जु मर गुयलु ने हय जीवतु हय गुयु, हयु असो कहें।” 9 मे तारा दुख ने गरीबी काजे जाणो; ने जे माणसे आपसा काजे यहूदी कहें ने हय नी, बाकुन भुतडान दुवान घर छे, तींद्री बदनामी काजे बी जाणो। 10 जे दुख तुसे झेलनु पडसे, तीनु सी मां बीहे काहाकी, भुतडु तुंदरे मायन काहनाक काजे जेल मां नाखणेत वाळा छे काहाकी, तुहुं पारखाय जावु; ने तुहुं दस दाहडा लग दुख हाकलनु पडसे। जीव देणे लग भुरसा लायक रव; ती मे तुसेक जीवनेन मुड दीस। 11 तेरा कान्टा छे, हयु सामळी लेय की आत्मा मंडळ्या सी काय कहें, जे जीत जाय, “तीनुक दीसरी मरण सी काय बी नुकसान नी हवे।” 12 पीरगमुनेन मंडळ्यान सरग काहवाळ्या काजे असु लिख की: “तेरे धडे पाजावली दुयधारी तलवार छे।” 13 ने मे असो बी ते जाणो की तु वां रहे जां भुतडान बठणेन राजगादी छे, ने मारे नाव सी टीकीन रहे; ने मार पर भुरसु करने सी तीनु दाहडाम बी

पछु नी पड्यु, तेरेमां मारु भुरसाम रहण्यु अंतीपास, तुंद्रेन्चां तीना जागा पर माराय गुयु जां भुतडु रहे। 14 बाकुन मे तार वळु नी हवतु ने ईतरीक वात कहणु छे, काहाकी तारेन चां काहनाक ते असा छे, जे बीलामेन सीकापण काजे माने, जु बालाक काजे ईस्रायलेन माणसे अगळ पाप करने करीन पटव्या, की जे दगड़ा पर चड़ावली चीज खाय, ने छीनाळो काम करे। 15 तसोत तारेन चां काहनाक असा छे, जे नीकुलईन सीकापण काजे माने। 16 तेरेमां मन फेरव, नी ते मे तारे धड़े मामारुत आवीन, मारी लुहड़ान तलवार सी तींदरे भीणी लड़ीस। 17 तेरा कान्टा छे, हयु सामळी लेय की चुखली-आत्मा मंडळ्या सी काय कहें, जे जीत जाय, “तीनाक मे सातायला मन्ना मां सी दीस; ने तीना दगड़ा पर एक नाव लिखलो रवसे, जो तीनाक जड़ने वाळा पाखुर ने कुय नी जाणसे।” 18 थुवातीरान मंडळ्यान सरग काहवाळ्या काजे असो लिख, भगवानेन पुर्यु तेरा डुळा आकठान ईगाळान तसा, ने तेरा पांय वारलु पीतळन तसों छे, हयु असु कहें: 19 मे तारा कामे, ने परम, ने भुरसा, ने सेवा, ने गम काजे जाणो, ने ज बी की तारा पछला काम पेहला काम सी बडीन छे। 20 बाकुन मे तारे वळु नी हवतु ने असो कहणु छे, की तु तीनी बायर इजेबेल मां रहणी देय, ची आपसी काजे भगवानेन अघली वात बताड़ने वाळी कहें, ने मारी सेवा करन्या काजे छीनाळो करने, ने दगड़ा अगळ चड़ावली चीज खाणु करीन भुले पाड़े। 21 मे तीनाक मन फेरवणेन टेम आप्यु, बाकुन हयी आपसीन छीनाळा काम करने सी मन नी फेरवणे नी हींडती। 22 देख, मे तीनीक रगेन खाटली मां नाखो; ने जे तेरे साते छीनाळो करी र्या ने कदी चे बी हीनीन तसा काम सी मन नी फेरवसे ती तीनुक मतला दुख मां नाखीस। 23 मे तींदरा पुर्या काजे मार नाखीस; ने तत्पार आखा मंडळ्या जाणी लेसे की मन ने मरजी काजे पारखणे वाळु मेत छे, ने मे तुंद्रे मायन हरेक ने तेरा कामेन अनसारे बदलु दीस। 24 बाकुन तुहुं थुवातीरान बाकी माणसे सी, जतरा ईना सीकापण काजे नी माने, ने तीनु वातेक जीनुक भुतड़ान उंडली वात कहें, तीनुक नी जाणे, तीनुक असो कहं, की मे तुंद्रे पर अळी भार नी नाखो। 25 बाकुन हव, जो तुंद्रे धड़े छे तीनाक मारे आवणे लग धरी राख। 26 जे जीते, ने मारा कामेन अनसारे आकरी लग करे, मे तीनाक जाती-जातीन माणसे पर हक दीस। 27 ने हयु लुहड़ान राडेन हक लीन तीनु पर राज करसे, जसु कुमाहरेन थुळान डुकरा भुकरा हय जाय: मे बी असुत हक मारा बास भगवान सी जड़ली छे। 28 ने मे बी तीनाक वीजाळ्यु तारु आपीस। 29 जेरा कान्टा छे, हयु सामळी लेय की आत्मा मंडळ्या सी काय कहें।

3 सरदीसेन मंडळ्यान सरग काहवाळ्या काजे, जेरे धड़े भगवानेन सात आत्मा ने सात तारा छे, असु कहें की मे तारा कामे काजे जाणो, की तु जीवलु ते कहवाये, बाकुन ए मरला! 2 जागतु हय जां, ने तीनु चीजेक जी बाकी रवली छे, ने जे सरनेत वाळी छे, तीनुक काठा कर; काहाकी मे तारा काहना

बी काम काजे भगवान धड़े पुरो की पुरो नी देख्यु। 3 तेरेमां हेर कर, की तु काहनी बी रीती सी सीक लेदलु ने सामळ्ळु हतलु, ने तेरेमां बणीन रव, ने मन फेरव; ने कदी तु जागतु नी रवसी ती मे चुट्टान तसु आय जायस ने तु कदी नी जाण सकसी, की मे काहनी टेम पर तार पर आय पड़ीस। 4 बाकुन अतरी संय वात छे की, सरदीस मां तारेन चां काहनाक असा माणसे छे, जे आपसा पुथल्या काजे चुखला राख्या, चे धवळा पुथल्या पेहरीन मारे साते फीरसे, काहाकी चे हेरे लायक छे। 5 जे जीत जाय, तीनाक हेरेन तसोत धवळा पुथल्या पेहरावसे, ने मे तेरो नाव जीवनेन किताप मां सी काहनी बी रीती सी नी काटो, बाकुन तेरो नाव मारु बास भगवान ने तेरा सरग काहवाळ्या अगळ मान लीस। 6 तेरा कान्टा हय, हयु सामळी लेय की आत्मा मंडळ्या सी काय कहें। 7 फीलदीलफीयान मंडळ्यान सरग काहवाळ्याक काजे असु लिख: “जुत चुखलु ने छाचलु छे, ने जुत दावुदेन कुची राखे, तीना खुल्ला काजे कुय बी बंद नी कर सके ने बंद करला काजे कुय बी खुल नी सके, हयु असु कहें, 8 मे तारा काम काजे जाणो। देख, मे तारे अगळ एक बारनो उगाड़ी र्यु, तीनाक कुय बी बन्द नी कर सके; तारी ताकत ईतरीक सी ते छे, तेबी मारा बुलेन पाळन कर्यु, ने मारा नावेन नीकारु नी कर्यु।” 9 देख, मे भुतड़ान तीनी मंडळी काजे तार बस मां कर दीस जे यहुदी बणीन रहे, बाकुन हय नी, ने झुट बुले मे असु करीस, की चे आवीन तारे पाय मां आंदसे, ने ज जाण लेसे, की मे तारे सी परम राखो। 10 तु मारा गमेन बुले काजे धरीन उबु र्यु, तेरेमां मे बी तुसेक आफतेन टेम सी बचाड़ीस, जे धरती पर रहणे वाळान पारखणे वाटे आखी दुनीया पर आवणेवाळी छे। 11 मे मामारुस आवणेवाळु छे; जो काय तारे धड़े छे तीनाक धरी राख, काहाकी तारा जीतला ईनाम काजे कुय बी हापकी नी सके। 12 जे जीत जाय, तीनाक मे मारा भगवानेन घर मां एक खाम्बु बणावीस, ने हयु पछु कदी बाहर नी नीकळसे; ने मारा भगवानेन नाव, ने भगवानेन सहर मतलब नवला यरुसलेमेन नाव, ज मारा भगवानेन धड़े सी सरग पर सी उतरनेवाळु छे ने मारो नवलो नाव तीना पर लिखीस। 13 तेरेमां तेरा कान्टा हय, हयु सामळी लेय की आत्मा मंडळ्या सी काय कहें। 14 लोदीकीयान मंडळीन काहवाळ्या काजे असो लिख: “जु आमीन, ने भुरसा वाळा, ने छाचला गवा छे, ने भगवानेन घड़नेन खास वजे छे, हयु असु कहें। 15 मे तारा कामे काजे जाणो की तु नी ते सेळ्ळु छे ने नी तातु; भलो रवतो की तु सेळ्ळु नीते तातु रवतु। 16 असु करीन तु फळ्ळु छे, ने नी सेळ्ळु छे ने नी तातु, मे तुसे मारा मुंहडाम सी उगेळने पर छे। 17 तु असु कहें, की मे मातलु हय गुयु, ने मेसेक काय चीजेन कमी नीही, ने असु नी जाणतु, की तु नी भाग वाळु ने फालतु ने गरीब ने आंधळु, ने नांगरलु छे। 18 तेरेमां मे तुसे सला दम, की आकठा मां तावलो सनो मार सी मुल ले, काहाकी मातलु हय जाय; ने धवळा पुथल्या ली ले की पेहरीन तुसे आपसा नांगरला

सी लाजे नी पड़े; ने आपसा डुळा मां लागाइने करीन सुरमु ले काहाकी तु देखणे लाग जाय। 19 मे जीनु-जीनु सी परम राखो, तीनु आखा काजे लडो ने ठुको, तेरेमां तीयार हय जां, ने पाप सी मन फेरव। 20 देख, मे बारना मां उबु रयून खटो-खटो कराडो; कदी काहनुक मारो बुली सामळीन बारनो खुलसे, ती मे तेरे धडे माहीं आयून तेरे भेळु खाणो खायस, ने चु मारे साते खासे। 21 जु जीत जाय, मे तीनाक मारे साते मारे राजगादी पर बठाईस, जसु मे बी जीती गुयु ने मारा बास भगवान भेळु तेरे राजगादी पर बठ गुयु। 22 “तेरेमां तेरा कान्टा छे चे सामळी लेय की आत्मा मंडळ्या सी काय कर्हे।”

4 ईनी वातेन वात मे नींगा करयु, ती असो देख की सरग मां एक बारनो खुल्लो छे। ने तीनाक मे पेहेल फेप्यान तसों अवाज मां आपणे साते वात करतैला सामळ्यु, हयुत कर्हे, “जां उपर आय जां, ने मे असी वात तुसे देखाईस, तीनुक जी वात पुरी हवणुत छे।” 2 तत्यारुत मे आत्मा मां आय गुयु; ने काय देखो की एक राजगादी सरग मां मेकलो छे, ने तीनी राजगादी पर काहनुक बठ्लु छे। 3 ने जु तीनी राजगादी पर बठ्लु छे, हयु यसब (नीळळा रंगेन) ने माणीक्य (रातला रंगेन) नावेन दगड़ान तसों भबळने बाजी रह्लो, ने ती राजगादीन चारे-मेर मरकत नावेन दगड़ा (नीळळु रंगेन) तसों एक भाती-भातीन रंगेन बाम देखाये। 4 तीनी राजगादीन चारे-मेर वीस ने चार राजगादी छे; ने हीनु राजगादी पर वीस ने चार मुख्या धवळा पुथलया पेहरीन बठी रयु, ने तींदरे मुणका पर सनान मुड़ छे। 5 तीनु राजगादी मां सी वीजळी चमके ने गाजुण गाजे, ने राजगादी अगळ आकठान सात दिवा धपी र्या, चे भगवानेन सात आत्मा छे, 6 ने तीनी राजगादीन अगळ मानु वारु आर-पार देखाये तसों, आरसयान जसों दरीयों छे, ने राजगादीन ईचमां ने राजगादीन चारे-मेर चार जनवार्या छे, तींदरे अगळ-पछळ डुळात-डुळा छे। 7 पेहलो जनवार्या नाहरेन तसों छे, ने दीसरो जनवार्या केवड्यान तसों छे, तीसरो जनवार्यान मुंहडो माणसेन तसों चे, ने चोवथां जनवार्या उडतेला धुवड़ान तसों छे। 8 ने चारु जनवार्यान छव-छव पाखड़ा छे, ने चारे-मेर ने माहीं डुळात-डुळा छे; ने चे रात दाहडु आराम लग नी लेय ने असा कवता रहे, “चुखलु, चुखलु, चुखलु मालीक भगवान, आखाम सी ताकतवाळु, जु हतलु, ने जु छे, ने जु आवणे वाळु छे।” 9 ने जत्त्यार जनवार्या तेरी जु राजगादी पर बठ्लु छे, ने जु जलम जीवतु छे, सेक-सींगार ने आव-भाव ने बडाय कर र्या। (aiōn g165) 10 तत्त्यार वीस ने चार डाहा-बुड़ा राजगादी पर बठणे वाळान अगळ हीट पड्या, ने तीनाक जु जलम जीवतु छे आंध्या; ने आपणा-आपणा मुड़ राजगादीन अगळ असा कवता जायून नाख देदा, (aiōn g165) 11 “ए हामरा मालीक, ने भगवान, तुत सेक-सींगार, ने आव-भाव, ने ताकुतेन लायक छे; काहाकी तुत आखी चीजे घड्यु, ने तारीत मरजी सी, चे हजुरी मां हतला ने घडायली।”

5 ने जु राजगादी पर बठलु हतलु, मे तेरे जेवड्ये हात मां एक किताप देखयु, तेरेमां माहीं ने बाहर लिखलो हतलो, ने सात सील लागाडीन बन्द करलो हतलो। 2 अळतेन मे एक ताकतवाळु सरग काहवाळ्या काजे देख्यु जु र सी आयडीन असु परचार करतैलु “ईनी किताप काजे खुलने ने तेरी सील तुड़ने लायक कुण छे?” 3 बाकुन ने नी सरग मां, नी धरती पर, नी धरतीन नेचु काहनुक तीनी किताप काजे खुलने नीते तीनी पर नींगा नाखणेन लायक नीकळ्या 4 तत्त्यार मे उसकी-उसकीन रड़ने बाजी गुयु, काहाकी तीनी किताप काजे खुलने, नीते तीनी पर नींगा करने लायक कुय नी जड्यो। 5 तत्त्यार तीनु डाहा-बुड़ा मायन एक जणु मारे सी कह्यु, “मां रड़े; देख, यहुदान कुळीन पलु नाहर, जु दावुदेन अवल्यात छे, तीनी किताप काजे खुलने ने तेरी सातु सील तुड़ने करीन जीत जड़ी।” 6 तत्त्यार मे तीनी राजगादी ने चारु जनवार्या ने तीनु डाहा-बुड़ान ईचमां, एक गाडरान पीलो उबो हय रवलो देख्यु; तेरा सात सींगडा ने सात डुळा हतला; जे भगवानेन सातु आत्मा छे, जी आखी धरती पर मकेली छे। 7 हयु आवीन तेरे जेवडे हात सी जु राजगादी पर बठ्लु हतलु, चु किताप ली लेदु, 8 जत्त्यार हयु किताप ली लेदु, ती चे चारु जनवार्यान चोवीस डाहा-बुड़ा तीना गाडरा अगळ हीट पड्या; ने आखान हात मां झुणगु ने ईत्तर सी भरलो सनान कटवरा हतला, चे ते चुखला माणसेन दुवा छे। 9 ने चे ज नवलो गीत गावणे लाग्या, “तु ईनी किताप काजे लेणे, ने तेरी सील तुड़ने लायक छे; काहाकी तु मारायून, आपसा लुही सी हरेक कुळ, ने बुली, ने माणसे, ने जाती मां सी भगवान वाटे माणसे काजे मुल लेदु। 10 ने तीनुक आपणा भगवान वाटे एक राज्य ने पुजारु बणायु; ने चे धरती पर राज करे।” 11 जत्त्यार मे देख्यु, ती तीनी राजगादी ने तीनु जनवार्या ने तीनु डाहा-बुड़ान चारे-मेर बेसका सरग काहवाळ्यान बुल सामळ्यु, तींदरी गिन्ती लाखु ने कुरुडुन हतली। 12 ने चे जु र सी कवतेला, “माराय्लु गाडरुत ताकतवाळु, ने धन, ने आखो सीकणो, ने ताकत, ने आव-भाव, ने सेक-सींगार, ने बडायन लायक छे।” 13 अळतेन मे सरग मां, ने धरती पर, ने धरतीन नेचु, ने दरीयान आखी बणावली चीज, ने आखो काय जो तेरेमां छे, असो कवता सामळी, “जु राजगादी पर बठलु छे, तेरी, ने गाडरान बडाय, ने आव-भाव, ने सेक-सींगार, ने राज्य, जलम रहे।” (aiōn g165) 14 चारु जनवार्या आमीन कह्या ने वीस ने चार डाहा-बुड़ा भगवान अगळ ने गाडरान पीला अगळ उबडु पडीन तींदरी भक्ती कर्या।

6 तत्त्यार मे देख्यु की गाडरान पीलो चो तीनु सात सील मां सी एक काजे खुल्यु, ने तीनु चारु जनवार्या मां सी एक गाजणेन तसी अवाज सामळ्यु, “आव।” 2 मे नींगा नाख्यु, ने एक धवळु घुल्लु छे, ने तेरे उपर एक जणु धंदली ली रयु। ने तीनाक एक मुड़ देदलो छे, ने हयु जीती रव्लु ने अळी बी जीत हात करने करीन नीकळो पड्यु। 3 जत्त्यार हयु दुसरी सील खुल्यु, ती मे दीसरा जनवार्या काजे असो कवतेला सामळ्यु,

“आव।” 4 तत्पार अळी एक घुल्लु नीकळ्यु, जु रातला रगेन हतलु; तेरो बठी रव्लु तीना काजे असो हक देदलो की धरती पर सी सांतीक हाकली ले, काहाकी माणसे एक दीसरान हत्या करे; ने तीनाक एक मट्टली तलवार देदु। 5 जत्पार हयु तीसरी सील तुड्यु, ती मे तीसरा जनवार्या काजे असु कवता सामळ्यु, “आव।” ने मे नींगा कर्यु, ने एक काळळु घुल्लु छे; ने घुल्ला पर बठी रहलान हात मां एक ताकडी छे। 6 ने तीनु चारु जनवार्यान ईघमां सी एक असु कहतेला सामळ्यु, “एक दाहडान-दाहाडकीन एकुत कीलु गहुं, ने एक दाहडान-दाहाडकीन तीनुत कीलु जळ-गहुं जडसे, बाकुन तेल ने अंगुरेन रस बीगाडु घुणु।” 7 ने जत्पार हयु चोवथु सील तुड्यु, ती मे चोवथां जनवार्यान बेसके जुरे आव कवतेलान सामळ्यु, “आव।” 8 मे नींगा कर्यु, ने एक पेळ्ळु घुल्लु छे; ने तीना घुल्ला पर बठी रहलान नाव मरनु सरनु छे; ने पाताळ तेरे पछळ-पछळ छे ने तीनाक धरतीन चार मां सी एक हीससा पर हक देदलो छे, की तलवार, ने काळ, ने मांदवाड, ने धरतीन जंगली जनवार्या माणसेक मार नाख्या। (HadEs 986) 9 जत्पार हयु पांचवी सील तुड्यु, ती चुखला चडावान जागान नेचु तेरा बेस आत्मा काजे देख्यु, जे भगवानेन बुले दीसराक सामळावणेन वजे सी, ने ईसुन गवा पुरावा देय करीन तीनुक मार नाखला। 10 ने चे जुर सी आयडीन कह्यु, “ए मालीक, ए चुखला, ने छाचला; तु कां लंग नीयाव नी करसी? ने धरतीन रहणे वाळा सी हामरा लुहीन पलटु कां लंग नी लेसी?” 11 ने तींद्रे मायन एक-एक जणा काजे धवेळो पुथल्यो देदलो छे, ने तीनुक कह्यो, की अळी ईतरीक वार लग आराम करु, जत्पार लग की तुंदरु सगु सेवक ने भाय जे तुंदरेन तसा मारायणे वाळा छे, तींदरी बी गिन्ती पुरी नी हय जाय। 12 जत्पार हयु छटवी सील तुड्यु, ती मे देख्यु धरती बेसके जुर सी हाकलाय; ने दाहडु काळ्ळा चादरान तसु काळ्ळु, ने आखु चांद लुहीन तसु हय गुयु। 13 ने सरगेन तारा धरती पर असा पड्या जसी आंधी सी हालीन अंजीर नावेन झाडका मां सी काचला फळ झडे। 14 सरग असो सरकी गुयो, जसों पानटो एलेटणे सी सरकी जाय; ने हरेक बयडा, ने काळ पाणी, आपणा-आपणा जागा सी टळ गुया। 15 धरतीन राजा, ने मुख्या, ने सीपायडा डाहला, ने मातला, ने ताकतवाळा माणसे, ने हरेक सेवक, ने हरेक छुटला, बयडान दरे ने चापर्या मां जायन डुकाया; 16 ने बयडा, ने चापर्या सी कहणे लाग्या, “हामरे पर पड जावु; ने हामुक तेरा मुंडा सी जु राजगादी पर बठलु छे ने गाडरान पीलान रीस सी हामु काजे बचाड लेवु; 17 काहाकी तींदरा रीसेन दुखेन दाहडा आय गुयलो छे, हय कुण उबु हय सक्से?”

7 तेरे पछेन मे धरतीन चारु खुणा पर चार सरग वाळा काहवाळ्याक उभला देख्यु, चे धरतीन चारु वाहळा काजे धरीन राख र्या काहाकी धरती, नीते दरीया, नीते काहनाक झाडका पर, वाहळ नी चाले। 2 तत्पार मे एक अळी सरग

वाळा काहवाळ्याक जीवला भगवानेन सील लीन उगवणु सी उपर आवते देख्यु; हयु तीनु चारु सरग वाळा काहवाळ्या सी तीनुक धरती ने दरीयान नुकसाण करेन हक देदलु हतलु, जुर सी आयडीन कह्यु, 3 “जत्पार लग हामु आपणा भगवानेन सेवक्यान नींठाळे पर सील नी लागाड देय, तत्पार लग धरती ने दरीया ने झाडकान नुकसाण घुण करे।” 4 ने जीनु पर सील हतली, मे तींदरी गिन्ती सामळ्यु, की ईसरायेलेन पुर्यान आखा कुळ मां सी एक लाख चाळीस ने चार हजार पर मुहर लागली हतली, 5 यहुदान कुळ मां सी बारे हजार पर सील लागली हतली, रुबेनेन कुळ मां सी बारे हजार पर, गादेन कुळ मां सी बारे हजार पर, 6 आसेरेन कुळ मां सी बारे हजार पर, नपतालीन कुळ मां सी बारे हजार पर; मनससेन कुळ मां सी बारे हजार पर, 7 सीमोनेन कुळ मां सी बारे हजार पर, लेवीन कुळ मां सी बारे हजार पर, ईससाकारेन कुळ मां सी बारे हजार पर, 8 जबुलुनेन कुळ मां सी बारे हजार पर, युसुफेन कुळ मां सी बारे हजार पर, बीन्यामीनेन कुळ मां सी बारे हजार पर सील देदली हतली। 9 तेरे पछेन मे नींगा कर्यु, ने हरेक जाती, ने कुळ, ने माणसे ने बुली मां सी एक असी मटी गडदी, जीनीक कुय गीण नी सकतेलो धवळा पुथल्या पेहेरलु ने आपसा हात मां खजुरेन डाळ्या लीन राजगादी अगळ ने गाडरान पीला अगळ उबी छे; 10 ने जुर सी आयडीन कहे, “छुटकारा वाटे आपणा भगवानेन, जु राजगादी पर बठलु छे, ने गाडरान जय-जय हवे।” 11 ने आखा सरग वाळा काहवाळ्या, तीनी राजगादी ने डाहा-बुडा ने चारु जनवार्यान चारे मेर उबला छे, तत्पार चे राजगादी अगळ मुंडान भुरसे पड्या, ने भगवान काजे आंधीन कह्या, 12 “आमीन, हामरा भगवानेन बडाय, सेक-सींगार, अकल, वारु कहणु, ने आव-भाव, ने ताकत ने ताकत जलम बणीन रहे।” (aiōn 9165) 13 ईनु आडा-बुडा मां सी एक मारे सी कह्यु, “चे धवळा पुथल्या पेहेरलु कुण छे, ने कां सी आवलु छे?” 14 मे तेरे सी कह्यु, ए मालीक, तुत जाणे, जे तीना मट्टली गरा सी नीकळीन आवला छे, जे आपणा-आपणा पुथल्या गाडरान पीलान लुही मां धुवीन धवळा करला छे। 15 तेरेमां चे भगवानेन राजगादी अगळ छे, ने तीना मंदीर मां रात दाहडु तेरी सेवा करे; ने जु राजगादी पर बठलु छे, हयु तींद्रे उपर आपसान तमबु ताणसे। 16 “चे पछा भुकला ने तीसला नी हवसे; ने नी तीनु पर तप, नी काय तांतलो पडसे। 17 काहाकी गाडरान पीलो जु राजगादीन ईघमां छे, तींदरी राखवाळी करसे; ने तीनुक जीवन सारका उंहता पाणी धडे लीजाया करसे, ने भगवान तींदरा डुळाम सी आखा आसा नुछ देसे।”

8 जत्पार हयु सातवी सील खुली, ती सरग मां आधु घंटु लग हुगात रय गुयला। 2 ने मे तीनु सातु सरग वाळा काहवाळ्या काजे जु भगवान अगळ हुबा रवे, देख्यु, ने तीनुक सात फेप्या आपला हतला। 3 तत्पार एक अळी सरग वाळु काहवाळ्यु सनान धुपदेण्यो वाटको लीन आयु, ने चडावान जागा धडे हुबु

रय र्युः ने तीनाक बेसका धुप देदलो छे काहाकी आखा चुखला माणसेन दुवा भेळ सनान तीना चड़ावान जागा पर, जु राजगादीन अगळ छे चड़ावे। 4 ने तीना धुपेन कुळळ चुखला माणसेन दुवा साते सरग वाळा काहवाळ्यान हात सी भगवान भीणी पुगी गुयो। 5 तत्प्यार सरग वाळा काहवाळ्या धुपदेण्यो वाटको वेदीन्चां लीन आयु, ने तीना वेदीन्चां ली जाय्न् तीना आटका मां आकठो भर्यु, ने धरती पर नाख देदु, ने ईजळी ककडने बाजी गुय, ने गाजुण ने धरती हालने बाजी गुय। 6 ने चे सातु सरग वाळा काहवाळ्या तींद्रे धडे सात फेप्या हतला, वाजाडने करीन तीयार हया। 7 ने जत्प्यार पेहलु सरग वाळु काहवाळ्यु फेप्यो वाजाड्यु, ने गारे लुही ने आकठो मां भेसकायन धरती पर नाख देदु; ने तीन मां सी एक हीस्सान धरती धपी गुई, ने तीन मां सी एक हीस्सान झाडका धपी गुया, ने आखु नीळळु चारु बी धपी गुयो। 8 ने जत्प्यार दीसरु सरग वाळु काहवाळ्यु फेप्यो वजाड्यु, ती असो लाग्यो की मटला बयडान तसो एक धपतेला एक मटला बयडक दरीया मां नाख्यु; ने दरीया बी तीन हीस्सा मां सी एक हीस्सु लुही बण गुयो। 9 ने दरीयान तीन मां सी एक हीस्सान घड्डी लीज, जी जीवली हतली मर गुई, ने तीन मां एक हीस्सान पाणीम चालन्या ढंड्यो नास हय गुया। 10 तीसरु सरग वाळु काहवाळ्यु फेप्यो फुक्यु, ने एक मटलु तारु जु मसाल तारान तसों धपतेलो, सरग सी टुट्यो, ने नदीन तीन मां सी एक हीस्सा पर, ने उंहता पाणी झीरे पर आय पड्यु। 11 तीना तारान नाव धतुरो छे, ने तीन मां सी एक हीस्सा पाणी धतुरान तसों कडवोझण हय गुयो, ने बेसका माणसे तीना कडवा पाणीक पीन मर गुया। 12 चोवथु सरग वाळु काहवाळ्यु फेप्यो फुक्यु, ने दाहडान, चादेन ने तारान, तीन हीस्सा मायन एकेक हीस्सा पर गरा आवी, अतरो बी की दीसुन तीन हीस्सा मायन एक हीस्सा पर बी आंदारो हय गुयो ने राती बी तीन घडी मायन एक घडी पर चांद ने तारा नी भबळ्या। 13 जत्प्यार मे अळी देख्यु, ती सरगेन ईचमां एक घुवडा काजे उडतेला ने उचा अवाज सी असु कवता सामळ्यु, “ने तीनु सरग वाळा काहवाळ्यान फेप्यान अवाजेन वजे तींद्रो फुकणु हाल बाकी छे, धरती पर रहणे वाळा पर हाय, हाय, हाय!”

9 जत्प्यार पांचवु सरग वाळु काहवाळ्यु फेप्यो फुक्यु, ती मे सरग सी धरती पर एक तारु नेचु पडतेलु देख्यु, ने तीनाक उंडला कुंडेन कुची देदली हतली। (Abyssos g12) 2 हयु उंडला कुंड काजे खुल्यु, ने कुंड मां सी मटली भट्टीन तसों कुळु उठ्यु, ने कुंडेन कुळा सी दाहडु ने वाहळी पर आंदारो छावाय गुयो। (Abyssos g12) 3 तीना कुळा मां सी धरती पर टिड्डा नीकळ्या, ने तीनुक धरतीन ईछान तसा ताकत आपली छे। 4 तीनुक कहलो छे की नी धरतीन चाराक, नी काहनीक मेरेक, ने नी काहनाक झाडकाक नुकसाण करे, बाकुन तीनु माणसेन अतरात नुकसाण करजु जींद्रे नींडाळा पर भगवानेन सील नी हय। 5 ने तीनु माणसेक मार नाखणेन ती नी, बाकुन पांच महना

लग माणसेक दुख देणेन हक आपलो हतलो; ने तींदरु दुख असु हतलु, जसु ईळु चावणे सी माणसेन दुखे। 6 तीनु दाहडा मां माणसे मुत हेरसे, ने मुत नी जडसे, ने मरने चाहसे, ने मुत तींद्रे सी ढाससे। 7 चे टिड्डा घुल्लान तसा लड़ाय करने करीन तीयार हया, ने तींद्रा मुणका पर मानु सनान मुड हतली; ने तींद्रा मुंहडा माणसेन तसा हतला। 8 तींद्रा कान्या बायरीन कान्यान तसा, ने दात नाहेरन दात जसा हतला। 9 चे लुहडान तसों लुहडान झीलम पेहरला हतला, ने तींद्रा पाखडान अवाज असो हतलो जसा घुडागाड्या ने घुल्ला दवडे। 10 तींद्री छेम्टी ईछान तसी हतली, ने तेरेमां आवळ हतली, ने तीनुक पांच महना लग माणसे काजे नुकसाण करेनेन जी ताकत जळी हतली, ची तींद्री छेम्टी मां हतली। 11 उंडला कुंडेन सरग वाळु काहवाळ्यु तीनु पर राजु हतलु, तेरो नाव ईब्रानी मां अबद्योन, ने युनानी मां अपुल्लयोन छे। (Abyssos g12) 12 पेहली गरा वीत गुयली छे, हय हेरे बात दुय गरा अळी आवणे वाळी छे। 13 जत्प्यार छटवु सरग वाळु काहवाळ्यु फेप्यो फुक्यु ती जु सनान चड़ावान जागु भगवान अगळ छे तींद्रा सींगडा मां सी मे असु अवाज सामळ्यु, 14 मानु कुय छटवु सरग वाळा काहवाळ्या सी, तेरे धडे फेप्यो हतलो कहणे बाजी र्यु, “तीनु चारु सरग वाळा काहवाळ्या काजे मटली नदी फरात धडे बांदायला छे, खुल दे।” 15 ने चे चारु सरग वाळा काहवाळ्याक छुडी देदा जे तीनी घडी, ने दाहडु, ने महना, ने साल भर वाटे माणसेन तीन हीस्सा मायन एक हीस्सा काजे मार नाखणे करीन तीयार करला हतला। 16 तींद्री सीपायडान सवारीन गिन्ती वीस कुरुड हतली; मे तींद्री गिन्ती सामळ्यु। 17 ने मेसेक चे घुल्ला ने घुल्ला पर बठी रवला देखाव पड्या, तींद्री छाती पर लुहडान झीलमया आकठान तसा रातला, नीलमणीन तसा नीळळा, ने गन्धकेने तसा पेळळा हतला, तीनु घुल्लान मुणका नाहेरन तसा हतला: ने तींद्रा मुंहडा सी आकठो, कुळु, ने गन्धक नीकळतेलो। 18 ईनु तीनु र्गटान; मतलब आकठो, कुळु, गन्धक सी, जो तींद्रा मुंहडा सी नीकळतेलो, माणसेन तीन हीस्सा मायन एक हीस्सु माराय गुया। 19 काहाकी तीनु घुल्लान ताकत तींद्रा मुंहडा, ने तींद्रा छेम्टा मां छे; काहाकी तींद्रा छेम्टा घडसान तसा हतला, ने तीनु छेम्टान मुणका बी हतला, ने तींद्रे सीत चे नुकसाण करे। 20 रवला माणसे जे तीनु हाडाम सी नी मर्या, आपसा हातेन कामे सी मन नी फेरव्या, काहाकी भुतडान आत्मान, ने सनो, चांदी, पीतळ, दाडु, ने धुधान मुरतीन पुजा नी करे, जे नी देखे, नी सामळे, ने नी चाल सके। 21 ने जे खून, ने जादु टुणा, ने छीनाळो, ने चुरी, चे करला हतला, तींद्रे सी मन नी फेरव्या।

10 तत्प्यार मे एक अळी ताकत भर्यु सरग वाळा काहवाळ्याक वादळा सी छावायलु सरग सी उतेरतेलो देख्यु; ने तेरा मुणका पर धंदलीन तसों बम हतलु, ने तेरो मुंहडो दाहडान तसों ने तेरा पांय आकठान खाम्बान तसा हतला; 2 ने तेरा हात मां एक नानली सी खुल्ली किताप हतली। हयु

आपसु जेवड्यु पांय दरीया पर, ने डाखर्यु धरती पर मेक्यु; 3 ने असला मटा अवाज मां आयड्यु, जसु नाहर डकारे; ने जतयार ह्यु आयड्यु ती डकारनेन सात अवाज सामळाय। 4 जतयार सातु गाजणेन अवाज सामळी लेदला, ती मे लिखणेत वाळु हतलु, ने मेसे सरग सी असी अवाज सामळाय, “जी वात गाजणेन तीनु सात अवाज सी सामळ्यु, तीनुक ढाकी राख, ने मां लिखे।” 5 तीना सरग वाळा काहवाळ्या काजे मे दरीया ने धरती पर उबु रवलु देख्यु; ह्यु आपसु जेवड्यु हात सरग भीणी हाकल्यु 6 ने तेरी सगुन खायन जु जलम जीवलु छे, ने जु सरग काजे ने जो काय तेरेमां छे, ने धरती काजे ने जो काय तेरे पर छे, ने दरीया काजे ने जो काय तेरेमां छे, घडायलो छे तेरीत सगुन खायन कह्यु की “हय अळी वार नी लागसे।” (aiōn g165) 7 बाकुन सातवों सरग वाळा काहवाळ्या काजे अवाज देणेन दाहडा मां, जतयार ह्यु फेप्यो फुकणे पर रवसे, ती भगवानेन चो सातायलो पुरो हय जासे, तेरो खुस-खबर ह्यु आपसा सेवक अघली वात बताइने वाळाक देदलु। 8 ततयार अवाज करने वाळाक मे सरग सी बुलतेला सामळ्यु, ह्यु अळी मारे साते वात करने लाग्यु, “जां, जु सरग वाळु काहवाळ्यु दरीया ने धरती पर उबलु छे, तेरा हाते मायन खुल्लू किताप ली ले।” 9 ने मे सरग वाळा काहवाळ्या थडे जायन कह्यु, “जी नानली किताप मेसे आप।” ने चु मेसेक कह्यु, “ले, ईनीक खाय ले। जी तारो पेट कडवो ते करसे, बाकुन तारा मुंहडा मां मुहाळेन तसों गुळो लागसे।” 10 तेरेमां मे ची नानली किताप तीना सरग वाळा काहवाळ्यान हाते सी लीन खाय गुयु। ची मारे मुंहडा मां मुहाळेन तसों गुळो ते लाग्यो, बाकुन जतयार मे तीनाक खाय गुयु, ती मारो पेट कडवो हय गुयो। 11 ततयार मारे सी असो कहयो, “तुसे बेसका माणसे, जाती, बुली, ने राजान बारामां अळी अगली हवणे वाळी वात बताइनु पडसे।”

11 ततयार मेसेक मापणे करीन एक सुटी देदु, ने काहनुक कह्यु, “उठ, भगवानेन मंदीर ने चडावान जागु, ने तींद्रेम भक्ती करने वाळाक नाप ले। 2 बाकुन मंदीरेन बाहरलो आंगणो छुड दे; तीनाक मां नापे काहाकी चे दीसरी जाती काजे देदलो छे, ने चे चुखला सहर काजे बय्यालीस महना लग रंदळसे। 3 ने मे मारा दुय गवा काजे जु हक दीस की गंटाट्या पांगरला एक हजार दुय सोव सांठ दाहडा लग भगवानेन खबर फेलाया करे।” 4 जे चेत जेतुनेन दुय झाडका ने दुय दिवा छे, जे धरतीन मालीक अगळ उबा रहे। 5 ने कदी काहनुक तीनुक नुकसाण करने चाहसे, ती तींद्रे मुंहडा सी आकठो नीकळीन तींद्रा वेरी काजे नास करे, ने कदी काहनुक तीनुक नुकसाण करनु चाहसे, ती छाचली ईनीत रीती सी माराय जासे। 6 तीनुक हक छे, की सरग काजे बंद करे, काहाकी तीनुक भगवानेन खबर फेलावणेन दाहडाम पाणी नी पडे, ने तीनुक आखा पाणी पर बी हक छे, की तीना पाणीक लुही बणावे, ने जतयार चाहे ततयार धरती पर आखी भातीन गरा लावे। 7 जतयार चे आपसी गवाय दी

देसे, ती चु जनवार्या जु उंडला कुंड मां सी नीकळसे, तींद्रे सी लडीन तीनुक जीतसे ने तीनुक मार नाखसे। (Abysos g12) 8 ने तींद्रा थड तीना मटला सहरने गळ्या मां पडला रवसे, जु आत्मान रीती सी सदोम ने मीसर कहवाये, जां तींदरु मालीक बी कुरुस पर चडावलु हतलु। 9 ने आखा माणसे, कुळी, बुली, ने जाती मां सी माणसे तींद्रा थड काजे साडी तीन दाहडा लग देखता रवसे, ने तींद्रा थड काजे गाडनी नी देसे। 10 ने धरती मां रहणे वाळा तींद्रे मरने सी खुस हवसे, ने एक दीसरा काजे नेवता मकलसे, काहाकी जे दुय अघली वात बताइने वाळा धरती मां रहणे वाळा काजे दमला छे। 11 बाकुन साडी तीन दाहडान पछेन भगवान सी आवलु जीवनेन दम तेरेमां आय गुयु; ने चे आपसा पायेन भुरसे उबा हय गुया, ने तीनु देखणेवाळा पर मटलो बीहाणो भराय गुयो। 12 ने तीनुक सरग सी एक मटली अवाज सामळाय, “जां उपर आवु!” असो सामळतात चे वादळा पर सवार हयन आपसान वेरी काजे देखता-देखता सरग पर चहडी गुया। 13 ने तीनीत घडी धरती बेसकी हालने लागी, ने सहरने दस हीस्सा मायन एक हीस्सु उदरी गुयु; ने धरती हालने सी सात हजार माणसे मर गुया ने रवला सीयारी ली लेदा, ने सरगेन भगवानेन सेक-सींगार कर्या। 14 सामळु दीसरी गरा वीत गुय; ततयार, तीसरी गरा मामारुत आवणेवाळी छे। 15 जतयार सातवु सरग वाळु काहवाळ्यु फेप्यो फुक्यु, ती सरग मां हेरे बारामां जुर-जुर आयडीन अवाज मां कहणे लाग्या, “दुनीयान राज हामरा मालीकेन ने तेरा मसीन हय गुयो ने ह्यु जलम राज करसे।” (aiōn g165) 16 ने वीस ने चार मुख्या डाहला जे भगवान अगळ आपसा-आपसा राजगादी पर बठला हतला, मुंहडान भुरसे पडीन भगवान काजे आंधीन, 17 असा कहणे लाग्या, “ए आखाम सी ताकतवाळा मालीक भगवान, जु छे ने जु हतलु, हामु बेसकु वारु छे करीन कवजे की, तु आपसान मटली ताकत काजे काम मां लावीन राज करलु छे। 18 नी-यहुदी रीस कर्या, ने तेरी रीस आय पड्यु ने पली टेम आय गुयली छे, की मरला सरलान नीयाव हवे, ने तारु सेवक भगवानेन अघली वात बताइने वाळा, ने चुखला माणसे काजे, ने तीनु नानला मटान जे तारा नाव सी बीहे, बदलु देसे। ने धरतीन बीगाइने वाळा नास हवसे!” 19 ने भगवानेन जु मंदीर सरग मां छे, उघाडी देदा, ने मंदीर मां भगवानेन बुलेन पेटी देखाय, वीजळ्या, अवाज, गाजण ने धरती हाली, ने बेसकु पाणी पड्यु।

12 ततयार सरग पर एक मटली सहलाणी देखाय देदी, मतलब एक बायर ची दाहडु पेहरली हतली, ने चांद तेरे पांय तळे हतलु, ने तेरे मुणका पर बारे तारान मुड हतलु; 2 ने ची भार पाये हय, ने आयडुतेली; काहाकी तेरे फवरी हवणेन दुख लागलु हतलु; ने ची फवरी हवणेन दुख मां हतली। 3 एक अळी सहलाणी सरग मां देखाय देदी, एक मटलु रातलु अजगर हतलु, तेरा सात मुणका ने दस सींगडा हतला, ने तेरा मुणका पर सात

राज मुड़ हतलु। 4 ने तेरी छेम्टी सरग सी तारान तीन हीस्सा काजे खेचीन धरती पर नाख देदु, ने चु अजगर तीनी बायरीन अगळ पुरयो हतलो, चां हबु हतलु, काहाकी जत्तार तेरो पुरयो हवे ती तेरा पुर्या काजे घीटी जाय। 5 ने ची पुर्याक पयदा करी जो लुहड़ान राजेन हक वाटे हयो, आखा जाती पर राज करनेत पर हतलु, ने तेरो पुर्यो भगवान धड़े, ने तेरा राजगादी धड़े हाकलीन मकली देदो। 6 ने ची बायर पला जंगल मां ढासी गुई, जांहा भगवान भीणी सी तेरे वाटे एक जागु तीयार करलु हतलु की चां हयु एक हजार दुय सोव सांठ दाहड़ा लग पाळे। 7 तत्तार सरग पर लड़ाय हय, मीकायेल ने तेरे सरग वाळा काहवाळ्या अजगर सी लड़ाय करने नीकळ्या; ने अजगर ने तेरा काहवाळ्या तेरे सी लड़ाया, 8 बाकुन जीतायो नी, ने सरग मां तींद्रे वाटे अळी जागु नी रयु। 9 ने चु मटलु अजगर मतलब हयुत पुराणु घड़सु, जु भुतडु कहवाये, ने आखा दुनीया काजे भटकाड़ने वालु छे, धरती पर नाख देदा; ने तेरा सरग वाळा काहवाळ्या तेरे पुठ्येत उराटी देदा। 10 तत्तार मे सरग सी असी अवाज आवतेली सामळ्यु, हय हामरा भगवानेन छुटकारु, ताकत, राज, ने तेरा मसीन हक उजेंतु हवलु छे; काहाकी हामरा भायस्ये पर गुनु लागाड़न्यु, जु रात दाहड़ु आपणा भगवान अगळ तीनु पर गुनु लागाड़्या करतेलु, उराटी देदा। 11 ने चे गाडरान पीलान लुहीन वजे, ने तींद्री गवायन बुलेन वजे, तीना सी जीत्या, काहाकी चे आपसा जीव सी परमवाळु नी समज्या, जां लग की मरण बी सेण कर लेदा। 12 “ईना वजे, ए आखा सरग, ने तींद्रेम रहणे वाळा खुस हवु; ए धरती, ने दरीया, तुंद्रे पर हाय! काहाकी भुतडु बेसकी रीसेन साते तुंद्रे धड़े उतरी आयु; काहाकी जाणे की तेरु थुडीक टेम अळी रवली छे।” 13 जत्तार अजगर देख्यु, की मेसेक धरती पर उराटी देदा, ती तीनी बायर काजे जी पुर्याक पयदा करली, तीनीक दम्यु। 14 बाकुन तीनी बायर काजे घुवड़ान दुय पाखड़ा देदला छे, की घड़सा अगळ सी उडीन जंगल मां पला जागा पर जाती रहे, जांहा ची एक टेम, ने बेसका टेमे, ने आधी टेम लग पाळाय जाय। 15 ने घड़सु तीनी बायरी पछळ आपसा मुंहडा सी नदी तसों पाणी उहुवाड्यु की तीनीक ईनी नदी सी उहाड़ी दम। 16 बाकुन धरती तीनी बायरीन मदत करी, ने आपसीन मुंहडो फाड़िन तीनी नदी काजे जु अजगर आपसे मुंहडे सी उहाड़लु, पी गुय। 17 तत्तार अजगर काजे बायरी पर रीस आय, ने तेरी बचली अवल्यात सी जे भगवानेन हुकुम काजे माने, ने ईसुन गवाय देणे करीन काठा छे, लड़ाय करने करीन गुय।

13 ने चु दरीयान रेतळा पर जायन हबु हय गुयु। मे एक जनवार्या काजे दरीया मां सी नीकळतेलो देख्यु, तेरा दस सींगड़ा ने सात मुणका हतला। तेरा सींगड़ा पर दस राज मुड़, ने तेरे मुणका पर भगवानेन नाव-बद्दीन नाव लिखला हतला। 2 तीना जनवार्या काजे मे देख्यु, चो चीतान तसों हतलो; ने तेरा पांय रीछड़ान तसा, ने मुंहडो नाहेन तसों हतलो।

ने चु अजगर आपसी ताकत, ने आपसी राजगादी, ने मटलु हक, तीनाक दी देदु। 3 मे तेरा मुणका मां सी एक पर असु घाव लागलु देख्यु, मानु चु मरनेत वाळु छे; तत्तार तेरु जीव लेणे वाळु घाव वारु हय गुयु, ने आखी धरतीन माणसे तीना जनवार्यान पछळ-पछळ घाबरायतात चाल्या। 4 चे अजगरेन पुजा कर्या, काहाकी हयु जनवार्या काजे आपसु हक दी देदलु, ने असा करीन जनवार्यान पुजा कर्या की, “ईना जनवार्यान तसु कुण छे? कुण हेरे सी लड़ सके?” 5 मटला बुल बुलने ने वाक नीकाळे करीन तीनाक एक मुंहडो आपलो छे, ने तीनाक चाळीस ने दुय महना लग काम करनेन हक आपलु छे। 6 ने चु भगवानेन बदनाम करने करीन मुंहडो खुल्यु, की तेरो नाव ने तेरु रहणेन जागु तम्बु मतलब सरगेन रहणे वाळान नाव-बद्दी करे। 7 तीनाक जु हक देदु, की चुखला माणसे सी लड़े, ने तींद्रे सी जीती जाय, ने तीनाक एक कुळ, माणसे, बुली, ने जाती पर हक देदलु छे। 8 धरतीन चे आखा रहणे वाळा तींद्रा नाव तीना गाडरान पीलान जीवनेन किताप मां लिखायो नी, जो कळी घड़ायेणेन टेमे सी मारायलो छे, तीना जनवार्यान पुजा करसुन। 9 तेरा कान्टा छे चे सामळे। 10 तीनाक जेल मां पड़नु छे, चु जेल मां पड़से, जु तलवार सी मारसे, छाचलीन छे की हयु तलवार सी मारायसे। चुखला माणसेन गम ने भुरसु एरे मां छे। 11 तत्तार मे एक अळी जनवार्या काजे धरती मां सी नीकळतेलो देख्यु, तेरा गाडरान पीलान तसा दुय सींगड़ा हतला; ने हयु अजगरेन तसु बुलतेलु। 12 जु तीना पेहला जनवार्यान आखा हक तेरे अगळ काम मां लावतेलु, ने धरती ने तेरा रहणे वाळा सी तीना पेहला जनवार्यान, तेरु जीव लेणे वाळु घाव वारु हय गुयलु, पुजा कराड़तेलु। 13 हयु मटा-मटा सहलाणी देखाड़तेलु, जां लग की माणसे अगळ सरग सी धरती पर आकठो पाड़तेलु। 14 तीनु सहलाणीन वजे सी जीनुक तीनु जनवार्यान अगळ देखाड़नेन हक तीनाक देदलु हतलु; हयु धरतीन रहणे वाळाक ईनी भाते भटकाड़तेलु, की धरतीन रहणे वाळा सी कवतेलु की तीना जनवार्याक तलवार लागली, हयु जीवी गुयु, तेरी मुरती बणावु। 15 ने तीनाक तीना जनवार्यान मुरती मां जीव नाखणेन हक देदलु हतलु, की जनवार्यान मुरती बुलने लागे; ने जतरा माणसे तीना जनवार्यान मुरतीन पुजा नी करे, तीनुक माराड़ नाखे। 16 ने हयु नानला-मटा, पयस्या वाळान-गरीब, छुटला-गुलाम आखान जेवड्ये हाते नीते तींद्रा नींडाळे पर एक-एक छाप लागाड़ देदु, 17 की तीनाक छुडीन तीना पर छाप मतलब तीना जनवार्यान नाव, नीते तेरा नावेन आकड़ु रवे, ने दीसरा कुय लेणु देणु नी कर सके। 18 अककल हेरेत मां छे; तेरी अककल छे, हयु ईना जनवार्यान आकड़ा जुड़ ले, काहाकी हयु माणसेन आकड़ु छे, ने तेरा आकड़ा छव सोव सांठ ने छव छे।

14 तत्तार मे देख्यु, ने देखु, हयो गाडरान पीलो सीयोन नावेन उंचा बयड़ा पर उबा हय रवला देख्यु, ने तेरे साते एक लाख चाळीस ने चार हजार माणसे छे, तींद्रा नींडाळे पर

तेरो ने तेरे बासेन नाव लिखलो छे। 2 ने सरग सी मेसेक एक अवाज सामळाय, चो पाणीन मटा सुसवणेन ने मटा गाजणेन तसों अवाज हतलो, ने जी अवाज मे सामळ्यु चो असो हतलो, मानु काहनाक झुणगा वाजाडनेवाळा झुणगा वाजाड र्या। 3 ने राजगादीन अगळ ने चारु जीव ने डाहला मुख्यान अगळ मानु, एक नवलो गीत गावतेला, ने तीनु एक लाख चाळीस ने चार हजार माणसेक छुडीन, जे धरती पर सी छुडावला हतला, कुय बी तीना गीत काजे सीक नी सकतेलो। 4 जे चे छे, जे बायरा साते वीटळ्या नी, बाकुन कुवारला छे; जे चेत छे, की जां कांखुर गाडरान पीलो जाय, चे तेरे पछळ हय ले; जे ते भगवान ने गाडरा वाटे पेहलो फळ हवणे करीन माणसे मां सी छुडावला छे। 5 ने तींद्रा मुंडा सी कदी झुट नी नीकळतेलो, चे नी-गुना वाळा छे। 6 तत्पार मे एक अळी सरग वाळा काहवाळ्या काजे सरगेन ईचमां उडतेलो देख्यु तीना धडे धरती पर रहणे वाळान हरेक जाती, कुळ, बुली, ने माणसेक सामळावणे करीन अमरेन खुस-खबर हतली। (aiōnios g166) 7 ने हयु मटा अवाज सी कह्यु, “भगवान सी बीहु, ने तेरु सेक-सींगार कर, काहाकी तेरु नीयाव करनेन टेम आय गुई; ने तेरी बडाय कर, जु सरग ने धरती ने दरीया ने पाणीन झीरे बणायु।” 8 तत्पार तेरे पछेन एक अळी दीसरु सरग वाळु काहवाळ्यु असु कवतु आयु, “हीट पड्यो, चु मटलु बाबेल हीट पड्यु जी आपसी छीनाळान पागलेन तसी दारु आखी जाती काजे पावाड्या।” 9 तेर पछळ एक अळी तीसरु सरग वाळु काहवाळ्यु मटी अवाज सी असु कवतु आयु, “जु काहनुक तीना जनवाय्यान ने जीनी मुरतीन पुजा करे, ने आपसे नींटाळे नीते आपसे हाते पर तेरी छाप लेय, 10 ती हयु भगवानेन रीसेन पीयाळु चो पाखुर पाणी मीलाडे, ने तेरा रीसेन दारु मां नाखली छे, पीसे ने चुखला सरग वाळा काहवाळ्या अगळ ने गाडरान पीला अगळ आकठो ने धपतेला गन्धकेन पीडां मां पडसे। 11 ने तींद्री पीडान कुळु जलम उठतु रवसे, ने जु तीना जनवाय्या ने तेरी मुरतीन पुजा करे, ने जे तेरे नावेन छाप लेय, तीनुक रात दाहडु चैन नी पडसे।” (aiōn g165) 12 चुखला माणसेन गम हेरेमां छे, जे भगवानेन हुकुम काजे माने, ने ईसु पर भुरसु राखे। 13 अळी मे सरग सी असु अवाज सामळ्यु, “लिख: मरने वाळा मालीक मां मरे, चे हय सी वारु छे।” आत्मा कहें, “हव, काहाकी चे आपसा मेहनत सी सांतीक हेरसे, ने तींद्रा काम तींद्रे साते हय लेय।” 14 मे नींगा कर्यु, ने देखु, एक धवेळी वादळो छे, ने तीना वादळा पर माणसेन पुर्यान तसु काहनुक बठलु छे, ने तेरे मुणका पर सनान मुड ने हाते मां पांजावळु दातळु छे। 15 तत्पार एक अळी सरग वाळु काहवाळ्यु मंदीर मां सी नीकळीन, तीनाक जु वादळा पर बठलु हतलु, जु र सी आयडीन कह्यु, “तारु दातळु लीन काटणी चालु कर, काहाकी काटणीन टेम आय गुई, ने धरतीन फसल पाकी गुई।” 16 तेरेमां जु वादळा पर बठलु हतलु, चु धरती पर तेरु दातळु फेरव्यु, ने धरतीन काटणी चालु कर्यु। 17 तत्पार एक

अळी सरग वाळु काहवाळ्यु तीना मंदीर मां सी नीकळ्यु, जु सरग मां छे, ने तेरे धडे बी पांजावळु दातळु हतलु। 18 तत्पार एक अळी सरग वाळु काहवाळ्यु, तीनाक आकठा पर हक हतलु, चडावान जागा मां सी नीकळ्यु, ने तेरे धडे पांजावळु दातळु हतलु, तीनाक उचा अवाज सी कह्यु, “तारु पांजावळु दातळु लागाडीन धरतीन अंगुरेन गुच्छा काट ले; काहाकी तेरा अंगुर पाक गुयला छे।” 19 तत्पार हयु सरग वाळु काहवाळ्यु धरती पर तेरु दातळु लागाड्यु, ने धरतीन अंगुरेन फळ काटीन, तेरा भगवानेन रीसेन मटला रसेनकुंडा मां नाख देदु। 20 ने गांवेन बाहर तीना रसेनकुंडा मां अंगुर रंदळाय गुया, ने रसेनकुंडा मां सी अतरो लुही नीकळ्यो की घुल्लान रासे लग पुग्यो, ने तीन सोव कीलु मीटर लग उही गुयो।

15 तत्पार मे सरग सी एक अळी मटलो ने तेरेन तसों सहलाणी देख्यु, मतलब सात सरग वाळा काहवाळ्या तींद्रे धडे सातु आकरी गरा हतली, काहाकी तीनी गरान हवणेन पछे भगवानेन रीस आकरी छे। 2 ने मे आकठाम भेसकायलो कांचेन तसों एक दरीया देख्यु, ने जे माणसे तीना जनवाय्या सी ने तीनी धुळान मुरती सी, ने तेरे नावेन आकडा सी जीतला, तीनुक तीना आरस्यान तसों दरीया धडे भगवानेन झुणगा काजे लीन हुबु रवळु देख्यु। 3 ने चे भगवानेन सेवक मुसान गीत, ने गाडरान पीलान गीत गाय गायन कवतेला, “ए आखाम सी ताकत भर्या, मालीक भगवान, तारा काम मटला ने तेरेन तसों दीसरो नी हय, ए जाती-जातीन राजा, तारी चाल वारलु ने संय छे।” 4 “ए मालीक, कुण तारे सी नी बीहसे? ने तारे नावेन सेक-सींगार नी करसे? काहाकी तु अतरुत चुखलु छे, ने आखी जाती आवीन तारे, अगळ आवीन बडाय करसे, काहाकी तारा नीयावेन काम उजेंतो हय गुयलो छे।” 5 हेरे पछे मे देख्यु, की सरग मां वायदान तम्बान मंदीर उचाड्या, 6 ने चे सातु सरग वाळा काहवाळ्या तींद्रे धडे सातु गरा हतली, चुखा उजळ्या ने चमकण्या पुथल्या पेहरला ने छाती पर सनान पट्टा बांदला मंदीर सी नीकळ्या। 7 तत्पार तीनु चारु जनवाय्या मां सी एक तीनु सात सरग वाळा काहवाळ्यान भगवानेन, जु जलम जीवतु छे, रीस सी भरला सात सनान कटवरा आप्यु। (aiōn g165) 8 ने भगवानेन सेक कुळा सी सींगार, ने तेरी ताकुतेन वजे सी मंदीर कुळा सी भराय गुयु, ने जत्पार लग तीनु सातु सरग वाळा काहवाळ्यान सातु गरा सरी नी, तत्पार लग काहनु बी मंदीर मां जाय नी सक्यो।

16 तत्पार मे मंदीर मां काहनाक काजे उचा अवाज सी तीनु सातु सरग वाळा काहवाळ्या सी असो कवता सामळ्यु, “जावु, भगवानेन रीसेन सातु कटवरा धरती पर अंधलाय देवु।” 2 तेरेमां पेहलु सरग वाळु काहवाळ्यु जायन आपसान कटवरु धरती पर अंधलाय देदु। ने तीनु माणसेन जीनु पर जनवाय्यान छाप हतली, ने जे तेरी मुरतीन पुजा करतेला, एक भातीन बुरो

ने दुख देण्यु फुडु नीकळ्यु। 3 दीसरु सरग वाळु काहवाळ्यु आपसान कटवरु दरीया पर अंधलाय देदु ने चो मरलान लुहीन तसों बण गुयो, ने दरीया मायन हरेक जीव मर गुया। 4 तीसरु सरग वाळु काहवाळ्यु आपसान कटवरु नदी, ने पाणीन झीर्या पर अंधलाय देदु, ने चे लुही बण गुया। 5 ने मे पाणीन सरग वाळा काहवाळ्या काजे असो कवते सामळ्यु, “ए चुखला, जु छे, ने जु हतलु, तु नीयाव करन्यु छे ने तु नीयाव कर्यु। 6 काहाकी चे चुखला माणसे, ने भगवानेन अधी सी आवणे वाळी वात बताइनयान लुही उहुवाइला, ने तु तीनुक लुही पायु, काहाकी चे हेरेत लायक छे।” 7 ने मे चड़ावान जागा सी असु अवाज सामळ्यु, “हव, ए आखाम सी ताकत भर्या मालीक भगवान, तारा नीयाव वारु ने संय छे।” 8 चोवथु सरग वाळु काहवाळ्यु आपसान कटवरु दाहडा पर अंधलाय देदु, ने तीनाक माणसे काजे आकठा सी झुलसणेन हक देदु। 9 माणुस मटली सेक सी झुलसी गुया, ने भगवानेन नावेन तीनाक ईनु गरा पर हक छे, नाव-बद्दी कर्या ने चे मन नी फेरव्या ने नी सेक-सींगार कर्या। 10 पांचवु सरग वाळु काहवाळ्यु आपसान कटवरु तीना जनवार्यान राजगादी पर अंधलाय देदु ने तेरा राज पर आंदारलो छावाय गुयो; ने माणसे पीडान मारे आपणी-आपणी जीप चावणे लाग्या, 11 ने आपसान पीडा ने फुडान वजे सरगेन भगवानेन नाव-बद्दी कर्यु; बाकुन आपसा-आपसा कामे सी मन नी फेरव्या। 12 छटवु सरग वाळु काहवाळ्यु आपसा कटवरु मटली नदी फरात पर अंधलाय देदु ने तेरो पाणी सुक गुयो की उगण भीणीन रवण्या राजा वाटे वाट तीयार हय जाय। 13 ने मे तीना अजगरेन मुंहडा सी, ने तीना जनवार्यान मुंहडा सी ने तीना लुच्चा भगवानेन अधी सी आवणे वाळी वात बताइनयान मुंहडा सी तीन भुंडीत आत्मान डेडरान रुप मां नीकळतेलो देख्यु। 14 चे सहलाणी देखाइनेवाळी भुतडान आत्मा छे, जी आखी दुनीयान राजा धडे नीकळीन असी करीन जाय, की तीनुक आखाम सी ताकत भर्या भगवानेन तीना मटला दाहडे लड़ाय वाटे भेळु करे। 15 “देख, मे चुटदान तसु आवो; वारु हयु छे, जु जागतु रहे, ने आपसा पुथल्या वारु राखे की उघाडु नी फीरे, ने माणसे तीनाक उघाडलु नी देखे।” 16 ने चे राजा काजे तीना जागा पर भेळु कर्यु, जो ईब्रानी बुली मां हर-मगीदोन कहवाये। 17 ने सांतवु सरग वाळु काहवाळ्यु आपसान कटवरु हवा पर अंधलाय देदु, मंदीरेन राजगादी सी असो अवाज हयो, “हयत गुयलो छे।” 18 तत्पार वीजळ्या, ने अवाज, ने गाजणो हयो, ने बेसकी धरती हाली, की जत्पार सी माणुस धरती पर घडायो, तत्पार सी असी धरती हालनेन कदी नी हवलो। 19 तेरेसी तीनु मटला सहरेन तीन टुकडा हय गुया, ने जाती-जातीन सहर उदरी पड्या, ने मटला बाबेलेन हेर भगवान काजे हय, की हयु आपसा रीसेन जुरेन दारु तीनाक पावे। 20 ने हर एक काळापाणीन टापा आपसा जागा सी टळ गुया, ने मटला बयडा काजे पतु नी लाग्यु। 21 ने सरग सी माणसे पर

बेसका मटा गारे पड्या, ने काहाकी जी गरा बेसकी भारी हतली, माणसे गारेन वजे सी भगवानेन नाव-बद्दी कर्या।

17 जीनु सातु सरग वाळा काहवाळ्या धडे चे सात कटवरा हतला, तींदरे मां सी एक आवीन मारे सी असो कह्यु, “उरु आव, मे तुसेक तीनी मटली नाव-बद्दी हवली छीनाळो करने वाळीन डंड देखाडो, ची बेसका पाणी मां बसी रय। 2 तेरे साते धरतीन बेसका राजा छीनाळो कर्या, ने धरतीन रहणे वाळा छीनाळो करने सी दारुन नस्या वाळा हय गुयला।” 3 तत्पार हयु मेसेक चुखली-आत्मा मां जंगल भीणी ली गुयु, ने मे रातला रंगेन जनवार्या पर चो नाव-बद्दीन नाव सी भरलो हतलो ने तेरा सात मुणका ने दस सींगडा हतला, एक बायर काजे बठी रवली देख्यु। 4 जी बायर जामण्या, ने रातला रंगेन पुथल्या पेहरली हतली, ने सनो ने महंग्ला दाडान ने मत्तीन गळसुन पेहरली हतली, ने तेरा हाते मां एक सनान कटवरु हतलु चु भुंडला कामेन चीजे सी ने तेरा छीनाळान भुंडला चीजे सी भरलो हतलो। 5 ने तेरे नींटाळे पर असो नाव लिखलो हतलो, “सातायली वात मटला बाबेल धरतीन छीनाळो करने वाळी ने भुंडला चीजेन माय।” 6 ने मे तीनी बायर काजे चुखला माणसेन लुही ने ईसुन गवान लुही पीणे सी छकली देख्यु। ने तीनीक देखीन मे घाबराय गुयु। 7 चु सरग वाळु काहवाळ्यु मारे सी कह्यु, “तु काहा घाबराय गुयु?” मे ईनी बायर, ने तीना जनवार्याक, तीना पर ची सवार छे, ने तेरा सात मुणका ने दस सींगडा छे, तुसेक सातायली वात बताडो। 8 तीना जनवार्या काजे तु देख्यु, जु पेहेले ते हतलु, बाकुन हय नी हय, ने उंडला कुंडाम सी नीकळीन नास मां पडसे, ने धरतीन रहणे वाळा तींदरा नाव कळीन घडायणेन टेमे सी जीवनेन किताप मां लिखायलो नी हय, ईना जनवार्यान हाल देखीन की पेहेले हतलु, ने हय नी हय; ने अळी पळु आय जासे, घाबराय जासे। (Abyssos g12) 9 “हीनी वातेन मतलब समजणे करीन वारु अक्कल चाहजे। ने तेरे धडे अक्कल छे, जाणी लेणु चाहजे रंडी बायर ते बाबुलेन साहरे सहलाणी छे। जे सात मुणका तीनु सहरेन सात बयडान सहलाणी छे, तींदरे पर जी रंडी बस रय। ने सात मुणका, सात राजान बी सहलाणी छे।” 10 ने चे सात राजा बी छे, पांच ते हयत गुया, ने एक हय छे; ने एक हय लग आयु नी, ने जत्पार आवसे ती ईतरीक टेम लग तेरो रुकणु बी जरुडी छे। 11 जु जनवार्या पेहेल हतलु, ने हय नी हय, चु आपसु आठवु छे; ने तीनु सात मां सी एक छे, ने चु नास मां पडसे। 12 जे दस सींगडा तु देख्यु चे दस राजा छे; जीनुक हय लग राज नी जडयो; बाकुन तीना जनवार्या साते घडी भर वाटे राजान तसा हक जडसे। 13 जे आखा एक मन्या हवसे, ने चे आपसा-आपसा ताकत ने हक तीना जनवार्या काजे देसे। 14 जे गाडरा सी लड़ायसे, ने तीनु सी जीत जडसे; काहाकी चु मालीकेन मालीक, ने राजान राजु छे, ने जे बुलावला, नेवाइला ने भुरसा वाळा छे, तेरे साते छे, तीनुक बी जीत जडसे। 15

तत्पार हयु मारे सी कहयु, ज पाणी तु देखे, तीना पर छीनाळो करने वाळी बठली छे, चे माणसे, टुळ, जाती, ने बुली छे। 16 ने ज दस सींगडा तु देखे, चे ने जनवार्या तीनी छीनाळो करने वाळी सी नफरत करसे, ने तीनीक तेरो कुय नी ने नांगरली कर देसे; ने तेरो मास खाय जासे, ने तीनीक आकठा मां धपाड देसे। 17 काहाकी भगवान तींद्रे मन मां असो नाखसे की चे तींद्री मनेन मरजी पुरी करे; ने जत्पार लग भगवानेन बुले पुरा नी हय जाय, तत्पार लग एक मन्या हयन आपणो-आपणो राज जनवार्या काजे दी देय। 18 “ने ची बायर, तीनीक तु देख्यु चो मटलो सहर छे, ज धरतीन बेसका राजा पर राज करे।”

18 हेरे पछेन एक सरग वाळा काहवाळ्या काजे सरग सी उतरतेलु देख्यु, तीनाक मटलु हक जडलु हतलु; ने धरती तेरा मटा सेक सी चमक उठी। 2 चु उंची अवाज सी आयडीन कह्यु, “हीट पड्यु, मटलु बाबेल हीट पड्यु। ने भुतडान आत्मान आसरु, ने हरेक भुंडीत आत्मान आसरु, ने हरेक भुंडी ने भुंडली चिरलीन आसरु हय गुयो। 3 काहाकी तेरा छीनाळान कामे सी अदुस दारुन वजे सी आखी जातीन हीट पडला छे, ने धरतीन बेसका राजा तेरे साते छीनाळान काम कर्या; ने धरतीन वेपारी तेरा वारु-वारु चीज करीन बेसकी जादा लालुचेन वजे सी पयस्या वाळा बननला छे।” 4 तत्पार मे सरग सी एक अळी अवाज सामळ्यु, ए मारा माणसे, हेरेम सी नीकळी आवु की तुहुं तेरा पापेन हीससा मां नी रवु, ने तेरी गरा मां सी काहनीक, तुंद्रे पर आय नी पडे; 5 काहाकी तेरा पापेन ढीक सरग लग फुगी गुयो, ने तेरा नी धरमेन काम भगवान काजे हेर आय गुयलो छे। 6 जसों चु तुहुंक देदलु छे, तसोत तीनाक देवु, ने तेरा कामेन अनसारे तीनाक दुय गुणा बदलु देवु, तीना कटवरा मां चु भरलु तीनात मां तेरे वाटे दुय गुणा भर देवु। 7 जतरी हयी आपसीन बडाय करी ने मन चाहे तसी करी; ततरी तीनीक पीडा, ने दुख देवु; काहाकी ची आपसे मन मां कहें, मे राणी बण गुई, रांडायली नी हय; ने दुख मां कदी नी पडो। 8 काहाकी एकुत दाहडा मां तीनी पर गरा आय पडसे, मतलब मुत, ने दुख, ने काळ; ने ची आकठा मां धपाडी देवाय जासे, काहाकी तेरु नीयाव करनुयु मालीक भगवान ताकतवाळु छे। 9 ने धरतीन राजा जे तेरे साते छीनाळो, ने मनेन मरजी कर्या, जत्पार तेरो धपणेन कुळु देखसे, ती तेरे वाटे रडसे, ने छाती ठुकसे। 10 ने तेरी पीडान बीयहाणान मारे चे बेसके नांबेत हुबा हयन कवसे, “ए मटला सहर, बाबेल! ए काठला सहर, हाय! हाय! ईतरीत वार मां तुसेक डंड जड गुयो।” 11 ने धरतीन वेपारी तेरे वाटे रडसे ने दुखी हवसे, काहाकी हय कुय बी तींद्रा माल मुल नी लेसे 12 मतलब सनो, चांदी, महंगला दगडा, मुत्या, चमकण्यो सणेन जामण्या पुथल्या, रेसम्या, रातला रंगेन पुथल्या, आखा भातेन वारला गंदायण्या लाकडा, महंगला लाकडा, पीतळ, लुहडान ने घडी घडीन बणावला आखा भाती-भातेन ठाहरा, 13 ने मसालान पुपडा ने गंदायण्या मसाला,

गंदायण्या धुप, ईत्तर, लुभान, दारु, तेल, मयदु, गहुं, गावडी-बेल, गाडरा-बुकडा, घुल्ला, घुडागाड्या, ने पावर्या, ने माणसेन जीवे। 14 हय तारे मन काजे भावणे वाळा फळ तारे धडे सी छेता हवता जाय; ने सवादली ने झोळ-झोळ करनी चीज तारे सी छेटी हवली छे, ने चे अळी कदी नी जडसे। 15 ईनु चीजेन वेपारी जे तेरेसी मातला बण गुयला, तेरी पीडान धाकेन मारे छेता हुबा हवसे, ने रडता ने दुखी हवीन कवसे, 16 “हाय! हाय! ज मटलो सहर जु चमकण्यो सणेन पुथल्या, जामण्या ने रातला रंगेन पुथल्या पेहरलु हतलु, ने सनो, महंगला दगडा, ने मुत्या सी सींगेरलु हतलु; 17 घडीत भर मां तेरो असो भारी धन नास हय गुयो।” ने हरेक मटला-मटला ढंड्या चालाडन्या ने मुख्या, ने ढंड्याम बठीन फीरन्या, ने जतरा दरीया मां काम करीन कमाये, आखा छेते हुबा हय र्या, 18 ने तेरे धपणेन कुळु देखीन आयडीन कवसे, काहो सहर ईना मटला सहेरेन तसों छे! 19 ने आपणा-आपणा मुणका पर धुळु नाखसे, ने रडता जायन ने दुखी हवता जायन, “आयडी आयडीन कवसे, हाय! हाय! ज मटलो सहर जेरा माल धन सी दरीयान आखा मटला ढंड्या वाळा मातला बण गुयला, घडी भर मां उजडी गुयो।” 20 ए सरग, ने ए चुखला माणसे, ने नेवताळा, ने भगवानेन अधी सी आवणे वाळी वात बताडने वाळा, तीनु पर खुसी करु, काहाकी भगवान नीयाव करीन तींद्रे सी पलटु लेदलु छे। 21 तत्पार एक ताकतवाळु सरग वाळु काहवाळ्यु, मटली चकूचीन पाटेन तसलु दगडु हाकल्यु, ने असु कयन दरीया मां उराट देवु, “मटला सहर बाबेल असुत मटला ताकत सी हीटी पाडसे, ने अळी कदी तेरो पतु नी जडसे। 22 झुणगा वाजाडने वाळा, गावण्या, पावळी वाजाडनेवाळा, ने फेप्यो फुकणेवाळान अवाज अळी कदी तुसे सामळाय नी देसे, ने काहनाक धंदान काहनु कारीगर बी कदी तारेम नी जडसे; ने घट्टीन चालनेन अवाज अळी कदी तारेम सामळाय नी देसे; 23 ने दिवान वीजाळो अळी कदी तारेम नी चमकसे ने दुल्लान ने लाडीन अवाज अळी कदी तारेम सामळाय नी देसे; काहाकी तारा वेपारी धरतीन मुख्या हतला, ने तारा जादु टुणा सी आखा जाती भटकी गुयला।” 24 ने भगवानेन अधी सी आवणे वाळी वात बताडन्या ने चुखला माणसे, ने धरती पर आखा मरलान लुही तेरेमां जड्यो।

19 तेरे पछेन सरग सी मटली गडडी काजे उची अवाज सी असो कवतो सामळ्यु, “भगवानेन बडाय हवे! छुटकारु, ने सेक-सींगार, ने ताकत हामरा भगवानेत ने छे। 2 काहाकी तेरा नीयाव संय ने वारु छे, तेरेमां की हयु तीनी मटली रंडीन जी आपसा छीनाळा सी धरती काजे भुंडी कर देदली, नीयाव कर्यु, ने तीनी सी आपसा पावर्यान लुहीन पलटु लेदलु छे।” 3 अळी दीसरी कावा चे कह्या, “बडाय! तेरे धपणेन कुळु जलम जातु रवसे।” (aiōn g165) 4 ने वीस ने चारु डाहला मुख्या ने चारु जीव जनवार्या पडीन भगवानेन बडाय कर्या; जु राजगादी पर बठलु हतलु, ने कह्यु, “आमीन! हाल्लेलुया!” 5 ने राजगादी

मां सी एक बुल सामळाय, “ए आपणा भगवान सी आखा बीहणेवाळा पावऱ्या, काय नानला, काय मटला; तुहं आखा तेरी बडाय करु।” 6 तत्तयार मे मटला टुळान तसी ने बेसको पाणीन जसी अवाज, ने गाजणेन जसों मटलो अवाज सामळ्यु “बडाय करु! तेरेमां की मालीक आपणु भगवान, आखाम सी ताकत भर्यु राज करे। 7 आवु, हामु धव हय्न खुस हवजे, ने तेरी बडाय करजे, काहाकी गाडरान ईयाव आय गुयलु छे, ने तेरी लाडी आपसा काजे तीयार कर लेदली छे। 8 तीनीक चुखलो ने चमकण्यो सणेन पुथल्यो पेहरने करीन हक आप्यु।” काहाकी तीनु खास पुथल्यान मतलब चुखला माणसेन धरमेन काम छे। 9 तत्तयार सरग वाळु काहवाळ्यु मारे सी कह्यु, “की वारु चे छे, जे गाडरान ईयावेन पंगत मां बुलावला छे।” अळी हयु मारे सी कह्यु, “जे बुले भगवानेन छाचला बुले छे।” 10 तत्तयार मे तीनाक आंधणे करीन तेरे पाये पर पड्यु। हयु मारे सी कह्यु, “असु मां करे, तारु ने तारा भायस्येन सगु पावऱ्यु छे, जे ईसुन गवाय देणे मां काठा छे। भगवान काजे आंध।” काहाकी ईसुन गवाय भगवानेन अधी सी आवणे वाळी वात देखाइनेन आत्मा छे। 11 तत्तयार मे सरग काजे खुली रवलो देख्यु, ने देखो की एक धवळु घुललु छे; ने तीना पर एक सवारी छे, जु भुरसा वाळा, ने छाचलु कहवाये; ने चु धरमेन साते नीयाव ने लडाय करे। 12 तेरा डुळा आकठान आंच छे, ने तेरे मुणका पर बेसका राज मुडे छे। ने तेरो एक नाव तीना पर लिखलो छे, ज तीनाक छुडीन अळी कुय नी जाणे। 13 चु लुही मां डुबाइला पुथल्या पेहरलु छे, ने तेरो नाव भगवानेन बुल छे। 14 ने सरगेन सीपायडा धवळा घुल्ला पर बठी रवला ने चुखला ने धवळा चमकण्यो सणेन पुथल्यो पेहेरीन तेरे पळळ-पळळ आवणे बाजी र्या। 15 जाती-जाती काजे मारने करीन तेरे मुंहडा सी एक पाजावली तलवार नीकळे, ने लुहडान डेंगु लीन तीनु पर राज करसे ने हयु आखाम सी ताकत सी भरलु भगवानेन रीस सी कुंड मां अंगुरेन रस रंदळसे। 16 ने तेरा पुथल्या ने सातळ्या पर असो नाव लिखलो छे: “राजान राजा ने मालक्यान मालीक।” 17 ने मे एक सरग वाळा काहवाळ्या काजे दाहडा पर हुबु हय रवलु देख्यु, ने हयु मटली अवाज सी आयडीन उपर सरग मां सी उडणेवाळा आखा चिरला सी कह्यु, “आवु, भगवानेन मटली पंगत वाटे भेळा हय जावु, 18 तेरेसी तुहं राजान मास, ने सीपायडान मुख्यान मास, ने ताकतवाळान माणसेन मास, ने घुल्लान ने घुल्ला पर बठण्या माणसेन मास, ने काय छुटला, काय बांदायला, काय पावऱ्या, काय नानला, काय मटला, आखा माणसेन मास खाणे आवु।” 19 तत्तयार मे तीना पेहला जनवाऱ्या काजे ने धरतीन राजा काजे देख्यु। ने तींदरे पुट्ये तींदरा सीपायडान मेळा बी हतला चे आखा, धवळळा घुल्ला पर बठी रवलु, तीना भगवानेन पावऱ्या साते, ने तेरा सीपायडान मेळा साते लडाय करने भेळा हय रवला। 20 ने हयु जनवाऱ्या ने तेरे भेळु चु लुच्यु अधी सी आवणे वाळी वात बताइनुयु धराय गुयु, जु तेरे अगळ असा

सहलाणी देखाइला, तीनु सी हयु तीनुक भटकाइयु, जीनु पर तीना जनवाऱ्यान छाप हतली, ने जे तेरे मुरतीन पुजा करतेला। जे दुयु जीवता जीवतात तीना आकठान कुंडा मां, जो गंधक सी जलम धपे, चां नाख्या। (Limnē Pyr g3041 g4442) 21 ने रवला माणसे तीना घुल्लान सवारीक तलवार सी, जी तेरे मुंहडा सी नीकळतेली, मार नाख्या; ने आखा चिरला तींदरा मास सी आफरी गुया।

20 ने मे एक सरग वाळा काहवाळ्याक सरग सी उतेतेलो देख्यु; तेरे हाते मां उंडला कुंडेन कुची, ने एक मटली साकळ हतली। (Abysso g12) 2 ने हयु तीना अजगर, मतलब पुराणु घडसाक, जु भुतडु छे; धरीन हजार साल लग बांद देदा, 3 ने तीनाक उंडला कुंड मां नाखीन बंद कर देदा ने तीना पर सील लागाइ देदा, की हयु हजार साल पुरा हवता लग जाती-जातीन माणसेक अळी नी भटकाडे। तेरे पछेन जरुडी छे की थुडीक वार वाटे अळी छुडाय जासे। (Abysso g12) 4 तत्तयार मे राजगाद्या देख्यु, ने तीनु पर माणसे बठ गुया, ने तीनुक नीयाव करनेन हक देदु। ने तींदरी आत्मा काजे बी देख्यु, तींदरा मुणका ईसुन गवाय देणे ने भगवानेन बुलेन परचार करने वजे सी काटायला, ने जे नी हीना जनवाऱ्यान, ने नी हेरी मुरतीन पुजा करला, ने नी हेरी छाप आपणा मुणका ने हात पर लेदला चे जीवता हय्न मसी साते हजार साल लग राज करता रवे। 5 जत्तयार लग चे हजार साल पुरा नी हवे तत्तयार लग बाकी मरला नी जीव हवे। ज ते पेहलो मर्या-सर्याम सी जीवता हवणेन छे। 6 वारु ने चुखलु हयु छे, जु ईना पेहला मर्या-सर्याम सी जीवता हवणे मां साजलया छे, असला पर दीसरी मुतेन काय बी हक नी हय, बाकुन चे भगवान ने मसीन पुजारा बणसे, ने तेरे साते हजार साल लग राज करसे। 7 जत्तयार हजार साल पुरा हय गुया ती भुतडु काजे जेल सी छुडी देसे। 8 ने चु तीनु जाती काजे जे धरतीन चारु भीणी रवसे, मतलब गोग ने मागोन काजे तींदरी गिनती दरीयान रतेन बराबर हवसे, भटकाडीन लडाय वाटे भेळा करने करीन नीकळसे। 9 ने चे आखी धरती पर जासे ने चुखला माणसेन तमबु ने वारलु परमवाळा सहर काजे घेरवी लेसे ने आकठो सरग सी उतरीन तीनुक उजाड़ देसे। 10 तींदरु भटकाइने वाळु भुतडु आकठो ने गंधकेन तीना कुंडा मां, तेरेमां चो जनवाऱ्या ने लुच्यु अधी सी आवणे वाळी वात बताइनुयु बी रवसे, चां नाख देसे; ने चे रात दाहडु जलम पीडा मां तडपता रवसे। (aiōn g165, Limnē Pyr g3041 g4442) 11 तत्तयार मे एक मटली धवळी राजगादी ने तीनाक जु तीना पर बठलु हतलु, देखु, तेरे अगळ सी धरती ने सरग ढासी गुई, ने तींदरे वाटे जागु नी जड्यु। 12 ने मे नानला मटला आखा मरला काजे राजगादीन अगळ हुबा देख्यु, ने किताप खुळ्यु, ने तत्तयार एक अळी किताप खुळ्यु, मतलब जीवनेन किताप, ने जसों तीनु किताप मां लिखलो हतलो, तींदरा कामेन अनसारे मरलान नीयाव हयो। 13 ने दरीया तीनु मरलाक जे तेरेमां हतला

आपी देदी, ने मरण ने पाताळ बी, जे तरेमां हतला; ने तरेमां सी हरेकेन कामेन अनसारे तींदरु नीयाव हयो। (Hadēs g86) 14 ने मरण ने पाताळ बी आकठान कुंडा मां नाख देदा। जी आकठान कुंडो ते दीसरी मरण छे। (Hadēs g86, Limnē Pyr g3041 g4442) 15 ने काहनाक ने नाव जीवनेन किताप मां लिखलो नी जड्यो, तीनाक आकठान कुंडा मां नाख देदा। (Limnē Pyr g3041 g4442)

21 तत्पार मे नवली सरग ने नवली धरती काजे देख्यु, काहाकी पेहली सरग ने पेहली धरती जाती रहतेली, ने दरीया बी नी रवी। 2 अळी मे चुखला सहर नवला यरुसलेम काजे सरग सी भगवानेन धडे सी उतरतेला देख्यु, ने ह्यु तीनी लाडीन तसी हतलु, जी आपसा अदमी वाटे सींगारु करली छे। 3 अळी मे राजगादी काहनाक मां सी काहनाक काजे उची अवाज सी असो कवता सामळ्यु, देखु, भगवानेन माणसेन ईचमां छे; ह्यु तींदरे साते डेरा करसे, ने चे तेरा माणसे बणसे, ने भगवान आपसु तींदरे साते रवसे; ने तींदरु भगवान रवसे। 4 ने ह्यु तींदरा डुळा सी आखा आसा नुछी देसे, ने तेरे पछेन मरण नी रवसे, ने नी दुख, नी आयडनु, नी पीडा रवसे; पेहली वाते जाती रय। 5 ने ज राजगादी पर बठलु हतलु, ह्यु कह्यु, “मे आखो काय नवलो कर दम।” अळी ह्यु कह्यु, “लिख ले, काहाकी चे बुले भुरसा वाळा ने छाचला छे।” 6 अळी ह्यु मारे सी कह्यु, “जी वाते पुरी ह्य गुयली छे। मे अल्फा ने ओमेगा, पेहलु ने आकरी छे। मे तीसला काजे जीवनेन पाणीन उंहता मां सी फुकट मां पावीस। 7 जु जीते, ह्युत तीनु चीजेन वारीस बणसे; ने तेरु भगवान रवीस, ने ह्यु मारु पुर्यु रवसे। 8 बाकुन नी कामका, नी भुरसा वाळा, रीस करन्या, ने हत्पारा, ने छीनाळा, ने बडवाय करन्या, मुरती पुजा करन्या, ने आखा लुच्यायन भागी हवण्या तीना कुंडेम जडसे, जाहां आकठो ने गंधक सी धपती रहे, जी दीसरी मरण छे।” (Limnē Pyr g3041 g4442)

9 तत्पार जीनु सात सरग वाळा काहवाळ्या धडे सात आकरी गरा सी भरला सात कटवरा हतला, तरेमां सी एक मारे धडे आयु, ने मारे साते वात करीन कह्यु, “उरु आव, मे तुसेक चे माणसे देखाडीस, जे गाडरा साते जलम रवसे, चे तेरे साते नवली लाडीन तसा छे।” 10 ने ह्यु मेसे आत्मा मां, एक मटला ने उचला बयडा पर ली गुयु, ने चुखला सहर यरुसलेम काजे सरग सी भगवान धडे उतेरता देखाड्यु। 11 चो सहर भगवानेन सेक-सींगार सी चमकतेलो; ने तेरो वीजाळो यसब नावेन महंगला दगडा तसों चुखोझण चमकतेलो। 12 ने तेरी दिवाल मटी उची हतली, ने तेरा बारे फाटक ने फाटके पर बारे सरग वाळा काहवाळ्या हतला; ने तीनु फाटके पर ईस्रायेलीन बारे कुळीन नाव लिखला हतला। 13 उगण फीरीन तीन फाटक, अखण भीणी फीरीन तीन फाटक, दखण फीरीन तीन फाटक, ने बुडण फीरीन तीन फाटक हतला। 14 ने सहरेन दिवालेन बारे नेहान दगडा हतला, ने तीनु पर गाडरान बारे नेवताळान बारे नाव लिखला हतला। 15 जु मारे साते वात करी रवलु, तेरे धडे

सहर ने तेरा फाटके ने तेरी दिवाल काजे नापणे करीन एक सनान फीट हतली। 16 हयो सहर चारखुट बननलो हतलो ने चो नाबो, चोवडो बराबर हतलो, ने ह्यु तीना फीट सी सहर काजे नाप्यु, ती साडे सात सोव कुसेन नीकळ्यो: चो नाबो, ने चवडो, ने उंचो बराबर हतलो। 17 ने ह्यु तेरी दिवाल काजे माणसेन, मतलब सरग वाळा काहवाळ्यान नाप सी नाप्यु, ती एक सोव चाळीस ने चार हात नीकळ्यो। 18 तेरी दिवाल यसबेन नावेन महंगला दगडान बननली हतली, ने सहर असो चुखला सनान हतलो, ज चुखला आरसयान तसों रवे। 19 तीना सहरेन नेहा हर भातेन जरुडी दगडा सी सवारली हतली, पेहलु नेहु यसबेन, दीसरी नीलमणीन, तीसरी लालडीन, चोवथी मरकतेन, 20 पांचवी गोमेदकेन, छटवी माणीक्येन, सातवी पीतमणीन, आठवी पेरोजेन, नववी पखराजेन, दसवी लहसनीयेन, ग्यारवी धुमरकानतेन, बारवो याकुतेन हतली। 21 ने बारे फाटक, बारे मुत्प्यान हतला; एक-एक फाटक, एक-एक मुतीन बननलो हतलो। ने सहरेन सयडक चुखला आरसयान तसों चुखो सनान हतलो। 22 मे तरेमां काहनु बी मंदीर नी देख्यु, काहाकी आखाम सी ताकत वाळु मालीक भगवान, ने गाडरो तेरो मंदीर छे। 23 ने तीना सहरेम दाहडु ने चांदेन वीजाळान जरुवत नी हय, काहाकी भगवानेन सेक सी तरेमां वीजाळो हय र्यो, ने गाडरो तेरो दिवु छे। 24 जाती-जातीन माणसे तेरा उजाळा मां चालसे फीरसे, ने धरतीन राजा आपणा-आपणा सेकेन समान तरेमां लावसे। 25 तेरा फाटक दीसु कदी बंद नी हवसे, ने रात चां नी हवसे। 26 ने माणसे जाती-जातीन सेक ने धनेन समान तरेमां लावसे। 27 ने तरेमां कुय बी वीटेळ्ळी चीज नीते सरमेन काम करने वाळा, नीते झुट सी थुकु देणेवाळा, काहनी रीती सी माहें नी भरायसे; बाकुन चे माणसे अतरात तींदरा नाव गाडरान जीवनेन किताप मां लिखला छे।

22 तत्पार ह्यु मारे बील्लोरेन तसी चमकतेली, जीवनेन पाणीन नदी देखाड्यु, जी भगवान ने गाडरान राजगादी सी नीकळीन, 2 तीना सहरेन सडकेन ईचमां उहतेली। नदीन ईनी धडे ने पली धडे जीवनेन झाडको हतलो; तरेमां बारे भातेन फळ लागतेला, ने चे हर महने फळतेला; ने तीना झाडकान पान्टा सी जाती-जातीन माणसे वारु हवतेला। 3 तत्पार सराप नी हवसे, ने भगवान ने गाडरान राजगादी तीना सहर मां रवसे, ने तेरा पावर्या तेरी चाकरी करसे। 4 चे तेरो मुंहडो देखसे, ने तेरो नाव तींदरा नींटाळा पर लिखलो रवसे। 5 ने रात नी पडसे, ने तीनुक दिवान ने दाहडान वीजाळान जरुवत नी पडसे, काहाकी मालीक भगवान तीनुक वीजाळो देसे, ने चे जलम राज करसे। (aiōn g165) 6 तत्पार ह्यु मारे सी कह्यु, “जी वाते भुरसा वाळा ने छाचली छे। ने मालीक, जु भगवानेन अधी सी आवणे वाळी वात बताडन्यान आत्मान भगवान छे, आपसा सरग वाळा काहवाळ्या काजे असु करीन मकेल्लु की आपसा पावर्या काजे जी वाते, तीनुक मामार पुरो हवणु जरुडी छे देखाडे।” 7

“ने सामळ्ळु, मे मामार आवणेवाळ्ळु छे; वारु छे हया, जे ईनी कितापेन हवणे वाळी वात माने।” 8 मे हयुत युहनुनु छे, जु जी वात सामळे, ने देखतेलु। ने जत्तार मे सामळ्ळु ने देख्यु, ती जु सरग वाळ्ळु काहवाळ्ळु मेसेक जी वात देखाडतेलु, मे तेरे पाये पडीन आंधणे करीन हीट पड्यु। 9 बाकुन मेसेक कह्यु, “देख, असु मां करे; काहाकी मे तारु ने तारा भाय अघी सी आवणे वाळी वात बताडन्या ने ईनी कितापेन वातेक मान्नेवाळान सगु पावस्यु छे, भगवानेन ने बडाय कर।” 10 अळी हयु, मारे सी कह्यु, “ईनी कितापेन हवणे वाळीन वातेक बंद मां करे; काहाकी ईनी वातेक हवणेन टेम धडेत छे। 11 जु बी कुहराय करे, हयु कुहरायत करतु रहे; ने जु सरमेन काम करे, चु सरमेन कामुत करतु रहे; ने जु धरमी छे, हयु धरमी बणीन रहे; ने जु चुखलु छे, चु चुखलु बणीन रहे।” 12 देख, मे मामार आवणेवाळ्ळु छे; ने हर एक कामेन अनसारे बदलु देणेन फळ मारे धडे छे। 13 “मे अल्फा ने ओमेगा, पेहलु ने आकरी, सुरुवात ने खत्तम छे।” 14 वारु चे छे, जे आपसा पुथल्यु धुय लेय, काहाकी तीनुक जीवनेन झाडकान धडे आवणेन हक जडसे, ने चे फाटके मायन हयून सहर मां भरायसे। 15 बाकुन कुतरा, बडवाय करन्या, छीनाळा, हत्तारा, मुरती पुजा करन्या, हर एक झुट काजे परम करने वाळा ने झुट पर चालनेवाळा बाहर रवसे। 16 “मे ईसु मारा सरग वाळा काहवाळ्या काजे असु करीन मकल्यु, की तुंदरे अगळ मंडळ्यान बारामां ईनु वातेन गवाय देय। मे दावुदेन जड ने अवल्यात, ने वीजाळान चमक्तु तारु छे।” 17 ने आत्मा, ने लाडी दुयु कहें, “आव!” ने सामळ्ळुनेवाळ्ळु बी कहें, “आव!” ने जु तीसलु हय, हयु आवे ने जु काहनुक चाहे चु जीवनेन पाणी फुकट मां लेय। 18 मे युहनुनु हर एक काजे, जु ईनी कितापेन हवणे वाळीन वाते सामळे, गवाय दम; कदी काहनुक माणुस ईनु वाते मां काहींग बडवे ती भगवान तीनु गरा काजे ज ईनी किताप मां लिखलो छे, तीनु पर बडवसे। 19 ने कदी काहनुक ईनी हवणे वाळीन कितापेन वाते मां सी नीकाळसे, ती भगवान तीना जीवनेन झाडको ने चुखलो सहर मां सी, तेरी खुलीन वात ईनी किताप मां छे, तेरु भाग नीकाळ देसे। 20 जु ईनी वातेन गवाय देय, हयु असो कहें, “हव, मे मामार आवणेवाळ्ळु छे।” आमीन। ए मालीक ईसु आव! 21 मालीक ईसुन गीण-दया चुखला माणसे साते रहे। आमीन।



अळी मे चुखला सहर नवला यरुसलेम काजे सरग सी भगवानेन धडे सी उतरतेला देख्यु. ने ह्यु तीनी लाडीन तसी हतलु, जी आपसा अदमी वाटे सींगारु करली छे। अळी मे राजगादी काहनाक मां सी काहनाक काजे उची अवाज सी असो कवता सामळ्यु, देखु, भगवानेन माणसेन ईचमां छे; ह्यु तींद्रे साते डेरा करसे, ने चे तेरा माणसे बणसे, ने भगवान आपसु तींद्रे साते रवसे; ने तींदरु भगवान रवसे।

उजेंता बुले 21:2-3

Reader's Guide

Bhilali at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

Bhilali at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aidios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Bhilali---Bhilali-Bible/Noted

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. * The note placement is skipped or adjusted for verses with non-standard numbering.

Abyssos

लुका 8:31
रोमी 10:7
उजेंता बुले 9:1
उजेंता बुले 9:2
उजेंता बुले 9:11
उजेंता बुले 11:7
उजेंता बुले 17:8
उजेंता बुले 20:1
उजेंता बुले 20:3

aidios

रोमी 1:20
यहुदा 1:6

aiōn

मत्ती 12:32
मत्ती 13:22
मत्ती 13:39
मत्ती 13:40
मत्ती 13:49
मत्ती 21:19
मत्ती 24:3
मत्ती 28:20
मरकुस 3:29
मरकुस 4:19
मरकुस 10:30
मरकुस 11:14
लुका 1:33
लुका 1:55
लुका 1:70
लुका 16:8
लुका 18:30
लुका 20:34
लुका 20:35
युहन्ना 4:14
युहन्ना 6:51
युहन्ना 6:58
युहन्ना 8:35
युहन्ना 8:51
युहन्ना 8:52
युहन्ना 9:32
युहन्ना 10:28
युहन्ना 11:26
युहन्ना 12:34
युहन्ना 13:8
युहन्ना 14:16

नेवताळा 3:21
नेवताळा 15:18
रोमी 1:25
रोमी 9:5
रोमी 11:36
रोमी 12:2
रोमी 16:27
1 कुरींथी 1:20
1 कुरींथी 2:6
1 कुरींथी 2:7
1 कुरींथी 2:8
1 कुरींथी 3:18
1 कुरींथी 8:13
1 कुरींथी 10:11
2 कुरींथी 4:4
2 कुरींथी 9:9
2 कुरींथी 11:31
गलाती 1:4
गलाती 1:5
ईफीसी 1:21
ईफीसी 2:2
ईफीसी 2:7
ईफीसी 3:9
ईफीसी 3:11
ईफीसी 3:21
ईफीसी 6:12
फिलीपी 4:20
कुलुसी 1:26
1 तीमुथी 1:17
1 तीमुथी 6:17
2 तीमुथी 4:10
2 तीमुथी 4:18
तीतुस 2:12
ईब्रानी 1:2
ईब्रानी 1:8
ईब्रानी 5:6
ईब्रानी 6:5
ईब्रानी 6:20
ईब्रानी 7:17
ईब्रानी 7:21
ईब्रानी 7:24
ईब्रानी 7:28
ईब्रानी 9:26
ईब्रानी 11:3
ईब्रानी 13:8
ईब्रानी 13:21
1 पतरस 1:23

1 पतरस 1:25
1 पतरस 4:11
1 पतरस 5:11
2 पतरस 3:18
1 युहन्ना 2:17
2 युहन्ना 1:2
यहुदा 1:13
यहुदा 1:25
उजेंता बुले 1:6
उजेंता बुले 1:18
उजेंता बुले 4:9
उजेंता बुले 4:10
उजेंता बुले 5:13
उजेंता बुले 7:12
उजेंता बुले 10:6
उजेंता बुले 11:15
उजेंता बुले 14:11
उजेंता बुले 15:7
उजेंता बुले 19:3
उजेंता बुले 20:10
उजेंता बुले 22:5

aiōnios

मत्ती 18:8
मत्ती 19:16
मत्ती 19:29
मत्ती 25:41
मत्ती 25:46
मरकुस 3:29
मरकुस 10:17
मरकुस 10:30
लुका 10:25
लुका 16:9
लुका 18:18
लुका 18:30
युहन्ना 3:15
युहन्ना 3:16
युहन्ना 3:36
युहन्ना 4:14
युहन्ना 4:36
युहन्ना 5:24
युहन्ना 5:39
युहन्ना 6:27
युहन्ना 6:40
युहन्ना 6:47
युहन्ना 6:54
युहन्ना 6:68

युहन्ना 10:28
युहन्ना 12:25
युहन्ना 12:50
युहन्ना 17:2
युहन्ना 17:3
नेवताळा 13:46
नेवताळा 13:48
रोमी 2:7
रोमी 5:21
रोमी 6:22
रोमी 6:23
रोमी 16:25
रोमी 16:26
2 कुरींथी 4:17
2 कुरींथी 4:18
2 कुरींथी 5:1
गलाती 6:8
2 थीसलुनीकी 1:9
2 थीसलुनीकी 2:16
1 तीमुथी 1:16
1 तीमुथी 6:12
1 तीमुथी 6:16
2 तीमुथी 1:9
2 तीमुथी 2:10
तीतुस 1:2
तीतुस 3:7
फीलेमोन 1:15
ईब्रानी 5:9
ईब्रानी 6:2
ईब्रानी 9:12
ईब्रानी 9:14
ईब्रानी 9:15
ईब्रानी 13:20
1 पतरस 5:10
2 पतरस 1:11
1 युहन्ना 1:2
1 युहन्ना 2:25
1 युहन्ना 3:15
1 युहन्ना 5:11
1 युहन्ना 5:13
1 युहन्ना 5:20
यहुदा 1:7
यहुदा 1:21
उजेंता बुले 14:6

eleēsē

रोमी 11:32

Geenna

मत्ती 5:22
मत्ती 5:29
मत्ती 5:30
मत्ती 10:28
मत्ती 18:9
मत्ती 23:15
मत्ती 23:33
मरकुस 9:43

मरकुस 9:45
मरकुस 9:47
लुका 12:5
याकुप 3:6

Hadēs

मत्ती 11:23
मत्ती 16:18
लुका 10:15
लुका 16:23
नेवताळा 2:27
नेवताळा 2:31
1 कुरींथी 15:55
उजेंता बुले 1:18
उजेंता बुले 6:8
उजेंता बुले 20:13
उजेंता बुले 20:14

Limnē Pyr

उजेंता बुले 19:20
उजेंता बुले 20:10
उजेंता बुले 20:14
उजेंता बुले 20:15
उजेंता बुले 21:8

Sheol

Genesis 37:35
Genesis 42:38
Genesis 44:29
Genesis 44:31
Numbers 16:30
Numbers 16:33
Deuteronomy 32:22
1 Samuel 2:6
2 Samuel 22:6
1 Kings 2:6
1 Kings 2:9
Job 7:9
Job 11:8
Job 14:13
Job 17:13
Job 17:16
Job 21:13
Job 24:19
Job 26:6
Psalms 6:5
Psalms 9:17
Psalms 16:10
Psalms 18:5
Psalms 30:3
Psalms 31:17
Psalms 49:14
Psalms 49:15
Psalms 55:15
Psalms 86:13
Psalms 88:3
Psalms 89:48


Psalms 116:3
Psalms 139:8
Psalms 141:7
Proverbs 1:12
Proverbs 5:5
Proverbs 7:27
Proverbs 9:18
Proverbs 15:11
Proverbs 15:24
Proverbs 23:14
Proverbs 27:20
Proverbs 30:16
Ecclesiastes 9:10
Song of Solomon 8:6
Isaiah 5:14
Isaiah 7:11
Isaiah 14:9
Isaiah 14:11
Isaiah 14:15
Isaiah 28:15
Isaiah 28:18
Isaiah 38:10
Isaiah 38:18
Isaiah 57:9
Ezekiel 31:15
Ezekiel 31:16
Ezekiel 31:17
Ezekiel 32:21
Ezekiel 32:27
Hosea 13:14
Amos 9:2
Jonah 2:2
Habakkuk 2:5

Tartaroō


2 पतरस 2:4

Questioned


None yet noted



जत्वार भगवान अब्राहम काजे अनजाण्णा देस भीणी जागे करीन बुलायु; ती चु, भगवान पर भुरसु करीन तेर हुकुम मानीन तीना अनजाण्णा देस भीणी चाल पड्यु, जो देस तीनाक हक मां जइने वालो हतलो, तीनाक जो नी मालुम हतलो की, चु कां जागे बाजी रयु, तेबी चु भुरसु करीन चाल पड्यु। - ईब्रानी 11:8




"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt.'" Exodus 13:17



काहकि मे माणसेन पुर्यु मारी सेवा चाकरी करइने नी आयु, बाकुन सेवा करले आयु, ने बेसका जगान जीव बचाइने करीन ने आपसा जीव हामरे वाटे देणे आवलु छे। - मरकुस 10:45

Jesus' Journeys



पोलुस भीणी सी जु ईसु मसीन पावस्यु छे, ने नेवताळु हवणे करीन बुलावळु छे, ने भावान तीना खुस-खबर वाटे नेवाड्लु छे। - रोमी 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

Jesus Christ born 4 B.C.



New Heavens and Earth



- 1956 Christ returns for his people
- 1956 Jim Elliot martyrd in Ecuador
- 1830 John Williams reaches Polynesia
- 1731 Zinzendorf leads Moravian mission
- 1614 Japanese kill 40,000 Christians
- 1572 Jesuits reach Mexico
- 1517 Martin Luther leads Reformation
- 1455 Gutenberg prints first Bible
- 1323 Franciscans reach Sumatra
- 1276 Ramon Llull trains missionaries
- 1100 Crusades tarnish the church
- 1054 The Great Schism
- 997 Adalbert martyrd in Prussia
- 864 Bulgarian Prince Boris converts
- 716 Boniface reaches Germany
- 635 Alopen reaches China
- 569 Longinus reaches Alodia / Sudan
- 432 Saint Patrick reaches Ireland
- 397 Carthage ratifies Bible Canon
- 341 Ulfilas reaches Goth / Romania
- 325 Niceae proclaims God is Trinity
- 250 Denis reaches Paris, France
- 197 Tertullian writes Christian literature
- 70 Titus destroys the Jewish Temple
- 61 Paul imprisoned in Rome, Italy
- 52 Thomas reaches Malabar, India
- 39 Peter reaches Gentile Cornelius
- 33 Holy Spirit empowers the Church

(Wikipedia, Timeline of Christian missions)

Resurrected 33 A.D.

What are we? ▶			Genesis 1:26 - 2:3		
How are we sinful? ▶			Romans 5:12-19		
Where are we? ◀			Innocence		
			Eternity Past	Creation 4004 B.C.	
Who are we? ▶	God	Father	John 10:30 God's perfect fellowship	Genesis 1:31 God's perfect fellowship with Adam in The Garden of Eden	
		Son			
		Holy Spirit			
	Mankind	Living	Genesis 1:1 No Creation No people		Genesis 1:31 No Fall No unholy Angels
		Deceased believing			
		Deceased unbelieving			
	Angels	Holy			
		Imprisoned			
		Fugitive			
		First Beast			
		False Prophet			
	Satan				
Why are we? ▶			Romans 11:25-36, Ephesian 2:7		

Mankind is created in God's image, male and female He created us

Sin entered the world through Adam and then death through sin

When are we?



Fallen				Glory
Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth
1 Timothy 6:16 Living in unapproachable light				Acts 3:21 Philippians 2:11 Revelation 20:3 God's perfectly restored fellowship with all Mankind praising Christ as Lord in the Holy City
John 8:58 Pre-incarnate	John 1:14 Incarnate	Luke 23:43 Paradise		
Psalm 139:7 Everywhere	John 14:17 Living in believers			
Ephesians 2:1-5 Serving the Savior or Satan on Earth				
Luke 16:22 Blessed in Paradise				
Luke 16:23, Revelation 20:5,13 Punished in Hades until the final judgment				
Hebrews 1:14 Serving mankind at God's command				
2 Peter 2:4, Jude 6 Imprisoned in Tartarus				Matthew 25:41 Revelation 20:10 Lake of Fire prepared for the Devil and his Angels
		Revelation 20:13 Thalaasa		
1 Peter 5:8, Revelation 12:10 Rebelling against Christ Accusing mankind		Revelation 19:20 Lake of Fire		
		Revelation 20:2 Abyss		

For God has bound all over to disobedience in order to show mercy to all

Destiny

Bhilali at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, *"the gates of Hades will not prevail,"* Matthew 16:18. Paul asks, *"Hades where is your victory?"* 1 Corinthians 15:55. John wrote, *"Hades gives up,"* Revelation 20:13.

Jesus comforts us saying, *"Do not be afraid,"* because he holds the keys to *unlock* death and Hades, Revelation 1:18. Yet too often our *Good News* sounds like a warning to *"be afraid"* because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, *"out of the frying pan, into the fire?"* Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, *"Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. *"If the first fruit is holy, so is the lump,"* Romans 11:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



Disciple All Nations

तेरेंमां तुहें जातु, ने आखी जातीन माणसे काजे चेला बणातु; ने तीवुक बास, ने पुरसु, ने चुखली-आत्मान नाव सी बपतीसमा देतु, - मत्ती 28:19

